

হাজারত মহম্মদের জীবন-চরিত

৩

মহম্মদী

LIFE AND TEACHINGS OF MOHAMMED.

শেখ আবদর রহিম প্রণীত।

দ্বিতীয় সংস্করণ

(পরিবর্দ্ধিত ও পরিবর্দ্ধিত)

سخن از بهر دین گوئی چه عبرانی چه سریانی
مکان کز بهر حق جوئی چه جابلقا چه جابلسا

“ধর্মের কথা হিঁক ভাষায় বল, আর সিংহান ভাষাই বল অথবা
সন্তানসন্তান জাবলকা মেনে কর, আর জাবলসা বেশই কর,
শান্তে ধর্মের বা সন্তোর কোন তারতমা হয় না।”

কলিকাতা

১১নং অগার চিংপুর-রোড হটতে

শ্রীগিরিশচন্দ্র চন্দ্র কর্তৃক

প্রকাশিত।

১৯১০ খ্রীষ্টাব্দ।

All Rights Reserved.]

[মূল্য তিন টাকা মাত্র।

প্রিন্টার—শ্রী আশুতোষ বন্দ্যোপাধ্যায় ।

মেট্রিকাল্ প্রিন্টিং ওয়ার্কস্,

৩৪ নং মেছুয়াবাজার ষ্ট্রীট, কলিকাতা ।

উৎসর্গপত্র ।



যিনি এই দুর্দিনে অধঃপতিত মুসলমান সমাজের
উন্নতিকল্পে অগাধ পরিশ্রম ও অজস্র অর্থব্যয়
করিতেছেন, সেই স্বজাতিবৎসল, স্বধর্ম্মানু-
রাগী, বিদ্রোহসাতী ও সমাজগতপ্রাণ

অনারেবল

মিঃ গোলাম হোসেন কাসেম আরিফ


সাহেবের পবিত্র করকমলে ভক্তি


ও শ্রদ্ধার দান চিহ্ন স্বরূপ

এই গ্রন্থখানি উৎসর্গীত

হইল ।

গ্রন্থকার ।





প্রথমবারের বিজ্ঞাপন।

যিনি সত্য ও সনাতন ধর্ম প্রচারের নিমিত্ত অবনীমণ্ডলে অবতীর্ণ হইয়া অসাধারণ অধাবসায় বলে ও কঠোর সাধনে শত সহস্র বাধা বিঘ্ন অতিক্রম করতঃ স্বীয় মহান্বিত উদ্‌ঘাপন করিয়াছিলেন; তাঁহার পবিত্র ধর্মের তেজে মহাধাণের ভ্রম ও কুসংস্কার ভস্মীভূত হইয়া একেশ্বরোপাসনাব নিয়ম বিধিবদ্ধ হইয়াছে, সেই মহাত্মা তজ্জরত মহান্বদের পবিত্র জীবন চ'রত, আমি কলিকাতা ডভ'টন ও সেন্টজেভিয়ার্স কলেজবয়েব সুযোগে আরবা ও পারশ্রাদ্যাপক মৌলবী মেয়ান-বাজ উদ্দিন আহমদ সাহেবেব সাহায্যে ভারিখল-খামিস্, তারিখ-এবনে-শেখাম, সেকান্দ্রে কাজী-আয়াজ, মান্নারেজমবুয়ত, বওয়তল-আহবাব, মাহাবেজমবুয়ত, মাগাজমব-রশুল জাজবল-কলুও, এজলা-তল-আওঠাম প্রভৃতি প্রসিদ্ধ পসিদ্ধ আরবী ও ফারসী গ্রন্থাবলম্বনে বিস্তৃত বঙ্গভাষায় সহজলনপূর্বক জনসমাজে প্রচার করিলাম। আর তজ্জরত মহান্বদের জীবনী ও ধর্মনীতি সম্বন্ধে প্রধান প্রধান ইংরেপীয় গ্রন্থকারগণ যাহা বাধা লিখিয়াছেন, তাঁহাদেব সেই সকল গন্থ তহ'লে আবশ্রুক বোধে নানা অংশ অনুবাদ করিয়া দিলাম। অধিকন্তু বিজবব মৌলবী সৈয়দ আমির আলি সাহেব প্রভৃতি মহোদয়গণের গ্রন্থ তহ'তে জ'তবা বিষয়গুলি অনুবাদ করিয়া দিলাম। তহ'লে তজ্জরত নোহ আলারহেচ্ছালামের (নোয়ার) সময় হইতে আরবদেশের প্রাচীন ইতিব'ব এবং তত্রতা আধুনিক অবতা বিশদরূপে বিবিত করি'লে প্রয়াস পাউয়াছি। তিজরীর প্রথম অঙ্ক তহ'তে প্রত্যেক বৎসরের ঘটনাবলী এক একটা সতন্ত্র স্বতন্ত্র পরিচ্ছেদে নিয়মিতরূপে লিপিয়াছি। প্রত্যেক ঘটনা সম্বন্ধে কোরাণ শরীফের যে যে আয়েত অবতীর্ণ (নাঞ্জন) হইয়াছিল, তাহার প্রকৃত অনুবাদ যথাগানে সন্নিবেশিত করিয়াছি; কিন্তু কোরাণ শরীফের আয়েতগুলি বঙ্গভাষায় অনুবাদ করা কতদূর ত্রুটি কার্য, তাহা সকলে অবগত আছেন এবং আমিও তাহাতে সম্যকরূপে কৃতকাণ্য হইয়াছি, একপ ভরসা করিতে পারি না। কোন ঘটনা

সম্বন্ধে কিছুমাত্র সন্দেহ হইলে বিভিন্ন হাদিসের বিভিন্ন মত উদ্ধৃত
করিয়া দিয়াছি। পুস্তকেব পরিপুষ্টে হজরত মহম্মদের আবর্তাব
হইবার ভবিষ্যদ্বাণী তওরাত (Old Testament) ও ইঞ্জিলে (New
Testament) যাহা যাহা উল্লিখিত হইয়াছে, তাহার অনুবাদ
করিয়া দিয়াছি, আর উক্ত ভবিষ্যদ্বাণী সম্বন্ধে মুসান্নী ও ঈযানী-
গণের ভ্রম দৃষ্টিপূর্বক প্রদর্শন করিয়াছি এবং ইহাতে শেষ ধর্ম প্রচারকের
অবর্তাবের বিষয় মুসান্নী ও ঈযানীগণ কিক্রমে কুসংস্কারাবিষ্ট হইয়া
আছেন, তাহা সকলে বুঝিতে পারিবেন। ধর্ম্মনাতি সম্বন্ধে যাহা যাহা
জানিবার আবশ্যিক, তাহাই লিখিয়াছি। কোবান শারফ সম্বন্ধে একটা
প্রবন্ধ অতিরিক্ত যত্নে সংকলিত লিখিয়াছি।

ইতিপূর্বে বঙ্গভাষায় হজরত মহম্মদের যে কল্পখানি জীবনী
বাহির হইয়াছে, তাহা প্রায় সমস্তই অসম্পূর্ণ, বিশেষতঃ ঐ সকল
পুস্তক ইংরাজী গ্রন্থাবলীতে লিখিত বালিয়া কোন কোন বিষয় মুসল-
মানদিগের উপযোগী হয় নাহ। হজরত মহম্মদ তরবার বলে স্বীয়
ধর্ম্ম প্রচার করিয়াছেন বালিয়া ভিন্ন ধর্ম্মাবলম্বীগণ তাঁহার নামে যে বৃথা
দোষারোপ করিয়া থাকেন, এই পুস্তক পাঠ করিলে তাহা কতদূর
সত্য, সকলেই সহজে বুঝিতে পারিবেন।

আমি এই গ্রন্থ সম্পূর্ণ করবার জন্য যত্ন করিতে কিছুমাত্র ক্রটি
করি নাই, কিন্তু কতদূর কৃতকায্য হইয়াছে, তাহা সন্দেহ ও স্তম্ভিত
পাঠকগণ বিচার করিবেন যদি আম হাতে কিছুমাত্র কৃতকায্য হইয়া
থাক, তাহা হইলে আপনাকে কৃতার্থমগ্ন বোধ করিব।

পরিশেষে পাঠকবর্গকে জানাইতেছি যে কলিকাতা মাদ্রাসা
কলেজের বিজ্ঞবর মোলবী সাহেবগণ আর অগ্ৰা মাদ্রাসার মোলবী
সাহেবগণ এই পুস্তক সম্বন্ধে উর্দু ভাষাতে যে অন্তিমত প্রকাশ করিয়াছেন,
তাহা পাঠকবর্গের অবগতির জন্য বখাশ্বীনে মুদ্রিত হইল। * *

মহম্মদপুর, বাসিরচাঁট,

১২৯৪ সাল, ফাঙ্কন।

}

লেখ আবদুর রহিম।

کلیکاتا مাদراساں آلیار دلیئ مءاررےس مائلل
 آابءر رلل مائل و ءلئ مءاررےس مائلل
 مائل ءمائل مائل ءل لالل
 آائلارل مائل مائل
 مائل آابل مائل مائل
 آللل

بسم اللہ الرحمن الرحیم *

اس آابل لل اللل

مولف لل ءالل لللل آابل اور آرسل لل اور اللل
 صل الل الل و سلم لل آو سل آالللل (معجزات و
 عزوات و لللل الللل آابل آابل سے آلل اور آلل
 لل اور ان سل آو آالل اور اللل آابل آابل
 اور موجب سعال آو اللل - آالل آالل آل آالل سل
 مسلمانون آو آوآل آل آل ان سل آابل آابل آو آل
 آل سے آالل اور آلللل صل الل الل و الل و سلم اور آالل
 الللل آلل الللل آلل الللل آالل اور آالل آلل
 آلل آل آل آلل و آلل آو آلل آلل اور آلل
 آلل آلل آلل آلل اور آلل آلل آلل آلل
 الل الل و سلم آلل *

آلل آلل آلل

آلل آلل آلل آلل آلل

یہ کتاب بہت صحیح اور درست ہی اور جو کچھ حالات حضرت صلی اللہ علیہ و آلہ و سلم کے من قبیل معجزات اور خوارق عادات و غبرات و غیرہا کے اس کتاب میں مذکور ہیں سب موافق کذب معتبرہ اہل سنت و جماعت کے ہیں *

محکم اسماعیل صلی علیہ

مدرس سوم مدرسہ عائذہ الملکتہ

واضح ہو کہ یہ کتاب ہدایت القلوب حضرت رسول مکرم صلی اللہ علیہ و آلہ و سلم کے احوال شریف میں بروایت صحیح و عدلت فصیح زبان بنگلہ میں لکھی گئی ہے۔ میں نے مضمون مندرجہ کتاب کو سہارا از اندازہا سنا ہی اور اس امر کے اظہار کرنے میں مجھ کو بڑی مسرت ہی کہ مصنف نے تحقیق روایات اور تفہیم واقعات و بشارات اور تصریح حالات میں ایسی کوشش کی ہے جس سے نہ صرف رونق تصنیف ہی بلکہ مصنف کی ہمت قابل تعریف ہے۔ سوانح عمری حذاب رسالت مآب راست راست کے کم و کاست لکھا ہے۔ عرب کی حالات اور اسکی اخلاقی و معاشی و سیاسی و دینی و دنیوی ترقیوں کا صحیح نقشہ کھینچا ہے گو میں یہ نہیں کہتا کہ یہ کتاب اس طرز میں نو ایجاد ہی پرہان زبان بنگلہ میں نو تصنیف اور الیق دان ہے۔ یہ کتاب مسلمانان بنگالہ کو عموماً اور ایسے مسلمانوں کو خصوصاً جو صرف زبان بنگلہ جانتے ہیں نہایت مفید ہوگی *

ابو طاہر

سابق مدرس اول مدرسہ انوریہ ڈالینگ حوالی ملکٹہ

দ্বিতীয় সংস্করণের বিজ্ঞাপন ।



আজ পায় ২৫ বৎসর হইল, এই গ্রন্থখানি প্রথমবার মুদ্রিত হইয়া প্রকাশিত হইয়াছিল । তৎকালে বঙ্গদেশের মুসলমানদিগের মধ্যে বর্তমান সময়ের ন্যায় 'বঙ্গ বঙ্গভাষার প্রচলন ছিল না' । তথাপিও সেই সময়ে বঙ্গীয় হিন্দু ও মুসলমান ভ্রাতৃগণের নিকট ইহা সাদরে গৃহীত হইয়াছিল এবং খৃষ্টান পাঠীগণও ইহা অতি আগ্রহের সঁচত পাঠ করিয়াছিলেন । “ছত্রত মহম্মদের একুশ সম্পূর্ণ জীবনচরিত বঙ্গভাষায় এই পথম প্রকাশিত হইয়াছে” বলিয়া কলিকাতা গেজেটে সমালোচিত হইয়াছিল । তাহা পাঠ করিয়া লঙনেব এমিয়াটিক সোসাইটীর কতৃপক্ষগণ ইহার কয়েক খণ্ড ক্রয় করিয়া লইয়াছিলেন । তৎকালীন বঙ্গের পশ্চিম পৌর ও মোরশের মরহুম মগদুর মোলানা হাফেজ আহমদ জোনপুরা সাহেব ইহা পাঠ করিয়া পরম সন্তুষ্টি হইয়া বঙ্গীয় মুসলমান ভ্রাতৃগণকে এই পুস্তকখানি পাঠ করিবার জন্য অনুরোধ করিয়াছিলেন এবং বঙ্গদেশীয় হিন্দু ও মুসলমান বাজা, মহারাজা, নবাব ও জামদার সাহেবগণের নিকটেও ইহা সাদরে গৃহীত হইয়াছিল ।

এতাবৎকাল পর্যন্ত ইহার 'দ্বিতীয় সংস্করণ বাহির না হইবার কারণ এই যে, সেই সময়ে সুধাকর নামক সাপ্তাহিক সংবাদপত্রখানি বাহির হয়, তাহার পরিচালন কার্যে লিপ্ত থাকায় আমি ইহার দ্বিতীয় সংস্করণ বাহির করিবার অবসর পাঠ নাই । যদিও সময়ে সময়ে ইহা বাহির করিবার চেষ্টা করিয়াছিলাম, তথাপিও তাহা কিছুতেই কার্যে পরিণত করিয়া উঠিতে পারি নাই ।

তৎপরে সুধাকর বন্ধ হইয়া গেলে, মোসলেম হিতৈষীর জন্মদান ও পরিচালন জন্য ৪ বৎসর কাল বিব্রত ছিলাম । এখন খোদার ফজলে

একটু অবসর পাইয়াছি, তাই ইহার দ্বিতীয় সংস্করণ বাহির করিতে সক্ষম হইলাম। এই সুদীর্ঘকালের মধ্যে এই পুস্তকখানি অবলম্বনে বা অবিকল নকল কারিয়া কেহ কেহ হজরতের জীবনী সম্বন্ধে ২।১ খানি পুস্তক বাহির করিয়াছেন দেখিয়া কতিপয় সমাজচিত্তবী বন্ধু আমাকে ইহার দ্বিতীয় সংস্করণ বাহির করিবার বিষয় অনুরোধ করেন। আমি এই সংস্করণে হজরতের জীবনসম্বন্ধে কতকগুলি অপ্রাপ্ত ক্রান্ত বা বিষয় সংযোজিত করিব বলিয়া তাঁহাদিগকে প্রবোধ দিয়া আসিতেছিলাম। কিন্তু সময়ের অভাবে অভিলষিত বিষয়গুলি সংগ্রহ করিতে বলম্ব হইতে লাগিল। তখন আমার চিন্তাতাকাক্ষা অকৃত্রিম বন্ধু নদীম আলমানে হতেফাকে এস লামের সুযোগে সেকোটো মৌলবী মৈয়দ আবদুল কদুস ক্রমী সাহেব কবিবর মুনসা মোজাম্মেল হক সাহেব, কলিকাতা চাঁদনী বাজারের মুনসী বাকাউল্লা মল্লিক সাহেব পত্রিক বন্ধুবন্ধবগণ আমাকে এই গ্রন্থখানি যতদূর পরিদ্রষ্ট ও পরিবর্ধিত হইয়াছে, তাহাষ্ট মূদ্রিত করিবার জন্য অনুরোধ করেন। আমি তাঁহাদের অনুরোধে ইহার মূদ্রাকাল পরিত্যক্ত হই, অধিকন্তু বন্ধুবর কবিবর সাহেব পুস্তকখানি আলোপাশ সংশোধন করিয়া দিয়াছেন এবং ভেলেখা প্রণেতা বন্ধুর মুনসা আবদুল লতিফ সাহেব ইহার স্থানে স্থানে কতকগুলি নূতন নূতন বিষয় সংযোজিত করিয়া দিয়াছেন, তজ্জন্ত আমি তাঁহাদের নিকট চিবকৃতজ্ঞতাপাশে আবদ্ধ রহিলাম।

এই সংস্করণে রাষ্টট অনাবেরুল মৈয়দ আমির আলি সাহেব প্রণীত "স্পিরীট অফ ইসলাম", মৌলবী নওয়াজ আলি এম এ প্রণীত "তারিখে মোস্তফা" ও মৌলবী চেরাগ আলি সাহেব প্রণীত "জেহাদ" প্রভৃতি পুস্তকের সাহায্য লওয়া হইয়াছে।

নিম্নলিখিত বিষয়গুলি এবার ইচ্ছাতে সন্নিবেশিত করা হইয়াছে, যথা—জবিহ সম্বন্ধে মীমাংসা, হজরত এরাহিমের দোওয়া, আদর্শ মচাপুরুষ,

খোদাতালার অস্তিত্ব, অহির প্রমাণালোচনা, অহি সম্বন্ধে বৈজ্ঞানিক সমালোচনা, তুজরতের যুদ্ধালোচনা, ইসলাম যে তরবারিবলে প্রচারিত হয় নাই তাহার প্রমাণ ও সাক্ষ্য, সমাজ সংস্কার, ইসলামে দ্বীলোকদিগের অবস্থা প্রভৃতি। কাবা, হেরা গিরিগুহা, মদিনার মসজিদ, কোবার মসজিদ ও এসকেলিয়ায় খৃষ্টান শাসনকর্তা মকুকাসের নিকট তুজরতের চিঠির ফটোগ্রাফ এষ্ট পাচখানি চিত্র এবং তুজরতের সময়ে আরবদেশের মানচিত্র ও তুজরতের বংশাবলীর তালিকা সাম্মবোধিত করা হইয়াছে।

পনিশেষে আমি কৃতজ্ঞতার সচিত্ত প্রকাশ করিতেছি যে, এবার এই গ্রন্থ প্রকাশের জন্য জলপাইগুড়ির স্বনামধন্য পরলোকগত খান বাহাদুর মুনসা রহিম বকস সাহেবের উপযুক্ত দানশীলা ধর্মপরায়ণা কন্যা শ্রীমতী শিমলেশা সাহেবা, বগুড়ার নবাব সৈয়দ আবদস গোবহান চৌধুরী, রেসুনের জমিদার মুনসী আবদর রহমান সাহেব ও মুনসী বাকা উল্লা মলিক সাহেব প্রভৃতি মহোদয় ও মহোদয়গণ আমাকে যথোপযুক্ত অর্থ সাহায্য পদান করিয়াছেন।

কলিকাতা,

১৩২০ সাল, জ্যৈষ্ঠ।

আবদর রহিম।

পুস্তক সম্বন্ধে অভিযত ।



নদীয়া আগমনে এতেফাকে এসলামের সুযোগা সেক্রেটারী, ডিষ্ট্রিক্ট বোর্ডের মেম্বর ও সুপ্রসিদ্ধ বক্তা হাজিউল-হারামায়েনেশ্ শারিকায়েন মোলবী সৈয়দ আবদুল কদ্দুস রুমী সাহেবের অভিযত ।

আমি মুন্সী শেখ আবদুর রহিম সাহেব কৃত হজরত মহম্মদের (দং) জীবন চরিত (হজরত মহম্মদ রসূলে করিমের জীবনী) ও ধর্মনীতি গ্রন্থ-খানির প্রথম সংস্করণ পাঠ করিয়াছি এবং এখন উহার দ্বিতীয় সংস্করণও পাঠ করিলাম । আরবা, ফার্সি ও উর্দু ভাষায় হজরতের বহু জীবনী প্রকাশিত হইয়াছে, কিন্তু বাঙ্গলা ভাষায় নিতুল নিখুত জীবনী বহুল পরিমাণে প্রকাশ হওর একান্ত আবশ্যিক । এ পর্য্যন্ত হজরতের যে কয়েক-খানি জীবনী বাহির হইয়াছে, তাহাদের মধ্যে অধিকাংশই মোলুদ শরিফের কল্পিতগল্প এবং মোজু ও জইফ হাদিসের অনুবাদ আর কতকগুলি হিন্দু ও ইউরোপীয় গ্রন্থকারগণের লিখিত জীবনী অবলম্বনে সংকলিত । সেই সকল গ্রন্থপাঠে ধর্ম ও নীতিশিক্ষা হওর দূরে থাকুক, বরং তাহাতে বেদান্তি শোরকী, নেচারী ও কুফরি ভাবাপন্ন হইতে হয়, কিন্তু শেখ সাহেবের প্রণীত জীবনী সে সমুদয় দোষ বর্জিত । ইহা পাঠে জানা যায় যে, ইহা সংকলন করিতে বাটরা অনেক বিদ্বানের (আল্লামার) সহায়তা এবং প্রাচীন বিশ্বাসযোগ্য গ্রন্থ সকলের সাহায্য লভিতে হইয়াছে । আমি আশা করি, পতোক বহুভাষাভিঙ্গ মুসলমান নরনারী মহাত্মা রসূলে করিমের (দং) ত ক্রটিহীনরূপ এই মহারত্ব খানি নিজের নিকটে রাখেন এবং ধর্মনীতি শিক্ষা ও সওরাব হাসেল মানসে দৈনিক পাঠ (অজিকা) করেন ।

খাকছার,

আবদুল কদ্দুস ।

কোমলাপুর, জানিপুর, নদীয়া,

২৫।১।১৩২০ সাল ।

সূচিপত্র ।

অবতরণিকা...	১০
সূচনা...	১

প্রথম পরিচ্ছেদ ।

আরব দেশের বর্তমান অবস্থা, ৩ ; মাদিনা ও মক্কার বর্তমান অবস্থা, ৬ ; আরবদেশের অধিবাসিগণের আদিম বিবরণ, ১৬ ; আরাবল বায়েনা অর্থাৎ মক্কাভূমির ভ্রমণশীল আরব জাতি, ১৬, আরাবল আরেবা অর্থাৎ আদিম আরব জাতি, ২০ ; আরাবল মাহতাবেবা ২৩ ; বনি ইস্মাইল (ইস্মাইলের বংশ), হজরত এব্রাহিমের জন্ম, নমস্কদের কথা, হজরত এব্রাহিমের একেশ্বরবাদ প্রচার, বিবি সারা ও হাজেরার সহিত মর্ত্যাকার বিবাহ, বিবি হাজেরার গর্ভে হজরত ইস্মাইলের জন্ম, বিবি হাজেরা ও ইস্মাইলের কায় নিৰ্গাসন, আবু ওমরামের উৎপত্তি, মক্কা নগরের উৎপত্তি, বিবি সারার গর্ভে হজরত ইসহাকের জন্ম, হজরত ইস্মাইলের সহিত বনি আরাম বংশীয় একটি কুমারীর বিবাহ, কাবা নিৰ্মাণ, হজরত ইস্মাইলের কোরবানীর বিবরণ । জবিহ সম্বন্ধে মতভেদ ও মীমাংসা, ৩১ ; কোরবানীর উদ্দেশ্য, ৪১ ; হজরত ইস্মাইলের পুত্রগণ, ৪৩ ; বনি কতুরা, ৪৪ ; বনি আদ্রম (আদ্রমের বংশ), ৪৬ ; বনি নহর (নহরের বংশ), ৪৬ ; বনি হারাম, ৪৬ ; ইনলামদম্ম আবির্ভাব হইবার পূর্বে আরবদিগের আচার-ব্যবহার ৪৬ ; হজরত মহম্মদের আবির্ভাব হইবার পূর্বে আরবদিগের অবস্থা, ৫৫ ; মহাদ্বা এব্রাহিমের বংশ, ৫৬ ; উতনী বংশ, ৫৬, পৃষ্টেবম্ম ৫৬ ; কাবা, হাজ্জারোল আসোসয়ান ও ওমরাম মূলের বিবরণ ৫৭ ; কাবার কঙ্কত্বতার ৬০ ; আবরাহার মক্কা আক্রমণ ৬১ ; আলিমতাগা হুবা ৬৩ ; হজরত মহম্মদের বংশাবলী ৬৪ ।

দ্বিতীয় পরিচ্ছেদ ।

হজরত এব্রাহিমের দোওয়া (প্রার্থনা) ৬১ ; হজরত মহম্মদের জন্ম, খাতীপূহে প্রতিপালন ও বক্ষঃ বিদারণ, ৬২ ; আমেনা কাতুর ও আবদল মোস্তালেবের মৃত্যু, ৭২ ; মহাদ্বা আবু তালেব কঙ্ক কুমারের লালনপালন, ৮১ ; মহাদ্বা আবু তালেবের সহিত হজরত মহম্মদের সুরিগায় গমন, ৮৩ ; হজরত মহম্মদের বালুকালে আরবের ধর্মনীতি ও সমাজনীতি, ৮২ ; দোবেজ্জা বিবির কস্মচারা পদে নিযুক্ত হইয়া হজরত মহম্মদের সুরিগা যাত্রা ও তাঁহার সহিত বিবাহ, ৯২ ; আদম মহাপুরুষ, ১০৮ ; হজরত মহম্মদের মনসুঠান ও সংকশাবলী ১১০ ; কোরেশদিগের সহকারিতা ১৩১ ; কাবার পুনর্নির্মাণকাহা ও

কোরেশনের বিধান ভঙ্গন, ১১৩; দুর্ভিক্ষে পরাজিতা, ১১৬; ক্রীতদাসদের প্রতি অনুগ্রহ, ১১৭; আল আমিন (বিধানী), ১১৮; হজরতের পঞ্চত্রিংশ বৎসর বরজ্জমত কালের ঘটনা, ১১৯।

তৃতীয় পরিচ্ছেদ।

হজরত মহম্মদের প্রত্যাদেশ (অহি) শ্রবণ ১২০; হেরা গিরিগুহা, ১২২; তথা-একরা সুরা অবতীর্ণ ১২৩।

চতুর্থ পরিচ্ছেদ।

দৈববাণীর প্রমাণ আলোচনা, ১৩৩; মিঃ গিবন ১৪০। দৈববাণীর প্রতি অনাহার কারণ, ১৪১; বৈজ্ঞানিক সমালোচনা ১৪২; রুডিৎ বার্জানক, ১৪৫; টেলিফোন, ১৪৬; গ্রামোফোন, ১৪৭; বোম্বাভাণ্ডারের অস্তিত্ব, ১৪৮; বিজ্ঞানের অসম্পূর্ণতা, ১৪৮ সৌর জগৎ, ১৪৯; সূর্য্য, ১৫০; চন্দ্র, ১৫২; মঙ্গল গ্রহ, ১৫৪; বুধ, ১৫৬; বৃহস্পতি, ১৫৭; শুক্র, ১৫৭; ইউরেনাস, ১৫৮; নেপচুন, ১৫৮; উপগ্রহ, ১৫৯, কুজগ্রহ ১৫৯; বক্র, ১৬০; ধূমকেতু, ১৬১।

পঞ্চম পরিচ্ছেদ।

ধর্মপ্রচার, ১৬৪; হজরত মহম্মদের প্রতি কোরেশদের অত্যাচার, ১৬৯; আবু তালেবের নিকট হজরতের বিরুদ্ধে কোরেশদের অভিযোগ, ১৭৬, হজরত তামজার ইসলাম গ্রহণ, ১৮৪; হজরত ওমরের ইসলাম ধর্মগ্রহণ, ১৮৬; মুসলমানদের আফ্রিকার প্রস্থান ও তাঁহাদের প্রতি কাফ্রিপতি নাজ্জাসীর ব্যবহার, ১৯২, কোরেশদের পুনরত্যাচার, ১৯৭; আবু তালেব ও খাদেজা দ্বিবিধ পরলোকপ্রাপ্তি, ২০৫; বিবি আরেশা ও বিবি সওদার সচিত্র হজরত মহম্মদের বিবাহ, ২০৯; হজরত মহম্মদের প্রতি কোরেশদের অত্যাচার, ২১০; কাজিযোগে হজরত মহম্মদের মক্কা হইতে বরতল মোকাবেলায় গমন এবং স্বর্গারোহণ, ২১৬; হজরত আবু বকরের সিদ্ধিক উপাধি ২১৯, কয়েকজন তীর্থযাত্রী মদিনাবাসীর ইসলাম ধর্ম গ্রহণ এবং মদিনায় আসা এবং ধর্মপ্রচার, ২২০; হজরত মহম্মদের সহিত মদিনাবাসীদের অকাবা পর্বতোপরি অঙ্গীকার, ২২৩; হজরত মহম্মদের শিবাগণের মদিনায় প্রস্থান, ২২৭; হজরত মহম্মদের মদিনায় প্রস্থান, ২৩০ কোরাণ শরীফে কোরেশদের অত্যাচার ও উৎপীড়নের কথা, ২৩৫।

ষষ্ঠ পরিচ্ছেদ।

প্রথম হিজরীর ঘটনাবলী।

হজরতের কোবার প্রবেশ ও মসজিদ নির্মাণ, ২৪০; হজরতের মদিনায় প্রবেশ,

২৪৪ ; হজরতের আবু আবুবেহর গৃহে অবস্থান, ২৪৬ ; হজরতের মদিনার মসজিদ ও হাসপাতাল নির্মাণ, ২৪৭ ; হজরত মহম্মদ ও হজরত আবু বকরের পরিবারগণের মদিনার আগমন, ২৪৭ ; সালার পুত্র আবদুল্লা নামক ইহুদীর ইসলামধর্ম গ্রহণ, ২৪৭ ; আনসারগণের সহিত মহাজিরগণের বন্ধুত্ব সংস্থাপন, ২৪৭ ; উহুদীদিগের সহিত কথোপকথন, ২৪৮ ; আজানের প্রত্যাহার, ২৪৮, মদিনার মুসলমানগণের প্রতি কোরেশগণের অভিযাত্রা, ২৪৮, সোলেমান ফারুকের ইসলামধর্ম গ্রহণ, ২৪৯।

সপ্তম পরিচ্ছেদ ।

দ্বিতীয় হিজরীর ঘটনাবলী ।

ফেল্লা পরিবর্তন, ২৬৫ ; হজরত আলির সহিত ফাতেমা বিবির বিবাহ, ২৬৭ ; বিপক্ষ কোরেশদিগের তত্ত্ব হইতে মুসলমানদিগের ধন সম্পত্তি ও আত্মরক্ষাকরণ ২৬৭ ; বদরের যুদ্ধ, ২৭০ ; বদর যুদ্ধ সম্বন্ধে কোরান শরীফের আয়েতসমূহ ২৭৬ ; বদরের যুদ্ধের বন্দীগণের অবস্থা, ২৮০ ; বদরের যুদ্ধের জরুলক জখাদি বিভাগ, ২৮২ ; রাবির পুত্র আবিগ আসের যুদ্ধ ও জয়নাব পাতনের মদিনার আগমন, ২৮৪ ; সাত্তিকের যুদ্ধ, ২৮৬ ; ব'ন কিকার যুদ্ধ, ২৮৮ ; মারওয়ানের কস্তা আসমা ও আবু এক্কের গুলু হত্যার বিষয়, ২৯০।

অষ্টম পরিচ্ছেদ ।

তৃতীয় হিজরীর ঘটনাবলী ।

কারকারাতোল কদর ও নেজদের যুদ্ধ, ২৯১ ; আলরাফর পুত্র কারাবের গুলুহত্যার বিষয়, ২৯৩ ; ওসমানের সহিত হজরত মহম্মদের কস্তা ওম্মে কুলসুমের বিবাহ, ২৯৩ ; হজরত ওমরের কস্তা বিবি হাকিমার সহিত হজরত মহম্মদের বিবাহ, ২৯৪ ; খোজারমার কস্তা বিবি জয়নাবের সহিত হজরত মহম্মদের বিবাহ, ২৯৫ ; হজরত হামানের জন্ম, ২৯৫ ; ওহোদের যুদ্ধ, ২৯৬ ; হামরাবল আসাদে কোরেশদিগের সম্মুখীন হইবার সম্বন্ধে হজরত মহম্মদের শিবাগণ সহ গমন, ৩০৮।

নবম পরিচ্ছেদ ।

চতুর্থ হিজরীর ঘটনাবলী ।

নজির যুদ্ধ ৩১২ ; খালেদের পুত্র মোকিরানের হত্যা, ৩১৬ ; বনি আসাদ দলক ইহুদীগণের সহিত যুদ্ধ, ৩১৬ ; বীর মউনার যুদ্ধ, ৩১৭ ; বনি নজির দলক ইহুদীদিগের সহিত যুদ্ধ, ৩২০ ; বদরের 'দ্বিতীয় যুদ্ধ ; ৩২৬ ; সাবোতের পুত্র জরদের হিত্রতা বা শিকার বিষয়, ৩২৯ ; চোরের দল, ৩৩০ ; মদ্যপান নিষিদ্ধ হইবার আদেশ, ৩৩১।

দশম পরিচ্ছেদ ।

পঞ্চম হিজরীর ঘটনাবলী ।

বিবি জয়নাবের সহিত হজরত মহম্মদের বিবাহ, ৩৩৫ ; বনি মোস্তালিকের বিরুদ্ধে যুদ্ধযাত্রা, ৩৩৭ ; তৈয়ম্মের আয়েত অবতীর্ণ হইবার কারণ ; ৩৪১ ; বিবি আয়েশার কলঙ্ক ভঞ্জন, ৩৪২ ; পার্শ্বার যুদ্ধ, ৩৪৬ ; বনি কোরাযজার যুদ্ধ, ৩৫৫ ; ছমতল জন্মলোক যুদ্ধ, ৩৫৯ ; বসুন্ধের (চন্দ্রগ্রহণ কালীন) নামাজ, ৩৬০ ।

একাদশ পরিচ্ছেদ ।

ষষ্ঠ হিজরীর ঘটনাবলী ।

জাতোরোকার যুদ্ধ, ৩৬১ ; বনি লাহিয়ান যুদ্ধ, ৩৬২ ; এসুতসুকার (জল প্রার্থনার) বিবরণ, ৩৬২ ; হোদায়্যাবয়ার মর্কি, ৩৬২ ; বসুপ্রচারার্থ বিস্তৃত স্থানের সূপতিগণের নিকা হজরত মহম্মদের দূত প্রেরণ, ৩৭২ ; আবিগিনার রাজা নাজ্জাসীর নিকট হজরতের দূত প্রেরণ, ৩৭৩ ; ওম্ম হানিবার সহিত হজরতের বিবাহ, ২৭৪ ; সম্রাট হেরকেনেল নিকট হজরত মহম্মদের দূত প্রেরণ, ৩৭৫ ; পারস্ত সম্রাট খসরুর নিকট দূত প্রেরণ, ৩৮০ ; এসুকেন্দারয়ার শাসনকর্তার নিকট হজরতের দূত প্রেরণ, ৩৮৬ ; বস্রার শাসনকর্তার নিকট দূত প্রেরণ, ৩৯০ ; এসামার শাসনকর্তার নিকট দূত প্রেরণ, ৩৯১ ।

দ্বাদশ পরিচ্ছেদ ।

সপ্তম হিজরীর ঘটনাবলী ।

বারবারের যুদ্ধ, ৩৯২ ; হজরত মহম্মদের বিবপান, ৩৯৯ ; বিবি সোফিয়ার সহিত হজরতের বিবাহ, ৪০০ ; গরুতমাংস ভক্ষণ নিবেদ্যাজা, ৪০০ ; ওমরাঠল কাজা, ৪০১ ; বস্রার শাসনকর্তা জাখালার নিকট দূত প্রেরণ, ৪০৩ ; আশ্মানের শাসনকর্তার নিকট দূত প্রেরণ, ৪০৩ ।

ত্রয়োদশ পরিচ্ছেদ ।

অষ্টম হিজরীর ঘটনাবলী ।

বহাবীর খালেদের ইসগামবন্দ্য গ্রহণ ৪০৫, আমর ও ওসমানের ইসলামধর্ম গ্রহণ ৪০৭, মুতার যুদ্ধ ৪০৮, জাতোন নালাসেলের যুদ্ধ ৪১১, মকা বিজয় ৪১৩, হোনেনের যুদ্ধ ৪২৩, মেবর (বেদি) নিশ্চয় ৪৩৭, হজরত মহম্মদের নিকট আবদুল কায়েস কোসাইর দূত প্রেরণ ৪৩৮ ।

চতুর্দশ পরিচ্ছেদ ।

নবম হিজরীর ঘটনাবলী ।

বনি উম্মিহ দলহ লোকপণের ইনলান ধর্মগ্রহণ ৪৪০, বনি মোস্তালিক দলের নিকট

আকাৎ সংগ্রহার্থ লোক প্রেরণ—৪৪২, জোহরের পুত্র কারাবের ইসলাম ধর্মগ্রহণ ৪৪৪, তবুকের যুদ্ধ ৪৪৫, বনি হেলাল দলস্থ লোকগণের ইসলামধর্ম গ্রহণ ৪৫০, আব্দুল্লা-বেন-ওবাই-সোলুল ও নাছাসীর মৃত্যু ৪৫২, হজরত আবু বকরের হজরত উদযাপনার্থ মকায় গমন, ৪৫৩।

পঞ্চদশ পরিচ্ছেদ।

দশম হিজরীর ঘটনাবলী।

বনি হারেম ও বনি কাআব দলস্থ লোকগণের ইসলামধর্ম গ্রহণ ৪৫৭, কতিপয় বৃহৎ ধর্মাবলম্বীর সমিতি হজরত মহম্মদের কথোপকথন ৪৫৮, উম্মেনের শাসনকর্তা বাজানের মৃত্যু ৪৬২, খালেদ ও হজরত আলিকে ধর্মপ্রচারার্থ প্রেরণ ৪৬৩, হাজ্জতল ভেদা ৪৬৫; সন্তোষ চর ৪৭২।

ষোড়শ পরিচ্ছেদ।

হজরত মহম্মদের যুদ্ধালোচনা ৪৭৭, হজরত মহম্মদের (দং) যুদ্ধের সংখ্যা ৪৮৫, হজরত মহম্মদের (দং) যুদ্ধের অঙ্গরূপ লক্ষ্য ৪৯৩, উম্মামের জয়, ৪৯৬, হজরত মহম্মদের জীবনশায় বিভিন্ন আরব জাতির মধ্যে যে সকল যুদ্ধ সংঘটন হইয়াছিল, তাহা তালিকা—হজরতের প্রেরিত্ব লাভের পূর্বে—৪-৫, হজরতের ধর্মপ্রচার কালে (মকায় অবস্থান কালে) ৫০০, মদিনায় অবস্থান কালে ৫০৩, আকু-রুফাথ যুদ্ধের বিবরণ ৫০২ ;, ইজদীদিগের নির্যাসম্বন্ধকতা ৫০৬, খৃষ্টান বা রোমক আক্রমণ ৫০১, উপসংহার ৫০২ ধর্মবিষয়ে বা নিত্যা দান ৫০৩, স্থল বণিকদিগকে আক্রমণ ৫৪০, যুদ্ধের বন্দীদিগের প্রতি দয়ালু ব্যবহার ৫৪৪, বনি কোরাইজা হত্যা ৫৪৭, যুদ্ধ দ্বন্দ্বের শেষ কথা ৫৫০, হজরত মহম্মদ (দং) অগ্র আক্রমণকারী নহেন ৫৫০।

সপ্তদশ পরিচ্ছেদ।

একাদশ হিজরীর ঘটনাবলী।

মোসায়লেমা-তল-কাফ্ফাবের বিবরণ ৫৫৪, জয়দের পুত্র ওসামার যুদ্ধ সজ্জার বিবরণ ৫৫৬, অস্থিমকাল, ৫৫৮, উপসংহার ৫৭০।

পরিশিষ্ট।

কোরান শরিফ ৫৭৭।

কিভাবে হজরত মহম্মদের নিকট কোরান শরিফের আয়েতগুলি অবতীর্ণ হইত, ৫৮০, কোরান শরিফের আয়েতগুলি কি লিখিত হইত ? ৫৮১, কাহার দ্বারা কিভাবে কোরান শরিফের সূরা ও আয়েতগুলি নিয়মিতরূপে লিখিত হইয়াছিল ? ৫৮৪, ধর্মপ্রচারক

কোরান শরিক পাঠ করিতেন ও তাঁহার শিষ্যদিগকে সর্বদা পাঠ করিতে বলিতেন ৫৮৬, খলিফা হজরত আবু বকরের সময়ে কোরান শরিক সংগৃহীত হইবার বিবরণ, ৫৮৯, খলিফা হজরত ওসমানের সময়ে চতুর্দিকে কোরান শরিকের বিস্তৃতি হওন, ৫৯১, কোরান-শরিকের কতকগুলি নীতি উপদেশ ৫৯৩।

ইসলাম—৫৯৫।

ইসলাম মানবজাতির কল্যাণ কি অকল্যাণ সাধন করিয়াছে? এবং ইহা ইসরাঈলী ও মুসাঈ খন্ডের উপকার না অপকার করিয়াছে? ৬১০, আধীনভাবে ধর্মবিষয়ে বিচার করিবার ক্ষমতা ৬১২, ইসলাম কি তরবারি বলে প্রচারিত হইয়াছিল? ৬১৫, ধর্মসম্বন্ধে মানবকে আধীনতা দান ৬১৭, ইসরাঈলী ও মুসাঈ ইসলাম হইতে কি কি উপকার লাভ করিয়াছেন? ৬২১, ইসলাম হইতে মানবজাতির কি কি উপকার সংসাদিত হইয়াছে? ৬২২।

সমাজ সংস্কার।

ইসলামে স্ত্রীলোকদিগের অবস্থা ৬২৫, ইসলামে বহুবিবাহ ৬৩৮, ইসলামে স্ত্রীবঙ্গন, (তালাক) ৬৪৫।

হজরত মহম্মদের আবির্ভাবের পক্ষে হজরত ও ইজ্রিলের উক্তি ৬৪৯।

চিত্রাবলী।

—•—

- ১। হজরতের সময়ে আরবদেশের মানচিত্র।
- ২। হেরা গিরিশৃঙ্গা।
- ৩। কাবা মসজিদ।
- ৪। মদিনার মসজিদ।
- ৫। এস্কেন্দুরিয়ার শাসনকর্তার নিকট ইসলাম গ্রহণের অনুরোধ পত্র।

—•—

অবতরণিকা ।

দার্শনিকতার ক্রমবিকাশ মানব জাতির মধ্যে কিরূপে সম্প্রসারিত হইয়াছে, তাহা অবগত হওয়া মানবচরিত্র অনুসন্ধিৎসুগণের নিকট একটী অতীব চিত্তাকর্ষক বিষয় । যে সর্বজনীন আত্মা সর্বভূতের নিয়ামক ও পরিচালক—যাহার তত্ত্ব সম্বন্ধে হির সিদ্ধান্তে উপনীত হইবার পূর্বে কত শত মানব ও কত শত জাতি গত হইয়া গিয়াছে, সেই সর্ব-ব্যাপিনী মহতী শক্তির সত্তা উপলব্ধির নিমিত্ত মানব মনের ক্রম জাগরণ, মানব জাতির জ্ঞানলাভের প্রকৃষ্ট উপায় । যে উপায় বলে মানব জড় বস্তুর উপাসনা হইতে সর্ব-শক্তিমান্ খোদাতালার উপাসনায় উন্নীত হইত, কাল বিবর্তনে তাহাই আবার প্রায় শিথিল হইয়া পড়িত । কত শত সম্প্রদায় ও কত শত ব্যক্তি স্বকীয় বাসনানুযায়িনী প্রবৃত্তির সেবা করিয়া নূ নূ আত্মার কামনা পরিচূপ করিবার নিমিত্ত তাহাদের আদিম কালের বিশেষ জড়োপাসনার অনুরূপ নিজ প্রবৃত্তির উপাসনায় প্রত্যাবৃত্ত হইয়া উন্নতিমার্গ হইতে স্থালিত হইয়া পড়িত । কিন্তু ঐশীবাণী অশ্রুতভাবে প্রতি-নিয়ত সন্তোর দিকে আহ্বান করিতেছে এবং সমর্যশিরে খোদা-তালার দাসগণ, মানবগণকে নিজের ও তাঁহার সৃষ্টিকর্তা, নিষয়ক কর্তব্য-নিচয় নিষোধন করিবার নিমিত্ত পেরিত হইলেন । তাঁহারাই বাস্তবিক “স্বর্গীয় তত্ত্ববাহক” বা পয়গম্বর । তাঁহারা তৎসাময়িক মানবমণ্ডলীর মধ্যে জন্মগ্রহণ করিয়া মানবাত্মার সত্যতা, পবিত্রতা ও শ্রায়পরতার জলন্ত উচ্চাভিলাষ জ্ঞাপন করিতেন । তাঁহারা প্রত্যেকেই তৎকালোচিত যাবতীয় আবশ্যকীয় পরমার্থ তত্ত্বের পূর্ণাধিকারী হইতেন । প্রত্যেকেই পতিত

জাতি—বিকৃত জনসাধারণকে পবিত্র, সংস্কৃত ও উন্নত করিতে আগমন করিতেন। কেহ কেহ অপেক্ষাকৃত সামান্য উৎকর্ষ উপযোগিনী ক্ষমতা সহ যৎসামান্য কার্যক্ষেত্রে প্রভাব বিস্তার করিতেন। কিন্তু আমাদের অস্তিত্বের কাণ্ডারী চক্রবর্ত মহম্মদ মোস্তাফা জাতি বা সম্প্রদায় বিশেষে সীমাবদ্ধ না থাকিয়া বিশ্বব্যাপ্ত সুসংবাদ সহ যাবতীয় মানব সমাজের হিত-সাধনকল্পে প্রেরিত হইয়াছিলেন। তিনি যে কেবল আরবগণের জন্য প্রেরিত হইয়াছিলেন, তাহা নহে। তিনি যুগ বা স্থান বিশেষের জন্য প্রেরিত হন নাই, বরং জগতের প্রলয়-কাল পর্যন্ত যাবতীয় মানব জাতির কল্যাণের জন্য প্রেরিত হইয়াছিলেন—যাহার জীবনী প্রেরিতলাভের প্রাক্কাল হইতে পান্যাক্রমে লিপিবদ্ধ,—সেই মহান শিকার গুরুর আগমন জগতের ইতিহাসে আকস্মিক বা অসম্বন্ধ মনোহর ঘটনামাত্র নহে। সেই কারণ পরম্পরায়, সেই শোচনীয় পাপরাশি এবং সেই সর্ব-ব্যাপিনী শক্তিতে গির বিশ্বাস জন্য ঋণ প্রার্থনা হেতু অগষ্টোম্ সিজারের রাজত্ব-কালে গালিলী তাঁরে একজন মহাপুরুষের আবির্ভাব হইয়াছিল, যাহার জীবনলীলা শোচনীয় ঘটনায় পর্যাবসিত হইয়াছিল, তাহাট আবার অপেক্ষাকৃত অধিকতর শক্তি সহকারে খৃষ্টীয় সপ্তম শতাব্দীতে কার্যোপরিণত হইয়াছিল।

খৃষ্টীয় সপ্তম শতাব্দীর প্রারম্ভিকাল বাস্তবিকই জাতিগত, সমাজগত ও ধর্মগত বিভিন্নতার কাল বলিয়া পরিকল্পিত হইয়াছে। তৎকালীন দৃশ্য-সমূহ এরূপ ছিল যে, ব্যক্তিগত উপাসনার পরিসমাপ্তি সহজে আধ্যাত্মিক অভিব্যক্তির অদম্য পুনঃস্থির দিকে যাবতীয় বিপথগামিনা শক্তি প্রত্যাহত করিতে—সর্বদা প্রকৃত ধর্মের এক নবদর্শনের অমুভূত করিত।

ইহদা বা খৃষ্টীয় ধর্মনীতিতে যে সমস্ত বর্গীয় প্রত্যাদেশ ছিল, ওদ-পেকা অধিকতর ইচ্ছাশ্রদ্ধা বর্গীয় রাজ্যের প্রত্যাদেশের আবশ্য-

কতা তাহাদের লক্ষ্যভূত ছিল। জোরেষ্টার, হজরত মুসা ও ইসা (আঃ) যে পবিত্র ধর্মশিখা প্রজ্জ্বলিত করিয়াছিলেন, তাহা মানবরক্তে নির্ঝাপিত হইয়াছিল। বিকৃত জোরেষ্টীয় ধর্ম অধিকতর বিকৃত খৃষ্ট-ধর্মের সহিত বহু শতাব্দী ব্যাপী সংঘর্ষে মানবজাতির ধর্মস্বর রুদ্ধ করিয়াছিল এবং জগতের কতিপয় সুখসম্পদপূর্ণ স্থান প্রকৃত রক্তক্ষেত্রে পরিবর্তিত করিয়াছিল। প্রভূত্বের জগৎ অবিরাম যুদ্ধ, অনবরত আন্তর্জাতিক পাপ-নাশক কলহ, সম্প্রদায় ও শ্রেণীগত অগণিত ধর্মমতানৈক্যতা সম্মিলিত হঠয়া মানবজাতির অনস্বাক্ষরিত রক্ত শোষণ করিয়াছিল এবং জীবনশূন্য ধর্ম-যাজকত্বের গৌড় চরণাঘাতে নিষ্পেষিত হঠয়া পৃথিবীস্থ যাবতীয় মানবজাতি তাহাদের নেত্রবর্গের অপকম্ম হঠতে উদ্ধারার্থ খোদাতালার নিকট করুণ প্রার্থনা করিতে গচ্ছিল। পূর্ক কখনই জগতের ই'তহাসে উদ্ধারকারীর আগমনের আশঙ্কতা একরূপ গুরুত্বরূপে ও উপসুক সময়ে উপলক্ষি হয় নাই। অতএব হজরত মহম্মদ (সঃ) নৈ'তিক জগতে যে মহান কার্যা সম্পাদন করিয়াছেন, তাহা সমাক্রূপ উপলক্ষি করিবার 'নামিত ইসসামীর বিধানের পূর্বে ও তাহা'র সমকালে মানবজাতির ধর্মগত ও সমাজগত ক্রুত পর্যা'বক্ষণ নিতান্ত প্রয়োজন।

অ'রব ভৌগোলিকগণ, ব্যাকটেরিয়া'র উচ্চ অ'ধতাকাকে মানবজাতির আদিম বাসস্থান ধর্ম ও জ'তন আদিম জন্মভূমি বলিয়া ইহাকে প্রকৃত পক্ষেই "পৃথল বেলাদ" অর্থাৎ দেশ-জননা আখ্যায় অভিহিত করিয়া-ছেন। মানবজাতির শিশুকাল 'বয়স্ক বিভিন্ন জাতীয় বিজ্ঞানের ক্ষীণ অন্ধকারময় আলোক সচায়ে দেখা যায় যে, বহু পরিবার মানবজাতির এই আদিম বাসভবনে একত্র থাকিয়া ক্রমে বিভিন্ন দল ও বংশে বিভক্ত হঠয়া লোকসংখ্যার আধকা হেতু ধরাতল উত্তরোত্তর জনপ্রবাহে সমাচ্ছন্ন করিয়াছিল। হামের বংশীয় শাখাই, প্রথমতঃ পূর্ক-বাসভূমি

পরিত্যাগ করিয়াছিল বলিয়া প্রতীয়মান হয়। তৎপশ্চাৎ তুরাণীয়গণ তাহাদের অনুগমন করে। এই তুরাণীয়গণকে কখন কখন উগ্র ফিনিশিয়া জাতি এবং জাফেতীয় বংশের শাখাবিশেষ বলিয়া অনুমিত হইয়া থাকে। তাহাদের কেহ কেহ প্রথমতঃ উত্তর দিকে গমন করে, তৎপরে পূর্বদিকে বিস্তৃত হইয়া মানবজাতির বর্তমান মঙ্গোলীয় শাখায় পর্যাবসিত হয়। অত্র শাখা পশ্চিম দিকে যাইয়া কাম্পিয়ান হ্রদের দক্ষিণ ও দক্ষিণ পশ্চিমস্থ ইতিহাসপ্রসঙ্গ মিডিয়া দেশে অর্থাৎ আজর্বিজান, তামাদান এবং গিলান প্রদেশে বাসস্থান নির্দেশ করে। তাঁহাদের এক বংশ অতঃপর বাবিলনিয়ার উর্বর সমতল ক্ষেত্রে অবতরণ পূর্বক পূর্ববর্তী হাম বংশীয় উপনিবেশিকগণকে দাসত্বে পরিণত করে এবং কালক্রমে তাহাদের সংশ্লিষ্ট সম্মিলিত হইয়া একাডায় জাতিতে পরিণত হয়। যাহারা খৃষ্টীয় ৭ ইহুদীয় ধর্মগ্রন্থে কশাইতীয় নামে অভিহিত। এই শব্দরজাতি বাবিলন নগরের প্রতিষ্ঠা করে এবং এক প্রকার নবাবধ ধর্মপদ্ধতির জন্ম দান করে, তাহাদের মতো প্রথমতঃ চন্দ্র, সূর্য্য প্রভৃতি প্রাকৃতিক বস্তুর উপাসনা আরম্ভ হয়। ফিনিশীয় পুণ্যদেবতা বাল ও মোলক সমীপে সম্মানোৎসর্গ, বেলেটিস্ ও আশ্টোরেশ সমীপে চিরকুমারী দান—৩ঃকালে উচ্চ অনাধারিক সন্তান, হুল লাম্পটাধর্ম্যে পরিণত হইয়াছিল এবং দশ্য, নিরুদত্তা অগ্রমোদন করিত।

তৎপরেই শাম বংশীয়গণ আনিম বাসভূমি পর্যাগ পূর্বক তুরাণীয়গণের পদাঙ্কসরণ করিয়া পশ্চিম দিকে চলিয়া যায় এবং মেসোপটেমিয়ার বর্ধীর্ষে উত্তরাংশে উপনিবেশ স্থাপন করে বলিয়া প্রতীয়মান হয়। লোকসংখ্যা ও বল সঞ্চয় করিবারাত্র তাহারা শীঘ্রই বাবিলনীয় রাজ্য পর্য্যবেক্ষণ করিয়া এক বহু বিস্তীর্ণ সাম্রাজ্য স্থাপন পূর্বক নিকটবর্তী রাজ্যসমূহের উপর শাসনদণ্ড বিস্তার করে। তাহাদের অধিকৃত পশ্চিম এশিয়ার দুইটী বৃহৎ নদীর মধ্যবর্তী স্থানে আশরীয়গণ কালক্রমে

একেখরবাদে উন্নীত হইয়াছিল। তাহারা তাহাদের স্বর্গীয় দেবতাগণের মধ্যে এক সর্বশক্তিমানের সত্তা বিশেষভাবে উপলব্ধি করিত।

যৎকালে শাম বংশীয় ঔপনিবেশিকের প্রধান দল ব দ্বীপের উচ্চাংশ-সমূহে স্বকীয় উন্নতি সাধন করিতেছিল, তৎকালে তাহাদের এক কুদ্রাংশ ক্যালাডিয়া সাম্রাজ্যের অন্তর্গত সুদূরস্থিত উর জেলায় প্রবেশ লাভ করিয়াছিল। এষ্ট জাতির বংশানুশাসনানুযায়ী প্রধান ব্যক্তির আয়-অবধারিত নিরাসন ও ইতস্ততঃ পরিভ্রমণ করিয়া একাধিক ধর্মাবলম্বীর ধর্মগত পৌরাণিক উপাখ্যানে পরিগণিত হইয়া ভবিষ্য-ইতিহাসকারকগণের অনুদাতাক্রমে পরিগণিত হইয়াছিলেন।

জাফেডীয় বংশ স্বীয় আদিম বাসস্থানে দার্ষকাল পর্য্যন্ত অবস্থিতি করিয়াছিল। যৎকালে আদি বংশসমূহ অগ্ণাত জাতি সাম্রাজ্য স্থাপন ও ধর্মমত সমুৎপাদন করিতেছিল, তৎকালে জাফেডীয় শাখাও বিশেষভাবে উন্নতি লাভ করিয়াছিল। কিন্তু জাতিসমূহের যাত্রা অর্থাৎ বিভিন্ন স্থানে গমন একবার আরম্ভ হইলে আর কখনও তাহাব নিবৃত্তি হয় না। অসভ্য জাতীয় সেই অশান্তির উদ্দেশ্যে উৎসাহে উৎসাহিত হইয়া অথবা তাহাদের গ্রামা কাষের অনুসরণ করিয়া, লোকসংখ্যার আধিক্য হেতু এবং তাহাদের পূর্ব গতিবিধি স্থানে স্থানান্তর বশতঃ জাতির পর জাতি পশ্চিমাভিমুখে গমন করিয়াছিল। পেলাস্জীয় ও কেণ্টগনই তন্মধ্যে প্রথম। এতদ্ব্যতীত অগ্ণাত সম্প্রদায় তাহাদের অনুগমন করিয়াছিল। কেবল প্রকৃত আর্ষাগণ তাহাদের পূর্ব বাসস্থানেই অবস্থিত করিতেছিল। তাহাদের একতম শাখা বদখশানের নিকট বাসস্থান নির্ণয় করিয়াছিল বলিয়া প্রতীয়মান হয়। অন্তর্গতী খাস বন্ধুধের দিকে গমন করিয়া গাশ্ববতী সম্প্রদায়সমূহ হইতে প্রায় বিচ্ছিন্ন ভাবে এবং তাহাদের বন্ধু-বিগ্রহে বা গতিবিধিতে নিলিপ্তভাবে থাকিয়া বহু শতাব্দী পর্য্যন্ত তথায় বসবাস করিয়াছিল। যে

ঐতিহাসিক আলো, রাজ্য ও সভ্যতার স্থাপনিতা পাশ্চাত্য জাতিসমূহের
 সুপ্রভাত আনয়ন করিয়াছিল। তাহাও পৃথিবীর আদিম অধিবাসিগণের উপর
 পতিত হইয়াছিল। তাহা কুস্মাটিকাচ্ছন্ন মূঢ় উজ্জল হইলেও ঐ সমতল
 ক্ষেত্রে বহুজাতির একত্র সমাবেশ জ্ঞাপন কবে। তাহারা বশ্যাবস্থা হইতে
 অসম্ভাবহার উন্নীত হইবামাত্রই সক্ষমজন চরমোৎকর্ষের দৃষ্টিতে জীবন্ত
 বলিয়া বিবেচিত হইতেছিল। অসংখ্য অবধারিত জড় বস্তু প্রকৃতির স্থান
 প্রাপ্ত হইয়া এতাবৎকাল পর্য্যন্ত ভীতকম্পিতভাবে পূজিত হইতেছিল।
 তাহাদের কতকগুলিকে প্রকৃতি শক্তির সজীবতার আর কতকগুলিকে
 নিরজীবতার আরোপ করিয়া আলো ও অন্ধকার এই দুই পূর্ণ মূলতত্ত্বের
 অধীন করিত। জীবন ও আলো প্রদায়ক সূর্য্য উপকারী দেবতারূপে
 পূজিত হইত, যাহার শক্তি প্রতিহত হইলেও প্রকৃতপক্ষে পাপ ও অন্ধ-
 কারের বিরুদ্ধকারী মূলশক্তিকে পরাজিত করে। তাহাদের পূর্বপূজিত
 ভূত প্রেতাদির প্রতি বস্তুমানে তাহারা যে ভাব সংবন্ধন করিত, তাহাও
 চরমোৎকর্ষ কোন সময় পৃথক ব্যক্তিগত স্বতন্ত্র অবলম্বিত থাকিয়া আবার
 অল্প সময় তাহাদিগকে জীবাত্ম সমষ্টিতে সমাভিত হইয়া অস্ত্রান্তের সহিত
 নিমজ্জিত হইতে হইয়াছে। রুমে তাহাদের মধ্যে রাজ্যশাসন পদ্ধতি ও
 শিল্প কৃষিকার্য্য প্রবর্তিত হইতে লাগিল। এইরূপে কিছুকাল অতীত
 হইলে আর্থাঙ্গির মধ্যে ধর্ম্ম-সম্বন্ধে বিবাদ উপস্থিত হয়। তখন পূর্ব-
 পাখা আদিম বীমতান হইতে বিতাড়িত হইল। সিতাম জাতিপুষ্টি
 নামক একজন ধর্ম্মপ্রচারক পশ্চিম পাখার মধ্যে ধর্ম্ম সম্বন্ধে নানাপ্রকার
 পরিবর্তন আরম্ভ করে। পূর্বপাখা বিতাড়িত হইয়া ভারতবর্ষে প্রবেশ
 পূর্বক তদ্রূপ আদিম অসভ্য অধিবাসীদিগের উপর ভয়ানক অত্যাচার
 আরম্ভ করে। আর্থাঙ্গণ তাহাদিগের মধ্যে কতকগুলিকে নিকৃষ্ট জীবের জ্ঞান
 হত্যা এবং কতকগুলিকে দাসত্বে পরিণত করিতে থাকে। আর অবশিষ্ট

শুলিকে দশা শূদ্র ও দাস প্রভৃতি আখ্যায় আখ্যায়িত করে। কালক্রমে আৰ্য্যগণ ভারতের পূর্ব ও দক্ষিণ দিকে রাজ্য বিস্তার করিতে সক্ষম হয়। আৰ্য্য উপনিবেশসমূহে ভারতের আদিম অধিবাসীদের প্রকৃতি পূজা বিশেষরূপে কার্য্যকরী হইয়াছিল। অবশেষে একদিকে ভয়ঙ্কর অমানুষিক শক্তি পূজা আর অন্য দিকে কৃষ্ণের ধ্বংসকারী ইন্দ্রিয়পরায়ণতার আবির্ভাব হয়। তাহার ইন্দ্রিয়পরায়ণতা ও নীতিহীনতার বশবর্তী হইয়া নানারূপ অশুভ আচার ব্যবহারের অনুষ্ঠান করে। বৌদ্ধ ধর্মের আদর্শ অতি উচ্চ হইলেও উহা সংসারবিরাগীর পক্ষে উপযুক্ত। কিন্তু সাধারণ লোকের উপর উহার ক্ষমতা অতি সংকীর্ণ ছিল। বৌদ্ধধর্ম ভারত হইতে অপসারিত হইলে ব্রাহ্মণ্য ধর্ম পুনঃ প্রবল হইয়া উঠে এবং ধর্মমন্দিরসমূহ ব্যভিচার ও পাপের লীলাভূমিতে পরিণত হয়। তৎকালে নীতিহীনতা ধর্মের অনুমোদিত ছিল এবং সাধারণ লোকে নীতিহীন ও ব্যভিচারী দেবদেবীর উপাসনা করিত। ধর্ম বেঙ্গাদাত্তির অনুমোদন করা ও লোকের কথা, তাহার পোষকতাও করিত। বিবাহ সম্বন্ধ কেবল নামে মাত্র ছিল। বহু স্বামী গ্রহণ সর্বত্র পচলিত ছিল। সখেদে ইহার নিদর্শন প্রাপ্ত হইয়া যায়। বৌদ্ধিক সময়ে স্ত্রীজাতির অবস্থা অতি শোচনীয় ছিল। স্ত্রীজাতি সেই সময়ে জুয়াখেলা ও মদ্যপানের পন্থারূপে ব্যবহৃত হইত, তাহার গৃহের দাসীরূপে অবস্থিত করিত, পরিবারে যতগুলি ভ্রাতা থাকিত, একটী স্ত্রীলোক তাহাদের সকলকেই স্বামিরূপে গ্রহণ করিতে বাধ্য হইত। ব্রাহ্মণ্য ধর্মের অভুত্থানে স্ত্রীজাতি অধনতির গভীরতম কূপে নিপতিত হইয়াছিল। মনু বলিয়াছেন, “স্ত্রীজাতি শয্যা, উপবেশন স্থান ও অলঙ্কার ভালবাসে, তাহাদের আকাঙ্ক্ষাসমূহ অপবিত্র, তাহারা ক্রোধ ভালবাসে, তাহারা চঞ্চলমতি ও চঞ্চরিত্রা, দিবারাত্র তাহাদিগকে অধীনতা পাশে আবদ্ধ রাখা কর্তব্য।”

এক্ষেণে ইসলামের জন্মভূমির অতি নিকটবর্তী পারস্যদেশের বিষয় আলোচনা করা যাউক। পশ্চিম দেশীয় বার্মাগণ তাহাদের আদিম বাসস্থান ভাগ করিয়া আধুনিক পারস্য ও আফগানিস্তানে পবেশ করিল। ঐ প্রদেশবয়ে বে সকল হাম ও কুশাইত বংশীয়গণ বাস করিত, তাহাদিগের অধিকাংশকে তাহারা পরাজিত ও ধ্বংস করিয়াছিল, ক্রমে তাহারা কাশ্মিরানের সীমান্ত প্রদেশ উপস্থিত হইয়া মিডিয়া ও সুসিয়ানা পদেশে তুরানীয়গণকে শাসনাধীনে আনয়ন করে। তুরানীয়গণ জডবাদী ও ইরানীয়গণ মাহাবাদী ছিল। পারস্যে সুদেবতা অম্বুজড ও কুদেবতা আহাবমানের পূজা প্রচলিত ছিল। বাবিলন ও নাটোনতি আসিরিয়ার অধীনে সভ্যতার কেন্দ্রভূমি হইয়া উঠিয়াছিল। দ্বিতীয় নেবুকাড-নেজারের অধীনে বাবিলনীয় রাজা উন্নতির চরম সীমায় উপনীত হইয়াছিল। এই সময়ে ইজিপ্টের বাজোব পতন হয়। পারসিকগণ ক্রমে জোরস্ত্রীর ধ্বংস সাধিত হইয়া পড়ে। পারসিক স্থানলোকদিগের মধ্যে অবরোধ প্রথা প্রচলিত ছিল। আইওনিয়ান গ্রীকগণ স্থানলোকগণকে গৃহ মধ্যে তালাচাৰিতে আবদ্ধ রাখিত; পারস্যে অতি প্রাচীন কাল হইতে নপুংসক নিষেগে স্থানলোকের ভবাবধান প্রথা প্রচলিত ছিল। গ্রীসে উপস্থিত রাখার প্রথা সামাজিক প্রথার মধ্যে গণ্য ছিল। কিন্তু বৃহৎ ধন্য তাহাদের স্থানলোকের কার্যে সক্ষম হয় নাট। শেষকালে পারস্যের রাজন্যবর্গ দেবতা বলিয়া পূজিত হইতেন, তাহারা প্রজাগণের শরীর ও সম্পত্তির উপর একাধিপত্য করিতেন। প্রজাগণ পরিত্রাণের কৌতদাসের স্মারক বাৎসরিক হইত।

হজরত মুসার বিশ্বস্ত সম্প্রদায়ের উপর একান্তরূমে যে বিপদরাশি সম্প্রতি হইয়াছিল, তাহা টাইটাস ও হার্মিয়ান্ যুদ্ধে চরম সীমায় উপনীত হইয়াছিল। পৌত্তলিক রোম ইজিপ্টের নব্বিরসমূহ ধ্বংস করিয়া

তাহাদের সম্প্রদায়ের অস্তিত্ব অগ্নি ও রক্তে বিলুপ্ত করিবার চেষ্টা করিয়াছিল। খৃষ্টান কনষ্টান্টিনোপল তদনুরূপ নির্দয়তা সহকারে তাহাদিগের উপর ট্রপীড়ন করিয়াছিল। এতরূপে এসরাইলবংশ এক প্রকার ধ্বংস প্রাপ্ত হইয়াছিল। তাহারা ভূপৃষ্ঠে ইতস্ততঃ আশ্রয় অব্যেবে লুকায়িত থাকিয়াও কখন কোনও বাহকের অধীনতা স্বীকার করে নাই। এমন কি, হজরত জৈসা আসলেন এবং চালিয়া গেলেন, ইহা দেখিয়াও তাহারা তাহার উপর বিশ্বাস স্থাপন করিল না।

ইসলামের আবির্ভাবের পূর্বে খৃষ্ট ধর্মের অবস্থা ঐরূপ ছিল, নিম্নলিখিত বিবরণসমূহ হইতে তাহার আভাস পাওয়া যায়। সম্রাট কনষ্টানটাইন খৃষ্ট-ধর্মের দীক্ষিত হইলে রোমক সাম্রাজ্যে খৃষ্ট ধর্মের অদম্য প্রভাব বিস্তার হইয়া পড়ে। কিন্তু অল্পকাল মধ্যে খৃষ্টানগণ হজরত জৈসার দাবী উপদেশাবলী কুলিয়া গিয়া পরস্পর ভিন্ন ভিন্ন মতে বিভক্ত হইয়া পড়িয়াছিল; তাহার ফলে খৃষ্টান হইবোপ ঘোর কুসংস্কাররূপে সমাজের হইয়া, তৎকালে গিলাসমূহ দখলদারী ও নাস্তিকের আড্ডায় পরিণত হয়। লোকে যুগে বাকির আখ্যায় এবং সুবিখ্যাত লোকদিগের প্রতিমূর্তির পূজা করিত। এতরূপে খৃষ্টধর্ম কমে কমে পৌত্তলিকায় পরিণত হয়। খৃষ্ট জগতের রাজনৈতিক ও সামাজিক অবস্থাও তদনুরূপ শোচনীয় হইয়া পড়িয়াছিল।

যে বাকি আলেকজান্দ্রিয়ার রাজবংশের উপর—মুসভা লোকদিগের সম্মুখে তৎকালীন উচ্চবংশসমূহা জৈনিক ভদ্রমহিলাকে নৃশংসভাবে হত্যা করিয়াছিল, সেই বাকিই আবার খৃষ্ট জগতে "সেন্ট" নামে অভিহিত হইয়াছিল। এমন কি, আধুনিক ইতিহাসলেখকগণ সেই নরপিশাচের দোষ কালীন অস্তিত্ব না প্রমাণ পাঠিতেছেন। ড্রেপার সাহেবের ইতিহাসে একটা অমার্শ্বিক নৃশংস অত্যাচারের বিষয় নিম্নলিখিত রূপে বর্ণিত

হইয়াছে,—একদা হাইপেশিয়া নামী আলেকজান্দ্রিয়ার একটা অসামান্য
রূপলাবণ্যবতী বিদ্যম্বী ধর্মপরায়া মণ্ডলা বক্তৃতা-গৃহ হইতে বহির্গত
হইয়া গৃহে যাইতেছিলেন, সেই সময়ে গোড়া খৃষ্টধর্মযাজকগণ পঞ্চমদো
তাঁহাকে অস্বমান হইতে বলপূর্বক ভূমিতলে নিক্ষেপ করে এবং উলঙ্গ
করিয়া ভীষণ রূপে প্রহার করিতে থাকে; তখন রমণী ভয়ে সংজ্ঞাশূন্য
হইয়া পড়ে, পাষাণেরা সেই অবস্থায় তাঁহাকে নিকটবর্তী গির্জার
লইয়া গিয়া ‘সেন্টের’ পদাঘাতে ক্রমা করে। তাৎপরে তাঁহার মৃত্যুদেহ
পদদলিত ও খণ্ডিত করা হয়। অবশেষে নরপিণ্ডগণ তাঁহার অস্থি
হইতে মাংস খণ্ড বাহির করিয়া অগ্নিতে নিক্ষেপ করে। এই নৃশাস
হত্যাকাণ্ডের অদ্বৈতক অমৃতের প্রাচ্য খৃষ্টানগণ পণ্ডিত সম্মান পদধার
করিয়াছিল পরে নরবীর অমরকর স্মৃতি রাখা করবাল এই ভীষণ অত্যা
চারের প্রতিশোধ লইতে সক্ষম হইয়াছিল।

স্বদেশাত খৃষ্টান বাবুশাস্ত্রবিদ জাটিনিয়ানের রাজত্বকালে কনষ্টান্টিনো-
নোপলের নৈতিক চরিত্র যেকপ শোচনীয় হইয়াছিল, তাহা হইতেই
খৃষ্টান ভগ্নোত্তর বাহিত্যের ও চরিত্রব্রাহ্মণ্যের ‘বিশেষ পণ্ডিত্য’ যাহা
সিদ্ধান্তের সিংহাসনে উপবেশন করিয়া যে পিতৃদেহের প্রকাশ্যভাবে অত্যাচার
ও উৎপাদন করিতেন, তিনই অব্যব খৃষ্টধর্মবিশ্বাসী পুরুষগণ কতক
‘দেবা’ বলিয়া অভিহিত হইতেন। তাঁহাদের অত্যাচারে সিদ্ধান্তের রাজত্ব
কলঙ্কিত হইয়াছিল। তিনই ধর্ম ও নীতির দ্বার ধারিতেন না। তাঁহাদের
সময়ে পুরোহিতগণই বিশেষতঃ বিবাহ বসম্বাদের কেন্দ্রস্থল ছিল।
সেই সময়ে মানবীয় বা স্বর্গীয় বিধবাবহাদ পদদলিত হইত। শাস্ত্র
ও নিরপন্ন সপ্তবৎ অস্বমিত হইত। গির্জাসমূহ নররক্তে রঞ্জিত হইত।
এমন কি, পকাশ্যভাবে ‘দেবালোকে’ অনাচারক অত্যাচারসমূহ সাংঘটিত
হইত। এই সময়ের অদ্বৈতীয় অত্যাচারসমূহ জগতে অতুলনীয় বলিয়া

পরিকল্পিত হইয়া আসিতেছে। এই সময়ে কনষ্টান্টিনোপলের সহিত পারস্যের তুলনা করিলে পারস্যকে অধিকতর সুশৃঙ্খল ও সুবিধিসম্পন্ন রাজ্য বলা যাউতে পারে।

খৃষ্টান কনষ্টান্টিনোপলের পাপবিভৌষিকা কাহিনী পাঠে মানবচিত্ত বিচলিত হয়। যখন ইসলামধর্ম প্রবর্তক শিক্ত ছিলেন, সেই সময়ে বাইজান্টাইনের সম্রাট মোরিস খৃষ্টান রাজা কতক সপরিবারে আত্ম নৃশংসরূপে নিহত হন। উক্ত সম্রাটকে মন্দির হইতে টানিয়া আনিয়া তাঁহারই সম্মুখে তাঁহার পাঁচটা পুত্রকে একে একে নিহত করা হয়, পরে তাঁহাকেও ভাষণ বহুনা দিয়া হত্যা করা হইয়াছিল। তৎপরে সম্রাজ্ঞা ও তাঁহার দুইভাগ্নীকে বিষন বহুনা দিয়া পাপাত্মাগণ তাঁহাদের শিরশ্চন্দন করে। সম্রাটের বন্ধু বাকুব ও পার্শ্ববর্গের উপরও পাপাত্মগণ বিষম অত্যাচার করিতে কুটি করে নাহ, তাঁহাদের মধ্যে কাহারও চক্ষু উৎপাটিত, কাহারও হস্তপদ কটন, কাহারও আঁখিতে নিক্ষেপ করা হয়। একরূপে বাইজান্টাইন রাজ্য নরহত্যা, বাতিলচার ও পাপ অত্যাচারের লীলাভূমিতে পরিণত হয়।

এসিয়াটিক তুরস্কও ক্রমাগতই পাখিয়ান, রোমক, পারস্যান ও বাইজান্টাইনদিগের অত্যাচারে মরুভূমিতে পরিণত হইয়াছিল। তাহাদের নৈতিক চিত্র অপেক্ষা সামাজিক চিত্র আরও কলঙ্কময় হইয়া উঠিয়াছিল। খৃষ্টের অগ্রসরণকারীগণ এই সমস্ত কুপ্রথার পরীক্ষণ করা দূরে থাকুক, তাহার বন্ধনট করিয়াছিল। আশ্রয় উপাসকগণ মেসোপোটামিয়ার নিকট শ্রেণীর খৃষ্টানদিগের সহিত বিবাহ করিয়া পশ্চিম এসিয়াকে একেবারে ধ্বংসযুগে পাতিত করিয়াছিল। রাজ্য বিস্তারের সঙ্গে সঙ্গে খৃষ্টান ধর্মগুরুদিগের আভ্যন্তর অবেধ নরহত্যার মিশর ও আফ্রিকার অন্যান্য প্রদেশের নৈতিক জীবনের শেষ ফুলটুকু পর্যাস্ত নিক্ষেপিত হইয়াছিল।

ইউরোপের অবস্থা আরও শোচনীয় অবস্থার পরিণত হইয়াছিল। এমন কি, দিবালোকে খৃষ্টান ধর্মগ্রন্থসমূহের সন্দেশহিতৈষীদিগকে কনষ্টান্টিনোপলের বাজারের প্রকাশ্য স্থানে জীবিতাবস্থায় দাঙ করিত। রোম নগরের রাজবাহুর উপর প্রতিবন্দী বিশপদিগের চক্ষের সম্মুখে রোমের ধর্মমন্দিরসমূহ মানবরক্তে বঞ্জিত হইত।

স্পেনদেশ অরাজকতা ও ধ্বংসের শীঘ্র দৃশ্য হইয়া পড়াইয়াছিল। ধনকুবেরগণ উচ্চ প্রাসাদে দাসদাসীগণ পরিবেষ্টিত হইয়া বারবনিতা সেবানে দিনাতিপাত করিত। মধ্যবিত্ত লোকগণ রোমকদিগের অত্যাচারে নিঃস্বপিত হইত। স্পেনের ইচ্ছানীদিগের প্রতি খৃষ্টানগণ অসহ্য বিদ্রাবক অত্যাচার করিত। খৃঃ পূঃ ৩১৬ অব্দ হইতে ভিসিগণ সিসবট নামক রাজার ধর্মশাসনের সময় হইতে তাহার প্রাপ্ত ভৌমণ অত্যাচার আরম্ভ হয় এবং অবশেষে ইসলামই তাহাদিগকে বিবেকশূন্য খৃষ্টানদিগের হস্ত হইতে রক্ষা করে।

এতাবৎকাল পর্যন্ত অবনয়ন অন্যান্য ভারতীয় আক্রমণ ও বাক্তনৈতিক আক্রমণ হইতে সম্পূর্ণ মুক্ত ছিল এবং চতুর্দিকের বণ-কোলাহল তাহাকে ভাগ্যবশত ক্রমে পরে নাট। অবশেষে তাহারও সময় আসিয়া উপস্থিত হইল। সেও তাহার সমস্যানের উচ্চতরে ভাগ্যবশত উঠিল।

মক্কা ও মদিনা পূর্বে হইতেই বিখ্যাত নগরী বলিয়া সকলে পরিচিত ছিল। তৎকালে এ দুই নগর বাক্তনৈতিক বসবাসের সঙ্গ সঙ্গ মক্কা নগরে ক'দা মসজিদ নির্মিত হয়, • তদবধি এই গৃহ পৃথিবীর বিভিন্ন ভাগের মন্দিরসমূহের মতো পবিত্রতায় অতুলনীয় বলিয়া কাহিল হইয়া আসিতেছে। এই গৃহে অববগণ ৩৩০ টী পুস্তককার পূজা করিত এবং হাফ্জাহোল আসোয়াব নামক পুণীর প্রস্তরকে চূষন করিবার জন্য প্রতি বৎসর আরববান্দিগণ দলে দলে মক্কার আসিয়া সমবেত হইত। এইরূপে প্রতি

প্রাচীনকাল হইতে মক্কা নগর যে কেবল ধর্মসংক্রীয় কেন্দ্রস্থান বলিয়া অভিহিত হইত, তাহা নহে, ইহা বাণিজ্য ব্যবসায়েরও প্রধান কেন্দ্রস্থান বলিয়া বিখ্যাত ছিল। মক্কাবাসিগণ উদ্ভেঁর সাহায্যে এয়মন ও ভারত হইতে মূল্যবান পদার্থাদি আনয়ন করিয়া পারস্য ও বাইজাণ্টাইন প্রভৃতি রাজ্যে বিক্রয় করিত এবং সিরিয়া হইতে রেশমী বস্তাদি স্বদেশে আমদানি করিত। কিন্তু পণ্য দ্রব্যাদির সঙ্গে সঙ্গে তাহারা বিলাসিতার দ্রব্যাদিও আনয়ন করিত। তাহারা সিরিয়া ও এরাক হইতে গ্রীক ও পারস্যের দাসীগণ ক্রয় করিয়া আনিত এবং তাহাদের নৃত্যগীতে বিভোর হইয়া নিবারণে পাপস্রোতে নিমগ্ন থাকিত। এইরূপ অমোদ পমোদে অস্বস্তি হইয়া তাহারা ভবিষ্যৎের কথা একেবারে ভুলিয়া গিয়া এই সমস্ত নৃত্যগীতাদি ক্রান্তদাসী লইয়া সমস্ত ক্ষেপ করিত। মক্কাবাসীরা অত্যন্ত পানাসক্ত ছিল। নৃত্যগীতকারিণী স্ত্রীলোকগণ তাহাদিগের নিকট বিশেষ সম্মান প্রাপ্ত হইত।

ইন্দো-ইরানের জায় তাহাদের মধ্যে বহু সূত্রগণ পড়িত কুপ্রথা প্রচলিত ছিল। বিদ্যগণ স্বামীর অস্ত্রান্ত সম্পত্তির নাম পুত্রদিগের ব্যবহারী রূপে পরিগণিত হইত এবং শত্রু ক্রান্তদাসীকে জীবিত অবস্থায় প্রোথিত করার প্রথাও তাহাদের মধ্যে বহু পরিমাণে প্রচলিত ছিল।

আরবীরা, গ্রীক ও রোমকগণ কর্তৃক ইহুদীগণ বিভাচিত হইয়া আরবে আশ্রয় লইয়াছিল, কিন্তু তাহাদের সাম্প্রদায়িক বিবাদই তাহাদের পতনের একমাত্র কারণ। জেরিকোবাহটে খৃষ্টানগণও আরবে উপনিবেশ স্থাপন করিয়াছিল। এই চরম সাম্প্রদায়িক মনোভাব স্থাপন লইয়া কিছুকাল পর্যায়ে বিষম বিবাদ চলিতে থাকে।

ইহুদী ও খৃষ্টানগণ আরবে বহুকাল পর্যায়ে বসবাসকরা সত্ত্বেও আরব-বাসিগণের নৈতিক অবস্থার কিছুমাত্র উন্নতি সাধন করিতে সক্ষম হন না।

আরবের প্রধান প্রধান সম্প্রদায়গুলি পরস্পর বিবাদ বিসম্বাদে লিপ্ত থাকিত। তাহাদের মধ্যে নানা প্রকার কুপথা প্রচলিত ছিল। তাহারা নানাবিধ জনশ্রুতিতে বিশ্বাস স্থাপন করিত। যখন পৃথিবীর বিভিন্ন স্থানের বিশেষতঃ আরবের অংশ শোচনীয় হইতে শোচনীয়তর হইতেছিল, তখন সেই উপযুক্ত সময়ে হজরত মুহম্মদ মোস্তফার আবির্ভাব হয়। তিনি আরব ও তাহাদের চতুষ্পশ্চদ্বর্তী জাতিসমূহকে সামাজিক ও নৈতিক অবনতির গভীরতম কূপ হইতে উদ্ধারের জন্য প্রেরিত হইয়াছিলেন।


যে আলোক সিনাট পর্বতকে উদ্ভাসিত করিয়াছিল, যে আলোক গালিলীয় কুবক ও ধাবরণের জাবনে পতিভাত হইয়াছিল, সেই আলোক এক্ষণে ফারানের উচ্চশিখরে প্রজ্বলিত হইল।

হজরত মহম্মদের জীবন-চরিত

ও

ধর্ম্মনীতি ।

সূচনা ।




মানব-চিন্তার অতীত, মানব-বুদ্ধির অগম্য, মহান মঙ্গলময় বিশ্বকর্তা আপনার বিশ্বরাজ্যে যে সমস্ত অদ্ভুত ও বিচিত্র উপায়ের প্রবর্তনা করিয়া রাখিয়াছেন ; তাহার গূঢ় বহুসম্বোধিত করিতে পারেন, এ ভূমণ্ডলে এমন কেহই নাই। সেই বিশ্বরাজ্যের অদ্ভুত ও অচিন্ত্য বিশ্বরচনা দেখিয়া আমরা স্তম্ভিতভাবে কেবল তাঁহার মহিমা-কীর্ত্তন করিয়াই গাশু হই। ইচ্ছা হইল, অনান্য তিন কলজলসম্বিত নরনারী-পূর্ণ স্থান পার্শ্ব করিয়া কঠোর কুসংস্কারবিষ্ট আরবের বালুকাময়ী মরুভূমিকে আপনার কার্যক্ষেত্রের উপযোগী করিয়া লইলেন। তিনি যত্ন করিলেন, অবাধে তাহা সুসম্পন্ন হইয়া গেল। সহস্র বাধাবিপত্তির ঘোর আবর্তন তাহার বিন্দুমাত্র ব্যভিচার উৎপাদন করিতে পারিল না। তিনি পাষণ্ড ভেদ করিয়া প্রাণ-প্রদায়িনী প্রসন্নসলিলা প্রবাহিনীর সঞ্চার করিয়া দিবেন, মনে করিলেন, আর দেখিতে দেখিতে উত্তাল তরঙ্গে দেশ প্রাবিত করিয়া অমৃতনদী প্রবাহিত হইয়া গেল। তিনি যেই স্থির করিলেন, প্রচণ্ড মরুভূমির মধ্যে জীবনপ্রদ পরম রমণীয় অমৃত-তরু

সম্ভাবনা করিয়া দিব, অমনি কটাক্ষমাত্র সেই নির্জন প্রদেশে বালুকা-
 স্তূপ ভেদ করিয়া অতি বিশাল অমৃততরু সুশোভিত হইল। বিচিত্র
 তাঁহার লীলা ! বিচিত্র তাঁহার কার্যপ্রণালী ! ক্ষুদ্র মানববুদ্ধি তাহার মন্থো-
 ভেদ করিবে সাধ্য কি ! মানব-চক্ষু নিনিমেষ হইয়া দেখিল, কি অলৌকিক
 ক্ষমতাবলে কত কত অচিন্ত্যনীয় অসাধ্য ব্যাপার সংসাধিত হইয়া গেল।
 তাঁহার মহতী শক্তির তীব্র আঘাতে সমস্ত প্রতিবন্ধক তিরোহিত হইয়া
 ছরস্তু মরুভূমি ফলপুষ্প-পরিশোভিত পরম রম্যোদ্যানে পরিণত হইল।
 সেই জনাই আজি আরবভূমি কোটি কোটি লোকের নিকট দেবহরত
 পুণ্যক্ষেত্র হইয়া উঠিয়াছে। সেই জনাই আজি আরবের নাম দেশ বিদেশে
 প্রতিধ্বনিত হইতেছে এবং ইহার সাহিত্য, বিজ্ঞান প্ৰভৃতি পৃথিবীর
 পণ্ডিতমণ্ডলীর একান্ত আদরের জিনিস হইয়া দাঁড়াইয়াছে। সেই
 অলৌকিক ক্ষমতা আজিও ইহার পবিত্র ধর্মের নামের সহিত বিজড়িত
 হইয়া অগণ্য লোকের পরকালের সহায় করিয়া দিতেছে। শঠ এবং
 কটিল-প্রাণ পাষণ্ডগণ যাহাই বলুক, উদারহৃদয় ও স্বার্থ ধর্মাত্মরা
 মহাশয়গণ ইহার প্রভাব ও অলৌকিক অশ্রুভব না করিয়া থাকিতে
 পারেন না। আমরা এই অলৌকিক ক্ষমতা বিশ্লেষণে এই পবিত্র
 ধর্মের বর্ণনে এবং ইহার প্রবর্তনিতা মহাশয় হজরত মহম্মদের (সঃ) জীবন
 চরিত ও ধর্মনীতি পাঠকবর্গকে উপহার প্রদানে প্রবৃত্ত হইলাম।
 সাধু কস্মের নিতা সহায় বিশ্বপাত, আমরাগকে অশুরূপ শক্তি প্রদান
 করিয়া তাঁহার কার্য সুসিদ্ধ করিয়া লউন, তাঁহার নিকট আমরাগের
 এই বিনীত প্রার্থনা।

১১১

প্রথম পরিচ্ছেদ ।



আরব দেশের বর্তমান অবস্থা ।

ভূতত্ত্ববিদ পণ্ডিতগণের মতে, পৃথিবীর অধিকাংশ উপদ্বীপই সাগর ও নদ-নদী কর্তৃক উদ্ভাবিত হইয়া থাকে । বহু শতাব্দী পূর্বে হইতেই ইউফ্রেটিস্ নদী, লোহিত সমুদ্র, ভারত মহাসাগর ও পারস্যোপসাগর কর্তৃক আরব উপদ্বীপ আবির্ভূত হইয়াছে । যে সকল সুপ্রসিদ্ধ এবং প্রবল-কালান্বিত-সদৃশ ঘটনা-পরম্পরায় পৃথিবীর অন্যান্য দেশ সকল বিপর্যস্ত হইতেছিল ; যৎকালে দেশের পর দেশের ও সাম্রাজ্যের পর সাম্রাজ্যের উন্নতি ও পতন হইতেছিল ; যৎকালে পুরাতন বংশসমূহ ধ্বংস প্রাপ্ত হইয়া নূতন বংশের অবতারণা করিতেছিল, আর দেশের নাম ও সীমা পর্যন্ত পরিবর্তিত হইয়া তত্রতা অধিবাসিগণের নাম পৃথিবী হইতে বিলুপ্ত হইতেছিল, তৎকালে আরব কয়েকবার বৈদেশিক শত্রুগণ কর্তৃক আক্রান্ত হইয়াও মরুভূমির মধ্যে অপরিবর্তনীয় অবস্থায় থাকিয়া আপনার পুরাতন স্বভাব ও স্বাধীনতারূপ সূর্য্যকে ঘোর তমসাবৃত্তাচলরূপ বৈদেশিক শত্রুর করাল কবল হইতে সমভাবে রক্ষা করিয়া আসিতেছিল । ইহার অদমা চিরস্বাধীনতাপ্রিয় ভ্রমণশীল জাতিসমূহ পুত্রকলত্র সহ স্বাধীনতার অমৃতরসাস্বাদনে জীবন অতিবাহিত করিতেছিল ।

এই আরব উপদ্বীপ লোহিত সাগরের পূর্বে তীব্রে স্থাপিত এবং পারস্যোপসাগর পর্যন্ত বিস্তৃত । আরব এই নামটির আদি বিবরণ নির্ণয় করা বড় কঠিন । মহাত্মা সোলেমানের আবির্ভাবের পূর্বে হিব্রুভাষায় “আরাবা” নামক একটি প্রসিদ্ধ স্থানের উল্লেখ দেখিতে পাওয়া যায় ।

“আরাবা” এই শব্দটি “এবার” (ভ্রমণকারী) এই ধাতু হইতে উৎপন্ন হইয়াছে, অতএব প্রতিপন্ন হইতেছে যে, আরাবার অধিবাসিগণ ভ্রমণ-শীল ছিল। কিন্তু হিব্রুভাষায় “আরাবা” শব্দের অর্থ মরুভূমি; তাহা হইতে “আরাবাম্” (বহুবচনে) শব্দে সমুদ্র আরব মরুভূমিকে বুঝায়। কেহ কেহ বলেন যে, তাহারা প্রদেশে আরাবা নামক একটি নগর ছিল; তাহা হইতে সমুদ্র উপদ্বীপের নাম “আরব” হইয়াছে।

আরব দেশের পশ্চিমসীমা লোহিত সাগর, পূর্ব সীমা পারস্য ও ওমান উপসাগর, দক্ষিণ সীমা ভারতমহাসাগর, উত্তর সীমা বেবিলন, সুরিয়া ও সুয়েজ যোজক। ইহার উত্তর পশ্চিম সীমা কেনান রাজ্য; এই কেনান রাজ্যকে প্রাচীন গ্রীকগণ ফিনিশিয়া, খৃষ্টানগণ পালেষ্টাইন (ফলেস্তিন) বলিতেন। এক্ষণে ইহা সুরিয়া নামে অভিহিত হইয়াছে। এই আরব দেশেই আল্লাহতায়ালা হজরত ইস্মাইলের সম্মানসম্বন্ধিতগণের বান্দগান নির্দেশ করিয়াছিলেন (ইহার বিষয় তৎপরে লেখা আছে)।

এই দেশ অত্যন্ত উষ্ণ এবং বালুকারাশি-পরিপূর্ণ। সেই বালুকা-রাশি গ্রীষ্মকালে অগ্নিমুখীধারণপূর্বক ভীষণাকার হয়। এই প্রদেশে সাইমম্ (সামুন) নামক এক প্রকার বায়ু প্রবাহিত হয়, তাহার সম্মুখে কোন জীব পড়িলেই মুহূর্ত্তে কাল-কবলিত হয়। এই প্রদেশে নদী নাই, জল প্রাপ্ত হওয়া বড়ই কষ্টকর। বোধ হয়, এই দেশে জলের এত অভাব বলিয়াই মহাত্মা এরাহিম সারার আদেশে হাজেরা ও তৎপুত্র ইস্মাইলকে এই জলভূগাদি শূন্য স্থানে রাখিয়া গিয়াছিলেন। যদিও এই দেশের দুই এক স্থানে জল পাওয়া যায়, কিন্তু তাহা আবার গ্রীষ্মকালে শুকাইয়া যায়।

এক জন প্রাচীন ভূগোলবেত্তা বলেন যে, আরব দেশ তিন ভাগে বিভক্ত, যথা—পূর্বতমর, বালুকামর ও সুখমর আরব। কিন্তু প্রকৃত

প্রস্তাবে আরব দেশ দুই ভাগে বিভক্ত, যথা—আরবল হেজর অর্থাৎ পর্বতময় আরব, ইহা সুয়েজ যোজক হইতে লোহিত ও আরবনাগর পর্যন্ত বিস্তৃত ; আর আরবল ভাদি অর্থাৎ বালুকাময় আরব, ইহা আরবের পূর্বাংশ। আরবদেশীয় ভূগোলবেত্তাগণ বলেন, ইহা পাঁচ ভাগে বিভক্ত, যথা—তাহানা, হেজাজ, নেজ্দ, অরুজ এবং ইমেন্। বৈদেশিক ভূগোলবেত্তাগণ বলেন যে, হেজাজ প্রদেশের নাম হজ অর্থাৎ তীর্থযাত্রা হইতে উৎপন্ন হইয়াছে ; কিন্তু এ কথাটা সম্পূর্ণ ভুল। হেজাজ অর্থ—দুইটীর মধ্যস্থ কোন বস্তু বা স্থান, হেজাজপ্রদেশ সুরিয়া ও ইমেনের পর্বত মধ্য অবস্থিত। আরবের পশ্চিমভাগ পর্বতময়, উত্তর ও মধ্যভাগ বালুকাময় ও দক্ষিণাংশ সুখময়, কারণ এই ভাগটা উর্বরা। এ প্রদেশে অরণ্য নাই বলিলেও হয়। আরবদেশের প্রধান পণ্য দ্রব্য কাকি ; তন্নির খর্জুর প্রভৃতি আরও কতকগুলি ফল পাওয়া যায়। তদ্রূপে অধিবাসিগণ খর্জুর ফল ভক্ষণ করিয়াই জীবন ধারণ করে। এদেশে সুগন্ধি দ্রব্যও জন্মে। আরবের অর্থ অতি প্রসিদ্ধ। গৃহপালিত পশুর মধ্যে ভারতবাসীদিগের নিকট গো যেমন অধিক উপকারী, আরবদেশবাসীদিগের নিকট উষ্ট্রও তদ্রূপ। তন্নির উষ্ট্র আরবদেশবাসীদিগের নিকট মরুভূমির জাহাজ সদৃশ। উষ্ট্র না থাকিলে আরবদেশবাসিগণ এক স্থান হইতে অন্য স্থানে গমনাগমন কিংবা বাণিজ্যাদি করিতে পারিত না। ইহাদের জ্ঞানশক্তি এত অধিক যে, মরুভূমির মধ্যে কোন স্থলে জলাশয় থাকিলে ইহারা তাহার সন্ধান করিয়া লইতে পারে। আবার সাইয়ুম প্রবাহিত হইবার প্রাকালে তাহা জানিতে পারিয়া যুক্তিকার উপরে শয়ন করে, তাহা প্রবাহিত হইয়া গেলে গাভোথানপূর্বক চলিতে থাকে। এইরূপে উষ্ট্র নিজের ও প্রভুর জীবন রক্ষা করে। আল্লাহতায়ালায় করুণার সীমা নাই। যিনি ল্যাপ্লাওবাসীদিগকে বরফের উপর গমনা-

গমন করিবার জন্য বঙ্গ। হরিণের সৃষ্টি করিয়াছেন, তিনিই মক্কা প্রদেশ-
বাসীদিগের মজলের জন্য উষ্ট্রের সৃষ্টি করিয়াছেন ।

মদিনা ও মক্কার বর্তমান অবস্থা ।

এক্কে আমরা মদিনা ও মক্কার বর্তমান বিবরণ লিখিতে প্রবৃত্ত
হইতেছি। সুয়েজ বন্দরের ১০০ মাইল উত্তরপূর্ব কোণে ইয়াছু
বন্দর ; সুয়েজ ও ইয়াছু বন্দরের মধ্যে তুর, মৈলা ও সুয়েজ বন্দর
স্থাপিত। এই সকল স্থানে বিহঙ্গমকুল সৈন্য সদৃশ একত্রিত হইয়া
শীকারার্থ বহির্গত হয়। রাত্তিকালে এই স্থানের দৃশ্য অতি
মনোহর ।

ইয়াছু কিংবা ইয়াছু-অল-বাহার অর্থাৎ সমুদ্র তীরবর্তী ইয়াছু ; এই
বন্দর পবিত্র নগরের “দ্বার” বলিয়া কীৰ্তিত হইয়াছে। এই স্থান স্থল-
বণিকগণের কায়ারে (কাহেরা) হইতে মক্কা গমনের একটা প্রধান পথ।
এই স্থান হইতে মক্কা ও মদিনার গমনপথ অতি বিপদসঙ্কুল ; কেননা
একে ত পশ্চিমদ্যে দক্ষ্যভয় অত্যন্ত প্রবল, তাহাতে আবার অধিক
পরিমাণে দ্রব্যজাত লইয়া গমন করা সাতিশয় কষ্টকর ; এই হেতু
পশ্চিক ও তীর্থযাত্রীগণ এই স্থানে স্ব স্ব দ্রব্যাদি সংরক্ষণপূর্বক পবিত্র
নগরে গমন করে। এই বন্দরটী লোহিত সাগরের তীরবর্তী বন্দরগুলির
মধ্যে সর্বপ্রধান ; এই স্থানটী তুরক-সুলতানের অধীন ; কিন্তু
এখানে কোন নিজাম (তুরকের সুলতানের পদাভিক সৈন্য) কিংবা
আরবদেশীয় কোন শাসনকর্তা নাই। এই নগর মক্কাভূমির
প্রান্তদেশে স্থাপিত। ইহার প্রাসাদাবলী সমুদ্রতীর হইতে পর্বত-
শ্রেণী পর্যন্ত বিস্তৃত। নগরের পশ্চিমপার্শ্বে লোহিত সাগর বিরাজ-
মান। নগর প্রাচীরের বহির্ভাগেই কতকগুলি সমাধি ও উপাসনা-

মন্দির দেখিতে পাওয়া যায় । নগর মধ্যে অনেকগুলি সুপ্রশস্ত রাজপথ, বহু দ্রব্যাদি সমন্বিত বাজার ও অনেকগুলি সুবৃহৎ গুদাম ঘর আছে । এতদ্বিন্ন অবশিষ্ট ভাগ খর্জুর বৃক্ষে সমাকীর্ণ ।

ইয়াযু হইতে মদিনা গমনের পথ অতিশয় শুষ্ক ও সমতল প্রান্তরের উপর স্থাপিত, তাহা কেবল বালুকা ও গ্রাণাইট প্রভৃতি ক্ষুদ্র ক্ষুদ্র প্রস্তরময় । এতলেও সময়ে সময়ে আথেরগিরির অগ্ন্যুৎপাতসদৃশ উত্তপ্ত বালুকারাশি বায়ুবেগে সঞ্চালিত হইয়া পথিকদিগকে সমাচ্ছন্ন করে । তীর্থযাত্রিগণ ইয়াযু হইতে উত্তরপূর্ব দিকে পাঁচ ঘণ্টা কাল গমন করিলে, পথিমধ্যে কেবল বালুকা, ক্ষুদ্র ক্ষুদ্র প্রস্তর ও পাহাড় ভিন্ন আর কিছুই তাহাদের দৃষ্টিপথে পতিত হয় না । যে স্থানে তাহারা পশু-পক্ষী দেখিতে পায়, তথায় জলের সম্ভাবনা বলিমা গন্যত্ব করে । আবার তাই এক স্থানে পরস্বাপহারক লুণ্ঠন-প্রিয় বেহুইন জাতিকে দেখিতে পাওয়া যায় ।

অনেক ক্ষুদ্র ক্ষুদ্র পল্লীতে বিশ্রামার্থ অবস্থানপূর্বক ৮ দিন পরে ক্রান্ত তীর্থযাত্রিগণ পবিত্র নগরের বহির্ভাগ দেখিতে পায় । তখন তাহারা নেতার আদেশানুসারে পশুগুলি ধামাইয়া পবিত্র নগরের দিকে দৃষ্টি নিক্ষেপ করে এবং বলে “হে বিশ্বপতে ! এই স্থানই ধর্ম-প্রচারকের পবিত্র স্থান । আমাদিগকে নরকাগ্নি ও পরলোকের দণ্ড হইতে রক্ষা করিও । আপনার কৃপাদ্বারা আমাদিগের জন্ম উন্মুক্ত করিয়া দিও এবং আমাদিগকে চিরসুখবিরাজমান-স্থানে লইয়া যাউও, হে খোদাতায়ালা ! শেষ মোহর (মোহরন্নবুত) প্রাপ্ত প্রেরিত মহাত্মাকে আকাশস্থ নক্ষত্ররাজী, মক্কাভূমিস্থ বালুকারাশি এবং সামুদ্রিক তরঙ্গমালায় দ্বারা আনীক্ষাদ কর । হে জ্ঞানকর্তা ! যত দিন শস্তক্ষেত্র ও খর্জুর বৃক্ষাদি উৎপন্ন হইবে, তত দিন তাঁহাকে (ধর্ম-

প্রচারকে) তোমার কুপায় ভূষিত কর । হে সর্বশ্রেষ্ঠ প্রেরিত মহাপুরুষ ! যত কাল নেজ্দের পাহাড়োপরি পশ্চিমবায়ু প্রবাহিত হইবে, আর হেজাজের আকাশোপরি সৌদামিনী মনোহর বেশভূষা পরিধান পূর্বক নৃত্য করিবে, তত কাল তুমি দিবারাত্র বিশ্বপাতার কুপারূপ সুখচ্ছারার অবস্থান কর ।”

মদিনা-তল-নবি অর্থাৎ “ধর্ম প্রচারকের নগর” । সাধারণতঃ ইহাকে অল-মদিনা বলে । এই নগর নেজ্দ প্রদেশের সীমাস্থিত । ইহার খর্জুর অতি প্রসিক, এই স্থানে প্রচুর পরিমাণে জল পাওয়া যায় । এখানে শীতের ভয়ানক প্রাচুর্য, তজ্জন্য কথিত আছে যে, “যে ব্যক্তি মক্কা নগরের গ্রীষ্ম ও মদিনার শীত সহ্য করিতে পারে, সে স্বর্গে গমন করিতে পারিবে” । এখানে সময়ে সময়ে বরফ পাওয়া যায় । তাহার শীতল জলে স্নান করে, তাহাদের প্রায়ই বাত রোগ জন্মে । এই স্থানে বৃষ্টি আশ্বিন মাস হইতে আরম্ভ হইয়া শীতের শেষ পর্য্যন্ত থাকে, আবার তৎসঙ্গে শিলা ও বজ্রপাতও হইয়া থাকে । এখানকার বৃষ্টিতে স্বাস্থ্যের কোন হানি হয় না ; বরং তাহাতে লোকের খর্জুর বৃক্ষ ও অন্যান্য শস্ত বেশ উত্তমরূপে জন্মে । এখানে শীতকালে রাত্রিতে, বসন্ত-কালে প্রাতে এবং গ্রীষ্মকালে সন্ধ্যার সময়ে বৃষ্টি হইয়া থাকে ।

মদিনা তিন ভাগে বিভক্ত—সহর, দুর্গ ও সহরতলি । সহরতলি মক্কা নগরের অর্দ্ধাংশ । এই নগরের চতুর্দিক প্রাচীরাবদ্ধ । নগর প্রবেশের চারিটা বৃহৎ দ্বার আছে । পূর্বদ্বার ও মিসরদ্বার অতি সুন্দর ও প্রশস্ত ; তাহাদের উত্তরপার্শ্বে দুইটা করিয়া ক্ষুদ্র ক্ষুদ্র দুর্গ আছে ; ঐ সকল দুর্গ বিবিধবর্ণে রঞ্জিত । এই সহরের মধ্যবর্তী যে যে স্থানে জল পাওয়া যায়, তাহার অনেক লোকের বাস, তাহারা তথায় পরমসুখে দিনাক্রমিত করিয়া থাকে । মসজিদ-গমন-পথপার্শ্বে অর্থাৎ মিসরদ্বারের মধ্যে একটা

বৃহৎ বাজার আছে ; তাহার বহির্দেশেই সাধারণ লোকের কাফি খাইবার গৃহ । বাজারের দোকানগুলি খর্জুর পত্র দ্বারা আচ্ছাদিত ; বাজারের ঠিক মধ্যস্থলে শ্বেত বর্ণ গুহজবুস্ত প্রাসাদ মধ্যে একটি সাধারণ জলাশয় আছে ।

হজরত মহম্মদের (দঃ) সময়ে মদিনা প্রাচীরাবদ্ধ হয় নাই । অষ্টাদশ শতাব্দীতে এই নগরী মৃত্তিকানির্মিত প্রাচীর দ্বারা বেষ্টিত হইয়াছিল । এক্ষণে ইহা অতি উৎকৃষ্ট অবস্থায় বর্তমান রহিয়াছে । ইহার প্রাচীর প্রস্তর-নির্মিত ও উত্তমরূপ চূণকাম করা এবং বৃহৎ সূর্য্য দুর্গে বেষ্টিত হইয়া রহিয়াছে । নগর মধ্যে বহুসংখ্যক রাজ-পথ, বণিকের আড্ডা ও কাফি খাইবার গৃহ আছে । এখানকার প্রাসাদাবলী প্রায়ই দ্বিতল । ওহাবীদের আক্রমণে মদিনার অনেক স্থান ধ্বংসপ্রাপ্ত হইয়াছিল । কিন্তু আবার অচিরকাল মধ্যেই শ্রীমঙ্গল হইয়া উঠিয়াছে । এই নগরে ৫০।৬০টী সুপ্রশস্ত রাজপথ আছে । ইহার লোক সংখ্যা প্রায় ২০ হাজার ।

সুপ্রসিদ্ধ বৃহৎ মস্জিদই মদিনার প্রধান দর্শনীয় স্থান । ইহাতে হজরত মহম্মদের (দঃ) সমাধি স্থাপিত । মস্জিদ-অল-নবিই অর্থাৎ ধর্ম-প্রচারকের মস্জিদটী পৃথিবীস্থ তিনটী প্রধান মস্জিদের মধ্যে দ্বিতীয় । সর্কাপেক্ষা প্রধানটী মক্কার স্থাপিত, তাহার নাম মস্জিদ-অল-হারাম, এই মস্জিদের সহিত মহাত্মা এব্রাহিমের সম্বন্ধ আছে । আর মস্জিদ-অল-আকসা জেরুজালেমে স্থাপিত, এই মস্জিদই সোলেনানের প্রসিদ্ধ স্থান । কথিত আছে যে, “মস্জিদ-অল-হারাম ভিন্ন আর অন্য স্থানে হাজার হাজার প্রার্থনার যে ফল না হয়, মদিনার মস্জিদে একবার প্রার্থনার সেই ফল পাওয়া যায় ।” তজ্জন্ত তীর্থযাত্রীগণ মদিনার মস্জিদে তিনবার নামাজ পড়ে ও সকল দিন কোরাণ শরিফ পাঠ করিয়া থাকে ।

মস্জিদ অল-নবি ও এই পবিত্র নগর দর্শন করাকে জিব্রায়ল বলে ।
তীর্থযাত্রীদের একটা প্রধান নিয়ম এই যে, মদিনা দর্শন করিলেই
মক্কা দর্শন করিতে হইবে । যাহারা নিয়মিতরূপে তীর্থকার্য সম্পন্ন করেন,
তাঁহাদিগকে হাজ্জি বলে ।

মস্জিদুল নবিই সহরের পূর্ব পাশ্বে স্থাপিত । মক্কার মস্জিদ অপেক্ষা
ইহার আকৃতি অনেক পরিমাণে ক্ষুদ্র । ইহা দীর্ঘে ২৮০ হাত, প্রস্থে
২২৫ হাত । এই মস্জিদের মধ্যভাগ অপেক্ষা বহির্ভাগের দৃশ্য অতি
রমণীয় । মস্জিদের মধ্যস্থ পবিত্র স্থানে তিনটী কবর আছে ; তন্মধ্যে
একটা হজরত মহম্মদের, একটা আবুবকরের ও অপরটা ওমরের । আর
একটা কবরের জন্ত স্থান নির্দিষ্ট আছে, সেই চতুর্থ কবরে হজরত ইসার
সমাধি হইবে । কেহ কেহ বলেন যে, তথার ইমাম মেহদির কবর
হইবে । আবার কেহ কেহ বলেন, হজরত ইসা স্বর্গ হইতে ধরাতলে
আসিয়া দরজাগকে বধ করিবেন, তৎপরে তাঁহার মৃত্যু হইলে হজরত
মহম্মদের কবরের পাশ্বে তাঁহার কবর দেওয়া হইবে । সমাধিগুলি সাধারণ
লোকের দৃষ্টির বহির্ভূত রাখিবার জন্ত এক খানি বহুমূল্য আবরণী বস্ত্র-
দ্বারা আচ্ছাদিত রাখিয়াছে । এই আবরণী বস্ত্রখানি তুরস্কের সম্রাট কর্তৃক
প্রেরিত হইয়া থাকে ।

এই মস্জিদ নিয়োগ সম্বন্ধে একটা গল্প আছে । হজরত মহম্মদ এই
স্থানে মস্জিদ নির্মাণার্থ জমা করু করিয়া নিজের তত্ত্বাবধানে ইহার
নির্মাণকার্য সম্পন্ন করিয়াছিলেন । এত স্থানে মস্জিদ নির্মাণ করিবার
কারণ এই যে, হজরত মহম্মদ মক্কা হইতে মদিনায় আগমন কালে তাঁহার
উষ্ট্র মল-কসোয়া এই স্থানে জাহু পাতিয়া খোদার নিকট প্রার্থনা করিয়া-
ছিল । ইহা নির্মাণকালে হজরত মহম্মদ ইহাতে বহুমূল্য দ্রব্যাদি
একেবারেই ব্যবহার করিতে নিষেধ করিয়াছিলেন । তৎকাল সামান্ত প্রস্তর

দ্বারা ইহার প্রাচীর নির্মিত ও খর্জুর গাছের দ্বারা ইহার খামের কার্য সম্পাদিত হইয়াছিল। হজরত মহম্মদ দিবসের অধিকাংশ সময় এই মসজিদে অবস্থান পূর্বক বকুবাকবগণের সহিত কথোপকথন করিতেন ও নীতি শিক্ষা দিতেন। তিনি এই মসজিদের ছাদোপরি উঠিয়া আজান অর্থাৎ প্রার্থনার্থ লোকদিগকে আহ্বান করিতেন। ইহার অনতিদূরেই তিনি নখরদেহ ত্যাগ করেন।

এই মসজিদ পাঁচবার নির্মিত হইয়াছে। দ্বিতীয়বার হিজিরার ২৯ অর্থাৎ তৃতীয় খলিফা হজরত ওসমান বতসংখ্যক লোকের অনভিপ्राয়ে পুরাতন মসজিদটা ভাঙ্গিয়া ফেলা পুনঃ প্রস্তুত করেন; তিনি ইহার উত্তর পশ্চিমাংশের আয়তন কিছু পরিমাণে বৃদ্ধি করিয়াছিলেন। কড়িকাঠের দ্বারা ইহার ছাদ নিৰ্মাণ করিয়াছিলেন, আর প্রস্তর খোদিত করিয়া ইহার প্রাচীর প্রস্তুত করিয়াছিলেন। হিজিরার ৮০ অর্থাৎ মহরম মাসের প্রথমেই মসজিদের নিৰ্মাণকার্য শেষ হইয়াছিল।

তৃতীয় বারে মসজিদ অল-নবি পৃথিবীর পায় অধিকাংশ প্রাসাদ অপেক্ষা সৌন্দর্যশালীরূপে নির্মিত হইয়াছিল। হিজিরার ৮৮ অর্থাৎ বনি ওম্মিয়া-বংশীয় দ্বাদশ খলিফা অলিদু দায়ফুস্ নগরে জানিউল আছিয়া মসজিদ নিৰ্মাণ করার পর মদিনায় আপনার উদারতার পরিচয় দিয়াছিলেন। গ্রীক সম্রাট এই সমৃদ্ধিশালী খলিফাকে নানাবিধ বহুমূল্য উপঢৌকন পাঠাইয়া দিয়াছিলেন—সম্রাটের রৌপ্য নিৰ্মিত আলোপাত্র, ৪০ বস্তা সুদ সুদ খোদিত প্রস্তর, ৮০,০০০ হাজার স্বর্ণ মুদ্রা আর ৩০ জন আফ্রিকা ও ৪০ জন গ্রীক দেশীয় শিল্পী প্রস্তর খোদনার্থে পাঠাইয়া দিয়াছিলেন। হিজিরার ৯১ অর্থাৎ ইহার নিৰ্মাণকার্য শেষ হইয়াছিল, ইহার প্রাচীর নিৰ্মাণে ৪৫,০০০ স্বর্ণ মুদ্রা ব্যয় হইয়াছিল।

হিজিরার ১৯১ অর্থাৎ বোগদাদের খলিফা মাহেদি চতুর্থবার এই

মস্জিদ নির্মাণ করেন । ইনি মস্জিদ নির্মাণে অনেক মুদ্রা ব্যয় করিয়াছিলেন এবং মস্জিদটির আকৃতি বর্ধিত করিয়া ১০টী সুন্দর খাম নির্মাণ করিয়া দিয়াছিলেন । হিজিরার ২০২ অব্দে খলিফা মামুন ইহার আয়তন আরও বৃদ্ধি করিয়াছিলেন ।

হিজিরার ৬৫৪ অব্দে অগ্নির ভয়ে ইহা পুনঃ নির্মিত হয় ; মিসরের শাসনকর্তা কর্তৃক ইহার আয়তন বর্ধিত ও ইহা নানাবিধ সৌন্দর্য্যে পরিপূর্ণ হইয়াছিল । ইহা তদ্রূপাবস্থায় ২০০ বৎসর পর্য্যন্ত সমভাবে বিদ্যমান ছিল । এক্ষণে মস্জিদটি যেক্ষণ অবস্থায় বিদ্যমান রহিয়াছে, তাহা ষড়বারে নির্মিত হইয়াছিল । মিশরদেশের সার-কেসিয়া মামলুকবংশের নবম সুলতান কায়াদ বে হিজিরার ৮০০ অব্দে ইহা পুনঃ নির্মাণ করেন । হিজিরার ১০ম শতাব্দীতে সোলেমান ইহার একটী চূড়া নির্মাণ করিয়া তাহাতে আপনার নামাঙ্কিত করিয়া রাখিয়াছেন ; কিন্তু কায়াদ এই চূড়া নির্মাণ করিতে সাহসী হন নাই । তৎপরে মহম্মদ আলির শাসনকালে তিনি কতকগুলি আলোপাত্র, কারপেট ও বাতি প্রভৃতির দ্বারা মস্জিদটী সজ্জীকৃত করিয়াছিলেন ।

মক্কা নগরী মদিনা হইতে ২৫০ মাইল দক্ষিণপূর্ব কোণে অবস্থিত । মদিনা হইতে এখানে উত্তম বালুকাময় জলশূন্য ভূমির উপর দিয়া আসিতে হয় । মদিনা নগরী অপেক্ষা এই নগরী সমুদ্রের অতি নিকটবর্তী ; ইহা লোভিত সাগরের তীরবর্তী জেকা বন্দর হইতে ৬০ মাইল দূরে অবস্থিত ।

মক্কা এই নামটী অতি গৌরবান্বিত শব্দে লিখিত হইয়া থাকে ; যথা—ওম্মে-আল-কোরা (সহরের মাতৃসদৃশ), মসরেক (মহৎ), বোলাহল-আমিন (ধর্ম-পরায়ণের দেশ) । এই নগরী উপত্যাকোপরি স্থাপিত, ইহার চতুর্দিকে বালুকাময় বিদ্যমান রহিয়াছে । এই উপত্যকা ৭০ হাত হইতে ৫২০ হাত পর্য্যন্ত বিস্তৃত । এই নগরী ১৫০০ গজ স্থান ব্যাপিয়া

রহিয়াছে, কিন্তু মক্কা নামধের স্থানগুলি ৩৫০০ গজ স্থান ব্যাপ্ত আছে । এই উপত্যকাটী উচ্চে ১৪০ হইতে ৩৫০ হাত । ইহার বহির্ভাগে যে দিকে নেত্রপাত কর, সেই দিকেই কেবল ছস্তর বালুকারাশি ভিন্ন আর কিছুই দৃষ্টিপথে পতিত হইবে না ।

মক্কার রাজপথগুলি অন্যান্য সহরের রাজপথ অপেক্ষা বিস্তৃত এবং প্রাসাদাবলী অতিশয় উচ্চ, প্রস্তরনির্মিত ও এতল । এই নগরীর চতুর্দিক পাচীরাবদ্ধ নহে ; পুরাকালে ইহার তিন পাশ্বে প্রাচীর দ্বারা আবদ্ধ ছিল । এখানে দৃশ্যের মধ্যে কেবল মস্জিদ ও শাসনকর্তার বাসগৃহ অতি রমণীয় ; এই স্থানেই নয়নভূষিত কোন প্রকার উদ্যানাদিও নাই । কেবল মস্জিদের (কাবা শরিফের) নিকটে কতকগুলি বিদ্যালয় (মাদ্রাসা) আছে ।

মক্কা নগরীতে অধিবাসীদের গৃহগুলি অতি সামান্ত ; কেবল ধনীদিগের গৃহগুলি সুপ্রশস্ত । এখানকার রাজপথগুলি বর্ষাকালে বড় অপরিষ্কৃত হয়, জল হইলে পথ দিয়া যাওয়া অতি কষ্টকর হইয়া উঠে ; কারণ জল নির্গমনের কোনরূপ সুবিধা নাই । রাজপথে রাত্রিকালে আলো দিবার পদ্ধতি প্রচলিত নাই । এমন কি, কোন কোন স্থানে রাস্তা নাই বলিলেও হয় । আবার যে সকল রাস্তা আছে, তাহা পরিষ্কার করাও হয় না ।

মক্কার জল বড় শুষ্ক । কেবল মস্জিদের (কাবা শরিফের) নিকটে 'জম্জম' নামে একটা কূপ আছে ; তাহার জল পান করিলে পীড়া আরোগ্য হয় । তজ্জন্য তীর্থযাত্রীগণ প্রচুর পরিমাণে তাহার জল পান করে । কথিত আছে যে, ইহার জল পান করিয়া প্রার্থনা করিলে সুফল প্রাপ্ত হওয়া যায় । কিন্তু সাধারণ লোক ইচ্ছানুসারে তাহা হইতে জল লইতে পারে না । যাহা হউক, মক্কা নগরের ৪।৫ ঘণ্টার

পথ দূরে ভাল পরিষ্কার জল পাওয়া যায় । এক জন লোক তথা দুই মসক জল মস্কার আনিতে পারে, তাহার এক মসক জলের দুলা আট আনা ।

মস্কার প্রসিদ্ধ দর্শনীয় স্থানের মধ্যে কেবল মস্জেদটাই প্রধান ; তাহাকে বায়তোলা (খোদাতায়ালায় গুণ) কিংবা মস্জেদল-হারাম বলে, 'হারাম' শব্দের অর্থ নিষিদ্ধ অর্থাৎ মস্জেদে জীবহত্যা এবং কোন জীবকে উৎপীড়ন করা নিষিদ্ধ, এমন কি, বৃক্ষাদি উৎপাটন করা ও পতিত ধন গ্রহণ করাও নিষিদ্ধ । এই মস্জেদটী "কাবা" মস্জেদ নামে প্রসিদ্ধ । কাবার উদ্বরণের আগে প্রসিদ্ধ হেজরে আসোবাদ অর্থাৎ কুফরবর্ণ প্রস্তর স্থাপিত রহিয়াছে ।

রমজানের (সে মাসে উপবাস করিতে হয়) সময়ে বায়তোলা অতি সুন্দর সূতি ধারণ করে । এই সময়ে অসংখ্য হাজি মস্কার সময়ে মস্জেদের নিকট একত্রিত হন । ইমান যে সময়ে জন্মের নিকটে দণ্ডায়মান হইয়া "আলাহো আকবর" (খোদাতায়ালা শ্রেষ্ঠ) এই কথা বলেন অর্থাৎ আজ্ঞান দেন, তখনই পর্তোক বাক্তি একটা পাতে জন্মের জল লইয়া পান করেন, তৎপরে কিছু ভোজন করিয়া নামাজে যোগ দান করেন । নামাজ শেষ হইলে সকলে গু স্ব আলরে প্রভাগমনপুস্তক সাহায্য করিয়া আবার প্রার্থনাও মস্জেদে আগমন করেন । এই সময়ে মস্জেদটী সহস্র সহস্র আলোকমালায় আলোকিত হইয়া থাকে । সে দৃশ্য অতি সুন্দর ও নয়ন-মন-তৃপ্তিকর ।

কাবা ও কুফরবর্ণ প্রস্তরের (হাজারল আসোবাদ) বিবরণ এই পুস্তকের অন্ত স্থানে লিখিত হইয়াছে ।

মক্কা নগরীতে আনুমানিক ৪৫,০০০ লোকের বাস । ইহার নিকট-বর্তী আরাকান্দ পাহাড় একটা প্রসিদ্ধ স্থান । এই স্থানে তীর্থযাত্রীগণ হজ (তীর্থযাত্রা) করিতে আগমন করেন । মক্কা হইতে এই পাহাড়

পর্যন্ত পদব্রজে গমন করিতে ছয় ঘণ্টা সময় লাগে । আরাফাৎ পাহাড় (জেবেল-এর-রহম কিংবা দয়ার পাহাড়) মক্কার ময়দানের উত্তরপূর্বকোণে গ্রাণিট প্রস্তর হইতে উৎপন্ন হইয়াছে । এই পাহাড় এক বা দেড় মাইল স্থান বাপিয়া গোলাকারে বেষ্টিত হইয়া রহিয়াছে ; ইহা উচ্চে ১৪০ হাত । ইহার পূর্বপার্শ্বে পাহাড়েয় পাদদেশ হইতে শিখরদেশ পর্যন্ত সুন্দর সোপানশ্রেণী বিস্তৃত রহিয়াছে । তীর্থযাত্রিগণ ৪০টা সোপান উত্তীর্ণ হইয়াই মানবজাতির আদি পুরুষ আদমের প্রার্থনা করিবার স্থান দেখিতে পান । কিম্বদন্তীতে বর্ণিত আছে যে, এই স্থানেই হজরত জিব্রাইল প্রথমে সৃষ্টিত প্রাণীকে কিরূপ প্রকারে সম্মান করিতে হয়, তাহা আদমকে শিক্ষা দিয়াছিলেন । তৎপরে ৬০টা সোপান উত্তীর্ণ হইলে একটা প্রশস্ত স্থান দেখিতে পাওয়া যায় ; তথায় একজন উপদেশক দণ্ডায়মান হইয়া তীর্থযাত্রিগণকে উপদেশ দিয়া থাকেন । এই পর্বত-শিখরোপরি যে স্থানে হজরত মহম্মদ (দং) হজ্জ করিতেন, তাহাও সকলের দৃষ্টিপথে পতিত হয় । ইহার শিখরোপরি একটা ক্ষুদ্র মস্জিদ ছিল, তাহা ভূমুহিত ওহাবীগণ কর্তৃক ধ্বংস হইয়াছে । তীর্থযাত্রিগণ আরাফাৎ পর্বতের সম্মান প্রদর্শনার্থ এই স্থানে দুই রেকাত নামাজ পড়েন । যখন তীর্থযাত্রিগণ আরাফাৎ পাহাড়েয়পরি একত্রিত হইয়া তীর্থযাত্রার কার্য সম্পন্ন করেন, তখন ইহা অতি মনোহর দৃশ্য ধারণ করে । হজের সময় ৩০০০ কখন কখন বা কুড়ি হইতে পচিশ হাজার তীর্থযাত্রীর উষ্ট্রে আরাফাৎ পাহাড়েয় চতুর্দিকস্থ ভূভাগগুলি সমাচ্ছন্ন করিয়া ফেলে ; আর ৭০, ০০০ তীর্থযাত্রী একত্রিত হয় । পৃথিবীর মধ্যে কোন প্রদেশে এত অল্পপরিসর স্থানে এত অধিক বিভিন্ন ভাষার কথোপকথন প্রতিগোচর হয় না । সময়ে সময়ে নূনাধিক ৪০ প্রকার বিভিন্ন ভাষা এই স্থানে প্রতিগোচর হইয়া থাকে । একটা

নির্দিষ্ট সময়ে (অপরাহ্ন প্রায় ৩ ঘটিকার সময়ে) হাজিগণ এই স্থানে প্রার্থনা করিয়া থাকেন। তৎকালে খতিব অর্থাৎ ধর্মের নীতি ব্যাখ্যাকারক, তিন ঘণ্টা কাল নানাবিধ উপদেশ দিয়া থাকেন। যদি কোন তীর্থযাত্রী মক্কা হইতে নিয়মিত সময়ে আরাফাৎ পাহাড়ে উপস্থিত হইতে না পারেন, তাহা হইলে সে ব্যক্তির হজ্জ সিক্ক হয় না; কারণ নিয়মিত সময়ে আরাফাৎ প্রান্তরে দণ্ডায়মান হওয়া হজ্জের একটা প্রধান বিধি।


আরব দেশের অধিবাসিগণের আদিম বিবরণ ।

আরব দেশবাসিগণ অতি প্রাচীন কাল হইতে আপনাদের ধারা-বাহিক বিবরণ কিংবা রীতি-নীতিসমূহ গণনা করিয়া থাকেন। তাঁহারা বলিয়া থাকেন যে, মহা জলপ্লাবনের অব্যবহিত পরে নোহর (পরগম্বর নূহের) পুত্র ছামের বংশধরগণ এখানে আসিয়া বাস করেন।

একগণে আরবদেশের তিনটা আদিম জাতির বিবরণ ক্রমান্বয়ে লিখিত হইতেছে, ইহা হইতেই তাঁহাদের আদি বিবরণ বিশেষরূপে অবগত হইতে পারা যাইবে।

১ম। আরবল বায়েনা অর্থাৎ মক্কাভূমির আরব জাতি। ২য়—আবরল আরিবা অর্থাৎ আদিম আরব জাতি। ৩য়—আরবল-মোস্তা-রিবা। এই তিন জাতিই আরববাসীগণের আদি পুরুষ।

১ম—আরবল বায়েনা অর্থাৎ মক্কাভূমির ভ্রমণশীল আরব জাতি। ইহারা পরগম্বর নূহের বংশ হইতে উৎপন্ন হইয়া সাত দলে বিভক্ত হইয়াছিলেন। পরপৃষ্ঠার ইহাদের বংশতালিকা ও বিবরণ প্রকটিত হইয়াছে।



উপরোক্ত সাত দল কোন্ কোন্ স্থানে বাস করেন, তাহা ধারাবাহিকরূপে লিখিত হইতেছে ।

১ম। কুশ বংশীয়গণ পারস্যোপসাগরের নিকটবর্তী স্থানে বাস করিতেন ।

২য়। এলামের পুত্র জরহাম ইউফ্রেটিস নদীর দক্ষিণতীরে বাস করিতেন ।

৩য়। লুদের সন্তানসন্ততিগণ আরবদেশের পূর্বপ্রান্তে বাস করিতেন ।

৪র্থ। আউছ ও (৫ম) হারল নামক আরামের পুত্রদ্বয় দক্ষিণ আরবে বাস করিতেন ।

৬ষ্ঠ। জোদৈছবংশীয়গণ আরব মরুভূমিতে বাস করিতেন ।

৭ম। ছামুদবংশীয়গণ আরবের উত্তরপ্রান্তস্থ মরুভূমিতে বাস করিতেন ।

আরব দেশীয় ইতিহাসবেত্তাগণ কুশের নামোল্লেখ না করাতে আমরা উহার কোন বিবরণ লিখিতে সমর্থ হইলাম না । তবে এলামের সন্তান-সন্ততিগণ কুশের বংশোদ্ভবগণের বাসস্থানের অনতিদূরে বাস করিতেন, ইহা বর্ণিত আছে ।

লুদের তিন পুত্র ; যথা—তাছম, আমালেক ও আমিম । ইহঁরাও পারস্যোপসাগরের নিকটে বাস করিতেন । প্রাগুক্ত বংশাবলীর নামানুসারে তথাকার অনেক স্থানের নামকরণ হইয়াছে ।

আউছ ও হারলের সন্তানগণ পারস্যোপসাগরের সন্নিকটস্থ স্থানে বাস করিতেন । এখনও তৎপ্রদেশস্থ একটী স্থানের নাম “অভাল” শুনিতে পাওয়া যায় ; বোধ হয়, এই নাম হারলের নামানুসারেই হইয়া থাকিবে । কেননা আমরা দেখিতে পাই, হাজেরা হইতে যেমন “অগার” শব্দটি সম্পন্ন হইয়াছে, সেইরূপ হারল হইতে অভাল শব্দটিও সম্পন্ন হইয়া থাকিবে । আউছের পুত্র সুবিখ্যাত আদ পূর্ব ও দক্ষিণ আরবের শাসনভার গ্রহণ করিয়াছিলেন । এই বংশে ধর্ম প্রচারক হুদ জন্মগ্রহণ করিয়া জগতে একমাত্র বিশ্বস্রষ্টার উপাসনা লোকদিগকে শিক্ষা দিয়াছিলেন এবং মুক্তি-

পূজা একেবারে রহিত করিয়াছিলেন । প্রথমে তত্রতা অধিবাসিগণ মহাত্মা হুদের উপদেশ গ্রহণ না করায়, খোদাতায়ালা তৎপ্রদেশে তিন বৎসরকাল-ব্যাপী তৃতিকে অধিবাসীদিগকে প্রায় ধ্বংস করিয়া তুলিয়াছিলেন । সেই সঙ্কট সময়েও মহাত্মা হুদ আবার তাহাদিগকে একমাত্র খোদাতায়ালাকে উপাসনা শিক্ষা দেন, কিন্তু তাহারা তাহাও অগ্রাহ্য করিয়াছিল ; কেবল কতকগুলি লোক তাঁহার উপদেশ গ্রহণ করিয়াছিল । অবশেষে সাত রাত্রি ও আট দিনব্যাপী প্রবল ঝটিকার সমুদয় লোক ধ্বংসপ্রাপ্ত হইয়াছিল, যাহারা ধর্ম প্রচারকের উপদেশ গ্রহণ করিয়াছিলেন, কেবল তাঁহারা ই জীবিত ছিলেন । এই ঘটনা খৃঃ পূঃ ২২০০ অব্দে সংঘটন হইয়াছিল ।

জোর্দেছ ও ছামুদ বংশের কোন বিশেষ বিবরণ অবগত হওয়া যায় না ; কেবল তাঁহারা আরব মরুভূমির অধিবাসী ছিলেন, ইহাই অবগত হওয়া যায় । ছামুদ বংশীয়েরা অতিশয় কমতামালী হইয়া উঠিয়াছিলেন । তাঁহারা আরবমরুভূমির মধ্যবর্তী অল-হেজ্জার নামক স্থানে বাস করিতেন, ইহা আরব দেশের উত্তর প্রান্তে স্থিত ; এই প্রান্তর ওয়াদি-অল-কোরা নামে অভিহিত । কোরান শরীফের অনেক স্থানে ছামুদবংশের বিষয় উল্লিখিত হইয়াছে । ইহার পাহাড় খোদিত করিয়া আপনাদের বাসগৃহ প্রস্তুত করিয়াছিলেন ; অগ্গাবধিও সেই সকল পাহাড় “আছালেব” নামে অভিহিত হইয়া থাকে । পর্যটকগণ আরবদেশে গমন করিলেই উৎসুক-চিত্তে সেই সকল পাহাড় দর্শন করিতে গমন করেন ও তথাকার অধিবাসী-দিগের বিবরণ অবগত হইয়া কৌতূহল নিবারণ করেন । সেই পাহাড়-শ্রেণী এককালে ছামুদ বংশের বাসস্থান ছিল বলিয়া সাক্ষ্য প্রদান করিতেছে । ছামুদবংশীয়গণ কয়েকপুরুষ পরে পৌত্তলিকতা রূপ কুসংস্কার-জালে আবদ্ধ হওয়ায়, খোদাতায়ালা তৎপ্রদেশে ধর্ম প্রচারক ছালেকে প্রেরণ করিয়াছিলেন । কেহ কেহ মহাত্মা ছালের উপদেশ গ্রহণ করিয়াছিল,

কেহ কেহ তাঁহার উপদেশ অগ্রাহ্য করিয়াছিল। মহাম্মা ছালের উপদেশ অগ্রাহ্যকারিগণ তাঁহাকে বলিয়াছিল, “আপনি আমাদেরকে কিছু অলৌকিক ঘটনা প্রদর্শন করুন।” তাহাতে মহাম্মা ছালে তাহাদিগকে বলেন, “হে লোকসকল! খোদাতায়ালার সৃষ্ট এই উষ্ট্রই তোমাদের নিকট তাঁহার (খোদাতায়ালার) ক্রমতার চিহ্নরূপ, এই উষ্ট্রটি তাঁহার বিশ্বরাজ্যে নিরাপদে ভ্রমণ করিয়া বেড়াইবে। যদি তোমরা ইহার প্রতি কোনরূপ অত্যাচার কর তাহা হইলে শীঘ্র ধ্বংস প্রাপ্ত হইবে।” তৎক্ষণাৎ অনেক দিন অর্ধি কেহ তাহার প্রতি কোন রূপ অত্যাচার করে নাই। অনন্তর একদা তৎপ্রদেশে ভয়ানক জলকষ্ট উপস্থিত হইল, কেবল এক স্থানে অল্পমাত্র জল ছিল। মহাম্মা ছালে সকলকে বলেন, “কেহ এই উষ্ট্রকে জলপানে প্রতিবন্ধক প্রদান করিও না।” তাহাতে অবিশ্বাসীদের কয়েকজন দলপতি একত্রিত হইয়া মহাম্মা ছালেকে কালগ্রামে পাঠিত করিবার জন্ত বড়বন্দ কারল; কিন্তু তাহাতে বিফল মনোরণ হইয়া অবশেষে আশ্রমের নামক এক ব্যক্তি উষ্ট্রটিকে বধ করিল। মহাম্মা ছালে তাহাদিগকে বলেন, “তোমরা তিন দিবস স্তম্বে বাস কর, তৎপরে ধ্বংস প্রাপ্ত হইবে।” প্রকৃতপক্ষে তৃতীয় দিবস রাত্তিতে ভয়ানক হরম্মদ-সঙ্কল কটিকা-প্রবাহে তাহারা সকলে ধ্বংস প্রাপ্ত হইয়া গিয়াছিল। এই ঘটনা পৃঃ পৃঃ ১৮৯৭ অঙ্কে সংঘটন হয়।

২য়—আরবল আরেবা, অর্থাৎ আদিম আরব জাতি ।

হে জাতীয় লোকেরা কহতান (জকতান) বংশোদ্ভব। নোয়ার (নুঃ) পুত্র ছাম, ছামের পুত্র আরফাখন্দ, আরফাখন্দর পুত্র ছালা, ছালার পুত্র আরবার, আরবারের পুত্র কহতান (জকতান)। ইহারা সকলেই আরবোপসাগরের নিকটে বাস করিতেন।

কহতানের (জকতানের) ১৩টী পুত্র ছিল।—১, আলমুদাদ ; ২, সেল্ফ ; ৩, হাজ্জরা-মাত্তেছ ; ৪, জেরা ; ৫, হাজ্জরাম ; ৬, আউদাল ; ৭, দেক্‌লা ; ৮, আউরাল ; ৯, আবিমারেল ; ১০, সেবা ; ১১, আউফার ; ১২, হাভিলা ; ১৩, জোবাব । ইহাদের বংশ পরম্পরার বিবরণ ক্রমশঃ লিখিত হইতেছে ।

আল-মুদাদবংশীয়গণ ইমেন্ কিংবা আরবফেলিক্কে বাস করিতেন ।

সেল্ফ বংশীয়গণ মদিনার নিকটস্থ ময়দানে বাস করিতেন ।

হাজ্জরা-মাত্তেছ বংশীয়গণ আরবোপসাগরের তীর ব্যাপিয়া উর্করা ভূমিখণ্ডে বাস করিতেন । প্রাচীন গ্রীকগণ ইহাদিগকে বাবসাখী, নাবিক ও বীরপুরুষ বলিয়া জানিত ।

হাজ্জরামবংশীয়গণ আব্দুলকেদার হতে দার্কাবামাত্তেব প্রদেশে বাস করিতেন ।

আউদালবংশীয়গণ ইমেনপ্রদেশস্থ বহুমান সানা নামক স্থানে বাস করিতেন ।

দেক্‌লাবংশীয়গণ ইমেনে বাস করিতেন ।

আউরালবংশীয়গণ আফ্রিকায় গমনপূর্বক তথায় উপনিবেশ স্থাপন করিয়াছিলেন ।

আবিমারেলবংশীয়গণ বনি সেলেস্ এবং হেজাজ প্রদেশের নিকটে বাস করিতেন ।

সেবাবংশীয়গণ দক্ষিণ আরবে অর্থাৎ ইমেনের দক্ষিণ প্রান্তে বাস করিতেন ।

আউফারের বংশধরেরা ইমেন প্রদেশস্থ পূর্ব সেবায় বাস করিতেন ।

হাভিলাবংশীয়গণ উত্তর মারবে বাস করিতেন ।

জোবাববংশীয়গণ মারবে বাস করিতেন ।

কহতানের (ককতানের) অসংখ্য সন্তানের মধ্যে ইয়ারাব ও জরহাম নামক পুত্রদ্বয় বিশেষ বিখ্যাত ছিলেন । কেহ কেহ বলেন যে, ইয়ারাব ও জরহাম এক ব্যক্তির নাম ; কিন্তু আবুলফেদা বলেন যে, ইয়ারাব দুই জন পুত্র ব্যক্তি ।

কহতান (ককতান) প্রথমে আরব দেশের রাজা হন । ইমেনে ইঁহার রাজধানী ছিল । পরে জরহাম, হেজাজ ও ইমেন প্রদেশদ্বয় অধিকার করেন ।

ওয়েসলের পুত্র সুক্ছাক্ আর আউফের পুত্র ফরাণ এরাহিমের জন্মের ৩০ বৎসর পূর্বে জন্মগ্রহণ করিয়াছিলেন ।

আউফ, হেজাজ ও নেজদের মধ্যস্থ প্রদেশে রাজত্ব করিতেন ; তদ্রূপে পরকতগুলিও অষ্টাপি আউফ পরকত নামে অভিহিত হইয়া থাকে । এই স্থানের নিকটে বিস্তৃত প্রান্তরে ফরাণ বাস করিতেন, এই স্থান কাদেশ পর্য্যন্ত বিস্তৃত । এই স্থানেই পবিত্র মক্কা নগর অবস্থিত । আবুলফেদা বলেন যে, ফরাণের নামানুসারে পারাণ রাজ্যের নামকরণ হইয়াছে । কাদেশ হইতে পারাণ পর্য্যন্ত যে পরকতশ্রেণী বিদ্যমান রহিয়াছে, তাহার নাম সারের ।

ইমেনের শাসনকর্তা আস্রাবংশীয় আব্রাহা ৫৭০ খৃঃ অব্দে পবিত্র মক্কা নগরী আক্রমণ করে, কিন্তু কৃতকার্য্য হইতে পারে নাই । পরে হামিরবংশীয় ছারেক আব্রাহাকে দূরীভূত করিয়া রাজ্য অধিকার করে । কিছুকাল পরে সারেক মিসর দেশের এক ব্যক্তি কর্তৃক নিহত হয় । সারেকের মৃত্যুর পর পারস্তরাজ কায়েছ্র-নওশেরওয়া বাজান নামক এক ব্যক্তিকে ইমেনের শাসনকর্তৃত্বপদে নিযুক্ত করিয়া প্রেরণ করেন ; এই বাজান ইসলাম ধর্ম গ্রহণ করিয়াছিলেন ।

খৃষ্টীয় তৃতীয় শতাব্দীতে লাহির পুত্র আমর ইমেনের রাজা হইয়াছিল ।

আবুলফেদা বলেন যে, আমরাই প্রথমে পৌত্তলিকতার সূত্রপাত করিয়া কাবা মসজিদে তিনটী প্রতিমূর্তি স্থাপন করিয়াছিল। আরাবল আরেবী জাতির ধারাবাহিক বিবরণ দেওয়া বড় কঠিন ব্যাপার; তজ্জন্য প্রসিদ্ধ ব্যক্তিগণের বিবরণ প্রদত্ত হইল মাত্র।

৩য়—আরাবল মাছতারেবা ।

আরাবল-মাছতারেবা দলস্থ লোকগণ এক সাধারণ বংশ হইতে উৎপন্ন। তেঁরা হইতে ইহারা আপনাদের বংশ গণনা করিয়া থাকেন। তেঁরার পূর্ব-পুরুষগণের নাম এই যে, ছামের পুত্র আরফাখ্-সাদ, আরফাখ্-সাদের পুত্র শালা, শালার পুত্র এবার, এবারের পুত্র ফালেগ, ফালেগের পুত্র রাউ, রাউর পুত্র সারুণ, সারুণের পুত্র নাহর, নাহরের পুত্র তেঁরা। তেঁরা হইতে নিম্নলিখিত কয়েকটী বংশ উৎপন্ন হইয়াছে।

১ম। বনি ইস্মাইল (ইস্মাইলের বংশ); তেঁরার পুত্র এব্রাহিম, এব্রাহিমের পুত্র ইস্মাইল।

২য়। বনি কতুরা (কতুরার বংশ)।

৩য়। বনি আছম (আছমের বংশ); এব্রাহিমের পুত্র ইসহাক, ইসহাকের পুত্র আছম।

৪র্থ। বনি নাহর (নাহরের বংশ); এব্রাহিমের ভ্রাতা নাহর।

৫ম। বনি হারাণ (হারাণের বংশ); এই বংশ মোরাব ও আমনবংশস্থ হইতে উৎপন্ন হইয়াছে। মোরাব ও আমন, লুধের পুত্র, লুধ হারাণের পুত্র, হারাণ তেঁরার পুত্র। আমরা এই বংশকে হারাণবংশ বলিয়া বর্ণনা করিব। উপরোক্ত পাঁচটী বংশের বিবরণ ক্রমান্বয়ে লিখিত হইতেছে।

১ম । বনি ইস্মাইল (ইস্মাইলের বংশ) ।

বাবেল নগরস্থ নাস্তিক নমরুদ রাজার রাজ্যে তেঁরা বাস করিতেন । রাজা স্বকীয় রাজ্য মধ্যে প্রচার করিয়া দিয়াছিলেন,—“হে লোক-সকল ! তোমরা সকলে আমার প্রতিমূর্তি প্রস্তুত করিয়া তাহার আরাধনা কর ।” সকলেই রাজার আদেশানুযায়ী কার্য করিতে প্রবৃত্ত হইয়াছিল । তেঁরা রাজার প্রতিমূর্তি নির্মাণকারী ছিলেন, রাজ্যেও তাঁহাকে অত্যন্ত স্নেহ করিতেন । এই তেঁরার পুত্র মহাত্মা এব্রাহিম । এক সময়ে রাজা দৈবরূপের প্রমুখ্যে শুনিলেন যে, তাঁহার রাজ্য মধ্যে শীঘ্রই একজন মহাপুরুষ জন্ম গ্রহণ করিয়া তাঁহার ধর্ম ও রাজ্য ধ্বংস করিবে । তজ্জন্ম রাজা আদেশ প্রচার করেন,—“আমার রাজ্য মধ্যে কেহ যেন আর স্বী সহবাস না করে ।” কিন্তু তেঁরার স্ত্রী আদনা একদিন গোপনে স্বামীর সহিত সহবাস করিয়া গর্ভবতী হইয়াছিলেন । সেই গর্ভে মহাত্মা এব্রাহিমের জন্ম হয় । প্রসব কাল উপস্থিত হইবার পূর্বে আদনা একটী সুবহু গর্ভ খনন করিয়া তাহাতে প্রসবকালোপযোগী দ্রব্যাদি সংগ্রহ করিয়া রাখিয়াছিলেন । পরে স্বামীর অজ্ঞাতসারে সেই গর্ভে মহাত্মা এব্রাহিমকে প্রসব করেন । কালক্রমে মহাত্মা এব্রাহিমের বাকান্ফুট হইলে তিনি জননী নিকট সর্কশক্তিমান, বিশ্বপালক খোদাতায়ালা সত্বে প্রার্থনা জিজ্ঞাসা করিতে লাগিলেন । তখন জননী পুত্রকে রাজ-ধর্ম-দ্রোহী দেখিয়া বিষম-বদনে স্বামীর নিকট গমনপূর্বক পুত্রের আমূল বৃদ্ধান্ত বর্ণনা করেন । মহাত্মা এব্রাহিমের খোদাতায়ালা সত্বে প্রথম প্রশ্ন এই, “মাতঃ ! আমাদের সৃষ্টিকর্তা কে ?” ; জননী উত্তর করিয়াছিলেন, “মহারাজ নমরুদ” । এব্রাহিম পুনঃ জিজ্ঞাসা করিয়াছিলেন, “নমরুদের সৃষ্টিকর্তা কে ?” ; তখন



মাতা তাহার উত্তর দানে সমর্থ হন নাই । তৎপরে তিনি তাহার পিতাকে সৃষ্টিকর্তা সম্বন্ধে প্রশ্ন করেন, পিতাও উত্তর দানে অসমর্থ হইয়াছিলেন ।

ষোড়শ বৎসর বয়ঃক্রমকালে একদিন সন্ধ্যার সময়ে মহাত্মা এব্রাহিম তাহার অন্ধকারময় বাসগৃহের বহির্দেশে আনীত হইয়াছিলেন । সেই সময়ে গগনমণ্ডলস্থ নক্ষত্ররাজি দর্শন করিয়া তিনি আনন্দে বলিয়া উঠিয়াছিলেন, “ইহারা ই কি সৃষ্টিকর্তা ?” কিন্তু নক্ষত্ররাজি অস্তমিত হইলে, বলিয়াছিলেন, “যে সকল দেবতা অস্ত যায়, তাহাদের প্রতি আমার বিশ্বাস নাই, আমি তাহাদিগকে সৃষ্টিকর্তা বলিতে পারি না ।” পরে চন্দ্র উদিত হইলে তিনি চীৎকার করিয়া বলিলেন, “নিশ্চয়ই এই সৃষ্টিকর্তা” । কিন্তু চন্দ্র অস্ত গেল, বলিলেন, “আমি অস্তগামী বস্তুকে সৃষ্টিকর্তা বলিতে পারিব না ।” অবশেষে জ্যোতির্ময় সূর্যকে উদিত হইতে দেখিয়া, তিনি চীৎকার করিয়া বলিলেন, “ইহাট সন্ধ্যাপেক্ষা উজ্জ্বলতম বস্তু, ইহা নিশ্চয়ই সৃষ্টিকর্তা ।” কিন্তু সূর্য অস্ত গেল, বলিলেন, “হে মানবগণ ! তোমরা যাহাকে দেবতা বলিয়া জান, আমি তাহাদিগকে বিশ্বাস করি না, নিশ্চয়ই আমি সেই সৃষ্টিকর্তাকে প্রার্থনা করিব, যিনি স্বর্গ ও মর্ত্ত সৃজন করিয়াছেন ।” তখন তাহার অন্তর মধ্যে সর্বশক্তিমান খোদাতায়ালায় জ্ঞানালোক প্রদীপ্ত হইয়া উঠিলে তিনি খোদাতায়ালায় নিকট প্রার্থনা করিতে লাগিলেন । সেই প্রার্থনা কোরান শরিফের আনাম্ সুরায় (অধ্যায়ে) বিশেষরূপে উক্ত আছে ।

মহাত্মা এব্রাহিম এক সময়ে তাহার পিতাকে বলিয়াছিলেন, “পিতাঃ ! আপনি কি কারণে খোদিত প্রতিমূর্ত্তিগুলিকে সৃষ্টিকর্তা বলিয়া সম্মান করেন ? আর খোদাতায়ালায় সৃষ্ট দেহকে কি কারণেই বা কাষ্ঠের পুত্তলিকার নিকট ভূমিতলে অবলুপ্তিত করান ? যে আত্মা সত্য বিশ্বস্রষ্টার উপাসনায় সম্বৃত্ত থাকে, তাহাকেই বা কি কারণে চন্দ্র সূর্যাদির

উপাসনার নিযুক্ত রাখিয়াছেন ? বাস্তবিকই আপনি ও অন্যান্য লোক
ভ্রমে পতিত হইয়াছেন ।”

মহাত্মা এব্রাহিম লোকদিগের নিকট অদ্বিতীয় খোদাতারালার উপাসনা
প্রচার করিতে আরম্ভ করিলে, মহারাজ নমরুদ তাঁহাকে ধরিয়া লইয়া
গিয়া মারিবার চেষ্টা করিয়াছিলেন ; কিন্তু কৃতকার্য হইতে পারেন নাই ।
অবশেষে এব্রাহিম সারা বিবি সহ বাবেলনগর পরিত্যাগপূর্বক মিসরে গমন
করিলেন । পথিমধ্যে বিধাতার আদেশে তিনি সারাকে বিবাহ করিয়া-
ছিলেন । তাঁহার মিসরদেশে উপনীত হইলে, তদ্রত্যা শাসনকর্তা সাধুক,
হাজেরা নামী একটী কুমারীকে মহাত্মা এব্রাহিমের পরিচর্যার্থে সারার নিকট
অর্পণ করিয়াছিলেন । বহুকালাবধি সারার সম্বানাদি না হওয়ায়, তাঁহার
অনুমত্যানুসারে মহাত্মা এব্রাহিম কালক্রমে হাজেরার পাণিগ্রহণ করিয়া
ছিলেন । এই হাজেরার গর্ভে মহাত্মা ইস্মাইল জন্ম গ্রহণ করেন ।
মহাত্মা এব্রাহিম হাজেরা ও একমাত্র পুত্র ইস্মাইলের প্রতি অধিক স্নেহ
প্রকাশ করিতে লাগিলেন, তাহা দেখিয়া সারা দুঃখিত হইয়া স্বামীকে
বলিলেন যে, উহাদিগকে জলতৃণাদিশূন্য উত্তপ্ত মরুভূমিতে নির্বাসিত
করিয়া আইস, তাহা হইলে আমি সন্তুষ্ট হইব । খোদাতারালার সেই
সময়ে মহাত্মা এব্রাহিমের প্রতি আদেশ করিলেন, “তুমি সারাকে বিষয়
করিও না।” অতএব মহাত্মা এব্রাহিম হাজেরা ও ইস্মাইলকে লইয়া
একণে বখার মক্কা নগরী স্থাপিত, তথায় নির্বাসন করিয়া আসিলেন ।
এব্রাহিম হাজেরাকে কেবল এক মশক জল ও কতকগুলি খোশ্বা ফল
দিয়া আসিয়াছিলেন । হাজেরা মহাত্মা এব্রাহিমকে তদীয় ত্যাগের
কারণ পুনঃ পুনঃ জিজ্ঞাসা করিয়াছিলেন, কিন্তু তিনি তাঁহার
প্রশ্নের কোন উত্তর দেন নাই । অবশেষে হাজেরা তাঁহাকে
জিজ্ঞাসা করিলেন, “স্বামিন্ ! আপনি কি বিধাতার আদেশানুযায়ী

কার্য করিলেন ?” মহায়া এব্রাহিম বলিলেন “হাঁ” । বিধাতার আদেশানুযায়ী কার্য সম্পন্ন হইয়াছে শুনিয়া হাজেরা নীরব হইলেন এবং খোদাতায়ালায় নিকট কৃপা প্রার্থনা করিতে লাগিলেন ।

অতঃপর এব্রাহিম চলিয়া গেলেন আর একবারও পশ্চাদিকে ফিরিয়া চাহিলেন না । যখন তিনি ছানিয়া নামক স্থানে উপনীত হইলেন, তখন মক্কার দিকে নেত্রপাত পূর্বক নিম্নলিখিতরূপে খোদাতায়ালায় নিকট প্রার্থনা করেন, “হে প্রভো ! আপনার পবিত্র গৃহের নিকট অনুর্কর উপত্যকার আমার সন্তানকে বাস করিবার জগু রাখিয়া আসিলাম ।”

ইস্রাইলের জননী স্বামী প্রদত্ত খোয়া ও জল পান করিয়া সন্তান-স্নীকে শুশ্রূষা করাইতে লাগিলেন । অল্পদিনের মধ্যেই জল নিঃশেষিত হইয়া গেল ; তিনি জলাভাবে তৃষ্ণায় অস্তির হইয়া সমতল ক্ষেত্রে লোকের অন্বেষণার্থ নিকটস্থ সাফা পর্বতোপরি আরোহণ করিলেন ; কিন্তু তথায় কাহাকেও দেখিতে না পাইয়া পর্বত হইতে অবতীর্ণ হইলেন । পরে কটিদেশে বসন বন্ধন পূর্বক লোকের সাহায্য অন্বেষণার্থ পাগলিনীর স্থায় দ্রুতগমনে মারওয়া পর্বতোপরি আরোহণ করিলেন । কিন্তু তথায় কাহাকেও দেখিতে পাইলেন না ; আবার সাফা গিরিতে দৌড়িয়া আসিলেন । এইরূপে, পাগলিনীর স্থায় সাতবার সাফা ও মারওয়া পর্বতদ্বয়ের মধ্যবর্তী স্থানে গমনাগমন করিতে লাগিলেন । সাফা ও মারওয়া পর্বতদ্বয়ের মধ্যস্থ স্থান ২০০ পাদভূমি বিস্তৃত । এখানে আব্বাস^১ বলেন যে, হজরত মহম্মদ বলিয়াছেন যে, ঐ পর্বতদ্বয়ের মধ্যস্থ স্থানে হজের সময় সাতবার গমনাগমনের রীতি হাজেরার এই আরোহণাবরোহণ হইতে উৎপন্ন হইয়াছে । শেষ বার হাজেরা মারওয়া পর্বতোপরি আরোহণ করিয়া একটী শব্দ

শ্রবণে চম্কিয়া উঠিলেন ; পুনরায় সেই শকতী শুনিয়া বলিলেন “কেন, আমাকে ডাকিতেছ ? পার ত, সাহায্য কর ।”

তৎপরে তিনি একটী স্বর্গীয় দূতকে (ফেরেস্তাকে) দেখিতে পাইয়া তাঁহার নিকট আত্ম-বৃত্তান্ত বর্ণনা করিলেন । তিনি (ফেরেস্তা) বৃত্তান্ত শ্রবণানন্তর প্রবোধ বাক্যে তাঁহাকে বলিলেন, “আচ্ছা, বিধাতার আশ্রয়ে সুখে থাক ” দূতবর কথোপকথন কালে পদাঙ্গুলি দ্বারা ভূমিতলে একটী গর্ত খনন করিয়াছিলেন, তাহা হঠাৎ জল বহির্গত হঠাৎ থাকায় হাজেরা সেই গর্তটিকে আরও বিস্তৃত করিয়া, তাহা হঠাৎ এক মশক জল তুলিয়া লইলেন । এই কৃপাই জগতে “আবু জম্ জম্” নামে অভিহিত হইয়াছে ।

হাজেরা জলপান করিয়া শাস্তিচক্রে পুত্রটিকে স্তম্ভপান করাইতে লাগিলেন । (এখানে আব্বাসের মতানুসারে লিখিত) । অতঃপর ইমেন-প্রদেশস্থ জরহামবংশীয় কতকগুলি লোক হাজেরার বাস স্থানের নিকট জলাদেহণ করিতে করিতে উপনীত হয় । হাজেরা ও তাহাদিগকে সান্নিধ্য গ্রহণ করেন । তাহারা তথায় জলের সুবিধা দেখিয়া বাস করিতে লাগিল । এই স্থলে মক্কা নগরীর উৎপত্তি হইল । এই ঘটনা হজরত মহম্মদের জন্মের ২৫০০ বৎসর পূর্বে সংঘটন হইয়াছিল ।

এদিকে সারার গণ্ডে ইসহাক জন্মগ্রহণ করেন । এই ইসহাকের বংশে মুসা (মোসেস) প্রভৃতি ধর্মপ্রচারকগণ জন্মগ্রহণ করিয়াছিলেন । মহাদ্বা এব্রাহিমের এক উপাধি “হানিফ”, আর এক উপাধি “খালিলোল্লা” ইহার অর্থ খোদাতায়ালার বন্ধু । ইহার প্রচারিত ধর্মকে “হানিফী ধর্ম” বলে ।

কোরান শরিকের একটী আয়তে মহাদ্বা এব্রাহিমের একটী প্রার্থনা নিম্নলিখিতরূপে উক্ত হইয়াছে । “হে বিশ্বকর্তা ! আমি তোমার

পবিত্র গৃহের নিকটস্থ অমূর্কর স্থানে আমার স্ত্রী ও পুত্রকে ত্যাগ করিলাম।” তিনি কাবা নিষ্কাশন সময়ে বিধাতার নিকট উপরোক্ত প্রার্থনাটীও করিয়াছিলেন। ইহাতে স্পষ্টই প্রতিপন্ন হইতেছে যে, যে অমূর্কর স্থানে কাবা ও মক্কা নগরী স্থাপিত, তথাকার নামোল্লিখিত হইয়াছে। হিব্রু ভাষাতেও মহাত্মা এব্রাহিমের প্রার্থনার “অমূর্কর” এই শব্দটি দেখিতে পাওয়া যায়।

কাবার চতুর্দিকবেষ্টিত উপত্যকাটিকে পারাগ কিংবা এল-পারাগ বলে। হিব্রু ভাষায় “এল” শব্দটি সৃষ্টিকর্তার সম্বন্ধে বুঝায়; অতএব এল-পারাগ বলিলে কাবার চতুর্দিকস্থ স্থানসমূহকে বুঝাইতেছে।

মহাত্মা এব্রাহিমের অন্তিমত্যাগসারে ইস্মাইল স্কীর প্রথমা বিবাহিতা স্ত্রীকে ত্যাগ করিয়া বনি-জারহান-ব-শীম অগ্ৰ আর একটা কুমারীর পাণিগ্রহণ করিয়াছিলেন। সে ঘটনাটি এইরূপ,—এক সময়ে মহাত্মা এব্রাহিম ইস্মাইলকে দেখিবার জন্য গমন করেন। গৃহে ইস্মাইলকে দেখিতে না পাইয়া, পূর্ববদিকে জিজ্ঞাসা করেন, “ইস্মাইল কোথায়?” পূর্ববদুর্গে কক্শভাবে বলে, “তিনি নীকারার্থ বাহিরে গমন করিয়াছেন”। মহাত্মা এব্রাহিম ইহা শুনিয়া তাহাকে বলিলেন যে, তোমার স্বামী গৃহে ফিরিয়া আসিলে বলিও, “এব্রাহিম তোমাকে দেখিতে আসিয়াছিলেন, তিনি তোমাকে তোমার গৃহের আসবাব পরিবর্তন করিতে বাধ্য গিয়াছেন।” ইহা বলিয়াই তিনি চলিয়া গেলেন।

ইস্মাইল গৃহে প্রত্যাগমন করিলে, তাঁহার স্ত্রী সমুদয় বিবরণ বলিলেন। তিনি পিত্রাদেশে স্থনিবাসাত্র তৎক্ষণাৎ স্ত্রীকে ত্যাগ করিয়া অন্য একটা কুমারীর পাণিগ্রহণ করেন। আবার কিছুদিন পরে মহাত্মা এব্রাহিম তাঁহার পুত্রকে দেখিতে আসিলেন; সে দিনও ইস্মাইল গৃহে

৩০ হজরত মহম্মদের জীবন চরিত ও ধর্মনীতি ।

ছিলেন না। এব্রাহিম পুত্রবধূকে জিজ্ঞাসা করিলেন, “ইস্রাইল কোথায় ?” তিনি সম্মানে গাজোথানপূর্বক নম্রভাবে বলিলেন, “তিনি শীকার্থ বাহিরে গিয়াছেন ; আপনি অশ্ব হইতে অবতরণপূর্বক বিশ্রাম করুন” তিনি পুত্রবধুর সহাবহারে সন্তুষ্ট হইয়া আশীর্বাদ করিলেন ।

ইহার কিছু দিন পরে মহাত্মা এব্রাহিম জম্জম্ কূপের নিকট পুত্রের সহিত সাক্ষাৎ করিয়া বলিলেন যে, আল্লাহতায়ালা আমাকে উপাসনার্থ (নামাজ পড়িবার জন্য) একটি মস্জিদ নির্মাণ করিতে অনুমতি দিয়াছেন এবং তোমাকে তৎকার্যে সাহায্য করিতে বলিয়াছেন । ইস্রাইল তৎক্ষণাৎ পিতার প্রস্তাবে সম্মত হইলেন । মস্জিদের নির্মাণ-কার্য আরম্ভ হইল ; ইস্রাইলও উক্ত কার্যে সাহায্য করিতে লাগিলেন । এই মস্জিদেই “কাবা” মস্জিদ নামে অভিহিত । মহাত্মা এব্রাহিম ও ইস্রাইল মস্জিদের নির্মাণকার্য শেষ করিয়া খোদাতায়ালার নিকট এইভাবে প্রার্থনা করিয়াছিলেন, “হে সর্ব্বচ্ছ দয়াময় ! ইহা আমাদের নিকট হইতে গ্রহণ করুন” । (বোধার্শির মতামুসারে লিখিত) ।

কোরানশরীফের বর্ণিত বিবরণ অনুসারে ইহা অবশ্যই স্বীকার্য যে, ইস্রাইলও তাঁহার পিতার ন্যায় লোকদিগের মধ্যে সত্য-ধর্ম প্রচার করিবার ক্রমতা প্রাপ্ত হইয়াছিলেন ।

মহাত্মা এব্রাহিম মেহাম্মদ পুত্র ইস্রাইলকে কোরবানি (বলিদান) করিবার জন্য খোদাতায়লা কর্তৃক আদিষ্ট হইয়াছিলেন ; কিন্তু এ সম্বন্ধে মস্তভেদ দৃষ্টি হয় । কেহ কেহ বলেন যে, ইসহাকের বলিদানের আদেশ হইয়াছিল । কিন্তু প্রথমোক্ত কথাই যথার্থ বলিয়া বোধ হয় ।*

* খোদাতায়লা এব্রাহিমকে তত্ত্ব ও ধর্মপ্রচার দেখিয়া বলিদান কার্য হইতে নিরস্ত করিয়াছিলেন ।

ফলতঃ কাছাকে বলিদান করিবার আদেশ হইয়াছিল, তাহা কোরাণ শরীফে 'পষ্টরূপে লিখিত নাই। যে পর্কতে তিনি তাহার পুত্রকে বলিদানার্থ লইয়া গিয়াছিলেন, সেই পর্কতটিকে হিব্রু ভাষায় "হারিম" বলে। হারিম শব্দটী দ্বিবচন কিম্বা বহুবচনে প্রয়োগ হইয়া থাকে। ইহাতে ইতিহাসবেত্তাগণ বলিয়া থাকেন যে, হারিম শব্দটীর প্রয়োগ দ্বারা মক্কার নিকটস্থ মারওয়ী ও সাফা নামক দুইটী পবিত্র পর্কতকে বুঝাইতেছে। আবার একস্থানে মহাশয় এত্রাহিম স্বয়ং বলিতেছেন যে, "বলিদানার্থ আমার পুত্রকে "জিহোবা জেরা" নামক স্থানে লইয়া গিয়াছিলাম; কিন্তু জিহোবা-জেরা শব্দের অর্থে মক্কার নিকটস্থ আরফাত পর্কতকে বুঝাইতেছে। অতএব ইহাতেই ইস্রাইলকে বলিদান করিবার আদেশ সম্ভব বলিয়া বোধ হইতেছে। পক্ষান্তরে ইসহাক কখনও মক্কার পদার্পণ করেন নাই। এ সম্বন্ধে অনারেবল নবাব সৈয়দ নওয়াজ আলি চৌধুরী সাহেব প্রণীত "সুন্দর আঙ্গহা" গ্রন্থে বাহা লিখিত হইয়াছে, পাঠকগণের অবগতির জন্য তাহা এস্থলে উদ্ধৃত হইল।

"জবিহ্ সম্বন্ধে মত ভেদ ও মীমাংসা।—হজরত এত্রাহিমের (আ) দুই পুত্র—হজরত এসমাইল (আ) ও হজরত এসহাক (আ)। এই উভয় পুত্রের মধ্যে কোন পুত্রকে কোরবানী করার জন্য খোদাতালা আদেশ করিয়াছিলেন, তদ্বিষয়ে ভ্রান্ত মত ভেদ আছে। পবিত্র কোরাণ শরীফে যে স্থানে এই ঘটনার উল্লেখ আছে, সে স্থানে কোন পুত্রের নামোল্লেখ নাই এবং 'কোন বিশ্বস্ত হাদিসও এ সম্বন্ধে দেখিতে পাওয়া যায় না। এই জন্যই ইহাতে এত মত বিভিন্নতা জন্মিয়াছে। ইহুদী ও খৃষ্টানগণ হজরত এসহাকের (আ) পক্ষ সমর্থন করেন। মোসলমানগণের মধ্যে কেহ হজরত এসহাক (আ), কেহ হজরত এসমাইলের (আ) পক্ষাবলম্বী।

“উভয় পক্ষেই সাহাবি ও তাবেরীন আছেন। যাহারা হজরত এসহাকের (আ) পক্ষ সমর্থন করেন, তন্মধ্যে কাব নামক এক ব্যক্তি যিনি হজরত ওমরের (আ) খেলাফত কালে ইসলাম ধর্মে দীক্ষিত হইয়াছিলেন, তিনি একদা হজরত আবু হোরেরাকে (আ) বলেন, এব্রাহিমের (আ) পুত্র এসহাকের (আ) ঘটনা আপনাকে শ্রবণ করাইতে ইচ্ছা করি। তত্বরে হজরত আবু হোরেরা (আ) শ্রবণ করিতে ইচ্ছা প্রকাশ করায় তিনি বলিতে আরম্ভ করিলেন যখন হজরত এব্রাহিম (আ) ঠাঁঠার পুত্র হজরত এসহাককে খোদাতালাার পবিত্র নামে কোরবানী করিতে স্বপ্নে আদিষ্ট হন। তৎকালে শয়তান মনে করিল যে, এই সময় এব্রাহিমকে (আ) গোলযোগে ফেলিতে না পারিলে আর কাহাকেও এরূপ গোলযোগে ফেলিতে পারিব না। এই সংকল্প করিয়া শয়তান এরূপ এক ব্যক্তির রূপ ধারণ করিয়া হজরত এব্রাহিমের (আ) স্ত্রী হজরত সারার নিকট উপস্থিত হইল, কাহাকে তিনি চিনিতেন। যখন হজরত এব্রাহিম (আ) হজরত এসহাককে কোরবানী করার জন্য সঙ্গে লইয়া গৃহ হইতে বহির্গত হইলেন, তখন পাশ্চাত্য শয়তান হজরত সারার নিকট উপস্থিত হইয়া বলিল, “অল্প পাতে এব্রাহিম (আ) এসহাককে (আ) সঙ্গে লইয়া কোথায় গিয়াছেন?” হজরত সারা তত্বরে বলিলেন,—তিনি নিজ কোন কার্যে যাইয়া থাকিবেন। তখন শয়তান শপথ করিয়া বলিল—তিনি অন্য কোন প্রয়োজনে যান নাই, হজরত এসহাককে (আ) জবেহ করার জন্য লইয়া গিয়াছেন। হজরত সারা বলিলেন—ইহা কি সম্ভব? তিনি নিজ পুত্রকে কেন জবেহ করিবেন!! শয়তান বলিল—আমি শপথ করিয়া বলিতেছি, তিনি সেই মানসেই গিয়াছেন, কারণ তিনি বলেন— ঠাঁঠার পুত্র খোদাতালাা ত্রি কার্য্য করার জন্য ঠাঁঠার প্রতি প্রত্যাদেশ

করিয়াছেন । হজরত সারা বলিলেন—‘খোদাতালা যদি তাঁহার প্রতি এমতাককে (আ) জবেহ করার আদেশ করিয়া থাকেন, তাহা হইলে তিনি অতি সংকার্য্য করিতেই তাহাকে লইয়া গিয়াছেন । প্রভুর আজ্ঞা প্রতিপালন করা সর্বাঙ্গের গরীয়ান ও কর্তব্য কার্য্য ।’ তখন শয়তান দার্বমনোরগ হইয়া নে ডান হাতে হজরত এমতাকের (আ) নিকট উপস্থিত হইয়া বলিল—‘এব্রাহিম (আ) তোমাকে জবেহ করার জন্য লইয়া যাইতেছে ।’ হজরত এমতাক বলিলেন—‘তিনি কেন আমাকে জবেহ করিবেন ?’ তখন শয়তান শাপশূরক বলিল—‘তোমার পিতা বলেন, ‘তাঁহার পুত্র তাঁহার প্রতি তোমাকে জবেহ করার আজ্ঞা করিয়াছেন ।’ হজরত এমতাক (আ) বলিলেন, ‘যদ্যপি খোদাতালা তাঁহার প্রতি ঐরূপ আদেশ করিয়া থাকেন, তাহা হইলে প্রভুর আজ্ঞা পালন করা তাঁহার অতি কর্তব্য কার্য্য ।’ শয়তান সেখানেও অভিষ্টে মিত্র করিতে অকৃতকার্য হইয়া ভ্রমস্থলয়ে হজরত এব্রাহিমের (আ) নিকট উপস্থিত হইয়া বলিল, ‘অন্য আপান এমতাককে (আ) সঙ্গে লইয়া কোথায় যাইতেছেন ?’ তিনি উত্তর করিলেন, ‘কোন আবশ্যকীয় দায়ো যাইতেছি ।’ তখন শয়তান বলিল, ‘আমি প্রতিজ্ঞা করিয়া বলিতেছি, তুমি তাহাকে জবেহ করিতে লইয়া যাইতেছ ।’ হজরত এব্রাহিম (আ) বলিলেন, ‘আমি কেন তাহাকে জবেহ করিব ?’ শয়তান বলিল, ‘তুমি বল, ঐ কার্য্য করার জন্য তোমার প্রতি খোদাতালা আদেশ হইয়াছে ।’ হজরত এব্রাহিম (আ) বলিলেন, ‘যদি তাহাই হয়, তবে অবশ্যই আমি খোদাতালা আদেশ সম্পূর্ণরূপে প্রতিপালন করিব ।’

তৎপরে যখন হজরত এব্রাহিম (আ) হজরত এমতাককে কোরবানী করিতে উত্তত হইয়া জবেহ করিতে আরম্ভ করিলেন, তখন

খোদাতালা তাঁহাকে নিবেদন করিয়া হজরত এসহাকের (আ) পরিবর্তে বড় একটি কোরবানীর পশু প্রেরণ করিলেন । হজরত এসহাকের (আ) প্রতি অহি (আদেশ) করিলেন, “তুমি এক্ষণে আমার নিকট কোন প্রার্থনা কর, তুমি যে প্রার্থনা করিবে তাহা আমি পূর্ণ করিব । তখন হজরত এসহাক (আ) খোদাতালা সমীপে প্রার্থনা করিলেন—
“দয়াময় প্রভো! সৃষ্টির আরম্ভ হইতে যে কেহ তোমার দাস মানব-
লীলা সম্বরণ করিয়াছে ও শেষ দিন পর্য্যন্ত করিবে, ভগ্নাধ্যো যাহারা কেবল একমাত্র তোমাকেই পূজা করিয়াছে, তোমা ভিন্ন আর কাহাকেও উপাস্ত ভাবে নাই, তাহাদিগকে স্বর্গবাসী করিও ।”

ইহুদি ও খৃষ্টানগণ হজরত এসহাকের (আ) বংশীয় এবং আরবগণ হজরত এসমাইলের (আ) বংশীয় । আরবগণের সহিত ধর্ম বিষয়ে তাহাদের শত্রুতা হওয়ার, তাহারা প্রকৃত ঘটনা গোপন করিয়া হজরত এসমাইলের (আ) পরিবর্তে হজরত এসহাকের (আ) সহক্রে এই ঘটনা নির্দেশ করিয়াছেন । সাহাবিগণ ইহাদের নিকট ইতিহাস অবগত হওয়ার অনেকে বলেন, হজরত এব্রাহিম (আ) খোদাতালার আদেশে হজরত এসহাককে (আ) কোরবানী করিয়াছিলেন ।

হজরত এসমাইল (আ) যে প্রকৃত জবিহ (কোরবানী কৃত), তাহা যদিচ পবিত্র কোরাণ শরীফে তাহার নাম উল্লেখ নাই, কিন্তু তাহা তাহা পরিষ্কার রূপে জানা যায়, সেই জন্য সাহাবি ও তাবেয়ীন এবং কোরাণ শরীফের টীকাকারগণ দৃঢ় রূপে হজরত এসমাইলকে (আ) প্রকৃত জবিহ (কোরবানী কৃত) নির্দেশ করিয়াছেন । তাঁহারা কোরাণ-
শরীফ হইতে এইরূপ প্রমাণ দেন—পবিত্র কোরাণ শরীফে খোদাতালা বলিয়াছেন—

“আমি এব্রাহিমকে এক মহিফুপুত্রের সূসংবাদ দিরাছি, তৎপর যখন

পুত্রের কিছু বয়ঃক্রম বৃদ্ধি হইল এবং পিতার সহিত ভ্রমণ করিতে লাগিল, তখন (হজরত) এব্রাহিম (আ) বলিলেন,—বৎস ! আমি স্বপ্নে দেখিয়াছি যেন তোমাকে খোদাতালার পবিত্র নামে জবেহ করিতেছি । এখন তুমি ভাবিয়া দেখ—ইহাতে তোমার ইচ্ছা কি ? পুত্র বলিল, পিতঃ ! আপনার প্রতি যে আদেশ হইয়াছে তাহা প্রতিপালন করুন । খোদাতালার ইচ্ছা হইলে আপনি আমাকে সহিষ্ণুই দেখিতে পাইবেন । তৎপরে পিতা পুত্র উভয়ে যখন আদেশ পালন জ্ঞাত প্রস্তুত হইলেন—পিতা জবেহ করার জ্ঞাত মৃত্তিকার দিক মাথা করিয়া পুত্রকে ভূতলে নিক্ষেপ করিলেন, তখন উত্থাকে আমার আদেশ পালনপ্রিয় বোধ হইল । আমি এব্রাহিমকে (আ) বলিলাম, “হে এব্রাহিম ! তুমি নিজের স্বপ্ন সত্য করিয়া দেখাইলে, আমি তোমাকে শ্রেষ্ঠ পদ মর্যাদা দিব । আমি আনার পুণ্যবান দাসগণকে এই রূপই প্রতিদান দিয়া থাকি, অবশ্য ইহা পরিষ্কার পরীক্ষা ছিল এবং বড় একটি কোরবানীর রক্ত এসমাইলের পরিবর্তে দিয়াছিলাম এবং এসমাইলের পরবর্ত্তিগণ মধ্যে এই আলোচনা রাখিয়াছি । সমগ্র জগতে এই আলোচনা হইতেছে যে, এব্রাহিমের (আ) প্রতি সালাম, আমি পুণ্যবান দাসগণকে এইরূপ প্রতিদান দিয়া থাকি, ইহাতে সন্দেহ নাই । এব্রাহিম আমার বিশ্বাসী নাম মধ্যে গণ্য ।”

ইহার পরেই পবিত্র কোরাণ শরিফে খোদাতালা বলিতেছেন ।—

“আমি এব্রাহিমকে (আ) তাহার পুত্র এসহাকের (আ) পুণ্যবান নবি হওয়ার সুসংবাদ দিই ।” এখন দেখা যাইতেছে, পবিত্র কোরাণ-শরিফের এই বর্ণনা প্রথম সহিষ্ণু পুত্রের সুসংবাদ, তৎপর এই কোরবানীর গল্প বলিতেছেন, সুতরাং এই গল্প সেই সহিষ্ণু পুত্রের প্রতি প্রযুক্ত

ঐ সুসংবাদের বিপরীত কার্য হয় বলিয়া হজরত এসহাক (আ) সম্বন্ধে জবেহের আদেশ হইতে পারে না ।

“তৃতীয়তঃ, খোদাতালা হজরত এসমাইল (আ) সম্বন্ধে পবিত্র কোরাণ শরিফে বলিয়াছেন—

“তুমি এসমাইলকে স্মরণ কর, সে নিশ্চয় প্রতিশ্রুতিতে সত্যবান এবং সে রসূল ও নবি ছিল ।”

“হজরত এসমাইল (আ) তাঁহার পিতা হজরত এত্রাহিমের (আ) নিকট প্রতিশ্রুত হইয়াছিলেন যে, তিনি জবেহের সময় ধৈর্য্যাবলম্বন করিবেন । সেই প্রতিশ্রুতির সত্যতা তিনি কার্যকালেও দেখাইয়াছেন । তাঁহার সেই সত্য প্রতিশ্রুতির জন্ত খোদাতালা পবিত্র কোরাণ শরিফে বলিয়াছেন—“সে নিশ্চয় প্রতিশ্রুতিতে সত্যবান ।”

“চতুর্থতঃ, খোদাতালা পবিত্র কোরাণ শরিফে বলিয়াছেন, এবং এসমাইল ও এসহাক ও জালকেফ্‌ল্ সকলেই সহিষ্ণু । এসমাইলকে (আ) “সহিষ্ণু” কেন বলেন—হজরত এসমাইল (আ) যে প্রকৃত জবিহ এবং সেই বিষয় ভক্তি পরীক্ষায় (কোরবানীতে) তিনি যে সহিষ্ণুতার পরাকাষ্ঠা দেখাইয়াছিলেন, সেই জন্ত এইরূপ বলা বাতীত আর কি হইতে পারে ?

“পবিত্র কাবার চাবি রক্ষক হজরত সাবিও বলেন,—হজরত এসমাইল (আ) প্রকৃত জবিহ । কারণ তাঁহার পরিবর্তে যে ছদ্ম কোরবানী হইয়াছিল, তাহার শূন্য কাবা মন্দিরে রক্ষিত ছিল । তাহা তিনি স্বয়ং প্রত্যক্ষ করিয়াছেন । ইহাতে জানা যাইতেছে যে, এই পবিত্র কোরবানী মক্কা শরিফে হইয়াছিল । হজরত এসমাইল (আ) মক্কা শরিফে বাস করিতেন, সুতরাং তিনিই প্রকৃত জবিহ ।

“বৎকালে আবদুল আজিজের পুত্র ওমর শাম প্রদেশে খলিফা (তুপতি)

ছিলেন, সেই সময়ে কাবপুত্র মহাম্মদ তাঁহার নিকট ছিলেন। একদা তিনি খলিফাকে এই পবিত্র কোরবানী সম্বন্ধে (হজরত এসমাইল (আ) হইয়াছিলেন কি না) জিজ্ঞাসা করায় তিনি উত্তর করেন, তাঁহারও অনুমান ঐরূপ। (তিনি ঐ বিষয় স্থির সিদ্ধান্ত করার জন্য) একজন ইহুদী পণ্ডিত তথায় বাস করিতেন, তিনি কিছুদিন পূর্বে পবিত্র ইসলাম ধর্ম্মে দীক্ষিত হইয়াছিলেন। ইহুদিগণের কি মত, তাঁহার নিকট হইতে জানার জন্য তাঁহাকে আহ্বান করা হয়। তিনি উপস্থিত হইলে খলিফা তাঁহাকে জিজ্ঞাসা করেন, হজরত এব্রাহিম (আ) কোন্ পুত্রকে কোরবানী করিয়াছিলেন? তিনি বলেন, হজরত এসমাইলকেই (আ) কোরবানী করার আদেশ হইয়াছিল। হে খলিফা! আমি কক্কাবামর খোদাতালার শপথপূর্ব্বক বলিতেছি, ইহুদিগণ ইহা বিশেষ রূপ অবগত থাকি সত্ত্বেও আরবদিগের প্রতি সর্ব্বাংশতঃ হজরত এসমাইলকে (আ) জবিহ বলেন। কারণ হজরত এসমাইল (আ) আরবগণের পূর্ব্বপুরুষ। সুতরাং আরবগণের পূর্ব্বপুরুষের ঐরূপ যশঃকীর্ত্তন করিতে হৃদয়ে বাধা পায়, তাহাদের প্রতিপক্ষেরা আপন পূর্ব্ব পুরুষের সহিষ্ণুতা ও প্রভুভক্তি দেখাইয়া কাজেই তাহারা যশঃকীর্ত্তন করিয়া থাকে। বস্তুতঃ হজরত এব্রাহিমের (আ) উত্তর পুত্র পবিত্র প্রভুভক্ত ছিলেন।

“ইহুদিগণের ধর্ম্মপুস্তকে লিখিত আছে, হজরত এব্রাহিমের (আ) ৮৬ বৎসর বয়ঃক্রম কালে তাঁহার জ্যেষ্ঠ পুত্র হজরত এসমাইল (আ) এবং ৯৯ বৎসর বয়ঃক্রমকালে তাঁহার দ্বিতীয় পুত্র হজরত এসমাইল (আ) জন্মগ্রহণ করেন। উক্ত পুস্তকে ইহাও স্পষ্ট উল্লিখিত আছে যে, খোদাতালা তাঁহার “ওরাহেম” একমাত্র পুত্রকে (অর্থাৎ সেই পুত্র ভিন্ন তাঁহার অন্য পুত্র তৎকালে ছিল না।) কোরবানী করার আদেশ করেন। ঐ গ্রন্থে “বেকর” শব্দও আছে, উহার অর্থ প্রথম পুত্র। তাঁহার পর অন্য

পুত্র জন্ম গ্রহণ করেন নাই । ইংরেজী ও স্পষ্ট প্রমাণ হইতেছে যে, হজরত এসমাইলই (আ) প্রকৃত জবিহ । যদিও উক্ত গ্রন্থে দুই শব্দ আসি আছে “ওয়ারহেন” ও “বেকর” একমাত্র ও প্রথম, বাহার পরে অন্য পুত্র জন্মে নাই, এই উভয় শব্দের অর্থ একই এবং হজরত এসমাইলই (আ) প্রথম পুত্র এবং যে সময় ঐ কোরবানীর আদেশ হইয়াছিল, তৎকালে হজরত এসহাকের (আ) জন্ম হয় নাই । সুতরাং তিনিই কেবলমাত্র বর্তমান ছিলেন । কাজেই ঐ উভয় শব্দ তাহার প্রতি প্রয়োগ হইতে পারে । হজরত এসমাইল (আ) যে পঞ্চম ও জ্যেষ্ঠপুত্র ছিলেন, তাহা সর্পিবাদিসম্মত । সুতরাং তিনিই প্রকৃত জবিহ । যেহেতু হজরত এসমাইল (আ) আরবগণের পূর্ব পুরুষ এবং হজরত এসহাক (আ) ইহুদিগণের পূর্বপুরুষ । ইহুদিগণের সহিত আরবগণের ধর্মবিষয়ক শত্রুতা ও মত ভেদ থাকায় প্রতিহিংসা ও বিদ্বেষবশতঃ প্রকৃত সত্য গোপন করিয়া আপন পূর্বপুরুষের মশোগান পরিকীর্তিত করিবার জন্য নিজ ধর্মপুস্তকের অর্থ্যা অর্থ করিয়া হজরত এসহাকে (আ) প্রকৃত জবিহ বলিয়া গিয়াছেন । তাহাদের মতে এই পবিত্র কোরবানী শামদেশে অনুষ্ঠিত হইয়াছিল । তৎকালে হজরত এসমাইল (আ) মক্কার ছিলেন, একমাত্র হজরত এসহাকই (আ) শাম প্রদেশে হজরত এব্রাহিমের (আ) নিকটে ছিলেন । সেই জন্ত “ওয়ারহেন” একমাত্র শব্দ ব্যবহৃত হইয়াছে । আর হজরত এসহাকের (আ) পর হজরত এব্রাহিমের (আ) অন্য কোন পুত্র জন্মে নাই বলিয়া “বেকর” শব্দের উল্লেখ হইয়াছে । বস্তুতঃ ইহা কিছুতেই হইতে পারে না । কারণ বাহার দুই পুত্র বর্তমান, তাহার এক পুত্র নিকটে ও অন্য পুত্র বিদেশে থাকিলে যে পুত্র নিকটে থাকে তাহাকে একমাত্র পুত্র বলা যাইতে পারে না । আর “বেকর” শব্দও হজরত এসহাকের (আ) প্রতি আদৌ ব্যবহৃত হইতে পারে না । কারণ যদিচ হজরত এসহাকের (আ) পর হজরত

এব্রাহিমের অন্য পুত্র জন্মে নাই সত্য, কিন্তু তিনি তাঁহার প্রথম পুত্র নন । “বেকুর” শব্দের অর্থ প্রথম পুত্র । যাহার পর অন্য পুত্র জন্মে নাই, সুতরাং উহা তাঁহার প্রতি প্রয়োগ না হইয়া হজরত এসমাইলের (আ) প্রতিই ব্যবহৃত হইয়াছে । এই সকল কারণে তিনিই তাঁহার প্রথম পুত্র এবং ঐ সময়ে বিত্তীয় পুত্রের অস্তিত্ব ছিল না । আর এই পবিত্র কোরবানী যে মক্কাতে হইয়াছিল—তাহাও স্থনির্দিষ্ট । তাহারাই অনুকরণে এখনও ঐ পবিত্র স্থানে হাজিগন কোরবানী করিয়া থাকেন এবং যে স্থানে শরতান বাধা দিতে আসায় হজরত এব্রাহিম (আ) ও হজরত এসমাইল (আ) তাহার প্রতি প্রস্তর খণ্ড নিক্ষেপ করিয়াছিলেন, তাহারই অনুকরণে হাজিগন অত্যাধিক ঐ স্থানে সপ্ত খণ্ড প্রস্তর নিক্ষেপ করিয়া থাকেন এবং হজরত এসমাইলের (আ) পরিবর্তে যে দুয়া কোরবানী হইয়াছিল, তাহার শূদ্র পবিত্র কাবানদিরে রক্ষিত থাকার প্রমাণ পাওয়া গিয়াছে । সুতরাং মক্কাতে এই যে পবিত্র কার্য অস্থিতি হইয়াছিল—তদ্বিষয়ে অনুমাত্র সন্দেহ নাই । ইছদিগন কেবল সেই “ওয়াহেদ” শব্দ প্রয়োগ করার জন্য সত্যের অপলাপ করিয়া শাম প্রদেশে এই পবিত্র কোরবানী কল্পনা করিয়াছেন । কিন্তু তাহার কোন প্রকৃত প্রমাণ নাই এবং তাহা হইলেও “ওয়াহেদ” শব্দ তাঁহার প্রতি প্রয়োগ হইতে পারে না ।

“এই কোরবানীর আদেশ কেবল পরীক্ষার জন্য হইয়াছিল । খোদাতালা কাহারও রক্তপিপাসু ছিলেন না । কেহ তাঁহার নিকট কোন অপরাধে অপরাধীও হন নাই । সুতরাং সেই অপরাধের শাস্তি স্বরূপ ঐরূপ নৃশংস কোরবানীর আদেশ হয় নাই । তিনি কেবল হজরত এব্রাহিমের (আ) হৃদয়ের বল, তাঁহার প্রতি প্রেম, প্রভুভক্তি, কর্তব্যপালন, প্রভুর আদেশ অকরে অকরে প্রতিপালিত হয় কি না ; তাঁহার নেহ, ধর্ম ও অপত্যাগের মুখে পুত্রের প্রতি স্নেহ অতি সামান্য মনে করিয়া

অপত্য স্নেহ উপেক্ষা পূর্বক আত্মা পালন করতঃ প্রভুভক্তির ও প্রভু প্রেমের পরাকাষ্ঠা দেখাইতে পারেন কি না—তাহাই পরীক্ষা করিয়া ছিলেন । সেই জন্ত তাঁহার পুত্রের পরিবর্তে স্বর্গীয় দুঃখ প্রেরণ করিয়া ছিলেন । পুত্রকে বধ করার মানসে ঐরূপ আদেশ করিলে কখনই তাঁহার পরিবর্তে অন্য জন্ত পাঠাইতেন না । এক্ষণে দেখা যাউক, ঐরূপ পরীক্ষা কিসে পূর্ণমাত্রায় হইতে পারে ? যাহার দুই পুত্র বর্তমান থাকে, তাহার এক পুত্রের প্রতি যতদূর স্নেহ মমতা থাকে, কেবল জীবনের অবলম্বন একমাত্র পুত্র যাহার থাকে, সেই একমাত্র পুত্রের প্রতি স্নেহ অধিক হইয়া থাকে ইহাই জনকের স্বাভাবিক ধর্ম । সুতরাং একমাত্র পুত্রের প্রতি ঐরূপ আদেশ হইলে প্রেম ও ভক্তি পরীক্ষা সম্পূর্ণ হইতে পারে । বিশেষ হজরত এরাহিমের (আ) সন্তান না থাকায় কক্কাযম খোদাতালার সমীপে নানাপ্রকার আরাধনা ও প্রার্থনা করিয়া হজরত এসমাইলকে (আ) ৮৬ বৎসর বয়ঃক্রম কালে পুত্র রূপে লাভ করিয়া ছিলেন । যে বস্তুর চিরজীবন অভাব থাকে—বহু পরিশ্রম ও বহু কষ্টে সেই জিনিসটী লাভ হইলে তাহার প্রতি যতদূর মায়া মমতা হয়, তাহা অন্তের প্রতি হইতে পারে না । হজরত এসমাইল (আ) সন্তকে ও তাঁহার তাহাই হইয়াছিল । সুতরাং তিনি যে অতি কষ্টলব্ধ—তাঁহার জীবনের যথাসর্বস্ব ছিলেন, তাহাতে সন্দেহমাত্র হইতে পারে না । তাঁহার প্রতি মায়া মমতা ও স্নেহ যতদূর হইতে পারে, ততদূর অন্তের প্রতি কিছুতেই হইতে পারে না । কাজেই তাঁহার প্রতি ঐরূপ আদেশ না হইলে পরীক্ষার সম্পূর্ণতা ঘটিতে পারে না । আর একটী পুত্রকে খোদাতালার আদেশে তাঁহার পবিত্র নামে কোরবানী করিয়া নিজের জীবনের অবলম্বন অন্য একটী বর্তমান থাকিলে তাহাকে দেখিয়া প্রাণ নীতল করা যায়, মনকে প্রবোধ দেওয়ার উপায় থাকে, সুতরাং সে পরীক্ষা অপেক্ষাকৃত

সহজ হয় । কিন্তু ঐরূপ জীবনের অবলম্বন মনকে তৃপ্ত করা, প্রবোধ দেওয়া ও অভাব পূরণের বস্তু না থাকিলে সেই বিষম পরীক্ষার উত্তীর্ণ হওয়া বড়ই কঠিন । সেই অবস্থাতেই পরীক্ষা সম্পূর্ণ হয় ও সর্বত্র সুন্দর রূপে প্রেম ও প্রভু ভক্তির ওজন (তুলনা) করা যাইতে পারে বিধায় বহু কষ্ট ও যত্নপ্রসূত সেই একমাত্র সখের বস্তু, জীবনের একমাত্র অবলম্বন, একমাত্র প্রাণাধিক প্রিয়তম পুত্রের প্রতি অন্য পুত্র জন্মিবার পূর্বে ঐরূপ কঠোর আদেশ হইলে সম্পূর্ণ পরীক্ষা হয় । সেই কারণে হজরত এস-মাইলট (আ) প্রকৃত জবিহ তাহা প্রমাণ হইতেছে । কারণ তিনিই জ্যেষ্ঠ পুত্র । হজরত এরাহিমের (আ) সন্তান না হওয়ায় চির জীবন সন্তানের জন্ম কামনোবাকো খোদাতালার সমীপে সকাভরে প্রার্থনা করিয়া তাঁহাকে লাভ করিয়াছিলেন । তাঁহার সেই একমাত্র বধাসকস্বকে দ্বিতীয় পুত্র হজরত এসহাকের (আ) জন্মের পূর্বে কোরবানীর আদেশ হইয়াছিল ।

“এ বিষয় আর অধিক আলোচনা ও প্রমাণ প্রয়োগ আবশ্যিক বোধ করি না । কারণ ইহা আমাদের ধর্ম বিশ্বাসের অঙ্গ নহে । হজরত এসহাককে (আ) জবিহ বলিলে আমাদের ধর্মের কোন হানি হয় না, সুতরাং এবিষয়ে অধিক যুক্তি প্রমাণ পরিপোষণ বাদানুবাদ করা নিষ্প্রয়োজন । হজরত এসমাইল (আ) সন্তকে অধিকাংশের মত বলিয়া এবং তাঁহার সন্তকে উপরের লিখিত রূপ যুক্তি প্রমাণ থাকায় তাঁহাকেই প্রকৃত জবিহ অর্থাৎ তাঁহাকেই কোরবানী করা হইয়াছিল বলিয়া স্থির করা গেল ।”

ইসমাইলের দ্বাদশটি সন্তান ; তাঁহাদের নাম, যথা—১, নেবাউছ ; ২, কামদার ; ৩, আদবিল ; ৪, মেবছাম ; ৫, মেসমা ; ৬, হুমা ; ৭, মাচ্ছা ; ৮, হাদর ; ৯, তিমা ; ১০, এতুর ; ১১, নাফিছ ; ১২, কিদ্মাঃ ।

১ম । নেবাউছ-বংশীয়গণ আরবদেশের উত্তর-পশ্চিম প্রদেশে বাস করিতেন ।

২য় । কাব্দার-বংশীয়গণ হেজাজ প্রদেশে বাস করিতেন । মক্কা ও মদিনা হেজাজ প্রদেশের মধ্যে অবস্থিত । এই বংশ হইতে কোরেশ বংশের উৎপত্তি হইয়াছে, এই কোরেশ বংশীয়গণ কাবার কর্তৃত্ব-পদ প্রাপ্ত হইয়াছিলেন, তজ্জন্ত তাঁহারা অশ্রয় অহঙ্কার করিতেন । কাব্দার বংশোদ্ভবেরা অন্যান্য রাজত্বগণ অপেক্ষা মেঘ ও পক্ষাদিরূপ ঐশ্বর্য্য এবং মেঘের পরিষ্কার লোমের জন্ত সমধিক বিখ্যাত ছিলেন । কোরেশ-বংশে মহাত্মা হজরত মহম্মদ মোস্তাফা জন্ম গ্রহণ করিয়াছিলেন ।

৩য় ও ৪র্থ । আদবিল ও মেবছান বংশীয়-গণের বাসস্থান নির্ণয় করা যায় না ।

৫ম । মেসমা বংশীয়গণ নেজ্দের নিকটস্থ স্থানে বাস করিতেন ।

৬ষ্ঠ । ৩মা বংশীয়গণ মদিনার নিকটে তাহামা নামক স্থানের দক্ষিণাংশে বাস করিতেন ; পরে সিরিয়া ও মদিনার মধ্যবর্তী স্থানে ব্যাপ্ত হইয়া পাড়িয়াছিলেন ।

৭ম । মাক্কা-বংশীয়গণ প্রথমে হেজাজের নিকটে কিছু কাল অবস্থিতি করিয়া পরে ইমেনে গিয়া বাস করেন ; তাঁহাদের নামানুসারে মাউছ (মোয়া) নামক স্থানের নামকরণ হইয়াছে ।

৮ম । হাদর কিম্বা হাদাদ বংশীয়গণ আরবদেশের দক্ষিণাংশে হেজাজ প্রদেশে কিছুকাল বাস করিয়া, পরে ইমেনে গমন করেন ; আজিও ইমেনে “হাদদ” নামক একটা নগর বর্তমান রহিয়াছে ।

৯ম । তিমা-বংশীয়গণ অন্যান্য বংশীয়দিগের অপেক্ষা অধিক সুখ্যাতি লাভ করিয়াছিলেন । হেজাজ প্রদেশ ইহাদের আদিম বাসস্থান, পরে

বংশ-বৃদ্ধি হওয়াতে, মধ্য নেজ্দ্ হইতে পারশ্বোপসাগরের তীর প্রদেশ পর্য্যন্ত বাস্তু হইয়াছিলেন ।

১০শ । এতুর-বংশীয়গণ জেড়াটর প্রদেশে বাস করিতেন ।

১১শ । নাকিছ বংশীয়গণ অ'রব মরুভূমিতে বাস করিতেন ।

১২শ । কিদমাঃ বংশীয়গণ আবুগফেদার মতে ইমেনের নিকটে বাস করিতেন ।

ইহাতে স্পষ্টই প্রতিপন্ন হইতেছে যে, ইস্রাইলের বংশধরগণ ইমেন প্রদেশের নিকট হেভিলা হইতে মিরিয়া (সুর) পর্য্যন্ত ভূভাগ ব্যাপিয়া বাস করিতেন । তৎপরে হজরত মুসা'র ভবিষ্য-পীর সহিত ইহার সম্পূর্ণ ঐক্য দেখা যায় . তৎপরে নিখিত আছে যে, "তা'হার (ইস্রাইলের সন্তান-গণ) হেভিলা হইতে মিসরের দিকে সুর (মিরিয়া) পর্য্যন্ত বাস করিবে" ।

ইস্রাইল খৃঃ পূঃ ১২১০ অব্দে জন্ম গ্রহণ করিয়াছিলেন । তাঁহার দ্বাদশ পুত্র দ্বাদশ বংশের গোষ্ঠিপতি । বহু শতাব্দী পরে ইস্রাইলের পুত্র কায়দারের বংশোদ্ভূত আদনান বংশীয়গণ বিশেষ সুখ্যাতি লাভ করিয়া-ছিলেন । মোয়াদ ও আরাক নামক আদনানের দুই পুত্র ছিলেন ; ইঁহারা ইমেন প্রদেশে বাস করিতেন । আদনানের বংশোদ্ভব রাবিয়া ইমেন প্রদেশবাসীদিগের সহিত অনেক মূক করিয়াছিলেন । উক্ত বংশো-দ্ভব জো'হরের পুত্র জো'হনা ও কারাছ হেজাজ প্রদেশের রাজা হইয়া-ছিলেন । আদনানের বংশ হইতেই হজরত মহম্মদ মোস্তাফা ৫৭০ খৃঃ অব্দে জন্ম গ্রহণ করেন ।

২য়—বনি কতুরা (কতুরার বংশ) ।

এব্রাহিমের অন্য স্ত্রী কতুরার গর্ভে জিম্রাম, ইয়াক্সান, যেদান, মিরিয়ান, ইসবাক ও সোরা জন্মগ্রহণ করেন । ইঁহারা সকলেই হেজাজের

নিকটবর্তী স্থান হইতে পারস্যোপসাগরের তীর পর্য্যন্ত ভূভাগ ব্যাপিয়া বাস করিতেন । এই বংশে ধর্মপ্রচারক ছায়েব জন্মগ্রহণ করিয়া আইকা ও মিসিয়ান দলস্থ লোকদিগকে একমাত্র খোদাতারাতার উপাসনা শিক্ষা দিয়াছিলেন ।

৩য়— বনি আতুম (আতুমের বংশ)

আতুমের তিন স্ত্রী ছিলেন । তাঁহাদের গর্ভে এলিকাজ, ইয়ালাম, কোরা ও রাউয়েল প্রভৃতি পুত্র জন্মগ্রহণ করিয়াছিলেন । আতুমের প্রায় সকল পুত্রই সায়েব পর্ব্বতের নিকটে বাস করিতেন ।

৪র্থ— বনি নহর (নহরের বংশ) ।

এব্রাহিমের ভ্রাতা নহরের আউজ ও বাউজ নামক পুত্রদ্বয় হইতে একটা সুবৃহৎ বংশের সৃষ্টি হইয়াছিল ; তাঁহারা সকলে আরবদেশের উত্তর ভাগে বাস করিতেন ।

৫ম— বনি হারাম ।

এই বংশস্থ মোয়াবেব কনিষ্ঠ ভ্রাতা লুদের পুত্র আশ্বনবংশীয়গণ পারস্যোপসাগরের তীর দেশ ব্যাপিয়া বাস করিতেন । অধাবধিও “আশ্বান্” নামক স্থান তাঁহাদের বাসস্থানের পরিচয় দিতেছে ।

ইসলাম-ধর্ম আবির্ভাব হইবার পূর্বে

• আরবদিগের আচারব্যবহার ।

ইসলাম-ধর্মের আবির্ভাব হইবার পূর্বে আরবগণ যেরূপ ভাবে কাল বাপন করিতেন, আশ্বিও প্রায় তদ্রূপ অবস্থায় জীবনান্তিবাহিত

করিতেছেন। দুগ্ধ, ধর্জুর, যবের কুটি ও জিততৈল তাঁহাদের প্রধান ষাণ্ড্ররূপে ব্যবহৃত হইত, শাণিত বলভ ও তরবারি, মেঘ, অশ্ব, উষ্ট্র ও ক্রীতদাসদাসীই তাঁহাদের সম্পত্তির মধ্যে পরিগণিত হইত।

তৎকালীন আরববাসিগণের কোন দল নগরে ও কোন দল দুর্গাবদ্ধ স্থানে এবং কেহ কেহ বা দুর্গাক্রম্য স্থানে শিবির সন্নিবেশপূর্বক বাস করিতেন; কিন্তু তাঁহাদের মধ্যে পরস্পর বিলক্ষণ বিভিন্নতা লক্ষিত হইত। ঐ সকল দুর্গ ও নগর দ্রাকাক্ষেত্র, উদ্যান, ধর্জুর বাগান ও শস্তক্ষেত্র দ্বারা পরিবেষ্টিত থাকিত। তাঁহারা ভূমিকর্ষণ ও পণ্ডচারণ দ্বারা জীবনাভিবাহিত করিতেন। শিবিরবাসী লোকগণ লোহিত-সাগরের তীর-বর্তী বন্দর ও নগরসমূহে বাণিজ্যাদি করিতেন এবং আরবের দক্ষিণাংশে ও পারস্যোপসাগরের তীরবর্তী প্রদেশে অর্ণবপোত ও স্থলবণিকদিগের দ্বারা পণ্য-দ্রব্যাদি প্রেরণ করিতেন। বিশেষতঃ ইমেন (মুখস্থান) প্রদেশ-বাসিগণ সর্বাপেক্ষা অধিক বাণিজ্যপ্রিয় ছিলেন। অত্রস্থ অধিবাসিগণ এক সময়ে ভারতমহাসাগরের প্রধান বণিক বলিয়া অভিহিত হইতেন। তাঁহারা স্বদেশীয় অর্ণবপোতসমূহ দ্বারা ভারতমহাসাগরীয় দ্বীপপুঞ্জ হইতে সুগন্ধি দ্রব্যাদি এবং আফ্রিকা ও ভারতবর্ষ প্রভৃতি গ্রীষ্ম প্রধান দেশজাত পণ্যদ্রব্যাদি স্বদেশে আনয়ন করিতেন। আবার ঐ সকল পণ্যদ্রব্যের সহিত তাঁহাদের স্বদেশজাত পণ্যদ্রব্যাদি একত্রিত করিয়া স্থলবণিকগণের দ্বারা দুস্তর মরুভূমির পরপারে আমোন রাজ্যে, মোরাবে ও এডেন বন্দরে প্রেরণ করিতেন; তথা হইতে ঐ সকল বাণিজ্যদ্রব্য ভূমধ্যসাগরের তীরবর্তী ফিনিশিয়ার বন্দরসমূহে প্রেরিত হইত, অবশেষে সেই সকল দ্রব্য তথা হইতে ইউরোপ প্রভৃতি মহাদেশের বিভিন্নস্থানে বিক্ৰিষ্ট হইয়া পড়িত।

দুস্তর বাসিণি উত্তীর্ণ হইবার জন্য যেমন অর্ণবপোত ব্যবহৃত হইয়া

থাকে, সেইরূপ কৃতান্তের রাজ্যসদৃশ মরুভূমি উত্তীর্ণ হইবার জন্য উষ্ট্র তথাবার একমাত্র যানস্বরূপ ব্যবহৃত হইয়া থাকে ; তজ্জন্তু উষ্ট্রই আরব-গণের বাণিজ্যাদি করিবার একমাত্র উপায় । ইমেন প্রদেশস্থ শিবিরবাসী ভ্রমণশীল লোকগণ অত্যন্ত স্থানের লোকগণ অপেক্ষা অধিক পরিমাণে স্থলবাণিজ্যে রত ছিলেন, তজ্জন্তু তাঁহাদিগকে “মরুভূমির বণিক” বলিত । তাঁহারা স্বকীয় অপরিাপ্ত মেসলাম দেশে প্রেরণ করিতেন । ধর্ম-প্রচারকগণের বিবরণে প্রতিপন্ন হইতেছে যে, তৎকালে ভারতবর্ষ ও ইমেন প্রভৃতি ঐ ধর্মশালী স্থানসমূহ পুরাতন স্থিতির (সিরিয়ার) সহিত বাণিজ্য-সূত্রে আবদ্ধ ছিল । তাঁহাদের পণ্যদ্রব্যের মধ্যে স্বর্ণ, রৌপ্য, মুক্তা, ঝাঁকচিনি, গজদন্ত ও ক্রীতদাসদানী প্রভৃতিই প্রধান বলিয়া গণ্য হইত ।

যে সকল ঋষি ও বাণিজ্যব্যবসায়ী আরবগণ সহর ও নগরে গৃহ নির্মাণপূর্বক বাস করিতেন, তাঁহাদের আচারব্যবহার দ্বারা কখন আরবজাতির আচারব্যবহারের বিচার করা যায় না । কেননা তাঁহারা বৈদেশিক লোকের সম্মিলনে ও দৃষ্টান্ত স্বকীয় অবস্থার ও স্বভাবের বহুল পরিবর্তন সাধন করিয়াছিলেন । ইমেন, আরব দেশের মধ্যে সমৃদ্ধিশালী প্রদেশ বলিয়া বিজিগীবিদগের জিগীষা পূর্ণ করিবার প্রধান মরুভূমি হইয়া উঠিয়াছিল । তজ্জন্তুই বৈদেশিক শত্রুগণ অনেকবার ইহাকে নরশোণিতে প্রাবিত করিয়াছিল ।

পূর্বোক্ত উই শ্রেণীর লোক ভিন্ন, আরবমরুভূমিতে আর এক শ্রেণীর লোক বাস করিতেন, তাঁহারা “ভ্রমণশীল জাতি” বলিয়া খ্যাত । তাঁহাদের আদিমাবস্থা বহুকাল অপরিবর্তনীয় অবস্থায় ছিল । ভ্রমণশীলতা, পণ্ডচারণপ্রিয়তা ও বহুদর্শিতা দ্বারা আরব মরুভূমির কোন্ স্থানে কি আছে, তাহা তাঁহাদের অবিদিত ছিল না । মহাত্মা ইয়াহুইলের

বংশোদ্ভবদিগের শাসনকাল হইতে তাঁহারা পুরুষানুক্রমিক রীত্যনুসারে ভ্রমণে জীবনাতিবাহিত করিয়া কূপ ও নির্বারের অবেষণার্থ মরুভূমির সর্বত্র পরিভ্রমণ করিতেন । যেখানে তাঁহারা খজুর বৃক্ষসমূহ ও পশু-দিগের খাচোপযোগী তৃণ লতাদিপূর্ণ প্রশস্ত পরিণাহ দেখিতে পাইতেন, তথায় শিবির সন্নিবেশিত করিতেন এবং তথাকার তৃণ-শুল্কাদি নিঃশেষিত হইলে স্থানান্তরে প্রস্থান করিতেন ।

ভ্রমণশীল সম্প্রদায়স্থ লোকগণ অসংখ্য ক্ষুদ্র ক্ষুদ্র দলে বিভক্ত ছিল । প্রত্যেক দল “শেখ” কিম্বা “আমির” নামক এক এক জন দলপতির অধীনে থাকিত । তাহারা অস্ত্রশস্ত্রে সুসজ্জিত হইয়া শিবিরের চতুর্দিকে অবস্থানপূর্বক প্রহরার কাণ্ড সম্পন্ন করিতেন, তাঁহারাও এই দলভুক্ত হইলেন । যদিও ঐ সকল ব্যক্তি বংশপরম্পরায় একই পদাক্রম হইতেন, তথাপি উক্ত পদ কখন বংশানুক্রমিক-রূপে চলেত না ; দলস্থ লোকেরা তাহাকে অসাধারণ ক্ষমতাপালা ও বাশাক্তিসম্পন্ন বাল্যাদির কারণে, তাহাকেই উক্ত পদে অভিষিক্ত করিতেন । সাক্ষিবিগ্রহাদ, শিবির সন্নিবেশার্থ স্থানাদি মনোনীত-করণ ও আতিথ্যসংকার প্রভৃতি কামের ভার দলপতিদিগের উপর স্তম্ভ ছিল, কিন্তু সময়ে সময়ে সকলের সহিত পরামর্শ করিয়া তাঁহার কাৰ্য্য করিতে হইত ।

যদিও ঐ সকল ব্যক্তি ক্ষুদ্র ক্ষুদ্র দলে বিভক্ত ছিলেন, তথাপি তাঁহাদের পরম্পরের অস্তর নিরস্তর স্নেহসূত্রে আবদ্ধ থাকিত । দলের শেখগণ আপনাদের প্রধান পুরুষকে “শেখ-অল-শাইউখ” অর্থাৎ মহান্ শেখ বালতেন । দলস্থ লোকগণ বিস্তৃত মরুভূমির মধ্যে পশ্বাদির দলে সমাচ্ছন্ন থাকিলেও দলপতির আদেশ শ্রবণমাত্র তাঁহার চতুর্দিকে আসিয়া সমবেত হইতেন । ভ্রমণশীল ব্যক্তিগণ ক্ষুদ্র ক্ষুদ্র দলে বিভক্ত থাকায়, তাঁহাদের মধ্যে রাজকীয় শাসনের প্রভাব কিছুমাত্র পরিলক্ষিত হইত না, কেহ তাঁহাদের

শাসনকর্তাও ছিলেন না ; তজ্জন্তু সময়ে সময়ে পরস্পরের মধ্যে ভীষণ-কাণ্ড উপস্থিত হইত । পথিকগণের দ্রব্যাদি লুণ্ঠন করা ইহাদের একটা বাবসা ছিল । প্রতিহিংসা ও বৈরনির্ঘাতন সাধন তাঁহাদের ধর্মের অঙ্গ বলিয়া পরিগণিত হইত । যদি কেহ তাঁহাদের দলপতির পরিবারস্থ কাহাকেও বধ করিত, তাহা হইলে তাহার প্রতিশোধ যুগযুগান্তরেও পর্য্যবসিত হইত না ।

পরন্তু ইহারা অতিশয় সদাশয় ও আতিথেয় ছিলেন এবং অতিথি-সংকার করিয়া পরম সন্তোষ লাভ করিতেন । তাঁহাদের গৃহদ্বার পথিক ও অতিথিগণের জন্ত সর্বদা উন্মুক্ত থাকিত । যে ব্যক্তির সহিত যুদ্ধে প্রবৃত্ত হইবার পূর্বে তাঁহারা আত্মীয় স্বজনগণের নিকট চিরবিদায় গ্রহণ পূর্বক শেব আহার করিতেন, সেই চিরবৈরী তাঁহাদের শিবিরে আগমন করিলে পবিত্র স্থানের তুল্য নিরাপদে আশ্রয় প্রাপ্ত হইত । বৎসরের মধ্যে হজের ৩৪ মাস কাল পর্য্যন্ত আরবগণ যুদ্ধকার্য্য একেবারে ত্যাগ করিয়া শক্রমিত্র সকলের সহিত সমভাবে মিলিত হইতেন । ঐ কয়েক মাস তাঁহারা লুণ্ঠন কার্য্য একেবারে ত্যাগ করিতেন বলিয়া বণিকগণ নির্ঝিল্পে পবিত্র মক্কা নগরে বাণিজ্যার্থ আগমন করিতে পারিত । হজের মাস অতীত হইয়া গেলে, তাঁহারা পুনরায় লুণ্ঠন ও যুদ্ধকার্য্যে বহির্গত হইতেন ।

নিম্নলিখিত মহাস্বাগণের লিখিত বিবরণ হইতে আরবগণের আচার ব্যবহার অনেক পরিমাণে অবগত হইতে পারা যায় ।

বিখ্যাত কবি বাহিলি লিখিয়াছেন, “আরবগণ অর্দ্ধসিদ্ধমাংসে ক্ষুধা নিবৃত্তি করিতেন ।”

কবি হাজেরি লিখিয়াছেন, “তাঁহারা গাঢ়স্বজনকণব্যাপী নিদ্রাসুখ সন্তোষ করিতেন ।” তাঁহাদের মধ্যে প্রত্যাষে গাত্রোত্থান করিবার পদ্ধতি

প্রচলিত ছিল। কেননা তাঁহারা মনে করিতেন যে, ইহা দ্বারা মানবগণ সবল, সুস্থ ও কার্যক্ষম হয়। ইব্রাহামল-কায়েস লিখিয়াছেন, “বিহঙ্গম-কুল নিদ্রাত্যাগ করিবার পূর্বে আমি অতি প্রত্যাষে গান্ধোথান করিতাম।” তাঁহারা আতিথ্য সংস্কারকে প্রধান ধর্মকার্য্য বলিয়া মনে করিতেন, তজ্জন্তু অতিথিগণের প্রতি সদ্যবহার প্রদর্শন করিতেন। অতিথিকে অযত্ন করিলে দলহ লোকগণের নিকট ঘণিত হইতে হইত। কবি হাজেলি লিখিয়াছেন, “আমার গৃহে ময়দা থাকিতেও যদি আমি বক্ষ-স্বকের চূর্ণ দ্বারা আতিথ্যকার্য্য সম্পন্ন করিতে ইচ্ছা করি, তাহা হইলে আমার সমুদয় পুণ্যক্ষয় হইয়াছে মনে করিয়া যেন তুঃখার্ণবে মগ্ন হই ও চিরজীবন অবিরল ধারায় অশ্রু বিসর্জন করি।”

প্রতিবেশীর প্রতি সদ্যবহার প্রদর্শন ও তাহাদের গৃহ, পারিবার ও সম্পত্তি প্রভৃতি রক্ষার দিকে দৃষ্টিপাত করাই সংলোকের একটী প্রধান চিহ্ন বলিয়া অভিহিত হইত। বন্দিগণের বন্দী মোচন, তুঃখীর তুঃখ-নিবারণ এবং আশ্রয়হীনের আশ্রয়দান কার্য্য ধর্মকার্য্যের মধ্যে প্রধান বলিয়া পরিগণিত হইত। কবি হাজেলি লিখিয়াছেন, “অসহায় ব্যক্তিগণ সাহায্য প্রার্থনা করিতে না করিতে আমি তাহাদিগকে সাহায্য করিব।” মাতৃস্পন্দ লোকদিগের প্রতি সম্মান প্রদর্শন আর প্রতিজ্ঞাপূর্ণ করা প্রধান কর্তব্য কার্য্য বলিয়া তাঁহাদের দৃঢ়সংস্কার ছিল। পরিকার-বস্ত্র ও সুগন্ধ-দ্রব্যাদি আরববাসিগণের নিকট অতি আদরের সামগ্রী। যুগনাতি কেশে ও জুতার ব্যবহার করা সভ্যতার চিহ্ন বলিয়া তাঁহাদের বিশ্বাস ছিল। মহিকুতা ও যশোলিপ্সা আরববাসীদিগের একটী প্রধান গুণ; মহানুভব হাতেম-তাইর কার্য্যাদি তাহার প্রকৃত উদাহরণ। ইহঁারা সবস্তু হইতে বিশেষ স্পৃহা করিতেন, তজ্জন্তু এই বলিয়া প্রার্থনা করিতেন, “হে পরামর! আমি যেন কথোপকথনকালে নির্ঝাঁকু না হই।” ইহঁারা বাগা-

কাল হঠতে অথারোহে ও ঘোড়দৌড়ে (রেহান) বিশেষ অনুরক্ত হই-
তেন এবং ব্যাঘ্রের সহিত বাহুধুকে প্রবৃত্ত হইতেন । ইহারা এক মুষ্টি
বালুকার গন্ধ আশ্রাণ করিয়া মরুভূমির প্রশস্ততা অনুমান করিতে
পারিতেন এবং কবিতায় নিতান্ত অনুরক্ত ছিলেন । কিন্তু বাসায়ক ও
অশ্লীল কবিতা সতত উপেক্ষা করিতেন । ইহারা প্রায়ই মদ্যপানে মত্ত
থাকিতেন এবং অধিক পরিমাণে স্তন গ্রহণ করিতেন । দস্যুত্বিও
ইহাদের মধ্যে প্রচলিত ছিল । রক্তের পরিবর্তে রক্তপাত করা ইহাদের
কর্তব্য কার্য বলিয়া বিশ্বাস ছিল । কাহারও মৃত্যু হইলে তদীয় সমাধির
(কবরের) নিকট তাহার উষ্ট্রটিকে বাধা রাখিয়া অনাহারে মারিয়া
ফেলিত, সেই উষ্ট্রটিকে “বালিয়া” বলিত । কাহারও আত্মীয় স্বজনের
মৃত্যু হইলে তাহার জন্ত সেই ব্যক্তি এক বৎসরকাল শোক প্রকাশ করিত ।
কবি লেবিদ্ লিখিয়াছেন, “এক বৎসর কাল আমার জন্ত শোক প্রকাশ
করিয়া শান্তি অবলম্বন করিও, কারণ ঐ সময় পূর্ণ হইয়া গেলে আর
কেহ তোমাদিগকে নিন্দা করতে পারিবে না ।”

ক্রীতদাসীদিগকে “কেনাদ” বলিত ; ইহারা তাহাদিগকে নৃত্যগীতাদি
শিক্ষা দিয়া অধিক মূল্যে বিক্রয় করিতেন । পশুগণের পঞ্চম গর্ভ যদি
একটা স্ত্রী-শাবক জন্মগ্রহণ করিত, তাহা হইলে দেবতার উদ্দেশে তাহার
কর্ণ-বিদ্ধরূপে চিহ্ন করিয়া স্বাধীনভাবে বিচরণার্থ ছাড়িয়া দিত ; তাহার
মাংস ও দুগ্ধ ভক্ষণ করা, তাহাদের নীতি বিগর্হিত বলিয়া বিশ্বাস ছিল ।
এই পশুকে “বহিরা” বলিত । যদি কোন উষ্ট্র ১০টা ও ছাগী ৭টা শাবক
প্রসব করিত, তাহা হইলে তাহাদের মাংস স্ত্রীলোকগণ ভক্ষণ করিতে
পারিত না, কিন্তু পুরুষগণ ভক্ষণ করিতে পারিত । কোন উষ্ট্র ১০টা
শাবকের পিতা হইলে, তাহাকে স্বাধীনভাবে বিচরণার্থ ছাড়িয়া দেওয়া
হইত ; সেই উষ্ট্রকে “হামি” বলিত ।

যুদ্ধকালে স্ত্রীলোকগণ পুরুষদিগের সঙ্গে থাকিয়া যুদ্ধ করিত এবং পুরুষদিগকে যুদ্ধকার্যে সাহায্য করিত । তাহারা স্ব স্ব স্বামীকে বলিত, “হে সাহসী বীরগণ ! অগ্রসর হও, যদি যুদ্ধে পরাভূত হও, তাহা হইলে আমরা আর তোমাদের স্ত্রী বলিয়া পরিচয় দিব না ।” দুর্ভিক্ষ উপস্থিত হইলে আরবগণ উষ্ট্রের গাত্র হইতে রক্ত বাহির করিয়া পান করিত ; বৃষ্টির অভাব হইলে একটা গাভীকে পর্কতোপরি লইয়া গিয়া তাহার লাঙ্গুলে স্তম্ভ তৃণাদি জড়াইয়া দিয়া তাহাতে অগ্নি প্রদান করিত । ইহারা পরস্পরের সহিত বিবাদ করিয়া যুদ্ধে লিপ্ত হইতেন । আশাছ ও জৈবান বংশের ১০০ বৎসর কাল অবিরত যুদ্ধকার্যে লিপ্ত ছিলেন ।

স্ত্রীলোকেরা দুগ্ধদোহন করিলে জাতিচ্যুত হইত । ইহারা অপরাধীবে তপ্তবালুকোপরি বসাইয়া জীবন্ত দগ্ধ করিতেন । মৃত পশুর মাংস উপাদেয় বলিয়া ভোজন করিতেন । অপরিচিত লোকগণও গৃহ-স্বামীর বিনামূল্যে মতিতে গৃহে প্রবেশ করিবার অধিকার পাইত । আত্মীয় স্বজনের বাড়ীতে ভোজন করা বড় নিন্দনীয় কার্য মধ্যে গণ্য হইত । কাবা মসজ্জদের মধ্যে তিনটা তীর ছিল, কোন কার্যকালে লোকে সেই তীরত্রয়ের নিকট বর প্রার্থনা করিতেন । ঐ তীরত্রয় “আজলাহ” বলিয়া খ্যাত ছিল ।

নিম্নলিখিত দেবমূর্তিসমূহ আরবগণের উপাস্ত ছিল ।

(১) হবল নামক প্রধান দেবমূর্তি কাবা মন্দিরের সর্বোপরিভাগে স্থাপিত ছিল ।

(২) ভোদ নামক মূর্তি বনি কাল্ব দলের উপাস্ত ছিল ।

(৩) সোয়া নামক মূর্তি বনি মজ্হাজ দলের উপাস্ত ছিল ।

(৪) ইয়াগুন্ নামক মূর্তি বনি মোরাদ দলের উপাস্ত ছিল ।

(৫) ইয়াউক নামক মূর্তি বনি হান্দান দলের উপাস্ত ছিল ।

(৬) নাছার নামক মূর্তি ইমনপ্রদেশস্থ বনি হিমিয়ার দলের উপাস্ত ছিল ।

(৭) ওজ্জা নামক মূর্তি বনি গাক্তান দলের উপাস্ত ছিল ।

(৮) লাং ও (৯) মনাং নামক মূর্তিবর সাধারণ লোকের উপাস্ত ছিল ।

(১০) দোয়াব নামক মূর্তি যুবতীগণের উপাস্ত ছিল ।

(১১) এছাক নামক মূর্তি সাফা পর্বতোপরি আর (১২) নায়েলা নামক মূর্তি হারওয়া পাহাড়োপরি স্থাপিত ছিল ; উক্ত মূর্তিবরের নিকট বলিদান কার্য সম্পন্ন হইত ।

(১৩) আব-আব নামক একটা বৃহৎ প্রস্তরোপরি উষ্ট্র বলিদান কার্য সম্পন্ন হইত ।

আরবগণ কাবা মসজ্জদের মধ্যে মহাত্মা এব্রাহিম ও ইস্মাইলের প্রতিমূর্তি প্রস্তুত করিয়া রাখিয়াছিলেন । এব্রাহিমের প্রতিমূর্তির এক হাতে একটা তীর ও পার্শ্বদেশে একটা মেবের মূর্তি স্থাপিত ছিল । ভোদ, ইয়াশুস্, ইয়াউক ও নাছার নামক দেবমূর্তিগুলি বিখ্যাত লোকগণের প্রতিমূর্তি ; ঐ সকল বিখ্যাত লোককে কুসংস্কারাচ্ছন্ন লোকগণ দেবতা-বোধে পূজা করিত । কাবা মসজ্জদের প্রাচীরে হজরত ইসা (যীশু) ও বিবি মরিয়মের (মেরির) প্রতিকৃতি অঙ্কিত ছিল । ইহারা কাবা মসজ্জদকে খোদাতায়ালায় গৃহ বলিয়া সম্মান করিতেন ।

মহাত্মা এব্রাহিম ও ইস্মাইলের সমর হইতে হজরত এবং সাফা ও হারওয়া পর্বতদ্বয়ের মধ্যস্থিত স্থানে ধাবমান হওয়া, আরববাসিগণের মধ্যে প্রচলিত ছিল । কিন্তু ঐ সকল পবিত্র কার্য কালক্রমে নানারূপ ঘোরতর কুসংস্কার-জালে সমাচ্ছন্ন হইয়াছিল । তাহারা প্রতিমূর্তির পুরোভাগে সাঠাঙ্গ প্রনিপাতপূর্বক পদ চূষন করিত এবং উল্কাবর্ষায় কাবা প্রদক্ষিণ করিত । এক এক গ্রহ এক এক দলের উপাস্ত ছিল, আরবগণ তাহাদের প্রতিমূর্তি প্রস্তুতপূর্বক মন্দিরে স্থাপন করিয়া দেবতা নির্বিশেষে পূজা করিত এবং সেই দেবতাগণের সমক্ষে পিতৃসন্তান বলি

দিত আর উচ্চাঙ্গকে খোদাতায়ালা অপেক্ষা অধিক ভয় করিত । যে পশুটা সবল ও তেজস্বী হইত, সেইটা দেবতার নিকট বলি দিত । কোন পশু মৃতশাবক প্রসব করিলে, সেই মৃত শাবকটীর মাংস উপাদেয় বলিয়া সকলে ভক্ষণ করিত । ইহারা কন্যাসন্তানগণকে বধ করিত কিম্বা জীবিতাবস্থায় কবর (গোর) দিত । কেননা কন্যা দ্বারা তাহাদের ভ্রমণশীল জীবনে নানারূপ বিঘ্ন ঘটতে পারে, যেহেতু কন্যা কুচরিত্রা ও অন্য কর্তৃক বন্দীকৃত হইলে তাহাদের দল ও পরিবার চিরকলঙ্কিত হইত ।

স্ত্রীলোকগণ পরচূলা পরিধান এবং সর্ব শরীর নীলবর্ণে রঞ্জিত করিত । উম্মাম ধর্মের আবির্ভাব হইবার পূর্বে হইতেই মৃত ব্যক্তির গোর (কবর) দিবার প্রথা প্রচলিত ছিল । পোষ্যপুত্র গ্রহণের প্রথা ইহাদের মধ্যে প্রচলিত ছিল । বিষবাগণ এক বৎসর কাল স্বামীর শোকচিহ্ন ধারণ করিত ; বৎসরের শেষে উষ্ট্রের গুচ্ছ বিষ্ঠা কুকুরের গাত্রে কিম্বা পশু-ভাগে নিক্ষেপ করিত ; তাহার দ্বারা প্রকাশ পাইত যে, তাহারা একে-বারে পূর্বস্বামীর সহিত সম্বন্ধ ত্যাগ করিল । স্ত্রীলোকগণ অবশুষ্টিত অবস্থায় প্রকাশ্য সভায় গমন করিত । ইহাদের মধ্যে ভূত প্রেতাতির অস্তিত্ব বিদ্যমান ছিল । এইরূপ ঘোর কুসংস্কার ও অজ্ঞানতারূপ অন্ধ-কারে সমস্ত আরব দেশ সমাচ্ছন্ন ছিল, সেই অন্ধকারের মধ্যে হজরত মহম্মদ মোস্তফা পৌর্ণমাসী শারদীয় শশধরের ন্যায় প্রকাশ পাইয়াছিলেন ।

হজরত মহম্মদের আবির্ভাব হইবার পূর্বে আরব-
গণের ধর্মের অবস্থা ।

নিম্নলিখিত কয়েকটা ধর্ম আরবগণের মধ্যে প্রচলিত ছিল ; যথা,—
পৌত্তলিক, নাস্তিক এবং ঈশ্বরের অসুজাত ধর্ম ।

মহাম্মা, এত্রাহিম ও অত্রাফ ধর্মপ্রচারকগণের ধর্ম, ইহুদীধর্ম ও খৃষ্ট-ধর্ম খোদাতায়ালার আজ্ঞাজাত ধর্মের মধ্যে পরিগণিত ।

মহাম্মা, এত্রাহিমের ধর্ম ।

মহাম্মা এত্রাহিমের ধর্মমতসমূহ পূর্বে বর্ণিত হইয়াছে । তৎপরে মহাম্মা ইয়াহুইয়াও পিতার জ্ঞান জনসমাজে একেধরকারে প্রচার করিয়া গিয়াছেন । তাহার পিতাপুত্রে খোদাতায়ালায় উপাসনার কথা মনুষ্যকে নির্মাণ করিয়াছিলেন, তাহাও পূর্বে লিখিত হইয়াছে । মহাম্মা এত্রাহিম সন্তীক স্বরাজ্য হইতে মক্কার আসিয়া হজ ব্রত উদ্‌যাপন করিতেন । তিনি গ্রন্থ রাখিবার শক্তি ও কোরবানির প্রথা প্রচলন করেন ।

ইহুদীধর্ম ।

ইহুদীধর্ম প্রথমে অতি পবিত্র ছিল । মহাম্মা মুসা (মোসেস) এই ধর্মের প্রবর্তক । ইহুদীধর্ম কলেসতিন ও মরক্কল-মোকদ্দেস (মেক-কেলন) হইতে মোসকসপ কর্তৃক তাদিত হইয়া আরবদেশের উত্তর প্রান্তে বাববার নামক স্থানে আসিয়া উপনিবেশ স্থাপন করে । পরে তাহার ধর্মপ্রচার দ্বারা আরবদেশের কানানা, হারিস্ ও কোন্না প্রভৃতি মল-ভূমিকে পূর্বে বীজিত করে । হজরত মহম্মদের আবির্ভাব হইবার পূর্বে ১০০০ অব্দে পূর্বে হিমিয়ান বংশোদ্ভব রাজা জুনাভাস ইহুদীধর্ম প্রচার করিয়া উত্তর প্রান্তে বহল ব্রত করেন ; ইহার প্রচারেরকৈ খোদাতায়ালায় ব্রত রাখিরা স্বীকার করিত ।

খৃষ্টধর্ম ।

হিমিয়ান ইহুদীর সারাকিনী নামক একজন মহানী হজরত ইসরাইল সে ব্রত প্রচার করে সেই মহানীর নামকে "ইস্রাফিল" বলে ।





মক। মোসাজ্জমা

M. P. Works.

ইজরত মহম্মদের জীবন চরিত ও ধর্মনীতি ।

রাই হজরত মহম্মদের আবির্ভাব হইবার প্রায় ৩০০ বৎসর পূর্বে আরব-দেশে খ্রীষ্টধর্ম প্রচার করিয়াছিল । তাহার কাবা মসজিদে হজরত ইসা ও বিবি মরিয়মের প্রতিমূর্তি প্রস্তুত করিয়া তাহার উপাসনা করিত ।

হজরত মহম্মদের আবির্ভাব হইবার পূর্বে আরবদেশবাসিগণের আচার ব্যবহার ও ধর্মের অবস্থাসমূহ বিশদরূপে বর্ণিত হইল । এই সকল বর্ণিত বৃত্তান্তানুসারে প্রতিপন্ন হইতেছে যে, তৎকালে আরব দেশ ঘোর অজ্ঞানান্ধকারে সমাচ্ছন্ন ছিল ও চতুর্দিকে পাপস্রোত প্রবাহিত হইতেছিল । কিন্তু স-দশক্ৰিয়ান জগৎপাতা বিশ্বস্রষ্টার কৃপায়, এই দেশে হজরত মহম্মদ জন্মগ্রহণ করিয়া, বিভিন্ন সম্প্রদায়ভুক্ত ও পরস্পর প্রতিদ্বন্দ্বীতা-বিশিষ্ট ধ্বংসোন্মত্ত জাতিগণকে ধর্মাবদান, সাম্যমূল্য ও ভ্রাতৃত্বাবে বন্ধন-পূর্বক তাহাদের অশুর হইতে পৌত্তলিকতারূপ কুদংস্কাররাশি দূরীভূত করিয়া একমাত্র অদ্বিতীয় নিরাকার খোদাতায়ালার উপাসনায় প্রবৃত্ত করাইয়াছিলেন ।

কাবা, হজারোল আছোয়াদ ও জম্জম্ কূপের বিবরণ ।

মহাত্মা এব্রাহিম বিশ্বস্রষ্টার আদেশানুসারে স্বীয় পুত্র ইস্মাইলের সাহায্যে একমাত্র নিরাকার খোদাতায়ালার উপাসনার্থ কাবা মসজিদ নির্মাণ করেন, ইহার বিবরণ পূর্বে বর্ণিত হইয়াছে । এই মসজিদের প্রাচীর প্রস্তরনির্মিত । ইহাকে “বায়তোলা” (খোদাতায়ালার গৃহ) বলে । কাবা মসজিদের এক কোণে হজারোল আছোয়াদ নামক এক খানি কুৎসর্গ প্রস্তর আছে । হজপ্রার্থীগণ সেই প্রস্তরের নিকট হইতে আরম্ভ করিয়া সাতবার কাবা প্রদক্ষিণ করে এবং প্রত্যেক বারে ঐ প্রস্তরকে চুম্বন করে । হজারোল-আছোয়াদ সম্বন্ধে তিন জন মহাত্মার মত নিয়ে উক্ত করা গেল ।

তারমিজি লিখিয়াছেন, “হাজারোল-আছোয়াদ স্বর্গ হইতে পতিত । প্রথমে ইহা তৃষ্ণাক্ষেপনিত শুভ্রবর্ণ ছিল, পরে পাপাত্মা লোকদিগের স্পর্শে ও চুষনে ইহা কৃষ্ণবর্ণে পরিণত হইয়াছে ।”

এবনে মারাজা লিখিয়াছেন, “এই প্রস্তরখানি স্বর্গস্থ প্রতিভাশালী অমূল্য প্রস্তরগুলির অন্ততম । খোদাতায়ালা ইহার উজ্জলতা হরণ করিয়াছেন, নচেৎ ইহার সৌন্দর্য্যে সমুদয় পৃথিবী আলোকিত হইত ।”

দারমি লিখিয়াছেন, “রোজকেয়ামতের দিনে (মহাপ্রলয় কালে) খোদাতায়ালা এই প্রস্তরকে জিহ্বা ও চক্ষু প্রদান করিবেন । তখন ইহা স্বর্গীয় দূতের (ফেরেস্তার) অকৃতি প্রাপ্ত হইবে এবং যাহারা পৃথিবীতে তাহাকে চুষন করিয়াছেন, খোদাতায়ালা নিকট তাহাদের বিষয় সাক্ষ্য প্রদান করিবে ।”

কিন্তু আবু আলিদ মহম্মদ, সুবির মতামুসারে লিখিয়াছেন যে, কাবার নির্মাণ কার্য শেষ হইলে তাহা প্রদক্ষিণার্থ প্রথম আরম্ভ স্থান নির্দেশ করিবার জন্য মহাত্মা এব্রাহিম, ইস্রাইলকে এই প্রস্তরখানি উক্ত স্থানে স্থাপন করিতে বলিয়াছিলেন । আবদল্লা-বেন-ওমর বলেন যে, এই প্রস্তরখানি মক্কার নিকটস্থ আবু-কোবেস পাহাড় হইতে আনীত হইয়াছিল । কিন্তু বোধারি প্রভৃতি মহাত্মাদিগের লেখায় প্রতিপন্ন হইতেছে যে, মহাত্মা এব্রাহিমের সমকালীন লোকগুলি অন্ধসভা ছিল ; তাহারা উল্লেখ্যস্থান নৃত্য করিতে করিতে, খোদাতায়ালা নামোচ্চারণপূর্বক কাব্য প্রদক্ষিণ করিত । তাহাদের সেই সকল উন্মত্ততা দূর করিবার জন্য তিনি ঐ প্রস্তরকে প্রত্যেক বার চুষন ও জাহু পাতিয়া খোদাতায়ালা নিকট উপাসনা করিবার প্রথা প্রচলিত করিয়া যান ।

প্রসিদ্ধ অমূল্য কূপের উৎপত্তির বিষয় পূর্বে বর্ণিত হইয়াছে । ইহা কালক্রমে লুপ্ত হইয়া যায় । হজরত মহম্মদের পিতামহ আবদুল মোত্তালিব

ইহার পুনরুদ্ধার করেন । আবদল মোস্তালেব স্বীয় পুত্র হারেসকে আসাফ ও নায়লা নামক প্রতিমূর্তির সম্মুখস্থ স্থান খনন করিয়া জম্জমের পুনরুদ্ধার করিতে বলেন । কিন্তু দেবতার সম্মুখস্থ মূর্তিকা খনন করিতে কোরেশ-গণ অনেক বাধা দেয় । শেষে সমুদয় বাধা বিঘ্ন অতিক্রমপূর্বক জম্জমের পুনরুদ্ধার কার্য সম্পন্ন হয় । জম্জম খনন-কালে তাহার মধ্যে দুইটী স্বর্ণময় হরিণশাবক (গজ্জালল কাবা) ও অনেক অস্ত্র শস্ত্র প্রাপ্ত হওয়া গিয়াছিল । আবদল মোস্তালেব ঐ স্বর্ণময় হরিণশাবকদ্বয় কাবা মন্দিরের শোভা সম্বন্ধনार्थ তাহার মধ্যে সংস্থাপন করেন ।

কাবার আদিম নাম “বায়তোল্লা” (খোদাতায়ালার গৃহ) । কাবা শব্দের অর্থ উন্নত, গৌরবে উন্নত বা ভূমি হইতে উচ্চে অবস্থিত ; কিম্বা “কাব” শব্দে পাশাখেলার চতুষ্কোণ গজদস্তকে বুঝায়, অধিকন্তু কাবা আবার চতুষ্কোণ, তজ্জন্ত বোধ হয়, “কাব” হইতে কাবা শব্দটী সম্পন্ন হইয়াছে ।

কাবা নিৰ্মাণের বহু দিন পরে প্রথমে জরহামবংশীয় লোকগণ, তৎপরে অমালেকাবংশীয়গণ ইহার জীর্ণ সংস্কার করেন । তাহার কিছুদিন পরে ইহা ভগ্ন হইয়া গেলে কোসাই ইহা পুনঃনিৰ্মাণ করেন ; তৎপরে অগ্নিতে ভস্মীভূত হইয়া গেলে কোরেশবংশীয়গণ ইহা পুনঃনিৰ্মাণ করেন । হজরত মহম্মদের আবির্ভাব হইবার পর প্রথমে আবদল্লা-বেন-জোবের, তৎপরে হাজ্জাজ-বেন-ইউসফ ইহার জীর্ণসংস্কার করেন ।

মহান্বা ইম্মাইলের বংশধরেরা প্রথমে কাবার কর্তৃত্ব ভার প্রাপ্ত হন, পরে জরহামবংশীয় মজাজ উহার তত্ত্বাবধান ভার প্রাপ্ত হন । তৎকালে জরহাম ও কতুরা সম্প্রদায়ের মকার অধিবাসী ছিলেন । ঐ দুই সম্প্রদায়ের মধ্যে পরস্পর গৃহ বিবাদ উপস্থিত হওয়াতে, জরহাম দলপতি মজাজ, কতুরা-দলপতি লম্বিনাকে বধ করিয়া সমগ্র মকার কর্তৃত্ব ভার প্রাপ্ত হন ।

কিছুদিন পরে ইস্মাইল বংশীয়গণ দেখিলেন যে, জরহাম সম্প্রদায়, অন্যান্য সম্প্রদায় ও তীর্থযাত্রীদিগকে উৎপীড়ন করিতেছে, তখন বনু বকর ও বনু খজ্রা দলদ্বয় একত্রিত হইয়া জরহাম সম্প্রদায়কে বলিয়া পাঠান যে, তোমারা ঞ্চান্নায্যায়ী আমাদের হস্তে কাবা সমর্পণ কর। জরহাম দলপতি তাঁহাদের কণায় কণপাতও করিলেন না। -অতএব মহাসমারোহে যুদ্ধসজ্জা হইতে লাগিল, জরহামদলপতি বিপক্ষগণের অসংখ্য দলবল দর্শন করিয়া ধন সম্পত্তি গ্রহণপূর্বক মক্কা ত্যাগ করিলেন। তাঁহারা মক্কা ত্যাগকালে তাঁহাদের দলপতি ওমর সম্মানিত প্রস্তর হাজারোলআছোয়াদ স্থানান্তরিত ও কাবা মসজ্জিদস্থ সুবর্ণনির্মিত হরিণশাবকদ্বয় প্রভৃতি জম্জম্ কূপে নিক্ষেপ করিয়া, তাহা মৃৎপূর্ণ করিয়া যান। খজ্রাদলস্থ অমর-বেন-লাহি প্রথমে কাবার কর্তৃত্ব পদ প্রাপ্ত হন, তিনিই প্রথমে কাবার প্রতিমা স্থাপন করেন। সেই সময়ে ইস্মাইল বংশীয়গণ মক্কা নগরে ক্রমে ক্রমে আপনাদের আধিপত্য বিস্তার করিতেছিলেন। ঐ বংশীয় ফিহর প্রথমে “কোরেশ” উপাধি ধারণ করেন। কোরেশ শব্দ “করস্” ধাতু হইতে উৎপন্ন, উহার অর্থ “বণিক”। ফিহরের অধস্তন পঞ্চম পুরুষ কোসাই, কানানা দলের সন্তিত মিলিত হইয়া বনু বকর ও বনু খজ্রা দলদ্বয়কে দূরীভূত করিয়া দিয়া কাবার কর্তৃত্বপদ প্রাপ্ত হন। কোসাইর আর এক নাম “মজ্জমা”, ইনিই কোরেশ জাতিকে একত্রিত করিয়াছিলেন বলিয়া “কোসাই” উপাধি প্রাপ্ত হন। হজরত মহম্মদের পঞ্চম পুরুষ, ইহারই হস্তে কাবা ও মক্কার শাসন ভার অর্পণ করেন। প্রথমে কোসাইর জ্যেষ্ঠ পুত্র আবদুল মাল্ল, পরে তাঁহার ভ্রাতা আবদে মনাক কাবার শাসনভার প্রাপ্ত হইয়াছিলেন।

কোসাই কাবা সম্বন্ধে নিম্নলিখিত পাঁচটা প্রথা প্রথমে প্রবর্তিত করেন। যথা; ১ম, সেকায়া ও রেফাদা অর্থাৎ তীর্থযাত্রীগণকে জন

৩ খাত্তযোগান । ২য়, কিয়াদা অর্থাৎ যুদ্ধকালে সৈন্য চালন । ৩য়, সিভা অর্থাৎ পতাকাধারী । ৪র্থ, হেজাবা অর্থাৎ কাবা মস্জিদের কর্তৃক পদ । ৫য়, দাভাল-নাদোয়া অর্থাৎ সভাপতির পদ ।

আব্দে মনাফের মৃত্যুর পং গৃহবিবাদ উপস্থিত হইলে কাবা সম্বন্ধে কার্য্যগুলি বিভাগ হইয়া পড়ে । আব্দে মনাফের পুত্র হাশেমের উপর সেকায়া ও রেফাদার ভার অর্পিত হয়, আর আবদল দারের উপর কাবার কর্তৃক ভার, পতাকাধারণকার্য্য ও সভাপতির পদ অর্পিত হয় । হাশেম কাবার কর্তৃককার্য্যগুলি সুচারুরূপে সম্পন্ন করিয়াছিলেন । তিনি অতি বদাওয় ছিলেন ; একদা মহাভূর্ত্তিক্ষের সময়ে তিনি হুরিয়া (নিরিয়া) হইতে প্রচুর গোধুমাদি আনয়ন করিয়া মক্কাবাসীদিগের জীবন রক্ষা করিয়াছিলেন ।

হাশেমের পর তদার ভ্রাতা মোত্তালেব, মোত্তালেবের পর হাশেমের পুত্র আবদল মোত্তালেব কাবার কর্তৃকপদ প্রাপ্ত হন । আবদল মোত্তালেবের সময়ে আবিসিনিয়ার বাদশাহ নজ্জানীর পক্ষ হইতে আবরাহা-এবনে-অল সাবা নামক একজন খৃষ্টান, এরমেন প্রদেশের শাসনকর্ত্তা নিযুক্ত হইয়া আসে । সে এরমেনে আসিয়া রাজ্যের আভ্যন্তরীণ সংবাদাদি লইয়া জানিতে পারিল যে, মক্কা প্রান্তরে কাবা নামে যে একটি ক্ষুদ্র গৃহ আছে, তাহা দর্শন করিবার জন্য প্রতি বৎসর লক্ষ লক্ষ লোক চতুর্দিক হইতে তথায় গমন করে এবং সেই জন্য তথায় বাণিজ্য ব্যবসায়ের প্রভূত বিস্তৃতি লাভ করিয়াছে । এই সকল কথা শুনিয়া শাসনকর্ত্তার অন্তরে আশ্চর্য্য অহঙ্কারের আবির্ভাব হইল । সে যাত্রীদিগকে কাবা দর্শন হইতে বিরত রাখিবার জন্য নিজ রাজধানী এরমেন সহরে একটি অতি সুন্দর মন্দির নির্মাণের আদেশ দিল । অচিরকাল মধ্যে “সানারা” প্রান্তরে ঐ মন্দির নির্মিত হইল । ঐ মন্দির মধ্যে মণিমুক্তাখচিত রেশমী বস্ত্র পরিধান

করাইয়া অনেকগুলি দেবদেবীর প্রতিমূর্তি প্রতিষ্ঠিত করা হইল। তৎপরে অধিবাসিদিগকে সেই গৃহেরই উপাসনা করিতে প্রবৃত্তি লওয়াইতে লাগিল। রাজাজ্ঞা লঙ্ঘন করিতে না পারিয়া অধিকাংশ লোকেই উক্ত গৃহের উপাসনা ও প্রদক্ষিণ করিতে লাগিল। ইহাতে মক্কাবাসীরা বিশেষ ক্রটিগ্রস্ত হইয়া পড়িলেন। তখন নকার কতিপয় চক্রান্তকারী লোক একত্রিত হইয়া এরমন রাজ্যে উপস্থিত হইল। তাহাদের উদ্দেশ্য এই ছিল যে, ঐ নব প্রতিষ্ঠিত মন্দির দর্শন হইতে লোকদিগকে বিরত রাখে। ঐ চক্রান্তকারিদলের মধ্য হইতে কেনানাদলের নওফেল নামক এক ব্যক্তি ঐ মন্দিরের সেবায়েত নিযুক্ত হয়, সে একদিন রাত্রিযোগে মন্দিরভ্যন্তরে বলমূত্র ত্যাগ করিয়া পলায়ন করে। প্রভাতে যাত্রীগণ পূজার জন্য আসিয়া উপস্থিত হইয়া দেখিল যে, মন্দিরভ্যন্তরে বিষ্ঠা রহিয়াছে, ইহাতে যাত্রীগণ বিরক্ত হইয়া পূজা হইতে বিরত থাকে, এবং ঐ চক্রান্তকারী দল মন্দিরের নিকটেই অবস্থিতি করিত, তাহারা অতি প্রত্যাষে পলায়নের সময় অগ্নি জালিয়া তাহাদের দ্রব্যাদি সংগ্রহ করিয়া লইতেছিল, ঘটনাক্রমে ঐ অগ্নি হইতে অগ্নিস্থলিক মন্দিরপার্শ্বস্থ পাছনিবাসে লাগিয়া যায়, তাহা হইতে অগ্নিস্থলিক বায়ুযোগে মন্দির অভ্যন্তরস্থ দেবদেবীর মহামূল্য বস্তাদিতে পতিত হয়, ক্রমে ঐ অগ্নি ভীষণাকার ধারণ করিয়া বায়ুসংযোগে সমস্ত মন্দির ভস্মীভূত করিয়া ফেলে। আবরাহা এই সংবাদ শ্রবণ করিয়া উক্ত ঘটনার কারণ অনুসন্ধানে প্রবৃত্ত হয়, পরে জানিতে পারে যে, মক্কাবাসী চক্রান্তকারিগণ কর্তৃক এই ঘটনা সংঘটিত হইয়াছে। তখন সে কালবিলম্ব না করিয়া সেনাপতিদিগকে আদেশ দিল যে, এখনই মক্কা বিজয় ও কাবা ধ্বংস কর্তব্য প্রস্তুত হও। তাহার আদেশমাত্র কয়েক সহস্র সৈন্য, ষাটশতী মত হস্তী যুদ্ধসজ্জার সজ্জিত হইল। হস্তীযুদ্ধের মধ্যে মাহমুদা নামক একাণ্ডকার একটা হস্তী

ছিল। ঐ হত্মীরাজের পৃষ্ঠে আবরাহা নিজে আরোহণপূর্বক সৈন্তসামন্ত সহ মক্কাভিমুখে যাত্রা করিল। মক্কাবাসিগণ এই সংবাদ প্রাপ্ত হইয়া ভীতিবিহ্বলচিত্তে গৃহাদি ছাড়িয়া পর্বতগুহায় ও ভীষণ প্রান্তরে যাইয়া আশ্রয় লইল। কেবল আবহুল মোস্তালেব একাকী মক্কার রহিলেন, তিনিও কিংকর্তব্যবিমূঢ় হইয়া কাবা মন্দিরে গমনপূর্বক বিপদভঙ্জন ও হত্যাশের আশাদাতা খোদাতায়ালার নিকট আসন্ন বিপদ হইতে কাবা ও মক্কা রক্ষার জন্য প্রার্থনা করিতে লাগিলেন। আবরাহা সসৈন্তে মক্কার ৩ ক্রোশ দূরে “মহাস্বারা” নামক স্থানে আসিয়া পৌঁছিল। সেই সময়ে দলে দলে ক্ষুদ্র ক্ষুদ্র পক্ষী আকাশ হইতে তাহাদের উপর কঙ্কর বৃষ্টি করিতে থাকে। তাহাতে আব্রাহার সমস্ত সৈন্ত “পশু-ভক্ষিত তৃণ-ক্ষেত্রের স্তায়” ধ্বংস হইয়া যায়। তখন আব্রাহা স্বয়ং আহত হইয়া মানায় পলায়ন করে। কিছু তথায় উপনীত হইবার অল্পদিন পরেই মৃত্যুমুখে পতিত হয়। এদিকে লুঠনগ্রিয় মক্কাবাসিগণ ক্ষুদ্র পর্বতোপরি হইতে আব্রাহার অবস্থা দর্শন করিয়া মহানন্দে পর্বত হইতে অবতরণ পূর্বক সেই স্থানে উপস্থিত হইয়া লুঠনকার্য্যে প্রবৃত্ত হয়। তাহাতে তাহারা বহু ধনরত্ন প্রাপ্ত হইয়াছিল। এই ঘটনার পঞ্চান্ন দিন পরে হজরত মহম্মদ মোস্তাফা জন্মগ্রহণ করেন। এই বৎসরকে আরবদেশবাসিগণ “আম্বুল কাল” বলিতেন এবং কিছুকাল পর্য্যন্ত কোরেশগণ এই ঘটনা হইতে বৎসর গণনা করিতেন। এই ঘটনার বিষয় কোরাণ শরীফের সূরা কীলে নিম্নলিখিতভাবে উক্ত হইরাছে—“তুমি কি দেখ নাই তোমার প্রতিপালক গজ্বামিদিগের সহজে কেমন আচরণ করিয়াছিলেন? তাহাদের চক্রান্তকে তিনি কি ভ্রান্তির মধ্যে স্থাপন করেন নাই? এবং তিনি তাহাদের প্রতি আবাবিল বিহঙ্গ প্রেরণ করিয়াছিলেন। (সেই পক্ষী সৈন্য) তাহাদের প্রতি কর্দমজাত (ক্ষুদ্র) প্রস্তর নিক্ষেপ

করিয়াছিল । পরে তাহাদিগকে ভূক্তদ্রবোর অসারভাগের (ভূসী) ন্যায়
করিয়াছিলেন ।”

আবদুল মোস্তালেবের পর তদীয় পুত্র জোবের, তৎপরে জোবেরের
ভ্রাতা আবুতালেব কাবার কর্তৃত্বপদে অধিষ্ঠিত হন । কিন্তু আবুতালেব
বায়ের ভয়ে কাবার কর্তৃত্বপদ স্বকীয় কনিষ্ঠ ভ্রাতা আব্বাসকে অর্পণ
করেন । এই আবদুল মোস্তালেবের পুত্র আবতুল্লা, আবতুল্লার পুত্র হজরত
মহম্মদ মোস্তাফা । যে কাবা মসজিদ, মহাম্মা এব্রাহিম আদিভীয়ে নিরাকার
খোদাতাওয়ালার উপাসনার্থ নিয়োগ করিয়াছিলেন, কালক্রমে সেই মসজিদ
৩৬০টি দেবমূর্তিতে পরিপূর্ণ হইয়াছিল । সেই সকল দেবমূর্তি ধ্বংস
করিয়া হজরত মহম্মদ মোস্তাফা আবার তথায় নিরাকার খোদাতাওয়ালার
উপাসনা প্রচলিত করিয়া গিয়াছেন ।

দ্বিতীয় পরিচ্ছেদ ।

হজরত এব্রাহিমের দোওয়া (প্রার্থনা) ।

ইহা সর্ক্ববাদিসম্মত যে, সৃষ্টির প্রথম হইতেই মানব এক জন সৃষ্টি-কর্তার সন্ধ্যা উপলব্ধি করিয়া আসিতেছে । খোদাতায়ালা মানব বংশ সৃষ্টি করিবার পূর্বে যখন “রোজমিসাকে” (প্রতিশ্রুতির দিনে) তাহাদের আত্মা সকলকে একত্রিত করিয়া জিজ্ঞাসা করিয়াছিলেন, “আমি কি তোমাদের রব (প্রতিপালক) নহি ?” তাহারা সকলেই সম্মত বলিয়াছিল, “হাঁ, তুমিই আমাদের প্রতিপালক ।” এই ঘটনাটির বিষয় বিশেষ গাঢ়ভাবে মনোনিবেশপূর্বক চিন্তা করিয়া দেখিলে স্পষ্টই প্রতীয়মান হইবে যে, আত্মা সকলের ঐক্য উত্তর প্রদানের মধ্যে এক অপরিমিত স্মরণের পরিচয় পাওয়া বাইতেছে । বিশেষতঃ মানবাত্মা যখন অবিদ্যার জগত্ হইতে নব জগতের দিকে অগ্রসর হইবার জন্য প্রস্তুত হইতেছিল, তখন যে তাহাদের অন্তরে এক অজ্ঞাত মহাশক্তির অস্তিত্ব প্রবিষ্ট হইয়াছিল, তাহাতে কোন সন্দেহ নাই । কালক্রমের আবর্তনের সঙ্গে সঙ্গে যেমন জ্ঞানচর্চা বৃত্তির আয়তন বৃদ্ধি পাইতে আরম্ভ হইল, অমনি উক্ত মহাশক্তি মানব অন্তরে ক্রমশঃ বিকাশ পাইতে লাগিল । প্রসিদ্ধ দার্শনিক পণ্ডিত ম্যাক্সমুলার বলিয়াছেন, “যখন আমাদের পূর্বপুরুষগণ খোদাতায়ালা নাম পর্য্যন্ত রাখিতে সক্ষম ছিলেন না, তখন তাহারা জেস্মানি (দেহধারী) খোদা প্রস্তুত করিয়া তাহার সন্মুখে মস্তক অবনত করিতেন । এইরূপে প্রকৃত জ্ঞান ক্রমে ক্রমে পৌত্তলিকতার অন্তরালে লুক্কায়িত হইয়া গিয়াছিল ।”

মানব সৃষ্টির বহু শতাব্দীর পরে উজ্জ্বল দাইনানের একজন মহাপুরুষ (হজরত এব্রাহিম) পৌত্তলিকদিগকে একমাত্র খোদাতারাগার অস্তিত্বে বিশ্বাস স্থাপন করাইবার জন্য বিশেষ চেষ্টা করিয়া ও বিকলমনোরথ হন, এবং তিনি উক্ত স্থান পরিত্যাগপূর্বক নানা দেশ পরিভ্রমণের পর কারণ পর্ত্তের উপত্যকার আসিয়া উপনীত হন, তথায় তিনি স্বীয় পুত্র হজরত ইস্মাইলের সাহায্যে এক মাত্র খোদাতারাগার উপাসনার জন্য ছাদ শূন্য চারি প্রাচীরবিশিষ্ট একটা গৃহ নির্মাণ করেন। সেই গৃহের নির্মাণ কার্য শেষ হইয়া গেলে তিনি খোদাতারাগার নিকট নিম্নলিখিতভাবে প্রার্থনা করেন—“হে বিশ্বপালক ! তোমাকে স্মরণ করিবার জন্য এই বারিহীন মরুভূমিতে আমার পুত্রের বাসস্থান নির্দেশ করিলাম। এই স্থানটা সমৃদ্ধিশালী জনপদে পরিণত করিতে তোমার এক শুভদৃষ্টিই যথেষ্ট। আমি কেবল তোমারই জন্য এই চারি প্রাচীর নির্মাণ করিলাম। তুমি ইহা গ্রহণ কর, এবং আমার পুত্রগণকে তোমার আরাধনা করিবার শক্তি দাও আর এই বংশে এমন একজনকে প্রেরণ কর, যিনি সকলকে তোমার দিকে আহ্বান করেন এবং তাঁহার অন্তর পবিত্র করতঃ জ্যোতিঃতে পূর্ণ করিও।” খোদাতারাগা তাঁহার এই প্রার্থনা গ্রহণ করিয়াছিলেন।

হজরত এব্রাহিমের পরে হজরত ইস্মাইলের বংশীয়গণ ক্রমে ক্রমে প্রভূত সৌভাগ্যশালী হইয়া উঠিলেন। হেজাজের মধ্যে নানা স্থানে তাঁহারা বসবাস আরম্ভ করিলেন। ঐ চারি প্রাচীরবিশিষ্ট উপাসনা গৃহের নাম, “বরতে-ইল” অর্থাৎ খোদার ঘর রাখা হইয়াছিল। কিন্তু কাল চক্রের পরিবর্তনের সঙ্গে সঙ্গে তত্রস্থ অধিবাসিদিগের প্রকৃত জ্ঞান পৌত্তলিকতার অন্তরালে লুক্কায়িত হইয়া গেল। তখন সেই একমাত্র নিরাকার খোদার ঘর বহু পুত্তলিকার ঘরে পরিণত হইল। তথায়

তিন শত ষাট মূর্তি স্থাপিত হইল । ঐ সকল মূর্তির মধ্যস্থলে লোহিত বর্ণের বহুমূল্য প্রস্তরে নিৰ্ম্মিত তাহাদের দেবশ্রেষ্ঠ “হবলের” মূর্তি প্রতিষ্ঠিত হইল । উহার চতুর্দিশে স্বর্ণ রৌপ্য নিৰ্ম্মিত দ্বাদশ মূর্তি স্থাপিত হইল । এমন কি, হজরত এব্রাহিম ও হজরত ইস্মাইলের মূর্তি প্রস্তুত করিয়া ঐ স্থানে রাখা হইয়াছিল । গৃহের এক কোণে “হজরে আছোরাদ” নামক পবিত্র প্রস্তরখানি রাখা হইয়াছিল । বৎসরের মধ্যে জিল হজ্জ মাসে আরববাসিগণ দলে দলে এই গৃহ দর্শন করিতে আসিত এবং সকলে এক সঙ্গে উল্কা অবস্থায় এই গৃহ প্রদক্ষিণ করিত । গৃহ প্রদক্ষিণ শেষ হইলে তাহারা দেবতাদের নিকট নৈবেদ্য দিয়া প্রসাদ লইয়া স্ব স্ব গৃহে প্রত্যাগমন করিত ।

এইরূপ অবস্থায় বহুকাল অতীত হইয়া গেল । যৎকালে পৃথিবীস্থ বিভিন্ন স্থানবাসী বিভিন্ন-জাতি ঐহিক ও পারত্রিক উন্নতির চেষ্টা করিতেছিল । তৎকালে আরববাসিগণ অজ্ঞানতারূপ গাঢ়নিদ্রায় অভিভূত ছিল । আজম তখন রাজকীয় ঘোষণায় গা ঢালিয়া দিয়াছিল । দরকস-কাদিয়ানীর উজ্জলপ্রভা দূর দূরন্তে নিক্ষিপ্ত হইয়া পড়িতেছিল । ফর-কেয়ানীর নাম তখন লোকের গৃহে গৃহে আলোচিত হইতেছিল । রোমের অতুল প্রতিপত্তির শ্রোত তখন সত্যজগতে উত্তাল-তরঙ্গ-মালায় পরিণত হইতেছিল । ইউনান তখন বিজ্ঞানসাগরের শ্রোতে ভাসমান । ভারতবর্ষও তখন জ্ঞানজাগরণের মুখ খুলিয়া দিয়াছিল । পৃথিবীর চতুর্দিকের অবস্থা ত তখন এইরূপ ভাবে চলিতেছিল । কিন্তু আরববাসিগণ তখন সেই অজ্ঞানতারূপে সমাচ্ছন্ন ছিল । না সেখানে কোনরূপ শিল্পচর্চা, না কোন রূপ ব্যবসা বাণিজ্য, না কোন রূপ বিদ্যাচর্চা ছিল । সত্যতা ত পূর্ব হইতেই বহু দূরে সরিয়া পড়িয়াছিল । সেখানে অজ্ঞানতার পূর্ণ রাজত্ব, নরহত্যা ও দস্যুত্বের অদম্য প্রকাশ

বিবাদ-বিসংবাদের লীলাক্ষেত্র অক্ষুণ্ণ প্রতাপে আধিপত্য বিস্তার করিয়াছিল। তদ্রূপে অধিবাসিগণের মধ্যে সামান্ত সামান্ত কারণে বিবাদাগ্নি প্রজ্জ্বলিত হইয়া বংশানুক্রমে বিদ্বান রহিয়া যাইত। তাহাতে যে কত নরহত্যা হইত, তাহার ইয়ত্তা করা যায় না। যেস্থান এইরূপ অশান্তিপূর্ণ, সে স্থানে উন্নতি, একতা ও ভ্রাতৃত্বভাবের আশা করা বিড়ম্বনামাত্র। সুরা ও ব্যভিচারের শ্রোত তাহাদের মধ্যে অদম্য প্রভাবে প্রবাহিত হইত। জুয়াখেলা ও গান-বাজনা প্রভৃতির আখড়া সকল সময়েই খোলা থাকিত। তাহাদের সামাজিক অবস্থা ত এইরূপ ছিল, ইহার উপর তাহাদের ধর্মের অবস্থা আরও শোচনীয় ছিল। তাহাদের মধ্যে অজ্ঞানতা ও কুসংস্কার এতদূর আধিপত্য বিস্তার করিয়াছিল যে, তাহারা নানাবিধ মূর্তিকে খোদাতায়ালা বোধে পূজা করিত। তাহারা স্বহস্তে তাম্র, পিত্তল ও প্রস্তরের মূর্তি সকল প্রস্তুত করিয়া তাহাদেরই সম্মুখে সান্নিধ্যে প্রণিপাত এবং নাচ, গান করিত ও নজর দিত এবং ঐ সকল মূর্তিকেই সৌরজগতের প্রতিপালক বলিয়া বিশ্বাস করিত এবং আরও বলিত যে, তাহারা খোদাতায়ালা সান্নিধ্যলাভের জন্ত ঐ সকল মূর্তির উপাসনা করে। এইরূপ অজ্ঞানতা সত্ত্বেও তাহারা দাবী করিয়া বলিত যে, তাহারা হজরত এব্রাহিমের ধর্মের উপাসক। পরিশেষে অজ্ঞানতা ও কুসংস্কার দূর হইবার সময় উপস্থিত হইল। ধর্মপ্রাণ হজরত এব্রাহিমের প্রাণ্ডক প্রার্থনামুসারেই খৃষ্টীয় ষষ্ঠ শতাব্দীতে প্রতিমাতঙ্ককারী প্রকৃত ধর্মপথপ্রদর্শক হজরত এব্রাহিমের বংশধর “সত্য উপস্থিত, অসত্য বিদূরিত” এই উক্তি লইয়া উপস্থিত হইলেন।

হজরত মহম্মদের জন্ম, ধাত্রীগৃহে প্রতি-
পালন ও বক্ষঃবিদারণ ।

কোরেশ-দলপতি হাশেমের মৃত্যুর পর তৎপুত্র আবদল মোত্তালেব সমুদয় কর্তৃত্বভার প্রাপ্ত হইয়া পিতৃ-প্রদর্শিত পথে সমাজের ও কাবার কার্যাদি সুচারুরূপে সম্পন্ন করিয়া আসিতেছিলেন এবং তিনি পিতার স্থায় অশেষ সদৃশ্যে বিভূষিত ছিলেন । আবদল মোত্তালেবের বিভিন্ন ভাৰ্য্যার গর্ভে দশ পুত্র ও ছয় কন্যা জন্মগ্রহণ করেন । পুত্রগণের নাম—হারেস, আবুলাহব, আবুজেহেল অলমোকাভম, জারার, অলজবায়ের, আবুতালেব, আবুহুলা, হাম্জা ও আব্বাস । কেহ কেহ বলেন যে, উল্লিখিত দশটি পুত্র ভিন্ন তাঁহার আরও তিনটি পুত্র ছিলেন, তাঁহাদের নাম এই—আবদল কাবা, কা'স্ম, অলগায়দাক । তাঁহার কন্যাগণের নাম—সফিয়া, ফাতেমা, বয়জা, বরা, আসিমা ও আরওরা । কথিত আছে, আবদল মোত্তালেব পুত্র-কামনায় দেবতাদিগের নিকট মানসিক করিয়াছিলেন যে, তাঁহার পুত্র সন্তান জন্মগ্রহণ করিলে তিনি তাঁহাদের একটিকে বলিদান করিবেন । এই প্রকার অসভ্য প্রথা সেই সময় আরবদিগের মধ্যে প্রচলিত ছিল । তাঁহার পুত্রগণ জন্মগ্রহণ করিলে তিনি স্বীয় মানসিক আদায় করিবার জন্ত প্রিয়পুত্র আবুহুলাকে কাবা মন্দিরে লইয়া গিয়া বলি দিতে উদ্বৃত্ত হইলে তত্রত্য গণ্যকারদিগের উপদেশ অনুসারে আবুহুলাকে পরিবর্তে শত সংখ্যক উষ্ট্র বলিদান করেন । এই সময় হইতে নররক্তের মূল্য শত উষ্ট্র বলিগণ্য হইল ।

আবদল মোত্তালেবের পুত্রগুলির মধ্যে আবুহুলা পরম রূপবানু পুরুষ ছিলেন । রূপলাবণ্যবতী কুমারীগণ তাঁহার সৌন্দর্য্যে বিমোহিত হইয়া তাঁহার

পাণিপীড়ন : কামনা করেন । কিন্তু তাঁহাদের অভিলাষ পূর্ণ হয় নাই, আবদুল মোত্তালেব আবদুল্লাহ চতুর্বিংশ বৎসর বয়ঃক্রমকালে মক্কানগরবাসী কোরেশ-বংশীয় আব্দে মনাফের পুত্র ওহাবের পরম রূপবতী কন্যা আমেনা খাতুনের সহিত বিবাহ দিয়াছিলেন ।

বিবাহ রাত্রেই আমেনা খাতুনের গর্ভ-সঞ্চারণ হয় । ইহার কিয়দিন পরে আবদুল্লাহ সুরিয়ার বাণিজ্যার্থ গমন করেন ; তথা হইতে প্রত্যাগমন কালে ইয়াথেবে (মদিনার) আসিয়া এক আশ্রয়ের গৃহে পীড়িত হইয়া পঞ্চমুখ প্রাপ্ত হন । বনি নজ্জার দলস্থ লোকদিগের বাসস্থান দাবোন্নাকাবা নামক স্থানে তাঁহাকে সমাহিত করা হয় । সুতরাং আমেনা খাতুন এই সময়ে স্বামী-শোকে যে নিতান্ত অধীরা ও কাতরা হইয়াছিলেন, তাহা বলাই বাহুল্য । কিন্তু ভবিতব্যতা বলিয়া দিতেছিল, “আমেনা ! শোকাতুরা হইও না, খোদাতায়ালা তোমার শোক দূর করিবার সুন্দর উপায় উদ্ভাবন করিয়া রাখিয়াছেন । ভাগ্যবতি ! নয়ন উন্মোলন কর, ভবিষ্যৎ উজ্জ্বল আলোকচ্ছটার উদ্ভাসিত, সেই দিকে দৃষ্টিপাত কর, এখনই জানিতে পারিবে যে, তুমি এবং তোমার স্বামী উভয়ে অনন্ত কাল বাঁচিয়া থাকিলেও, এই অনন্ত কাল ধরিয়া স্বামীর স্নেহ-সমাহার-সোহাগ-সম্পদাদি উপভোগ করিলেও, তুমি আজ যে সুখে সুখিনী, আজ যে মানে মানিনী, আজ যে ধনে ধনিণী, সেরূপ কোন কালে হইতে পারিতে না । তুমি যে গর্ভ ধারণ করিয়াছ, সেই গর্ভের ফল-স্বরূপ যে পুত্র জন্ম গ্রহণ করিবেন, তিনি জগতে এক নব যুগের সৃষ্টি করিবেন এবং তাঁহার প্রভাবে, যে আরবজাতি অসভ্যতার ঘোর অন্ধকারে আচ্ছন্ন, তাহারা জগতের সুসভ্য জাতির মধ্যে পরিগণিত হইবে । যে আরব ধর্মহীন, সেই আরবে সনাতন অদ্বৈতবাদ ধর্ম আবির্ভূত হইয়া দিকৃদিগন্তে পরিব্যাপ্ত হইবে । যে আরবজাতি

নিতান্ত নগণ্য জাতি বলিয়া অভিহিত, সেই আরবজাতি জগতে মহাপরাক্রমশালী জাতি বলিয়া পরিচিত হইবে । যে আরবে সামান্য কারণে শতাব্দী ধরিয়া এক বংশের লোক অপর বংশের লোকের সহিত বংশান্তক্রমে যুদ্ধে লিপ্ত এবং ধনজন্যের সহিত ধ্বংসমুখে পতিত, সেই আরবে তোমার ঐ মহামনাঃ পুত্রের গুণে চিরশান্তি বিরাজিত হইবে; সকলেই একতার দৃঢ়ত্রে নিবদ্ধ হইবে । পুণ্যবতি ! তোমার ঐ পুণ্যাত্মা পুত্রের কল্যাণে সমগ্র আরবে ইসলামের বিজয় ছন্দুভি বাজিয়া উঠিবে । পারস্য, সিরিয়া ও মিসরের সর্বত্র ইসলামের অধিকৃত-শোভিত বিজয়-পতাকা সগর্বে উদ্ভাসিত হইবে । ইসলাম, জগতে আপন অধিকার প্রসারিত করিবে ; কল্যাণময়ি ! তোমার ঐ পুত্রের প্রচারিত ধর্মের প্রভাবে জগতের লোকে একেশ্বরবাদ ধর্ম কি এবং তাহার উদ্দেশ্য কি, তাহা বুঝিতে সক্ষম হইবে । যদি বাঁচিয়া থাক, তবে ঐ সকল প্রত্যক্ষ করিবে ; কাল প্রভাবে যদি প্রত্যক্ষ দেখিতে না পাও, তবে অনন্তধামের সুখময় প্রাসাদে অবস্থান করিয়া তাহা দিবা চক্ষে সন্দর্শন করিবে । আমি যাহা বলিতেছি, তাহার একবর্ণও মিথ্যা নহে ।” অতঃপর আমেনা খাতুন অন্তঃসত্ত্বাবস্থায় জাগ্রত ও স্বপ্নে হজরতের আবির্ভাবসূচক অনেক অলৌকিক ঘটনা সন্দর্শন করেন ; আবদুল নোভালেবও অনেক অদ্ভুত দৃশ্য দর্শন করেন । এই সময়ে যে হজরত মহম্মদ জন্ম-গ্রহণ করিবেন, তাহা ভবিষ্যদ্বাণীগণও গণনা দ্বারা স্থির করিয়াছিলেন ।

আবহুল্লার মৃত্যুর ছয় মাস পরে, ৫৭০ খৃঃ অব্দের ২৯শে আগষ্ট তারিখে, মহাত্মা ইস্মাইলের জন্মের ২৪৭৬ বৎসর পরে, পারস্যের সুবিখ্যাত সম্রাট নওশেরওয়ান রাজত্বের চত্বারিংশ বৎসরে “আসহাবে কৌল” ঘটনার ৫৫ দিন পরে অর্থাৎ আশ্বুল ফিলের প্রথম বৎসরে ও রবিয়ল আউয়ল মাসের দ্বাদশ দিবস সোমবার সূর্যোদয়ের কিছুক্ষণ পূর্বে হজরত

মহম্মদ মোস্তাফা সল্লাল্লাহু-আলাইহে অসাল্লাম ভূমিষ্ঠ হন (১)। সুখ সন্তোগ-বিরতা পতিবিরোগকাতরা আমেনা খাতুন পুত্রের কোমল ও কমনীয় মুখচন্দ্র দর্শন করিয়া অতিমাত্র প্রীতিলাভ করিলেন, পুত্রের প্রীতিতে তাঁহার স্বামী-শোক অপসারিত হইয়া গেল, তাঁহার সর্ব শরীর আনন্দে ক্ষীণ হইয়া উঠিল। কুমার ভূমিষ্ঠ হইলে তাঁহার সৌন্দর্য্যে গৃহ আলোকিত হইয়াছিল। সেই সময়ে আবদুল মোস্তালেব ও আমেনা খাতুন অনেক অলৌকিক বাপার সন্দর্শন করিয়াছিলেন। কথিত আছে যে, স্বর্গীয় দূতগণ (ফেরেস্টাগণ) অবনৌমণ্ডলে অবতীর্ণ হইয়া নব কুমারকে বন্দনা ও আমেনা খাতুনকে আশীর্বাদ করিয়াছিলেন। সেই রাত্রে জ্যোতিষবিদ ভবিষ্যদ্বক্তৃগণ গগনগুলাহু অচিরোদিত নক্ষত্র বিশেষ দর্শন করিয়া প্রধান ধর্মপ্রচারকের আবির্ভাব নির্ণয় করেন। শরতান (পাপ পুরুষ) প্রমাদ গণিয়া ভয়ে কম্পান্বিত হইয়াছিল। প্রসব-কালে আমেনা খাতুনের কিছুমাত্র প্রসব বেদনা অনুভূত হয় নাই; কুমার অবনৌমণ্ডলে অবতীর্ণ হইবামাত্রই দেখা গিয়াছিল যে, তাঁহার স্বকচ্ছেদ হইয়াছে ও স্বক্কেদে মোহর-নয়বৃত (প্রেরিত-স্ব-সূচক চিহ্ন) রহিয়াছে। তাঁহার জন্মরাত্রে সমুদয় পৃথিবী কম্পান্বিত হইয়াছিল,

১। হজরত মহম্মদের জন্ম বৎসর লইয়া ঐতিহাসিকগণের মধ্যে নানাক্রম মত-ভেদ দৃষ্ট হয়। কিন্তু অধিকাংশের মতে "আসহাবে ফীল" ঘটনার প্রথম বৎসরের ১২ই রবিয়ল আউয়ল তারিখে তিনি জন্ম গ্রহণ করেন। আবার ইহাও সর্ববাদিসম্মত যে, ৬২২ খ্রীঃ অব্দে তিনি মক্কা হইতে মদিনায় হেজরৎ (প্রস্থান) করেন। এখন দেখা যাইতেছে যে, তিনি ৪০ বৎসর বয়ঃক্রম কালে মক্কার প্রথম অহি (স্বর্গীয় আদেশ) প্রাপ্ত হন। এই অহি প্রাপ্তির ত্রয়োদশ বর্ষে তিনি হেজরৎ করেন। সুতরাং তখন তাঁহার বয়স হইয়াছিল ৫৩ বৎসর। এই ৫৩ চন্দ্র বৎসরকে সৌর বৎসরে পরিণত করিতে হইলে এক বৎসর বাদ দিতে হয়। অতএব ৫৩ বৎসর হইতে এক বৎসর বাদ দিলে ৫২ সৌর বৎসর হয়। এখন ৬২২ খ্রীঃ অব্দ হইতে ৫২ বৎসর বাদ দিলে ৫৭০ খ্রীঃ অব্দ হয়। অতএব এই ৫৭০ খ্রীঃ অব্দে "আসহাবে ফীল" ঘটনা সংঘটিত হইয়াছিল এবং এই বৎসরেই হজরত মহম্মদ ভূমিষ্ঠ হইয়াছিলেন।

বিশেষতঃ কাবা মস্জিদে কল্পিত হর ও তন্নখ্যস্থ হবল নামক প্রধান দেবমূর্তিটী ভূমিসাৎ হইয়া যায়, মহাবল পরাক্রান্ত পারশ্ব সম্রাটের প্রাসাদের অভ্যন্তর চতুর্দশটী চূড়া ভগ্ন হইয়া যায় এবং সম্রাট স্বপ্নে দেখিতে পান যে, আরবদেশে এক মহাপুরুষের আবির্ভাব হইয়াছে । পারশ্ব-দেশস্থ জরদন্তের বহু, অগ্নি উপাসকগণ কর্তৃক স্বর্ণাভীত কাল হইতে সদা প্রজ্জলিতাবস্থায় থাকিয়া সেই রাত্রে হঠাৎ নির্বাণ প্রাপ্ত হইয়া, তাহাদের পুরোহিতগণ তদর্শনে চিন্তান্বিত হইয়া পড়ে । সাল্লা হুদের অশুরাশি হঠাৎ শুষ্ক হইয়া যায়, আর ইউফ্রেটিস্ নদীর বারি, তাহার বেলাভূমি অতিক্রম করিয়া নিকটবর্তী স্থানসমূহকে প্রাবিত করিয়া ফেলে ।

তৎকালে নানাস্থানের ভবিষ্যদ্বক্তৃগণ মহাক্রমতালী ধর্মপ্রচারকের আবির্ভাব হইয়াছে বলিয়া ঘোষণা করিয়াছিলেন । ইহুদী ও খৃষ্টীয় ধর্মগ্রন্থে হজরতের আবির্ভাব হইবার যে যে লক্ষণ বর্ণিত আছে, আর হজরত মুসা, হজরত ইসা প্রভৃতি ধর্মপ্রচারকগণ হজরত মহম্মদের আবির্ভাব হইবার সম্বন্ধে যাহা যাহা বলিয়া গিয়াছেন, এক্ষণে তাহার সহিত হজরত মহম্মদের আবির্ভাবের সমুদয় মিলিত হইয়াছে দেখিয়া ইহুদী ও খৃষ্টীয় ধর্মযাজকগণ ভয়ে কল্পিত হইতে লাগিলেন * । হজরতের মাতুল একজন প্রধান দেবজ্ঞ ছিলেন, তিনি হজরতের সম্বন্ধে বলিয়াছিলেন, “এই বালক মানবগণের মধ্যে এক নূতন ধর্ম প্রচার করিবে ।”

আবদল মোত্তালেব মৃতপুত্রের নবকুমারকে দর্শন করিয়া অপার আনন্দ-মাগরে নিমজ্জিত হইলেন এবং কুমারের জন্মের তৃতীয় দিবসে তাঁহাকে

* তওরাত ও ইঞ্জিল গ্রন্থে হজরত মহম্মদের সম্বন্ধে যে সকল ভবিষ্যদ্বাণী লিখিত আছে, তাহা এই গ্রন্থের শেষভাগে বিশদরূপে লিখিত হইয়াছে ।

ফ্রেড়ে করিয়া কাবা মন্দিরে লইয়া যান ও তথায় কুমারের মঙ্গলের জন্য খোদাতারালার নিকট আশীর্বাদ প্রার্থনা করেন । তিনি কুমারের “মহম্মদ” নাম রাখিলে- আর আমেনা খাতুন ফেরেস্তার (স্বর্গীয় দূতের) আদেশানুসারে “আহমদ” নাম রাখিলেন । হজরতের জন্মের সপ্তম দিবসে আবদলমোত্তালেব কুমারের কলাগার্থ কোরবাণী করিয়া কোরেশ বংশোদ্ভব প্রধান প্রধান লোকদিগকে নিমন্ত্রণপূর্বক চতুর্বিধ ভক্ষ্য দ্বারা পরিতৃপ্ত করেন ।

হজরত মহম্মদ কয়েকদিন মাতৃতৃপ্ত পান করিয়া পরে তাঁহার খুল্লতাত আবু লাহবের দানা সোয়ায়বার স্তূত্র পান করেন । হজরত মহম্মদের খুল্লতাত হামজাত এই সোয়ায়বার স্তূত্র পান করিয়াছিলেন । তৎপরে ধাত্রী হালিমা বিবির নিকট লালন পালনার্থ অর্পিত হন । সেকালে মক্কার প্রধান প্রধান অধিবাসীদিগের বিশেষতঃ কোরেশবংশীয়দিগের মধ্যে এই রূপ প্রথা প্রচলিত ছিল যে, স্ব স্ব শিশু সন্তানদিগকে লালন পালনার্থ জন্মের অষ্টম দিবসে ধাত্রীর নিকট অর্পণ করিতে হইত । বাত্রীগণ শিশু-সন্তানদিগকে শ্রীর গৃহে লইয়া গিয়া উপযুক্ত রূপে প্রতিপালন করিয়া পরে তাহাদের জনক জননীর নিকট অর্পণ পূর্বক উপযুক্ত পুরস্কার গ্রাপ্ত হইত । ধাত্রীগণ প্রত্যেক বৎসর বনস্ত ও বর্ষা ঋতুতে মক্কানগরে আসিয়া ঐরূপাশালী অধিবাসীদিগের শিশু-সন্তান অন্বেষণ করিত । স্তত্রাং দ'রতের সন্তানেরা সচরাচর উপেক্ষিত হইত । আবতলা সামান্ত সম্পত্তি রাখিয়া ইহলোক ত্যাগ করিয়া যান, তদুপরি সেই বৎসর মক্কার কলবায়ু কুমার মহম্মদের পক্ষে অস্বাস্থ্যকর হওয়াতে আমেনা খাতুন অতিশয় চিন্তাকুল হইলেন । এই সময়ে সাদবংশীয় লোকদিগের বাসস্থানে ভয়ানক ছুর্ভিক্ষ উপস্থিত হওয়ার, তথা হইতে দলে দলে ধাত্রীগণ মক্কানগরে আসিতে থাকে ; হালিমা বিবিও একটা অনাহারজন্যজনিত গর্দভপুটে আরোহণ

করিয়া জীবমৃত অবস্থায় মক্কার আসিয়া উপনীত হন । অগ্ন্যাণ্ড ধাত্রীগণ পূর্বেই মক্কারে আসিয়া ধনী লোকগণের শিশুসন্তানের লালনপালন ভার গ্রহণ করিল । কিন্তু কেহই পিতৃহীন মহম্মদের লালনপালন ভার লইতে স্বীকৃত হইল না । সুতরাং হালিমা বিবি অগত্যা চত্বারিংশ দিবস বয়স্ক আবদুল্লাহনয়কে গ্রহণ করেন ।

হালিমা বিবি মক্কার আসিয়া স্বপ্নে অনেক অলৌকিক ঘটনা দর্শন করিয়া, শীঘ্র সৌভাগ্যবতী হইবেন, বলিয়া আশা করেন । তৎকালে হালিমা বিবি অচির-প্রসূতা, সুতরাং ধাত্রীকাৰ্য্যের বিশেষ উপযোগিনী ছিলেন । তজ্জন্য আবদুল মোত্তালেব হালিমা বিবিকে সঙ্গে লইয়া আমেনাখাতুনের গৃহে গিয়া পুত্রবধূকে বলিলেন, “মহম্মদকে লালনপালনার্থ সাদবঃনীয়া এই হালিমার নিকট অর্পণ কর ।” হালিমা বিবি বলিয়াছিলেন, “আমি আমেনার গৃহে প্রবেশ করিয়া দেখি, কুমার মহম্মদ নিদ্রা বাইতেছেন ; আমি তাঁহাকে সম্মুখে ক্রোড়ে লইলাম, তখন কুমার জাগরিত হইয়া আমার মুখপানে তাকাইয়া নখুর হাস্য হাসিলেন ; আমি তাঁহার মুখে আমার দক্ষিণ স্তন দিলাম, তিনি আগ্রহের সহিত পান করিতে লাগিলেন । তখন আমার পয়োধরে প্রচুর দুগ্ধের সঞ্চয় হইয়াছে দেখিয়া আমি আশ্চর্যান্বিত হইলাম । কিছুক্ষণ পরে তাঁহার মুখে বামস্তন দিলাম, কিন্তু তিনি তাহা গ্রহণ করিলেন না ।” কথিত আছে যে, হজরত কেবল হালিমা বিবির দক্ষিণ স্তনটী পান করিতেন, বামস্তনটী হালিমা বিবির পুত্র পান করিত । হালিমা বিবি কয়েকদিন মক্কার অবস্থিতি করিয়া কুমার মহম্মদকে লইয়া স্বকীয় আবাসস্থানে গমন করেন । হালিমা বিবির ক্রয় গর্দিতটী হজরতকে পৃষ্ঠে ধারণ করিয়া সতেজ ও দ্রুতগমনে আবাস স্থানে উপনীত হইয়াছিল । হালিমা বিবির স্বামীর নাম হারেস, ইনি আবদুল ওজার পুত্র । হালিমা বিবির সন্তানগণের নাম—আবদুল্লাহ, ওমৈসা ও হারামা । হজরত ধাত্রী মাতা ও তাঁহার সন্তান প্রভৃতিকে

অতিশয় সম্মান করিতেন । হালিমা বিবি ছয়মাস অন্তর এক একবার কুমারকে দেখাইবার জন্ত আমেনা খাতুনের নিকট আনিতেন । দুই বৎসর বয়ঃক্রম কালে হজরত মহম্মদ স্তন্যপান ত্যাগ করিলে, হালিমা বিবি তাঁহাকে আমেনা খাতুনের নিকট অর্পণ করিবার জন্ত মক্কার আগমন করেন । কিন্তু তিনি তাঁহাকে আমেনা খাতুনের হস্তে অর্পণ করিতে বিশেষ কষ্ট অনুভব করিতে লাগিলেন । এমন কি, তিনি মক্কার আসিবার সময় পথি মধ্যে খোদাতায়ালা নিকট এইরূপ প্রার্থনা করিয়াছিলেন, “হে আগার প্রতিপালক ! এই অমূল্য রত্নটিকে আরও কিছুদিন আমা ছাড়া করিও না ।” হালিমা বিবির এই প্রার্থনাটা এমনই প্রাণস্পর্শী ও ভক্তিবাক্যক হইয়াছিল যে, খোদাতায়ালা তাঁহার প্রার্থনা গ্রহণ করিয়াছিলেন । হালিমা বিবি মক্কা নগরে উপস্থিত হইয়াই প্রাণাধিক কুমারকে জননীর কোড়ে প্রত্যর্পণ করিলেন । আমেনা খাতুন কুমারকে সবল ও সুস্থকার দর্শন করিয়া মহা প্রীত হইলেন কিন্তু সেই সময়ে মক্কার জলবায়ু অস্বাস্থ্যকর হওয়াতে আমেনা খাতুন বাধা হইয়া হজরতকে হালিমা বিবির নিকট পুনঃ অর্পণ করেন, ইহাতে হালিমা বিবির আনন্দের সীমা রহিল না । তিনি কুমারকে কোড়ে লইয়া পুনঃ স্বগৃহে প্রস্থান করিলেন । এ দিকে আমেনা খাতুন অঞ্চলের নিধি এক মাত্র তনয় রত্নকে পরের হস্তে লালন পালন করিতে দিয়া এবং তাঁহাকে দেখিতে না পাইয়া একেবারে ব্যাকুলা হইয়া পড়িলেন । কিন্তু সমাজের রীতি ও পদ্ধতি তাঁহাকে পাষণ্ড অপেক্ষাও কঠিনতর করিয়া রাখিল । দেখিতে দেখিতে প্রতিপালনের নির্দ্ধারিত সময় উত্তীর্ণ হইয়া আসিল । মাতার পূজা পাইবার সময় নিকট হইয়া আসিল । মক্কার জল বায়ুরও শোধন হইল এবং সেই সঙ্গে হালিমা বিবিরও স্ব্থের দিন কুরাইল । কুমারের চারি বৎসর বয়ঃক্রম-

কালে হালিমা বিবি কাঁদিতে কাঁদিতে অতি কষ্টে কুমারকে লইয়া মেহমরী জননীর ক্রোড়ে অর্পণ করিলেন। মাতা হারাধন ফিরিয়া পাইয়া দিবারাত্রি পুত্রের কমনীর মূর্তি দেখিয়া ও মধুমাখা বাক্যাবলী শুনিয়া পূর্বের দুঃখ-রাশি ভুলিয়া গেলেন। মাতার সন্তান-স্নেহের সীমা নাই, মায়ের কোলে যে আরাম, যে শান্তি, তাহার নিকট জীবনের অন্য সকল প্রকার আরাম ও শান্তি অতি তুচ্ছ। পাঁচ দিনের শিশু বিছানায় পড়িয়া কাঁদিতেছে, অপর স্ত্রীলোক কোলে তুলিয়া লইল, শিশু কিছুতেই থামিল না; কিন্তু মা যেমনই কোলে উঠাইয়া লইলেন, অমনি শিশু নিরব। মায়ের পবিত্র শাস্তিময় কোল যেন, তাহার ক্রুধানল জুড়াইয়া দিল। মায়ের কোল এমনই ঠাণ্ডা, মায়ের কোল এমনই আরামের স্থান। এজ্ঞ কথিত আছে, “স্বর্গ মায়ের চরণ তলে?” অতএব বালক মহম্মদ হালিমা বিবির গৃহে যতই স্নেহ সমাদরে লালিত পালিত হইয়াই থাকুন না কেন, মায়ের স্নেহের নিকট সে স্নেহ অতি সামান্য বলিয়া তাঁহার বোধ হইল। মাতার স্নেহ ক্রোড়ে থাকিয়া সুখস্বচ্ছন্দতার সহিত তাঁহার বয়োবৃদ্ধি হইতে লাগিল।

কুমারের ভার প্রাপ্ত হালিমা বিবি অনেক অমানুষিক ঘটনা দর্শন করিয়াছিলেন, অনাবশ্যক বোধে তাহা লিখিত হইল না। কথিত আছে যে, খোদাতায়ালা হালিমা বিবির কার্যের উপযুক্ত পারিতোষিক দিয়াছিলেন। যতদিন পর্যন্ত কুমার তাঁহার গৃহে ছিলেন, ততদিন তাঁহার প্রত্যেক বিষয়েই উন্নতি লক্ষিত হইয়াছিল। তাঁহার পরঃনালা ও কূপ কদাচ শুষ্ক হইত না, পশুচারণ ক্ষেত্রগুলি সর্বদা তৃণলতা দ্বারা আবৃত থাকিত, মেঘ ও অন্যান্য পশুদল দশগুণ পরিমাণে বৃদ্ধি হইয়াছিল, শস্তক্ষেত্রসমূহ সুবর্ণোপম শস্যোৎপাদন করিত। তাঁহার গৃহ সর্ব সময়ে মহোৎসব বলিয়া বোধ হইত। ফলতঃ সাংসারিক কোন বিষয়ের অসঙ্গতি নিবন্ধন তাঁহাকে

কখন কোনরূপ ক্রেশ পাইতে হয় নাই। ছুভিক তৎপ্রদেশ হইতে একেবারে নির্বাসিত হইয়াছিল।

কথিত আছে যে, হজরত মহম্মদ তিন মাস বয়ঃক্রমকালে সোজা হইয়া দাঁড়াইতে ও সাত মাস বয়ঃক্রমকালে দৌড়াদৌড়ি করিয়া বেড়াইতে পারিতেন ; আট মাস বয়ঃক্রমকালে সকলে তাঁহার বাক্যাবলী বুঝিতে পারিতেন ও নয় মাস বয়ঃক্রমকালে বেশ পরিষ্কার সারগর্ভ বাক্য বলিতেন। তিনি সর্বদা বলিতেন, “লা এলাহা এল্লাহা আল্লাহ্ আক্বর আল্লাহ্ আক্বর আলহাম্দোলিল্লাহে রাব্বেল আলামিন।” ইহা শুনিয়া সকলে আশ্চর্যান্বিত হইতেন।

প্রসিদ্ধি আছে যে, একদা তিন বৎসর বয়ঃক্রম কালে হজরত মহম্মদ তাঁহার সহ স্তম্ভপায়ী ভ্রাতাগণের সহিত পশুচারণক্ষেত্রে ক্রীড়া করিতে ছেন, এমন সময়ে দুইটি ফেরেষ্টা (স্বর্গীয় দূত) তাঁহার নিকটে আসিয়া তাঁহাকে ভূমিতলে শয়ান করাইয়া তাঁহার বক্ষঃস্থল হইতে নাভিদেশ পর্য্যন্ত বিদৌর্ণ করিয়া অন্তর মধ্য হইতে কৃষ্ণবর্ণ কোন পদার্থ বাহির করিয়া দেন, তাহাতে তিনি কিছুমাত্র কষ্টানুভব করেন নাই। তাঁহার বক্ষঃস্থল হইতে কৃষ্ণবর্ণ পদার্থ বহিকরণ কালে স্বর্গীয় দূত বলেন, “হে মহম্মদ ! শয়তানের লিপি আপনার অন্তর হইতে বাহির করিলাম, শয়তান আর আপনার কিছুই করিতে পারিবে না।” অপর স্বর্গীয় দূত তাঁহাকে মানদণ্ডে ওজন করিয়া দেখিলেন যে, তিনি অন্তান্ত সহস্র লোক অপেক্ষা অধিক ভারি। কলতঃ যে মুহূর্তে তাঁহার বক্ষঃস্থল হইতে কৃষ্ণবর্ণ পদার্থ বিদৌর্ণিত হইল, তন্মুহূর্তেই তিনি আধ্যাত্মিক জ্ঞানে, পারমাধিক তত্ত্বে ও সত্য ধর্মপ্রচারকের অলৌকিক জ্যোতিঃতে (মূরে) বিভূষিত হইলেন। এই জ্যোতিঃ প্রথমে মানবগণের আদি পিতা হজরত আদমে শোভা পাইয়াছিল, পরে পুরুষপরম্পরায় হজরত এব্রাহিমে ও হজরত

ইস্রাইলে সঞ্চারিত হইয়া আসিয়া ক্রমে ক্রমে হজরত মহম্মদের বদন-মণ্ডলে দ্বিগুণতর উজ্জ্বল প্রভা ধারণ পূর্বক শোভা পায় । অনন্তর হজরতের বক্ষঃবিদারণের কথা প্রকাশ হইয়া পড়িলে, ইহুদী ও খৃষ্টীয় ধর্ম-প্রচারকগণ তাঁহাকে ভাবী ধর্ম-প্রচারক বলিয়া স্থির করিয়া তাঁহার প্রাণনাশের চেষ্টা করে ।

আমেনা খাতুন ও আবদল মোত্তালেবের মৃত্যু ।

বালকের সে সুখের দিন অধিক দিন স্থায়ী হইল না । আমেনা খাতুন হৃদয়ের ধন, নয়নের পুতুলী পুত্রকে লইয়া ইয়াথেব (মদিনা) নগরে আদিব সম্প্রদায়স্থ আত্মীয় স্বজনগণের সহিত সাক্ষাৎ করিতে গিয়াছিলেন । গুন্নেএরমন নামী একটী মহিলাও আমেনা খাতুনের সঙ্গে গমন করিয়াছিলেন । তথাকার ইহুদী ধর্ম-বাজকগণ কুমারকে দর্শন করিয়া ভবিষ্যৎপ্রচারক-বোধে তাঁহাকে হত্যা করিবার চেষ্টা করে । আমেনা খাতুন ইহা অবগত হইয়া এক মাস কাল তথায় অবস্থিতি করিয়া মক্কার প্রত্যাগমন করিতে বাধ্য হন । কিন্তু পরিতাপের বিষয় যে, তিনি পথিমধ্যে মক্কা ও মদিনার মধ্যস্থিত আবু আবওয়া (আবোয়া) নামক স্থানে, পুত্ররক্তটিকে সংসারসমুদ্রে ভাসাইয়া দিয়া অকালে পরলোক গমন করেন এবং তথায় তাঁহার মৃত দেহ সমাহিত হয় । বালকের বয়স তখন ছয় বৎসর মাত্র, দৈববিড়ম্বনার তেমন বয়সে মাতৃবিয়োগ হওয়া যে তাঁহার পক্ষে কিরূপ অশুভজনক এবং তাঁহার শোক, ক্ষোভ ও হঃখের যে কিরূপ অনিবার্য কারণ, তাহা বর্ণনার শেষ হইবার নহে । তাঁহার দেহ মন অবসর, নয়ন অশ্রুপূর্ণ এবং অগৎ তাঁহার নিকট অরণ্য বলিয়া বোধ হইতে লাগিল । মৃত্যুকালে আমেনা খাতুন প্রিয় পুত্র হজরত মহম্মদকে বলিয়া-ছিলেন, “হে পুত্র ! প্রত্যেক জীব মৃত্যুর অধীন, আমি বিধাতার নিকট

নিরমাতুলারে ইহলোক ত্যাগ করিলাম। যদিও আমি এ সংসার ত্যাগ করিলাম, তথাপি চিরস্বরগীর থাকিব, কেননা তোমার ছায় পুত্ররত্নকে রাখিয়া চলিলাম।” তৎপরে ওয়েএয়মন, কুমারকে সমভিব্যাহারে লইয়া মক্কার আসিয়া বৃদ্ধ আবদল মোত্তালেবের হস্তে অর্পণ করেন। বৃদ্ধ আবদুল মোত্তালেব অকালে পুত্রবধূর পরলোক গমনের সংবাদে পৌত্রের দুঃখে নিতান্ত দুঃখিত ও শোকাক্ত হইলেন এবং নিজেই এতিম (পিতৃমাতৃহীন) পৌত্রের লালন পালন করিতে লাগিলেন। এতিম পৌত্রের প্রতি তাঁহার স্নেহের মাত্রা এত দূর বাড়িয়া উঠিল যে, তিনি তাঁহাকে ক্ষণকাল না দেখিলেই অধীর হইয়া উঠেন। বালকের সম্বল তখন একমাত্র পিতামহ, বালক পিতামহের কথায় উঠেন, বসেন ও তাঁহার আদেশ মানিয়া চলেন।

কুমার মহম্মদ দুই বৎসর কাল পর্য্যন্ত পিতামহ আবদল মোত্তালেব কর্তৃক অতি সমাদরে ও যত্নের সহিত প্রতিপালিত হন। যখন হজরতের বয়ঃক্রম ৮ বৎসর, তখন আবদল মোত্তালেব বয়োধিক্যবশতঃ যত্ন নিকট জানিয়া পুত্রগণকে ডাকাইয়া বলিলেন, “তোমাদের মধ্যে কে মহম্মদের লালনপালন ও রক্ষণাবেক্ষণের ভার গ্রহণ করিতে প্রস্তুত আছ ?” পিতৃ-বাক্য শ্রবণে সকলেই কুমারের ভার গ্রহণের অভিলাষ জ্ঞাপন করিলেন। কিন্তু আবদল মোত্তালেব, আবু তালেবকে সন্মোদনপূর্ব্বক বলিলেন, “আবু-তালেব! তুমি ও আবদুল্লা এক মাতার গর্ভজাত, অতএব আবদুল্লা-তনয়ের ভার তোমারই গ্রহণ করা উচিত। ইহাকে অপত্যানির্বিশেষে প্রতিপালন ও বিপদাদি হইতে রক্ষা করিও, দেখিতে পাইবে যে, এই বালকই আমাদের বংশের নাম উজ্জ্বল করিবে।” নরশ্রেষ্ঠ বালকের ভাগ্যে পিতামহের এই ভালবাসা দীর্ঘকাল স্থায়ী হইল না। দুই বৎসর অতীত হইতে না হইতেই বৃদ্ধ পিতামহ তাঁহাকে সংসারকাৰ্য্যক্ষেত্রে

রাখিয়া অনন্ত ধামে চলিয়া গেলেন । বালক পিতামাতাকে হারাইয়াও পিতামহের আশ্রয়ে ছিলেন । এখন তাহাতেও বঞ্চিত হইলেন । মহাত্মা আবদুল মোস্তাফেবের মৃত্যুকালীন উপদেশানুসারে মহানুভব আবুতালেব ভ্রাতৃপুত্রের রক্ষণাবেক্ষণের ভার গ্রহণ করিলেন ।

মহাত্মা আবুতালেব কর্তৃক কুমারের লালন পালন ।

মহাত্মা আবুতালেব আবদুল্লাহর সহোদর ভ্রাতা ছিলেন । আবুতালেব স্নেহবশে ও পিতৃ উপদেশে ভ্রাতৃপুত্র হজরত মহম্মদকে আপন বাড়ীতে লইয়া তাঁহার প্রতিপালন ও রক্ষণাবেক্ষণ করিতে লাগিলেন । আবুতালেবেরও কয়েকটা সন্তান সন্ততি ছিল, তৎসঙ্গেও তিনি ভ্রাতৃপুত্রের প্রতি সমধিক স্নেহ প্রদর্শন করিতে লাগিলেন । তিনি আহারে, বিহারে ও শয়নে ভ্রাতৃপুত্রকে চক্ষুর অন্তরালে রাখিতেন না এবং অন্তের নিকট রাখিয়া নিশ্চিন্ত ও সুস্থ থাকিতে পারিতেন না । তাঁহার পরিবারস্থ সকলেও হজরত মহম্মদের প্রতি অতিশয় স্নেহ প্রদর্শন করিতেন । সেকালে বিদ্যাশিক্ষার প্রতি আরব জাতির বিশেষ লক্ষ্য ছিল না । গল্প করিয়া, আত্মগৌরব প্রকাশ করিয়া, বর্ণা দুরাইয়া এবং ঘোড়ার চড়িয়া আরবেরা সময় কাটাইত এবং ঐরূপ ভাবে সময় ক্ষেপ করাকে তাহারা জাতীয় গৌরব বলিয়া মনে করিত । সুতরাং আবুতালেব স্নেহে ভ্রাতৃপুত্রের প্রতিপালন করিলেও তাঁহাকে বিদ্যাশিক্ষা দিতে পারেন নাই ।

লেখাপড়া শিখিবার সুযোগ সুবিধা না ঘটিলেও বাল্যকাল হইতেই হজরত মহম্মদ উন্নতমনাঃ ও তীক্ষ্ণবুদ্ধি-সম্পন্ন ছিলেন । কখনও কোন মিথ্যা কথা বলা বা সত্য কথা গোপন করা, কিম্বা খেলা খুলান সময়

অতিবাহিত করা তাঁহার অভ্যাস ছিল না। তিনি ধুলতাতের আলয়ে আগমন অবধি নিজের বুদ্ধিবৃত্তির উৎকর্ষ সাধন জন্ত বিশেষ যত্নবান হইতেন এবং সর্বদা নির্জনে বসিয়া চিন্তা দ্বারা বুদ্ধিবৃত্তির পরিমার্জনা সাধনে নিরত থাকিতেন। একদা তাঁহার চিন্তা মগ্নাবস্থায় কতিপয় সমবয়স্ক বালক খেলা করিবার জন্ত তাঁহাকে ডাকিতে যায়। তিনি তাহাদিগকে বলেন, “মানুষ ভাল কাজ করিবার জন্ত জন্মগ্রহণ করিয়াছে, খেলা করিবার জন্ত নহে।” ঐরূপ অবস্থায় তিনি আবুতালেবের গৃহে অবস্থিতি করিতে লাগিলেন। কিন্তু বিদ্যা শিক্ষা ভাগো ঘটিয়া উঠে নাই। তাহাতে ক্ষতি কি? পরম দয়ালু খোদাতায়ালো নিজ কৃপার সৌরভগৎ গ্রন্থখানি তাঁহার সম্মুখে খুলিয়া দিয়া নিজেই তাঁহাকে সমস্ত বিদ্যা শিক্ষা দিয়াছিলেন। তাহাতে তাঁহার পবিত্র হৃদয়পটে সমস্তই অঙ্কিত হইয়া গিয়াছিল। মক্কা নগরস্থ বোয়ানা নামক দেবতার পূজার সময়ে সমুদয় কোরেশবংশীয় লোক সে উৎসবে যোগ দান করিত। হজরত আবুহোরায়রা বলেন যে, ওয়েএয়মন বলিয়াছেন, “একদা বোয়ানার পূজার সময়ে কোরেশবংশীয় অনেকে হজরত মহম্মদকে পূজা দেখাইবার জন্ত লইয়া যাইতে অনেক চেষ্টা করেন; কিন্তু তিনি কোনক্রমে তথায় যাইতে স্বীকৃত হন নাই। অবশেষে আবুতালেব অনেক চেষ্টা ও যত্ন করিয়া তাঁহাকে তথায় লইয়া যান। কিন্তু হজরত মহম্মদ পূজার স্থলে উপস্থিত হওয়ার ক্ষণকাল পরেই অকস্মাৎ অস্তিত্ব হন এবং কিছুক্ষণ পরে তথায় প্রত্যাবর্তন করেন। সকলে তাঁহার অনুপস্থিতির কারণ জিজ্ঞাসা করিলে, তিনি বলেন, “আমি প্রতিমার নিকট উপনীত হইলে একজন বেতবর্ণ পুরুষ আসিয়া আমাকে বলেন, ‘হে মহম্মদ! প্রতিমার নিকট যত্ন করিত করিও না কিংবা পূজায় যোগদান করিও না।’”

মহাত্মা আবুতালেবের সহিত হজরত মহম্মদের সুরিয়ায় গমন ।

আবুতালেব কাবার যাজকীয় কার্যপত্রে ও কোরেশবংশের মধ্যে একজন প্রসিদ্ধ বাণিজ্যকুশল ব্যক্তি ছিলেন । তিনি হজরত মহম্মদের দ্বাদশ বৎসর বয়ঃক্রমকালে বাণিজ্যব্যবসায়ী কোরেশ-বংশীয়দিগের সহিত সুরিয়ায় বাণিজ্যার্থ যাত্রা করিতে প্রস্তুত হইলেন । অনর্থক বাড়ীতে বসিয়া থাকা অপেক্ষা বিদেশে গমন করিয়া মন পরিবর্তন করা এবং নূতন নূতন দেশ দর্শন করিয়া নানা বিষয়ে জ্ঞান লাভ করার এই উপযুক্ত সুযোগ উপস্থিত দেখিয়া হজরত মহম্মদ আবুতালেবের সঙ্গে যাইবার জন্য তাঁহাকে অনুরোধ করিলেন । কিন্তু আবুতালেব প্রথমতঃ তাঁহাকে সেই দূরতর প্রদেশে সঙ্গে লইয়া যাইতে স্বীকৃত হন নাই, কেননা তখন তিনি মাত্র দ্বাদশ বৎসর বয়স্ক বালক, পথের নানা কষ্ট ও মরুভূমির প্রচণ্ড সূর্য্যাতপ তাঁহার সুকোমল দেহ সহ্য করিতে সক্ষম ছিল না ! কিন্তু যখন আবুতালেব উষ্ট্রোপরি আরোহণ পূর্বক সুরিয়ায় গমনে উদ্যত হন, তখন হজরত মহম্মদ তাঁহাকে সতর্কভাবে বলিলেন, “খুল্লতাত ! আমি পিতৃমাতৃহীন, আপনি আমাকে কাহার নিকট রাখিয়া যাইতেছেন ?” এই বলিয়া তিনি অবিরলধারায় অশ্রু-বিসর্জন করিতে লাগিলেন । তখন আবুতালেবের স্নেহপ্রবণহৃদয় স্নেহা-স্পন্দ ভ্রাতৃস্পৃহের ছুখে বিগলিত হইয়া গেল, অগত্যা তিনি তাঁহাকে সঙ্গে লইয়া গেলেন ।

পূর্বেই বলা হইয়াছে যে, আরবে কোন নদ নদী না থাকায় তথাকার অধিবাসীদিগের বাণিজ্য ব্যবসায়ের কোন রূপ সুবিধা ছিল না । কিন্তু তাঁহারা চেষ্টা করিলে দেশে বাণিজ্যের প্রসার-বৃদ্ধি করিতে পারিতেন । আরবের মধ্যে নদী না থাকিলেও উহার তিন দিকে সমুদ্র,

সুতরাং বর্তমান সময়ের ন্যায় সেকালে জলপথে বৈদেশিক পণ্য দ্রব্যাদি আমদানি করার কোন রূপ অসুবিধা ছিল না। বিশেষতঃ আরবেরা জলপথকে বিশেষ ভীতির চক্ষে দর্শন করিতেন। সমুদ্রের নাম শুনিলে তাঁহাদের হৃৎপিণ্ড ভয়ে সঙ্কোচিত হইয়া যাইত। যে বীর সেনাপতি ওমর-বেন-অল-আসের ভূজবলে মিশরে ইসলামের বিজয়বৈজয়ন্তী উদ্ভীন হইয়াছিল, সেই বীরকেশরীই সমুদ্র যাত্রার সম্ভ্রাসিত হইয়াছিলেন।

আরবদিগের বাণিজ্য যাত্রা কেবল জলপথেই সীমাবদ্ধ ছিল; এমন কি, তাঁহারা স্বদেশের গণ্ডির বাহিরে যাইতেন না। তবে কোন কোন সাহসী বণিকদল সময়ে সময়ে আরবের বাহিরে ফলেস্তিন ও সুরিয়া প্রভৃতি স্থানে বাতায়ত করিতেন। আরব দেশের মধ্যে চারিটা প্রধান মেলা ছিল, যথা—ওকাজ, জুলমাজাত, মোজান্না ও হাবাসা। এই মেলাসমূহে তাঁহারা ক্রয় বিক্রয় করিয়া প্রচুর লাভবান হইতেন। এতদ্ব্যতীত তাঁহারা আদন (এডেন) হইতে চামড়া, তারেক ও নখলা হইতে ঋগু দ্রব্যাদি এবং তাহামা ও নেজ্দু হইতে সুগন্ধি দ্রব্যাদি লইয়া বিক্রয়ার্থ সুরিয়ার বাইতেন এবং তথা হইতে ইউরোপের নানা প্রদেশাগত রেশমী বস্ত্র, মূল্যবান ধাতুপাত্র ও কারুকার্যখচিত দ্রব্যাদি লইয়া স্বদেশে আসিতেন। তৎকালে মক্কা নগর আরববাসীদিগের নিকট বাণিজ্যকার্য ও ধর্মকার্যের কেন্দ্রস্থল রূপে পরিগণিত ছিল।

কৃতান্তের সহোদরসমূহ অনন্ত বালুকারণি আরববাসীদিগের সমুদ্রে—যাত্রাতে সময়ে সময়ে ঘূর্ণিবারু সমুখিত হইলে মল্লভ্রমণ সংঘটন হয় এবং সেই উদ্ভোরমান উরুগু বালুকারণি সমুখিত হইলে তাহাকে আত্মদিত করিয়া জীবিতাবস্তার সমাধিস্থ করিয়া কেলে। আরববাসীগণের প্রিয় উদ্ভ্রনই এই মল্লভ্রমণসমূহ ভীষণ বালুকা-সমুদ্রে তাঁহাদের

সামগ্রীবাণী নিরাপদ অর্ণবপোত এবং তাঁহাদের বাহন । উষ্ট্রপৃষ্ঠে আরোহণ করিয়া তাঁহারা বাণিজ্যাদি করিতেন এবং এই প্রাণীর সাহায্যেই তাঁহাদের সমুদয় কাণ্ড্য নির্বাহ হইত । কোরেশগণও ঐরূপ ভাবে ব্যবসায় বাণিজ্যাদি করিয়া জীবনান্ধিত বাহিত করিতেন ।

পথর সূর্য্যকিরণে মরুময় আরবদেশ উদ্ভপ্ত । দিবাভাগে যাত্রি-
গণের পথচলা নিতান্ত কষ্টকর, এ জন্ত ঐ দেশে রাত্রেই পথ চলিবার
নিয়ম । মধ্যায়্য আবুতালেবের ঐ বণিকদল (কাফেলা) রাত্রে যাত্রা
করিল । জ্যোৎস্নাময়ী রজনী, নীল আকাশের মাঝে জ্যোৎস্নার সোণালী
চাদর, তাহার উপর হীরকের বুটায় মত অসংখ্য নক্ষত্র কুটিয়া উঠিয়াছে ।
দিগন্ত বিস্তৃত মরুময় ময়দান, তাহাতে কোন বৃক্ষলতা বা বোপ জঙ্গল
নাই—একেবারে খোলা ময়দান, যতদূর দৃষ্টি চলিতেছে—ততদূরই পরিষ্কার
ময়দান । সে ময়দান কোন্ খানে শেষ হইয়াছে—কে জানে । সেই ময়-
দানে স্থলবণিকগণের পণ্য দ্রব্যাদি বহিয়া উটের সারি চলিয়াছে—যেন
ছোট খোট সাহাড়েয় চিবিগুলি সারি দিয়া চলিয়াছে । জ্যোৎস্নালিখিত
পরিষ্কার ময়দানে, তাহাদের কক্ষবর্ণ ছায়া বড় সুন্দর দেখাইতেছে ।
রজনীর মুহমন্দ বাতাস, মুক্তপ্রান্তরের সেই বিমল আনন্দ সহ মিশিয়া
অবিরত চলিয়া চলিয়া গারে পড়িয়া প্রাণে যেন কত আরাম, কত স্ফুর্তি
ঢালিয়া দিতেছে । সেই আরাম ও স্ফুর্তির সঙ্গে কাফেলা—লাভের চিন্তা
করিতে করিতে ঘাইতেছে । কিন্তু সেই ত্রয়োদশ বর্ষীয় বালকের চিন্তা
অন্ত রূপ । “ঐ যে আকাশ, উহাকে কে সোণালী চাদর পরাইয়াছে ?
ঐ হীরকের বুটা, কোন্ শিল্পশ্রেষ্ঠের শিল্প নিদর্শন ? এই যে সুবিস্তৃত
প্রান্তর, ইহা কোন্ বিশ্বনির্ঘাতার মহিমার কণা ?” ইত্যাদি রূপ চিন্তা
ঐ বালকের মনে জাগিয়া উঠিতেছে । অধিকন্তু পথিমধ্যে গানে গানে
আরব জাতির পতন ও অবনতির স্মৃতিচিহ্ন দেখিয়াও আরব জাতি

নিজ দোবে ধ্বংসযুগে পতিত হওয়ার বিষয় সজীদিগের নিকট অবগত হইয়া বালক আরও ব্যথিত হইলেন ।

ঐক্রমে স্থলবণিকদল সিরিয়ার পথবর্তী ইয়ারদান (জর্ডন) নদীর পরপারে বসরা নগরে গিয়া উপনীত হইলেন এবং “আকবা জবল” বা “ককা” নামক উত্তরণ স্থানে “মোকাম” করিলেন । ঐ উত্তরণ স্থানের নিকটে একজন সন্তাসীর আশ্রম ছিল । “জরজিস্” ওরফে “বহিরা” নামক জনৈক ভবিষ্যৎজ্ঞানী খৃষ্টান পণ্ডিত সংসারের মায়া মমতা ত্যাগ করিয়া ঐ আশ্রমে আশ্রয় লইয়াছিলেন । তিনি শাস্ত্রপাঠে অবগত ছিলেন যে, বর্তমান যুগে একজন মহাফনতাশালী ধর্ম-প্রচারক জন্মগ্রহণ করিবেন এবং তাঁহার বিশেষ বিশেষ লক্ষণ সমূহও তিনি জ্ঞাত ছিলেন । প্রসিদ্ধি আছে যে, বণিকদল কফায় আসিয়া প্রচণ্ড-সূর্য্যকিরণে দগ্ধীভূত হইয়া বিশ্রামার্থ একটা বৃক্ষছায়ার অবতরণ করেন । বহিরা স্বীয় বাসস্থান হইতে অবলোকন করেন যে, একধণ্ড মেঘ বণিকদলের সঙ্গে সঙ্গে ছায়া দান করিয়া আসিতেছে, আর যেখানে বণিকদল বিশ্রামার্থ অবতরণ করিলেন, সেইখানে ঐ মেঘধণ্ড একটা বালকের মস্তকোপরি স্থিরভাবে অবস্থান করিল । তিনি ইহাও দেখিলেন যে, যখন বালক একটা গুহ বৃক্ষের অন্তর ছায়ায় গিয়া উপবেশন করেন, তখন হঠাৎ বৃক্ষটী নবপুষ্পফলে সুশোভিত হইয়া, প্রচুর ছায়া প্রদানপূর্বক তাঁহাকে প্রচণ্ড ময়ূখমালা হইতে রক্ষা করিল এবং বালকটী তথা হইতে চলিয়া গেলে, বৃক্ষটী পুনরায় পূর্বাবস্থা প্রাপ্ত হইল । আবার তিনি দেখিলেন যে, পর্বতশ্রেণী ও বৃক্ষলতাদি বেন বালকটীর উদ্দেশে অগ্নিপাতার্ধ মস্তক নত করিতেছে । এই সমুদয় অস্বাভাবিক ঘটনা সন্দর্ভন করিয়া তিনি স্থির করেন যে, এই বণিকদলের মধ্যে অবশ্যই শাস্ত্রোন্নিখিত ধর্ম-প্রচারক আছেন ; কেননা তাহা না

হইলে কখনই এই সকল অমানুষিক ঘটনা সংঘটন হইতে পারে না । অনন্তর তিনি স্বীয় আবাসগৃহ হইতে বহির্গত হইয়া বণিকদলের নিকটে যাইয়া হজরত মহম্মদের অঙ্গ প্রত্যঙ্গাদি পুঙ্খানুপুঙ্খরূপে দর্শনপূর্বক তাঁহাকে শাস্ত্রোল্লিখিত শেষ ধর্ম-প্রচারক বলিয়া জানিতে পারেন । এমন কি, এই সময়ে তিনি হজরতের স্কন্ধদেশে “মোহরনবুয়ত” দেখিতে পান । অবশেষে তাঁহার কোতূহল জন্মিল যে, বালকটির ধর্ম বিষয়ে মতামত অবগত হওয়া একান্ত আবশ্যিক । তজ্জন্ম তিনি আবু-তালেব প্রভৃতিকে তদীয় গৃহে ভোজনার্থ নিমন্ত্রণ করেন । উপযুক্ত সময়ে বণিকদল বহিরার আশ্রমে ভোজনার্থ উপনীত হন, কিন্তু তাঁহারা হজরত মহম্মদকে পণ্যদ্রব্যাদির প্রহরী স্বরূপ রাখিয়া আসিয়াছিলেন । বহিরা দেখিতে পান যে, আবুতালেব প্রভৃতির সমভিব্যাহারে মেঘ খণ্ড আসে নাই ; তখন তিনি তাঁহাদিগকে জিজ্ঞাসা করেন, “আপনাদের মধ্যে কি কেহ আসিতে বাকী আছেন ?” একজন বলিলেন, “মহম্মদ আসে নাই, তাহাকে আমাদের পণ্যদ্রব্যাদির প্রহরী স্বরূপ রাখিয়া আসিয়াছি ।” বহিরা বলিলেন, “তাঁহাকে এখানে আনিতে হইবে ।” হারেস বলিলেন, “তবে আমি যাইয়া তাহাকে আনিতেছি, তাহাকে না আনা আমাদের অন্তায় হইয়াছে, কেননা আমরা এখানে আহার করিব, আর সে ইহাতে বঞ্চিত হইবে ।” অনন্তর হজরত মহম্মদ তথায় আনীত হইলে বহিরা দেখিতে পান যে, হজরতের সমভিব্যাহারে মেঘখণ্ডও আসিয়াছে । তখন বহিরা তাঁহার প্রতি অশেষ সম্মান ও সমাদর প্রদর্শন করেন এবং নানা বিষয়ে কথোপকথন করিয়া বিশেষ তৃপ্তি লাভ করেন । শেষে তিনি হজরত মহম্মদকে মক্কানগরস্থ দেবদেবীর বিষয় জিজ্ঞাসা করিলে, তিনি তাহাতে বিরক্তিতাব প্রদর্শন করেন । কিন্তু যখন তিনি অধিতীর আলাহুতায়ালায় নামোচ্চারণ করিতেন,

তখন হজরত মহম্মদ পরম সন্তুষ্ট হইতেন । অতঃপর বহিরা আবুতালেবকে বলেন, “তোমার ভ্রাতৃপুত্র একজন ধর্মপ্রচারক হইবেন, ইনি পুরাতন ধর্মের বিলোপ করিয়া জগতে এক নূতন ধর্ম প্রচলিত করিবেন । ইহাঁর অনেক শত্রু আছে ; সাবধানে রক্ষা করিও, যেন ইনি ইহুদীগণের হস্তে পতিত না হন । আমি ভবিষ্যৎ চক্ষে দেখিতে পাইতেছি যে, ইনি ইহুদীগণ কর্তৃক নানা কষ্টে ও বিপদে পতিত হইবেন ।” ইচ্ছাতে আবুতালেব বিশেষ আনন্দ লাভ করিয়া সন্তাসীর নিকট হইতে বিদায় হইলেন । বসরা হইতে ঐ বণিকদল সিরিয়ায় গিয়া আপনাদের পণ্যদ্রব্যাদি বিক্রয় করিয়া আশার অতিরিক্ত লাভবান হইয়া গৃহে ফিরিলেন । মহাত্মা আবুতালেবও ভ্রাতৃপুত্রকে লইয়া আনন্দে মগ্ন হইয়া আসিলেন এবং বালকের প্রতি পূর্বাশঙ্কা অধিকতর স্নেহদৃষ্টি রাখিতে এবং সর্বতোভাবে তাঁহার রক্ষণাবেক্ষণ করিতে লাগিলেন । (১)

কথিত আছে যে, হজরত মহম্মদ পাঁচ বৎসর বয়ঃক্রমকালে অর্থাৎ হালিমার গৃহ হইতে মক্কার প্রত্যাগমনের একমাস পরে একদিন হঠাৎ অদৃশ্য হন ; আবদল মোস্তালেব প্রকৃতি তাঁহাকে না পাইয়া অস্থির হন, কিন্তু কণকাল মধ্যে তাঁহাকে পাইয়া জানিতে পারেন যে, এবারও পূর্ববৎ স্বর্গীয় দূতদ্বয় তাঁহার বক্ষোবিদারণ করিয়াছেন । দশম বৎসর বয়ঃক্রমকালে আর একবার বক্ষোবিদারণ হয় । এই বৎসরে জগৎবিখ্যাত দাতা হাতেম তাই পরলোকগমন করেন ।

(১) হজরত মহম্মদের বিস্তৃত জীবন চরিত প্রণেতা সার উইলিয়ম মুহর সাহেব হজরত মহম্মদের ষাটম বৎসর বয়ঃক্রমকালে হারিয়া ভ্রমণ বৃত্তান্ত বর্ণনা করিতে গিয়া লিখিয়াছেন যে, সম্বুদ্ধিশালী নগরবাসীর ধর্মোবশেষ এবং সেই সকল স্থানের খাচীর অকুতকাহিনী, বৃষ্টান জাতির সামাজিক আচার, ব্যবহার, শির্কা, ক্রম, বিবৃষ্ট ও ঘোঁরীর প্রতিমূর্তি, গির্জার কটাকাহিনী প্রভৃতি বালক (হজরত) মহম্মদের জন্মসময়ে হৃদয়ঙ্গমে অঙ্কিত হইয়াছিল এবং তিনি বৃষ্ট ধর্মের গোচরীয় অবস্থা বর্ণন করিয়া

হজরত মহম্মদের বাল্যকালে আরবের ধর্ম

ও সমাজনীতি ।

যে সময়ের ঘটনার উল্লেখ করা যাইতেছে, সে সময়ে আরবের ধর্ম, আচার ব্যবহার ও রীতিনীতি নিতান্ত ঘৃণ্য ও গুরুভঙ্গনক হইয়া পড়িয়াছিল। আরবেরা সর্বপ্রথমে একমাত্র খোদাতালাকেই সর্বজীবের সৃষ্টিকর্তা বলিয়া বিশ্বাস করিত, কিন্তু ক্রমে ক্রমে তাহাদের সে বিশ্বাস তিরোহিত হইয়া তাহারা ঘোর পৌত্তলিক হইয়া উঠিয়াছিল, ইহা পূর্বেই বর্ণিত হইয়াছে। তাহারা খোদাতালার অন্তত্ব স্বীকার করিত না এবং আপনাদের প্রতিষ্ঠিত দেবতাগণকেই খোদাতালা বলিয়া পূজা ও সম্মান করিত। তাহাদের প্রত্যেক সম্প্রদায়ের এক একটা পৃথক পৃথক কুলদেবতার প্রতীক ও প্রতিষ্ঠিত ছিল, তৎসঙ্গে চন্দ্র, সূর্য্য ও নক্ষত্র পূজারও প্রবল পরাক্রম পরিলক্ষিত হইত। আবার কোন কোন

অন্তরে দাক্ষণ বাখা পাইয়াছিলেন। তাই তিনি পরিণত বয়সে ঐ সকলের বিরুদ্ধে ঘোর আন্দোলন উপস্থিত করেন এবং ত্রিহাদাদের পরিবর্তে এক মাত্র সত্যরূপ খোদাতালার উপাসনা পদ্ধতি প্রচার করিতে থাকেন।

আমরা ঐ সকল বিষয় সত্য বলিয়া স্বীকার করিলেও আমাদের অন্তরে স্বভাবতঃ এই ভাবের উদয় হয় যে, যিনি জীবনের প্রথম ৪ বৎসর কাল মক্কামির অন্ডা বৃক্কদের মধ্যে পালিত পালিত হইয়াছিলেন, তৎপরে ৮ বৎসর পর্য্যন্ত ঘোর কুসংস্কারের পৌত্তলিকনিগের মধ্যে বাণ্যজীবন অতিবাহিত করেন। তাহার পর ছাদশ বৎসর বয়সে তাহার স্বপ্নচক্ষু একদম প্রফুল্লিত হইল যে, কালপ্রোতে ধ্বংসপ্রাপ্ত প্রাসাদাবলীর উগ্রাবশেষ, গির্জা, প্রতিমূর্তি ও অন্যান্য খৃষ্ট চিহ্নাদি নানা দর্শন করেন, তাহাতেই খোদাতালার অস্তিত্ব ও মানবাত্মার অবিদ্বন্দ্ব বুদ্ধিকে পরিচয় হইল। এই সকল আলোচনা করিয়া আমাদের বৃক্ক বিশ্বাস হয় যে, একদম বালক পয়গম্বর (প্রেরিত মহাপুরুষ) রূপে জন্মগ্রহণ করিয়াছিলেন এবং স্বয়ং প্রকৃতিই তাহার শিক্ষয়িত্রী ছিল। বাহার সহজে স্বয়ং হজরত ইসা তবিয়াহাদী করিয়া গিয়াছেন। তিনি বলিয়াছিলেন, “তথাপি আমি সত্য কহিতেছি, আমার গমনে তোমাদের উপকার হয়, যেহেতু আমি না গেলে পাণ্ডিত্যকর্তা তোমাদের নিকটে আসিবেন না; কিন্তু যদি যাই, তবে তোমাদের নিকটে পাঠাইয়া দিব।” (যোহন, ১৩ অধ্যায়, ৭ শ্লোক)।

সম্প্রদায় ফেরেশ্তাদিগকে (স্বর্গীয় দূতদিগকে) খোদাতালায় কণ্ঠা বলিয়া আখ্যাত করিত । পরদারগমন, শিশু কণ্ঠা হনন, অনর্থক যুদ্ধে অসংখ্য লোকের নিপাত সাধন প্রভৃতি পাপশ্রোত আরবদিগের মধ্যে প্রবলবেগে প্রবাহিত ছিল । পুরুষের পক্ষে পরস্ত্রীগমন এবং স্ত্রীলোকের পক্ষে পরপুরুষকে প্রণয়পাশে আবদ্ধকরণ, সামাজিক নিয়মে দোষের কারণ না হইয়া বরং গৌরবের বিষয় ছিল । সম্ভ্রান্ত বংশীয় ভক্তলোকেরাও প্রকাশ্যভাবে বারবনিতাদের প্রসাদ গ্রহণ করিয়া চরিতার্থ হইত । জ্যেষ্ঠ পুত্র বিমাতাকে প্রকাশ্যভাবে পত্নী করিয়া লইত । সামান্য সামান্য কারণ লইয়া পরস্পরের মধ্যে এরূপ ভাবে বিবাদানল জ্বলিয়া উঠিত যে, শতাব্দী ধরিয়া বংশাবলীক্রমে তাহার প্রবল ভাব উত্তরোত্তর বর্ধিত হইয়া যাইত এবং তদ্বারা অসংখ্য লোকের জীবন আহতি হইত । “আমি বড় কি তুমি বড়” এই সামান্য কথাতেও যুদ্ধ বাধিত । কোথাও মরদানে একটা কূপ আছে, দুই দল রাখাল পখাদি লইয়া ঐ কূপে জল পান করাইতে গেল, তাহাদের মধ্যে যে কেহ অগ্রে জল পান করাইল, তাহার উপর অপর পক্ষ চটিয়া গেল এবং তৎসূত্রে ভয়ঙ্কর মনরতন্দুতি বাজিয়া উঠিল, সে যুদ্ধ পুরুষানুক্রমে চলিল । আরব ইতিহাসে এপ্রকার যুদ্ধের অনেক চিত্র অঙ্কিত হইয়াছে । তৎসমুদয়ের মধ্যে “বাজার ওকাজের” চারিটা যুদ্ধ বিশেষরূপ উল্লেখ যোগ্য ।

তায়্যেফ ও নখলার মধ্যে “ফেতেকের মরদান” নামক যুদ্ধ প্রান্তরে জিকাদা মাসের প্রথম হইতে ২০শে তারিখ পর্য্যন্ত একটা মেলা বসিত । ঐ মেলাই “বাজার ওকাজ” নামে অভিহিত এবং উহা আরব দেশের মধ্যে সর্বপ্রধান মেলা বলিয়া প্রসিদ্ধ ছিল । ঐ মেলার আরবদেশের প্রায় সকলেই যাইতেন । উহা ব্যবসা বাণিজ্য ও কবিতা এবং আমোদ প্রমোদের লীলা-নিকেতন ছিল । অনেক ব্যবসায়ী ঐ স্থানে ঐ ২০ দিন

বাবত ক্রয় বিক্রয় করিয়া বিস্তর লাভবান হইত । কবিগণ কবিতা আনুষ্ঠান করিয়া ঐখানেই তাঁহাদের পসার জমাইয়া লইতেন । এই বাজারে বাহার কবিতা শ্রেষ্ঠ বলিয়া মনোনীত হইত, সমগ্র আরবে তাঁহারই কবিতার জয় ঢাকা বাজিরা উঠিত, এখানে বাহার কবিতা গৃহীত হইত না, তিনি কবি সমাজে মাথা তুলিতে পারিতেন না । কবিদের করুণ রসায়ক কবিতা শ্রবণ করিয়া জনমণ্ডলী ভক্তিভরে চক্ষের জল ফেলিত, আবার কোন কোন কবির কবিতায় আদিরসের ছড়াছড়িতে যুবকদল মাতিয়া উঠিত । কোন স্থানে দলে দলে মিসর ও পারস্ত সুন্দরীগণ কোকিলকণ্ঠে সুমধুর সুরে গান করিতে করিতে আরব যুবকদিগের তানুর নিকটে নাচিয়া নাচিয়া তাহাদের বথাসর্বস্ব প্রকাশ্যভাবে লুণ্ঠিয়া লইত, বুকেরা তাহাদের পদপ্রসাদ গ্রহণ করিয়া চরিতার্থ হইত । কিন্তু আরবেরা এমনই কলহপ্রিয় ছিল যে, এই আমোদ প্রমোদের বাজারেও শোণিত স্রোত প্রবাহিত করিত । হজরত মহম্মদের বাল্যকালে “ফেজার” নামে অভিহিত চারিটী ভয়ানক যুদ্ধ এই মেলাতেই সংঘটিত হয় । এই যুদ্ধ চারিটীতে “কোরেশ” ও “বনি কেনানা” এক দিকে আর “বনি হাওয়াজেন” অপর দিকে ছিল । প্রথম যুদ্ধের কারণ এই যে, বদর-বেন-মায়সর-গফ্ফারী নামক একজন আরব বীর এই বাজারে আপন আত্মীয় স্বজনগণকে আহ্বান করিয়া একটা সভা করে এবং সেই সভায় সে গর্বিত ভাষায় নিজের বংশধরার গুণকর্তন করিতে করিতে উত্তেজিত হইয়া উঠিয়া “আমিই আরবের মধ্যে সর্বশ্রেষ্ঠ” বলিয়া নিজের একখানি পা বাড়াইয়া দিয়া বলিল, “আমার শ্রেষ্ঠত্ব সম্বন্ধে কাহারও সন্দেহ থাকিলে, সে যেন আমার সম্মুখে আসিয়া আমার এই প্রসারিত পদে তরবারি প্রহার করে ।” বদরের এইরূপ অহম্মততা, আত্মশ্রুতি ও আত্মগৌরব শ্রবণ করিয়া অল্প বংশীর একটা বুকের শোণিত উষ্ণ হইয়া উঠিল এবং সে

তৎক্ষণাৎ তরবারি হস্তে উপস্থিত হইয়া বদরের জাহুদেগে আঘাত করিল, তাহাতে তাহার পা বিখণ্ডিত হইয়া গেল। অমনি বদরের আশ্রয় স্বজনগণ তরবারি প্রহারে আঘাতকারীকে বণ্ড খণ্ড করিয়া ফেলিল। ইহা দেখিয়া হত ব্যক্তির আশ্রয় স্বজনগণ গফ্ফারীদিগকে আক্রমণ করিল। এই ঘটনা লইয়া উভয় দলে ভীষণ যুদ্ধ হইয়া অসংখ্য লোক কালের করালগ্রাসে পতিত হয়।

দ্বিতীয় যুদ্ধ—এই যুদ্ধ নিতান্ত সামান্ত কারণে সংঘটিত হয়। এই মেলায় বনি আমের সম্প্রদায়ের একটা স্ত্রীলোককে এক জন কোরেশ যুবক বাস্ত বিক্রয় করে। তাহাতে স্ত্রীলোকটি ক্রোধান্বিতা হইয়া স্বসম্প্রদায়স্থ জনমণ্ডলীর নিকট অভিযোগ করে। তাহার অভিযোগ শ্রবণ নাট্রেই বনি আমের সম্প্রদায়স্থ লোকগণ অস্ত্রশস্ত্রে সুসজ্জিত হইয়া তথায় উপস্থিত হয়, ইহা দেখিয়া সেই কোরেশ যুবক স্বসম্প্রদায়স্থ লোকদিগকে আহ্বান করে। তখন উভয় দল পরস্পর সম্মুখীন হইয়া তুমুল যুদ্ধে প্রবৃত্ত হয়। ইংগতে বহু লোক অসংখ্যে ধ্বংসমুখে পতিত হইল।

তৃতীয় যুদ্ধ—হজরত মহম্মদের দশম বৎসর বয়ঃক্রমকালে “ফেজার আউয়ল” অর্থাৎ প্রথম চক্রস্মরণীল লোকগণ যুদ্ধক্ষেত্রে অদর্শ হইয়াছিল। —আরবদেশে একটা রাত্রি ছিল যে, ব্রতমাসে (হজরত পালনের নিদিষ্ট মাসে) কেহ রক্তপাত ও লুণ্ঠনাদি করিতে পারিত না। ঐ সকল দলস্থ লোকগণ ব্রতমাসে রক্তপাত করাতে চক্রস্মরণীল বলিয়া বর্ণিত হইয়াছে। — এই যুদ্ধের স্থল বিবরণ এই যে, বনি কেনানা সম্প্রদায়ের এক ব্যক্তি বনি আমের সম্প্রদায়ের এক ব্যক্তির নিকট কিছু অর্থ কর্ত্ত লইয়াছিল। সে ঐ ঋণ পরিশোধ করিতে পারে নাই বা ইচ্ছা পূর্বক পরিশোধ করে নাই। এই মেলায় ঐ উত্তমর্ণের সহিত অধমর্ণের সাক্ষাৎ হয়, তখন উত্তমর্ণ অধমর্ণকে ঋণ পরিশোধ করিতে বলার সঙ্গে সঙ্গে ছই

চারিটা কটু কথাও বলে ও গালাগালি দেয়। ইহার ফলে শেষে উভয় সম্প্রদায় অস্ত্রশস্ত্রে সুসজ্জিত হইয়া ওকাজ মেলা নরপত্রে রঞ্জিত করিতে থাকে। এই সময়ে কোরেশ দলপতি আবুহুলা-বেন-জদয়ান উভয় সম্প্রদায়ের মধ্যে উপস্থিত হইয়া ঐ অধমর্ণের জামিন হওয়ার বুদ্ধের ববনিকা পতন হয়।

চতুর্থ যুদ্ধ—হজরত মহম্মদের চতুর্দশ বৎসর বয়ঃক্রমকালে এই ভয়ানক যুদ্ধ সংঘটিত হয়। যে সকল লোক এই যুদ্ধের প্রবর্তক ছিল, তাহারা “ফেজার সানি” অর্থাৎ দ্বিতীয় দুফর্মশীল নামে অভিহিত। বনি কেনানা সম্প্রদায়ের বরাজ-বেন-কায়েস নামক এক ব্যক্তি কোন গুরুতর অপরাধে আশীর স্বজন কর্তৃক বিতাড়িত হইয়া শাহানী বংশীয় হীরারাজ নওয়ান-বেন-মন্জরের রাজসভায় আশ্রয় লইয়াছিল। হীরারাজ প্রতি বৎসর বাণিজ্যোপলক্ষে “ওকাজ” মেলায় এক দল বণিক পাঠাইয়া থাকেন। ঐ বণিকদল কোন আরব সরদারের তত্ত্বাবধানে মেলায় প্রেরিত হইত, নচেৎ পথি মধ্যে আরব মনুষ্যদের দ্বারা হতসর্কস্ব হইবার প্রবল আশঙ্কা ছিল। একবার ঐরূপ বণিকদল পাঠাইবার সময়ে হীরারাজ সভাস্থ সকলকে আহ্বান পূর্বক বলিলেন, “এখানে এমন সাহসী পুরুষ কে আছেন, যিনি আমার বণিকদলকে ওকাজ প্রভৃতি মেলায় লইয়া গিয়া পুনরায় তথা হইতে আমার নিকট নিরাপদে আনিয়া দিতে পারেন?” ইহা শুনিয়া বরাজ বলিয়া উঠিল, “আমিই উক্ত কার্য সম্যক্রূপে সম্পন্ন করিতে পারিব। বিশেষতঃ আমি কেনানা সম্প্রদায়ের ভার লইলাম, তাহাদের দ্বারা কোন ক্ষতি হইবে না।” নরপতি বলিলেন, “এক সম্প্রদায়স্থ লোকের ভার কহিলে চলিবে না, এমন এক জন নেতার আবশ্যক, যাহাকে নেজন ও তাহামার অধবাসি-বর্গ অধিনায়ক বলিয়া স্বীকার করে এবং তাহাদের মধ্যে কেহ আমার বণিকদলের উপর কোনও রূপ অত্যাচার না করে।” তৎপ্রবণে বনি

হাওরাজেন সম্প্রদায়স্থ ওরুয়া নামক এক জন প্রধান ব্যক্তি সভা মধ্যে দণ্ডায়মান হইয়া বলিয়া উঠিলেন, “মহারাজ ! ঐ ব্যক্তি অতি কুচরিত্র ও বিশ্বাসঘাতক, সে আত্মীয় স্বজনগণ কর্তৃক তাড়িত হইয়া আপনার আশ্রয়ে প্রতিপালিত হইতেছে, আপনি উহার কথায় বিশ্বাস করিবেন না। যে ব্যক্তি নিজের প্রাণরক্ষা করিতে অক্ষম, সে কিরূপে আপনার বণিক দলকে রক্ষা করিবে? আমিই আপনার বণিকদল লইয়া যাইতেছি এবং নেজদ ও তাহামার অধিবাসীরা যাহাতে অত্যাচার করিতে না পারে, তাহার ভার আমি গ্রহণ করিলাম।” বরাজ ইহাতে আপনাকে অবমানিত বোধ করিয়া রাগান্বিত হইয়া উঠিয়া বলিল, “আমার সম্প্রদায়স্থ যে সকল লোক তাহামায় বাস করে, তুমি কি তাহাদেরও ভার লইলে?” ওরুয়া সগর্বে বলিয়া উঠিলেন, “কেন না, আমি সমস্ত আরববাসীর ভার লইলাম।” বরাজ ইহাতে আরও অধিকতর রাগান্বিত হইল। ফলতঃ ওরুয়া, নরপতির বণিকদল লইয়া মেলায় গমন করিলেন। বরাজও বৈরনির্ঘাতন বাসনার বশবর্তী হইয়া তাঁহার পশ্চাৎ গমন করিল। তাহামা ও নেজদ প্রদেশদ্বয়ের মধ্যস্থিত “ফেদক” নামক স্থানে ওরুয়াকে সুরাপানে মত্ত দেখিয়া বরাজ উলঙ্গ কুশাগ হস্তে তাহার সম্মুখে উপস্থিত হইল। তখন ওরুয়া ভয়বিহ্বল চিত্তে অনেক অনুনয়, বিনয় ও ক্ষমা প্রার্থনা করিলেন কিন্তু বরাজের কঠোর হৃদয়ে কিছুতেই দয়ার সঞ্চার হইল না। সে তাঁহার নিরশ্বেদ করিয়া ফেলিল। এই সংবাদ ওরাজ মেলায় পৌঁছিলে বনি হাওরাজেন ক্রোধে অগ্নিশর্মা হইয়া উঠিল। বনি কেনানাও রণ সজ্জায় বাহির হইল। তখন উক্ত সম্প্রদায়ের মধ্যে একরূপ ভীষণ যুদ্ধানল পঙ্কলিত হইয়া উঠিল যে, ওরাজ মেলা নররক্তে রঞ্জিত হইয়া গেল। এই যুদ্ধ ক্রমাগত ছয় দিন পর্যন্ত চলিতে থাকে, ইহাতে সহস্র সহস্র লোকের প্রাণপার্থী অনর্থক উড়িয়া

গিয়াছিল। পরিশেষে উভয় সম্প্রদায় সন্ধি হুত্রে আবদ্ধ হওয়ার যুদ্ধের যব-
নিকা পত্তন হয়। কিন্তু ওকাজ মেলার এই সকল ভীষণ দুর্দশা দর্শন
করিয়া একটা চতুর্দশবর্ষীয় বালক ব্যতীত কেহ “আহা” শব্দটা করে নাই।
সেই আরব-নক্ষত্রটী স্বীয় খুল্লতাত মহাত্মা আবু তালেবের সহিত
ওকাজ মেলার উপস্থিত ছিলেন। অকারণে এইরূপ ভয়ঙ্কর যুদ্ধ সংঘটন
হটতে দেখিয়া তিনি বিস্ময় চিন্তিত হইলেন এবং তাঁহার পবিত্র হৃদয়-
পটে বিবাদ রেখা অঙ্কিত হইল।

সপ্তদশ বৎসর বয়ঃক্রম কালে হজরত মহম্মদ, আবু তালেবের অনুমতি
লইয়া পিতৃব্য আব্বাসের সঙ্গে বাণিজ্যার্থে এয়মন প্রদেশে গমন করেন। তাঁহার
উনবিংশ বৎসর বয়ঃক্রম কালে পারস্য সম্রাট ওশেরওয়ার পুত্র হরমুজ
শক্রগণ কর্তৃক কালগ্রাসে পতিত হইলে তদীয় পুত্র পরওয়েজ রাজ-
সিংহাসনে উপবেশন করেন। হজরত মহম্মদ বিংশতি বৎসর বয়ঃক্রম
কালে স্বপ্নাবস্থায় স্বর্গীয় দূতের আদেশ শ্রবণ করিতে থাকেন। আবু-
তালেব স্বপ্ন বৃত্তান্ত অবগত হইয়া মনে করিয়াছিলেন যে, বোধ হয়,
হজরত মহম্মদ বায়ুরোগগ্রস্ত হইয়াছেন। তজ্জন্তু দৈবজ্ঞ ডাকাইয়া তাঁহার
চিকিৎসা করিতে মনস্থ করেন। দৈবজ্ঞ হজরত মহম্মদের শরীর বিশেষরূপে
পরীক্ষা করিয়া আবু তালেবকে বলেন, “আপনার ভ্রাতৃপুত্রের কোন রোগ হয়
নাই, ইনি একজন খোদাতায়ালার প্রেরিত মহাপুরুষ, ইনি পৃথিবীতে
মহৎলোক বলিয়া পরিচিত হইবেন। আমি ইহার শরীরে নানা মঙ্গল-
চিহ্ন দেখিতে পাইতোছি।” আবু তালেব ঐহা শুনিয়া নিশ্চিন্ত হইলেন। (১)

(১) হজরত মহম্মদের জীবনচরিত লেখক খুটান গ্রন্থকারগণ প্রসিদ্ধ মুসলমান ইতিহাসবেত্তা
এবনে হেশামের ইতিহাসের একস্থানের কতকাংশের অনুবাদ করিয়া লিখিয়া গিয়া-
ছেন যে, হজরত মহম্মদ বাল্যকালে শ্বশী-রোগগ্রস্ত ছিলেন। আমরা দেখিতে পাই যে,
এবনে হেশামের যে অংশটুকু তাঁহার অনুবাদ করিয়াছেন, সেই অংশের ছাপা
ভুল থাকায় তাঁহাদের উদ্দেশ্য সকল হইয়াছে। সার উইলিয়ম মুরর লিখিয়াছেন,

হাশেম ও উম্মিয়া নামক দুই ব্যক্তি কোরেশ বংশোদ্ভব ছিলেন । এই দুই জন হইতে কোরেশ বংশের দুই শাখার উদ্ভব হয় । এক শাখা বনি হাশেমী নামে ও অপর শাখা বনি উম্মিয়া নামে অভিহিত হয় । ঐ দুই বংশ ব্যতীত কোরেশ বংশের আরও অনেকগুলি শাখা বংশের উদ্ভব হইয়াছিল । কিন্তু বনি হাশেম ও বনি উম্মিয়াদিগের মধ্যে বরাবর প্রতিযোগিতা ও প্রতিদ্বন্দ্বিতা চলিয়া আসিতেছিল

“হালিমা বিবির স্বামী বালককে মৃগী রোগাক্রান্ত দেখিয়া হালিমা বিবিকে বলেন যে, বালককে উহার মাতার নিকট প্রত্যর্পণ করিয়া অংইস ।” আবার তিনি অল্প স্থানে লিখিয়াছেন, “দুই বৎসর বয়সক্রমে কালে বালক সুস্থপান ভোগ করিলে হালিমা বিবি তাঁহাকে আমেনা খাতুনের নিকট প্রত্যর্পণ করিবার জন্য সক্ষম আশ্রয়ন করেন । সেই সময়ে আমেনা খাতুন বালককে স্তষ্টপুষ্ট, বলিষ্ঠ ও সুস্থকার দেখিয়া সানন্দে পুনঃ হালিমা বিবির হস্তে অর্পণ করেন ।” যদি তিনি রোগাক্রান্ত হইতেন, তাহা হইলে আমেনা খাতুন কখনই তাঁহাকে স্তষ্টপুষ্ট বলিষ্ঠ ও সুস্থকার দেখিতে পাইতেন না । এহলে মুবর সাহেবের লেখার সামঞ্জস্য রক্ষা হইতেছে না । তাহা বোধ হয়, সকলে বেশ বুঝিতে পারিতেছেন ।

হজরত মহম্মদ একমাত্র খোদাতারালার উপাসনা এমন এক অদৃষ্টপূর্ণ পদ্ধতিতে প্রতিষ্ঠিত এবং পরমার্থতর জ্ঞান এমন বিস্তৃত যৌক্তিক ভিত্তির উপর সংস্থাপিত করিয়াছিলেন যে, যাহার সমতুল্য পৃথিবীতে পারলক্ষিত হয় নাই । ইনিই তিনি, বাহার প্রবর্তিত আইন মনুষ্য সমাজকে নিয়মানুগত ও তাহাদের নীতিজ্ঞানকে এতাদৃশ পূর্ণতার দৃঢ়াকৃত করিয়াছিল, যাহা এধাবত সংস্থাপিত হয় নাই । ইনিই তিনি, বাহার দ্বারা মনুষ্য জাতির কলাপ ও স্থল সমৃদ্ধ বৃদ্ধির নিদান স্বরূপ কৌশলবাহী, দেওরানী, ধর্ম ও বুদ্ধি বিষয়ক অতুলনীয় বিধ বাবস্থানসমূহ সংস্থাপিত হইয়াছিল । ইনিই তিনি, বাহার জীবিতাবস্থায় সমগ্র আরব উপদ্বীপ বিচলিত হইয়াছিল এবং বাহার প্রভাবে আরবীয় ভিতর সম্প্রদায় একতান্ত্রে আবদ্ধ হইয়া এমন এক প্রবল পরাক্রম জাতিতে পরিণত হইয়াছিল - বাহার বিজয়ী বেশে অস্তি অল্পকাল মধ্যে তৎকাল পরিজ্ঞাত অধিকাংশ সম্রাটেরে আপত্তিত হইয়া বিজয়ী লাভ করিতে সক্ষম হইয়াছিল । অতএব একমুখ হলে বুদ্ধি ও স্থানসম্পন্ন ভাবে আমাদের তিচ্ছাসি করা কি অসম্ভব হইবে যে, উপরোক্ত মহৎ কাব্যগুলি কি একজন মতিমগ্ন মৃগীরোগ-গ্রস্ত ব্যক্তি দ্বারা সম্পাদিত হইয়াছিল ? যাহা পূর্ণ শারীরিক ও মানসিক শক্তিসম্পন্ন ব্যক্তি ব্যতীত কখনই সম্পন্ন হইতে পারে না । বাস্তবিক উহা কি সোদাশ্রমত শক্তিসম্পন্ন চরিত্রের কাব্য নহে ?

সর্বসম্মতিক্রমে ভিন্ন ভিন্ন শাখা হইতে দশ জন বয়োজ্যেষ্ঠ ও সম্মানিত কোরেশ, মক্কার শাসন সংরক্ষণ জন্ত নির্বাচিত হইতেন । তাঁহারা মক্কার "শরীফ" উপাধিতে সম্মান প্রাপ্ত হইয়া আসিতেন । ঐ শরীফগণ শাসন সংরক্ষণ সম্বন্ধীয় ভিন্ন ভিন্ন কর্তব্য কার্য সম্পন্ন করিতেন । সুতরাং তাঁহারা সমাজে বিশেষ সম্মানিত ছিলেন । কিন্তু আবদুল মোস্তালেবের মৃত্যুর পর বনি হাশেমদিগের আর পূর্ববৎ সম্মান সম্বন্ধ রহিল না । আবুতালেব "শরীফ" নামক সম্মানিত পদে অভিষিক্ত হইয়াছিলেন সত্য । কিন্তু তিনি বহু পরিবারের কর্তা থাকায় এবং বনি হাশেমদিগের সদনুষ্ঠান পরিচালনা কার্যে—অতিথি অভ্যাগতদিগের সেবা কার্যে ব্রতী থাকায় তাঁহার আর অপেক্ষা ব্যয়ের পরিমাণ অধিক হইয়া পড়িয়াছিল । এজন্য অল্প সময়ের মধ্যেই তিনি নিঃসম্বল হইয়া পড়িয়াছিলেন । ওদিকে বনি উম্মিয়া দিন দিন ধনশালী হইয়া উঠিতে লাগিলেন । বাহার ধন আছে, তাঁহার অপর সহস্র দোষ থাকিলেও সাধারণ সমাজে তাঁহার সম্মান অধিক । সুতরাং আবুতালেব দরিদ্রতার সহিত সংগ্রাম করিয়াও প্রিয় ভ্রাতৃপুত্রের প্রতিপালনে বা মনস্তৃষ্টি সাধনে কোনরূপ অযত্ন বা শিথিলতা প্রদর্শন করেন নাই ।

বালক হজরত মহম্মদ খুল্লতাতের প্রতিপালনাধীনে থাকিয়া নিজে অসাধারণ প্রতিভাবলে ও শিষ্টাচার গুণে সকলের স্নেহের পাত্র হইয়া উঠিয়াছিলেন । যে কোন ব্যক্তির সহিত তাঁহার একবার সাক্ষাৎ হইত, সেই ব্যক্তিই তাঁহার পক্ষপাতী হইয়া পড়িতেন । তাঁহার বদনমণ্ডলে খোদাতায়ালা যে কি এক আকর্ষণী শক্তি প্রদান করিয়াছিলেন যে, তদ্বারা তিনি সহজেই লোকের প্রীতিভাজন হইয়া পড়িতেন ।

দেখিতে দেখিতে হজরত মহম্মদ ষাটবৎসর বয়সক্রমে পদার্পণ করিলেন । নবম বৎসরের বালক পিতৃব্যের গৃহে ১৩ বৎসর কাল সুখ-

সচ্ছন্দে যাপন করিলেন । এখন তাঁহার ভবিষ্যতের প্রতি আবুতালেবের দৃষ্টি পতিত হইল । যে বালক ছিল, সে যুবক হইয়াছে—এখন একটা আছে, ইহার পর দুইটা হইবে, তাহার পর ক্রমে ক্রমে তিনটা চারিটা করিয়া ক্রমশঃ পরিবারের বৃদ্ধি হইতে থাকিবে । এখন ত পিতৃব্য পুত্রস্নেহে লালন পালন করিতেছেন । কিন্তু তাঁহার মৃত্যুর পর দরিদ্র বালকের ব্যবস্থা কি হইবে ? অবশ্য আবুতালেবের ভবিষ্যদর্শিতা প্রশংসনীয় তাহাতে আর কণামাত্র সন্দেহ নাই । তিনি ভ্রাতৃপুত্রকে ব্যবসায়ে নিরত করিতে অভিলাষী হইলেন । কিন্তু তাঁহার নিজের এমন সঙ্গতি ছিল না যে, মূলধন সংগ্রহ করিয়া দেন । তিনি ভাবিয়া আকুল হইলেন ।

আমি ভাবি আমার জন্ত—আমার পরিবারের জন্ত, পরের ভাবনা ভাবি না এবং ভাবিবার আবশ্যিকতা বোধ করি না । ঐ যে এক জন খঞ্জ অতি কষ্টে হাতে পারে চলিয়া বেড়াইতেছে, তাহার আত্মীয় স্বজন কেহ নাই, তাহার উদরারের সংস্থান নাই, তাহার জন্ত ত ভাবি না । সে কি খাইয়া বাঁচিয়া আছে ও বাঁচিবে, এরূপ চিন্তা ত একবারও করি না । তাহার জন্ত ভাবনা করে কে ? তাহাকে আহার যোগায় কে ? তাহার আহারের জন্ত উপায় অব্বেষণ করে কে ? হাঁ, তাহার জন্ত চিন্তা করিবার—তাহাকে আহার যোগাইবার ও তাহার আহারের উপায় অব্বেষণ করিবার স্মাছেন—একমাত্র খোদাতায়ালা ! তিনি দরিদ্রের সহায় ও সম্বলহীনের সম্বল । বাহার ব্যবসায়ের মূলধন নাই, খোদাতায়ালাই তাহার মূলধনের যোগাড় করিয়া দেন । তবে হজরত মহম্মদের মূলধনের জন্ত আবুতালেবের এত ভাবনা কেন ?

খোদেজার বিবির কর্মচারী-পদে নিযুক্ত হইয়া

হজরত মহম্মদের সুরিয়াযাত্রা ও

তাঁহার সহিত বিবাহ ।

মক্কা নগরে অতুলবিভবশালিনী, অনুপমরূপলাবণ্যবতী ও অশেষ-সদৃশশালিনী কোরেশবংশীয়া খোদেজা নামী এক নুবতী বাস করিতেন । তাঁহার পিতা খোয়েল্দ ফেজার যুদ্ধের পূর্বে পঞ্চত্ব প্রাপ্ত হন । খোদেজা বিবি অল্পবয়সে বিধবা হইয়া পবিত্রভাবে জীবনাতিবাহিত করিতেন এবং কেবল ধর্মগ্রন্থ পাঠ ও ধর্মকার্যাদি সম্পন্ন করিয়া সময় ক্ষেপণ করিতেন । নানা স্থানের সম্রাট রাজকুমার ও ঐর্ষ্যাশালী যুবকগণ তাঁহাকে বিবাহ করিতে উৎসুক হন ; কিন্তু তিনি কাহাকেও পত্নীত্ব বরণ করিতে স্বীকৃত হন নাই । কথিত আছে যে, এক দিন তিনি স্বপ্নে দর্শন করেন যে, আকাশ হইতে চন্দ্রমা ধরাতলে অবতীর্ণ হইয়া, তাঁহার অঙ্গে আরোহণ করিয়াছে, আর তাহার জ্যোতিঃ তাঁহার পার্শ্বদেশ দিয়া বহির্গত হইয়া চতুর্দিক আলোকিত করিয়াছে । খোদেজা বিবি প্রাতঃকালে শয্যা হইতে গাত্রোথানপূর্বক স্বপ্নের রহস্য ভেদ করিবার জন্য বহিরা নামক সন্ন্যাসীর নিকট লোক প্রেরণ করেন । বহিরা স্বপ্নবৃত্তান্ত অবগত হইয়া বলেন, “ইহার মর্ম এই যে, শেষ ধর্ম-প্রচারক জন্মগ্রহণ করিয়াছেন । তিনি খোদেজাকে পত্নীত্ব বরণ করিবেন এবং এই সম্মিলন-কালে তিনি স্বর্গীয় আদেশ প্রাপ্ত হইবেন এবং তাঁহার প্রচারিত ধর্মে চতুর্দিক আলোকিত হইবে । জ্বীলোকগণের মধ্যে খোদেজাই সর্ব প্রথমে তাঁহার প্রচারিত ধর্ম গ্রহণ করিবে, সেই ধর্মপ্রচারক হাশেম বংশোদ্ভব ও খোদেজার আত্মীয় ।” খোদেজা বিবি বহিরার বাক্য শ্রবণ করিয়া

মহানন্দিত হইলেন ও হজরত মহম্মদের সহিত বিবাহের প্রতীক্ষা করিতে লাগিলেন ।

আবুতালেব যে সময়ে ভ্রাতৃপুত্রের ব্যবসায়ের মূলধনের জন্ত লালান্তিত, সেই সময়ে খোদেজা বিবির ব্যবসায়-কার্যে বিশেষ আগ্রহ ছিল । তিনি নিজে মূলধন দিয়া বিশ্বাসী লোকদিগকে ব্যবসায়ে নিযুক্ত করিতেন এবং লভ্যের অর্দ্ধাংশ নিজে লইতেন ও অবশিষ্ট অর্দ্ধাংশ পারিশ্রমিক স্বরূপ তাহাদিগকে দিতেন । আবুতালেব এই সংবাদ অবগত হইয়া মনে মনে চিন্তা করিতে লাগিলেন যে, যদি এই কার্যে মহম্মদকে নিযুক্ত করিয়া দিতে পারি, তাহা হইলে প্রচুর অর্থাগমের বিশেষ সুবিধা হইবে এবং বিবাহকার্যও অক্লেশে সম্পন্ন হইতে পারিবে । তিনি হজরত মহম্মদের নিকট ঐ কার্য সম্বন্ধে অনেক কথোপকথন করেন । খোদেজা বিবি হজরতকে বিশ্বাসী ও ধর্ম-পরায়ণ বলিয়া জানিতেন, এক্ষণে লোকমুখে আবুতালেব ও হজরত মহম্মদের অভিলাষ অবগত হইয়া, স্বীয় অভিষ্ট-সিদ্ধির আর অধিক বিলম্ব নাই মনে করিয়া, তৎক্ষণাৎ হজরত মহম্মদের মনের ভাব অবগত হইবার জন্ত তাহার নিকট লোক পাঠাইয়া দেন । হজরত মহম্মদ আবুতালেবের নিকট খোদেজা বিবির অভিলাষ জ্ঞাপন করেন । আবুতালেব তাহা শুনিয়া বলেন, “বৎস ! যখন বিধাতা তোমার উপর অনুগ্রহ প্রকাশ করিয়া উপযুক্ত কার্য মিলাইয়া দিতেছেন, তখন তদ্বিষয়ে আমার আর কোন আপত্তি নাই ।”

তদনন্তর আবুতালেব হজরত মহম্মদের নিয়োগ সম্বন্ধে বন্দোবস্ত জন্ত স্বীয় সহোদরা আতেকাকে খোদেজা বিবির নিকট পাঠাইয়া দেন । খোদেজা বিবি আতেকাকে পরম সমাদরে গ্রহণ করেন, কেননা আতেকা মাননীয় আবদুল মোত্তালেবের কন্যা ও সুপ্রসিদ্ধ কোরেশবংশসম্ভূতা, তজ্জন্ত

তিনি বাস্তবিকই সম্মানের যোগ্য ছিলেন। খোদেজা বিবি ক্ষণকাল নীরবে থাকিয়া আতেকাকে তাঁহার আগমনের কারণ জিজ্ঞাসা করিলে তিনি মনের ভাব প্রকাশ করেন। অচিরে স্বপ্নবৃত্তান্ত পূর্ণ হইবে ভাবিয়া খোদেজা বিবি পরমাছলাদিতা হইলেন। কথিত আছে যে, অতঃপর তিনি আতেকাকে বলেন, “আমি আপনার ভ্রাতৃপুত্রকে সচরিত্র ও ধার্মিক বলিয়া বেশ অবগত আছি, কিন্তু তিনি এই গুরুতর কার্য সম্পাদনে সক্ষম হইবেন কি না, তজ্জন্য একবার তাঁহার আকৃতি প্রকৃতি দেখা আবশ্যিক ; অতএব আপনি একবার তাঁহাকে এখানে লইয়া আসুন।” আতেকা ইহা শুনিয়া গৃহে গমন করেন।

এদিকে খোদেজা বিবি হজরতের আগমন প্রতীক্ষায় স্বীয় গৃহাদি উপযুক্তরূপে সুসজ্জিত করিলেন। উপযুক্ত সময়ে হজরত মহম্মদ আতেকার সমভিব্যাহারে খোদেজা বিবির বাসভবনে উপনীত হইয়া সাদরে গৃহীত হইলেন। পরে তওরত গ্রন্থে শেখ ধর্ম-প্রচারকের যেরূপ রূপবর্ণনা আছে, তাহার সহিত হজরত মহম্মদের আকৃতি-প্রকৃতির মিল হইল দেখিয়া পরম সন্তুষ্ট হইলেন। খোদেজা বিবি উল্লিখিত নিয়মে হজরত মহম্মদকে মূলধন দিয়া এবং তাঁহার সঙ্গে নায়সারা নামক স্বীয় বিশ্বাসী ক্রীতদাসকে দিয়া ব্যবসারে নিযুক্ত করিয়া দিলেন। আতেকা হজরত মহম্মদকে লইয়া আছলাদিত অন্তরে গৃহে চলিয়া গেলেন।

নির্দিষ্ট দিনে সার্থবাহগণ বাণিজ্যার্থ যাত্রা করিলেন। যেদিন বাণিকগণ বাণিজ্যার্থ যাত্রা করিল, সেই দিন খোদেজা বিবি নায়সারার হস্তে বহুমূল্য বস্তাদি দিয়া বলিলেন, “তুমি নগরের বহির্ভাগে গিয়া হজরত মহম্মদকে এই সমুদয় বস্তাদি পরিধান করিতে দিও, আর তাঁহাকে বেশ বহু করিও ; যেন কোন বিষয়ে কষ্ট না পান, আর তাঁহার সহিত পরামর্শ

করিয়া কার্যাদি করিও ; তাহা হইলে আমি তোমাকে দাসত্ব হইতে মুক্ত করিয়া দিব ।” হজরত মহম্মদের সঙ্গে খাজুমা নামক খোদেজা বিবির এক জন আত্মীয় গিয়াছিলেন । বণিকদল নগরের বহির্দেশে উপনীত হইলে মায়সারা হজরত মহম্মদকে খোদেজা বিবি প্রদত্ত বস্ত্রাদি পরিধান করিতে দিল । আবু জহল প্রভৃতি নীচাশয় ব্যক্তিগণ তাহা দেখিয়া ঈর্ষান্বিত হইল । কথিত আছে যে, পশ্চিমদিকে এক দিন খোদেজা বিবির দুইটা উষ্ট্র গতিশক্তিবিহীন হইয়া পড়াতে, হজরত মহম্মদ তাহাদের মস্তকে হস্তার্পণ করিয়া আশীর্বাদ করায় তাহারা তৎক্ষণাৎ চলিতে আরম্ভ করে । হজরত মহম্মদ বণিকদল সহ ক্রমে ক্রমে সিরিয়া প্রদেশের নিকটবর্তী হইলেন । আবুতালেবের সঙ্গে গিয়া যেমন তিনি বসরা নগরে সন্ন্যাসীর আশ্রমের নিকট আশ্রয় লইয়াছিলেন, এবারও সেই খানে আশ্রয় লইলেন । আশ্রমাধিকারী সন্ন্যাসী বহিরার তখন মৃত্যু হইয়াছিল এবং নদতুরা নামক জনৈক সন্ন্যাসী ঐ আশ্রমে অবস্থিতি করিতেছিলেন । ঐ সন্ন্যাসীর সহিত মায়সারার পূর্কাবধি পরিচয় ছিল । মায়সারা সন্ন্যাসীর সহিত সাক্ষাৎ করিতে গিয়া কথার কথায় হজরত মহম্মদের প্রসঙ্গ উত্থাপন করে এবং সন্ন্যাসীর নিকট তাঁহার গুণাবলীর বথেষ্ট প্রশংসা করে । ঐ সকল প্রশংসাবাদ শ্রবণ করিয়া সন্ন্যাসী স্বয়ং আশ্রমের বাহিরে আসিয়া হজরত মহম্মদের সহিত সাক্ষাৎ করিলেন এবং হজরত মহম্মদকে বথেষ্ট সম্মান প্রদর্শনপূর্বক আসন প্রদান করিলেন । উভয়ের মধ্যে অনেকক্ষণ পর্য্যন্ত নানাবিষয়ক আলোচনা হইতে থাকিলে সন্ন্যাসী হজরত মহম্মদের বিনয়নম্র ব্যবহারে ও সদাচারে একবারে মুগ্ধ হইয়া পড়েন । বিশেষতঃ অসভ্য আরবজাতির এক অশিক্ষিত যুবকের বহুবিধে অসীম জ্ঞানগরিমার একত্র সমাবেশ দেখিয়া আশ্চর্য্য হন । প্রস্তরের উপর পুষ্প প্রক্ষুটিত হওয়া এক অসম্ভব ব্যাপার, তাহার উপর ঐ পুষ্প আবার কোমলতা, কমণীয়তা ও সুরভি

সম্পূর্ণিত হইলে, তাহা বিশেষ অসম্ভব বলিয়া কাহার না প্রতীতি জন্মে ? সেইরূপ অসম্ভব ব্যাপার প্রত্যক্ষ দর্শন করিলে, কাহার না বিশ্বাস হয় যে, ঐরূপ পুষ্প প্রস্ফুটিত হইবার কোন নিগূঢ় উদ্দেশ্য আছে ? বাহা হউক, সন্ন্যাসী হজরত মহম্মদের ঐরূপ আচার ব্যবহার দ্বারা বুঝিয়া লইলেন, অল্প দিনের মধ্যেই আরবের যে ঘোর পরিবর্তন হইবে, এই যুবকই তাহার আদি কারণ । সন্ন্যাসী আরও বুঝিয়া লইলেন যে, যে হজরত এস-হাকের বংশে সুদীর্ঘ কাল ধরিয়া পয়গম্বরীর ধ্বজা উড়িয়া আসিতেছিল, তাঁহার বংশের ইহুদীদিগের অনাচার ও খৃষ্টানদিগের পথভ্রান্তিতে স্থায়-বিচারক বিশ্বশ্রুতি সে ধ্বজা কাড়িয়া লইয়া হজরত ইস্মাইলের বংশে অর্পণ করিবেন এবং পবিত্র ফারান পর্বত হইতে খোদাতায়ালার করুণার স্রোত প্রবাহিত হইবে অর্থাৎ সেই স্থান হইতে সত্যধর্মের পথপ্রদর্শক উদ্ভূত হইয়া জগতে একেশ্বরবাদ ধর্ম প্রচার করিবেন । ভাববাদী যিবু-খৃষ্ট আসন্ন মৃত্যুসময়ে যে মহাত্মার আবির্ভাবের কথা শিষ্যগণকে জানাইয়া গিয়াছেন, কিছু দিন পরে ইনিই সেই মহাপুরুষরূপে জগৎ সমক্ষে প্রকাশিত হইবেন । (১)

হজরত মহম্মদ তাপসের নিকট হইতে বিনায় হইয়া সিরিয়া প্রদেশে চলিলেন । সিরিয়ার বাণিজ্যপ্রধান দামেস্ক ও অন্যান্য নগরে তিনি বাণিজ্য কার্যে নিরত থাকিলেন এবং খোদেজা বিবির মূলধন দ্বারা প্রভূত অর্থ উপার্জন করিলেন । কিন্তু উপার্জিত অর্থরাশির উপর তাঁহার কিছু-মাত্র লোভ হয় নাই এবং আবশ্যকের অতিরিক্ত এক কপর্দকও ব্যয় করেন নাই । মায়সারা সঙ্গে থাকিয়া তাঁহার সত্যবাদিতার বিলক্ষণ পরিচয় প্রাপ্ত হইল এবং তাঁহার নিরোভতা ও বাণিজ্যকার্যে দক্ষতা দেখিয়া অবাক হইল ।

এক দিন এক ইহুদী তাঁহাকে বলিল, “যদি তুমি লাভ প্রভৃতি দেবতার প্রতিজ্ঞা করিয়া বল, তাহা হইলে আমি বিশ্বাস করিতে পারি।” হজরত মহম্মদ বলেন, “আমি লাভ প্রভৃতি দেবতার প্রতিজ্ঞা করিব না, আমি তাহাদের ঘোর শত্রু।” ইহা শুনিয়া ইহুদী বলিল, “তবে কি তুমি মক্কার অধিবাসী নও।” হজরত বলিলেন, “হাঁ, আমি মক্কার অধিবাসী।” তদনন্তর ইহুদী মায়সারাকে বলল যে, তোমাদের সঙ্গে ঐ লোকটী (হজরত মহম্মদ) বাস্তবিক, শেষ ধর্ম-প্রচারক। এইরূপে প্রায় তিন বৎসর কাল বাবসার চালাইয়া হজরত মহম্মদ বণিকদল সহ মক্কা অভি-মুখে ফিরিলেন।

দিন দুই প্রহর, মধ্যাহ্ন মার্ভগের প্রথর কিরণে মরুময় আরবদেশ ধূ ধূ করিতেছে। বালুকারাশি হইতে কুরাসার স্থায় অগ্নিময় ধূমরাশি বাহির হইতেছে। পথে ঘাটে জনমানবের গতিবিধি নাই। প্রথর সূর্যকিরণে যেন দেশ একেবারে জনপ্রাণী শূন্য হইয়াছে, যেন আরবভূমি একেবারে নীরব ও নিশ্চল ভাব অবলম্বন করিয়াছে। লোকা-লয়বাসী জনগণ গৃহের মধ্যে প্রবেশ করিয়া দ্বারি দ্বারি ডাক ছাড়িতেছে, ভ্রমণশীল বৃদ্ধগণ ভাঙ্গুর ভিতর আশ্রয় লইয়াছে। এই দারুণ মধ্যাহ্ন সময়ে খোদেজা বিবি কতকগুলি স্ত্রীলোক-পরিবেষ্টিতা হইয়া প্রাসাদোপরি আরাম করিতেছেন এবং তাহাদের সঙ্গে বাণিজ্য ব্যবসা সংক্ষে আলো-চনা করিতেছেন। এমন সময়ে ময়দানের দিকে তাঁহার নেত্র পতিত হইল, দেখিলেন, মরুভূমি অতিক্রম করিয়া একটা উষ্ট্র নগরাভিমুখে আসিতেছে এবং এক ষণ্ড কাল মেঘ ঐ উষ্ট্রের উপর ছায়াপাত করিয়া আসিতেছে। কোন দিকে মেঘ নাট, রৌদ্রের প্রথর তাপে অগ্নিবর্ষণের স্থায় অসম্ভব হইতেছে, অথচ সেই উষ্ট্রের উপর কাল মেঘের ছায়া! খোদেজা বিবি বিস্ময়গণন হইয়া সেই দিকে—সেই উষ্ট্রের দিকে একদৃষ্টে

তাকাইয়া রহিলেন । উট বত নিকটবর্তী হইতে লাগিল, ততই তাঁহার ঔৎসুক্য বাড়িতে লাগিল । দেখিতে দেখিতে উট তাঁহার বালাধানার সম্মুখে আসিয়া উপস্থিত হইল । সেই উটের উপর ছিলেন—হজরত মহম্মদ মোস্তফা ।

হজরত মহম্মদ তৎক্ষণাৎ উট হইতে অবতরণপূর্বক খোদেজা বিবির নিকট গিয়া বাবসায়-জাত লভ্য মূলধনরাশি তাঁহার নিকট রাখিয়া দিলেন এবং দৈনিক জমা খরচ পুঙ্খানুপুঙ্খরূপে বুঝাইয়া দিলেন । খোদেজা বিবি বাণিজ্যলব্ধ ধনরাশি দেখিয়া এবং মায়সারার মুখে হজরত মহম্মদের বাবসায় নিপুণতা, সত্যবাদিতা, সদাচার, বিনয় নম্রতা প্রভৃতি গুণাবলী শ্রবণ করিয়া বিপুল আনন্দ লাভ করিলেন । পূৰ্ব স্তম্ভ অনুসারে হজরত মহম্মদ লভ্যাংশের অল্পেক ধন পাইয়া তাহা পিতৃব্য আবু-তালেবের হস্তে প্রদান করিলেন ।

যে সময়ের ঘটনা উল্লেখ করা যাইতেছে, সে সময়ে আরববাসিগণ পৌত্তলিক ধর্মাবলম্বী থাকলেও তাহাদের মধ্যে বিধবা বিবাহ প্রচলিত ছিল । খোদেজা বিবি, প্রথম স্বামীর মৃত্যুর পর দ্বিতীয় স্বামী গ্রহণ করিয়াছিলেন । সে স্বামীও কালগ্রাসে পতিত হইয়াছিল, তখন খোদেজা বিবির বয়স চল্লিশ বৎসর হইয়াছিল । কিন্তু প্রৌঢ়ত্বের সীমায় উপনীত হইয়াও তাঁহার অঙ্গসৌষ্ঠব বিকৃত হয় নাই, বরং তাঁহার প্রতি-অঙ্গ-প্রত্যঙ্গে যেন নববোধনের এক লাবণ্যালহরী ছুটিয়া বেড়াইতেছিল । তাহার উপর তাঁহার সুচারু দেহের সুচারু সৌন্দর্য্য তাঁহাকে স্থির-ধৌবনা করিয়া রাখিয়াছিল । সেই সুন্দরী ধনবতীর সৌন্দর্য্য ও ধন-ভোগ লালসার কোরেশদিগের অনেক শরীকই তাঁহাকে বিবাহ করিবার জন্য লালসিত ছিলেন এবং তাঁহার নিকট বিবাহের প্রস্তাব করিয়া পাঠাইয়াছিলেন । কিন্তু খোদেজা বিবি কাহারও প্রস্তাবে সম্মত হন নাই ।

খোদেজা বিবি অতিশয় বুদ্ধিমতী, ধর্ম্মানুরাগিনী ও বহুদর্শিতা-
গুণসম্পন্ন ছিলেন। যে দিন মধ্যাহ্ন সময়ে বালাখানার বসিয়া মুক্ত-
প্রান্তরে হজরত মহম্মদের উট আসিতে দেখিয়াছিলেন, যে দিন ঐ উটের
উপর এক খণ্ড কাল মেঘের ছায়াপাত দেখিয়াছিলেন, যে দিন হজরত
মহম্মদ সিরিয়া হইতে ফিরিয়া আসিয়া বাণিজ্যালক ধনরাশি তাঁহার নিকট
অর্পণ করিয়াছিলেন, যে দিন নারসারা হজরত মহম্মদের গুণাবলীর বর্ণনা
করিয়াছিলেন, সেই দিন অবধি খোদেজা বিবির বিবাহেচ্ছা পুনরায়
জাগিয়া উঠিয়াছিল। সর্বগুণাধার সেই প্রাজ্ঞপ্রবর মহাত্মা হজরত
মহম্মদের চরণতলে বিক্রীত হইতে তাঁহার ঐকান্তিক ইচ্ছা হইয়াছিল।

পরিশেষে নফিসা নামী এক সহচরীকে আপনার অভিলাষ অবগত
করাইয়া হজরত মহম্মদের নিকট পাঠাইয়া দেন। নফিসা হজরত মহম্মদকে
বলেন, “আপনি বিবাহ করিতেছেন না কেন?” হজরত বলিলেন, “আমার
আজিও বিবাহোপযোগী অর্থ ও স্ত্রীর ভরণপোষণ করিবার ক্ষমতা হয় নাই।”
নফিসা বলিলেন, “ভাল, যদি কোন উচ্চবংশোদ্ভবা ধনশালিনী সুন্দরী
যুবতী আপনাকে বিবাহ করিতে চাহে, আর যদি তিনি বিবাহের সমুদয়
ব্যয়-ভার বহন করেন, তাহাতে আপনার অভিপ্রায় কি?” হজরত
বলিলেন, “সেই যুবতী কে?” নফিসা বলিলেন, “তিনি খোরেন্দদের
কন্যা-বিবি খোদেজা।” হজরত বলিলেন, “ইহা কিরূপে সম্ভব হইতে
পারে?” নফিসা বলিলেন, “আপনার অভিপ্রায় জানিবার জন্য আমি নিযুক্ত
হইয়াছি।” তদনন্তর নফিসা হজরত মহম্মদের সমুদয় কথা খোদেজা বিবির
নিকট বলিলেন। খোদেজা বিবিও পরমাহ্লাদিত হইয়া বিবাহের দিন স্থির
করিলেন এবং স্বীয় পিতৃব্য ওমর-বেন-আসাদ ও পিতৃব্যপুত্র অরাকা-
বেন-নওকেলকে ডাকাইয়া স্বকীয় বিবাহের কথা জানাইলেন এবং
তাঁহাদিগকে হজরত মহম্মদের নিকট বিবাহের নির্দিষ্ট দিন জ্ঞাপনার্থ ও

কোরেশবংশীয়দিগকে বিবাহসভায় আগমনার্থ নিমন্ত্রণ করিতে পাঠাইয়া দেন : আবুতালেব প্রভৃতি বিবাহের কথা শুনিয়া মহাসন্তুষ্ট হন ; কিন্তু বিবাহোপযোগী পরিচ্ছদাদি না থাকায় আবার ততোধিক দুঃখিত হন । মহাত্মা আবু বকর, হজরত মহম্মদকে দুঃখিত দেখিয়া বলেন, “বৎস ! ভাবিও না, তোমার পিতামহ আমার নিকট অনেক অর্থ ও পরিচ্ছদাদি রাখিয়া গিয়াছেন এবং তাহা তোমার বিবাহ সময়ে তোমাকে দিতে বলিয়া গিয়াছেন ; আমি গৃহ হইতে সেই সকল আনিয়া দিতেছি ।” অতঃপর সেই সকল বহুমূল্য পরিচ্ছদ ও প্রচুর অর্থ প্রাপ্ত হইয়া সকলে মহানন্দিত হইলেন । এদিকে বিবি খোদেজাও রাজোচিত পরিচ্ছদাদি হজরত মহম্মদকে পাঠাইয়া দিলেন । অতঃপর উপযুক্ত সময়ে হাগজ্জা, আবুতালেব প্রভৃতি কোরেশ-বংশীয়গণ হজরত মহম্মদকে লইয়া বিবাহ সভায় উপনীত হন । বিবাহদিনে খোদেজা বিবি স্বকীয় ক্রীতদাস-দাসীগণের দাসহযোচন করেন । আবুতালেব বরকর্তা আর ওমর কন্যাকর্তা হন । প্রথমে আবুতালেব বরপক্ষে, তৎপরে অরাকাবেন-নওফেল কন্যাপক্ষে খোত্বা পাঠ করেন । উভয় পক্ষের সম্মতিক্রমে ওমর খোদেজা বিবিকে হজরতের হস্তে অর্পণ করেন । বিবাহের মোহরাণা সাড়ে বার ওকিয়া স্বর্ণ নির্ধারিত হইল । বিবাহের পর আবুতালেব একটী উষ্ট্রমাংস দ্বারা আখ্যায় স্বজনগণকে ভোজন করাইয়া ছিলেন । বিবাহের পর খোদেজা বিবি স্বীয় ধনভাণ্ডার হজরতের হস্তে সমর্পণ করিয়া তাঁহার সেবায় নিযুক্ত হন । হজরত মহম্মদের ২৫ বৎসর এবং খোদেজা বিবির ৪০ বৎসর বয়ঃক্রম কালে এই শুভবিবাহ সংঘটিত হয় ।

আদর্শ মহাপুরুষ ।

ঐশ্বরের প্রসিদ্ধ দার্শনিক পণ্ডিত আরাষ্টল বলিয়াছেন যে, মানব স্বভাবতঃ আসক্তলিপ্সু । মানব-সৃষ্টির উপাদানগুলির মধ্যে প্রেম একটা উপাদান ছিল, ইহা সূনিশ্চয় । খোদাতায়ালা মানবকে তাহার আকৃতির অনুরূপ সৃষ্টি করিয়া তাহার দেহের মধ্যে আত্মা প্রবেশ করাইয়া দিয়া মানবকে অনুগ্রহীত করিয়াছেন । এই পৃথিবী খোদাতায়ালাই আশ্চর্যজনক সৃষ্টি-কৌশলে পরিপূর্ণ । যদিও মানবাত্মা চতুর্ভূজরূপ প্রাচীরের মধ্যে আবদ্ধ হইল, তথাপি তাহার গমনাগমনের দ্বার উন্মুক্ত রহিয়াছে । তাহার উন্নতিমার্গে আরোহণার্থ এক দিকে সোপানশ্রেণী সংলগ্ন রহিয়াছে । যদি সে উত্তম সহকারে চেষ্টা করে, তাহা হইলে খোদাতায়ালাই অনুগ্রহে উক্ত সোপানশ্রেণী অতিক্রম পূর্বক উন্নতিমার্গে আরোহণ করিতে সক্ষম হয় । আবার অন্য দিকে তাহার জন্ম অবনতির দ্বার বন্ধ রহিয়াছে, যদি তাহার কুপ্রবৃত্তি প্রবল হয়, তাহা হইলে অজ্ঞানতা রূপ লৌহ নির্মিত হস্ত উক্ত দ্বার উন্মুক্ত করিয়া দেয়, তখন সেই অপরিণামদর্শী মানবাত্মা অবনতির গভীরতম অভয়ভলে নিপতিত হয় । এক দিকে বিবেক ঐশ্বরিক জ্ঞান শিক্ষা দিয়া আত্মাকে জ্যোতির্শ্বর করিয়া তুলিতেছে, অন্য দিকে কুপ্রবৃত্তি অসং পথে চালিত করিয়া তাহার ধ্বংস সাধন করিতেছে । এইরূপ ভয়ানক অবস্থার বিষয় মনোমধ্যে উদ্ভিত হইলে আমরা কেবল বলিতে থাকি, হায় কি বিষম ব্যাপার ! কি ভয়ানক প্রলয় কাল সমুপস্থিত !! হে খোদাতায়ালা, তোমার অনুগ্রহ প্রাপ্ত হওয়াও স্বকঠিন !! গুরুত্ব পথ মহাবিপদসঙ্কুল ! এই প্রবাসস্থান মহাবিলম্বীবিধিপূর্ণ !! এমন কি, এখানে মহা মহা বীরগণও নিরুদ্দেশ !!! জ্ঞানিগণের জ্ঞান লোপ ! বুদ্ধিমানগণ হতবুদ্ধি !! বিদ্বান্গণ বিকম্পিত !!!

এরূপ বিষয় সমস্তাপূর্ণ অবস্থায় এই সংসারোচ্চানে (যাহাতে পুষ্ণ অপেক্ষা কণ্টক অধিক) বিপদসঙ্কুল জীবনাতিবাহিত করা সহজ ব্যাপার নহে। এই ভবপারাবারে যখন সকলেই একই জীবন-তরিতে আরোহণ পূর্বক গন্তব্য স্থানে গমন করিতেছি, একই প্রবৃত্তিরূপ পাইলোপরি সকলেরই ভরসা রহিয়াছে এবং শেষে একই প্রবল ধ্বংস ঝটিকায় উক্ত ভরী মহাকালমাগরে নিমজ্জিত হইবে, তখন পরস্পরের টানাটানিতে, বিভিন্ন প্রকারের সংসর্গে অবস্থিতি করিয়া, বিপদ-আপদাকীর্ণ অবস্থায় ধৈর্যশীল ও কৃতজ্ঞ থাকিয়া এবং আমোদ-প্রমোদে এই বিপদসঙ্কুল জীবনাতিবাহিত করা উদারহৃদয় মহাত্মাদিগের কার্য। বাস্তবিকই পরস্পরের সহিত মিলিয়া মিশিয়া নিশ্চলভাবে জীবনাতিবাহিত করা খোদাতায়ালা প্রদত্ত ক্ষমতা। ইহাই কার্য-কুশলতার জীবন স্বরূপ। চরিত্রগঠনের সঙ্গে সঙ্গে পরিবার প্রতিপালন, সকলের প্রতি সদ্যবহার এবং সুনিয়মে প্রজাপালন কার্যে সম্পূর্ণরূপে উত্তীর্ণ হওয়া মহাজ্ঞানীর কার্য। পরমার্থতত্ত্বজ্ঞানী ভিন্ন তপস্বী, বিদ্বান, বুদ্ধিমান, বীরপুরুষ ও সিদ্ধপুরুষ-গণ সমস্তই এই বিষয়ে পাঠশালায় শিশুদিগের ত্যায় অজ্ঞ। এরূপ পরমার্থ-তত্ত্বজ্ঞানী মহাপুরুষ ঐ ব্যক্তি হইতে পারেন, যাহাকে সর্বজ্ঞানী খোদাতায়ালা অসীম অনুগ্রহে অনুগ্রহীত করিয়াছেন এবং যাহাকে যাবতীয় সৃষ্ট পদার্থের তত্ত্ব, প্রত্যেক পদার্থের প্রকৃত অবস্থা দিব্য চক্ষে প্রদর্শন করিয়াছেন এবং যাহার নিকট পৃথিবীস্থ দার্শনিক পণ্ডিতমণ্ডলীর শ্রেষ্ঠতম ব্যক্তিও শিশুবৎ অনভিজ্ঞ, যিনি আরবের এমন অশিক্ষিত সম্প্রদায়সমূহকে সর্ব-শ্রেষ্ঠ গুণ্যতে পরিণত করিয়াছিলেন, নিশ্চয় তিনি খোদাতায়ালায় প্রেরিত আদর্শ মহাপুরুষ, তাহাতে কোন সন্দেহ নাই। তাহার পবিত্র জীবনী প্রথম হইতে শেষ পর্য্যন্ত ইহাই জ্ঞাপন করিতেছে যে, ইনিই সিদ্ধপুরুষ।

সদনুষ্ঠান ও সৎকর্মাবলী ।

পূর্বে উল্লিখিত হইয়াছে যে, হজরত মহম্মদ নিতান্ত অভাবগ্রস্ত ছিলেন, সুতরাং তাঁহার ঐকান্তিক বাসনা সত্ত্বেও তিনি অর্থ দ্বারা দীন দরিদ্রগণের সাহায্য করিতে সমর্থ হইতেন না। কিন্তু খোদেজা বিবির সহিত বিবাহ হইবার পর তাঁহার সে অর্থাভাব সর্বতোভাবে দূরীভূত হইয়া গেল। খোদেজা বিবি যেমন আপনাকে তাঁহার চরণতলে উৎসর্গ করিয়াছিলেন। সেইরূপ গণ্যমাণ কোরেশদিগের সাক্ষাতে স্বীয় অতুল ধন সম্পত্তির যথেষ্ট ব্যবহার করিবার ক্ষমতা তাঁহার উপর অর্পণ করেন। অতএব দরিদ্র হজরত মহম্মদ খোদেজা বিবির বিপুল ধন-সম্পত্তির অধিকার প্রাপ্ত হইয়া তৎসমুদয় সৎকার্যে, সদনুষ্ঠানে ও সৎদেশে ব্যয় করিতে লাগিলেন। তিনি যেমন উচ্চমনাঃ ছিলেন, পরম দয়ালু খোদাতায়ালী তাঁহাকে সেইরূপই পুরস্কার প্রদান করিলেন।

“হলফ-উল-ফজুল” অর্থাৎ ফজুল আখ্যাত প্রতিজ্ঞা।—

হজরত মহম্মদের পিতামহ আবুল মোত্তালেবের মৃত্যুর পর মক্কায় শাসন সংরক্ষণের ক্ষমতা কোরেশদিগের ভিন্ন ভিন্ন শাখার মধ্যে বিভক্ত হইয়া পড়িয়াছিল। তাহার ফলে মক্কা নগরের মধ্যে অশান্তি ও অত্যাচারের প্রবল স্রোত খরতরবেগে প্রবাহিত হইয়াছিল। কি স্বদেশী, কি বিদেশী প্রায় অনেকেই ধন-সম্পত্তি ও অনেক সময়ে স্ত্রী কন্যা পর্যন্ত দুর্দান্ত দস্যুদল কর্তৃক লুণ্ঠিত হইত ও তত্পলক্ষে অনেক নিরীহ পথিকের তপ্তশোণিতে নগরের রাজপথসমূহ রঞ্জিত হইয়া পড়িত। একদা হেনজেলা নামক এক জন প্রসিদ্ধ কবি, মক্কা নিবাসী আবুল্লা-বেন-জুদায়ানের নিকট কোন আবশ্যিক বসতঃ বাইতেছিলেন। তিনি নগরে প্রবেশ করিলে রাজপথের উপর প্রকাশভাবে তাঁহার

স্থাসর্বস্ব লুপ্ত হইল। জোবেদ নামক এক জন ব্যবসায়ী বিপুল পণ্যদ্রব্য সহ মক্কা নগরে উপস্থিত হইলে কোরেশ সরদার আসেম-বেন-ওয়েল নামক এক ব্যক্তি তাঁহার সমস্ত দ্রব্য ক্রয় করেন ; কিন্তু ক্রীতদ্রব্যজাতের মূল্যের কিছুমাত্র না দিয়া তাঁহাকে বলপূর্বক তাড়াইয়া দেন। তখন জোবেদ অনন্যোপায় হইয়া তৎকালীন নামমাত্র শাসনকর্তাগণের আশ্রয় গ্রহণ করেন ; কিন্তু তাহাতে কোন ফল হয় নাই। তিনি হতসর্বস্ব হইয়া মনের ক্ষোভে ও আক্ষেপে মক্কার শাসন-ক্ষমতা প্রভৃতির নিন্দাবাদ করিতে থাকেন।

উপর্যুপরি ঐরূপ দুইটা ঘটনার সংবাদ পাইয়া হজরত মহম্মদ মক্কা নগরে শান্তি স্থাপনোদ্দেশ্যে হাশেমবংশধরগণ ও কোরেশবংশের প্রত্যেক শাখার উপযুক্ত ব্যক্তিবর্গকে লইয়া ৫৯৫ খৃঃ অব্দে একটি সমিতি গঠন করেন। ঐ সমিতির সভ্যগণ সকলেই মক্কার সর্বপ্রকার অত্যাচার অশান্তি নিবারণ জন্য প্রতিজ্ঞাবদ্ধ হন। মুসলমান ইতিহাসে এই প্রতিজ্ঞাই “ফজুল প্রতিজ্ঞা” (হলফ-উল-ফজুল) নামে আখ্যাত হইয়াছে। প্রসিদ্ধি আছে যে, পূর্বকালে জরহমবংশের তিন জন সদাশয় পুরুষ নগরের অত্যাচার দমন জন্য প্রতিজ্ঞাবদ্ধ হন, ঘটনাক্রমে সেই তিন জনেরই নাম ফজল ছিল। “ফজল” আরবী ব্যাকরণের বহুবচনে “ফজুল” শব্দে পরিবর্তিত হয়। ঐ পূর্বতন নাম অনুসারে এই প্রতিজ্ঞারও নাম “হলফ-উল-ফজুল” বলিয়া অভিহিত।

হজরত মহম্মদের ঐ সমিতি গঠন দ্বারা পথিক, পরিব্রাজক, বণিক ও ধনী দরিদ্র সকলেরই আশঙ্কা দূরীভূত হয় এবং মক্কা নগরের মধ্যে সর্বতোভাবে শান্তি সংস্থাপিত হয়।

কোরেশদিগের সহকারিতা—উপরি উক্ত সদমুষ্ঠানের জন্য হজরত মহম্মদ কোরেশদিগের প্রতিজ্ঞানুরূপ তাহাদের সহকারিতা ও সহযোগিতা

করিয়াছিলেন । এতদ্ব্যতীত তিনি কস্বিন্ কালে তাহাদের প্রচলিত রীতি-পদ্ধতির অনুসরণ করেন নাই এবং কখনও কোন প্রতিমূর্তির পূজা করেন নাই কিম্বা কোরেশদিগের ন্যায় প্রতিমূর্তিগুলিকে খোদাতায়ালা বলিয়া সম্মান প্রদর্শন করেন নাই । এ সম্বন্ধে শ্রীযুক্ত কৃষ্ণকুমার মিত্র মহাশয় ভুল ধারণার বশবর্তী হইয়া হজরত মহম্মদ “পয়গম্বর” হইবার পূর্বে দেবদেবীর উপাসনা করিয়াছিলেন বলিয়া উল্লেখ করিয়াছেন । মিত্র মহাশয়ের ঐ উক্তি সম্পূর্ণ প্রমাণ বহির্ভূত । বরং হজরত মহম্মদ বাল্যকাল হইতেই খোদাতার ও সময়ে সময়ে খোদাতায়ালা চিন্তায় অভিভূত থাকার বিষয় ইতিহাস জলস্ফুভাবে সাক্ষা প্রদান করিতেছে । এষ্ট সময়ে মক্কা মহরতীর অবস্থা এরূপ শোচনীয় হইয়াছিল যে, তাহা লেখনীতে বর্ণনা করা যায় না । পবিত্র কাবাগৃহটী সুরাপায়ী মাতালগণের এক প্রধান আখড়ার পরিণত হইয়াছিল । সেই সময়ে কাবাগৃহটী দর্শন করিলে মন্দিরালয় বলিয়া অনুমিত হইত । নগরবাসী স্ত্রী পুরুষ সকলেই সুরাপানে মত্ত থাকিত । সেই সময়ে কেবল একটী পবিত্রহৃদয় দুবক দূর হইতে ঐ সকল বিতংস-কাণ্ড দর্শন করিয়া নরপিলাচদিগের জন্ত সর্বদা আক্ষেপ করিতেন এবং সদা সর্বদা তাহাদের জন্ত বিবাদিত অবস্থায় কাল বাপন করিতেন । এদিকে আবার সাধারণ চিত্তকর কার্যে সকলের সঙ্গে সহাস্তবদনে মিলিত হইতেন । কেহ বিপদে পতিত হইলে তিনিই সর্বাগ্রে তাহাকে সাহায্য করিতে অগ্রসর হইতেন । মানব সমাজের মধ্যে অবস্থিতি করিয়া এবং সর্ব প্রকার সাংসারিক কার্যে যোগদান পূর্বক খোদাতায়ালায় ধ্যানে নিমগ্ন থাকা অপেক্ষা রাহেব বা যোগীদের ন্যায় জনসমাজ হইতে পৃথক হইয়া জঙ্গলে বা গিরিশুহার গমনপূর্বক চক্ষু মুদ্রিত করিয়া খোদাতায়ালায় ধ্যানে নিমগ্ন থাকা তত কঠিন কার্য নহে । এইরূপ অবস্থায় তাহার দশ বৎসর কাটিয়া গেল ।

কাবার পুনর্নির্মাণ কার্য ও কোরেশদিগের বিবাদ ভঞ্জন ।

কোন কোন ইতিহাসবেত্তা বলেন যে, কাবার মধ্যে দুইটা স্বর্ণ বিনির্মিত হরিণ (গজ্জালন্ কাবা) ছিল । সেই হরিণদ্বয়ের উদর মধ্যে বহুমূল্য মণিমাণিক্য নিহিত ছিল । কতকগুলি দুর্ভুক্ত লোক সেই সকল বহুমূল্য দ্রব্য আত্মসাৎ করিবার জন্য গুপ্তভাবে কাবার ভিত্তি খনন করিয়া তাহা হস্তগত করে । তজ্জন্ম ভিত্তির পার্শ্বে একটা গভীর গর্ত হয়, সেই গর্তে বৃষ্টির জল প্রবেশ করায় প্রাচীর ভগ্নপ্রায় হইয়া উঠে । আবার কেহ কেহ বলেন যে, কাবার দ্বারগুলি পার্শ্বস্থ ভূমির সহিত সমতল অবস্থায় ছিল বলিয়া বৃষ্টি হইলেই কাবার মধ্যে জল প্রবেশ করিত । এদিকে আবার কাবা বহুদিন নির্মিত হইয়াছিল, তাহার আর জীর্ণসংস্কার হয় নাই, তজ্জন্ম ছাদটা জীর্ণ হইয়া গিয়াছিল । সেই জীর্ণ স্থান দিয়া আবার বৃষ্টির সময়ে জল পতিত হইত । এই সকল কারণে উহা পুনঃসংস্কারের আবশ্যক হয় । কিন্তু প্রথমতঃ কেহই কাবার প্রাচীরগুলি ভগ্ন করিতে সাহস করেন নাই, কারণ সকলেই বলেন, “খোদার গৃহ ভগ্ন করা মহা পাপ ।” আবার কেহ কেহ বলেন, “উহা ভাঙ্গিয়া যখন পুনর্নির্মাণ করিব, তখন আবার পাপ হইবে কেন ?” কিন্তু এরূপ বিশ্বাস সত্ত্বেও কেহই প্রাচীর ভাঙ্গিতে সাহস করেন নাই । এইরূপ গোলযোগে ২৫ বৎসর কাটিয়া গেল । অবশেষে সকলে একত্রিত হইয়া বলেন, “আইস, আমরা আর অসুবিধা ভোগ করিতে পারি না, সকলে প্রাচীরের কিছু কিছু অংশ বিভাগ করিয়া লইয়া উহা ভাঙ্গিয়া পুনর্নির্মাণে প্রবৃত্ত হই, হাতে যদি কোন পাপ হয়, তাহা হইলে আমরা সকলে ঐ পাপের অংশী হইব, আর যদি পুণ্য হয়, তবে আমরা তাহাও সমভাবে প্রাপ্ত হইব ।” এই সকল বিষয় স্থিরীকৃত হইলে, সকলে কাবা ভাঙ্গিয়া ফেলিয়া ভিত্তি উচ্চ করিয়া নির্মাণ করিতে

মনস্থ করেন, কারা তাহা হইলে বৃষ্টির জল আর গৃহ মধ্যে প্রবেশ করিতে পারিবে না। এই সিদ্ধান্তানুসারে কাবার চারিটা প্রাচীরের নির্মাণ তার চারি সম্প্রদায়ের উপর অর্পিত হইল। রোকনে (প্রাচীর) হজরে-আসোয়াদ হইতে এরাফি পর্য্যন্ত প্রাচীরের নির্মাণ তার বনি আবদে-মনাফ ও বনি জহরার হস্তে ; রোকনে এরাফি হইতে সামি পর্য্যন্ত বনি-আসাদ এবনে-আবদল-ওজ্জা ও বনি-আবদল-দারের হস্তে ; রোকনে সামি হইতে হজরে আসোয়াদ পর্য্যন্ত বনি সাহামা ও বনি আদির হস্তে অর্পিত হয়।

সকলে প্রাচীর খনন কার্যে নিযুক্ত হইলেন। যখন তাঁহারা খনন করিতে করিতে উক্ত গর্তের নিকট উপস্থিত হইলেন, তখন গর্ত হইতে একটা প্রকাণ্ড সর্প বহির্গত হইয়া তাঁহাদিগের কার্যে বাধা দিতে লাগিল। তজ্জন্ত তাঁহারা বিধাতার কৃপা ভিক্ষা করেন। তদনন্তর এক দিন সর্পটা গর্ত হইতে বাহির হইবামাত্র একটা পক্ষী আসিয়া তাহাকে লইয়া গেল। ইহাতে তাঁহারা ভাবিলেন যে, কাবা নির্মাণে খোদাতার কৃপা কোন আপত্তি নাই। তখন তাঁহারা পুনরায় উৎসাহ সহকারে প্রাচীর ভগ্ন করিতে লাগিলেন। এক দিন এক খানি প্রস্তর খনন করিয়া বাহির করিলে, তাহা আবার হঠাৎ গড়াইয়া গিয়া পূর্বস্থানে পতিত হইল। তদর্শনে সকলে ভাবিলেন যে, বোধ হয় এ কার্য বিধাতার অভিপ্রেত নহে। এক জন বলেন, “সত্বপায়ে অর্থোপার্জন দ্বারা কাবার নির্মাণ-কার্য সম্পন্ন করা উচিত।” তজ্জন্ত সকলে সত্বপায়ে অর্থ সংগ্রহ করিলেন। কিন্তু কেহ প্রাচীর খননে পুনঃপ্রবৃত্ত হইতে সাহস করিলেন না। পরে অলিদ-বেন-মগিরা মাবুল হস্তে অগ্রসর হইয়া প্রাচীর খনন করিতে লাগিলেন ; তৎপরে অপরাপর সকলে তাঁহার অনুসরণ করিল। এই সময়ে রোযনগরের এক খানি অর্ণবপোত মন্দির নিকটস্থ সমুদ্রে

জলমগ্ন হয় ; তাহাতে বকুম নামক এক জন বহুদর্শী শিল্পী ছিল, সে অতি কষ্টে তীরে উপনীত হইল । অলিদ এই সংবাদ পাইয়া বকুমকে আনিয়া কাবা নির্মাণ কার্যে নিযুক্ত করিলেন । এইরূপে ৬০৫ খ্রীঃ অব্দে কাবার নির্মাণকার্য শেষ হইয়া গেল ।

অবশেষে হজরে আসোন্নাদকে কোন্ ব্যক্তি নির্দিষ্ট স্থানে স্থাপন করিবে, ইহা লইয়া বড় গোলযোগ উপস্থিত হইল । প্রত্যেক দলস্থ লোক হজরে আসোন্নাদকে স্থাপন করিতে ব্যাকুল হইয়া পড়িল । কেহ কাহার কথায় মনঃসংযোগ করিল না । আবদল-দারের বংশীয় লোকগণ প্রতিজ্ঞাবদ্ধ হইল যে, “আমাদের দলস্থ এক জন লোক জীবিত থাকিতে অন্য দলস্থ লোকদিগকে এই পবিত্র কার্যে কোন ক্রমেই সম্পন্ন করিতে দিব না ।” এই প্রতিজ্ঞাকে “আক্‌দোদম” অর্থাৎ শোণিতের প্রতিজ্ঞা বলে । অবশেষে তুমুল যুদ্ধ আরম্ভ হইল । এইরূপে কিছু সময় অতীত হইয়া গেলে, অলিদ-বেন-মগিরা বলিলেন, “এইরূপ বিবাদে অনর্থক আমাদের ধ্বংস হওয়া অপেক্ষা কোনরূপ বন্দোবস্ত করা উচিত ।” সকলে এই প্রস্তাবে সম্মতি দান করিলে, অলিদ বলিলেন, “যে ব্যক্তি অতি প্রত্যাঘে বনি-সায়বা দ্বার দিয়া বাহির হইবে, সেই ব্যক্তি আমাদের বিবাদের মীমাংসা করিয়া দিলে আমরা তাঁহার উপদেশানুসারে কার্য করিব ।” এই কথায় সকলে সূর্যোদয়ের পূর্বে উক্ত দ্বারে গিয়া বসিয়া রহিলেন । যথাকালে দেখিতে পাইলেন যে, হজরত মহম্মদ ঐ দ্বার দিয়া বাহির হইতেছেন । তখন তাঁহার বয়ঃক্রম ৩৫ বৎসর ছিল । সকলে বলিলেন, “মহম্মদ সুবিবেচক, ইহার কথা কেহ অগ্রাহ্য করিব না ।” তৎপরে তাঁহারা হজরত মহম্মদের উপর বিবাদ মীমাংসার ভার দিলেন । হজরত মহম্মদ সকলের বিভিন্ন মত শ্রবণ করিয়া স্বীয় গাত্র হইতে এক খামি বস্ত্র লইয়া ভূমিতলে বিস্তৃত করিলেন এবং সূর্যোদয়ে হজরে

আগোয়াদকে উত্তোলনপূর্বক উক্ত বস্ত্রের মধ্যস্থানে রাখিয়া বলিলেন, “প্রত্যেক সম্প্রদায়ের প্রধান ব্যক্তি এই বস্ত্রের কোণ ধরিয়া উত্তোলন করুন; ইহাতে সকল সম্প্রদায়েরই পুণ্যের সঞ্চায় হইবে।” চারি দলের প্রধান পুরুষ—আত্বা-এবনে-রাবিয়া, আবুজম্বা, হোজাইফা-এবনে-মাগিরা এবং আদি-এবনে-কায়াস কর্তৃক প্রস্তরখানি সমভাবে উত্তোলিত হইলে, কে উক্ত বস্ত্র হইতে প্রস্তর তুলিয়া উপযুক্ত স্থানে স্থাপন করিবে ইহা লইয়া আবার মহাগোলযোগ উপস্থিত হইল। অবশেষে হজরত মহম্মদ স্বয়ং ঐ প্রস্তরখানি বস্ত্র হইতে লইয়া নির্দিষ্ট স্থানে স্থাপন করিলেন। তখন সমুদয় গোলযোগ মিটিয়া গেল।

দুর্ভিক্ষে দয়ার্দ্রিতা।—এই সময়ে আরবদেশে ভয়ানক দুর্ভিক্ষ উপস্থিত হয়। তখন কোরেশ নেতাগণ সকলেই নিজ নিজ পরিবারবর্গ লইয়া বাতিব্যস্ত, কেহ কাহারও তত্ত্বাবধান করা ত দূরের কথা বরং জিজ্ঞাসা পর্য্যন্ত করিত না। তদবস্থায় বহু লোক অন্নভাবে কালের করালগ্রাসে পতিত হইতে লাগিল। এইরূপ ভয়ানক সময়ে সেই দয়ার সাগর, যিনি মহাবিচারের দিনে “ওম্মতি” “ওম্মতি” বলিয়া ডাকিবেন, তাহার হৃদয় বিগলিত হইয়া গেল। তিনি স্বীয় সহধর্মিণী খোদেজা বিবির সঞ্চিত ধন-রাশি অকাতরে দরিদ্রগণকে বিতরণ করিতে লাগিলেন এবং ধর্মপ্রাণ খোদেজা বিবিও স্বয়ং দীন দরিদ্রদিগের ভরণপোষণে বিশেষ যত্ন লইতে লাগিলেন। ঐ দরিদ্র-তঃখ-প্রপীড়িত দম্পতি তখন দরিদ্রবর্গের পিতামাতা হইয়া উঠিলেন। তাহাদেরই স্নেহ দৃষ্টিতে দরিদ্রদিগের অন্নাত্যাব দূরীভূত হইয়া গেল—অন্নাত্যাব বলিয়া তাহারা কিছুমাত্র জানিতে পারিল না।

আবুতালেব তখন নিতান্ত দারিদ্র্যদশায় প্রপতিত এবং পরিবার পোষণে নিতান্ত অসমর্থ। হজরত মহম্মদ নবম বৎসর বয়সে ঐ

পিতৃব্যের আশ্রয়ে গিয়া পঁচিশ বৎসর বয়ঃক্রম পর্য্যন্ত তাঁহার তত্ত্বাবধানে ছিলেন, তিনি এক্ষণে পিতৃব্যের ঐ ঋণ পরিশোধ দিবার উপযুক্ত সময় বুঝিয়া আবুতালেবের শিশুপুত্র হজরত আলিকে নিজের প্রতিপালনে লইলেন এবং তাঁহার অনুরোধ ও অনুকরণে আবুতালেবের অপর এক পুত্র হজরত জাফরের প্রতিপালন ভার তাঁহার খুল্লতাত হজরত আব্বাস গ্রহণ করিলেন । কেবলমাত্র আকেল নামক পুত্রটাই আবুতালেবের নিকট রহিলেন । এইরূপে সেই মহাভক্তির সময়ে আবুতালেবের সাংসারিক ব্যয়ের অনেক লাভ হইল । হজরত আলি তদবধি অনেক দিন পর্য্যন্ত হজরত মহম্মদের প্রতিপালনাধীনে ছিলেন । হজরত মহম্মদও অপত্য-নিবিশেষে তাঁহার লালনপালন করিতে লাগিলেন ।

ক্রীতদাসগণের প্রতি অনুগ্রহ ।—আরবদেশে দাস-দাসীক্রয়-বিক্রয়ের প্রথা বহুকাল হইতে প্রচলিত ছিল এবং প্রত্যেক সঙ্গতিপন্ন ব্যক্তিরই দাসদাসী থাকিত । কিন্তু আরবে তাহাদের প্রতি নিতান্ত তর্ক্যাবহার, অত্যাচার ও উৎপীড়নাদি করিত । দেশের নিয়মানুসারে নিরীহ দাসদাসীগণকে অকাতরে নানা নিগ্রহ সহ করিতে হইত । আরবগণ কেহই কখনও দাসদাসীগণের দুর্দশা ঘুচাইবার জন্ত কোনরূপ বস্ত্র বা চেষ্টা করেন নাই । হজরত মহম্মদ দাসদাসীদিগের প্রতি সদয় ব্যবহার ও স্নেহ-দৃষ্টিপাত করিবার প্রথম দৃষ্টান্ত প্রদর্শন করেন । ইতিহাসে ঐ ঘটনা এইরূপে উল্লিখিত হইয়াছে যে, জয়েদ নামক এক আরব বালক শত্রুদল কর্তৃক ধৃত হইয়া দাসরূপে বিক্রীত হয় । খোদেজা বিবির ভ্রাতৃপুত্র হাকেম-বেন-খারাম ওকাজ মেলা হইতে উহাকে চারি শত দেবেরম মূল্যে ক্রয় করিয়া খোদেজা বিবিকে উপহার দেন । প্রতিপন্ন্যনা খোদেজা বিবি ঐ দাসকে হজরত মহম্মদের পরিচর্যা জন্ত তাঁহাকে প্রদান করেন । হজরত মহম্মদ ঐ বালকের প্রতি একান্ত

স্নেহপরবশ হইয়া তাহার লালনপালন করিতে থাকেন এবং তাহাকে সর্বপ্রকার স্বাধীনতা প্রদান করেন । তাহার প্রতি হজরত মহম্মদের স্নেহ ও সাদর সম্ভাষণাদি শ্রবণ করিয়া আরববাসী অনেকেই মনে করিত যে, জয়েদ দাস নহে, (হজরত) মহম্মদের পুত্র । জয়েদের পিতা হারেস পুত্রের সন্ধানে মক্কার আসিয়া দেখিল যে, হজরত মহম্মদ তাহাকে দাসত্ব-বন্ধন হইতে সর্বতোভাবে মুক্তি প্রদান করিয়াছেন । হারেস ইহা দেখিয়া জয়েদকে নিজ বাড়ীতে লইয়া যাইবার জন্ত বিস্তর প্রয়াস পাইল, কিন্তু জয়েদ হজরত মহম্মদের স্নেহপাশে একরূপ আবদ্ধ হইয়াছিল যে, সে কোনরূপে পিত্রালয়ে যাইতে সম্মত হইল না । এই জয়েদ যাবজ্জীবন হজরত মহম্মদের নিকট ছিল ।

অল আমিন (বিশ্বাসী)—খোদেজা বিবির সহিত বিবাহের পর ১৫ বৎসর কাল হজরত মহম্মদ নানাবিধ সংকল্প ও সদনুষ্ঠানাদিতে অতিবাহিত করেন । তিনি অসহায়, দরিদ্র, বিধবা ও পিতৃমাতৃহীন বালকবালিকা-গণের একমাত্র সহায় ও আশ্রয়স্থল স্বরূপ হইয়াছিলেন । যাহার যে কোন অভাব বা অভিযোগ হটুক না কেন, সে তৎক্ষণাৎ তাহার বিষয় হজরত মহম্মদের কর্ণগোচর করিত এবং তিনি অবিলম্বে তাহাদের অভাব অভিযোগের বিশেষ প্রতিকার করিতেন । একান্ত সকলে তাঁহাকে “অল আমিন” (বিশ্বাসী) এই গৌরবান্বিত উপাধি প্রদান করিয়াছিল । তিনি যেদিকে চলিয়া যাইতেন, সেই দিকেই ঐ শ্রেণীর লোকে “অল আমিন,” “অল আমিন” বলিয়া চীৎকার করিতে করিতে তাঁহার নিকটে যাইত । তিনি যাহাদের নিকট বাল্যকালে লালিত পালিত হইয়াছিলেন । সেই কোরেশবংশীয়গণও তাঁহার গুণগ্রামে মুগ্ধ হইয়া তাঁহাকে উক্ত-বিধ সম্মানিত উপাধিতে আহ্বান করিতেন । পরম করুণাময় খোদা-তাল্লা তাঁহাকে স্বর্গীয় আদেশে বিভূষিত করিবার পূর্বে তাঁহার বংশধর-

দিগের দ্বারা তাঁহাকে এইরূপ উপাধিতে সম্মানিত করিয়াছিলেন, যাহা অন্য কোন সম্প্রদায়ের মধ্যে দৃষ্টিগোচর হয় না ।

হজরতের পঞ্চত্রিংশ বৎসর বয়ঃক্রম কালের ঘটনা ।

হজরত মহম্মদের পঞ্চত্রিংশ বৎসর বয়ঃক্রমকালে হবিরসের পুত্র ওসমান পৌত্তলিকতাকে অসার বলিয়া জানিতে পারিয়া কনষ্টান্টিনোপলে গমন-পূর্বক খৃষ্টধর্ম্মে দীক্ষিত হয় । সে কাবামন্দিরকে গ্রীক সম্রাটের হস্তে অর্পণ করিবার জন্য ষড়যন্ত্র করে, কিন্তু হজরত মহম্মদ উহা অবগত হইয়া তাহার ষড়যন্ত্র নিষ্ফল করিয়া দেন, তজ্জন্ত তিনি আরববাসিগণের অধিক-তর প্রিয় হইয়া উঠেন । ওসমান কনষ্টান্টিনোপলে পরলোকগমন করেন ।

তৃতীয় পরিচ্ছেদ ।



হজরত মহম্মদের প্রত্যাদেশ (অহি) শ্রবণ ।

হজরত মহম্মদ আরবদিগের পূর্বোক্তরূপ ধর্মবিশ্বাস, কদাচার, কুপ্রথা, সামাজিক বিশৃঙ্খলা, একতাহীনতা, দুর্দর্ষতা ও চরিত্রহীনতা প্রভৃতি দেখিয়া শুনিয়া এবং ঐ সকল অসহ্যবহারই তাহাদের অবনতির মূল কারণ অনুধাবন করিয়া, তাহাদিগকে সংপথে আনিবার ও সং-শিক্ষা দিবার এবং তাহাদিগের অবনতি দূর করিবার জন্য মনে মনে চিন্তা করিতে লাগিলেন । পশ্চিমে লোহিত সাগর, দক্ষিণে আরব সাগর, পূর্বে পারস্য উপসাগর, ইউফ্রেটিস ও তাইগ্রিস নদী এবং উত্তরে প্যালেষ্টাইন প্রদেশ, এই চতুঃসীমার অন্তর্গত সুবিস্তৃত আরব দেশের সর্বত্রই ধর্মহীনতা ও পাপস্রোত প্রবলবেগে প্রবাহিত, দেশের সর্ব-শ্রেণীর লোকই অবনতির অন্ধকূপে নিমজ্জিত । তদুপরি আরবের উত্তরাংশ কনষ্টান্টিনোপলের রোমকরাজের অনুশাসনে শাসিত, লোহিত সাগরের পূর্ব উপকূলের অধিকাংশ স্থলে আভিসিনিয়ার গৃষ্ঠান রাজ-গণের শাসনদণ্ড পরিচালিত, মধ্যস্থিত কতকগুলি মরুময় প্রদেশে স্বাধী-নতা বা যথেষ্টাচার নিয়ম প্রচলিত । এই ভিন্ন ভিন্ন রাজগণের ও শাসনশৃঙ্খলের অধীনতাপক্ষে আনু-আরবজাতির মধ্যে একমাত্র হজরত মহম্মদই আরবের অধিবাসিদিগের ব্যথায় ব্যথিত, বিচলিত ও চিন্তিত ; তাহার সঙ্গে চিন্তা করিবার বা উপায় উদ্ভাবন করিবার একটীও লোক নাই ; এমন কি, আরবদিগের মনে সেরূপ চিন্তার উদ্বেকও হয় নাই ; হজরত মহম্মদ বিষম সঙ্কটে পড়িলেন—তাহার মনের কথা জানাই-

বার কোন লোক নাই—তাহার অস্তরের ব্যথা বুঝিবার কেহ নাই । বিশেষতঃ বংশাবলী ও পুরুষানুক্রমে বহুকাল—বহুশতাব্দী ধরিয়া যে সকল আচার ব্যবহার ও প্রথা পদ্ধতি অবাধে প্রচলিত হইয়া আসিয়াছে— তাহার প্রতি হস্তক্ষেপ করিতে যাওয়া আর আরবদিগের নিকট নিতান্ত পাগল বলিয়া পরিচয় দেওয়া একই কথা । সুতরাং হজরত মহম্মদ মহা বিপদে পড়িলেন । তিনি না আরবদিগের ঐরূপ দুর্দশা দেখিয়া হির থাকিতে পারেন, না তাহাদের দুর্দশা ঘূচাইতে পারেন । পঙ্গুর গিরি উল্লঙ্ঘন ও মুষিকের সাগর বন্ধন সংকল্প যেমন কার্য্যকরী হইতে পারে না, তেমনি হজরত মহম্মদও নিজের সংকল্পকে এক একবার অকার্য্যকর মনে করিতে লাগিলেন । কিন্তু তাহার সংকল্প যাহাতে কার্য্যে পরিণত হইতে পারে, তদ্বিষয়ে অনুক্ষণ চিন্তা ও অনুধ্যান করিতে লাগিলেন । এই বিংশ শতাব্দীর উচ্চশিক্ষার আলোকোদ্ভাসিতা সভ্যতামণ্ডিতা ধরিত্রীর জায় সপ্তম শতাব্দীতে আরবের মরুময় প্রদেশে জ্ঞান বা শিক্ষা ও সভ্যতা বিস্তারের পথ নিরাপদ ছিল না ।

হজরত মহম্মদ সমাজের ব্যথা যেমন অনুভব করিতেন, তেমনি মনে মনে তাহার প্রতিকারের উপায় চেষ্টা করিতেন । সে চেষ্টা ভাবনার আসে না—ভাবিতে ভাবিতে মস্তিষ্ক বিকৃত হইয়া পড়ে, হজরত মহম্মদ সে চিন্তায় নিরন্তর অনরত থাকিতে লাগিলেন । লোক সমাজে থাকিয়া সংসারের নিত্য নৈমিত্তিক গোলযোগের মধ্যবর্তী হইয়া সে উপায় উদ্ভাবিত হইতে পারে না । একান্ত হজরত মহম্মদ ক্রমে আহারাদিতে বীতশ্রদ্ধ হইয়া পড়িলেন । মন সর্বদা উদাস ভাবাপন্ন—সর্বদাই যেন ঘোর চিন্তা কালিমায় তাহার মুখমণ্ডল আচ্ছন্ন । ক্রমে মনের উদাসীনতা তাহাকে বৈরাগ্যের দিকে আকর্ষণ করিতে লাগিল । তিনি নিভৃত স্থান, নির্জন গিরিশৃঙ্গা ও মরুপ্রান্তরে একাকী বসিয়া এক

মনে মুদ্রিত নয়নে যোর চিত্তার সিম্বর থাকিলেন । এই অবস্থার তাঁহার
বয়ঃক্রম যতই বৃদ্ধি পাইতে লাগিল, ততই তদীর নির্জনপ্রিয়তা ও
ধ্যানমগ্নতা ক্রমশঃ বৃদ্ধিত হইতে লাগিল ।

প্রসিদ্ধি আছে যে, হজরত মহম্মদ, প্রেরিত লাভের পঞ্চদশ বৎসর
পূর্বে ইহাতে পথে বা ময়দানে, গমনাগমনকালে সর্বদাই “হে মহম্মদ”
এই শব্দটী শুনিতে পাইতেন, কিন্তু চতুর্দিকে কাহাকেও দেখিতে
না পাইয়া ভীত হইতেন এবং তাহা খোদেজা বিবির নিকট আসিয়া বলি-
তেন । বুদ্ধিমতী খোদেজা বিবি তাঁহাকে ভীত হইতে দেখিয়া বলিতেন,
“আপনি ভীত হইবেন না, খোদাতায়ালি আপনার অমঙ্গল করিবেন
না ।” এই সময়ে নিকটবর্তী বৃক্ষলতা ও প্রস্তরখণ্ডাদি তাঁহাকে সঙ্কো-
ধন করিয়া বলিত, “হে প্রেরিতপুরুষ! আপনাকে সালাম ।”

প্রত্যাদেশ প্রাপ্ত হইবার সাত বৎসর পূর্বে হজরত মহম্মদ সমরে সমরে
গগনমণ্ডলে আলোকরাশি দেখিতে পাইতেন এবং স্বপ্নে নানাবিধ অমাত্ম-
বিক ব্যাপার দর্শন করিতেন । প্রত্যাদেশ শ্রবণ করিবার উপযুক্ত সময়
উপস্থিত হইলে, তাঁহার অন্তর হইতে সাংসারিক যাবতীর স্মৃতিভোগাদি
ক্রমে ক্রমে অন্তর্হিত হইতে লাগিল । তখন কেবল অহোরাত্র নির্জনে
বিগ্নপ্রস্টার ধ্যানে নিযুক্ত থাকিতে তাঁহার মন ব্যাকুল হইয়া উঠিল ।

হেরা গিরি গুহা ।

মন্ডার চতুর্দিক পর্বতমালায় পরিবেষ্টিত ; এই পর্বতশ্রেণী বৃক্ষলতা
শূন্য ও তৃণরাজি পরিশূন্য ; কেবলমাত্র ক্ষুদ্র বৃহৎ নানাবিধ প্রস্তরখণ্ডে
সমাকীর্ণ এবং ইহা নিতান্ত দুরারোহ এবং দুরতিক্রম্য । এই সকল



মকার মানচিত্র ।

হজরত মহম্মদের জীবন চরিত ও ধর্মনীতি ।

M. P. Works.

পর্বতের মধ্যে হেরা পর্বতের বিষয়ই এখানে বর্ণনীয় । হেরা মন্দির উত্তরে তিন মাইল দূরে অবস্থিত ; উহা অধুনা “আলোক পর্বত” (জবল হুর) নামে অভিহিত । ঐ পর্বতের উপর একটা সুগভীর গিরিগুহা ; এই গুহাটী দৈর্ঘ্যে আট হস্ত ও প্রস্থে নূনাদিক দুই হস্ত পরিমিত । ইহা চিরদিন নির্জন, নিঃশব্দ, নিস্তর, বৃক্ষ লতাহীন, জলাশয় হীন, ছায়াহীন, তৃণ পুষ্প পরিবর্জিত ; কেবল মাত্র নীরবতা নিস্তরতাকে সহায় ও সহচর করিয়া পর্বতবক্ষে অবস্থিত । স্বদেশবাসীর ও স্বজাতির ধর্মহীনতার, তর্কিত্য, অবিমূর্খকারিতা, পাপানুরক্তিতার এবং দুর্ব্যবহার ব্যাপিত-প্রাণ হজরত মহম্মদ কখনও স্ত্রী পরিবারাদি লইয়া এবং কখনও একাকী সেই গিরিগুহার নিস্তরতার মধ্যে বসিয়া একাগ্র মনে ধ্যান করিতেন । আবুল ফেদা, এবনে আসির, এবনে হাশ্শাম প্রভৃতি প্রসিদ্ধ ঐতিহাসিক-গণের মতে তিনি সমস্ত ব্রহ্মমান মাস তথায় অবস্থিতি করিয়া, একাগ্র-চিত্তে সর্বশক্তিমান খোদাতায়ালার আরাধনা করিতেন ।

ক্রমে তাঁহার বয়ঃক্রম পূর্ণ চল্লিশ বৎসর হইল । তৎসঙ্গে সেই বিষয়-বাসনাবিরহিত মহান্ হৃদয় সাধুপুরুষের সাধনা সফলতা লাভ করিতে লাগিল ; পরম করুণাময় বিশ্বপ্রপ্টার নৈকট্য লাভের লক্ষণাবলী অনুভূত হইতে লাগিল । নৈশ নিস্তর তরসাজ্জর গিরিগুহা যেন কি এক অভূতপূর্ব আলোকরাশিতে বিভাসিত হইতে লাগিল, খোদাতায়ালার মহিমা কীর্তনচ্ছলে যেন সেই পর্বত-কন্দর আনন্দে নৃত্য করিতে লাগিল ; পর্বতের প্রস্তর কণা সকল যেন সেই মহা সাধকের কর্ণে কর্ণে খোদাতায়ালার মহান্ শক্তির পরিচয় দিতে লাগিল—জ্যোৎস্নারূপি চলিয়া চলিয়া গিরিকন্দরে প্রবেশ করিয়া যেন সেই যোগীপুরুষের পবিত্র বেহে খোদাতায়ালার জ্যোতিঃ কণা বিলেপন করিতে লাগিল—অগণিত—অসংখ্য নক্ষত্রমালা যেন সেই সাধুপুরুষের খোদাতায়ালার

আরাধনা সকল হইতেছে দেখিয়া আনন্দ হাসি হাসিতে লাগিল । পর্বত প্রান্তরের নৈশ সমীর যেন শন্ শন্ শব্দে তাঁহার সাক্ষাতে একেধর-বাদিতার জয় ঘোষণা করিতে লাগিল । প্রাজ্ঞপ্রবর ধর্ম-প্রাণ হজরত মহম্মদ পর্বতকন্দের ভিতরে থাকিয়া ঐ সকল দৃশ্য দেখিয়াই হটক অথবা অনুভব করিয়াই হটক, সেই মহান্ খোদাতালার পুত পবিত্র প্রেমরসে বিগলিত হইয়া একেবারে তন্ময়ত্ব প্রাপ্ত হইলেন । তাঁহার অন্তরাত্মা যেন নখর দেহের বন্ধনপাশ ছিন্ন বিচ্ছিন্ন করিয়া পরমাত্মার মিলিত হইবার জন্ত উদ্গীৰ্ণ হইয়া উঠিল । তিনি সেই তন্ময়তার মধো থাকিয়া তদগত চিত্ত হইয়া অনন্ত প্রেমরসের প্রবল উচ্ছ্বাসে ও ভাবতরঙ্গে হাবুডুবু খাইয়া কত আনন্দ এবং কত আরাম অনুভব করিলেন এবং কি যে অনন্ত জীবন লাভ করিলেন, তাহা লেখনীর বর্ণনার বহির্ভূত । পাঠক, যদি কখনও তাদৃশ মহান্ হৃদয় লইয়া কোন নির্জন গিরিকন্ডরে অবস্থিতি করিয়া সেই প্রেমরস আশ্বাদন করিতে পান, তাহা হইলে বুঝিবেন—আপনি কি অমূল্য ধনরাশি লাভ করিলেন । যাহার সেরূপ যোগ সাধনা অভ্যাস নাই, যে কখনও তেমনিভাবে তন্ময়ত্ব প্রাপ্ত হয় নাই—তাহার মনে সেই গিরিকন্ডরের নিস্তরুতার মধ্যস্থিত অমৃত-নিঃসন্ধিনী মৃতসঞ্জীবনীর সুধাধারা ঢালিয়া দিবার শক্তি লেখনীতে নাই । ভীক্ষুদর্শী এবং ভীতসমালোচক প্রসিক ঐতিহাসিক গিবনও ঐ গিরিকন্ড-ঘটিত ঘটনাবলীর চিত্রাঙ্কন করিতে গিয়া অসাধ্য বিবেচনার আপন্ন তুলিকা উঠাইয়া লইয়াছেন ।

হজরত মহম্মদ হেরাপর্বতের সেই নিভৃত গুহার ধ্যান মগ্নাবস্থায়—“হে প্রেরিত পুরুষ” এই শব্দ শুনিয়া এবং জেরিলের অলৌকিক বিরাটমূর্তি দর্শন করিয়া ভীত কম্পিত কলেবরে গৃহে আসিয়া ষোদেজা বিবির নিকট ভয়ের কারণ বর্ণনা করেন । ষোদেজা বিবি তাঁহার ভয়ের কারণ অবগত

হইয়া প্রবোধ দিয়া বলেন, “আপনি ভীত হইবেন না, বাস্তবিকই স্বর্গীয়-দূত জেব্রিল আপনার নিকট আসিয়াছিলেন । যদি আপনি আমার পিতৃবাতনয় অরাকার নিকট এই বিষয়ের গূঢ়তত্ত্ব অবগত হইতে অনুমতি দেন, তাহা হইলে আমি তাঁহার নিকট ইহা জ্ঞাপন করিতে পারি ।” হজরত ইহাতে কোন আপত্তি করেন নাই ।

অরাকা ইহুদী ও খৃষ্টীয় ধর্ম-শাস্ত্রে সুপণ্ডিত ছিলেন । তিনি সুরিয়ার গমন করিয়া খৃষ্টধর্মে দীক্ষিত হন ও আরবী ভাষায় বাইবেল অনুবাদ করেন । খোদেজা বিবি অরাকাকে জেব্রিলের বিষয় জিজ্ঞাসা করাতে, তিনি বলেন, “জেব্রিল আল্লাহতালার পবিত্র দূত । তিনি মহাত্মা মুসা, ইসা প্রভৃতির নিকট স্বর্গীয় আদেশ আনয়ন করিতেন । কিন্তু এই ঘোর পাপপূর্ণ পৌত্তলিক দেশে কে তাঁহাকে স্মরণ করিল ?” তখন খোদেজা বিবি হজরত মহম্মদের নিকট যেরূপ শুনিয়াছিলেন, তদ্রূপ বর্ণন করিয়া বলেন, “আমার স্বামীর নিকট সেই পবিত্রাত্মা জেব্রিল আসিয়াছিলেন ।” অরাকা বলিলেন, “তবে বাস্তবিকই তোমার স্বামী ধর্ম-প্রচারক এবং জেব্রিল বখার্বই তাঁহার নিকট আসিয়াছিলেন ।” তৎপরে খোদেজা বিবি অরাকাকে জিজ্ঞাসা করেন, “বর্তমান শতাব্দীতে কি কোন ধর্ম-প্রচারকের আবির্ভাব হইবার বিষয় ধর্মশাস্ত্রে কিছু লিখিত আছে ?” অরাকা বলিলেন, “হাঁ আছে ; আমি মহম্মদকে তৎলক্ষণাক্রান্ত দেখিতেছি ।” অতঃপর খোদেজা বিবি হজরত মহম্মদকে অরাকার নিকট আনয়ন করিলেন । অরাকা হজরত মহম্মদকে বলিলেন, “আমি তোমাকে খোদাতায়ালা-প্রেরিত ধর্ম-প্রচারক বলিয়া সাক্ষ্য প্রদান করিতেছি । তোমার নিকট যে পবিত্রাত্মা জেব্রিল আসেন, তিনিই হজরত ইসা ও মুসা প্রভৃতি পূর্ব-ধর্ম-প্রচারকগণের নিকট আসিতেন । এখন হইতে যে আদেশ প্রাপ্ত হইবে, তাহা মনোযোগপূর্বক শ্রবণ

করিও ।” হজরত মহম্মদ অস্বাভাবিক কথা শ্রবণ করিয়া আশ্চর্য হইলেন ।

একদা মহাতপা হজরত মহম্মদ রমজান মাসের সপ্তবিংশ দিবসের মধ্যনিশীথে সেই গিরিকন্দরের নির্জনতার ধ্যানমগ্নাবস্থাপন্ন ; জীবজগত বিরাটদারিনী নিদ্রার মেহালিঙ্গনে অভিভূত, লোকালয়ে, মরুপ্রান্তরে ও পর্বতশিখরে নিস্তরতা যেন আপন পূর্ণপ্রভাব বিস্তার করিয়া রাখিয়াছে । এমন সময়ে সাগরকল্লোলের স্থায় এক গম্ভীর নিনাদে সেই মহাতপার ধ্যান ভঙ্গ করিয়া দিল ; তিনি পুনরায় সেই শব্দের অস্ত উর্ধ্বকর্ণ হইলেন—আবার সেই ভীষণ শব্দ শ্রুত হইল । সহসা সেই ভয়ঙ্কর ভৈরবনাদ শ্রবণ করিয়া ভয়ে তাঁহার হৃদয় বিস্তৃত হইয়া গেল ; সর্ব শরীর ভীষণ বাটিকাকম্পিত কদলীদলের স্থায় প্রকম্পিত হইতে লাগিল । সুতরাং দ্বিতীয়বারের সে শব্দের মর্ম হৃদয়ঙ্গম করিতে পারিলেন না । মহাতপা নির্দাকে, ভয়কম্পিতকলেবরে গিরিগুহার অভ্যন্তরে চারিদিকে দৃষ্টি সঞ্চালন করিতেছেন, এমন সময়ে সহসা এক অপার্থিব জ্যোতিঃ বিকীর্ণ হইয়া সমগ্র গিরিকন্দর আলোকিত করিয়া তুলিল । মহাতপাঃ হজরত মহম্মদ সেই আকস্মিক জ্যোতিঃরাশি দর্শন করিয়া ভয়ে একেবারে আড়ষ্ট ও বাকনিষ্পত্তি রহিত ও শ্বেদসিক্ত কলেবর হইয়া গেলেন । তখনই সেই জ্যোতিঃরাশির মধ্য হইতে এক বিরাট পুরুষ (জেব্রিল) আবির্ভূত হইয়া হজরত মহম্মদকে বলিলেন, “হে মহম্মদ ! আল্লাতায়ালার আমাকে তোমার নিকট পাঠাইয়াছেন, তুমি তাঁহার নিরোদ্ধিত ধর্ম-প্রচারক, আমি তাঁহার দূত রুহোলআমিন (জেব্রিল) ।” তৎপরে তিনি হজরত মহম্মদকে বলিলেন, “একরা” অর্থাৎ পাঠ কর ।” তিনি বলিলেন, “কেনন করিয়া পড়িতে হইবে, তাহা আমি জানি না ।” তখন জেব্রিল তাঁহাকে ধরিয়া হেলাইলেন এবং বলিলেন, “একরা” পাঠ কর ।

হজরত মহম্মদ পুনর্বার কহিলেন, “আমি পড়িতে জানি না ।” ইহা শুনিয়া জেব্রিল তাঁহাকে আবার ধরিয়া হেলাইলেন এবং কহিলেন, “একরা পাঠ কর । হজরত মহম্মদ আবার বলিলেন, “আমি পড়িতে জানি না ।” পুনরায় জেব্রিল তাঁহাকে ধরিয়া হেলাইলেন । পরে জেব্রিল পড়িতে লাগিলেন, হজরত ও তৎসঙ্গে সঙ্গে পড়িতে লাগিলেন । “একরা ; বেএস্মে রাব্বোকাল্লাজি খালাকা ; খালাকাল্ এন্মানা মেন্ আলাক্ ; একরা ; অ রাব্বোকাল্ আকুরানোল্লাজি ; আল্লামা বেল্ কালামে আল্লামাল্ এন্মানা মালাম্ ইয়ালাম্ ।” উক্ত আরবী শব্দগুলি কোরাণ শরিফের ৫৫তী আয়েত ; এই ৫৫তী আয়েতেই সর্বপ্রথমে হজরত মহম্মদ পর্বতগুহার প্রাপ্ত হন । এই আয়েত পাঁচটির অর্থ এই যে—“হে মহম্মদ ! আল্লার নামের প্রসাদে তুমি পড়, যিনি পৃথিবীস্থ সমুদ্র পদার্থের সৃষ্টি করিয়াছেন । যিনি ঘনিভূত রক্ত হইতে মানবকে সৃষ্টি করিয়াছেন । তাঁহারই নামোচ্চারণ করিয়া পাঠ কর, যিনি মানবকে কালি-কলমের ব্যবহার শিক্ষা দিয়াছেন । যিনি মানবাস্তঃকরণকে জ্ঞানরূপ জলে অভিষিক্ত করেন এবং তাহাদের অবিনীত বিষয়সমূহ শিক্ষা দেন । সেই সর্বজ্ঞ খোদাতায়ালার নামোচ্চারণপূর্বক পাঠ কর ।” তদনন্তর হজরত মহম্মদ দেখিতে পাইলেন যে, জেব্রিল তাঁহার সন্মুখদেশে মৃত্তিকায় পদাঘাত করাতে তাহা হইতে জল উখিত হইতে লাগিল । জেব্রিল সেই জলে অজু (হস্ত, পদ, বদনাদি বৈধমতে ধৌতকরণ) করিলেন, হজরত, মহম্মদও সেইরূপে অজু করিলেন । তৎপরে জেব্রিল নামাজ (উপাসনা) পড়িতে লাগিলেন, হজরত মহম্মদও তাঁহার পশ্চাতে তদনুরূপে নামাজ পড়িলেন এবং প্রকারে হজরত মহম্মদ সেই সময়ে নামাজ ও অজুর সমুদ্র পদ্ধতি জেব্রিলের নিকট শিক্ষা করিলেন । এই ঘটনা হজরত মহম্মদের একচল্লিশ বৎসর বয়ঃক্রমকালে সংঘটন হইয়াছিল । এই রজনীকে “লাইলাতোলা কদর”

অর্থাৎ সম্মানের রাজি বলে । এই রাজ্যে সমুদয় পৃথিবীতে শান্তি বিরাজমান হয় । এই সময় হইতে হজরত মহম্মদের নিকট কোরাণ শরিফের সূরা অবতীর্ণ হইতে থাকে ।

“একরা” এই আরবী শব্দটির সাধারণ অর্থ “পাঠ কর ।” কিন্তু কোরাণ শরিফের ব্যাখ্যাকারী কোন কোন সুধী পণ্ডিত “একরা” শব্দের “পাঠ কর” অর্থ না মইয়া “চীৎকার কর” কিম্বা “আহ্বান কর” এই অর্থ গ্রহণ করিয়াছেন এবং হজরত মহম্মদের কথিত “আমি পাঠ করিতে জানি না” শব্দগুলির অর্থ করিয়াছেন—“আমি চীৎকার” বা “আহ্বান করিতে জানি না” । তাঁহাদের মতে উক্ত পাঁচটি আয়েতের অর্থ এই রূপ—“হে মহম্মদ ! যিনি সর্ববিষয়ের সৃষ্টিকর্তা, যিনি ঘনীভূত রক্তপিণ্ড হইতে মনুষ্যের সৃষ্টি করিয়াছেন, তাঁহারই নামে (সমাজকে) আহ্বান কর, যিনি সর্বশ্রেষ্ঠ প্রভু, যিনি লেখনীর ব্যবহার (লেখনীর দ্বারা লিখিবার প্রথা) শিক্ষা দিয়াছেন এবং মনুষ্য যাহা জানিত না, তাহা যিনি শিক্ষা দিয়াছেন, তাঁহারই নামে সমাজকে আহ্বান কর ।”

ধর্মপ্রাণ হজরত মহম্মদ আরবের মধো ধর্ম ও শিক্ষা বিস্তারের প্রয়াস পাইতেছিলেন, একত্র খোদাতালা তাঁহার নামে সমাজকে আহ্বান করিতে শিক্ষা দিলেন । হজরত মহম্মদ আরবদিগের শিক্ষা ও চরিত্র গঠন সম্বন্ধে হতাশ হইতেছিলেন, দৈববাণী খোদাতালার নামে সমাজকে আহ্বান করিতে উপদেশ দিয়া তাঁহার মনে আশার সঞ্চার করিয়া দিল । দৈববাণী ঐ শব্দগুলি দ্বারা ইহা শিক্ষা দিল যে, হে মহম্মদ, কেবল গিরি-শুহায় বসিয়া সমাজের ক্ষত্র, সমাজের মঙ্গলের জন্য চিন্তা করিলে হইবে না । সমাজকে আহ্বান করিতে চাইবে, সমাজ নিজাতুর, সমাজকে আগ্রহিত করিতে হইবে । দৈববাণী আরও উপদেশ দিল যে, মহম্মদ লক্ষ লক্ষ বৎসর ধরিয়া জীবিত থাকিরা অনবরত সমাজকে আহ্বান

করিলে ও অনবরত সমাজকে আগাইবার চেষ্টা পাইলেও মোহনিদ্রার অভিভূত সমাজ কখনও জাগরিত হইবে না ; কখনও উত্তর দিবে না— সমাজকে খোদাতালার নামে—আহ্বান কর, সমাজ উত্তর দিবে ; সেই মহান বিশ্বশ্রষ্টার নামের মহিমায় সমাজের মোহনিদ্রা কাটিয়া যাইবে । হে দয়াময় ! তুমি অসীম, তোমার নামের মহিমাও অসীম—এতত্ত্ব সসীম মানুষও তোমার নামের মহিমায় অলৌকিক কার্য সম্পাদনে কৃতকার্য হয়—ঐশীশক্তি প্রভাবে মানবীয় শক্তিও অসাধ্য সাধনার সমর্থ হয় । অসম্ভব কুসনা সাক্ষাৎ কার্যো পরিণত হয় ! ধন্য তোমার নামের মহিমা ! —ধন্য তোমার নামের গরিমা ! ! ক্ষুদ্রাদপি ক্ষুদ্র লেখক তোমার নামের মহিমা কীৰ্ত্তনে সম্পূর্ণ অক্ষম ।

যাহা হউক, সেই দৈববাণী সমন্বিত উপদেশাবলী যেন মহাপুরুষ হজরত মহম্মদের হৃদয়ফলকে জলন্ত অক্ষরে চিরদিনের জন্ত অঙ্কিত হইয়া গেল । তিনি সেই নিশীথে ত্রাস-কম্পিত-কলেবরে ধীরে ধীরে গৃহান্তিমুখে প্রস্থান করিলেন । পতিব্রতা খোদেজা বিবি স্বামীর গৃহ প্রত্যাগমন জানিতে পারিয়া তৎক্ষণাৎ তাঁহাকে সাদরে গ্রহণ করিলেন । হজরত মহম্মদের তখনও ত্রাস দূর হয় নাই, তাঁহার সর্ব্বাঙ্গ ঘন ঘন কম্পিত হইতেছিল এবং দর দর ধারে স্বেদধারা বিগলিত হইতেছিল । খোদেজা বিবিকে দেখিবামাত্র তিনি বলিলেন, “খোদেজা ! ধর, ধর, আমায় বস্ত্রাবৃত করিয়া ধর (জন্মলোনি)” । খোদেজা বিবি তৎক্ষণাৎ তাঁহাকে শয্যার উপর শায়িত করাইয়া বস্ত্রাবৃত করতঃ চাপিয়া ধরিলেন—সে অবস্থাতেও অনেকক্ষণ পর্য্যন্ত তাঁহার দেহ কম্পনে পুণ্যবর্তী খোদেজা বিবিও কম্পিতা হইতে লাগিলেন । পরে বহু বিলম্বে তাঁহার কম্পন দূরীভূত হইলে তিনি ধীরে ধীরে উঠিয়া বসিলেন, তখন সম্মুখে উপবিষ্টা ত্রয়মালা পতিবেদনা-ব্যাকুলিতা বিবি খোদেজা জিজ্ঞাসা করিলেন, “স্বামিন্

আপনার কি হইয়াছে ? বলুন” । হজরত উত্তর করিলেন, “সর্বনাশ ! সর্বনাশ ! ভয়ঙ্কর ব্যাপার !! আমার অবস্থার বিষয় জিজ্ঞাসা করিও না ; বুঝিবা আমার মস্তিষ্ক-বিকৃতি ঘটিয়াছে ।” খোদেজা বিবি তাঁহাকে সঘো-
 ধন করিয়া বলিলেন, “স্বামিন্, সত্যবাদিন্—পরহিতকারিন্ ! কিসের সর্বনাশ, কিসের ভয়ঙ্কর ব্যাপার—আমি তাহা বিশ্বাস করি না ? কিন্তু নিলীধ সময়ে অরুণোদয়, অমারজনীতে চন্দ্রোদয়, নীতল সরসী সলিলের অনলোদগীরণ, অচল ভূধরবৃক্ষের স্বরিত গমন প্রভৃতি অসম্ভব ঘটনা-
 বলা আপনি প্রত্যক্ষ করিয়াছেন বলিলে, আমি নিঃসঙ্কোচে তাহা বিশ্বাস করিব—কারণ আমি জানি, আপনি চিরকাল সত্যবাদী । সুতরাং আমি কি আপনাকে বিশ্বাস করিব না ? পতিব্রতা স্ত্রী কি কখনও স্বামীকে প্রতি অবিশ্বাস করিতে পারে ? যদি আপনার উপর বিশ্বাস করিবার সম্বন্ধে কোনরূপ দ্বিধা থাকিবে, তবে খোদেজা আপনাকে হইতেই উপ-
 বাচিকাতাবে আপনার চরণতলে আশ্রয় লইবে কেন ? এই খোদেজা—
 এই চিরদাসী খোদেজা মনের দৃঢ়ত্ব ও বিশ্বাস সহকারে তাহার এই কুন্তল হৃদয়খানি আপনার চরণপ্রান্তে উপহার দিয়াছে । কি অসম্ভব ব্যাপার—
 আপনার সর্বনাশ হইবে ! স্বামিন্ ! আপনি দরিদ্রদিগকে অন্ন বস্ত্র দান করেন, আশ্রয়হীনকে আশ্রয় দেন, পিতৃমাতৃহীন অসহায় বালক বালিকা দিগের প্রতি কৃপাদৃষ্টিপাত করেন, বিধবাদের ভরণ পোষণে যত্ন লন, আত্মীয় স্বজনগণের সহিত সদাচার ও সদ্ব্যবহার করেন, স্বদেশী বিদেশী অতিথি পথিক ও পরিভ্রাজক সকলেরই সহিত সাধু ব্যবহার করেন—তবে কেন আপনার অমঙ্গল হইবে ? সংকর্মের ও সদাচারের প্রতিদান কি অমঙ্গল ? সুতরাং আপনি বিকারগ্রস্ত ! ইহা অসম্ভব ! সর্বমঙ্গলময় মঙ্গলনিধান আপনার মঙ্গল করিবেন । অতএব বলুন, আপনার কি হইয়াছে ?”

খোদেজা বিবির সুখাসিক্ত সজ্জাধনে ও আপ্যায়নে মহাপুরুষ পুলকিত হইয়া ধীরে ধীরে তাঁহার নিকট সেই মধ্য নিশার গিরিশুভাষাটিত ব্যাপার বর্ণনা করিলেন । পতিপ্রাণা খোদেজা বিবি তৎক্ষণাৎ সর্বক্ষীত বক্ষে উচ্চৈঃস্বরে বলিয়া উঠিলেন । “আমি খোদাতালার শপথপূর্বক স্বীকার করিতেছি, আপনি তাঁহার উপদিষ্ট ধর্ম প্রচারক, আমি আপনাকে খোদাতালার বার্তাবহ ধর্ম প্রচারক (পয়গম্বর) বলিয়া বিশ্বাস করিলাম এবং আমি ঐ প্রচারকের দাসী হইয়া ধন্য হইলাম ! আমার জগৎ আমার পতিভক্তি এবং পতি আরাধনা আজ সফল হইল ।” প্রেমসী পরী সগর্বে তাঁহাকে “খোদাতালার বার্তাবহ ধর্ম প্রচারক” বলিয়া স্বীকার করায় তাঁহার দেহ মন আনন্দরসে অভিষিক্ত হইয়া গেল—শুক মনে শান্তিবারি সিক্ত হইল । এই নারীকুল বরণীয়া অসামান্য ললনা সন্মুখে “ইসলামের” অনন্ত শান্তিপ্রেমধনে অবগাহন করিয়াছিলেন বলিয়া, আজও বিশ্ব জগতের ইসলাম সমাজ “ওম্মল মোমোনন” বলিয়া ভক্তিগুপ্ত সহযোগে তাঁহাকে সম্মান করিয়া থাকে । ধন্য খোদেজা, ধন্য তাঁহার পতিভক্তি, ধন্য তাঁহার ইসলাম-প্রীতি ! বলিতে গেলে তিনিই ইসলাম প্রচারের ভিত্তিভূমি ! সেই ভিত্তিভূমির প্রাসাদে ইসলাম-প্রাসাদ নভ-স্পর্শী-রূপে দণ্ডায়মান,—ইসলাম আজ দিগন্ত প্রসারিত, জগতের সর্বত্র পরিব্যাপ্ত ; “ইসলাম রবির” শান্ত শুভ্রকিরণে আজ সমগ্র জগৎ উদ্ভাসিত । গিরিকন্দরের একেশ্বরবাদের সেই অব্যক্ত মহান্ ধ্বনি, তাঁহার পতিভক্তি-পবিত্র-হৃদয়ের প্রবল উচ্চাসের সহিত মিশিয়া শত সহস্র বাধা বিঘ্ন অবহেলা করিয়া, বিপুল বিস্তৃত মরুস্থল ও গিরি-প্রান্তর ভেদ করিয়া এবং বিশাল বারিধিবক্ষ বিদীর্ণ করিয়া জগতের সর্বত্র বিকিণ্ড হইয়া পড়িয়াছে ! সেই বিভূপ্রেমের রসাত্তিক্ত মধুর-আরাব—জগতের অসংখ্য নরনারীর প্রবণবিবরে প্রবেশ করিয়া, তাহাদিগকে জরাবার্দ্ধিকা

বিস্তৃত অমর করিয়া তুলিয়াছে ! যাহারা চির বধির, তাহাদেরও শ্রবণ-পটহ এই মহান্ ধ্বনির ষাত প্রতিঘাতে শব্দায়মান হইয়া, তাহার সমুচ্চ-ভাব পরিগ্রহে সমর্থ হইয়াছে ! মোহনিদ্রার অভিভূত, লুপ্তচেতন্য কত সম্প্রদায়, সেই ভীম ভৈরবনিদ্রা জাগরিত ও চেতনাপ্রাপ্ত হইয়া অসাধ্য সাধনা ও করনাতীত কার্যকলাপ দ্বারা জগতের ইতিহাসকে চমকিত করিয়াছে !

চতুর্থ পরিচ্ছেদ ।

দৈববাণীর প্রমাণ আলোচনা ।

নিরপেক্ষভাবে বিচার করিতে গেলে স্পষ্ট প্রতীয়মান হয় যে, সকল প্রাচীন ধর্মের ভিত্তিই দৈববাণীর উপর সংস্থাপিত । দৈববাণীর প্রসাদ লাভ না করিয়া কোন প্রাচীন ধর্মই জগতে আধিপত্য লাভ করিতে পারে নাই । উদাহরণ স্বরূপ আমরা এখানে কতিপয় ধর্ম-প্রাণী মহাদেবতার ঘটনা সংক্ষেপে উল্লেখ করিয়া দিতেছি ।

মহা জলপ্লাবনের বিষয় হজরত নূহ পূর্বে কিছুমাত্র জানিতে পারেন নাই—দৈববাণীই তাঁহার জলপ্লাবনের সংবাদ জানাইয়া দেয় এবং তিনি দৈবদেশে ক্রমেই তাহার প্রস্থত করেন ।*

হজরত এবরাহিমের প্রতি এইরূপ দৈববাণী হয় যে, “আমি তোমা হইতে এক মহাজাতি উৎপন্ন করিব এবং তোমাকে আশীর্বাদ করিয়া তোমার নাম মহৎ করিব ।” †

হজরত এবরাহিম একদিন গ্রীষ্মকালে শিবিরদ্বারে উপবিষ্ট ছিলেন— এমন সময়ে তিনজন পথিককে দেখিতে পাইয়া সযত্নে তাঁহাদিগকে গ্রহণ করেন এবং তাঁহাদের আহারাদির সংস্থান করাইয়া দেন । আহারান্তে ঐ তিন ব্যক্তির মধ্যে একজন কহিলেন, “এই ঋতু পুনরায় উপস্থিত হইলে আমি অবশ্য কিরূপ আদিবন তৎকালে তোমার স্ত্রী

* বাইবেল আদিপুস্তক—৬ অধ্যায় ।

† বাইবেল আদিপুস্তক ১২ অধ্যায় ।

সারার এক পুত্র হইবে ।” তৎকালে হজরত এবরাহিমের বয়স ১০১ ও সারার বয়সক্রম ৯০ বৎসর হইয়াছিল এবং সারার সন্তান জন্মবার কোন লক্ষণই ছিল না । এজন্য সারা সন্তান প্রসব করা অসম্ভব মনে করিয়া হাসিলেন—তাহাতে সেই ব্যক্তি পুনরায় বলিলেন, “কোন কণ্ঠ কি খোদাতালাার অসাধ্য ?” * সেই সময় হইতে সারার গর্ভ সঞ্চার হয় এবং সেই গর্ভে হজরত এসহাকের জন্ম হয় ।

হজরত এবরাহিম আপন পুত্র এসহাককে খোদাতালাার আদেশক্রমে কোরবানী (বলি) দিবার জন্য এক পর্বতের উপর লইয়া যান । তথায় তাঁহাকে কোরবানী দিবার জন্য হজরত এবরাহিম যেমন হস্ত বাড়াইলেন, “তেমন সময়ে আকাশ হইতে মহা প্রভুর দূত তাঁহাকে ডাকিয়া কহিলেন, হে এব্রাহাম, হে এব্রাহাম—বুকের প্রতিকূলে হস্ত বিস্তার করিও না—এখন আমি বুঝলাম, তুমি পোদাতালাকে ভয় কর ।” তৎপর হজরত এবরাহিম পশ্চাদিকের কোণে একটা মেঘ দেখিয়া তাহাই কোরবানী করিলেন ।†

হজরত এসহাকের স্ত্রী রেবেকা এককালে দুই পুত্র গর্ভে ধারণ করেন । ঐ পুত্রদ্বয় গর্ভমধ্যে জড়াজড়ি করার সম্ভবতঃ তিনি বেদনার

* বাইবেল আদি পুস্তক ১৮ অধ্যায় ।

† ঐ ২২শ অধ্যায় । বাইবেলে হজরত এব্রাহিম, এসহাককে কোরবানী দিবার কথা উল্লেখ হইয়াছে এবং কোরান পরীক্ষা, হজরত এসমাইলের কোরবানীর বিষয় লিখিত হইয়াছে । অতএব হজরত এব্রাহিম, দুই পুত্র এসমাইল ও এসহাকের মধ্যে কাহাকে কোরবানী দিতে নিশ্চয় ছিলেন, তাহা লইয়া গোলযোগ বা বিবাদ সম্ভাবনা ।—বিশেষতঃ কোরানের ব্যাখ্যাকারী মুখী মহাত্মাওগের মতে এসমাইলের কোরবানীর সময় হজরত এসহাকের আদৌ জন্ম হয় নাই—অতএব, এসমাইলকে এসহাক ধরিয়া লইবার কোন কারণই থাকিতে পারে না । এতৎসম্বন্ধে পূর্বেই বিস্তৃতভাবে আলোচনা করা হইয়াছে ।

কাতর হইয়া খোদাতালাকে জিজ্ঞাসা করিতে গেলেন—তাছাড়া খোদাতালা উত্তর করিলেন—“তোমার জঠরে দুই জাতি আছে ও তোমার উদর হইতে দুই বংশ বিভিন্ন হইবে; এক বংশ, অল্প বংশাপেক্ষা বলবান হইবে ও জ্যেষ্ঠ কনিষ্ঠের দাস হইবে।” * রেবেকার ঐ গর্ভ হইতে হজরত ইউসা ও ইয়াকুবের জন্ম হয়। জ্যেষ্ঠ ইউসা ও কনিষ্ঠ ইয়াকুবের মধ্যে গুরুতর মনোমালিন্য হইয়াছিল এবং ইয়াকুব জ্যেষ্ঠ জাতীর ভয়ে কেনান হইতে পলাইয়া পদন অরাম নামক স্থানে গমন করিলেন।

হজরত ইয়াকুবের উপাখ্যানে দেখিতে পাওয়া যায় যে, তিনি একাকী সমস্ত রাত্রি মনুষ্যবেশধারী খোদাতালাবার সহিত যুদ্ধ করিয়া “এসরাইল” আখ্যায় আখ্যাত হইলেন এবং বলিলেন “আমি খোদাতালাকে প্রত্যক্ষ দেখিতে পাইলাম, তথাপি আমার প্রাণ বাঁচিল।” †

মহাপুরুষ মুসা—খোদাতালায় পর্ষতে উপস্থিত হইয়া এক ঝোপের মধ্যস্থিত অগ্নিশিখার মধ্যে স্বর্গীয় দূতের দর্শন লাভ করেন—ধূ ধূ করিয়া অগ্নিরাশি জ্বলিতেছে, তথাপি ঐ ঝোপ দগ্ধ হইতেছে না দেখিয়া তিনি ঐ ঝোপের নিকটবর্তী হইলে সেই নির্জন নিস্তর প্রদেশ হইতে গুরু গম্ভীর স্বরে ধ্বনি হইল, “মুসা, পাহকাসহ এই পবিত্র ভূমিতে পদার্পণ করিও না।—আমি তোমার পিতার খোদাতালা, এবরাহিমের খোদাতালা ও ইয়াকুবের খোদাতালা।” মুসা সেই ধ্বনি শুনিয়া ভীত ও কম্পিত কলেবর হইলেন। ‡

খোদাতালা জিজ্ঞাসা করিলেন, “মুসা, তোমার হাতে ও কি ?” মুসা, বিনীতভাবে উত্তর দিলেন “যষ্টি।” তৎপর তিনি খোদাতালায় আদেশ

* বাইবেল আদি পুস্তক ২৫ অধ্যায়। † ঐ ৩২ অধ্যায় ২৫—৩২।

‡ বাইবেল ব্যাভা পুস্তক ৩য় অধ্যায়।

ক্রমে ঐ ঘটি ভূমিতে নিক্ষেপ করিলে, তৎক্ষণাৎ উহা এক বৃহদাকার সর্পে পরিণত হইল—তিনি উহা দেখিয়া ভয়ে সরিয়া পড়িলেন। খোদাতালা পুনরপি আদেশ করিলেন, “মুসা হাত বাড়াইয়া ঐ সাপকে ধরিয়া লও।” মুসা যেমন উহা ধরিলেন, তেমনি উহা পুনরায় ঘটিতে পরিণত হইল। *

এতদ্ব্যতীত ধর্মপ্রচারক যিহোশূয়ের প্রতি দৈববাণী হওয়া, † খোদাতালা ঘূর্নিবায়ুর মধ্য হইতে হজরত আইয়ুবের সহিত বাক্যলাপ করা ‡ এবং আরও অন্যান্য ধর্মপ্রচারকের প্রতি দৈববাণী হওয়ার বিস্তর বিবরণ বাইবেলের পুরাতন নিয়মাবলীর (Old Testament এর) মধ্যে উল্লিখিত হইয়াছে। তৎসমূহের প্রত্যেকের বিবরণ উল্লেখ করিবার এখানে তাদৃশ আবশ্যিকতা নাই। বর্তমানের খৃষ্টান জগত্ যে নূতন নিয়মাবলীর (New Testament) শিক্ষার উপর নির্ভর করিয়া থাকেন, তাহারও ভিত্তি কেবল দৈবঘটনা ও দৈববাণীর উপর সংস্থাপিত। উদাহরণ স্বরূপ এখানে দুই একটি ঘটনার উল্লেখ করা যাইতেছে।

মুসলমান সূক্ষ্মগণের মতে বিবি মরিয়ম (The Vergin Mary) অবিবাহিতা ও চিরকুমারী ছিলেন। কিন্তু খৃষ্টান পণ্ডিতগণের মতে তিনি যোসেফের প্রতি বাগ্দত্তা ছিলেন; যা পরন্তু তিনি ঐরূপ বাগ্দত্তা থাকিলেও কিছা যোসেফের সহিত তাঁহার বিবাহ হইয়া থাকিলেও, তাঁহাদের সহবাসের পূর্বেই মরিয়মের গর্ভ সঞ্চার হইয়াছিল। যদি বলেন, —ঐ গর্ভ পবিত্র আত্মা হইতে নিকট হইয়াছিল। ঐ “পবিত্র আত্মা” শব্দ এখানে স্পষ্টতঃ খোদাতালা শব্দে প্রযোজ্য হইয়াছে—অতএব, খোদা-

* ঐ ৪র্থ অধ্যায়।

† যিহোশূর পুস্তক ৩য়, ৪র্থ অধ্যায়।

‡ ইয়োবের বিবরণ পুস্তক, ৩৮ঃ অধ্যায়। ১। যদি প্রথম অধ্যায়।

তারা যদি মনুষ্য বেষ ধরিয়া স্বাভাবিক ভাবে মরিয়মের গর্ভোৎপাদন করা বিশ্বাস করিতে হয়, তাহা হইলে খোদাতালাকে নিরাকাজ্জ বলিতে পারা যায় না ; তাহা হইলে খোদাতালা হিন্দুর পুরাণোক্ত দেবতাগণের স্তায় আকাজ্জ ও আসক্তিবৃত্ত হইয়া পড়েন । অতএব, আমাদের ধর্মশাস্ত্রের উল্লিখিত খোদাতালায় দূত হজরত জিবরাইল, বিবি মরিয়মের নিকট অবতীর্ণ হইয়া “তোমার গর্ভে এক মহাপুরুষ জন্ম গ্রহণ করিবেন” * বলার তদবধি তাঁহার গর্ভ সঞ্চারিত হওয়া ধরিয়া লইলে, নিরাকাজ্জ ও নিরাসক্ত খোদাতালায় প্রতি মানবীয় স্বভাব আরোপের অভিযোগ করা যাইতে পারে না । সুতরাং কাহারও বিনা সহবাসে, খোদাতালায় আদেশক্রমে সতী সাধবা কুমারী মেরায় গর্ভ সঞ্চারিত হয় ।

মধি বলতেছেন, ঐ গর্ভ লক্ষণ দেখিয়া যোসেফ মেরাকে ত্যাগ করিবার সঙ্কল্প করেন । তৎকালে খোদাতালায় এক দূত স্বপ্নে তাঁহাকে দর্শন দিয়া কহিলেন—“যোসেফ, তোমার স্ত্রী মরিয়মকে গ্রহণ করিতে ভয় করিও না ।” “আর তিনি যে পুত্র প্রসব করিবেন, তাঁহার নাম যীশু রাখিবে ।”†

জুদিয়া প্রদেশের রাজা হেরোদের সময়ে, যীশুর জন্ম হয় । তাঁহার জন্মের পর, বিবি মরিয়মের স্বামী যোসেফ, স্বপ্নযোগে এক স্বর্গীয় দূতের সাক্ষাৎ পান এবং ঐ দূত তাঁহাকে বলেন যে, হেবোদ রাজা শিশু যীশুর প্রাপবধে খড়্গহস্ত । অতএব “ঐ শিশু ও তাহার মাতাকে লইয়া মিসরে পলায়ন কর ।” ঐ স্বপ্নাদেশ প্রাপ্ত হইয়া যোসেফ বিবি মরিয়ম

* কোরান ।

† মধি প্রথম অধ্যায় ।

এবং শিশু যীশুকে লইয়া রাজ্রিযোগে মিসরে পলায়ন করিলেন এবং রাজ্য হেরোদের মৃত্যু পর্যন্ত তথায় অবস্থিতি করিলেন । হেরোদের মৃত্যু হইলে আবার স্বর্গীয় দূত স্বপ্নে যোসেফের নিকট উপস্থিত হইয়া বলিলেন, “উঠ, শিশুটিকে ও তাহার মাতাকে লইয়া ‘ইস্রায়েল দেশে’ (জুদিয়া প্রদেশে) প্রতিগমন কর ।” সুতরাং যোসেফ তাঁহাদিগকে লইয়া জুদিয়া প্রত্যগমন করিলেন । তৎকালে হেরোদের পুত্র ‘আর্খিলাস’ রাজ-সংহাসনে উপবিষ্ট ; যোসেফ ঐ সংবাদ অবগত হইয়া ‘জুদিয়ার’ যাইতে ভীত হইলেন এবং পুনরায় স্বপ্নাদেশ প্রাপ্ত হইয়া গালিল প্রদেশের নাসরৎ নামক নগরে গিয়া বাস করিলেন ।*

মহাত্মা যীশু জর্দ্দন নদীতে অবগাহনপূর্বক পবিত্র হইয়া (বাপ্তাইজিড হইয়া) উঠিলেন, স্বর্গদ্বার তাঁহার নিমিত্ত উন্মুক্ত হইয়া গেল এবং “তিনি খোদাতালার আত্মাকে কপোতের আয় আপনার উপর নামিয়া আসিতে দেখিলেন । আর স্বর্গ হইতে এই বাণী হইল, ইনি (যীশু) আমার প্রিয়পুত্র, ইঁহাতেই আমি প্রীত ।” † বৃষ্টানগণ অস্তরের ভক্তির সহিত ঐ দৈবঘটনা ও দৈববাণী বিশ্বাস করিয়া থাকেন ।

বাইবেলের নূতন নিয়মাবলীর (New Testament) মধ্যে মেস পালকের নিকটও স্বর্গীয় দূতের উপস্থিতি ব্যাপার উল্লিখিত হইয়াছে । লুক বলিতেছেন যে, যীশু জন্মগ্রহণ করিলে, তাঁহার

* মথি ২য় অধ্যায় । নাসরৎ নগর, মূলমহানদীর নিকট নাসেরা নামে অভিহিত ; নাসেরা আরবী শব্দের অর্থ “আশ্রয়” একতর দৃষ্ট ম তাবলম্বীগণ আরবদিগের নিক “নাসেরা” বলিয়া উল্লিখিত হইয়া থাকেন ।

† মথি তৃতীয় অধ্যায় । লুক তৃতীয় অধ্যায় । মার্ক প্রথম অধ্যায় । মার্ক ৩য় অধ্যায়ে আরও উক্ত হইয়াছে—“যীশু চল্লিশ দিন আশ্রয়ে থাকিয়া পরতান কলক পরীক্ষিত হইলেন ; আর তিনি বস্ত পত্রদের সঙ্গে রহিলেন এবং (স্বর্গীয়) দূতগণ তাঁহার পরিচর্যা করিতেন ।

জন্মস্থান অঞ্চলে মেঘপালকেরা রাত্রিকালে প্রান্তরস্থিত মেঘদলের রক্ষণাবেক্ষণ করিতেছিল। এমন সময়ে তাহাদের নিকটে এক স্বর্গীয় দূত দণ্ডায়মান হইলেন এবং তাহাদের চারিদিকে খোদাতালার প্রতাপ দেখাযমান হইল। সেই ব্যাপার দেখিয়া তাহারা একেবারে ভয় বিহ্বল ও ব্যাকুল হইয়া উঠিল। তখন সেই স্বর্গীয় দূত তাহাদিগকে কহিলেন, “ভয় করিও না—আমি তোমাদিগকে মহানকের গুসমাচার জানাইতেছি; সেই আনন্দ সমস্ত লোকেই হইবে।—অন্ত দায়ুদের নগরে তোমাদের জন্ত জাগকর্তা জন্মিয়াছেন; তিনি খৃষ্ট প্রভু।”—অনন্তর একস্মাৎ স্বর্গবাহিনীর এক বৃহৎ দল ঐ দূতের সঙ্গী হইয়া খোদাতালার স্তবগান করিতে লাগিলেন।*

হজরত মুহ, এবরাহিম, ইয়াকুব, মুসা, যিহোশূয়, আইয়ুব এবং যোসেফ ও বাণ্ডর উপর দৈববাণী হইতে পারিলে, ঐ দৈববাণী ও দৈবাক্রিয়া দ্বারা তাহারা ধর্মপ্রচারক পদে বরিত হইতে পারিলে এবং স্বর্গীয় দূত তাহাদের নিকট গমনাগমন করিতে পারিলে, এমন কি মেঘপালকের নিকটেও স্বর্গীয় দূতের আবির্ভাব হইতে পারিলে, হজরত মহম্মদের প্রতি কেন যে দৈববাণী হইতে পারে না এবং কেনই যে দৈবঘটনা বশে পরাৎপর বিশ্বশ্রষ্টার প্রদত্ত সত্য ধর্মজ্ঞানলাভ করিতে পারেন না এবং কেনই যে তাহার ঐ দাবী মিথ্যা সাব্যস্ত হইবে, তাহার কোন কারণ দেখিতে পাওয়া যায় না। কোন ধর্মপ্রচারক উক্তরূপ দৈববাণী ও দৈবঘটনা বশে পরিচালিত না হইলে এবং কেবলই হজরত মহম্মদ ঐ মত প্রচার করিয়া গেলে, অবশ্য তাহা বিশ্বাস করিবার পক্ষে নানারূপ সন্দেহ হইতে পারিত। অতএব সকল ধর্মপ্রচারক, ধর্মসম্বন্ধে অভিন্নত প্রকাশে যখন ঐ এক পথেরই

পাশিক, তখন হজরত মহম্মদের সেইরূপ মতকে কুহেলিকায় বা অন্ধ-
বিশ্বাসমূলক বলা যাইতে পারে না । *

মিঃ গিবন ।— প্রসিদ্ধ ঐতিহাসিক মিঃ গিবন, হজরত মহম্মদের
প্রতি গিব্রিকন্দরের “দৈববাণীকে”, “একাগ্র চিন্তার” ফল বলিয়া
উল্লেখ করিয়াছেন । কিন্তু, তিনি যদি দয়া করিয়া, বীভূত প্রতি
আত্মা কপোতরূপে নামিয়া আসা ও দৈববাণী হওয়া সম্বন্ধে সমালোচনা
করিতে গিয়া, সেই দুই ঘটনাকে একাগ্র চিন্তার ফল বলিয়া, হজরত
মহম্মদ সম্বন্ধে সেইরূপ মন্তব্য প্রকাশ করিতেন, তাহা হইলে অন্ততঃ
তাঁহার সমালোচনা পক্ষপাতশূন্য হইতে পারিত । মিঃ গিবন তাহা
না করিয়া, কেবল হজরত মহম্মদ সম্বন্ধে উক্তরূপ অভিযত প্রকাশ
করায় তাঁহার বিচার সম্পূর্ণ পক্ষপাতিত্ব দোষে দূষিত হইয়াছে ।

দৈববাণীর প্রতি অনাস্থার কারণ—দৈববাণীর প্রমাণ বাহা
উপরে উল্লিখিত হইয়াছে, তদ্ব্যতীত আরও অনেক দৈববাণী ও দৈব
ক্রিয়ার বিষয় বাইবেলের পুরাতন ও নূতন নিয়মাবলীতে স্থান পাইয়াছে ।
কিন্তু ঐ সকল প্রমাণের বর্তমানতা স্বত্ত্বেও এই বিংশ শতাব্দীর সভ্য-
বৃন্দের কেহ কেহ দৈববাণী বা দৈবক্রিয়ার উপর আস্থা স্থাপন করিতে

— * পুরাণ কথনে অনেকেই অবগত আছেন যে, রত্নাকর মহাবৃত্তি করিতেন ; তিনি
নিভাত্ত মূর্খ, দুর্ভিক্ষ ও পাবান প্রকৃতির লোক ছিলেন । তিনি একদা বন মধ্যে একটা
পক্ষীর প্রতি মিবাদকে (বেদকে) পুর লক্ষ্য করিতে দেখিয়া হঠাৎ বলিয়া উঠিলেন,
“মা মিবাদ

প্রতিষ্ঠাং ক্রমসমঃ শাখন্তি সনাঃ ।

যৎ সৌকম্বিন্দাদেকমবধীঃ কামমোহিতম্ ।”

ঐ রত্নাকর মহাবি বাস্তবিক নাম ধারণ করিয়া রামায়ণ নামক মহাকাব্য সংস্কৃত
ভাষায় রচনা করিয়া যান । কথিত আছে যে, বাস্তবিক সরস্বতীর বর লাভ করিয়া
ঐরূপ পণ্ডিত হইতে পারিয়াছিলেন । বাহারি রত্নাকরের ঐরূপ ভাবের পরিবর্তনকে
সভ্য বলিয়া স্বীকার করেন, তাঁহাদের নিকট হজরত মহম্মদের প্রতি দৈববাণী মিবাদ
হইবে কিরূপে ?

চাহেন না। কেননা, পূর্বতন লোকদের মধ্যে অনেকে যেখানে সেখানে আকাশবাণী ও দৈবঘটনার বীজ এরূপ ভাবে ছড়াইয়া গিয়াছেন যে, তাহা হইতে প্রায়ই অনেক আগাছার উদ্ভব হইয়াছে এবং ঐ সকল আগাছা অত্যল্পকাল মধ্যেই কীট-দষ্ট ও ধরণীর ধূলিকণার পরিণত হইয়া কোনূ দিকে উড়িয়া গিয়াছে। সেই সকল আগাছার হঠাৎ উত্থান ও পতন দেখিয়া স্বতঃই মনে হয়, দৈববাণী বা দৈবঘটনার বীজে বুঝি সারবান তরুর উদ্ভব একেবারেই হয় না এবং এই জন্তই দৈব ঘটনার প্রতি কাহারও কাহারও আস্থা স্থাপন করিতে প্রবৃত্তি জন্মে না। কারণ কেহ হয়ত শেওড়াতলার কিছু দিন ধরিয়া বাসিয়া থাকিয়া প্রকাশ করিল—“আমার প্রাত এইরূপ দৈববাণী হইয়াছে।” কেহ হয়ত দুই চারি মাস কোন পীর ফাকির বা সাধু সন্ন্যাসীর চেলা হইয়া থাকিয়া হঠাৎ আপনাকে দৈবজ্ঞ বলিয়া প্রকাশ করিয়া ফেলিল কেহ হয়ত দুই দশ দিন, কোন মসজিদে বা মঠে মন্দিরে থাকিয়া দৈবজ্ঞ সাজিয়া বাহির হইয়া আসিল এবং নানারূপ ‘বুজরগী জাহির’ করিতে লাগিল। বর্তমান যুগে তেমন ভক্তপিশাচের দলও অগণ্য। অতএব এই সকল কারণে দৈববাণীর প্রতি কাহারও কাহারও আস্থা জন্মিয়াছে, সুতরাং আমরা প্রকৃত দৈববাণী সম্বন্ধে কিঞ্চিৎ বৈজ্ঞানিক তত্ত্বের আলোচনা করিতে প্রবৃত্ত হইলাম।

বৈজ্ঞানিক সমালোচনা।—বর্তমান যুগের শিক্ষিত সমাজ প্রায়ই বিজ্ঞানের দ্বারা প্রাপ্ত ও বিজ্ঞানবশে পরিচালিত। সুতরাং বিজ্ঞান যে ঘটনার সমর্থন করে না, সে ঘটনা তাঁহাদের নিকট “ঠাকুর মার” উপকথার জায় নিতান্ত উপহাস্য বলিয়া প্রতিপন্ন হয়। মানব যতই উচ্চ শিক্ষার পথে প্রধাবিত হইতেছে, ততই জ্ঞান বিজ্ঞানের উজ্জল আলোকে উদ্ভাসিত হইতেছে, ততই উচ্চ চিন্তা এবং নিগূঢ়

তবু ভেদের আকাজকা তাহাদের মস্তিষ্কে আলোড়িত করিয়া তুলিতেছে । সেই উচ্চ চিন্তা এবং নিগূঢ় তবুভেদের প্ররাস ও কাণী দেখিয়া তাহার কারণ অন্তেষণে ব্যাপ্ত হওয়া এখনকার যাত্য়াবিক নিরম হইয়াছে । যেখানে কোন ঘটনার কাণী কারণ সম্বন্ধ নির্ণীত হয়, সেই খানেই বিজ্ঞান তাহাকে সত্য বলিয়া প্রকটিত করে । সত্য নিরূপণ সম্বন্ধে ঐরূপ ভাবে বিজ্ঞানের আশ্রয় লওয়া ও যুক্তি-তর্কের প্রয়োগ করা যে, ধর্ম বিকল্প তাহা কোন মতে বলিতে পারা যায় না । বরং শাস্ত্র যাহা বলিয়া যাইতেছে, তাহা সত্য হইতে পারে কি না, অথবা তাহা কুসংস্কারমূলক, তাহার পরীক্ষা কার্যে বৈজ্ঞানিক যুক্তি তর্কের আশ্রয় লইয়া, সত্য অন্তেষণের দিকে অগ্রসর হওয়াই উচিত । কিন্তু, বিজ্ঞান যদিও বর্তমান যুগে উন্নতির উচ্চ শিখরে আরোহণ করিয়া যাইতেছে, যদিও বিজ্ঞানের প্রচার সর্বত্র ব্যাপী হইয়াছে এবং যদিও বিজ্ঞান অনেক আশ্চর্য্য বিষয় আবিষ্কার করিয়াছে, তথাপি উহা এখনও পূর্ণতা প্রাপ্ত হয় নাট ।—বিজ্ঞান এখনও অসম্পূর্ণ, অপরিণত এবং তর্কবিতর্কের বিষয়ীভূত । একজন বৈজ্ঞানিক কোন এক বিষয়ের মীমাংসাকল্পে যে মত প্রকাশ করেন কিম্বা যে পথ অবলম্বন করেন, হরত অন্য বৈজ্ঞানিক সেই একই বিষয়ের মীমাংসা সম্বন্ধে ঐক্যমত ও অন্য পথ প্রদর্শন করেন । এতৎসম্বন্ধে দুই চারিটা দৃষ্টান্ত এই পারচ্ছেদেই প্রসঙ্গ ক্রমে প্রদত্ত হইতেছে । তদ্ব্যতীত অনেক সময়ে অনেক বৈজ্ঞানিকের বহু চিন্তা ও গবেষণায় যে যে কল নিরূপিত হয়, তৎসমুদয় কল ঠিক নির্দেশমত প্রত্যক্ষীভূত হয় না ; কাজেই বিজ্ঞানকে এখনও সর্বত্র সম্পূর্ণ বলিতে পারা যায় না ।

বিজ্ঞান এখন পর্য্যন্ত অসম্পূর্ণ ও অপরিণত থাকিলেও এমাবং কাল অনেক নূতন তবু জগতে প্রচার করিয়াছে এবং কুসংস্কারমূলক জগৎকে

সত্য নিরূপণের জন্য চক্ষু ফুটাইয়া দিয়াছে। সুতরাং এই বিজ্ঞান যদি দৈবঘটনার কোনরূপে সমর্থন না করে, তাহা হইলে দৈব ঘটনার প্রতি কতকটা অনাস্থা জন্মিবার যে সম্ভাবনা নাই, তাহা কেমন করিয়া বলিব ?

একটা বিজ্ঞানের কথা লইয়াই আলোচনা করিয়া দেখা যাউক, উহা যারা অনেক অসম্ভব ব্যাপার সম্ভবে পরিণত ও প্রত্যক্ষীভূত হইবার প্রমাণের সহায়তা করিবে। ঘনঘটাচ্ছন্ন অন্ধকার মধ্যে সৌদামিনীর সূচকল হস্ত কি ভীষণ ! কিরূপ তেজস্কর এবং কেমনই বা বেগবান ! সে হস্ত স্থিরভাবে দেখিবার শক্তি চক্ষুর নাই ; তাহার দিকে একবার মাত্র চাহিলেই চক্ষু সমস্ত অন্ধকার দেখে। সৌদামিনী তাহার সেই চকল হস্ত লইয়া বাহার উপর পতিত হয়, তাহাকে একেবারে ভয়ে পরিণত করিয়া দিয়া কোন দিকে নিমেষের মধ্যে ছুটিয়া যায়, তাহা নিরাকরণ করিতে পারে না। সৌদামিনী এতই তেজোময়ী—এতই জ্বালাময়ী—এতই বেগবতী ! কিন্তু, বিজ্ঞান জগৎকে সেই তড়িৎ উৎপন্ন ও প্রয়োগ করিবার কৌশল শিখাইয়া এক অভূতপূর্ব অলৌকিক ব্যাপারকে মানবের নিত্য সহচর করিয়া তুলিয়াছে। এখন তড়িৎ অতি অল্প সময়ের মধ্যে তারযোগে বহুদূরের সংবাদ বহিয়া আনিতেছে, বৈজ্ঞানিক পাখা আজ্ঞাবহ দাসের স্থায় ব্যঞ্জন করিয়া শ্রান্তি দূর করিয়া দিতেছে। বৈজ্ঞানিক আলোক সর্ববিধ আলোকের শীর্ষস্থান অধিকার করিয়াছে। বৈজ্ঞানিক যান (ট্রামগাড়ী) বিনা ষ্টীমে, বিনা ধূমে এবং বিনা জল অগ্নিতে বিপুল বেগে ইতস্ততঃ প্রধাবিত হইতেছে। প্রকাণ্ড বৈজ্ঞানিক বায়ু-জাহাজ অসংখ্য প্রাণী বহিরা শূন্যপথে উড়িয়া অনায়াসে দেশ বিদেশে, কত বহুর পার্শ্বতাপ এবং ছস্তর বারিধ-বন্ধের উপর দিয়া যাতায়াত করিতেছে। আবার তারশূন্য টেলিগ্রাফের আবিষ্কার

হইয়া অগত্বে চমকিত করিয়াছে। এই বিদ্যাৎ দ্বারা অগতে আরও কত শত নূতন ও আশ্চর্য্য বাণীর সাধিত হইতেছে, তৎসম্বন্ধের এক একটা করিয়া উল্লেখ করিবার তাদৃশ আবশ্যকতা নাই।

এখন বিদ্যালয়সমূহে যথার্থোক্তি বিজ্ঞানশাস্ত্রের অধ্যয়ন চলিতেছে শিক্ষার্থীদিগকে নানারূপ যত্ন সাহায্যে বিজ্ঞানের আশ্চর্য্য কমতা প্রদর্শিত হইতেছে এবং সমস্ত বিজ্ঞানের আলোচনার প্রবল শ্রোত স্বরূপে বেগে প্রবাহিত হইতেছে। কাজেই অগৎ বিজ্ঞানের আশ্চর্য্য কমতা স্পষ্টকল্পিত কমতাবৎ মনে না করিয়া যথার্থ বলিয়া মানিয়া লইতেছে। কিন্তু, একাদম এই বিজ্ঞানের অদ্বুত কমতা মৃত্তিকাগর্ভে এমন ভাবে প্রোধিত ছিল যে, অগৎ উহার সম্বন্ধে কিছুমাত্র অবগত ছিল না। বিজ্ঞানের আশ্চর্য্য কমতা অগৎব্যাপিনী না হইলে, কেহই তাহার উপর এত আস্থা স্থাপন করিতে পারিত না। সেকালে বিদ্যাৎ দ্বারা কোন রূপে মানুষের উপকার হইতে পারে, কেহ এমন কথা বলিলে হরত, তাঁহাকে জনসমাজে পাগল বলিয়া পরিচিত হইতে হইত এবং তাঁহার উক্তিটি প্রলাপ ও হাত্তোদ্দীপক হইয়া পড়িত। তেমনি দৈববাণী রূপ একটা গূঢ়তম্ব ধর্মশাস্ত্রের গর্ভে নিহিত থাকার এবং ধর্ম শাস্ত্রাদি বিদ্যালয়সমূহে অধীত হইবার তাদৃশ নিয়ম না থাকার, শাস্ত্রোক্ত বিষয়গুলির যথার্থতা নিরূপণ সম্বন্ধে যত্ন লইবার কিংবা তৎসম্বন্ধে আলোচনা করিবার সুবন্দোবস্ত না থাকার, ঐ দৈববাণী ও দৈবঘটনা সম্বন্ধীর সত্যাস্থসন্ধানের জ্ঞান বিজ্ঞানের উপর একটা চরিতম্ব আবরণ পড়িয়া গিয়াছে। কাজেই ঐ নিগূঢ় মনস্তম্ব বিষয়ক জ্ঞান ও শিক্ষা কতিপয় সংসারবিরাগী তত্ত্বজ্ঞানীর মধ্যে সীমাবদ্ধ থাকিয়া বাহ্য অগত্বে নিকট প্রসার লাভ করতে পারে নাই এবং শাস্ত্রকথিত দৈবঘটনা, সাধারণের চক্ষে উপকথা রূপে পরিণত হইয়াছে। নতুন খোদাতালাবার

প্রত্যাদেশ যে, কোন ব্যক্তিবিশেষের প্রবণকুহরে দৈববাণীরূপে প্রবেশ করিতে পারে না, এরূপ অসুমান করিবার কোনই সম্ভব কারণ খুজিয়া পাওয়া যায় না।

তাড়িৎ বার্তাবহ । একটু প্রনিধানপূর্বক আলোচনা করিলেই জানা যায় যে, বিজ্ঞান দৈবঘটনা সম্পন্ন হইতে পারিবার বিষয় আমা-দিগের নিকট গতি যুহুর্ন্তে সাক্ষা দিতেছে এবং বিজ্ঞানই দৈবঘটনাকে সজ্ঞা বলিয়া স্বীকার করিবার পক্ষে প্রবৃত্তি দিতেছে। তাড়িৎ-বার্তাবহই তাহার উৎকৃষ্ট প্রমাণ। বহু বৎসরের গবেষণার ফলে বিভিন্ন জাতীয় ধাতুর সংস্পর্শে তাড়িৎ উৎপন্ন হইয়াছে। বৈজ্ঞানিকগণ একটা তামার বাক্স ও একটা দস্তার বাক্স দূরে দূরে স্থাপন করিলেন এবং ঐ দুই বাক্স ভেদ করিয়া এক গাছা তার যোগ করিয়া দিলেন। তারযোগে ঐ দুই ধাতুর বাক্সের সংযোগে তাড়িৎ উৎপন্ন হইল এবং মানবের বুদ্ধি-বলে তাহাকে আবার স্বরবিশিষ্ট করতঃ “টক্ টক্ টরে টকা” ইত্যাদি নানারূপ শব্দে পরিণত করার মানবজাতির প্রভূত উপকার সাধিত হইয়াছে। বৈজ্ঞানিক পণ্ডিতেরা ঐ শব্দগুলির সাঙ্কেতিক নাম রাখিয়া তৎসমুদয় কার্যে পরিণত করিবার চেষ্টা করিতে লাগিলেন। সেই চেষ্টা ও অধ্যবসায়ের ফলে ঐ দুই ধাতুর মধ্যে তারযোগে দূরতর স্থানে সংবাদ প্রেরিত হইবার ব্যবস্থা হইল। একশত মাইল বা পাঁচ শত মাইল দূর ব্যাঞ্ছানই চটক না কেন, একটা বাক্সে যে যে শব্দ করা বাইতে লাগিল, তাড়িৎ-বলে তারযোগে সেই শব্দ অন্য বাক্সে বাইতে লাগিল। ঐ “টক্ টক্ টরে টরে টকা” প্রকৃতি শব্দই বিশ্বজন্যে সংবাদ আদান প্রদানের দূত হইয়া গেল।

বিজ্ঞানই দেখাইয়া দিতেছে যে, প্রাণি-শরীরমাত্রেই তাড়িৎ আছে এবং সেই তাড়িৎ বাহাই স্থলপিণ্ডের সঞ্জন হইতেছে, সেই তাড়িৎকে

ধর্মিণী ও তাহার দ্বারা কার্য্য লইবার কল্পনা জল্পনা চলিতেছে। যদি মানুষশরীরকে প্রাণি-শরীর হইতে বাদ দেওয়া না হয় এবং খোদাতালাকে নিষ্কর্তৃক কল্পনা করা না হয়, তাহা হইলে সেই মহান্ খোদাতালা কি বারবীর তারযোগে কোন ব্যক্তি বিশেষকে কোন সংবাদ দিতে পারেন না? সেই মহান্ খোদাতালায় প্রত্যাদেশ, "টুক্ টুক্ টরে টরে টকা" এই সাক্ষেতিক ধ্বনিতে কি কাহারও প্রাণ নাচাইয়া তুলিতে পারে না? টেলিগ্রাফের তার যখন শত শত কানন, কাঙ্কার, পর্বত, মরুভূমি ও বিশাল বারিধি-বক ভেদ করিয়া দেশ দেশান্তরে সংবাদ আদান প্রদান করিতেছে, তখন খোদাতালাকে যদি মহাকাশের উচ্চতম স্থানে অবস্থিতি করাও ধর্মিণী লওয়া যায়, তবে কি তাহার প্রত্যাদেশ মহাকাশের শূন্যময় দেশ প্রদেশ সকল ভেদ করিয়া পৃথিবীতে আসিতে পারে না?

তারহীন টেলিগ্রাফ। পৃথিবীর অঙ্গ প্রত্যঙ্গ তড়িতে পরিপূর্ণ, বিজ্ঞান বহুকাল যাবৎ সেই তড়িতে বশবর্তী করিয়া তাহার দ্বারা কার্য্য লইবারও চেষ্টা করিয়া আসিতেছিলেন। সে চেষ্টাও সম্ভবিত কলবর্তী হইয়াছে এবং তাহার কলস্বরূপ তারহীন টেলিগ্রাফের আবিষ্কার হইয়াছে। টেলিগ্রাফ করিবার জন্ত এখন আর তার খাটাইতে হইবে না। স্থানে স্থানে তামা ও দস্তার বায়ু বৈজ্ঞানিক প্রক্রিয়া অসুসারে স্থাপন করিলেই তদ্বারা সমস্ত সংবাদ আদান প্রদান চলিবে। এই তারশূন্য টেলিগ্রাফের ক্রমশঃ বহল প্রচলন হইয়া আসিতেছে। অতএব, এই তারহীন টেলিগ্রাফও বিনা তারে দৈববাণী আসিতে পারায় বিশ্বাসকে প্রগাঢ় করিয়া দিতেছে।

টেলিফোন। টেলিফোন নামক সংবাদ আদান প্রদানের যন্ত্রটিও বিজ্ঞান কর্তৃক আবিষ্কৃত হইয়াছে এবং উহা প্রধান প্রধান নগরের মধ্যে 'অক্ষরি' সংবাদ বহিরা লইয়া খুব ক্রতবেগে ছুটাইয়া দিতেছে।

টেলিফোন বজ্রের নিকটে গিয়া যে সকল কথা বলা হয়, উহার তার সেই কথাই বহিয়া অন্য স্থানে লইয়া যায় । সেখানে টেলিগ্রাফের শব্দের জ্ঞান মাত্রেতিক শব্দকে, প্রকৃত শব্দ খাড়া করিবার জন্ত আর পরিশ্রম করিতে হয় নাই । টেলিফোনের ঐ আশ্চর্য ক্ষমতা দেখিয়াও কি আমরা দৈববাণীর সম্বন্ধে নিঃসন্দেহ হইতে পারি না ?

গ্রামোফোন । গ্রামোফোন নামক সঙ্গীত যন্ত্রও দৈববাণীর বখার্বতা সম্বন্ধে আমাদের নিকট জলস্তুভাবে সাক্ষ্য দিতেছে এবং হজরত মহম্মদের কথিত “একরা” প্রভৃতি শব্দগুলি খোদাতালাার বাণী হওয়ার বিবাসকে সুদৃঢ় করিয়া দিতেছে । বহু প্রসিদ্ধ ঐতিহাসিকের প্রমাণে সাব্যস্ত হইয়াছে যে, হজরত মহম্মদ লেখাপড়া জানিতেন না, আরবী ভাষার তাঁহার জ্ঞান ছিল না এবং তিনি কবি বা গ্রন্থকারও ছিলেন না । এমনত অবস্থার তাঁহার মুখ হইতে পরিষ্কার এবং বিগুহ্ণ ভাষার “একরা” প্রভৃতি শব্দগুলি বাহির হওয়া আশ্চর্য ব্যাপার নহে কি ? হাঁ—উহা আশ্চর্য ব্যাপার বটে ; কিন্তু অলৌকিক নহে ! এখন গ্রামোফোন ঐরূপ ব্যাপারকে অলৌকিক বা মানব-সাধ্যাতীত কার্য না থাকা সাব্যস্ত করিয়া দিয়াছে । কোন্ কালে লালচাঁদ বড়াল, ইহ জগৎ হইতে ‘কুচ’ করিয়াছেন, কিন্তু তিনি নির্জনে কক্ষমধ্যে বসিয়া যে গান গাহিয়া নিয়াছেন, সেই গান সেই সুরে ও সেই স্বরে আজিও গ্রামোফোনের প্লেটে উঠিতেছে—ডাক্তার একবার দিল্লীতে বসিয়া যে জাতীর সঙ্গীত গাহিয়াছেন, আজি কলিকাতার বাজারে গ্রামোফোনের প্লেটে, তাঁহার স্বরে সুরে সেই সঙ্গীত বাজিয়া উঠিতেছে । এ প্রকার অসম্ভব ব্যাপারকে আজ যখন মাথা নামাইয়া স্বীকার করিয়া লইতে হইতেছে, তখন হজরত মহম্মদের মুখ হইতে উচ্চারিত “একরা” প্রভৃতি শব্দগুলিকে “দৈববাণী” বলিয়া স্বীকার করিতে কোনরূপ আপত্তি হইতে পারে না ।

খোদাতায়ালার আস্তিত্ব ।

বিষম সমস্যা।—অনেকে বলিতে পারেন, যাহারা খোদাতায়ালার অস্তিত্ব স্বীকার করেন, তাঁহারা কেবল দৈববাণীর যথার্থতা স্বীকার করিতে পারেন। কিন্তু যাহারা তাঁহার অস্তিত্ব অস্বীকার করেন, তাঁহারা তাঁহার 'বাণীর' যথার্থতা স্বীকার করিবেন কিরূপে?—এই বিষম সমস্যার যথার্থ উত্তর দেওয়া নিতান্ত শূকঠিন। এই প্রশ্ন লইয়া কত কাল ধরিয়া কত শত মুনি ঋষি সাধু সন্ন্যাসী ও বিদ্বন্মণ্ডলীর কত জ্ঞান ও কত চিন্তা পর্যাবসিত হইয়াছে, কত কাল ধরিয়া কত শত বৈজ্ঞানিক ও দার্শনিকের মাথ' ঘামিয়াছে, কত শত জ্যোতিষীর গণিত পর্যালোচনা এবং বহু বিনিয়োগ চলিয়াছে—কিন্তু যাহাকে কেহই সাক্ষাৎ ভাবে কোন শরীররূপে প্রত্যক্ষ করেন নাই ও করিতে পারেন নাই, তাঁহার অস্তিত্বের চাক্ষুষ প্রমাণ প্রয়োগ করিবেন কিরূপে? তবে এ কথা নিশ্চয়ভাবে বলা যাইতে পারে যে, সাক্ষাৎ ভাবে খোদাতায়ালাকে প্রত্যক্ষ না করিলেও, ঐ বিদ্বন্মণ্ডলীর অধিকাংশ লোকেই কার্য, কারণ ও সম্বন্ধ দ্বারা খোদাতায়ালার অস্তিত্ব সম্বন্ধে নিঃসন্দেহ হইয়া গিয়াছেন এবং তাঁহাদের প্রকৃষ্ট ঐ সিদ্ধান্ত যুগযুগান্তর ধরিয়া সত্য বলিয়া প্রায়ই সর্ববাদি-সম্মতরূপে সর্বত্র গৃহীত হইয়া আসিতেছে এবং জগতের অধিকাংশ লোকেই ঐ সিদ্ধান্তকে সত্য বলিয়া মানিয়া লইয়া "মহাজনো বেন গত্যঃ স পদ্মা" এই মহাবাক্যের অনুসরণ করিয়া যাইতেছে। জগতে যে সকল ধর্ম প্রাচীন বলিয়া খ্যাতি লাভ করিয়াছে এবং যে সকল শাখা ধর্মের উদ্ভব হইয়াছে, তৎসমূহেরই ভিত্তি যে খোদাতায়ালার অস্তিত্বের উপর প্রতিষ্ঠিত, ইহা দৃঢ় সহকারে বলা যাইতে পারে।

বিজ্ঞানের অসম্পূর্ণতা। বিজ্ঞানের অসাধারণ ক্ষমতা প্রত্যয়ে

অনেক হুন্সাহুন্সাহু অণু পরমাণুর স্থিতি গতি নিরূপিত ও নিরাকৃত হইলেও, খোদাতাওয়ালার অস্তিত্ব সম্বন্ধে বিজ্ঞান এখনও কোন নির্দিষ্ট নিরূপণ করিতে না পারায়, বাহারা কেবলমাত্র বিজ্ঞানের শিক্ষায় শিক্ষিত ও বিজ্ঞানের দীক্ষায় দীক্ষিত, তাঁহাদের অনেকে খোদাতাওয়ালার অস্তিত্ব বিষয়ে সন্দেহান হইতে পারেন। কিন্তু বিজ্ঞান শুধু ঐ একটি বিষয় আবিষ্কার করিতে পারে নাই—এমন নহে; জগতের সহস্র সহস্র বিষয় ও তৎসমুদয়ের স্থিতি গতি এখনও অনাবিষ্কৃত অবস্থায় রহিয়া গিয়াছে।—এমন অনেক পদার্থ আছে, যাহা সাধারণ লোকে দেখিতে পার বা জানিতে পারে, কিম্বা অনুভব করিতে পারে, বিজ্ঞান তেমন অনেক নিত্য পরিদৃষ্ট ও সংঘটিত ব্যাপারের সকল তথ্য সংগ্রহ করিতে পারে নাই। সুতরাং বিজ্ঞান যে কোন বিষয় বা পদার্থের নিরাকরণ করিতে পারে নাই, তাহার অস্তিত্ব যে কোন কালে ছিল না বা নাই কিম্বা থাকিতে পারে না, এরূপ অসুমান সর্ববাদি-সম্মত বলিয়া গণ্য হইতে পারে না। আমাদের এই দৃশ্যমান সৌর জগৎ সম্বন্ধে একটু আলোচনা করিলেই স্পষ্টতঃ জানিতে পারা যায় যে, ইহার মধ্যেই অনেক এমন ব্যাপার অনাবিষ্কৃত অবস্থায় আছে যে, সেখানে বৈজ্ঞানিকের গভীর গবেষণা ও চিন্তা ধারণা প্রবেশ লাভ করিতে পারে না।

সৌর জগৎ । প্রাচীন হিন্দু-পণ্ডিত বরাহমিহিরের মতে সূর্য (সুৰ্য্য), সোম (চন্দ্র), মঙ্গল, বুধ, বৃহস্পতি, শুক্র ও শনি এই সাতটি গ্রহ তৎপরবর্তী জ্যোতিষীদিগের মতে সোম বা চন্দ্র পৃথিবীর উপগ্রহ বলিয়া সাব্যস্ত হইল এবং তৎস্থানে পৃথিবীকে একটি গ্রহ বলিয়া ধরিয়া লওয়া হইল এবং রাহু ও কেতু নামক দুই গ্রহকে যোগ করিয়া মোট নয়টি গ্রহ থাকি অবধারিত হইল। গ্রহগুলির মধ্যে দুটাই হইতেছে প্রধান—গ্রহরাজ। কোন কোন জ্যোতিষীর মতে দুটাই

সৌরজগতের আদি, অপর গ্রহগুলি সূর্য হইতে এবং উপগ্রহগুলি গ্রহদল হইতে বহির্গত হইয়াছে। কিন্তু, এই সূর্যকে সৌরজগতের আদি ও তাহা হইতে গ্রহদল এবং গ্রহদল হইতে উপগ্রহদলের বহির্গত হওয়া ইত্যাদি ব্যাপার সম্বন্ধে কোন চাক্ষুশ প্রমাণ নাই। এখানে চাক্ষুশ প্রমাণের অভাব সত্ত্বেও, কার্য কারণ সম্বন্ধ নির্ণয় দ্বারা ঐক্লপ সিদ্ধান্ত প্রকটিত করা হইয়াছে এবং এ কালের অনেক প্রত্যক্ষবাদীকেও ঐ সিদ্ধান্তের উপর নির্ভর করিতে হইয়াছে।

সূর্য ।—আলোক পরিমাপক যন্ত্র সাহায্যে স্থিরীকৃত হইয়াছে যে, সূর্য পৃথিবী হইতে ৯ কোটি ৫০ লক্ষ মাইল দূরে অবস্থিত। পৃথিবী হইতে সূর্যকে যে আকারের দেখার, সূর্যের আকার তাহা অপেক্ষা অনেক বড় অর্থাৎ এই পৃথিবী অপেক্ষা তের লক্ষ বত্রিশ হাজার গুণ বড়। পৃথিবী হইতে সূর্যের এই দূরত্ব ও প্রকাশিত বিজ্ঞান কর্তৃক নিরূপিত হইয়াছে। যে সূর্য পৃথিবী হইতে ৯ কোটি ৫০ লক্ষ মাইল দূরে থাকিয়াও, গ্রীষ্মকালে পৃথিবীবাসীকে আপন তেজে দহন করিতে থাকে, সেই সূর্যের মেহের তাপ কত? বিজ্ঞান সে তাপেরও পরিমাণ নির্ধারণে যত্ন ও প্রয়াস লইতে এবং শুষ্কতার গবেষণা করিতে সক্ষম থাকেন নাই।—সেই গবেষণার ফলে, আলোকমান যন্ত্র সাহায্যে নির্ধারিত হইয়াছে যে, সূর্যের মেহের তাপমাত্রা ৬০০০ ডিগ্রী। সুতরাং তাহা অতিশয় উত্তপ্ত। সূর্যের অভ্যন্তর ভাগ নানাবিধ গলিত ধাতুর দ্বারা গঠিত এবং সূর্য-মেহের তাপজন্য ঐ সকল ধাতু দ্রবাবস্থায় পরিণত। কিন্তু ঐ সকল দ্রবাবস্থায় ধাতু একেবারে জলবৎ, তরল না থাকার এবং গাঢ় ঘন না হইলেও কিঞ্চিৎ ঘনত্ব বিশিষ্ট থাকার, সূর্যের মেহতাপে তৎসমুদয় উচ্ছলিত হইয়া পড়ে না।—তবে অনবরত তাহা হইতে বৃষ্টি উঠিয়া থাকে এবং কোন কোন বৃষ্টি এক তেজে

ও বেগে কুটিয়া উঠে যে, তদ্বারা সূর্য্যদেহে গভীর ও বৃহৎ গর্ত উৎপন্ন হয়, তাহার এক একটা গর্ত এত বৃহৎ হয় যে, তাহার মধ্যে দুই দশটা পৃথিবীর অনায়াসে স্থান সঙ্কুলান হইতে পারে ।

আমরা যে দৃষ্টিশক্তির প্রভাবে মহান্ খোদাতারালার অস্তিত্ব প্রত্যক্ষ করিতে চাই, তাহার তেজ এত ক্ষীণ যে, ঐ প্রকাণ্ড অবয়বের সূর্য্যকে আমরা একখানি ঝালার মত দেখি ; তাহার দেহস্থ ধাতু বা গলিত পদার্থ কিম্বা তৎসমুদয়ের তেজ বা উল্ক্ষন অথবা তদ্বারা বৃহদায়তন গহবরের অস্তিত্ব কিছুমাত্র দেখিতে পাই না । দূরবীক্ষণ যন্ত্র সাহায্যে এবং কতকটা গণিতের সাহায্যে ও অনুমান বলে আমরা ঐ সকল সিদ্ধান্তে উপনীত হইয়া থাকি । এমত স্থলে খোদাতারালাকে যদি সূর্য্যের মত বৃহদায়তন ও তাদৃশ তেজঃশালী বলিয়া ধরিয়াই লওয়া হয় এবং তিনি যদি সূর্য্য অপেক্ষা আরও ৯ কোটি ৫০ লক্ষ মাইল দূরে অবস্থিতি করেন, তাহা হইলে আমাদের দৃষ্টি সেখানে যাইবে কিরূপে এবং তাঁহারই বা সন্ধান করে কিরূপে ? কাজেই প্রত্যক্ষ দেখিতে পাইলাম না বলিয়া খোদাতারালা যে নাই, একথা বলা ঠিক হয় না ।

জ্যোতিষী ও বৈজ্ঞানিকগণ নানাবিধ লক্ষণ দেখিয়া গণনা করিয়া সিদ্ধান্ত করিয়াছেন যে, সূর্য্য স্বীয় তাদৃশ বৃহৎ শরীর লইয়া নিজের চারি দিকে নিজেই ঘুরিতেছে—স্বীয় মেরুদণ্ড হইতে ঘুরিতে আরম্ভ করিয়া, পুনরায় সেইখানে আসিতে তাহার ২৭ দিন সময় লাগে । আমাদের পৃথিবীর স্বীয় মেরুদণ্ডের চারিদিকে একবার ঘুরিতে ২৪ ঘণ্টা সময় লাগে ; তাহাতে আমাদের এক দিন রাত্রি হয়—ঐ হিসাবে ঘুরিতে গেলে আমাদের ২৭ দিনে, সূর্য্যের এক দিন হয় । পূর্বে যির ছিল—সূর্য্য যির নক্ষত্র ; কিন্তু, এখন সিদ্ধান্ত হইল যে, না উহা যির নক্ষত্র—অপরূপের এই উপগ্রহের চারি দিকে ঘুরিতেছে । অতএব,

কোন একটা বৈজ্ঞানিক বা জ্যোতিষিক সিদ্ধান্তই যে ঠিক, তাহা দৃঢ়ভাবে বিশ্বাস করা এবং শাস্ত্রোন্মোচিত বিষয়কে ভুল ধারণা করা তাহা নিরাপত্তজনক নহে। *

চন্দ্র।—এই যে শূন্য দেশে আমরা চন্দ্রমণ্ডল দেখিতে পাই, উহার দ্বারাও আমাদের খোদাতারানা সম্বন্ধে তথ্যানুসন্ধানের পথ অনেকটা প্রশস্ত হইতে পারে। চন্দ্রকে আমরা যে আকারের দেখি, প্রকৃত পক্ষে তাহার আকার তত ছোট নহে। পৃথিবী হইতে দুই লক্ষ চল্লিশ হাজার মাইল দূরে অবস্থিত বলিয়া চন্দ্রকে আমরা এত ছোট আকারের দেখিয়া থাকি। চন্দ্রমণ্ডল গোলাকার নহে, ডিম্বাকৃতি। ডিম্বকে খাড়াভাবে ধরিলে যেমন দেখায়, উহা সেই রূপ ভাবে, খাড়াভাগের অর্ধেকট পৃথিবীর দিকে রাখিয়া অবস্থিত। সুতরাং পৃথিবীর দিকে স্থাপিত অর্ধেক ভাগই আমাদের দৃষ্টিপথে পতিত হইয়া থাকে এবং চন্দ্রের ঐ অর্ধাংশ সম্বন্ধে আমাদের সমস্ত জ্ঞান সীমাবদ্ধ। কিন্তু দূরবীক্ষণ-বস্তু সাহায্যে চন্দ্রের অপরাধ সম্বন্ধেও অনেক জ্ঞান লাভ হইয়া থাকে। চন্দ্রকে আমরা যেমন জ্যোতির্গণ্য দেখিয়া থাকি, বাস্তবিক পক্ষে তাহা তেমন নহে। তাহা অনেক পর্বতমালায় আচ্ছন্ন ও বরফে আবৃত। তাহার একটা পর্বতশ্রেণী প্রায় ৪০০ মাইল বিস্তৃত এবং ঐ পর্বতশ্রেণীর কোন কোন স্থান প্রায় ১৮ হাজার ফুট উচ্চ। চন্দ্রের আশেপাশস্থানগুলি দূরবীক্ষণে প্রাচীরবেষ্টিত স্থানের মত দেখা যায়—ঐ প্রাচীরগুলি বস্তুতঃ পর্বতশ্রেণী; ঐ পর্বতশ্রেণীর কোন কোন শৃঙ্গ উচ্চ দুই মাইল পর্য্যন্ত উঠিয়াছে।

সাধারণতঃ চন্দ্রকে আমরা নিটোল ও সমতল বলিয়া মনে করিয়া থাকি—উহার গায়ে যে কালো দাগ দেখিতে পাওয়া যায়, তাহাই উহা নিটোল ও সমতল না হইবার প্রমাণ । পূর্ণিমার দিনে ঐ দাগ বেশ স্পষ্ট দেখিতে পাওয়া যায়—উহা একটা দাগ নহে, অনেকগুলি দাগের সমষ্টি । যে কালে দূরবীক্ষ যন্ত্রের আবিষ্কার হয় নাই, সেকালের অনেকে ঐ দাগগুলিকে জলভাগের চিহ্ন বলিয়া মনে করিতেন এবং ঐ দাগগুলিকে চান্দ্রসমুদ্র বলিয়া প্রচার করিয়া থাকিতেন । কিন্তু, এক্ষণে সিদ্ধান্ত হইয়াছে যে, চন্দ্রমণ্ডলে উপস্থিত জল নাই । চন্দ্রপৃষ্ঠে যে সকল গভীর গুহা আছে, ঐ দাগগুলি তৎসমুদ্রের চিহ্নস্বরূপ বিরাজমান । কেহ কেহ বলেন, ঐ গুহাগুলি পূর্বে সমুদ্র ছিল এখন ঐ সমুদ্রের জলরাশি চন্দ্রের দ্বারা শোষিত হইয়াছে । আবার কাহারও কাহারও মতে এইরূপ বে, আগ্নেয় গিরির উদ্গারে চন্দ্রমণ্ডলের অন্তর্ভাগ হইতে গলিত ধাতু প্রস্তরাদি নির্গত হইয়া ঐ স্থানগুলিকে আবৃত করিয়া ফেলিয়াছে ; ঐ গলিত ধাতু পত্রাদি পৃথিবী হইতে কালো দাগ-রূপে দেখা গিয়া থাকে । আবার কোন কোন পণ্ডিতের মতে ঐ কালো দাগগুলি উদ্ভিদের চিহ্ন বলিয়া নিরূপিত ; কিন্তু চন্দ্রমণ্ডলে বায়ু না থাকার তাহাতে কোনরূপ উদ্ভিদ পালিতে পারে না ; অতএব ঐ দাগগুলিকে উদ্ভিদের চিহ্ন ধরিয়া লইবার কোন সম্ভব কারণ নাই ।

এই চন্দ্র অপরাপর জ্যোতিষ্ক অপেক্ষা পৃথিবীর নিকটবর্তী, ইহার অর্ধাংশ প্রত্যহ নানা আকারে পৃথিবী হইতে প্রত্যক্ষ করা গিয়া থাকে । ইহার সমুদ্র অংশের ছবি ফুটোগ্রাফে তোলা হইয়াছে এবং বর্তমান সম্ভব পুঙ্খানুপুঙ্খরূপে ইহার সমুদ্রে জ্যোতিষী ও বৈজ্ঞানিকগণ কর্তৃক আলোচনা ও গবেষণা করা হইয়াছে । ইহার অতি হৃদয়ানুহত তত্ত্ব ভেদ করিবার সম্বন্ধে ছোট বড় সর্বাংশেই দূরবীক্ষণ প্রয়োগের ক্রটি করা

হয় নাই—তথাপি ইহার সুস্পষ্ট কালো দাগগুলি যে প্রকৃত প্রভাবে কি, তাহার চূড়ান্ত মীমাংসা হইয়া উঠিতে পারে নাই। তৎসম্বন্ধে “নানা মুনির নানা মত,” কোন্ মতটী ঠিক বলিয়া গ্রহণ কারব, তাহা স্থির করা যায় না, তবে কিরূপে সকল বৈজ্ঞানিক সিদ্ধান্তকেই ঠিক বলিয়া জানিতে পারি? অতএব, উর্জ্জ্বল হইয়া বলিতে হর, “হে অনাদি অনন্ত খোদাতারাগা, তুমিই সব জ্ঞান; তুমি যাহা জানাইয়া দাও, তাহাই আমরা জানিতে পারি, তুমি যাহা দেখাইয়া দাও, তাহাই আমরা দেখিতে পাই! তুমিই অনন্ত জ্ঞানাধার! কুদ্র বুদ্ধি মানব তোমার নিগূঢ় রহস্য ভেদ করিতে সর্বতোভাবে অসমর্থ।”

চন্দ্র পৃথিবীর চারিদিকে অবিরাম ঘুরিতেছে। চন্দ্রের গতি অপরাপর গ্রহগতি অপেক্ষা দ্রুত, এই দ্রুতগামী চন্দ্র একমাসে একবার আকাশে এক আবর্তন পূর্ণ করে এবং পৃথিবী যেমন এক অহোরাত্রে আপনার চারিদিকে একবার আবর্তন করে, চন্দ্রও সেই সময়ের মধ্যে আপনার অবয়ব প্রদর্শন করে।

মঙ্গল গ্রহ।—মঙ্গলগ্রহ একটা বড় নক্ষত্রের মত দৃষ্ট হইয়া থাকে।* মঙ্গলগ্রহকে ছোট দেখাইলেও উহা আকারে অনেক বৃহৎ—উহার ব্যাস ৪ হাজার ২ শত মাইল, প্রায় পৃথিবীর সাতভাগের একভাগ। উহা সূর্য হইতে ন্যূনাধিক ১৪ কোটি ১০ লক্ষ মাইল দূরে অবস্থিত, উহা যে সময়ে পৃথিবীর নিকটতম স্থানে আসে, তখনও পৃথিবী হইতে ৩ কোটি ৫০ লক্ষ মাইল দূরে অবস্থিত থাকে।† এবং সময়ে সময়ে উহা পৃথিবী হইতে ৪ কোটি ৮০ লক্ষ মাইল দূরে চলিয়া যায়। সুতরাং

* ১৩১৮ সালের মার্চ মাসে সন্ধ্যার পরই মধ্যাকাশে কৃত্তিকা বা সাত ভাগের দক্ষিণে আমরা মঙ্গলগ্রহকে একটা রক্তবর্ণ বড় নক্ষত্রাকারে দেখিয়াছিলাম।

† এইরূপ নিকটবর্তী ১৯০৯ সালের ২৩শে সেপ্টেম্বর ভাগিবে হইয়াছিল।

উহা যে সময়ে পৃথিবীর নিকটতম স্থানে আসে, তখনই উহা সুস্পষ্টভাবে বৃহৎ নক্ষত্রাকারে পৃথিবী হইতে পরিনৃষ্ট হইয়া থাকে ; অতথা বিনা দূরবীক্ষণ সাহায্যে উহাকে দেখিতে পাওয়া যায় না ।

ঐ মঙ্গলগ্রহ চন্দ্রমণ্ডলের স্তায় পরিষ্কার ; এ জন্ত দূরবীক্ষণ-যন্ত্রের সাহায্যে উহার অবয়ব সুস্পষ্টভাবে দেখিতে পাওয়া যায় । চন্দ্রকে বেশ সুন্দর বলিয়া আমাদের মনে হয় ; কিন্তু মঙ্গলগ্রহের সৌন্দর্যের নিকট উহা নিতান্ত অকিঞ্চিৎকর । মঙ্গলগ্রহের কোন কোন স্থান নীলাভ এবং কোন কোন স্থান কমলা রংএ অসুরঞ্জিত । নীলবর্ণাসুরঞ্জিত স্থানগুলিকে মরুভূমি বলিয়া বোধ হয় । পৃথিবীতে ঋতু পরিবর্তনের সঙ্গে সঙ্গে বৃক্ষলতাতির রূপান্তর হয়, তেমনি মঙ্গলগ্রহেরও মরুভূমীতে ঋতু পরিবর্তনের সঙ্গে সঙ্গে বর্ণ পরিবর্তন দেখা যায় । জ্যোতিষীদের মতে কমলাবর্ণ-রঞ্জিত স্থানগুলি মঙ্গলগ্রহের মরুভূমি—মরুভূমিগুলির এক একটা আবার অতি প্রকাণ্ড । ঐ সকল মরুভূমির উপর দিয়া বালুকা-প্রবাহ প্রবাহিত হওয়াও পরিলক্ষিত হয় ।

মঙ্গলগ্রহের দুই মেরুতে দুইটা স্বেতবর্ণ স্থান দেখিতে পাওয়া যায় । জ্যোতিষীরা ঐ স্থান দুইটাকে বরফাবৃত বলিয়া মনে করেন । তাঁহাদের পর্যবেক্ষণে মঙ্গলগ্রহে ৪৩৭টা খাল থাকা নির্দ্বারিত হইয়াছে এবং এক একটা খাল প্রায় ইংলিশ খাঁড়ির মত (২৪ মাইল) প্রশস্ত বলিয়া তাঁহারা মত প্রকাশ করিয়াছেন । অধিকন্তু মঙ্গলগ্রহে বড় বড় সহর থাকা এবং ঐ সকল সহরে বুদ্ধিমান জীব থাকাও জ্যোতিষীদের মতে নিশ্চিত হইয়াছে । অবশ্য ঐ সকল জীব মনুষ্যাকৃতি কি, অস্তরূপ, তৎসম্বন্ধে কোনরূপ মীমাংসা এ পর্যন্ত হইয়া উঠিতে পারে নাই ।

পৃথিবীর মত মঙ্গলগ্রহও সূর্যকে প্রদক্ষিণ করিয়া চলিতেছে ; পার্থক্য এই যে, মঙ্গলগ্রহকে সূর্য প্রদক্ষিণ করিতে যে সময় লাগে,

তাছাড়া আমাদের দুই বৎসর হয় । অতএব আমাদের দুই বৎসরে মঙ্গলগ্রহের এক বৎসর, আমাদের চারি মাসে মঙ্গলগ্রহের এক ঋতু এবং আমাদের দুই দিনে মঙ্গলগ্রহের এক দিন হয় । সেখানে শীত ও গ্রীষ্মের মাত্রাও পৃথিবীর শীত-গ্রীষ্মাপেক্ষা অধিক থাকা ধরিয়া লইতে হয় ।

যে মঙ্গলগ্রহ লইয়া জ্যোতিষা ও বৈজ্ঞানিকদিগের মধ্যে বিস্তর আন্দোলন আলোচনা চলিতেছে ও দূরবীক্ষণ সাহায্যে উহার প্রত্যেক স্থান পরিদর্শন করা হইতেছে এবং ফটোগ্রাফো গ্ৰহণ লওয়া হইতেছে, সেই মঙ্গলগ্রহ সম্বন্ধে পৃথিবীর জনসাধারণ কর্তৃক সন্দেহ লইয়া থাকেন ? কয়জনই বা মঙ্গলগ্রহকে চিনিয়া থাকেন ? আমরা আকাশে লক্ষ লক্ষ তারকাপুঞ্জ দেখিয়া তাহাদের মধ্যে একটী নক্ষত্রকে বৃহৎ ও উজ্জ্বল দেখিয়া মনে করিতে পারি, এইটী হয়ত, তাহাদিগের পিতামহ ! কিন্তু উহা যে এত বড় প্রকাণ্ড এবং উহার মধ্যে যে এত ব্যাপার রহিয়াছে, তাহা আমরা কেমন করিয়া জানি ? আমরা দেখিতে পাই না এবং জানিতে পারি না বলিয়াই কি ঐ সকল ব্যাপার মিথ্যা বা কুসংস্কারমূলক হইবে ? আমরা না দেখা ও না জানার জন্য ঐ সকল ব্যাপার কখনও মিথ্যা বা জ্যোতিষীদের স্বেচ্ছাপোষক হইতে পারে না । অতএব, বৈজ্ঞানিকের বিজ্ঞান ও জ্যোতিষীর দূরবীক্ষণ শক্তি সেই পরাৎপর বিশ্বস্ততা পর্য্যন্ত পৌছিতে না পারিলে, তাহাদের অস্তিত্ব ও ক্রিয়াকলাপ সম্বন্ধে কোনও প সন্দেহ করা যাইতে পারে না । জ্ঞানবৃদ্ধ পারস্যকবি মহাশয় সাদী সত্যই বলিয়া গিয়াছেন,—“গর নাবিনদ বরোজ শব পরা চশম—
চশমারে আপ্তাবরা চে গোনাহ ।”—“চামচিকার চক্ষু যদি সূর্য্য দেখিতে না পার, তাহা হইলে, সূর্য্যের দোষ দেওয়া যাইতে পারে না ।”

বুধ ।—এই বুধগ্রহ অত্যন্ত গ্রহ অপেক্ষা সূর্য্যের নিকটবর্তী বলিয়া

জ্যোতিষগণ কর্তৃক নিরূপিত, কিন্তু নিকটবর্তী হইলেও উহা সূর্য্য হইতে ১ কোটি ৬০ লক্ষ মাইল দূরে অবস্থিত ; উহা দেখিতে একটি বড় তারার মত, কিন্তু প্রকৃত প্রস্তাবে উহা একটি বৃহদায়তন গ্রহ—উহার ব্যাস ন্যূনাধিক ৩০০ মাইল । উহা কত দূরে ? পৃথিবী হইতে অনেক দূরে অবস্থিত বলিয়া উহার সম্বন্ধে জ্যোতিষগণ অত্যাধিক জ্ঞান লাভ করিতে পারেন নাই ।

বৃহস্পতি ।—বৃহস্পতি একটি বৃহৎ গ্রহমধ্যে পরিগণিত ; উহা আকারে আমাদের পৃথিবী অপেক্ষা বৃহৎ—উহার ব্যাস প্রায় সাড়ে আট হাজার মাইল । উহা সূর্য্য হইতে প্রায় ৪৯ কোটি ৪২ লক্ষ মাইল দূরে অবস্থিত ; পৃথিবী হইতে উহার দূরত্ব ৩৯০.৪ নিযুত মাইল । উহা পৃথিবী হইতে এত অধিক দূরে থাকে বলিয়া উহার বিষয়েও অত্যাধিক কিছু জানিতে পারা যায় নাই । তবে উহাকে বৃহৎ-তেজ বৃহস্পতি বলা হইয়া থাকে এবং উহা একটি বৃহৎ তারার মত আমাদের দৃষ্টিপথে পতিত হইয়া থাকে ।

শুক্রে ।—এই শুক্রগ্রহকে কখনও পশ্চিমগগনে সন্ধ্যা-তারারূপে এবং কখনও উহার ললাটে পূর্বগগনে শুক্রতারা বা শুক্রতারারূপে বলমল করিতে দেখিতে পাই । কিন্তু, ইহা একটি প্রকাণ্ড গ্রহ—ঠিক পৃথিবীর সমান না হইলেও ইহাকে প্রায় পৃথিবীর সমান বলা যাইতে পারে । উহার ব্যাস প্রায় ৭৫০০ মাইল ; উহা সূর্য্য হইতে প্রায় ১ কোটি ৭০ লক্ষ মাইল দূরে এবং পৃথিবী হইতে ২৫৭ কোটি মাইল দূরে অবস্থিত । হুতরাং শুক্র, চন্দ্র অপেক্ষা বৃহদায়তন হইলেও ইহা পৃথিবী হইতে একটি তারার মত দেখাইয়া থাকে । অনেকে বলেন, পৃথিবী ও শুক্রের মধ্যে আর কোন গ্রহ নাই—পৃথিবীর এক পাশে শুক্র ও অপর পাশে মঙ্গল-গ্রহ অবস্থিত । মঙ্গলগ্রহ অপেক্ষা শুক্রগ্রহই জীবের আবাসস্থলরূপে

গণ্য হইবার অধিক উপযোগী এবং শুক্রগ্রহেই জীব থাকার অধিক সম্ভাবনা বলিয়া আজকাল অনেক বৈজ্ঞানিক মত প্রকাশ করিতেছেন । পৃথিবী যেমন প্রায় ২৪ ঘণ্টায় নিজের অবয়ব প্রদক্ষিণ করে, তেমনি শুক্রও প্রায় ২৩। ঘণ্টায় নিজের অবয়বের চারিদিকে একবার ঘুরিয়া লয়—ইহা পূর্বে জ্যোতিষিগণের মত কিন্তু এক্ষণে তৎসম্বন্ধে মতভেদ প্রকাশ পাইতেছে ।

শনি ।—সকল গ্রহ অপেক্ষা শনিই সূর্যের অধিক দূরবর্তী । এতদূরের মধ্যে ব্যবধান প্রায় ৮৮ কোটি মাইল । সুতরাং উহা বৃহদায়তন ও উহার ব্যাস ৭০ হাজার মাইল । উহার ও পৃথিবীর মধ্যে দূরত্ব ৭২৩.০০ নিযুত মাইল হইলেও উহাকে পৃথিবী হইতে আমরা একটি বৃহৎ তারকা-কারে দেখিয়া থাকি । শনির সূর্য্য প্রদক্ষিণকাল আমাদের বৎসরের হিসাবে প্রায় ২৯। বৎসর—সুতরাং উহার এক বৎসরে আমাদের ২৯। বৎসর হয় ।

ইউরেনাস ।—ইহা সূর্য্য হইতে প্রায় ১৮০০,০০০,০০০ এক শত আশী কোটি মাইল দূরে অবস্থিত, ইহার ব্যাস প্রায় ৩৩ কি ৩৬ লক্ষ মাইল দীর্ঘ । ইহা আমাদের প্রায় ৮৪ বৎসরে একবার সূর্য্যকে প্রদক্ষিণ করিয়া থাকে । অতএব ইহার এক বৎসর আমাদের ৮৪ বৎসরের সমান । এই গ্রহ পূর্বে আবিষ্কৃত ছিল—১৭৮১ খৃঃ অব্দে জ্যোতিষী সার উইলিয়ম হারসেল কর্তৃক ইহা আবিষ্কৃত হয়, এক্ষণে ইহার অপর নাম “হারসেল” বলিয়া কথিত হয় ।

নেপচুন ।—এ গ্রহটাও প্রকাণ্ড । ইহার ব্যাস ৩৬ হাজার মাইল দীর্ঘ । কিন্তু ইহা সূর্য্য হইতে ২৭৭ কোটি ৫০ লক্ষ মাইল এবং পৃথিবী হইতে ২৬২৮.৪ নিযুত মাইল দূরবর্তী বলিয়া ইহাকেও আমরা একটি বৃহৎ তারার আকারে কখনও কখনও দেখিতে পাই । ইহা আমাদের প্রায় ১৭০ বৎসরে একবার সূর্য্যকে আবর্তন করে ; অতএব ইহার এক বৎসর, আমাদের নিকট ১৭০ বৎসর বলিয়া ধর্তব্য ।

উপগ্রহ ।—উপগ্রহগুলি গ্রহ অপেক্ষা ক্ষুদ্র ; এই উপগ্রহগুলি চন্দ্র বলিয়া আখ্যাত হইয়া থাকে । এ পর্য্যন্ত যতদূর বৈজ্ঞানিক ও জ্যোতিষিগণ কর্তৃক আবিষ্কৃত ও পর্যালোচিত হইয়াছে, তাহাতে ১৮টা উপগ্রহ বা চন্দ্রের সন্ধান পাওয়া গিয়াছে ; আমাদের দৃশ্যমান চন্দ্র তাহাদের মধ্যে একটা । এই এক চন্দ্র যেমন পৃথিবীকে আবর্তন করিতেছে, তেমনি বৃহস্পতি গ্রহকে চারিটা, শনিকে ৮টা, ইউরেনাসকে ৪টা এবং নেপচুনকে ১টা চন্দ্র প্রদক্ষিণ করিতেছে । আমাদের দৃশ্যমান চন্দ্র ছাড়া অপর ১৭টা চন্দ্র আমরা বিনা দূরবীক্ষণের সাহায্যে দেখিতে পাই না—তাহার কারণ এই যে, ঐ চন্দ্রগুলি গ্রহ অপেক্ষা ক্ষুদ্রায়তন এবং পৃথিবী হইতে অনেক দূরে তাহারা বিচরণ করিতেছে ।

ক্ষুদ্রগ্রহ ।—ঐ সকল গ্রহ উপগ্রহ ছাড়া কতকগুলি ক্ষুদ্র গ্রহেরও বিষয় জ্যোতিষিগণ উল্লেখ করিয়া থাকেন ; তৎসমুদয়ের সমষ্টি ৩২১টা । ঐ ৩২১টা ক্ষুদ্র গ্রহ, মঙ্গলগ্রহ ও বৃহস্পতি গ্রহের পশ্চিমধ্যে আবিষ্কৃত হইয়াছে । অতএব, পৃথিবীকে লইয়া নয়টা গ্রহ, ১৮টা উপগ্রহ এবং ৩২১টা ক্ষুদ্র গ্রহ, সর্বসমেত ৩৪৭টা গ্রহ উপগ্রহ অনবরত সূর্যের চারিদিকে প্রদক্ষিণ করিয়া বেড়াইতেছে । সূর্য এবং ঐ সকল গ্রহ উপগ্রহ লইয়া সৌরজগৎ প্রতিষ্ঠিত ; আমরা যেমন পৃথিবী-গ্রহের অধিবাসী, তেমনি অপরাপর গ্রহ ও উপগ্রহের মধ্যে কোন জীব আছে কি না, তাহার স্থির সিদ্ধান্ত এ পর্য্যন্ত হইয়া উঠে নাই—মঙ্গল ও শুক্রগ্রহে জীব থাকার অনুমান যেমন অনেকে করিতেছেন, তেমনি অপরাপর গ্রহ ও উপগ্রহে জীব থাকিতে পারে না কেন—তাহারও নীমাংসা অদ্যাপি হইয়া উঠে নাই । এই দৃশ্যমান সৌরজগতের প্রধান প্রধান বস্তু গুলিতে কোন জীব থাকা না থাকাই যখন স্পষ্ট নীমাংসা গণিত, বিজ্ঞান বা জ্যোতিষে করিতে পারিল না, তখন সৌরজগতের বাহিরে

কি আছে, কি নাই, কি হইতেছে, কি না হইতেছে তাহার মীমাংসা হইবে কিরূপে? সৌরজগতে বাণ করিয়া ষাঁহাদের ধ্যান ধারণায় ঐ জগতের সমাক্ৰমণ আসিতে পারে নাই, তাহারা যদি উহার বাহিরের খবর দিতে যান, তাহা হইলে অবশ্য বলিতে পারা যায়—“তোমরা যখন নিজের ঘরের সব খবর জান না, তখন কোন্ মুখে পরের ঘরের সংবাদ বলিতে যাও?” তাহাদের ঐরূপ চর্চাকে অনধিকারচর্চা বলিবার পক্ষে কোন বাধা হইতে পারে না ।

নক্ষত্র ।—গ্রহের পরই নক্ষত্রের কথা । নক্ষত্র যে কত সহস্র, লক্ষ বা কোটী, তাহা অনা্যাপ গণিতের ভিতর আসিতে পারে নাই । নক্ষত্রমালার স্থিতি নির্ণয় এবং তাহাদগকে গণিতের সাধারণ মন্থো আনিবার জন্ত জ্যোতিষী ও বৈজ্ঞানিকগণ নানারূপ কৌশল করিয়াছেন, ফটোগ্রাফের প্লেটে নক্ষত্রপুঞ্জের কত শত প্রতিকৃতি উঠাইয়া লইয়াছেন; কিন্তু তৎসমুদয় চেষ্টা ও যত্ন এবং পরিশ্রম দ্বারা কোন ফল হইতে পারে নাই । নক্ষত্রলোকের একখানি ফটোগ্রাফ হাতে করিলেই দেখিতে পাওয়া যায়, তাহার সমগ্র শৃঙ্খলে এমনভাবে পরিব্যাপ্ত যে, কোন স্থানে তিল পরিমাণ ফাঁক দেখিতে পাওয়া যায় না এবং নক্ষত্রগুলি বড়ই বিশৃঙ্খলভাবে বিস্তৃত ।

আমরা ঐ সকল নক্ষত্রের মধ্যে যেগুলিকে দেখিতে পাউ, সেগুলি আকারে ছোট ও ক্ষীণ জ্যোতিঃ বলিয়া বোধ হয় । কিন্তু প্রকৃত প্রস্তাবে ঐ সকল নক্ষত্রের এক একটা, সূর্যের মত বৃহদায়তন বিশিষ্ট এবং জ্যোতির্শয় । উহারা পৃথিবী হইতে অনেক দূরে আছে বলিয়া পৃথিবী হইতে তাহাদের অবদ্বব এত ছোট ও ক্ষীণ-জ্যোতিঃ দেখাইয়া থাকে । ঐ সকল নক্ষত্র পৃথিবী হইতে কত দূরে অবস্থিত, তাহার নিরাকরণ করিতে গিয়া জ্যোতিষকে ও পরাস্ত মানিতে হইয়াছে । তাহাদের

নিকট পর্য্যন্ত বিজ্ঞানের জ্ঞান ও গণিতের গণনা পৌঁছিতেই পারে নাই। অসংখ্য নক্ষত্রের মধ্যে এক শতেরও দূরত্ব পরিমাণ আজিও বহু চিন্তা, গবেষণা ও চেষ্টা পরিশ্রমে নির্ণীত হইতে পারিল না।

কোন কোন নক্ষত্রপুঞ্জ পৃথিবী হইতে এত দূরে অবস্থিত যে, তৎসমুদয়ের আলোক রশ্মি দূর পথ অতিক্রম করিয়া পৃথিবী পর্য্যন্ত আসিতে একশত বিংশতি বৎসর পরিমাণ দীর্ঘকাল কাটিয়া যায়। আবার কোন কোন নক্ষত্রের আলোক-রশ্মি প্রতি সেকেন্ডে এক লক্ষ আশী হাজার মাইল ছুটিয়া পৃথিবী পর্য্যন্ত আসিতে ৯ বৎসর কাল সময় লাগে।

যেমন গ্রহ উপগ্রহগণ অবিরাম গতিতে ছুটিতেছে—নক্ষত্রগণও সেইভাবে ছুটাছুটি করিতেছে। নক্ষত্রগণকে সাধারণতঃ স্থির বলিয়া মনে হয়—কিন্তু বস্তুতঃ উহারা স্থির নহে; স্বঃই চঞ্চল। যাবতীয় পদার্থ ও পদার্থসমূহের প্রত্যেক অণুসমূহও অস্থির—চঞ্চল। তবে স্থির কে? যিনি অনাদি অনন্ত খোদা গালা তিনিই স্থির।

কতগুলি নক্ষত্র বে সূর্যের মত বৃহৎ এবং জ্যোতিঃসম্পন্ন তাহাও গণনার আসে নাই—অতএব আমাদের দৃশ্য সূর্যের ন্যায় অসংখ্য সূর্য্য বিশ্ব-নির্মাতার বিশ্ব জগতে নিয়ত বিচরণ করিতেছে, অথচ আমরা দৃষ্টি দ্বারা এবং দূরবীক্ষণের সহায়তায় বহু বহুপৃষ্ঠিক দেখিয়াও তাহাদের স্থিরীকরণ করিতে পারি না; তবে আমরা সেই অনাদি অনন্ত খোদা গালাকে কিরূপে অদ্যন্ত বুঝিবার দাবী করিতে পারি? বিশ্বমণ্ডল যে কত বড় তাহারই এখন নিরাকরণ হয় না, এখন বিশ্বগাত্র নিরাকরণ হইবে কিরূপে?

ধূমকেতু। গ্রহ নক্ষত্র ছাড়াও মধ্যে মধ্যে আমরা ধূমকেতু নামক ভয়ানক জ্যোতিক আকাশের গারে দেখিতে পাই। স্থলবিশেষে উহাকে ধূমকেতু, ধূমভারা, বাঁটা তারা ইত্যাদি আখ্যায় আখ্যাত হইতে হয়। চন্দ্র সূর্যের ন্যায় একটী নয়, দুইটী নয়, অসংখ্য ধূমকেতু থাকে

জ্যোতিষিগণ সিদ্ধান্ত করিয়াছেন। ধূমকেতু ছোট বড় নানা শ্রেণীর ও নানা রকমের আছে - অনেক ধূমকেতুকে চক্ষে দেখিতে পাওয়া যায়, অনেককে দূরবীক্ষণের সাহায্যে দেখিতে পাওয়া যায় এবং অনেক ধূমকেতু দূরবীক্ষণেও ধরা পড়ে না। ঐ সকল ধূমকেতু এক এক নিদিষ্ট সময়ে সূর্য্যকে প্রদক্ষিণ করিয়া যায়, সেই সময়ে পৃথিবী হইতে সেগুলির অনেককে দেখিতে পাওয়া যায়। ধূমকেতু মহাকাশের কোন স্থানে কোথায় থাকে বা আছে, তাহা দেখিতে পাওয়া যায় না; দূরবীক্ষণের শক্তি ত দূরের কথা, মানুষের জ্ঞান বিজ্ঞান কল্পনা প্রভৃতি কিছুই তৎসমুদয়কে স্পর্শ করিতে পারে না। তাহারা যখন মহাশূন্তের দিক হইতে সূর্য্যকে প্রদক্ষিণ করে এবং সূর্য্যের দিকে বিপুল বেগে ছুটিয়া আসে, কিম্বা সূর্য্যের আকর্ষণে তাহার দিকে আসিতে থাকে, তখনই তাহাদের কতক গুলি পৃথিবীর অধিবাসীদিগকে দেখা দিয়া যায়। ঐ সকল ধূমকেতুর মধ্যে অনেকের সূর্য্য প্রদক্ষিণের পথ খুব কম এবং অনেকের খুব দীর্ঘ, এজন্য কোন কোন কেতু প্রতি তিন বৎসর অন্তর সূর্য্যকে প্রদক্ষিণ করে এবং কোন কোন কেতু লক্ষাধিক বৎসরে একবার মাত্র সূর্য্যমণ্ডলকে আবর্তন করিতে পারে। প্রসিদ্ধ আঁকির সূর্য্য প্রদক্ষিণ কাল তিন বৎসর তিন মাস এবং ১৮৪৪ খৃঃ অব্দে যে ধূমকেতুর আবিষ্কার হয়, তাহার প্রদক্ষিণ কাল এক লক্ষ বৎসর। ১৮৫৮ খৃঃ অব্দের কেতু ২ হাজার বৎসর পরে এবং ১৮৮২ অব্দের কেতু ৭০০ কি ৮০০ বৎসর পরে পুনরাগমন করিবার বিষয় জ্যোতিষিগণ নির্ণয় করিয়া ফেলিয়াছেন। আবার হ্যালির প্রসিদ্ধ ধূমকেতু প্রতি ৭৫৫ বৎসরে পৃথিবীবাসীদিগকে দেখা দিবার সিদ্ধান্ত খৃঃ পূর্ব্ব ২৪০ অব্দ হইতে প্রদর্শিত হইয়া আসিতেছে। আবার ১৯১০ খৃঃ অব্দের জানুয়ারীর শেষভাগে (১৩১৬ সালের মাঘ মাসের প্রথম ভাগে) যে একটি

ধুমকেতু পরিদৃশ্যমান হইয়াছিল, তাহা পূর্বে কখনও আসে নাই এবং গ্রহ-চক্রে উহা সৌরজগতে বাঁধা না পড়িলে পুনরায় উহার আসিবারও সম্ভব নাই বলিয়া অনেকে মন্তব্য প্রকাশ করিয়াছেন । ঐ ধুমকেতু যে পূর্বে কেন আসে নাই এবং পরে আর কেন আসিবে না, ইহার কোন সঙ্গত কারণ বৈজ্ঞানিক প্রক্রিয়ায় স্থিরীকৃত হইয়াছে কি ?

ধুমকেতুগুলি সূর্যের নিকটবর্তী হইতে থাকিলে, সূর্যের আলোকে উজ্জ্বল হইয়া দূরবীক্ষণ যন্ত্রের সীমা মধ্যে আসিয়া উপস্থিত হয়, তৎপূর্বে তাহারা কোথায় থাকে, কোন্ দিকে, কোন্ পথে বিচরণ করে, সে সব বিষয় নির্ণয় করিবার কাহারও ক্ষমতা নাই, বৈজ্ঞানিক পণ্ডিতগণ তৎসমুদয় বিষয় সিদ্ধান্ত করিতে পারেন নাই । সুতরাং এই অসম্পূর্ণ বিজ্ঞান যদি খোদাতায়ালায় তত্ত্ব নিরূপণ করিতে না পারে, তাহা হইলে তাঁহার তত্ত্বজ্ঞান সম্বন্ধে সন্দেহান হইবার কোন কারণ নাই ।

আমাদের পৃথিবীই বেগবতী—কক্ষপথে প্রত্যহ ১৬ লক্ষ মাইল ছুটিতেছে । কোন কোন কেতু পৃথিবী অপেক্ষাও বিপুল বেগে ধাবিত হইয়া থাকে । ১৩১৬ সালের মাঘ মাসের কেতু ৬ই মাঘ তারিখে এক দিনে সাত কোটি মাইল ছুটিয়া গিয়াছিল এবং ঐ দিনের চারি দিন পূর্বে ও পরে প্রত্যহ ছয় কোটি মাইল ছুটিয়া যাওয়া গণিতের সিদ্ধান্তে আসিয়াছে । হালির ধুমকেতু তত বেগবান্ না থাকিলেও কোন কোন দিন ১২ লক্ষ ৩০ হাজার মাইল এবং কখনও বা ৫০ লক্ষ মাইল পর্য্যন্ত দৌড়িয়াছিল । কেতু সকল ঐরূপ বেগে ছুটিয়া কোথায় যান তাহা কি বিজ্ঞানের ধারণায় আসিতে পারে ?

কোন কোন কেতুর অবয়ব এত দীর্ঘ যে, তাহাদের মস্তকই লক্ষাধিক মাইল পর্য্যন্ত বিস্তৃত থাকে দূরবীক্ষণে দেখিতে পাওয়া গিয়াছে ; কেতুর মস্তক অপেক্ষা আবার শিখা ভয়ানক দীর্ঘ হইয়া থাকে । ১৩১৭

সালের ছালির কেতুর বিশালতা সুদীর্ঘ না হইলেও, উহার পৃষ্ঠ (১৩১৭ সালের ৫ই জ্যৈষ্ঠ) প্রায় দুই কোটি আশী লক্ষ মাইল দীর্ঘ হইয়াছিল । ১৩১৬ সালের মাঘ মাসের কেতুর শিখার দৈর্ঘ্যও এক কোটি মাইলের উপর হইয়াছিল ; ১৮৮২ খৃঃ অব্দের কেতুর শিখা দশ কোটি মাইল পর্য্যন্ত দীর্ঘ থাকা স্থিরীকৃত হইয়াছে । কেতু সকলের তাদৃশ দীর্ঘাবয়ব সূর্যের নিকটে আসিলেই আমাদের নয়নপথে নিপতিত হয় ; সূর্যের দূরবর্তী স্থানে যখন তাহারা বিচরণ করে, তখন তাহাদের ঐ দীর্ঘ তন্তুর কোন অংশ আমরা দেখিতে পাই না । কাজেই আমরা খোদাতায়ালাকে দেখিতে না পাইলেও, তাহার বর্তমান থাকা সম্বন্ধে কোনরূপ সন্দেহ উপস্থিত হইতে পারে না ।

বিশ্বরচিত্তার বিশ্বব্রহ্মাণ্ড কত বড় ?—উহার মধ্যে দশ কোটি মাইল দীর্ঘ শিখা লইয়া ১৮৮২ খ্রীষ্টাব্দের কেতুর মত কত সহস্র কোটি কেতু অনায়াসে বিচরণ করিতেছে—অথচ উহাতে তাহাদের স্থান সঙ্কুলান হইয়া যাইতেছে । কিন্তু সবগুলি আমরা দেখিতে পাই না :—সবগুলি দূরবীক্ষণেও ধরা পড়ে না—আমাদের চক্ষুর ও দূরবীক্ষণের শক্তির সামান্য এই যে, ধূমকেতু সকল সূর্যের নিকটে আসিলেই দেখিতে পাই অন্তথা পাই না ; যে সকল পদার্থ দেখিতে পাই, তাহাদেরই সব তথ্য জানিতে পারি না । তবে বিশ্বরচিত্তা বিশ্বমণ্ডলের কোথায় আছেন, কোথায় নাই, কখন কি করেন, কি না করেন, কেমন করিয়া দেখিব ? কেমন করিয়া সে সকল বিষয় পার্শ্বগার মধ্যে আনিব ? সুতরাং আমাদের বিনীতভাবে বলিতে হয়, খোদাতায়ালা বিশ্বময়, বিশ্ব-ব্যাপ্ত ; অথচ আমাদের চক্ষুচক্ষুর অগোচর, বুদ্ধি-চিন্তার অগোচর । টেলিস্কোপের (দূরবীক্ষণের) শক্তি সেখানে পৌঁছিতে পারে না, বৈজ্ঞানিকের গভীর গবেষণা সেখানে স্থান পায় না ।

পঞ্চম পরিচ্ছেদ ।

—:~:—

ধর্ম প্রচার ।

“হে কঙ্কলারত পুরুষ, গাত্রোথান কর এবং (লোকদিগকে) সাবধান করিয়া দেও এবং তোমার খোদাতায়ালার গুণ কীর্তন কর” * যখন এইরূপ প্রত্যাদেশ হজরত মহম্মদের নিকট অবতীর্ণ হইল, তখন তিনি স্বীয় আশ্রয় স্বজনগণের নিকট নির্ভীকচিত্তে ধর্ম প্রচারে ব্রতী হন । খোদেজা বিধি পৌত্তলিক্য ত্যাগ করিয়া প্রথমে তাঁহার ধর্ম গ্রহণ করিয়া তদনুযায়ী নামাজ (উপাসনা) ও অন্যান্য ধর্ম কার্যাদি করিতে থাকেন । ইহার অব্যবহিত পরে আবুতালেবের পুত্র হজরত আলি ইসলামধর্ম গ্রহণ করেন । † কিন্তু আবুতালেব তাহা জানিতে পারেন নাই । যখন তিনি শুনিলেন যে, তাঁহার পুত্র হজরত আলি ধর্মাস্তরে দীক্ষিত হইয়াছেন, তখন তিনি হজরতের নিকট আসিয়া জিজ্ঞাসা করিলেন, “ভ্রাতৃপুত্র! তুমি কোন ধর্ম অনুযায়ী চলিতেছ ?” হজরত বলেন, ‘ আমি অদ্বিতীয় বিশ্বস্রষ্টার, তাঁহার সর্গীর দূতগণের, তাঁহার ধর্ম-প্রচারকগণের ও আমাদের পূর্বপুরুষ মহাত্মা এব্রাহিমের ধর্ম অনুযায়ী চলিতেছি । আল্লাহতালার তাঁহার ভূতাদিগকে সত্যধর্ম শিক্ষার্থ আমাকে প্রেরণ করিয়াছেন । হে জোষ্ঠতাত ! আপনি খোদাতায়ালার ভূতাদিগের

* কোরান পরিচ ৭৩ হুয়া ।

† এযান হেশান, আবুল কোনা ও রওজাতাস্ সাফা ।

মধ্যে একজন সর্বাপেক্ষা উপযুক্ত ব্যক্তি, তজ্জন্ত আমি আপনাকে এই ধর্ম গ্রহণ করিতে ও ইহার বিস্তারের জন্য সাহায্য করিতে অনুরোধ করিতেছি।” আবুতালেব উত্তর করিলেন, “বৎস! আমি পৈত্রিক ধর্ম ত্যাগ করিতে পারিব না, কিন্তু আমি প্রতিজ্ঞা করিতেছি যে, খোদাতারালার অনুগ্রহে যতকাল জীবিত থাকিব, ততকাল তোমাকে বিপদ হইতে রক্ষা করিব।” তৎপরে তিনি হজরত আলির প্রতি দৃষ্টি নিক্ষেপ করিয়া জিজ্ঞাসা করেন, “তোমার ধর্ম কি?” হজরত আলি উত্তর করেন, “তাঁত! আমি আল্লাহতালার এবং তাঁহার ধর্ম-প্রচারকের উপর বিশ্বাস স্থাপন করিয়াছি। আমি তাঁহারই ধর্মাবলম্বী চলিব।” আবুতালেব বলিলেন, “আচ্ছা, তাঁহারই অনুগামী হও, তিনি তোমাকে সং ভিন্ন অসং পথে লইয়া যাইবেন না।”*

হজরত আলির ইসলাম-ধর্মে দীক্ষিত হইবার কিছুদিন পরে হারসের পুত্র জয়দ ইসলামধর্ম গ্রহণ করে। এই সুবাকে কোরেশবংশীয় খোদেজা বিবির ভ্রাতৃপুত্র ক্রয় করিয়া আনিয়া খোদেজা বিবিকে উপহার স্বরূপ প্রদান করেন। ইহার বিষয় পূর্বে বর্ণিত হইয়াছে।

আবদুল্লা, আরবদেশের মধ্যে কোরেশবংশের একজন জ্ঞানী, উৎসাহী, সচরিত্র, বিচক্ষণ ও সম্মানার্থ লোক ছিলেন। সমুদয় লোক তাঁহার উপদেশ গ্রহণ করিত। তিনি বিখ্যাত তারম-এবনে-মোরাঃ পরিবারস্থ একজন প্রভূত অর্থশালী সওদাগর ছিলেন। তাঁহার পিতার নাম আবু-কোহাফা। তিনি ইসলাম গ্রহণ করার পর আবুবকর নামে প্রসিদ্ধি লাভ করিয়াছিলেন। তিনি হজরত মহম্মদ অপেক্ষায় দুই বৎসর বয়ো-

জ্যেষ্ঠ ছিলেন । * কথিত আছে যে, হজরতের প্রেরিত্ব লাভের অনেক দিন পূর্বে তিনি বহিরা সন্ন্যাসীর নিকট অবগত হন যে, কোরেশবংশীয় আবুল্লাতনর মহম্মদ শেষ ধর্ম প্রচারকের পদে বরিত হইবেন এবং তিনি (আবুবকর) তাঁহার ধর্মাবলম্বন করিবেন ও শেষে খলিফা পদারূঢ় হইবেন । এক্ষণে হজরতের প্রেরিত্ব লাভের সংবাদ পাইয়া, আবুবকর তাঁহার নিকট আসিয়া ইসলামধর্ম গ্রহণ করিলেন । ইনি বৃদ্ধ বয়সে ধর্ম গ্রহণ করিয়া উহার বহুল প্রচার করেন । ওসমান-এবনে-আফ্ফান, সাদ্দাদ-এবনে-আবি-আক্কাস, জোবায়ের-এবনে আউয়াম, তালহা-এবনে-ওবেইল্লা ও আবদর-রহমান-এবনে-আউফ এই পাঁচ জন বিখ্যাত মঠাভ্যাও তাঁহার পদাঙ্ক অনুসরণপূর্বক পবিত্র ইসলামধর্মে দীক্ষিত হন । ওসমান ওম্মিয়াবংশসম্বৃত, ইনি উত্তরকালে তৃতীয় খলিফা পদে আরূঢ় হইয়াছিলেন । সাদ্দাদ পরে পারস্ত বিজয় করিয়া বিখ্যাত হইয়া পড়িয়াছিলেন । জোবায়ের খোদেজা বিবির ভ্রাতৃপুত্র ছিলেন ।

ওসমানের ধর্মগ্রহণ সম্বন্ধে এইরূপ কথিত আছে যে, তিনি এক দিন তাঁহার দৈবজ্ঞা মাতৃঘসা সাদির নিকট হজরতের প্রেরিত্ব লাভের বিষয় অবগত হন এবং অচিরকাল মধ্যে হজরতের ধর্মালোকে চতুর্দিক্ আলোকিত হইবে, ইহাও অবগত হন । সাদির বাক্য শ্রবণ করিয়া, হজরত মহম্মদের প্রতি ওসমানের ভক্তির সঞ্চার হয় । আবুবকরের সহিত ওসমানের বন্ধুত্ব ছিল ; তিনি আবুবকরের নিকট গিয়া হজরতের বিষয় জিজ্ঞাসা করেন । তখন হজরত আবুবকর, ওসমানকে প্রতিমাপূজার আদারত বুরাইয়া দিয়া, ইসলামধর্মের প্রধান প্রধান মত

* কেহ কেহ বলেন যে, ইসলাম গ্রহণের পূর্বে হজরত আবুবকরের নাম ছিল—আবুল কাবা অর্থাৎ কাবার স্তূপ ।

গুলি তাঁহাকে বিশদরূপে জ্ঞাপন করিয়া তাঁহাকে সত্তর ইস্লামধর্ম গ্রহণ করিতে অনুরোধ করেন। তদনুসারে তিনি ইস্লামধর্মে দীক্ষিত হন। তৎপরে সায়াদ-বেন-আবি-আকাস, হজরত আবুবকরের নিকট ইস্লাম-ধর্মের মাহাত্ম্য অবগত হইয়া উক্ত ধর্মে দীক্ষিত হন। আবদর রহমান এরমন প্রদেশের সকলান-বেন-হামিরির নিকট হজরতের প্রেরিত লাতের বিষয় অবগত হন। তৎপরে তিনি হজরত আবুবকরের সাক্ষাদানে ইস্লাম-ধর্মে দীক্ষিত হন। তৎপরে অচিরকাল মধ্যে জোবায়ের, তালহা আকরম-বেন-আবু-আরম, জাফর বেন-আবুতালেব, সয়িদ-বেন-জয়দ, হাতেব-বেন-হারেস ও হারেস-বেন-খেতাব প্রভৃতি নানাধিক ৪০ জন মহাত্মা ইস্লামধর্ম গ্রহণ করেন। হজরত মহম্মদের সতানিষ্ঠা, জলন্তুবিশ্বাস, সচ্চরিত্রতা, খোদাতায়ালার প্রতি প্রগাঢ় ভক্তি তাঁহার ধর্মোপদেশের পবিত্রতা ও বিগুহতা দর্শন করিয়া তাঁহার আত্মীয় স্বজন ও বন্ধুবান্ধবগণ প্রথমেই তাঁহার ধর্মোপদেশে মুগ্ধ হইয়া দলে দলে তাঁহার প্রচারিত ধর্মে দীক্ষিত হইতে লাগিলেন। ঐ সকল ভদ্রবংশোদ্ভব নরনারীগণ গালিলীর মংগুজীবীদিগের অপেক্ষা কোন ক্রমেই কম শিক্ষিত ছিলেন না। যদি তাঁহারা হজরতের উপদেশের মধ্যে স্বার্থের কোনরূপ গন্ধ পাইতেন কিম্বা তাঁহার ধর্ম বিশ্বাসে কোনরূপ শিথিলতার লেশমাত্র দেখিতে পাইতেন, তাহা হইলে তাঁহার নৈতিক ও সামাজিক সংস্কার চেষ্টা প্রভৃতি মুহূর্ত্ত মধ্যে উড়িয়া যাইত। যদি ঐ সকল নরনারী তাঁহার প্রচারিত ধর্মে প্রগাঢ় বিশ্বাসী না হইতেন কিম্বা যদি তাঁহার উপর তাঁহাদিগের বিশ্বাস না থাকিত, তাহা হইলে তাঁহারা কখনই আত্মীয় স্বজন কর্তৃক উৎপীড়িত, অত্যাচারিত ও দেশচ্যুত হইয়াও তৎপ্রচারিত ধর্মে অটল বিশ্বাসী থাকিতেন না। হজরত ঠাণ্ডা তাঁহার আত্মীয় স্বজনের মধ্যে নিজের আধিপত্য বিস্তার করিতে পারেন নাই। তাঁহার লাতারা

তাঁহাকে বিশ্বাস করিতেন না । (১) এমন কি, তাঁহারা তাঁহাকে পাগলঃ বলিতেন । (২) আরও আশ্চর্যের বিষয় এই যে, তাঁহার প্রধান শিষ্যও স্বীয় ধর্ম বিশ্বাসে প্রগাঢ় বিশ্বাসী ছিলেন না । (৩)

হজরত মহম্মদের প্রতি কোরেশগণের অত্যাচার ।

যখন কোরেশগণ জানিতে পারিল যে, পৌত্তলিকতার উচ্ছেদ সাধন করাই হজরত মহম্মদের ধর্মের মুখ্য উদ্দেশ্য, তখন তাহারা তাঁহার শত্রু হইয়া দাঁড়াইল । তাহাদের মধ্যে আবু সূফিয়ান, আবুলহব, আবু জহল-বেন-হসম, অলিদ, আস, ওমাইয়া, আকুবা এবং নজর-বেন-সয়িদ প্রভৃতি প্রধান বলিয়া পরিগণিত ।

হজরত মহম্মদ শত্রুর ভয়ে প্রথমে তাঁহার ধর্মের মতগুলি গুপ্ত ভাবে প্রচার করেন এবং মক্কার প্রান্তরে কিছা গিরিগহ্বরে শিষ্যগণকে লইয়া উপাসনাদি করিতেন । শত্রুগণ তাহা জানিতে পারিয়া, তাঁহাকে নানা কষ্টে নিফেপ করিতে চেষ্টা করে । এমন কি, তাহারা তাঁহার বিনাশ সাধন করিতে সংকল্প করিয়াছিল । একদা তাহারা পর্বত গুহার তাঁহাদিগকে উপাসনা করিতে দেখিয়া আক্রমণ করে । সায়াদ বেন-আক্কাস কর্তৃক আক্রমণকারীদের একজন আহত হয় । আত্মরক্ষার্থে ইনিই প্রথমে ইসলামধর্মের জন্ম রক্তপাত করেন । হজরতের ঐশ্বর্য-শালী, গক্বিত ও উগ্রমত্তাবিশিষ্ট পিতৃব্য আবুলহব ইসলাম ধর্মের ঘোর

(১) কোরান ৭ম অধ্যায় ৫ ।

(২) মার্ক ৩য় অধ্যায় ২১ ।

(৩) যখি ১২ম অধ্যায় ৪৪-৪৮ ; মার্ক ৩য় অধ্যায় ৩২-৩৩ ।

বিদেষী ছিল। আবুলহব, কোরেশবংশীয় আবু সুফিয়ানের ভগ্নী ওম্মে জমিলাকে বিবাহ করিয়া ভ্রাতৃপুত্রের ঘোর শত্রু হইয়া উঠে। সে হজরতকে ঘৃণা করিত এবং কোরেশবংশীয়দিগকে বলিত, “আমাদের বংশের কলঙ্কস্বরূপ মহম্মদের বিপক্ষতাচরণ করিতে তোমরা সকলে বন্ধপরিকর হও।” ওম্মে জমিলা, হজরত মহম্মদের উপর শত্রুতার তাহার স্বামীকেও পরাস্ত করিয়াছিল। হজরতের বাসগৃহ এই পাপিষ্ঠের বাসগৃহের সন্নিকটে ছিল। ঐ পাপীয়সী যে কোন প্রকারে হটুক, হজরতকে কষ্ট দিবার জন্য ব্যস্ত থাকিত। এমন কি, রাজ্যে হজরতের গন্তব্য পথে আবর্জনার সহ কণ্টকাদি ছড়াইয়া রাখিত। হজরত শেষরাজ্যে নামাজ পড়িবার জন্য বহির্গত হইলেই তাঁহার পায়ে যেন ঐ কণ্টক বিদ্ধ হয়, ইহাই তাহার উদ্দেশ্য ছিল। এই কার্যের জন্য সে “কাষ্ঠের বোঝা বহনকারী” (হাশ্বালাত-উল-হাতাব) বিশেষণে বিশেষিত হইয়াছিল। কোরাণ শরীফের ভাষায় সুরায় ইহার বিষয় উক্ত হইয়াছে।

হজরত মহম্মদের আবির্ভাব হইবার পূর্বে মক্কাবাসী কোরেশবংশীয়দিগের মধ্যে এইরূপ রীতি প্রচলিত ছিল যে, যখন কোন শত্রু মক্কা লুণ্ঠন করিতে আসিত, তখন মক্কাবাসী কোন এক ব্যক্তি সাক্ষাৎ পর্বতোপরি আরোহণপূর্বক নগরবাসীদিগকে আহ্বান করিত, সেই আহ্বান ধ্বনি শ্রবণ করিয়া মক্কাবাসী দলপতিগণ তথায় যাইয়া একত্রিত হইত এবং শত্রুর হস্ত হইতে নগর রক্ষার উপায় উদ্ভাবন করিয়া লইত। “তুমি তোমার নিকটবর্তী জাতিগণকে খোদাতাআলার শান্তির স্তর প্রদর্শন কর।” কোরাণ শরীফের এই আয়েতটী ধর্ম প্রচারের চতুর্থ বর্ষে অবতীর্ণ হইলে হজরত মহম্মদ সাক্ষাৎ পর্বতোপরি আরোহণপূর্বক তাঁহার জাতিগণকে উচ্চৈঃস্বরে আহ্বান করিতে লাগিলেন।

তাহার সেই আহ্বান ধ্বনি শ্রবণ করিয়া যখন তাহার বংশীয়গণ তথায় আসিয়া একত্রিত হইলেন, তখন তিনি বলিতে লাগিলেন, “যদি আমি আপনাদিগকে এই কথা বলি যে, আপনাদের ধন সম্পত্তি লুণ্ঠনার্থ পরকালের নিম্নদেশে এক দল শত্রু উপস্থিত হইয়াছে, তাহা হইলে আপনারা তাহা বিশ্বাস করেন কি না?” ইহা শুনিয়া সকলেই এক-বাক্যে বলিলেন, “অবশ্য বিশ্বাস করিব, কেননা তোমার মুখে আমরা কখনও মিথ্যা কথা শুনি নাই।” তখন হজরত মহম্মদ বলিতে লাগিলেন, ‘আমি জানি, সমস্ত আরবদেশের মধ্যে কোন ব্যক্তি তাহার আত্মীয় স্বগণকে এমন সুসমাচার প্রদান করেন নাই, যাহা এক্ষণে আমি আপনাদিগকে পদান করিব। আমি আপনাদিগকে খোদাতারালার শাস্তির ভয় প্রদর্শন করিতেছি, যদি আপনারা আমার অনুসরণ না করেন, কোরাণ শরিফের উপর বিশ্বাস স্থাপন না করেন, তাহা হইলে পরকালে আপনারা কঠিন শাস্তিতে আবদ্ধ হইবেন।’ এই কথা শ্রবণ করিয়া সেই জনতার মধ্যে হইতে আবুলহব ক্রোধান্বিত হইয়া উঠে এবং তাহাকে হত্যা করিবার জন্য এক খণ্ড প্রকাণ্ড প্রস্তর টেন্ডোলন করিয়া বলে, “তুই বুঝি, এই জন্য আমাদিগকে ডাকিয়াছিস্? তোর দুই হাত বিনষ্ট হইয়া যাক্ (তাব্বাৎ এদাকা),” এই সময়ে কোরাণ শরিফের “তাব্বাৎ” সূরা অবতীর্ণ হয়। এই ঘটনা হজরতের তেতাল্লিশ বৎসর বয়ঃক্রম কালে সংঘটিত হইয়াছিল। ইহাতেও হজরত মহম্মদ নিক্রংসাহ না হইয়া পর দিন হজরত আলিকে বলেন, “আলি! কোরেশবংশীয় সমুদয় ব্যক্তিকে আমার গৃহে ভোজনার্থ নিমন্ত্রণ করিয়া আইস।” তদনুসারে হজরত আলি সকলকে নিমন্ত্রণ করিয়া আসিলেন। তাহার উপযুক্ত সময়ে হজরতের গৃহে ভোজনার্থ উপস্থিত হইলেন। আহায়াতে তিনি প্রথমে একটা সুদীর্ঘ বক্তৃতার দ্বারা কোরেশদিগের নিকট তাহার ধর্ম মত

ও স্বর্গীয় আদেশগুলি প্রকাশ করেন এবং তাহা সকলকে বিশদরূপে বুঝাইয়া দেন । উপসংহারকালে উচ্চৈঃস্বরে বলেন, “একমাত্র খোদাতায়ালা ভিন্ন আর কেহ উপাস্ত্র নাই, তিনি আমাকে সমুদয় লোকের নিকট সত্য ধর্ম প্রচার করিবার জন্য প্রেরণ করিয়াছেন । সকলেই পরিণামে পাপের দণ্ড ও পুণ্যের পুরস্কার প্রাপ্ত হইবে । আপনাদের ও অন্যান্য লোকদিগের নিকট আল্লাতায়ালার ঐ সকল মূল্যবান উপদেশ প্রচার করিতে অনুমতি দিয়াছেন । তাঁহার নামে সমস্ত জগৎ পবিত্র ও অসীম আনন্দে পূর্ণ হয় । আপনাদের মধ্যে কে এই সকল উপদেশ গ্রহণ করিবেন ? কে আমার ভ্রাতা ও মম্বদাতা হইতে এবং ধর্মপ্রচারে সাহায্য করিতে ইচ্ছা করেন ?”

হজরতের কথা শুনিয়া সকলেই নির্ঝাক্ হইয়া রহিল, কেহ আশ্চর্য্যান্বিত হইল, কেহ বা উপহাস করিতে লাগিল । অবশেষে হজরত আলি ধর্মপ্রচার-কার্যে সাহায্য করিবার জন্য হজরতের নিকট আত্মসমর্পণ করিলেন । হজরত মহম্মদ, আলিকে সাদরে আলিঙ্গনপূর্বক বক্ষঃস্থলে ধারণ করিয়া বলিলেন, “হে লোকসকল ! আপনারা আমার ভ্রাতা, মম্বদাতা ও প্রতিনিধিকে দর্শন করুন, সকলে ইঁহার উপদেশ গ্রহণ করিবেন ।” কোরেশবংশীগণ যুবক আলির এইরূপ বাবহার দর্শন করিয়া তাঁহাকে উপহাস এবং আবৃত্তালেবকে ভৎসনা করিতে লাগিল । কিন্তু আবৃত্তালেবও সেই সভায় হজরত মহম্মদকে সাহায্য করিবেন, বলিয়া স্বীকৃত হইলেন । তাহাতে আবুলহব প্রভৃতি কতকগুলি নীচাশয় লোক রাগান্বিত হইয়া চলিয়া গেল ।

প্রেরিত লাভের পর হইতে হজরতের শত্রুগণ তাঁহাকে উপহাস করিতে আরম্ভ করে । যাহাদের নিকট তিনি বাল্যকালে পরিচিত ছিলেন এবং যাহারা তাঁহাকে সাংসারিক কার্যে নিযুক্ত থাকিতে দেখিয়াছে ; এক্ষণে তাহারা তাঁহাকে রাজপথে দেখিতে পাইলে উপহাস

করিয়া বলিত, “হে আবুহালেবের ভ্রাতৃপুত্র ! স্বর্গে কি হইতেছে, তাহা নাকি তুমি জানিতে পারিতেছ ?” কেহ কেহ তাঁহাকে পাগল মনে করিত । কেহ বা বলিত যে, ইহাকে ভূতে পাইয়াছে । আবার কেহ কেহ তাঁহাকে যাদুকার আখ্যা প্রদান করিত । অধিক কি, মক্কাহু সামান্ত লোকেরাও তাঁহাকে বিদ্রূপ করিত । যখন তিনি কোন স্থানে ধর্মসম্বন্ধে কথোপকথন করিতেন কিম্বা উপদেশাদি দিতেন, তখন চতুর্দিকস্থ লোকগণ উচ্চরবে অশ্লীল সম্বীতাদি কীর্তন করিত ; আর যখন তিনি কাবার উপাসনাদি করিতেন, তখন অনেকে তাঁহার গাত্রে মল-মূত্রাদি নিক্ষেপ করিত । অফিজ প্রভৃতি কতকগুলি চরাদ্বা তাঁহার গৃহ-দ্বারে পুরীষত্যাগ করিয়া যাইত । হজরত তাহা দেখিয়া, তাহাদিগকে কেবল এইমাত্র বলিতেন, “এই কি প্রতিবেশীর কর্তব্য কার্য ?” একদা হজরত কাবা প্রদক্ষিণ করিতে করিতে গুনিতে পান যে, বিপক্ষ কোরেশ-গণ কাবার মধ্যে দলবদ্ধ হইয়া তাঁহার নিন্দা করিতেছে, তিনি তৎক্ষণাৎ তাহাদিগের নিকট গিয়া ধর্ম গ্রহণ করিতে অনুরোধ করিলেন । হজরতকে চঠাৎ উপস্থিত দেখিয়া তাহাদের অন্তর মধ্যে এমন ধর্ম ভয়ের উদয় হইল যে, তাহারা আর একটা কথাও কহিতে পারিল না ।

আমরু নামক একজন বিখ্যাত কবি হজরতের নিন্দাসূচক অশ্লীল কবিতা লিখিয়া আরবদেশে নব্বয় প্রচার করে । কথিত আছে যে, কবি লেবিদও হজরত মহম্মদের প্রবল শত্রু হইয়া উঠিয়াছিলেন । লেবিদ প্রথমে ইসলামধর্মের প্রতিবাদরূক কুৎসাপূর্ণ কবিতা রচনা করিয়া কাবা-মন্দিরদ্বারে টাঙ্গাইয়া রাখিতেন । হজরত উহা গুনিতে পাইয়া পরদিন লেবিদের কবিতা ছিঁড়িয়া ফেলিয়া কোরাণ শরিফের দ্বিতীয় সূরার একটা আয়েত তথায় টাঙ্গাইয়া দেন । লেবিদ সেই সারগর্ভ প্রত্যাদেশ পাঠ করিয়া বলেন, “খোদাতায়ালা ও তাঁহার প্রেরিত-পুরুষ ভিন্ন আর

কেহই এই প্রকার বচন উচ্চারণ করিতে পারে না ।” তৎপরে লেবিদ হজরত মহম্মদের ধর্মে দাক্ষিণ্য হইয়া উক্ত ধর্মপ্রচারে বিশেষ যত্নবান্ হন । এক সময়ে কোরেশগণ হজরতকে হত্যা করিতে প্রতিজ্ঞাবদ্ধ হইয়া মক্কার প্রান্তরে তাঁহার অপেক্ষার বসিয়াছিল । এমন সময়ে হজরত তাহাদের সম্মুখে উপনীত হন, কিন্তু তাহারা তাঁহার ললাটে স্বর্গীয় জ্যোতিঃ দেখিয়া হতবুদ্ধি হইয়া যায়, হজরত নির্ঝিল্লি তথা হইতে চলিয়া আসেন ।

এক সময়ে কোরেশবংশীয়গণ হজরত মহম্মদকে পার্শ্ব ঐশ্বর্যাদি দ্বারা প্রলুব্ধ করিয়া সত, ধর্ম প্রচারে নিবৃত্ত করিতে চেষ্টা করিয়াছিল । একদিন যখন হজরত মহম্মদ কাবামন্দিরে বসিয়াছিলেন, তখন বিপক্ষ-কোরেশবংশীয় রাবিয়ার পুত্র অত্বা তাঁহার নিকট আসিয়া বলেন, “হে ভ্রাতৃপুত্র ! তুমি তোমার গুণে ও বংশপরম্পরায় অতি সুবিখ্যাত । কিন্তু এক্ষণে তুমি আমাদের মধ্যে বিভাগ ও গোলযোগ বাধাইয়া দিতেছ, আমাদের দেবদেবীগণকে অগ্রাহ্য ও নিন্দা করিতেছ এবং আমাদের অধাৰ্ম্মিক আখ্যা প্রদান করিতেছ । আমরা তোমাকে কিছু দিতে ইচ্ছা করিয়াছি, ভাল বিবেচনা হয়, গ্রহণ করিও ।” হজরত মহম্মদ বলিলেন, “হে ওয়ালিদের পিতা ! বলুন, আমি শ্রবণ করিতেছি ।” তখন অত্বা বলিতে আরম্ভ করিলেন, “হে ভ্রাতৃপুত্র ! যদি তুমি এইরূপে ধন সঞ্চয় করিতে ইচ্ছা কর, তাহা হইলে আমরা তোমাকে অপরিয়াপ্ত ধন দান করিব ; যদি তুমি পদমর্ষাদি ও সন্মাদি প্রাপ্ত হইতে ইচ্ছা কর, তাহা হইলে আমরা তোমাকে আমাদের দলপতি করিব এবং তোমার বিনাশ্রমতিতে কোন কার্য করিব না ; যদি তুমি রাজ্য পাইতে ইচ্ছা কর, তাহা হইলে আমরা তোমাকে আমাদের রাজ্য করিব ; যদি তোমার কোনরূপ শিরঃপীড়া হইয়া থাকে, তাহা হইলে আমরা বহু অর্থ ব্যয়ে তোমার চিকিৎসা করিব ।” হজরত মহম্মদ বলিলেন, “হে ওয়ালিদের

পিতা ! আপনার বক্তব্য কি শেষ হইয়াছে ?” অত্ৰা বলিলেন, “হাঁ, হইয়াছে ।” তখন হজরত বলিতে আরম্ভ করিলেন, “তবে শ্রবণ করুন, য়সালু আলাহতায়ালা নাম গ্রহণ করুন । কোরাণ নামক যে ধর্মবিধি আছে, তাহাতে খোদাতায়ালার আদেশসমূহ বিশদরূপে বিবৃত হইয়াছে, তাহাতে সুসমাচার সঙ্গ লিখিত আছে । তাহাতে ভীতিজনক পদার্থ ও বিষয়সমূহকে অস্বীকার করে । বিধর্মিগণ বলে, ‘তুমি আমাদের নিকট যাহা প্রকাশ করিয়াছ, তাহা আমাদের নিকট কোন কার্যকরী হইতেছে না, তাহাতে আমাদের কণ বধির, অধিকন্তু তোমার ও আমাদের মধ্যে একখানি আবরণ-বস্ত্র আছে ; তজ্জগু তুমি যাহা ভাল বিবেচনা কর, তাহাই কার্যো পরিণত কর, আমরা স্বীয় অভিলাষানুযায়ী কার্য্য করি ।’ বল হে মহম্মদ, আমি তোমাদের স্তায় মানব ভিন্ন আর কিছুই নই । আমার নিকট প্রকাশিত হইয়াছে যে, তোমাদের খোদাতায়ালার এক ভিন্ন দ্বিতীয় নহে, তজ্জগু তাঁহারই প্রার্থনা কর ; অতীত পাপের জগু তাঁহার নিকট ক্ষমা প্রার্থনা কর । পৌত্তলিকদিগের কি দুর্দশা ! যেহেতু তাহারা তাহাদের নির্দ্ধারিত ভিক্ষা দান করে না ও ভবিষ্যতের বিষয় ভাবে না ; কিন্তু যাহারা ধর্মকার্য্য করে, তাহারা চির সুখস্থান পুরস্কারস্বরূপ প্রাপ্ত হয়” (কোরাণ ৯১ অধ্যায়) । ইহা শুনিয়া অত্ৰা বলিলেন, “হে ভ্রাতৃপুত্র ! এই উপদেশের নিকট অপর কোন উপদেশ ফলপ্রদ হইতে পারে না ।” তৎশ্রবণে হজরত মহম্মদ অত্ৰাকে বলিলেন, “এক্ষণে আপনি ত সমুদয় শ্রবণ করিলেন, যাহা ভাল বলিয়া বোধ করেন, তাহাই করুন ।”

অত্ৰা কোরেশগণের নিকট গিয়া বলেন, “আমি মহম্মদের মুখে যে সকল কথা শুনিলাম, তজ্জগু ভাবপূর্ণ পারমার্থিক উপদেশ কখন শ্রবণ করি নাই, তোমরা তাঁহার প্রতি অত্যাচার করিতে ক্ষান্ত হও ।” ইহা শুনিয়া তাহারা বলিল, “মহম্মদ তোমাকে বাহম্মদে

ভুলাইয়াছে ।” তখন অত্বা বলিলেন, “তোমাদের যাহা ইচ্ছা হয়, কর ।” আর এক সময়ে কোরেশগণ হজরত মহম্মদকে অর্থের ও পদমর্যাদার প্রলোভন দেখাইয়াছিল । হজরত তাহাদিগকে পূর্বের গ্রাম উত্তর দেন, “আমি ধনসম্পত্তি, পদমর্যাদা কিম্বা রাজ্যও পাইতে ইচ্ছা করি না, আমি খোদাতায়ালা কর্তৃক প্রেরিত হইয়াছি, তিনি আমাকে তোমাদিগের নিকট তাঁহার সুসমাচারসমূহ প্রচার করিতে অনুমতি দিয়াছেন ; আমি খোদাতায়ালা আদেশসমূহ তোমাদের নিকট প্রচার করতোছি এবং তোমাদিগকে হিতোপদেশ দিতেছি । আমি তোমাদের জন্ত যাহা আনয়ন করিয়াছি, যদি তোমরা তাহা গ্রহণ কর, তাহা হইলে ইহ ও পরজগতে সুখী হইতে পারবে । যদি তোমরা আমার উপদেশ গ্রহণ না কর, তাহা হইলে আমি বৈর্যাবলম্বনপূর্বক তোমাদের ও আমার বিচার ভার খোদাতায়ালা উপর নির্ভর করিয়া থাকিব ।”



আবুতালেবের নিকট হজরতের বিরুদ্ধে

কোরেশগণের অভিযোগ ।

যখন হজরত মহম্মদ পৌত্তলিকতার ঘোর শত্রু হইয়া উঠিলেন এবং অনেককে ইসলামধর্মের দীক্ষিত করিতে লাগিলেন ; তখন কোরেশগণ তাঁহার বিরুদ্ধাচরণ করিয়াও কিছুই করিতে পারিতেছে না দেখিয়া, আবুতালেবের নিকট অত্বা, শয়বা ও আবুজহল প্রভৃতি কতিপয় প্রধান লোককে পাঠাইয়া দিল । তাহারা আবুতালেবের নিকট গিয়া বলিল, “আমরা সকলে আপনাকে সম্মান করি এবং বাস্তবিকই আপনি যান্ত্রাস্পদ । তজ্জন্ত আপনার নিকট প্রার্থনা করিতেছি যে, আপনার দ্রাতৃপুত্র আমাদের দেবতাগুলির শিন্দা ও অবমাননা করিতেছে,

আপনি তাহাকে তাহা হইতে নিবৃত্ত করুন কিম্বা তাহাকে গৃহ হইতে বহিস্কৃত করিয়া দিউন । যদি সে ও তাহার শিষ্যগণ পুনঃ ধর্ম প্রচারে ব্রতী হয়, তাহা হইলে নিশ্চয়ই তাহাদের জীবন নষ্ট হইবে ।” আবুতালেব অবিলম্বে তাহাদের অভিপ্রায় হজরতকে জানাইয়া বলিলেন, “মহম্মদ ! তুমি কোরেশবংশীয়দিগের দেবতাগুলির নিন্দা ও অবমাননা করায়, তাহারা সকলে তোমার শত্রু হইয়া উঠিয়াছে, এক্ষণে তুমি আর তাহাদের দেবতাগুলির নিন্দা করিও না, অধিকন্তু তাহাদের সহিত নিলিত হইয়া কায্য কর, আর নিরুজ্জনে স্বকীয় ধর্ম্মানুযায়ী উপাসনা ও ধর্ম্মকার্য্যাদি করিও ।”

এই সকল কথা শুনিয়া হজরত মহম্মদের অন্তরে ধর্ম্মবাহু দ্বিগুণতর প্রজ্জ্বলিত হইয়া উঠিল । তখন তিনি আবুতালেবকে বলিলেন, “জ্যেষ্ঠ-ভাত ! যদি আমার শত্রুগণ অলৌকিক ক্ষমতাপ্রভাবে সূর্য্যকে আমার দক্ষিণ পার্শ্বে আর চন্দ্রকে আমার বাম পার্শ্বে আনয়ন করে, তথাপি যখন সর্লক্ষক্রিয়মান্ বিশ্বনিয়ন্তা আমাকে সত্যপ্রচারে ব্রতী করিয়াছেন, তখন যত দিন জীবিত থাকিব, ততদিন কর্তব্যকার্য্য পালনে নিবৃত্ত থাকিব না ? হয় ইসলাম ধর্ম্মের বিস্তার করিব, না হয় প্রাণ বিসর্জন দিব ।” আবুতালেব ভ্রাতৃপুত্রের এইরূপ অসমসাহসিকতা ও ধর্ম্মানুরক্তি দর্শন করিয়া বলিলেন, “যাহা ইচ্ছা হয় কর, আমি সাধ্যমত তোমাকে শত্রুহস্ত হইতে রক্ষা করিতে চেষ্টা করিব ।” অনন্তর যখন আবুতালেব দেখিলেন যে, হজরতের শত্রু-সংখ্যা দিন দিন বৃদ্ধি হইতেছে, তাঁহাকে রক্ষা করাও তাঁহার পক্ষে অসাধ্য হইয়া উঠিতেছে ; তখন তিনি আশ্বীর স্বজন ও বন্ধুগণকে আহ্বান করিয়া বলিলেন, “আমি তোমাদিগকে বলিতেছি যে, যে ব্যক্তি মহম্মদের পক্ষাবলম্বন করিয়া, তাহাকে বিপক্ষ কোরেশ-গণের ও আরবের অন্যান্য লোকদিগের হস্ত হইতে রক্ষা করিবে, সেই

ব্যক্তি আমার পরম মিত্র হইবে।* আবুতালেবের কথায় হাশেম ও আবুল মোত্তালেবের সম্মানগণ অনুমোদন করিলেন এবং হজরতকে শত্রুত্ব হইতে রক্ষা করিতে প্রস্তুত হইলেন। কেবল আবু লহব ইহাতে স্বীকৃত হইল না।

তখন কোরেশগণ হজরত মহম্মদকে পুনঃ ধনরত্নাদির প্রলোভন দেখাইয়া কর্তব্যাপথ হইতে বিচ্যুত করিবার চেষ্টা করিতে লাগিল। কিন্তু তিনি তাহাদিগকে পুরুষঃ উত্তর প্রদানপূর্বক বলিলেন, “আমি ধন-রত্ন, মান মর্যাদা ও রাজ্যের অভিলাষী নহি। আমি তোমাদের নিকট সুসমাচার প্রচারার্থ প্রেরিত হইয়াছি। আমি তোমাদের নিকট মহাপ্রভুর আদেশ প্রচার করিতেছি এবং তোমাদিগকে সত্বপূর্বক দিতেছি। আমি তোমাদের জ্ঞান সে সমুদয় সুসমাচার আনয়ন করিয়াছি তাহা যদি তোমরা গ্রহণ কর, তাহা হইলে খোদাতায়ালা তোমাদের ইহকাল ও পরকালে মঙ্গল করিবেন। যদি তোমরা আমার সত্বপূর্বক গ্রহণ না কর, তাহা হইলে আমি বৈশিষ্ট্য হইব এবং তোমাদের ও আমার বিচারভার খোদাতায়ালা উপর হস্ত রাখিবে।” ইহা শ্রবণ করিয়া তাহার হজরত মহম্মদকে বিক্রম করিতে লাগিল এবং তাহার বাক্যের অসত্যতা প্রতিপাদনার্থ নানারূপ অদম্য প্রকার অবপাষণ করিতে লাগিল।* হজরত ইসা ও মুসা প্রভৃতি প্রেরিত পুণ্যবশের প্রেরিতদের প্রমাণার্থ তৎকালীন লোকেরা যেরূপ অলৌকিক ক্রমাদি প্রদর্শন করাইতে বলিয়াছিল, কোরেশগণও সেইরূপ হজরত মহম্মদকে সুপের পানীয় জলের কূপ, প্রবাহিত স্রোতযুক্তী, স্বর্গকে স্বর্গীয় ভূতলে আনয়ন, স্বর্ণযম্ব প্রাসাদ নির্মাণ, স্বর্গারোহণার্থ সিঁড়ি এবং পক্ষতকে স্থানান্তরিত করণ + প্রভৃতি অলৌকিক ক্রিয়া প্রদর্শন

* প্রথমে হেশাম ১৮৮ পৃঃ।

† কোরেশ পরিক ১৭৭ পৃঃ ২০—২৩।

করাইতে বলিল । তৎপরে তিনি অলৌকিক-ক্রিয়া-দর্শনাভিলাষী ভাফের-
দিগকে বলিয়াছিলেন—“খোদাতায়ালা আমাকে অলৌকিক ক্রিয়া
প্রদর্শন জন্ত প্রেরণ করেন নাই । তিনি আমাকে তোমাদের নিকট
মতা প্রচারের জন্ত প্রেরণ করিয়াছেন । আমার প্রতিপালক পবিত্র,
অগ্নি প্রেরিত বৈ নহে । পৃথিবীতে স্বর্গীয় দূতেরা (ফেরেষ্টারা)
সাধারণতঃ বিচরণ করে না, যদি ক’রত, তাহা হইলে খোদাতায়ালা
তোমাদের নিকট সত-প্রচারার্থ এক জন ফেরেষ্টা স্বর্গ হইতে প্রেরণ
করিতেন ।”*

“যা তা কিছু স্বর্গে ও নাগা কিছু পৃথিবীতে আছে, তৎপরে খোদা-
তায়ালায় স্তব করিয়া থাকে, তিনি সুসাবিত্র রূপে পরাক্রান্ত বিজ্ঞাতা ।
তিনিই যিনি অশিক্ষিত লোকদিগের প্রতি তাৎপরিগব মন হইতে
প্রেরিত পুরুষ প্রেরণ করিয়াছেন, সে তাহার আদেত (বচন) সকল
তাছাদের নিকটে পাঠ করে ও তাৎপরিগকে স্তব করে এবং তাহা-
দিগকে গ্রহ ও যজ্ঞান শিক্ষা দেয় এবং নিশ্চয় তাহারা পূর্বে স্পষ্ট
পথভ্রান্তির মধ্যে ছিল এবং তাছাদের অপর লোকদিগের জন্ত
(প্রেরণ) করিয়াছেন । যে এখনও তাহাদিগের সঙ্গে মিলিত হয় নাই
এবং তিনি পরাক্রান্ত কৌশলময়, ইংহাই খোদাতায়ালায় কক্ষা, তিনি
যাহাকে উচ্চা করেন বিচরণ করিয়া থাকেন এবং খোদাতায়ালা মহা
কৃপাবান ।

তৎপরে তিনি তাহাদিগকে বলেন যে, তিনি অলৌকিক ক্রিয়া-
প্রভাবে ইমুলাম-ধর্ম প্রচার করিতে প্রসঙ্গী নহেন, কারণ প্রকৃতির
কার্যকলাপে খোদাতায়ালায় অস্তিত্ব সকলে দেখিতে পারিতেছেন । তিনি

* কোরান শরিফ ১৭ম সূরা ১৩-১৪ ।

† কোরান শরিফ ২৭ম সূরা ১-৩ ।

জলধগস্তীর স্বরে তাহাদিগকে বলিয়াছিলেন, “তোমরা চতুর্দিকে নিরীক্ষণ কর, জগতের বৈচিত্র্য দর্শন কর—ঐ যে সূন্য নভোমণ্ডলে চন্দ্র, সূর্য, গ্রহ, নক্ষত্রাদি বিশ্বের নিয়মানুসারে ক্রমবেগে পরিভ্রমণ করিতেছে, বার্ষিক বর্ষে বিগুণ ধরা সঞ্জীবিত হইতেছে, মানবের উপকারের জন্য মালবোঝাই জাহাজ সমুদ্রে গমনাগমন করিতেছে, খজুর বৃক্ষ সকল ফলফলে সুশোভিত হইতেছে—ইহা কি তোমাদের কাণ্ড ও প্রস্তর নির্মিত দেবদেবীর কাব্য ?” *

“যখন সমস্ত সৃষ্ট পদার্থ ই খোদাতায়ালার মাহিমা কীর্তন করিতেছে, তখন হে মূর্খগণ ! তোমরা খোদাতায়ালার আরও নিদর্শন দেখিতে চাও ! তোমাদের অঙ্গসৌষ্টব কেমন আশ্চর্যজনক ও সুন্দররূপে সংগঠিত এবং সংস্থাপিত ; দিবারাত্রি, জন্মমৃত্যু ও নিদ্রা জাগরণ কেমন পর্যায়ক্রমে পরিবর্তিত হইতেছে । খোদাতায়ালার কৃপায় তোমাদের অভিলাষাদি পূর্ণ হইতেছে । বায়ু-বিতাড়িত মজন জলদরাশি খোদাতায়ালার করুণার নিদর্শন স্বরূপ কৃপাবারি বর্ষণ করিতেছে । অশান্তির মধ্যে শান্তি সংস্থাপিত হইতেছে । বিভিন্ন আকৃতিবিশিষ্ট মানবগণের মধ্যে সৌমাদৃশ্য বর্তমান রহিয়াছে । ফল, মূল, জীব, জন্তু ও মানব ইহার প্রত্যেকটি কি বিশ্বস্রষ্টার যথেষ্ট নিদর্শন নহে ?” †

অজ্ঞানকে কোরেশগণ উপরোল্লিখিত মহাবাক্যাবলী সকল শ্রবণ করিয়া তাহার মতানুভব করিতে পারিল না এবং খোদাতায়ালার অস্তিত্বের নিদর্শন সমূহ তাহাদের দৃষ্টিপথে পতিত হইল না । বরং তাৎপরিবর্তে তাহাদের প্রধূমিত বিদেহানল বিগুণতর বেগে প্রজ্জ্বলিত হইয়া উঠিল ।

* কোরান শারহ ২৪শ সূরা ৪৮—৫০ । ২য় সূরা— ২২ ।

† কোরান শারহ ৬ষ্ঠ সূরা ৯৫—৯৯ ; ৫১শ ২০ ; ১৫শ—২০ ; ২০শ ৫০—৫১ ; ৩৪শ ২০, ২৮, ৩৯ ।

এই সময়ে এক দশন হজরত মহম্মদ কাবার মধ্যে বসিয়া উপাসনা করিতে ছিলেন, এমন সময়ে তিনি ঐ অকবা-ব.-আবু-মগয়েজ কর্তৃক আক্রান্ত হইয়া মহাবিপদে পতিত হন হজরত আবুবকর শারীরিক কষ্ট সহ করিয়া তাঁহাকে রক্ষা করেন। তাঁহার শিষাগণ সমধিক ক্ষমতাশালী ছিলেন না বলিয়া তাঁহাদের জীবনও বিপদাকীর্ণ হইয়া উঠিয়াছিল। কোরেশ-বংশীয়গণ বেলাল, মহায়েব, এমার ও ইয়াসার প্রভৃতি কতিপয় দুর্বল শিষাকে নানা ক্রোশে পতিত করে। রামধা পাহাড় ও বাথা নামক স্থানদ্বয় নবদর্শ্যে দীক্ষিত ভ্রাতাগণের উৎপীড়নস্থলরূপে পরিগণিত হইয়াছিল। পাষণ-হৃদয় কোরেশগণ ইসলাম-ধর্ম্মে দীক্ষিত ভ্রাতৃগণকে ঐ স্থানে আনয়ন করিয়া পচ ও সূর্য্যোস্তাপে তপ্ত বালুকার বিদগ্ধ করিত। ইহাদের মধ্যে বেলাল একজন, ইনিই ইসলামের প্রথম আজানদাতা। ইনি ক্রীতদাস ছিলেন। বেলাল পবিত্র ইসলাম-ধর্ম্ম গ্রহণ করায় তাঁহার প্রভু ওম্মিয়া-বেন-খালফ তাঁহাকে প্রত্যহ মধ্যাহ্নকালে বাথার লইয়া গিয়া উত্তপ্ত বালুকার উপর অনলবর্ষী সূর্য্যের দিকে তাঁহার মুখমণ্ডল স্থানপূর্ব্বক শোয়া-ইয় তাঁহার বক্ষোপরি প্রকাণ্ড প্রস্তর স্থাপন করিয়া রাখিত এবং বারম্বার বলিত, “বেলাল, হয় ইসলাম-ধর্ম্ম ত্যাগ কর, না হয় ত তোমাকে মৃত্যু পর্য্যন্ত এইরূপ অবস্থায় থাকিতে হইবে।” প্রস্তরের গুরুভারে ও পিপাসার মৃতপ্রায় বেলাল সক্রমণ কঠে কেবলমাত্র বলিতেন, “আহাহ্ন, আহাহ্ন” অর্থাৎ “এক (খোদাতায়ালা), এক”। এইরূপে কয়েকদিন অতিবাহিত হইয়া গেলে খোদাতায়ালা ক্রমদৃষ্টি তাঁহার উপর পতিত হইল। তখন দয়ার্জ্জিচ্ছ হজরত আবুবকর বেলালকে অর্থ দ্বারা ক্রয় করিয়া তাঁহাকে মৃত্যুমুখ হইতে রক্ষা করেন। হজরত আবুবকর এইরূপ প্রকারে আরও ছয় জন ক্রীতদাসকে ক্রয় করিয়া লইয়া রক্ষা করিয়াছিলেন। পাষণ্ড কোরেশগণ ইয়াসার ও তদীয় পত্নী সায়িমাকে নিষ্ঠুরভাবে বধ করিয়া-

ছিল এবং তাহাদের পুত্র আন্নারকেও তর্কিবহ যন্ত্রণা পদান করিয়াছিল। কিন্তু তাহাদের অশ্বরে একবার সত্যধর্মের জলন্তবিগ্নাস প্রবেশ করিয়াছে, তাহাদিগকে শক্রগণ অশেষ যন্ত্রণা দিয়াও বিচলিত করিতে পারে নাই। যাহা হউক, হজরত মহম্মদ তাঁহাদের শিষ্যবর্গের এইরূপ তর্কনা অনেক সময় স্বচক্ষে প্রত্যক্ষ করিতেন এবং তাঁহারা যে ধর্মের জন্ত বুক পাতিয়া শহিদ হইতেছেন, তাহাও তিনি দর্শন করিতেন। ইসলামের প্রাথমিক ইতিহাসে শহিদ প্রাপ্ত মহাত্মাদিগের নাম সুবর্ণাক্ষরে লিপিবদ্ধ রহিয়াছে।

কোরেশগণের এতাদৃশ অত্যাচার ও উৎপীড়ন সত্ত্বেও হজরত মহম্মদ কখনই তাহাদিগকে ঘৃণিত পাপনয় আচার ব্যবহার পরিত্যাগ করিবার জগা উপদেশ দিতে বিরত হন নাই। তিনি ধর্ম ও নীতি প্রচার কার্যে একমুখ্য মন প্রাণ সমর্পণ করিয়াছিলেন যে, তাঁহার অনলো-
কারিণী বক্তৃতা শ্রবণে শোভাদিগের মন প্রাণ দক্ষীভূত হইয়া বাইত। তিনি তাহাদিগকে বলিতেন যে, পুরাকালে খোদাতায়ালার প্রেরিত পুরুষের নিবেদাজ্জায় অনাস্তা প্রদর্শন করার অ'দ ও ছামদ বংশীয়গণ ধ্বংস প্রাপ্ত হইয়াছিল; ধর্ম-প্রচারক নূহর অসুগামিগণ পাপ কার্য-
স্থানে খোদাতায়ালার কোপানলে নির্মজ্জিত হইয়াছিল। শেষ বিচারের দিনে যখন সেই অনাস্তা অনস্তু বিচারপতির সম্মুখে নানবের ইহ জগতের কর্মফলের বিচার হইবে এবং যখন জীবনুপ্রোথিত শিশু সন্তানগণ কি দোষে হত হইয়াছে জিজ্ঞাসিত হইবে, তখন খোদা-
তায়ালার ব্যতীত কেহই তাহাদের নিকটে থাকিবে না। তিনি ধার্মিক-
দিগের স্বর্গের (বেহেস্ত) অনির্কচনীর সুখভোগ এবং পাপাশুগণের
নরকের (জাহান্নামের) তর্কিবহ যন্ত্রণা ভোগের স্তনের চিত্র তাহাদের
সম্মুখে প্রদর্শন করতেন এবং অবিখ্যাসীদিগের অবস্থা সম্বন্ধে বর্ণনা
করিতে করিতে বলিতেন, “কেহ অগ্নি প্রজ্জ্বলিত করিল, পরে যখন

তাহা তাহার চতুর্দিক আলোকিত করিল, খোদাতায়ালা তাহা হইতে অগ্নির জ্যোতিঃ প্রত্যাহার করিলেন এবং তাহাকে অন্ধকারে রাখিলেন, সে কিছু দেখিতে পাইল না। তাহার বধির, মূক, অন্ধ, অপিচ তাহার পরিবর্তিত হয় না। অথবা আকাশের সেই মেঘের ঞায় যাহাতে অন্ধকার, বজ্রধ্বনি, বিদ্যুৎ আছে, তাহার গর্জনবশতঃ মৃত্যু-ভয়ে স্ব স্ব কর্ণে অঙ্গুলি প্রদান করিতেছে, খোদাতায়ালা ধর্মদ্রোহী-দিগের অক্রমণকারী। সত্বেই বিদ্যুৎ তাহাদের দৃষ্টি হরণ করিবে, যখন (বিদ্যুৎ) তাহাদিগকে জ্যোতিঃ প্রদান করে, তাহার তাহাতে চলতে থাকে, যখন তাহার অন্ধকারাচ্ছন্ন হয়, তখন দণ্ডায়মান থাকে, খোদাতায়ালা ইচ্ছা করিলে নিশ্চয় তাহাদের চক্ষু, কর্ণ হরণ করিবেন। নিশ্চয় খোদাতায়ালা সর্বোপরি ক্ষমতাশীল।* * “এবং যাহারা ধর্মদ্রোহী হইয়াছে, তাহাদের ধর্ম সকল প্রাপ্তরের সেই মৃগ-তৃষ্ণার ঞায়, আপসার্ত্ত ব্যক্তি যাহাকে জল মনে করে, এ পর্য্যন্ত যখন সে তাহার নিকটে উপস্থিত হয়, তাহাকে কোন পদার্থরূপে প্রাপ্ত হয় না, এবং খোদাতায়ালাকে আপনার নিকটে (শান্তিদাতারূপে) প্রাপ্ত হয়, অনন্তর খোদাতায়ালা তাহার হিসাব (বিচার) পূর্ণ করেন, এবং খোদাতায়ালা হিসাবে সত্বর। অথবা তাহার অবস্থা যেন গভীর সমুদ্রে তিনিররাশি, তরঙ্গের উপর তরঙ্গ তাহাকে গ্রাস করিতেছে, তাহার উপর মেঘ, অন্ধকারপুঞ্জ পরস্পর এক অন্তের উপর, যখন সে আপন হস্ত বাহির করে, তাহা যে দেখিবে এমন সুযোগ নাই, যাহাকে খোদাতায়ালা আলোক দান করেন নাই, সে সেই ব্যক্তি, অনন্তর তাহার জন্ত কোন আলোক নাই।”† তাহার এইরূপ ভীতিপূর্ণ বক্তৃতা শ্রবণ করি :

* কোরাণ শরিক ২য় সূরা ১৭—২০ আয়েত।

† কোরাণ শরিক ২৪শ সূরা ৩৯—৪০ আয়েত।

শ্রোতাঙ্গের মধ্যে অনেকের পাষণ্ডদয় ও দ্রবীভূত হইয়া গিয়াছিল তাঁহাদের মধ্যে কেহ কেহ পবিত্র ধর্মে দাক্ষিত হইয়াছিলেন ।

হজরত হামজার ইসলাম গ্রহণ ।

কোরেশগণ কোন ক্রমে হজরতকে ধর্মপ্রচারে বিরত রাখিতে পারিলেন না, অধিকন্তু তিনি দিন দিন নূতন ধর্মের বহুল প্রচার করিতেছেন দেখিয়া তাহারা নিয়ম করিল যে, তাহারা ইসলামধর্ম গ্রহণ করিবে, তাহারা তাহাদিগকে দেশ হইতে বহিস্কৃত করিয়া দিবে । এদিকে হজরত সাফা পর্বতোপরি অরকাম নামক জনৈক শিষ্যের গৃহে থাকিয়া ধর্মপ্রচার করিতে লাগিলেন । একদা কোরেশগণ সাফা গিরিতে প্রতিমা পূজার জন্ত সমবেত হইল । হজরত মহম্মদ সেই পূজার স্থানে গিয়া একমাত্র খোদাতায়ালা পূজার কথা ঘোষণা করিতে লাগিলেন । ইহাতে অলিদ, আবু-জহলকে বলিল, “আইন, মহম্মদকে অবমানা করি ।” আবুজহল এবং অপর অনেকে তাহাতে সন্মত হইয়া হজরতকে তিরস্কার করিয়া প্রতিমার গুণগান করিতে লাগিল । পরদিন ঢর্কুন্তেরা দলবদ্ধ হইয়া হজরতকে গুরুতররূপে আঘাত করে, তাহাতে তিনি মৃতপ্রায় হন । সেই অবস্থার্তিনি তাহাদিগকে এই কথাটী মাত্র বলিয়াছিলেন, “তোমরা কেন আমাকে আঘাত করিতেছ ? আমি খোদাতায়ালা প্রেরিত ।” অবশেষে খোদেজা বিবি কোরেশদিগের অত্যাচারের কথা শুনিয়া কাঁদিতে কাঁদিতে হজরতের নিকট আসিয়া উপস্থিত হন এবং তাঁহাকে কাবার নিকটবর্তী স্থানে লইয়া গিয়া সেখানে শুশ্রূষা করিতে থাকেন ।

হজরতের খুলতাত হামজা যুগয়া হইতে গৃহে প্রত্যাগমন করিয়া, এক বৃদ্ধার মুখে হজরতের প্রতি কোরেশগণের অত্যাচারের কথা শুনিতে

পান । তিনি বৃদ্ধাকে জিজ্ঞাসা করেন, “আবুতালেব কি গৃহে নাই ?” স্ত্রীলোকটি বলিল, “না ।” তখন তিনি জিজ্ঞাসা করেন, “আব্বাস কোথায় ছিলেন ?” স্ত্রীলোকটি বলিল, “তিনি শত্রুগণকে নিরস্ত হইতে অনেক অনুনয় করেন, কিন্তু তাহার ঠাঁহার কথায় কর্ণপাত করে নাই ।” তৎপরে তিনি জিজ্ঞাসা করেন, “আবুলহব কোথায় ছিলেন ?” স্ত্রীলোকটি উত্তর করিল, “সেই নরাধম পাষাণ শত্রুদিগকে বলিতে লাগিল যে, মহম্মদকে মারিয়া ফেল ।” এতৎ শ্রবণে হামজা ক্রোধান্বিত হইয়া শরাসনে শর-সন্ধান ও তরবারি ধারণপূর্বক অশ্বপৃষ্ঠে আরোহণ করিলেন এবং যেখানে আবুজহল প্রভৃতি দুর্নৃত্তগণ জয়োন্মত্ত হইয়া আমোদ প্রমোদ করিতেছিল, তথায় গিয়া উপনীত হইলেন । কোরেশগণ উগ্রমূর্ত্তি হামজাকে দর্শন করিয়াই ভয়-কম্পিত হইল । হামজা বাহ-কষায়িতলোচনে তাহাদিগকে জিজ্ঞাসা করিলেন, “তোমাদের মধ্যে কে মহম্মদের প্রতি অত্যাচার করিয়াছে ?” আবুজহল বলিল, “আমিই ।” হামজা ক্রোধভরে তাহাকে বিস্তর ভৎসনা ও তাহার মস্তকে গুরুতররূপে আঘাত করিলেন এবং বলিলেন, “যদি আমি সেই সময়ে উপস্থিত থাকিতাম, তাহা হইলে সকলকেই শমন-সদনে প্রেরণ করিতাম ।” তৎপরে তিনি হজরতের নিকট চলিয়া আসিলেন ; হজরত তাহাকে দেখিয়া হৃৎখাদ্র বিসজ্জন করিয়া আক্ষেপ করিতে থাকেন । হামজা তাহাকে প্রবোধ দিয়া বলিলেন, “ভ্রাতৃপুত্র ! আমি অত্যাচারী আবুজহলের মস্তক ভগ্ন করিয়া দিয়া আসিয়াছি, অতঃ হইতে তোমাকে শত্রুহস্ত হইতে সর্বদা রক্ষা করিতে ব্রতী হইলাম ।” হজরত বলিলেন, “আপনি খোদাতায়ালার মনোনীত সত্যধর্ম গ্রহণ করিলে, আমি সমধিক বাধিত হইব ।” তখন হামজা হজরতকে কোরাণ শরিফ পাঠ করিতে বলিলেন, তিনি সূরা “মুমেন” ও সূরা তাহার কয়েকটি আয়েত (বচন) পাঠ করিলেন এবং তাহা দ্বারা পৌত্তলিকতার অসারতা প্রমাণ

করিলেন। তৎশ্রবণে হামজা হজরতকে খোদাতায়ালার প্রেরিত ধর্ম প্রচারক স্বীকার করিয়া কলোনা পড়িয়া মুসলমান হইলেন। তদবধি তিনি হজরতকে শক্রহস্ত হইতে রক্ষা করিব বলিয়া প্রতিজ্ঞাবদ্ধ হন। শেষে এই বীরশ্রেষ্ঠ হজরত হামজা ইসলামধর্ম-প্রচারের একজন বিখ্যাত সাহায্যকারী বলিয়া পরিগণিত হইয়াছিলেন।

হজরত ওমরের ইসলামধর্ম গ্রহণ ।

ওমর-বেন-অল-খেদাব নামক আবুজহলের ষড় বিংশতি বৎসর বয়স্ক অমিত্রবলশালী, স্তম্ভীর্ষবপুঃ, দৃঢ়কায় ও অসীম-দাতার এক ভ্রাতৃপুত্র ছিলেন। তাঁহার ভীমমূর্ত্তি দর্শন করিলে গর্ভিত বীরপুরুষের অন্তরেও ভয়ের উদ্রেক হইত। এমন কি, তাঁহার ভক্ত্যত্নিত বেত্র অস্ত্র লোকের ভরবারি অপেক্ষাও সাধারণের নকট ভয়াবহ বলিয়া বোধ হইত। এক দিন আবুজহল কোরেশগণকে আহ্বান করিয়া বলিয়াছিল, “কোরেশগণ! মহম্মদ আমাদের পিতা পিতামহ প্রভৃতি পূর্বপুরুষগণকে ও আমাদের আত্মিক আখ্যা প্রদান করিতেছে আর আমাদের দেবদেবীগণের নানারূপ নিন্দা ও অবমাননা করিতেছে। এই সকল অবমাননা কি আমাদের সহ্য করিয়া থাকা উচিত? অতঃপর যদি আমরা মহম্মদকে ইহার উপযুক্ত প্রতিফল না দিই, তাহা হইলে কাপুরুষ নামে অভিহিত হইব। আমি প্রতিজ্ঞা করিয়া বলিতেছি, ‘তোমাদের মধ্যে যে ব্যক্তি মহম্মদের মস্তক ছেদন করিয়া আনিতে পারিবে, আমি তাহাকে ১০০ উষ্ট্র ও ৫০০ শত স্বর্ণ মুদ্রা প্রদান করিব।’ হজরত ওমর সমবেত কোরেশদিগের মধ্য হইতে বলিয়া উঠিলেন, ‘আমিই মহম্মদের মস্তক ছেদন করিয়া আনিতে প্রস্তুত আছি।’ অতঃপর

জহল, লাত প্রভৃতি দেবতার নামে প্রতিজ্ঞা করিয়া অদ্বীকৃত উষ্ট্র ও মুদ্রা দিতে স্বীকৃত হইল। তৎপরে হজরত ওমর কাবাস্থিত হবল দেবকে সাক্ষী করিয়া হজরতের শিরশ্ছেদন করিতে বহির্গত হইলেন।

এই সময়ে হজরত মহম্মদ অরকামের গৃহে অবস্থিতি করিতেছিলেন। হজরত ওমর তাঁহার উদ্দেশ্যে গমনকালে পথিমধ্যে জহরাবংশোদ্ভব এক ব্যক্তির সহিত তাঁহার সাক্ষাৎ হয়। সেই ব্যক্তি গুপ্তভাবে ইসলামধর্মে দীক্ষিত হইয়াছিলেন, কিন্তু কোরেশদিগর ভয়ে স্বকীয় ধর্ম গোপনে রাখিয়াছিলেন। তিনি হজরত ওমরকে জিজ্ঞাসা করিলেন, “ওমর! কোথায় যাইতেছ ?” হজরত ওমর বলিলেন, “আমি মহম্মদের মস্তক ছেদন করিবার জন্য প্রতিজ্ঞাবদ্ধ, তাহাই সম্পন্ন করিবার জন্য যাইতেছি।” সেই লোকটি বলিলেন, “আচ্ছ, তুমি ঐ সম্মুখস্থ মেঘশাবকটী ধরিয়া দেও।” ওমর অনেক চেষ্টা করিয়াও মেঘশাবকটী দৌড়িয়া ধরিতে পারিলেন না। তখন সেই ব্যক্তি বলিলেন, “তুমি যখন এই সমান্য মেঘশাবকটীকে ধরিতে পারিলে না, তখন কেমন করিয়া, সেই খোদাতায়ালার সিংহকে আক্রমণ করিবে ?” ইহা শুনিয়া হজরত ওমর লজ্জিত হইলেন। সেই লোকটি হজরত ওমরকে পুনর্বার বলিলেন, “যদি তুমি তাঁহাকে আক্রমণ কর, তাহা হইলে হাশেম ও আবদুল-মোস্তালেবের সম্মানগণ তোমাকে ধও ধও করিয়া ফেলিবেন ? অতএব এই গুরুতর কার্যে হস্তক্ষেপ করিও না।” ইহা শুনিয়া হজরত ওমর ক্রোধান্বিত হইয়া তাঁহাকে বলিলেন, “তুমি বুঝি, মহম্মদের ধর্মে দীক্ষিত হইয়াছ ? যদি তুমি মুসলমান হইয়া থাক, তাহা হইলে আমি সর্বদা তোমাকেই বিনাশ করিব।” তিনি বলিলেন, “না, আমি নৈপাতিক-ধর্ম ত্যাগি করি নাই।” ইহা শুনিয়া হজরত ওমর চলিয়া গেলেন। কিছু দূর গেলে মরিয় নামক এক ব্যক্তির সহিত তাঁহার সাক্ষাৎ হইল।

তিনি নরিয়মকে স্বীয় অভিপ্রায় জানাইলেন ; নরিয়ম তাঁহাকে এই গুরুতর কার্য্য হইতে নিরস্ত থাকিতে চেষ্টা পাইল, ইহাতে হজরত ওমর তাঁহাকে হত্যা করিতে উদ্বৃত্ত হইলেন । তখন নরিয়ম বলিল, “আমি পৈত্রিক ধর্মে স্থির আছি ; তোমার ভগ্নী ফাতেমা ও ভগ্নীপতি সয়িদ ইসলামধর্ম গ্রহণ করিয়াছেন, অগ্রে তাঁহাদিগকে শাসন কর, পরে অগ্নিকে শাসন করিও ।” ইহা শুনিয়াই হজরত ওমর রাগান্বিত হইয়া ভগ্নীর গৃহে গমন করিলেন, গমনকালে নরিয়ম তাঁহাকে বলিয়া দিল, “তোমার ভগ্নী ও ভগ্নীপতিকে বলির মাংস স্বহস্তে পাক করিয়া ভক্ষণ করিতে দিও, যদি তাঁহারা সেই মাংস ভক্ষণ না করেন, তাহা হইলে নিশ্চয় জানিবে যে, তাঁহারা ইসলামধর্মাবলম্বী হইয়াছেন ।” হজরত ওমর ভগ্নীর গৃহে উপনীত হইলে সয়িদ আহােরের জন্য একটা মেঘ আনিলেন ; হজরত ওমর তাঁহাকে বলি দিয়া স্বহস্তে রন্ধন করিলেন । আহাের কালে তিনি তাঁহার ভগ্নী ও ভগ্নীপতিকে সেই মাংস ভক্ষণ করিতে বলিলেন, কিন্তু তাঁহারা বলিলেন, “আমরা একটা সংকল্প করিয়াছি, তচ্ছত্র মাংস ভক্ষণ করিব না ।” হজরত ওমর ইহা শুনিয়া কোধান্বিত হইয়া ভগ্নীকে আঘাত করিতে আরম্ভ করিলেন । সয়িদ ফাতেমাকে রক্ষা করিতে আসিলে, তিনি তাঁহাকেও ভূতলে পাতিত করিয়া আঘাত করিতে থাকেন । ফাতেমা কধকিৎ সুস্থ হইয়া স্বামীকে রক্ষা করিতে আসিলে, হজরত ওমর মৃষ্টাঘাতে ফাতেমার বদনমণ্ডল রক্তাক্ত করিয়া দেন । তখন ফাতেমা দীর্ঘনিশ্বাস পরিত্যাগপূর্বক উচ্চৈঃস্বরে বলিলেন, “হে ধর্মদ্রোহী ভ্রাতঃ ! আমি একমাত্র খোদাতায়ালা ও তাঁহার প্রেরিত ধর্মপ্রচারক হজরত মহম্মদের উপর বিশ্বাস স্থাপন করিয়াছি বলিয়া, তুমি আমাকে আঘাত করিয়াছ ? আমরা তোমাকে ও তোমার উদ্ধতস্বভাবকে ঘৃণাপূর্বক ইসলামধর্ম রক্ষা করিব ।” এই বলিয়া ফাতেমা বারবার কলেমা পড়িতে লাগিলেন—“একমাত্র

খোদাতায়ালার ভিন্ন আর কেহ উপাশ্রয় নাই, মহম্মদ তাঁহার প্রেরিত ।”
আঘাতের গুরুত্ব সত্ত্বেও ভয়ী ও ভয়ী শতির তাদৃশ ধর্মনিষ্ঠা ও সত্যে অটল
বিশ্বাস দেখিয়া হজরত ওমর আশ্চর্যান্বিত ও চিন্তায়ুক্ত হইলেন ।

হজরত ওমর নিদ্রিত হইলে নিশীথ সময়ে সয়িদ ও ফাতেমা গাত্রোথান-
পূর্বক অজু করিয়া কোরাণ শরিফের বিংশতি অধ্যায়ের “তাহা” সূরা পাঠ
করিতে লাগিলেন, “খোদাতায়ালার স্বর্গমর্ত্যপাতালের সৃষ্টিকর্তা, তিনিই এই
সকলের অধীশ্বর, তিনি ভিন্ন আর কেহই উপাশ্রয় নাই । মানবগণ যাহা
করে, তিনি তাহা অবগত হন ।” এইরূপ মন্দের কয়েকটা আয়েত (বচন)
পাঠ করিলে, হজরত ওমর তথায় গিয়া বলিলেন, “তবে কি সমুদয়ই মহম্মদের
খোদাতায়ালার। আমাদের দেবতাগণের কিছুই নাই ? একবার কোরাণখানি
আমাকে দেখাও ।” ফাতেমা বলিলেন, “অজু না করিলে, কোরাণ
শরিফ স্পর্শ করা যায় না ।” তদনন্তর হজরত ওমর অজু করিলেন,
ফাতেমা তাঁহার হস্তে লিখিত আয়েত গুলি দিয়া বলিলেন, “সাবধান, যেন
এই পবিত্র বিধানের কোনরূপ অসম্মান না হয় ।” হজরত ওমর সসম্মানে
তাহা অঙ্কে ধারণ করিলেন, সয়িদ পড়িতে লাগিলেন ।

যখন সয়িদ মৃত্যুর পর পুনর্জিচারের কথা পড়িতে লাগিলেন, তখন
হজরত ওমরের অন্তর দ্রবীভূত হইয়া গেল, তিনি হঠাৎ বলিয়া উঠিলেন,
“একমাত্র খোদাতায়ালার ভিন্ন আর উপাশ্রয় নাই, মহম্মদ তাঁহার প্রেরিত ।”
তখন সয়িদ ও ফাতেমা হজরত ওমরের মুখ হইতে এই বাক্যাবলী উচ্চারিত
হইতে শুনা পরম সন্তুষ্ট হইলেন । হজরত ওমর ইসলামধর্মে দীক্ষিত হইতে
সংকল্প করিয়া সেই রাতেই হজরতের নিকট যাঠিতে উদ্বৃত্ত হইলেন, কিন্তু
পরদিন প্রাতঃকালে সয়িদ তাঁহাকে হজরতের নিকট লইয়া গেলেন ।

এদিকে মুসলমানগণ কোরেশদিগের প্রতিজ্ঞার বিষয় অবগত হইয়া
হজরত মহম্মদকে রক্ষার্থ অরকাযের গৃহে উপস্থিত ছিলেন । সেই সময়ে

হজরত অহোরাহা কেবল বরষার খোদাতারাগার কৃপা প্রার্থনার নিমিত্ত ছিলেন । হজরত ওমরের আগমনবার্তা শুনিতে পাইয়া হজরত আবুবকর ও হজরত আলি প্রভৃতি ভীত হইলেন, হামজা-প্রমুখ কতিপয় ব্যক্তি অল্প-শব্দে সুসজ্জিত হইয়া হজরত ওমরের আগমন প্রতীক্ষা করিতে লাগিলেন । এমন সময়ে ঘারে আঘাত হইল, হজরত মহম্মদ সকলকে বলিলেন, “তোমাদের বাহির হইবার আবশ্যক নাহ, আমিই অগ্রসর হইতেছি ।” তজ্জাচ তাঁহারা তাঁহাকে নিবৃত্তির জন্ত বারম্বার অণু ব্রাহ্ম করিতে লাগিলেন । প্রসিদ্ধি আছে যে, হজরত মহম্মদ জেব্রিল মুখে হজরত ওমরের অবস্থা পরিবর্তন হইয়াছে শু নয়া স্বর্গীয় বলে বলয়ান হইলেন । তিনি মানবীর বলের নিকট মস্তক নত না করিয়া নির্ভয়ে হারদেশে উপস্থিত হইলেন এবং হজরত ওমর দ্বারা আনিবামাত্র বাহির হইয়াই তাঁহার চতুর্দশ হারিলেন । হজরত মহম্মদ, ওমরের চতু হারণ করাতে তিনি নিতান্ত চকিত হইয়া পড়িলেন, তখন তাঁহার প্রভূত বলবিক্রম সমুদয় চলিয়া গেল ; তাঁহার অটল হৃদয় ও দৃঢ়বপুঃ কম্পিত হইতে লাগিল । এখন তিনি কয়েকটা পড়িয়া মুসলমান হইলেন । আহা ! ইমগানের কি মোহিনীশক্তি ! যিনি উলঙ্গ কৃপাণ করে হজরত মহম্মদের শিরশ্ছেদ করিতে বাইতেছিলেন তিনিই আবার ভক্তি সঙ্গদ-চিত্তে নতশিরে ইন্দ্রাঙ্গ-স্কন্ধ করকমল চূড়নপূর্বক বিশ্বাসের মন্ত্র পাঠ করিলেন । হজরত মহম্মদ তাঁহাকে সয়েতে আলিঙ্গন করিলেন । তখন হজরত ওমর বলিলেন, “প্রোরত পুরুষ ! পৌত্তলিকগণ প্রকান্তে প্রতিমা পূজা করিবে, আর আমরা কি গোপনে অবিচারিত আল্লাহতারাগার উপাসনা করিব ? কখনই তাহা হইবে না ; চলুন, আমরা কাবামনিরে দিয়া প্রকান্তভাবে উপাসনা করি ।” হজরত তাঁহার সহযোগিতা কাবাম উপাসনার বহির্গত হইলেন । তিনি দক্ষিণ পার্শ্বে হজরত আবুবকর বাম পার্শ্বে হামজা, সমুদয়গণে হজরত আলি এবং সবার হজরত

ওমর আর পশ্চাৎগে অস্ত্রাশ্র শিষ্টিগণকে লইয়া গমন করিলেন ।
 বিপক্ষ কোরেশগণ হজরতকে দিবাভাগে শিবাগণ কর্তৃক পরিবেষ্টিত
 হইয়া প্রকাশ্যরূপে মকার রাজপথ দিয়া গমন করিতে দেখিয়া
 আশ্চর্যান্বিত হইল এবং ভাবী অমঙ্গলের পূর্বলক্ষণ বাণীয়া স্থির করিল ।
 কাবার পার্শ্বস্থিত একটা গৃহে আ-জহ-প্রভৃতি কোরেশগণ হজরত ওমরের
 আগমন প্রতীক্ষার ছিল, হজরত ওমর তাহাদেব নিওট গিয়া বলিলেন,
 “কোরেশগণ ! আমি ইসলামধর্ম গ্রহণ করিয়াছি, তোমরাও এই ধর্ম
 গ্রহণ কর ; তোমরা হজরত মহম্মদকে হত্যা করিতে চেষ্টা করিও না,
 যদি তোমরা তাহাকে হত্যা করিতে চেষ্টা কর, তাহা হইলে
 এই সুওক্ষ তরবারির দ্বারা সকলকে শমন-সদনে প্রেণে করিব ।”
 তৎপ্রবণে কেহ কেহ বলিল, “ওমর ! তুমি কি মহম্মদেঃ ধম্মে
 দীক্ষিত হইয়াছ ?” হজরত ওমর উচ্চৈঃস্বরে উত্তর দিলেন, “হাঁ, সত্যধর্ম
 গ্রহণ করিয়াছি ।” হজরত ওমরকে ইসলামধর্মগ্রহণার্থী হইতে দেখিয়া
 কোরেশগণের আশা ভরসা সমুদয় অধিকৃত হইয়া গেল । বিপক্ষদলের মধ্য
 হইতে কতিপয় প্রধান বীরপুরুষ একত্রিত হইয়া হজরত ওমরকে আক্রমণ
 করিল, তিনিও অতুল-বল-বিক্রম সহকারে আক্রমণকারীদেরকে দূরীভূত
 করিয়া দিলেন । তখন অপর কোরেশগণ কাবাপ্রাক্ষণ ত্যাগ করিল ।
 সেই সময়ে হজরত মহম্মদ ও তাঁহার শিষ্টিগণ নিশিবে কাবার উপায়না ও
 অধিকণ কাফায়াদি সম্পন্ন করিলেন । শক্রগণ প্রভূত-বল-বিক্রম-শালী হজরত
 হামজা ও ওমরের রক্তাক্ত লোচন দর্শন করিয়া তাহারিগকে ধর্ম-কর্তব্য
 বাধা দিতে সাহসী হইলেন না । সেই সময় হইতে হজরত ওমর
 ইসলামধর্মের একজন প্রধান বক্তা হইলেন এবং হজরত আবু বকরের
 পরামর্শক্রমেই তঁহারি খলিফা পদাধিকৃত হইয়া উইয়েগ ও আফ্রিকা
 প্রদেশের ইসলামধর্ম বিস্তার-কর্তব্যতা উচ্চীর্ণমান করিলেন । হজরত

ওমর ইন্লাঃধর্ম্মে দীক্ষিত হইলে হজরত মহম্মদের শিষ্যসংখ্যা ৪০ জন পূর্ণ হইল ।

মুসলমানগণের আফ্রিকায় প্রস্থান ও তাঁহাদের প্রতি কাফ্রিপতি নজ্জাসীর ব্যবহার ।

যখন কোরেশগণের অত্যাচার দিন দিন উগ্রমূর্ধি ধারণ করিতে লাগিল, তখন হজরত মহম্মদ শিষ্যগণকে আরবদেশ ত্যাগ করিয়া আফ্রিকায় প্রস্থান করিতে আদেশ দিলেন । হজরতের জামতা স্ময়ান ইসলাম-ধর্ম্মাবলম্বী ১০ জন পুরুষ ও ৫ জন স্ত্রীলোক সমভিব্যাহারে আফ্রিকায় যাত্রা করেন । তাঁহারা দুই তিন দিন গমন করিবার পর লোহিত সাগরের তীরবর্তী জেদ্দাবন্দরে উপনীত হইয়া দেখিতে পান যে, আবিসিনিয়া দেশীয় দুইখানি অর্ণবপোত তথায় নঙ্গর করিয়া আছে । তাঁহারা উক্ত অর্ণবপোতে আরোহণপূর্বক আফ্রিকায় উপনীত হন । তথাকার “নজ্জাসী” উপধিকারী খৃষ্টধর্ম্মাবলম্বী ভূপতি তাঁহাদিগকে সাদরে গ্রহণ করিয়া যত্নে রক্ষা করিতে লাগিলেন । এই ঘটনা হজরতের ধর্ম্মপ্রচারের পঞ্চম বর্ষ ৬১৫ খৃঃ অব্দে সংঘটন হইয়াছিল । ইহাকে প্রথম হেজরৎ অর্থাৎ উৎপীড়িত বিশ্বাসীগণের জন্মভূমি ভাগ বণে । কিছু দিন এইরূপে গত হইল । এক দিন হজরত মহম্মদ কাবায় বসিয়া কোরাশরিকের ৫৩শ সূরা আবৃত্তি করিতে করিতে এই আয়েতে উপনীত হইলেন “লাত, ওচ্ছা ও অপস তৃতীয় মনাত সম্বন্ধে তোমরা কি বিবেচনা কর ?” কথিত আছে যে, সেই সময় তথায় একজন মানবরূপী শরতান উপস্থিত ছিল, সে বলিয়া উঠিল, “তাঁহারা সম্মানিত কুমারী এবং তাঁহারা খোদাতায়ালাকে কৃপা বিতরণের জন্য অনুরোধ করিতে পারেন ।” এই

ধাক্কাগুলি কোরেশগণ প্রত্যাদেশ বলিয়া বিবেচনা করিল। তখন তাহারা ঘোষণা করিয়া দিল যে, আর বেন কেহ মহম্মদ ও তাহার শিষ্যমণ্ডলীর প্রতি অত্যাচার না করে। অধিকন্তু আরবদেশের সর্বত্র প্রচারিত হইল যে, কোরেশগণ হজরত মহম্মদের সহিত সন্ধি স্থাপন করিয়াছেন। আফ্রিকা-প্রবাসী মুসলমানগণ ও ইহা অবগত হইয়া কেহ কেহ স্বদেশে প্রত্যাগমন করিলেন। হজরত মহম্মদ শেষে জানিতে পারিলেন যে, তিনি লাভ ও মনাভ প্রভৃতি দেবতার গুণগান করিয়াছিলেন বলিয়া কোরেশগণ তাঁহার সহিত সন্ধি করিয়াছে। তখন তিনি তাহাদিগকে বলিয়া পাঠাইলেন, “আমি তোমাদের সহিত সন্ধি স্থাপন করি নাই আর তোমাদের দেবতাগুলির গুণগানও করি নাই। তাহারা কিছুই নহে, কেবল শূন্য নাম মাত্র—যাহা তোমরা ও তোমাদের পূর্বপুরুষগণ উদ্ভাবন করিয়াছ।” ইহা শুনিয়া কোরেশ-গণের অত্যাচার ও উৎপীড়ন অগ্নিমূর্তি ধারণ করিল, তখন মুসলমানগণ পুনর্বার আফ্রিকায় প্রস্থান করেন। সেই সময়ে তাঁহাদের সংখ্যা ২০৩ জন হইল, ইহাদের মধ্যে ৮৫ জন পুরুষ ও ১৮ জন স্ত্রীলোক। এতদ্ব্যতীত তাঁহাদের শিশু সন্তানগণও ছিলেন। ইহাকে দ্বিতীয় হেজরৎ বলে।* এই ঘটনা ৬১৬ খৃঃ অব্দে সংঘটন হইয়াছিল।

যখন কোরেশগণ দেখিল যে, মুসলমানগণ নজ্জাসীর আশ্রয়ে সুখে স্বচ্ছন্দে অবস্থিতি করিতেছেন, তখন তাহাদের মনোমধ্যে ঈর্ষার সঞ্চার হইল। তজ্জন্ত তাহারা আবদুল্লা-বেন-রাবিয়া, ওমর-বেন আস ও আমির-বেন-অলিফকে আপনাদের প্রতিনিধি নিযুক্ত করিয়া মুসলমানগণকে আনিবার জন্য নজ্জাসীর নিকটে পাঠাইরা দিল এবং নজ্জাসী ও তাহার পারিষদ-বর্গের জন্য বহুসূচী উপঢৌকনাদি প্রেরণ করিল। প্রতিনিধিগণ নজ্জাসীর

* এরূপে হেশাম ২০৮ পৃঃ ; এরনে-অল-আছির ২য় খণ্ড ৫৮ পৃঃ ; আবুল কেসাম ২০ পৃঃ।

রাজধানীতে উপনীত হইয়া পারিষদবর্গকে উপঢৌকন দিয়া আপনাদের অভিনাথ জ্ঞাপন করিল; তাঁহারা মুসলমানদিগকে তাহাদের হস্তে অর্পণের সহায়তা করিবে বলিয়া স্বীকৃত হইল। পর দিন ওমর প্রভৃতি প্রতিনিধিগণ রাজসভায় উপস্থিত হইয়া নজ্জাসীকে উপঢৌকনাদি প্রদান-পূর্বক বলিল, “মহারাজ! আমাদের দেশীয় কাতপর্য যুবক স্বধর্ম ত্যাগ করিয়া আপনার আশ্রয়ে আসিয়া অবস্থিতি করিতেছে, তাহাদিগকে স্বদেশে লইয়া যাইবার জন্য তাহাদের পিতা মাতা আমাদের পাঠাইয়া দিয়াছেন, আপনি তাহাদিগকে আমাদের হস্তে অর্পণ করুন।”

নজ্জাসী পূর্বে হজরতের পেরিতত্বের বিষয় অবগত ছিলেন। তজ্জন্ম তিনি বলিলেন, “আমি কল্যা তাহাদিগকে সভায় আহ্বান করিব এবং কি জন্য তাহারা স্বদেশ ত্যক্তে বিতাড়িত হইয়াছে, তাহার কারণ অবগত হইব। সহসা তাহাদিগকে তোমাদের হস্তে অর্পণ করিতে পারিব না।” পর দিন মুসলমানগণ সভায় আনীত হইলেন, তাঁহারা ভূপতি ও পারিষদবর্গকে প্রণাম না করিয়া সালাম করিলেন। সালাম করিবার কারণ জিজ্ঞাসা করিলে তাঁহারা বলেন, আমাদের ধর্ম প্রচারক বলিয়াছেন, “একমাত্র খোদাতায়াল্লা ভিন্ন আর কাহাকেও কিছা সৃষ্টিস্থ কোন পদার্থকে প্রণাম করিও না।” ইহা শুনিয়া নজ্জাসী সন্তুষ্ট হইলেন। আবুতালেবের পুত্র জাকর সেই সভায় মুসলমানদিগের প্রতিনিধিস্বরূপ উপস্থিত ছিলেন। নজ্জাসী জাকরকে বলিলেন, “জাকর! কোরেশগণ তোমাদিগকে তাহাদের হস্তে প্রত্যর্পণ করিবার জন্য লোক পাঠাইয়াছে, ইহাতে তোমাদের বক্তব্য কি?” জাকর বলিলেন, “রাজন্! আমরা ত কাহাকেও হত্যা করিয়া কিছা কাহার নিকট ধর্ম গ্রহণ করিয়া পলায়ন করি নাই, তবে কি জন্য উহারা আমাদের হস্তে আসিয়াছে?” ওমর বলিল, “না, উহাদের ঐ সকল দোষ নাই, কিন্তু উহারা পৈত্রিক ধর্ম ত্যাগ করিয়া

পিতামাতার, আমাদের ও সমাজের শত্রু হইয়া উঠিয়াছে, এমন কি, আমাদের সুবৃহৎ কোরেশ-বংশে নানারূপ বিশৃঙ্খলতা ঘটাইয়া দিয়াছে।” তখন জাকর উচ্চৈঃস্বরে বলিলেন, “হে নৃপতি ! আমরা পূর্বে অজ্ঞান ও কুসংস্কারজালে জড়িত থাকিয়া পুস্তলিকার পূজা করিতাম, মৃতজীব ভক্ষণ করিতাম, নানা ঘৃণার্হ বিষয়ের কথা বলিতাম এবং ছুক্ৰিমায় রত ছিলাম। দয়ালুব্যবহার, আতিথেয়তা ও প্রতিবাসীর প্রতি সদ্যবহার একেবারে ত্যাগ করিয়াছিলাম, আমরা কঠোরদণ্ড ভিন্ন আর কিছুই জানিতাম না। কিন্তু এক্ষণে আল্লাহতালার আমাদের মধ্য হইতে এমন এক জনকে সম্মানিত করিয়াছেন, যাহার বংশমর্যাদা, সত্যবাদিতা, সাধুতা ও পবিত্র চরিত্রতা সম্বন্ধে আমরা সম্যক্ অবগত আছি; আমরা তাঁহার উপর ও তাঁহার নিকট যে সকল প্রত্যাদেশ অবতীর্ণ হইয়াছে, তাহাতে বিশ্বাস স্থাপন করিয়াছি। তিনি আমাদের একেশ্বরবাদ শিক্ষা দিয়াছেন এবং খোদাতায়ালার ভাবিয় অণু কোন পদার্থকে আরাধনা করিতে নিষেধ করিয়াছেন। তিনি প্রতিবাসীদিগের প্রতি, পিতৃমাতৃহীন বালকবালিকাগণের প্রতি সদ্যবহার করিতে শিক্ষা দিয়াছেন। সুদ গ্রহণ করিতে নিষেধ করিয়াছেন। এমন কি, বৈধকার্য্যে বিধি দিয়াছেন ও অবৈধ কার্য্য করিতে নিষেধ করিয়াছেন। নামাজ (উপাসনা), রোজা (উপবাস) ও জাকাত (দান) এই সকল ধর্ম্মকার্য্য সম্পন্ন করিতে শিক্ষা দিয়াছেন। আমরা তাঁহার উপদেশে একেশ্বরে বিশ্বাস করিয়াছি এবং আল্লাহতালার ব্যতীত আর কাহাকেও সৃষ্টিকর্তা বলিয়া স্বীকার করি না। তজ্জন্ম কোরেশগণ আমাদের শত্রু হইয়া উঠিয়াছে। ইহারা আমাদের প্রকৃত খোদাতায়ালার উপাসনা ত্যাগ করাইয়া কঠি ও প্রস্তর বিনির্ম্মিত দেবতা সকলকে পূজা করাইবার নির্ম্মিত মশেব অত্যাচার ও উৎপীড়ন করিয়াছে। তাহাদের অত্যাচার ও উৎপীড়নে জর্জরিত হইয়া আমরা

স্বদেশ ত্যাগ করিয়া আপনার আশ্রয়ে অবস্থিতি করিতেছি। অতএব হে নরপতি ! আশা করি, আপনি অত্যাধিকারকে উহাদের হস্তে অর্পণ করিবেন না।” ইহা শুনিয়া নজ্জাসী বলিলেন, “তোমাদের নিকট কি প্রত্যাদেশবাণী লিপিবদ্ধ আছে?—যাহা হজরত মহম্মদের নিকট অবতীর্ণ হইয়াছে?” জাফর বলিলেন, “হাঁ, আছে।” নজ্জাসী তাহা পড়িতে বলিলেন। তখন জাফর তাহা পাঠ করিতে লাগিলেন। প্রত্যাদেশবাণী শ্রবণ করিয়া নজ্জাসীর অন্তর দ্রবীভূত হইয়া গেল এবং নয়নযুগল হইতে বাষ্পবাষি বিগলিত হইতে লাগিল। তখন নজ্জাসী বলিলেন, “এই সকল আদেশ পূর্বধর্ম প্রচারকগণের নিকটও অবতীর্ণ হইয়াছিল।” অনন্তর তিনি কোরেশগণ-প্রেরিত গুমর ও আবদুল্লাকে বলিলেন, “আমি মুসলমানদিগকে তোমাদের হস্তে অর্পণ করিব না, তোমরা তোমাদের প্রদত্ত উপঢৌকনাদি লইয়া চলিয়া যাও।” তখন শত্রুকুল অকৃতকার্য হইয়া স্বদেশে প্রত্যাবর্তন করিল। তৎপরে নজ্জাসী কোরাণ শারফের উপদেশবাণীর সত্যতা বুঝিতে পারিয়া, গুপ্তভাবে ইসলামধর্ম গ্রহণ করেন এবং তাহার সংবাদ হজরতকে পাঠাইয়া দেন। এই সময় হইতে তাহার সহিত হজরত মহম্মদের চিঠি পত্র লেখালেখি চলিতে আরম্ভ হইল। এক দিন খুশীর ধর্মবাক্যকে নজ্জাসীকে বলিল, “মহারাজ ! আপনি মুসলমানদিগকে কেন সাহায্য করিতেছেন? আগামী কলা সন্ধ্যা আহ্বান করিয়া তাহাদের প্রত্যাদেশ সম্বন্ধে বিচার করুন।” এই ঘটনার হজরত মহম্মদের নিকট যে খুশী অবতীর্ণ হইয়াছিল, তিনি তৎক্ষণাৎ তাহা জাফরের নিকট পাঠাইয়া দেন। বলা বাহুল্য, খুশীর ধর্মবাক্যকে তাহার একটি আয়েতও (বচন) অপ্রামাণ্য বলিয়া খণ্ডন করিতে পারে নাই।

কোরেশগণের পুনরত্যাচার ।

হজরত মহম্মদের শিষ্যগণ আফ্রিকার নজ্জাসীর আশ্রয়ে সুখে বাস করিতে লাগিলেন । এদিকে হজরত মহম্মদ, আবুতালেব, হামজা, ওমর ও আশির সাহায্যে দিন দিন ইসলামধর্মের বহুল প্রচার করিতে লাগিলেন । এ সময়ে আফ্রিকাদেশীয় ২০ জন সত্যাবেষী মহাত্মা মকায় আসিয়া হজরতের । কট ইসলামধর্মের দীক্ষিত হইয়াছিলেন । তাঁহারা ইসলামধর্ম গ্রহণ করায় আবুজহল প্রভৃতি কোরেশগণ, তাঁহাদিগকে অনেক ভৎসনা করে, কিন্তু তাঁহারা তাঁহাদিগকে অজ্ঞানাক্র পৌত্তলিক প্রভৃতি বলিয়া চলিয়া যান । এক্ষণে বিপক্ষ কোরেশগণ হজরত মহম্মদের ধর্মপ্রচারবহি নির্বাণ করিতে বহু প্রয়াস পাইয়াও কিছুই করিয়া উঠিতে পারিল না দেখিয়া আবু-তালেবের নিকট গিয়া বলিল, “তোমার ভ্রাতৃপুত্র আমাদের দেবদেবীর নিন্দা ও অবমাননা করিতেছে, সে কিছুতেই তাহা হইতে নিবৃত্তি হইল না ; অতএব তুমি হয় তাহাকে আমাদের হস্তে সমর্পণ কর, না হয় আমাদের সঙ্গে যুদ্ধে প্রবৃত্ত হও । আমরা নিশ্চয়ই তাহার প্রাণ সংহার করিব ।” * আবুতালেব তাহাদিগকে বলিলেন, “আমি আগামী কল্য ইহার উত্তর দিব ।” ময়ালুহদের আবুতালেব ভ্রাতৃপুত্রকে ডাকিয়া আনাইয়া কোরেশগণের অভিপ্রায় জ্ঞাত করাইলেন । হজরত তাঁহাকে বলিলেন, “জ্যেষ্ঠতাত ! আমি খোদাতায়ালার আদিষ্ট বিষয় ও উপদেশসমূহ প্রচার করিতেছি ; ইহাতে কেহই আমাকে নিবৃত্ত করিতে পারিবে না ; আপনি যদি আমাকে ভাগ করেন, তাহা হইলে খোদাতায়ালার আমাকে সাহায্য করিতে প্রস্তুত আছেন । আপনি জানিবেন, সত্যেরই জয় হইবে, অধার্মিক পৌত্তলিকগণ আমাকে কিছুই করিতে পারিবে না ।”

* এখানে মল-আসির ২য় খণ্ড ৩৭ পৃঃ ; এখানে হেশাম ১৬৭, ১৬৮ :

এই বলিয়া হজরত গমনোত্তম হইলে আবুতালেব তাঁহাকে ডাকিয়া বলিলেন, “মহম্মদ ! তুমি ধর্ম প্রচারে নিযুক্ত থাক, আমি যতকাল জীবিত থাকিব, ততকাল তোমাকে শত্রুহস্ত হইতে রক্ষা করিব ।” *

বিপক্ষ কোরেশগণ দেখিতে পাইল যে, আবুতালেব হজরত মহম্মদকে তাহাদের হস্তে অর্পণ না করিয়া তাঁহার সাহায্যে নিযুক্ত হইয়াছেন, তখন তাহারা হাশেম ও আবদল মোত্তালেবের সম্মানগণের বিপক্ষতাচরণ করিতে প্রবৃত্ত হইল । বিপক্ষ কোরেশগণের নায়ক আবু সুফিয়ান স্বদলস্থ সমুদয় প্রধান প্রধান লোককে ডাকিয়া এইরূপ প্রতিজ্ঞাবদ্ধ হইল যে, “যতদিন পর্য্যন্ত হাশেম ও আবদল মোত্তালেবের সম্মানগণ মহম্মদ ও তাহার শিষ্যগণকে আমাদের হস্তে অর্পণ না করিবে, ততদিন পর্য্যন্ত তাহাদের সহিত কথাবার্তা, বিবাহ ও ক্রয়বিক্রয়াদি কার্য সমুদয় বন্ধ থাকিবে ; তাহাদের সহিত কোনরূপ বাধাবাধকতা ও আত্মীয়তা একেবারে থাকিবে না । তাহাদিগকে বিপদে ও সাহায্য করা হইবে না, এমন কি সাক্ষাৎ হইলে সালাম করাও হইবে না ।” এই প্রতিজ্ঞাপত্রে তাহাদের দলস্থ প্রধান প্রধান ৪০ জন লোক স্বাক্ষর করিল । তৎপরে প্রতিজ্ঞাপত্র খানি কাবামন্দিরের দ্বারে টাঙ্গাইয়া রাখিয়া দিল । এই ঘটনা হজরতের ধর্ম-প্রচারের সপ্তম বর্ষে অর্থাৎ ৬১৬ খৃঃ অব্দের শেষভাগে সংঘটন হয় ।

আবুতালেব বিপক্ষদিগের প্রতিজ্ঞাপত্রের মর্ম অবগত হইয়া হাশেম ও আবদল মোত্তালেবের সম্মানগণকে ডাকাইয়া শীঘ্র বংশের মর্যাদা রক্ষা করিতে বলিলেন । তাঁহারা সকলে আবুতালেবের প্রস্তাবে অনুমোদন করিলেন । এক্ষণে তিনি হজরত মহম্মদকে সঙ্গে লইয়া মক্কার সন্নিকটস্থ বনামখাত হুর্গে গিয়া অবস্থিতি করিতে লাগিলেন, হাশেম ও আবদল

* এখানে হেশাম ১০৮ পৃঃ ; এখানে অল আসির ২য় খণ্ড ৮৮ পৃঃ ; আবুতালেব ১১ পৃঃ ।

মোস্তালেবের সন্তানগণও তাঁহার সমভিব্যাহারে গিয়াছিলেন। বিপক্ষগণ এই সংবাদ পাঠিয়া দুর্গ আক্রমণ করিল এবং প্রতিজ্ঞাপত্র উত্তমরূপে প্রচলিত করিবার জন্য প্রত্যেক স্থানে বিজ্ঞাপন দিল যে, “কেহ হাশেম ও আবদুল মোস্তালেবের বংশীয় লোকদিগের নিকট খাণ্ডদ্রব্যাদি বিক্রয় করিও না।” আবুতালেব ও তাঁহার সহচরগণ দুর্গ মধ্যে আবদ্ধ থাকিয়া ভয়ানক কষ্ট পাইতে লাগিলেন, খাণ্ডদ্রব্যের অভাবে অনেকে মৃতপ্রায় হইলেন।

বাৎসরিক তীর্থযাত্রার সময় (হজ ও ওমরা ব্রত উদ্‌যাপন সময়) উপনীত হইলে আরব দেশের নানা স্থান হইতে বহুসংখ্যক যাত্রী মক্কা নগরে আগমন করিত। প্রাচীন রীত্যনুসারে আরব দেশের অধিবাসিগণ পবিত্র মাসে (হজ ও ওমরা ব্রত উদ্‌যাপন মাসে) হিংসা-দেষাদি সমুদয় ভুলিয়া গিয়া সকলে কাবার মধ্যে একত্রিত হইয়া শাস্তভাবে উপাসনা কার্যাদি সম্পন্ন করিত। এই সময়ে হজব্রত মহম্মদ ও তাঁহার শিষ্যগণ দুর্গ মধ্যে হইতে বহির্গত হইয়া মক্কা নগরে প্রবেশপূর্বক স্বর্গীয় আদেশ প্রচার করিতে থাকেন। আরবের বিভিন্ন স্থানের বহুসংখ্যক লোক তাঁহার উপদেশ শ্রবণ করিয়া পৌত্তলিকতাকে অসার বলিয়া জানিতে পারিয়া ইসলামধর্ম গ্রহণ করেন। তাঁহারা আবার স্ব স্ব দেশে প্রত্যাগমন করিয়া প্রতিবেশীদিগের নিকট ইসলামধর্মের বীজ বপন করিতে লাগিলেন। ঐ সকল বিদেশী লোকগণের মধ্যে অনেক রাজপুত্র এবং দলপতিও ছিলেন; তাঁহাদের দ্বারাও ধর্ম প্রচারের বিশেষ সুবিধা হইয়াছিল।

আবুতালেব, অকুবা প্রভৃতি ছুরাশ্বগণ হজ ও ওমরা ব্রত উদ্‌যাপন-সময়ে মুসলমানদিগের নিকট দোকানদারদিগকে খাণ্ডদ্রব্যাদি বিক্রয় করিতে নিষেধ করিয়া দিল। পবিত্র মাস গত হইয়া গেলে, মুসলমান-

গণের দুর্গের বাহিরে আসিবার সাধ্য ছিল না। দুর্গমধ্যস্থিত কোরেশগণ অনাহারে অধিকাংশ সময়তিবাহিত করিতেন, বালকবালিকাগণ ক্ষুধাতৃষ্ণার আর্তনাদ করিত। তাঁহাদের জৈদৃশ শোচনীয় অবস্থা দর্শন করিয়াও অলিদ ও আবুজহল প্রভৃতি দুর্বৃত্তদের অন্তরে দয়ার উদ্রেক হয় নাই। কিন্তু বিপক্ষগণের মধ্যে কাহারও কাহারও অন্তর মুসলমানদিগের চক্ষে দয়া হইয়াছিল। হজরতের জামাতা আবু-ওল-আস কখন কখন মাদ্রিবোগে গুপ্তভাবে দুর্গ মধ্যে খাদ্যদ্রব্যাদি পাঠাইতেন। এক দিন হশাম বেন-ওমর গুপ্তভাবে মুসলমানদিগকে আহারীয় দ্রব্যাদি দিতে বাইতেছেন দেখিয়া কতক গুলি দ্রব্যাদি আবুসুফিয়ানকে তাহা অবগত করাইল। আবুসুফিয়ান তাহাদিগকে বলিলেন যে, আহারীয়-স্বজনগণকে আহারীয় দ্রব্যাদি দান করিতে নিষেধ করা অন্ত্যায়। আবুসুফিয়ান করুণাময়ের কৃপার পরে ইসলামধর্মাবলম্বী হইয়াছিলেন।

এইরূপে হজরত মহম্মদ সবাধুবে তিন বৎসরকাল দুর্গ মধ্যে আবদ্ধ থাকেন। দিন দিন শত্রুদিগের অত্যাচার বৃদ্ধি পাইতেছে দেখিয়া বিপক্ষ কোরেশদলস্থ দয়ালু-হৃদয় হশাম-বেন-ওমর জোবায়ের-বেন-আবু-ওম্মিয়া মতান-বেন-আদি, আবু-ওল-বখতারি ও জমা এই পাঁচ ব্যক্তি একত্র হইয়া বলিলেন, “আমরা সুখে স্বচ্ছন্দে আহার-বিহার করিয়া বেড়াইব আর আমাদের আহারীয়-স্বজনগণ অনাহারে কালগ্রাসে পতিত হইবে, তাহা আমরা স্বচক্ষে দর্শন করিব? ইহা অপেক্ষা পারাও ও নির্দয়ের কার্য আর কি হইতে পারে? অতএব আইস, আমরা একত্রিত হইয়া প্রতিজ্ঞাপত্র খানি খণ্ড খণ্ড করিয়া ছিড়িয়া ফেলি।” এই পাঁচ ব্যক্তি ঐরূপে প্রতিজ্ঞাবদ্ধ হইয়া পর দিন কারা-প্রাঙ্গণস্থ সমবেত কোরেশগণের সম্মুখে উপস্থিত হইলেন। জোবায়ের কোরেশগণকে আহ্বান করিয়া বলিলেন, “কোরেশগণ! আমরা কি

মুখে স্বচ্ছন্দে আহার-বিহার ও আমোদ-আহ্লাদ করিয়া বেড়াইব ? আর আমাদের আত্মীয়গণ (হাশেম ও আবদুল মোস্তালেবের সন্তানগণ) অনাহারে মৃত্যুমুখে পতিত হইবে ? এবং তাহাদের শিশুসন্তানগণের আর্তনাদে আকাশ বিদীর্ণ হইবে ? ইহা কখনই উচিত নহে ; অতএব আমি প্রতিজ্ঞা করিতেছি যে, “আমাদের প্রতিজ্ঞাপত্রখানি খণ্ড খণ্ড করিয়া ফেলিব ।” আবুজহল বলিল, “তুই না প্রতিজ্ঞাপত্রে স্বাক্ষর করিয়াছিস্ ?” জোবায়ের বলিলেন, “তুই আমার অনিচ্ছাসত্ত্বে লিখাইয়া লইয়াছিস্ ।” ক্রমে ক্রমে তাঁহারা পাঁচজনে এইরূপ বলিলেন । তখন বিপক্ষগণ গৃহবিচ্ছেদ উপস্থিত হইয়াছে দেখিয়া মহা ভাবিত হইল । আবুতালেব এই সময়ে হজরতের প্রমুখাৎ গুনিতে পান যে, আল্লাতালার আদেশানুসারে বিপক্ষ কোরেশদিগের প্রতিজ্ঞাপত্রখানি কীটে কাটিয়া ফেলিয়াছে । আবুতালেব ইহা শ্রবণ করিয়া বলিলেন, “তুমি দৈবশক্তি-প্রভাবে যে তাহা জানিতে পারিয়াছ, তজ্জন্ম আমি তোমার খোদাতায়ালাকে সত্য বলিয়া স্বীকার করিতেছি, আর তুমি যে তাঁহার ধর্ম প্রচারক, তদ্বিষয়ে কোন সন্দেহ নাই ।” এক্ষণে আবুতালেব সবাক্কে কোরেশগণের নিকটে আসিলেন । কোরেশগণ আবুতালেবকে দেখিয়া মহা আনন্দিত হইল । আবুতালেব তাহাদিগকে বলিলেন, “যদি তোমাদের প্রতিজ্ঞাপত্রে মোহর থাকে, তাহা হইলে আমি মহম্মদকে তোমাদের হস্তে অর্পণ করিব, কেননা মহম্মদ আমাকে বলিয়াছেন যে, তোমাদের প্রতিজ্ঞা-পত্রে কীট প্রবেশ করিয়া সমুদয় লেখা কাটিয়া ফেলিয়াছে, কেবল খোদাতায়ালার নামমাত্র অবশিষ্ট আছে ।” আবু জহল তৎক্ষণাৎ প্রতিজ্ঞাপত্রখানি আনিয়া দেখিলেন যে, হজরতের কথা বর্ণে বর্ণে সত্য । তাহাতে কেবল “আমাদের খোদাতায়ালার নামে লিখিতেছি,” এই কথাটি বিদ্যমান রহিয়াছে । কোরেশগণ ইহা দেখিয়া লজ্জিত হইল । কিন্তু আবুজহল প্রতীতি হুরাশ্বগণ

তথাপিও শক্রতা ত্যাগ করিলনা । মতাম স্বহস্তে প্রতিজ্ঞা-পত্রখানি খণ্ড খণ্ড করিয়া ফেলিলেন । আবুতালেব আত্মীয়গণ সমভিব্যাহারে হজরত মহম্মদ ও তাঁহার শিষ্যগণকে দুর্গ হইতে বাহির করিয়া আনিলেন । এই ঘটনা হজরতের ধর্ম-প্রচারের দশম বৎসরে ৬১৯ খৃঃ অব্দে সংঘটন হইয়াছিল ।

উপরোক্ত ঘটনাটী “ধর্মযুদ্ধ বা জেহাদ” নামক পুস্তকে নিম্নলিখিত রূপে বর্ণিত হইয়াছে ।

“কোরেশগণ প্রায় দুই বৎসর কাল একটু সাম্যমুক্তি অবলম্বন করিয়াছিল ; পরে আবার উৎপীড়নে লিপ্ত হইল, তাহারা অন্ত কোন প্রকারে উৎপীড়ন করিয়া মনোবাঞ্ছা পূর্ণ করিতে পারিতেছে না দেখিয়া এবার এক বড়যন্ত্র করিল যে, ইসলামধর্মাবলম্বী বা বাহারা ইসলামধর্মে সহানুভূতি প্রকাশ করে, তাহাদের সহিত মক্কাবাসীদের সামাজিক আচার ব্যবহার একবারে রহিত করিলে তাহারা বাধ্য হইয়া ইসলামধর্ম ত্যাগ করিবে । অবশেষে তাহারা কার্যোপ তাহাই করিল । এমন কি, তাহারা ভয়প্রদর্শনপূর্বক বিশ্বাসীদিগকে মক্কা ত্যাগ করিতে বাধ্য করিয়াছিল । আবার এদিকে আবু তালেবের শেবে অর্থাৎ দুর্গে প্রেরিত পুরুষ সহ হাশেমবংশীয়গণকে সপরিবারে প্রায় তিন বৎসর কাল বাবৎ বন্দী অবস্থায় থাকিতে হইয়াছিল । তাঁহারা তাবৎ কাল পর্যন্ত তথায় অতি কষ্টে দিনাতিবাহিত করিতে লাগিলেন ; বন্দিস্থান হইতে তাঁহারা বহির্ভাগস্থ বন্ধুবান্ধবদিগের সহিত একেবারেই চিঠি পত্র লেখা বা কথোপকথন করিতে পারিতেন না । ইহা অপেক্ষা কষ্টকর অবস্থা আর কি হইতে পারে ? কিন্তু তাঁহারা ধর্মের উপর বিশ্বাস স্থাপন করিয়া অবলীলাক্রমে শক্রদিগের এই সকল উৎপীড়ন সম্বলিত সন্তোষিত হইতে পারিতেন ; কখনই তাঁহাদের মনোমধ্যে কষ্টের উদ্রেক হইত না । বাহাদের অন্তর সত্যধর্মের পবিত্র আলোকে আলোকিত এবং বাহাদের অন্তর বোদাতালায় স্থাপন নামে

পরিপূর্ণ, তাঁহাদের নিকট পার্থিব নগ্নর সুখ ভোগ অকিঞ্চিৎকর পদার্থ বলিয়া প্রতীয়মান হয় এবং যাহারের শরীর ও মন সেই অদ্বিতীয় খোদাতার পবিত্র বাণীতে বিধোত, তাঁহারা কি কখন পার্থিব দুঃখ ক্লেশকে কষ্টকর বলিয়া মনে করেন ? কখনই না। পবিত্র ধর্ম ত্যাগ করাই তাঁহাদিগের নিকট সমধিক কষ্টকর ও মৃত্যু তুলা বলিয়া বোধ হয়। কিন্তু অসীম করুণাময়ের দয়ায় প্রেরিত পুরুষ সহ বিশ্বাসিগণ সেই বন্দিস্থানে প্রকৃত মনে কালাতিবাহিত করিতে লাগিলেন। ধর্মরূপ সুধাবৃক্ষের পবিত্র ফল ভোজন করিলে মন যে কিরূপ পরিপূর্ণিত থাকে, তাহা ধর্ম-পরায়ণ ব্যক্তিমাত্রই বুঝিতে পারেন। তাঁহাদের নিকট পার্থিব সুখ দুঃখ ও সম্পদ বিপদ অতি সামান্য তুচ্ছ পদার্থ বলিয়া প্রতীয়মান হয়।

"এদিকে কোরেশগণ সর্বত্র পচার করিয়াছিল যে, কেহ মুসলমানদের সহিত সামাজিক কি রাজনৈতিক কোনরূপ সম্বন্ধ রাখিতে পারিবে না অর্থাৎ তাহাদের সহিত কেহ দ্রব্যাদি ক্রয় বিক্রয় এবং পুত্র কন্যাদির বিবাহাদি দিতে পারিবে না; এক কথায় বলিতে গেলে, মুসলমানদের সহিত সর্বপ্রকার সম্বন্ধ একেবারে বন্ধ করিতে হইবে। কি ভয়ানক আদেশ ! কি ভয়ানক অত্যাচার ! শুনিলে শরীর শিহরিয়া উঠে। এইরূপ ভয়ানক অত্যাচার মুসলমানগণ অবাধে সহ্য করিয়াছিলেন। ধন্য সহিষ্ণুতা ! ধন্য ধর্ম বিশ্বাস ! !

"এইরূপ বন্দী অবস্থার অবস্থানকালে পবিত্র মাস (১) উপস্থিত হইলে হজরত মহম্মদ (সঃ) বন্দিস্থান হইতে বাহির হইয়া তীর্থ-যাত্রীদের সহিত মক্কার বাইতেন এবং তাহাদের নিকট পৌত্তলিকতার অসাবিতা ও খোদাতার উপাসনার শ্রেষ্ঠত্ব সম্বন্ধে নানাবিধ বক্তৃতা করিতেন। শেষ অর্থাৎ আবুতালেবের হুর্গ করিয়া পাহাড়ের নিম্নে অবস্থিত। পবিত্র

(১)। শওরাস, জেল্‌কদ, জেলহজ্জ ও মহররব এই চারি মাসকে পবিত্র মাস বলে। এই কয় মাসে আরববাসিগণ শক্রের সহিত বন্ধুত্বভাবে মিলিত হইত।

মাস ভিন্ন বৎসরের অপর সময়ে দুর্গের বহির্ভাগের সহিত মুসলমানগণের সম্বন্ধ একেবারে রহিত থাকিত । সেই সময়ে তাঁহারা দুর্গের মধ্যে অশেষ প্রকার কষ্টে কাল যাপন করিতেন । পবিত্র মাসে আরববাসিগণ সর্ব-প্রকার শক্রতাভাজনক কার্যা হইতে দূরে থাকিত ; পবিত্র মাস ব্যতীত তাঁহারা (মুসলমানগণ) কেহই সাহস করিয়া দুর্গের বাহিরে আসিতে পারিতেন না । নগরবাসিগণ শেবের মধ্যস্থিত অনাহারে অক্লান্ত বালকবালিকাগণের ক্রন্দনধ্বনি শ্রবণ করিয়া আনন্দে উৎক্লম্ব হইত ; কি নৃশংস ব্যাপার ! এইরূপ দৈর্ঘ্যশীলতা এক পক্ষে আর উৎপীড়ন ও অত্যাচার অপর পক্ষে, এই অবস্থায় তিন বৎসর কাটিয়া গেল ।

“শেষে করুণাময়ের কৃপায় ষড়যন্ত্রকারীদিগের প্রধান প্রধান ব্যক্তির অস্তরে করুণার সঞ্চার হইল, তখন তাহারা ষড়যন্ত্র ভঙ্গ করিয়া নিরপরাধী বন্দী বিশ্বাসীদিগকে বন্দী মুক্ত করিয়া দিল । এই ঘটনা হজরত মহম্মদের (সঃ) ধর্ম প্রচারের দশম বৎসরে সংঘটিত হইয়াছিল ।”

একণে হজরত মহম্মদ ও তাঁহার শিষ্যগণ মক্কা নগরে প্রত্যাগমন-পূর্বক তথাকার অধিবাসী ও দূরদেশাগত তীর্থযাত্রীদিগকে ইসলামধর্মে দীক্ষিত করিতে লাগিলেন ।

হজরতের ধর্মপ্রচারের অষ্টম বৎসরে পারস্য-সম্রাট পরবেজ, তুরকের খৃষ্টীয় গ্রীক সম্রাটকে পরাজয় করিয়া সুরিয়া ও আফ্রিকার কিয়দংশ অধিকারভুক্ত করেন । পৌত্তলিক কোরেশগণ গ্রীকদিগের পরাজয়বার্তা শ্রবণে আনন্দ প্রকাশ করিতে লাগিল, কেননা খৃষ্টধর্মাবলম্বী গ্রীকদিগের দ্বারা পৌত্তলিকগণের ধর্ম নানা-দুরবস্থায় পতিত হইয়াছিল ।

একণে মক্কাবাসী বিপক্ষ কোরেশগণ মুসলমানদিগকে বলিতে লাগিল, “যেমন পারস্যজাতি গ্রীকজাতির উপর জয়লাভ করিয়াছে, আমরাও তদ্রূপ তোমাদের উপর জয়লাভ করিব ।” এই সময়ে

কোরান শরিকের একটা আয়েত (বচন) অবতীর্ণ হইলে, হজরত আবুবকর শত্রুদিগকে বলিলেন, “আমি খোদাতায়ালাকে সাক্ষী করিয়া বলিতেছি যে কয়েক বংশের মধ্য গ্রীকগণ পারসিকদিগের উপর জয়লাভ করিবে।” হজরত আবু বকরের কথা শুনিয়া বিধর্মী আবি বলিল, “আমি তোমার নিকট ১০টা উষ্ট্র বন্ধক রাখিলাম, যদি তিন বংশের মধ্য গ্রীকগণ জয়ী হয়, তাহা হইলে আমার ১০টা উষ্ট্র তোমারই হইবে।” হজরত মহম্মদ ইঁহা শুনিয়া হজরত আবুবকরকে বলিলেন, “তিন বংশ কিছা নয় বংশের মধ্য গ্রীকগণ জয়ী হইবে, অতএব তুমি আবির নিকট সময় ও বন্ধকী জন্তুর হার বাড়াইয়া লও।” তৎপরে হজরত আবুবকর আবির নিকট ১০০ উষ্ট্র ৯ বংশের জন্ত বন্ধকী স্বত্বে গ্রহণ করিলেন। ৯ বংশ পরে গ্রীকজাতি পারসিকদিগকে পরাজিত করিয়া তুরস্কের সিংহাসনে আরোহণ করেন। তখন আবি জীবিত ছিলেন না। হজরত আবুবকর, হজরত মহম্মদের অনুমতানুসারে ঐ ১০০ উষ্ট্র বিক্রয়লব্ধ অর্থ ধর্ম প্রচারে ব্যয় করেন।

আবুতালেব ও খোদেজা বিবির পরলোক প্রাপ্তি ।

হজরত মহম্মদ দুর্গ হইতে সবাঙ্কবে বহির্গমনের অব্যবহিত পরে আবুতালেব ভয়ানক পীড়িত হন। তখন তিনি আত্মীয় স্বজনগণকে ডাকাইয়া বলিলেন, “তোমরা আত্মীয়গণের প্রতি সদ্যবহার করিও, মরিত্ত ও তিক্‌কদিগকে দান করিও, মহম্মদের প্রতি অত্যাচার করিও না। মহম্মদ একটা মহৎ কার্যসাধনে প্রেরিত হইয়াছেন, আরবের বিভিন্ন স্থানের লোকগুলি তাঁহার উপদেশ প্রামাণ্য বলিয়া গ্রহণ করিয়াছে। আমি তাঁহার বাক্যাবলী প্রামাণ্য বলিয়া স্বীকার করিয়াছি, অতএব তোমরা

তাহার সহিত সদ্ভাব স্থাপন করিও।” তাহারা বলিল, “আপনি মহম্মদকে আমাদের সহিত সদ্ভাব স্থাপন করিতে বলুন, তাহা হইলে আমরা তাহার কার্যে সহায়তা করিব। নচেৎ তাহার সহিত আমাদের শক্রতা দূর হইবে না।” আবুতালেব হজরতকে ডাকাইয়া আনিয়া কোরেশদিগের সহিত সদ্ভাব স্থাপন করিতে বলিলেন। তাহা শুনিয়া হজরত বলিলেন, “আমি তাহাদিগকে একটা কথা উচ্চারণ করিতে অস্বীকার করি; তাহারা যদি তাহা উচ্চারণ করেন, তাহা হইলে, তাহারা সমুদ্র আরকের অধীশ্বর হইতে পারিবেন।” আবু জহল বলিল, “একটা কেন? হাজার হাজার কথা উচ্চারণ করিতে পারি। কি কথা উচ্চারণ করিতে হইবে, বল?” হজরত বলিলেন, “বল, একমাত্র খোদা ভিন্ন আর কেহ উপাস্ত নাহি, মহম্মদ তাহার প্রেরিত ধর্ম প্রচারক।” এই কথা শুনিয়া বিপক্ষ কোরেশগণ বিরক্ত হইয়া চলিয়া গেল। আবুতালেব হজরতকে বলিলেন, “মহম্মদ! যদিও তাহার কথা কোরেশগণের নিকট কোন কার্যকরী হইল না, তথাপি তাহা আমার নিকট বিশেষ কার্যকরী হইয়াছে।” তখন হজরত মনে মনে ভাবিলেন যে, জ্যেষ্ঠতাত বোধ হয় ইসলাম-ধর্ম গ্রহণ করিয়াছেন, তজ্জন্ম তিনি তাহাকে কলেমা পড়িতে বলিলেন কিন্তু আবুতালেব বলিলেন, “মহম্মদ! আমি এই সুমুর্কালে কোরেশগণের ভৎসনা সহ্য করিতে পারিব না, তাহারা বলিবে, আবুতালেব সুবল থাকিতে ইসলামধর্ম গ্রহণ করে নাই, সুতরাং ধর্মগ্রহণ করিয়াছে, অতএব তুমি আর আমাকে ধর্ম গ্রহণে অস্বীকার করিও না।” আবুল কোদা বলিলেন যে, আবুতালেব মত্যাধর্ম গ্রহণ করিয়া ইচ্ছলোক ত্যাগ করিয়াছিলেন। তিনি আরও বলেন যে, আবুতালেবের সুমুর্কাল তাহার তাহার শিয়রে বসিয়াছিলেন, সেই সময়ে তাহার গুণ্ডবর মড়িতেছিল, আবুতালেব তাহার হৃৎকের নিকট কর্ণ স্থাপন করিয়া শ্রবণ করিয়াছিলেন যে, তিনি

কলেমা পড়িতেছেন । এই কথা আব্বাস হজরতকে জ্ঞাপন করাইয়া ছিলেন । এই সময়ে হজরতের নিকট এই আয়েত অবতীর্ণ হয় “নিশ্চয় তুমি যাহাকে স্নেহ কর, তাহাকে সংপথ প্রদর্শন কর না । কিন্তু আল্লাতায়াল্লা যাহাকে ইচ্ছা, তাহাকে সংপথ প্রদর্শন করিয়া থাকেন ; তিনিই একমাত্র পথ প্রদর্শক ।” (কোরাণ শরিফ কসস সুরার ৫৬ আয়েত) । তৎপরে আবুতালেব গতাশু হন । হজরত তাঁহার মৃত্যুসংবাদ শ্রবণ করিয়া কাঁদিতে থাকেন এবং বলেন, “খোদাতায়াল্লা তাঁহাকে পাপ হইতে মুক্ত করুন ।” আবুতালেবের মৃত্যুতে হজরত বিশেষ শোকাভিভূত হইয়াছিলেন, যেহেতু তিনি হজরতকে শৈশবকালে লালন পালন করিয়াছিলেন ; বয়োবৃদ্ধি হইলে তাঁহাকে সর্বদা শক্রহস্ত হইতে রক্ষা করিতেন, এমন কি, তাঁহার রক্ষার জন্ত তিনি কোরেশগণ কর্তৃক অশেষ কষ্ট ভোগ করিয়াছিলেন এবং কয়েক বৎসর কোরেশদিগের অত্যাচারে প্রপীড়িত হইয়া তাঁহাকে লইয়া অনাহারে অশেষ যত্ননা ভোগ করিয়া দুর্গমধ্যে আবদ্ধ ছিলেন । ঈদূশ শুভাকাজক্ষী জ্যেষ্ঠতাতের মৃত্যুতে হজরত মহম্মদ কয়েক দিন পর্যন্ত গৃহের বাহির হন নাই, সর্বদা নির্জনে বসিয়া উপাসনায় নিমগ্ন থাকিতেন ।

আবুতালেব পরম সৌন্দর্য্যশালী পুরুষ ছিলেন এবং উদারতা ও মহামুত্তবতা প্রভৃতি সদগুণরাশি দ্বারা তাঁহার অমুপমরূপলাবণ্য দ্বিগুণতরুরূপে শোভিত হইত । তিনি হজরতের ধর্ম্মপ্রচারের দশম বৎসরে অর্থাৎ ৬১৯—২০ খৃঃ অব্দের মধ্যে নূনাধিক ৮০ বৎসর বয়ঃক্রম কালে ইহ সংসার ত্যাগ করেন ।

হজরতের পরমহিতৈষী জ্যেষ্ঠতাত আবুতালেবের মৃত্যুর তিন দিন পরে তাঁহার বিশ্বস্তা ধর্ম্মপরায়ণা স্ত্রী খোদেজা বিবি কালকবেলে পতিত হন । তিনি তাঁহার মৃত্যুতে অতিশয় গুঃখিত হইয়াছিলেন । কেননা খোদেজা বিবি ধর্ম্মপরায়ণা, পতিব্রতা ও তাঁহার সুখঃখভাগিনী সহধর্ম্মিণী ছিলেন ।

তিনিই প্রথমে ইসলামধর্ম গ্রহণ করেন। হজরত তাঁহাকে বিবাহ করিয়া অতুলৈশ্বর্যের অধিকারী হন, তিনি হজরতকে সকীয় ধনরত্নাদি ধর্মকার্যে ব্যয় করিবার জন্য তাঁহার হস্তে অর্পণ করেন। হজরত ধর্মকার্যে, পরোপকারে ও ছুভিক্ষপীড়িত লোকদিগের সাহায্যার্থে প্রায় সমুদয় ধনসম্পত্তি ব্যয় করিয়া ফেলিয়াছিলেন, খোদেজা বিবি তাহাতে একদিনও অসন্তোষ প্রকাশ করেন নাই। তিনি এই বংশের নাম “আমোলহজ্বন” (শোকের বংশ) রাখেন। মূমূর্কালে খোদেজা বিবি মৃত্যুবরণের কাতর হইলে, হজরত তাঁহাকে বলেন, “প্রিয়তমে! স্বর্গে সাধ্বী নারীগণ তোমার আগমন প্রতীক্ষা করিতেছেন; আমি খোদাতায়ালায় নিকট প্রার্থনা করিতেছি যে, তুমি শীঘ্র স্বর্গলোকবাসিনীদিগের সঙ্গে মিলিত হও।” ইহা শুনিয়া খোদেজা বিবি পরম সন্তোষ লাভ করেন। মৃত্যুকালে তিনি প্রিয়তমা কস্তা ফাতেমাকে হজরতের হস্তে অর্পণ করিয়া যান। হজরত স্বয়ং তাঁহার সমাধিকার্য সম্পন্ন করেন। হজরত আবু হোরায়রা বলেন, “শোকসন্তপ্ত হজরত মহম্মদের চিত্ত জেব্রিলের প্রবোধবাক্যে অনেক সাধ্বনা প্রাপ্ত হইয়াছিল। যেহেতু হজরত জেব্রিল তাঁহাকে সংবাদ দিয়াছিলেন যে, খোদেজা বিবির স্বর্গে অবস্থান করিবার জন্য রজ্জু৩য়র হর্ম্মা নিশ্চিষ্ট হইয়াছে, কারণ তিনি সর্বপ্রথমে ইসলামধর্মে দীক্ষিত হইয়া তদনুযায়ী কার্যাদি সম্পন্ন করিয়াছিলেন”। ইনি হজরতের ধর্ম-প্রচারের দশম বংশের ৩৫ বংশের বয়ঃক্রম কালে মানবলীলা সম্বরণ করেন।

খোদেজা বিবির গর্ভে তিন পুত্র ও চারি কস্তা জন্মগ্রহণ করেন। পুত্রগণের নাম,—কাসেম, তরেব ও তাহের। কস্তাগণের নাম—করনব, রোকয়া, ওম্মে কুলসুম ও ফাতেমা। পুত্রগণ শৈশবাবস্থাতেই মৃত্যুব্রমে পতিত হন। হজরতের সোষ্ঠ পুত্রের নাম কাসেম ছিল বলিয়া তাঁহাকে

সকলে “আবুঅল-কাসেম” অর্থাৎ কাসেমের পিতা এই নামে আহ্বান করিতেন ।

বিবি আয়েশা ও বিবি সওদার সহিত হজরত মহম্মদের বিবাহ ।

খোদেজা বিবির মৃত্যুর মাসাধিক পরে, শওয়াল মাসে হজরত মহম্মদ তাঁহার বিশ্বস্ত সচিব হজরত আবুবকরের কন্যা আয়েশা বিবিকে বিবাহ করেন। হাকিমের কন্যা খবিলার যোগে এই বিবাহকার্য সম্পন্ন হয়। খোদেজা বিবির মৃত্যুর পর তাঁহার শোক-প্রবণ হৃদয় একটু শান্ত্যভাব ধারণ করিলে, খবিলা তাঁহার নিকট আগমন করিয়া আয়েশা বিবিকে বিবাহ করিবার জন্য অনুরোধ করে। হজরত আবুবকরও হজরত মহম্মদের বাল্যসহচর এবং প্রথম শিষ্য; এক্ষণে তিনি হজরতকে কন্যাদানে আত্মীয়তা দৃঢ়ীকৃত করিতে মনস্থ করিলেন হজরত মহম্মদ খবিলার প্রস্তাবে অনুমোদন করিলেন। তৎপরে বিবাহকার্য সুসম্পন্ন হইয়া গেল। আয়েশা বিবি পরমরূপবতী ও সর্বগুণসম্পন্ন রমণী ছিলেন। বিবাহসময়ে তাঁহার বয়ঃক্রম ছয় বৎসর মাত্র ছিল।

সওদার স্বামীর নাম সেরাণ, ইহারা ইসলামধর্ম গ্রহণ করার কোরেশ-গণ কর্তৃক উৎপীড়িত হইয়া আবিসিনিয়ার প্রস্থান করেন। সেরাণ তথায় খৃষ্টধর্ম অবলম্বন করিয়া মক্কার প্রত্যাবর্তন করেন; কিন্তু অচিরকাল মধ্যে গতান্ত হন। এক্ষণে সওদা বিবির আত্মীয়-স্বজনগণ তাঁহাকে আর গ্রহণ করিল না, কারণ তিনি ইসলামধর্মাবলম্বিনী ও আত্মীয়গণের ধর্মবহি-ভূতা। তখন হজরত মহম্মদ সওদা বিবির নিকট লোক পাঠাইয়া তাঁহাকে

বলিলেন, “যদি তুমি বিবাহ করিতে ইচ্ছা কর, তাহা হইলে আমি তোমার বিবাহ দিতে প্রস্তুত আছি।” সওদা বিবি বলিলেন, “আমার ইচ্ছা যে, আমি আপনাকে পতিত্বে বরণ করি।” সেই সময়ে হজরত মহম্মদ এইরূপ প্রস্তাভেদে প্রাপ্ত হন, “তুমি নিরাশ্রয় ছাঃখিনীর অভিলাষ পূর্ণ কর ও তাহার পাণিগ্রহণ কর।” তৎপরে তিনি সওদা বিবিকে বিবাহ করেন। এই বিবাহকার্য হজরতের প্রেরিতত্বের দশম বৎসরের শওরাল মাসে সংঘটন হইয়াছিল। সওদা বিবি হজরত ওমরের খেলাফত সময়ে মানবলীলা সম্বরণ করেন।

হজরত মহম্মদের প্রতি কোরেশগণের অত্যাচার ।

আবুতালেবের মৃত্যুতে হজরতের যে বিষম ক্ষতি হইয়াছিল, তাহা তিনি অচিরে বুঝিতে পারিয়াছিলেন। আবুতালেব যে কেবল তাঁহার দয়ালু আত্মীয় ছিলেন, তাহা নহে, তিনি বিশেষ ক্ষমতাশালী ও তাঁহার প্রধান রক্ষাকর্তাও ছিলেন, তাঁহার মৃত্যুর পর কোরেশদিগের বিদ্রোহিতা রূপ ধুমায়মানাগ্নি প্রজ্জ্বলিত হইয়া উঠিল।* তাহা নির্করণ করে, হজরতের এমন আত্মীয় কেহই ছিলেন না। আবুলহব, আবুতালেবের মৃত্যুর পর কয়েক দিন পর্য্যন্ত হজরতকে বিপক্ষ কোরেশদিগের হস্ত হইতে রক্ষা করিতে নিযুক্ত হয়। পরে পুনরায় বিপক্ষদলে যোগ দিয়া হজরতের প্রতি অত্যাচার করিতে তাহাদিগকে সহায়তা করে। এক্ষণে কোরেশদিগের বিদ্রোহানল আবুতালেবের মৃত্যুরূপ প্রবল বাত্যাগ একরূপ প্রজ্জ্বলিত হইয়া উঠিল যে, হজরত মহম্মদ মক্কা ত্যাগ করিয়া যাইতে বাধ্য হইলেন।

* এখানে অল আসির ২য় খণ্ড ৯০ পৃঃ।

তিনি হারেসের পুত্র জরদকে সমভিব্যাহারে লইয়া তারেফ নামক স্থানে আশ্রয়স্থান অন্বেষণার্থ বহির্গত হইলেন। এই নগরটি অতি ক্ষুদ্র ও প্রাচীরাবদ্ধ ; মক্কা নগর হইতে প্রায় ৭০ মাইল দূরে অবস্থিত। এই স্থানটি দ্রাক্ষালতা ও নানাবিধ ফলপুষ্পের উদ্যানে পরিপূর্ণ ছিল। এখানকার ভূমি অতিশয় উন্নত, তজ্জন্তু ইহা সর্বদা তৃণ-লতা-ফল-পুষ্পে পরিশোভিত থাকিত। আরবদেশীয় লোকগণের নিকট এই স্থানটি অতি প্রার্থনীয় ছিল এবং তাহারা ইহাকে “পরম রমণীয় স্থান” এই আখ্যা প্রদান করিয়াছিল। তারেফ পৌত্তলিকদিগের একটি প্রধান ছুর্গ ; এই স্থানে লাত নাম্নী দেবীর পূজা মহা সমারোহে সম্পন্ন হইত। দেবীর প্রতিমূর্তিটি প্রস্তরনির্মিত ও মণিমাণিক্য প্রভৃতি বহুমূল্য প্রস্তরে ষচিত। তথাকার লোকের বিশ্বাস ছিল যে, দেবী আগ্রত এবং তাহারা বলিত যে, লাত খোদাতায়ালা হইত।

হজরতের পিতৃব্য আব্বাস তারেফের ভূস্বামী ছিলেন। তজ্জন্তু তিনি মনে করিয়াছিলেন যে, তথাকার অধিবাসিগণ তাঁহাকে শত্রুহস্ত হইতে রক্ষা করিয়া আশ্রয় প্রদান করবে। কিন্তু তিনি তাহাতে বিফল-মনোরথ হইলেন। তিনি প্রথমতঃ কহতান-পরিবারের নিকট আশ্রয় গ্রহণ করেন, তথায় কয়েকদিন অবস্থানপূর্বক তাহাদিগকে ইসলামধর্ম গ্রহণ করিতে বলেন, তাহাতে তাহারা ক্রুদ্ধ হইয়া তাঁহাকে তাড়াইয়া দেয়। পরে তিনি সাকিফ-বংশোদ্ভব লোকদিগের নিকট দশ দিন অবস্থিতি করিয়া তাহাদিগকে ইসলামধর্মে দীক্ষিত করিতে বৃথা চেষ্টা করেন, কিন্তু তাঁহার উপদেশে কর্ণপাত করে কে ? যাহাদের অস্তরে বহুকাল হইতে বহু প্রতিমূর্তির উপাসনা বন্ধমূল হইয়া গিয়াছে, তাহাদের সেই ব্রাহ্মবিশ্বাস কি সহজে দূর করা যায় ? কখনই নয়। হজরতের একেশ্বরবাদের কথা শুনিয়া তথাকার প্রধান প্রধান অধিবাসিগণ তাঁহাকে

: উপহাস করিয়া তাঁহার ধর্ম প্রচারে প্রতিবন্ধক দিতে লাগিল। তাঁহার প্রতি তথাকার প্রধান প্রধান অধিবাসিগণের ব্যবহার দেখিয়া অচিরকাল মধ্যে তথাকার সাধারণ অধিবাসিগণ তাহাদের সহিত যোগ দিয়া তাঁহাকে উপহাস, বিক্রম ও ধর্ম প্রচারে প্রতিবন্ধক দিতে আরম্ভ করিল। অধিকন্তু সেই দুর্বৃত্ত লোকগণ তাঁহার প্রতি প্রস্তর নিক্ষেপ করিয়া আঘাত করিতে থাকে। জয়দ এই সকল অত্যাচার হইতে হজরতকে রক্ষা করিয়াছিল। ক্রমে নগরের সমুদয় লোক ক্রোধান্বিত হইয়া তাঁহাকে তথা হইতে দূরীকৃত করিয়া দেয়; এমন কি, ক্রীতদাসদাসী ও ছোট ছোট বালকেরাও নগরপ্রাচীরের বহির্ভাগ পর্য্যন্ত বিক্রম ও প্রস্তর বর্ষণ করিতে করিতে তাঁহার পশ্চাৎগমন করিয়াছিল। অবশেষে তিনি উৎপীড়িত, অত্যাচারিত ও আহত হইয়া নগর হইতে বহিষ্কৃত হইলেন। কিন্তু সৌভাগ্যক্রমে সেই সময়ে মক্কাহ আব্দু শাম্‌স্বংশীয় দলপতি মুতাইম তাঁহাকে শত্রুহস্ত হইতে রক্ষা করিবার ভার গ্রহণ করেন, তাহা না হইলে তাঁহার মক্কার প্রত্যাবৃত্ত হইবার আশা ছিল না।

একদা হজরত মহম্মদ মক্কা-নগরাভিমুখে গমন করিতে লাগিলেন। পথিমধ্যে অত্বা ও শরবার একটা উদ্যান ছিল, তিনি তায়েফ নগরস্থ অধিবাসিগণের অত্যাচার হইতে রক্ষা পাইবার জন্য তৃষ্ণাতুর ও ক্ষুধার্ত হইয়া সেই উদ্যানের মধ্যে প্রবেশ করিয়া একটা দ্রাক্ষালতার ছায়ার উপবেশন করিলেন এবং নিম্নলিখিতরূপে খোদাতায়ালার নিকট সকাহরে প্রার্থনা করিলেন, “হে প্রভো! আমি চরিত্রের চকলতা হেতু এবং স্বকীয় স্বভাবের বশীভূত হইয়া আপনার নিকট আমার হৃৎকের বিষয় জানাইতেছি। আমি মানবচক্ষে অতি সামান্ত লোক বলিয়া প্রতীয়মান হইতেছি। হে পরম কৃপালু এবং দুর্বলের সহায় প্রভো! আপনিই আমার প্রভু; আপনি আমাকে কখন ত্যাগ করিবেন না এবং

কখন আমাকে আমার শত্রুদিগের হস্তে পাতিত করিবেন না । যত্নপি আপনি আমার প্রতি বিমুখ না হন, তাহা হইলে আমি নিরাপদে থাকিব । আমি আপনার বদন-জ্যোতির নিকট আশ্রয় অন্বেষণ করিতেছি, যাহাতে সমুদয় অন্ধকার দূরীভূত হয় এবং যাহাতে বর্তমানে ও ভবিষ্যতে নিরাপদে থাকিতে পারা যায় । আপনি আমার উপর ক্রোধ করিবেন না এবং অনুগ্রহপূর্বক আমার কষ্টের বিষয় বিবেচনা করুন, আপনি সর্বশক্তিমান্ ও আশ্রয়হীনের আশ্রয়দাতা এবং নিঃসহায়ের সহায় ।”*

এই উত্তানের এক প্রান্তে উচ্চ ভূমির উপর অত্বা ও শরবা বসিয়াছিল, হজরতকে ক্রান্ত ও ক্ষুধার্ত দর্শন করিয়া তাহাদের অন্তরে দয়ার উদ্রেক হইল । তজ্জন্ত তাহাদের সমভিব্যাহারস্থ খ্রীষ্টধর্মাবলম্বী অদাস নামক একটা দাসের হস্তে কতকগুলি দ্রাক্ষা ফল দিয়া হজরতের নিকট পাঠাইয়া দিল । হজরত, অদাসের নিকট হইতে ফল গ্রহণ করিয়া তাহার নিকট ইসলামধর্মের মাহাত্ম্য বর্ণন করিলেন । অদাস তাঁহাকে ধর্ম-প্রচারক বলিয়া স্বীকার করিয়া ইসলামধর্ম গ্রহণ করিল । পরে সে অত্বা ও শরবার নিকট প্রত্যাগমন করিলে, তাহারা জিজ্ঞাসা করিল, “তোম্ব কি হইয়াছে, তুই কেনই বা তাহাকে এত সম্মান করিলি ?” অদাস বলিল, “আমি তাঁহার উপদেশ শ্রবণ করিয়া তাঁহাকে ধর্মপ্রচারক বলিয়া স্বীকার করিয়া ইসলামধর্ম গ্রহণ করিয়াছি ।” তাহারা বলিল, “মহম্মদ তোকে যাহুম্বলে ভূলাইয়াছে, তোরু সর্বনাশ হইয়াছে ।”

তৎপরে হজরত মহম্মদ তায়ফ ও মক্কার মধ্যস্থিত বতন নহলা নামক স্থানে উপস্থিত হন । তথায় তিনি একদিন সাক্ষ্য উপাসনার পর কোরাণ শরিফ পাঠ করিতেছিলেন, তখন কতকগুলি দৈত্য বিমান-পথে যাহা বলিতেছিল, তাহা তিনি শ্রবণ করিলেন । একটা দৈত্য

* এখানে হেদায ২৭৯, ২৮০ পৃঃ ; এখানে আল আসির ২য় খণ্ড ৭০, ৭১ পৃঃ ।

অপর সকলকে বলিল, “মনঃসংযোগপূর্বক শ্রবণ কর, শ্রবণ কর ।” তাহারা শুনিতে লাগিল, হজরতও পড়িতে লাগিলেন । অবশেষে তাহারা বলিল, “বাস্তবিকই আমরা হিতোপদেশপূর্ণ বাক্যাবলী শ্রবণ করিলাম, ইহাতেই লোকদিগকে সংপথে লইয়া যাব, আমরা ইহা বিশ্বাস করি-
লাম ।” পরে তাহারা হজরতের নিকট ইসলামধর্মের দীক্ষিত হইয়া তাহাদের পরিবারগণের নিকট প্রচার করুপে চলিয়া গেল । ইহার বিষয় কোরাণ শরীফের ৪৬ ও ৭২ সূরায় উক্ত হইয়াছে ।

হজরত বতন নহলাতে করেক দিবস অবস্থিতি করিয়া জয়দকে মক্কায় শ্বকীর শিব্যবর্গের নিকট আশ্রয়স্থান অনুসন্ধানার্থ প্রেরণ করেন । কিন্তু তাহার মক্কাহ শিব্যমণ্ডলী নগরে প্রত্যাগমন করিতে নিষেধ করিলেন ; কেননা তখন কোরেশগণ তায়েফ-নগরবাসীদিগের অত্যাচারের কথা অবগত হইয়া তাহার প্রতি উৎপীড়নের বড়যন্ত্র করিতেছিল । হজরত তাহা শ্রবণ করিয়া হেরা পর্বতে গমন করেন ; তথা হইতে আদির পুত্র মতামের নিকট আশ্রয় প্রার্থনা করিয়া পাঠান । মতাম তাহাকে আশ্রয়স্থানে স্বীকৃত হইলে তিনি তাহার গৃহে গমন করেন । মতাম কোরেশগণকে বলিল, “একপে আর কেহ হজরত মহম্মদের প্রতি শত্রুতা করিতে পারিবে না, কারণ তিনি আমার আশ্রয়ে আছেন ।” ইহাতে আবুলহব প্রভৃতি কোরেশগণ মতামকে উপহাস করিত । হজরত, মতামের আশ্রয়ে অবস্থানপূর্বক কাবা-মসজ্জেদে গিয়া উপাসনা ও ধর্ম প্রচারকার্যে ব্রতী হন । যখন তিনি কাবায় ধর্ম প্রচার করিতেন, তখন আবুলহব তাহাকে গালাগালি দিত ও উপহাস করিত । মতামের গৃহে এক দিন অবস্থান করার পর হজরত তাহার নিকট আশ্রয়ত্যাগের কথা জানাইলেন । মতাম কারণ বিজ্ঞাসা করিলে হজরত বলিলেন, “বিধর্মীর আশ্রয়ে এক দিনের অধিক বাস করা উচিত নহে, ” সুতরাং তিনি তথা হইতে চলিয়া গেলেন ।

এই সময়ে হজরত উদ্বাপন উপলক্ষে আরব দেশের বিভিন্ন স্থানের অধিবাসিগণ মক্কায় আগমন করিল, হজরত তাহাদের নিকট ধর্ম প্রচারে প্রবৃত্ত হইলেন । কোরেশগণ তীর্থযাত্রীদিগকে হজরতের নিকট যাইতে নিষেধ ও নানারূপ ভয় প্রদর্শন করিল । এই সময়ে দোস-বংশোদ্ভব সুপ্রসিদ্ধ তোফেল মক্কায় আসিয়াছিলেন । কোরেশগণ তোফেলকে ডাকাইয়া আনিয়া বলিল “আপনি আমাদের বন্ধু, তজ্জন্ম আপনাকে উপদেশ দিতেছি যে, আমাদের মধ্যে মহম্মদ নামক এক ব্যক্তি আছে, সে আমাদের পৈতৃক-ধর্মের বিলোপ সাধন করিয়া এক নূতন ধর্ম প্রচার করিতেছে । সে আমাদের মধ্যে গৃহবিবাদ উপস্থিত করিয়াছে, যাহারা তাহার কথা শ্রবণ করে, তাহারা আত্মীয়-স্বজন ও গৃহাদি ত্যাগ করিয়া যাইতে ভীত হয় না । অতএব আপনি তাহার কথায় কর্ণপাত করিবেন না ।” তোফেল কোরেশদিগের কথায় অনুমোদন করিলেন । তিনি কাবায় গমনকালে পাছে হজরতের কথা শ্রবণবিবরে প্রবেশ করে, এই ভয়ে কর্ণ বন্ধ করিয়া চলিয়া যাইতেন । একবার তিনি হঠাৎ কাবায় গিয়া দেখেন যে, হজরত উপাসনা ও কোরাণ শরিফ পাঠ করিতেছেন । তোফেল কোরাণ শরিফ শ্রবণ করিয়া তাহার মাধুর্য্যে বিমোহিত হন । অবশেষে তিনি কোরেশদিগের ছুরতিসন্ধি বুঝিতে পারিয়া একদিন হজরতের নিকট গিয়া কোরেশদিগের কথা বলিলেন এবং তাঁহার কোরাণ শরিফ পাঠ শ্রবণ করিয়া তিনি বিমোহিত হইয়াছেন, ইহাও প্রকাশ করিলেন এবং হজরতকে তাঁহার ধর্মের সুল মর্ম বলিতে বলিলেন । তখন হজরত মহম্মদ ইসলামধর্মের প্রধান প্রধান মতগুলি তোফেলের নিকট বিবৃত করিয়া কোরাণ শরিফ পাঠ করিতে লাগিলেন । তিনি সমুদয় অবগত হইয়া ইসলামধর্ম গ্রহণ করিলেন । তোফেল খীর বংশের দলপতি ছিলেন, তিনি জন্মভূমিতে প্রত্যাবর্তন

করিয়া আখীর স্বতনগণকে ইসলামধর্মে দীক্ষিত করেন। তোফেল সর্বদা হজরতের সঙ্গে অবস্থিতি করিতেন এবং খয়বারের যুদ্ধে বীরত্বের বিশেষ পরিচয় দিয়াছিলেন। তিনি হজরতের মৃত্যুর পর এযাযা-সম্প্রদায়ের সহিত যুদ্ধে প্রাণত্যাগ করেন।

রাত্রিযোগে হজরত মহম্মদের মক্কা হইতে বয়তল

মোকাদ্দেসে গমন এবং স্বর্গারোহণ ।

প্রেরিতত্ব লাভের ষাটশ বৎসরের এক রজনীতে হজরত মহম্মদ, আবু-তালেবের কন্যা ওম্মেহানীর গৃহে নিদ্রিত ছিলেন, এমন সময়ে হজরত জেব্রিল তাঁহাকে সহসা জাগরিত করাইয়া আল্লাতায়ালার নিয়ন্ত্রণ অবগত করান। হজরত জেব্রিলের সহিত গর্দভ ও অখতর এই উভয়ের আকৃতিবিশিষ্ট একটা অদ্ভুত প্রাণী ছিল, হজরত তাহার পৃষ্ঠে আরোহণ-পূর্বক বয়তল মোকাদ্দেসের (জেরুজলেমের) মস্জিদে উপস্থিত হন। এই বাহন দ্রুতগতি ও উজ্জল আকৃতিবশতঃ উত্তরকালে ভূমণ্ডলে “বোরাক” অর্থাৎ বিদ্যাৎ বলিয়া অভিহিত হইয়াছে। হজরত মস্জিদে প্রবেশপূর্বক স্বকীয় পূর্ব-পুরুষ মহাতেজা, অতুলনিষ্ঠ মহাত্মা এব্রাহিম, ও অমিততেজা মহাত্মা মুসা, প্রভৃতি পূর্ব-ধর্ম প্রবর্তকগণকে দর্শন করেন। উক্ত মহাত্মগণ আশীর্বাদ ও সম্ভাষণে তাঁহার সস্বর্কনা করিয়াছিলেন। তথায় তিনি তাঁহাদের সহিত উপাসনা (নামাজ) ও প্রার্থনাদি করেন। কোরাণ শরীফে উক্ত হইয়াছে, “তিনি পবিত্র, যিনি কোন রজনীতে খীর দাসকে মস্জিদুল হারাম হইতে দূরতর মস্জিদ পর্য্যন্ত লইয়া গিয়াছিলেন, যাহার চতুর্পার্শ্বকে আমি সৌভাগ্যযুক্ত

করিয়াছি, আপন নিদর্শনসকলের কিছু কিছু তাহাকে দেখাইব বলিয়া
লইয়া গিয়াছিলাম, নিশ্চয় তিনি শ্রোতা ও দ্রষ্টা ।” *

অনন্তর হজরত তথা হইতে হজরত জেরিলের সমভিব্যাহারে গমন
করিতে করিতে প্রথম স্বর্গে উপনীত হন, তথায় মানবের আদি পিতা
আদমকে দর্শন করিয়া সমস্ত্রমে সালাম করেন, এবং তাঁহার আশীর্বাদ গ্রহণ-
পূর্বক দ্বিতীয় স্বর্গে অনন্তপ্রেম ও ক্ষমার উৎস মহাপুরুষ ইসাকে,
তৃতীয় স্বর্গে খোদাতায়ালাস সাক্ষাৎ প্রসন্নতার ঞ্চায় রূপরাশি ইউসোফকে,
চতুর্থ স্বর্গে সত্যপ্রিয় ইদ্রিসকে, পঞ্চম স্বর্গে মহাবাগ্মী হারুণকে, ষষ্ঠ
স্বর্গে সাক্ষাৎ প্রত্যাদেশের ঞ্চায় দেবাত্মা মুসাকে ও সপ্তম স্বর্গে মহাপুরুষ
এব্রাহিমকে দর্শন করেন। তিনি প্রত্যেক স্থানেই সমাদর ও সম্বর্দ্ধনা
সহকারে গৃহীত হইয়াছিলেন। তিনি সদরতোলমস্তহা, বয়তলমামুর ও
নহরোর রহমত প্রভৃতি পুণ্যস্থান, সরোবর, শ্রোতস্বতী প্রভৃতি দর্শন
করিয়াছিলেন। অনন্তর হেজ্জাবেনুর—জ্যোতিস্তিরস্কারিণীর নিকট উপনীত
হইলে হজরত জেরিল তথায় তাঁহার সঙ্গ পরিত্যাগ করেন। তৎপরে তিনি
মহোচ্ছল জ্যোতিঃ ও সূচিভেদ্য তমোরাশি ভেদ করিয়া এমন একস্থানে
উপনীত হইলেন যে, তথায় বোরাক গমনে ক্ষান্ত হইল। তিনি তথা হইতে
রফরফ নামক মহাকিরুব এশ্রাফিলের মন্দিরে আরোহণপূর্বক খোদাতায়ালাস
সিংহাসনের সমীপস্থ হন।

অতঃপর ধ্যাননিরত স্বর্গলোক কল্পিত করিয়া শতকোটি বজ্রনাদ
পরাস্তপূর্বক সহস্র বার ধ্বনি হইল যে, “তুমি আমার নিকট আইস।”
হজরত ইহা শুনিয়া মানবীয় দুর্কল জীবনে সহস্র স্বর্গীয় উন্নতি ও নববল
লাভ করিয়া অগ্রসর হইতে লাগিলেন। তিনি ক্রমে ক্রমে সেই অপ্রকর্য,
অচিন্ত্য ও অনন্তের স্থানসমূহ অতিক্রমপূর্বক একান্তে খোদাতায়ালাস

নৈকটা প্রাপ্ত হন । কি ভীষণতামিশ্রিত মনোহর দৃশ্য ! সহস্রকোটি
 জ্বলোক ও ভূলোকের সৃষ্টিকর্তা, পালনকর্তা ও বিনাশকারী অচ্যুত অমর
 নিত্যজীবী সচ্চিদানন্দ খোদাতায়ালা নিকট এক অতি ক্ষুদ্র হইতে
 ক্ষুদ্রতম রক্তমাংসময় মানব ভীত ও স্তম্ভিতভাবে দণ্ডায়মান !

তথায় তিনি খোদাতায়ালা প্রত্যাদেশ, সমাদর ও প্রিয়সম্ভাষণ লাভ
 করিয়া প্রত্যাবর্তন করেন ; প্রত্যাবর্তনকালে মহাপুরুষ মুসার সহিত তাঁহার
 সাক্ষাৎ হয় । মহান্বা মুসা তাঁহাকে সাদরসম্ভাষণপূর্বক খোদাতায়ালা
 সারিধো কি কি বিষয় সংঘটন হইয়াছে, তাহা জিজ্ঞাসা করেন । হজরত
 সমুদ্র বিষয় আনুপূর্বিক বর্ণনপূর্বক বলেন, “আল্লাহতায়ালা প্রতি দিবস ৫০
 বার নামাজ পড়িবার আদেশ দিয়াছেন ” ইহা শুনিয়া মহান্বা মুসা
 বলেন, “আমি ইস্রাইলবংশোদ্ভবদিগকে কোনরূপেই খোদাতায়ালা
 একটা আদেশও প্রতিপালনে প্রবৃত্ত করিতে পারি নাই, অতএব
 কিরিয়া গিয়া উপাসনার নূনতার প্রার্থনা করুন ।” ইহা শুনিয়া হজরত
 কিরিয়া যাইয়া ৪০ বারের অমুমতি প্রাপ্ত হন । প্রত্যাগমনকালে মহান্বা
 মুসাকে ৪০ বারের কথা বলিলেন । মহান্বা মুসা তাহাতেও আপত্তি
 করিলে, হজরত পুনরায় খোদাতায়ালা নিকট উপস্থিত হইলে ৩০ বারের
 আদেশ প্রাপ্ত হইলেন । এইরূপে মহান্বা মুসার সহিত সাক্ষাৎ ও হজরত
 পুনঃপুনঃ আল্লাহতায়ালা নিকট যাইয়া অবশেষে ৫ বার নামাজের আদেশ
 প্রাপ্ত হন । মহান্বা মুসা পুনর্বার তাঁহাকে উপাসনা হ্রাসের জন্য অমুরোধ
 করিলে হজরত বলেন, “আমি লজ্জিত না হওয়া পর্য্যন্ত তাঁহার নিকট
 প্রার্থনা করিয়াছি ।” এই বলিয়া তিনি মহান্বা মুসাকে সালামপূর্বক বরতল
 মোকাদ্দেসে কিরিয়া আসেন, তথা হইতে মক্কার প্রত্যাবর্তন করেন ।

হজরত প্রাতঃকালে কোরেশদিগের সম্মুখে মেরাজের (স্বর্গারোহণের)
 বিবরণ বর্ণন করিলে; তাঁহার শিষ্যগণ তাহা সত্য বলিয়া স্বীকার করিলেন,

কিছু বিপক্ষ কোরেশগণ তাহাতে অবিশ্বাস করিল। আর সেই সভাস্থ
অস্ত্রালোক (বিধর্মী) কেহ কেহ তাহা সত্য বলিয়া গ্রহণ করিবার
উপক্রম করিতেছে দেখিয়া হজরত আবুবকর তাহাদিগকে ইসলামধর্মের
প্রধান প্রধান নীতিগুলি বুঝাইয়া দিলেন ; তাহা শ্রবণ করিয়াই অনেকে
ইসলাম-ধর্ম গ্রহণ করেন, তজ্জন্ত হজরত মহম্মদ, আবুবকরকে “সিদ্দিক”
অর্থাৎ সত্যপ্রত্যক্ষকারী উপাধি প্রদান করিলেন। কোরাণ শরিফে উক্ত
হইয়াছে, “নক্ষত্রের পথ, যখন অস্ত যায়, তোমার সহচর (মহম্মদ) বিপথ-
গামী হয় নাই এবং পথ হারায় নাই। এবং সে প্রকৃতি অনুসারে
কথা কহে না। (তাহার প্রতি) যাহা প্রেরিত (যাহা পড়িয়া শুনান)
তাহা প্রত্যাদেশ ভিন্ন নহে। দৃঢ়শক্তি বলবান্ (জেব্রিল) ইহা তাহাকে
শিক্ষা দিয়াছিল, যে জ্ঞানরত্নে ভূষিত ছিল। এবং সে উন্নত গগন-
প্রান্তে ছিল। তৎপর সে (ধর্মপ্রচারকের) নিকটে সম্মুখী আসিল,
পরে নামিয়া আসিল। অনন্তর দুই ধনু পরিমাণ অথবা তদপেক্ষা
নিকটতর হইল। পরে তাহার দাসের প্রতি তিনি যে প্রত্যাদেশ
করিয়াছেন, সে (জেব্রিল) সেই প্রত্যাদেশ পহুছাটিল। প্রেরিত
পুরুষের অন্তর যাহা দর্শন করিল, তাহা মিথ্যা গণ্য করিল না। অনন্তর
তোমরা কি (হে লোকসকল) সে যাহা দেখিয়াছে তৎসম্বন্ধে তাহার
সঙ্গে বিতর্ক করিতেছ ? এবং সত্য সত্যই সে আরও (১) তাহাকে
অস্ত্র এক সময়ে সদরাতোল মোস্তহার নিকটে দেখিয়াছিল, যাহার
ওদিকে কোন পথ নাই, যাহার নিকটে মাধু লোকদিগের চির আশ্রয়-
ভূমি—বর্গোস্তান। যখন সেদরাকে যে কিছু আচ্ছাদন করিল, সেই
আচ্ছাদনে ছিল। তখন (প্রেরিত পুরুষের) দৃষ্টি বক্র হইল না এবং

(১) উপরোক্ত আয়েতগুলির মধ্যে প্রথমোক্ত আয়েতগুলি হজরত মহম্মদের
অথবা অধিপ্রাপ্তি সম্বন্ধে এবং শেষোক্তগুলি সেদরাক সম্বন্ধে অবতীর্ণ হইয়াছিল।

(লক্ষ্যকে) অতিক্রম করিল না । সত্য সত্যই সে আপন প্রতিপালকের কোন মহা নিদর্শন দেখিরাছিন । (কোরাণ শরিফ ৫৩শ সূরা ১—১৮) “আমি সেই প্রদর্শন (রোয়া) যাহা তোমাকে দেখাইরাছি ।” (কো ১৭শ সূরা ৬০ অ) । মেরাজের সুবিস্তৃত বিবরণ হাদিসসমূহে বিশেষরূপে লিখিত আছে । আমরা বিস্তৃতি ভয়ে তাহাতে হস্তার্পণ করিলাম না ।

কয়েকজন তীর্থযাত্রী মদিনাবাসীর ইসলামধর্মগ্রহণ এবং মদিনায় মসাবের ধর্ম প্রচার ।

হজরতের সময় উপনীত হইলে হজরত মহম্মদ আরবের বিভিন্ন প্রদেশবাসীদিগের নিকট ধর্ম প্রচারকার্যে বহির্গত হইলেন । কিন্তু কোরেশগণ তীর্থযাত্রীগণকে তাঁহার নিকট যাইতে দিত না । একদা মদিনায় ক্ষমতামালী খজরজ-বংশোদ্ভব আসাদ প্রভৃতি ৮ জন এবং আউস-কুলোদ্ভব দুইজন, সর্বমুদ্র এই দশজন লোক গুপ্তভাবে ধর্মোপদেশ শ্রবণ করিতে গমন করেন । তৎকালে মদিনার অধিকাংশ অধিবাসী ইহুদী ও খৃষ্টধর্মাবলম্বী ছিল । হজরতের ধর্মোপদেশ শ্রবণ করিয়া তাঁহাদের অন্তঃকরণ দ্রবীভূত হইয়া গেল এবং যখন তাঁহারা শুনিলেন যে, হজরত পুরাতন ধর্মের পুনরুদ্ধার করিবার জন্য খোদাতায়ালার কর্তৃক প্রেরিত হইরাছেন ও আপনাকে ধর্মপ্রচারক বলিয়া পরিচয় দিতেছেন, তখন তাঁহারা পরস্পর বলিতে লাগিলেন, “আমরা যাহার আগমনবাড়া অবগত আছি, ইনি নিশ্চয়ই সেই শেষ ধর্মপ্রচারক ।” তাঁহারা যতই হজরতের উপদেশ শ্রবণ করিতে লাগিলেন, ততই তাঁহার প্রতি তাঁহাদের বিশ্বাস দৃঢ়ীভূত হইতে লাগিল । অবশেষে তাঁহারা ইসলামধর্মে দীক্ষিত হইলেন ।

তৎপরে আসাদ প্রভৃতি হজরতের সহিত অকাবা পর্বতে গমন-পূর্বক তথায় এইরূপ সন্ধিসূত্রে আবদ্ধ হন যে, “আমরা খোদাতায়ালা ভিন্ন আর কাহারও অর্চনা করিব না। আমরা অপহরণ, ব্যভিচার ও পরদার গমন করিব না ও আমাদের সম্মানগুলিকে হত্যা করিব না এবং পরনিন্দা ও পরগানি হইতে সতত বিমুখ থাকিব। আমরা সংকার্যের দ্বারা ধর্মপ্রচারককে সম্মান করিব এবং সুখে দুঃখে তাঁহার অনুগামী হইব।” * তাঁহারা স্বদেশ প্রতাগমনকালে হজরত মহম্মদ তাঁহাদিগকে ইসলামধর্মের পদ্ধতি ও কোরাণ শরিফ শিক্ষা দিবার জন্য আমিরের পুত্র মসাবকে তাঁহাদের সঙ্গে পাঠাইয়া দেন। মসাব হজরতের এক জন বিজ্ঞ শিষ্য, তিনি মক্কাদা হজরতের সমভিব্যাহারে থাকিয়া নানাকষ্ট সহ করেন এবং হজরত সর্বদা অনেক অলৌকিক ঘটনা সন্দর্শন করিয়াছিলেন। হজরত তাঁহাকে এইরূপ উপদেশ দিয়া প্রেরণ করেন যে, “তুমি মদিনাবাসীদিগের মধ্যে ইসলামধর্মের দৃঢ়তা সংস্থাপন করিও।”

মসাব মদিনায় আসাদের গৃহে অবস্থানপূর্বক আনসারদিগকে (১) ধর্মশিক্ষা দিতে লাগিলেন এবং তদ্রূপে অধিবাসীদিগকে ইসলাম-ধর্মে দীক্ষিত করিতে থাকেন। এক দিন আশহল-দলহ অনেকগুলি লোক মসাবের নিকট ধর্মোপদেশ শ্রবণ করিতেছে দেখিয়া আসাদের সাদ নামক এক জন আত্মীয়, দলপতি অসৈয়দকে বলেন, “আসাদ এক জন বিদেশী লোককে আনিয়া আমাদের পৈত্রিকধর্মের উচ্ছেদ-সাধনপূর্বক নির্দোষ লোকদিগকে এক নূতন ধর্ম শিক্ষা দিতেছে। আমি আত্মীয়তার অনুরোধে তাহাকে কিছু বলিতে পারিতেছি না।

* এখানে হেশাম ২৮২ পৃঃ ; এখানে আল আমির ২য় খণ্ড ৭৩—৭৪ পৃঃ ।

(১) যাহারা মদিনায় হজরতের ধর্মপ্রচারে সাহায্য করিয়াছিলেন, তাঁহারা আনসার এবং যে সকল মুসলমান উৎপীড়িত হইয়া মক্কানগর ত্যাগ করিয়া মদিনায় আশ্রয় লইয়াছিলেন, তাঁহারা মহাজের নামে কথিত।

আপনি তাহাকে ভয়প্রদর্শনপূর্বক নিবৃত্ত করুন ।” অসৈয়দ ইহা শুনিয়া ক্রোধাঘিত হইয়া মশজ্ব আসাদের গৃহের দিকে গমন করিলেন । অসৈয়দকে আসিতে দেখিয়া আসাদ, মসাবকে বলিলেন, “ভ্রাতঃ! এই ব্যক্তি আমাদের দলপতি, ইহাঁকে দীক্ষিত করিতে পারিলে, আমাদের ধর্ম-বিস্তারের বিশেষ সুবিধা হইবে ।” ইত্যবসরে অসৈয়দ আসিয়া তাহা-দিগকে বলিলেন, “তোমরা কেন লোকদিগকে ধর্মলুপ্ত করিতেছ ?” ইহা শুনিয়া আসাদ বলিলেন, “আপনি আমাদের দলপতি ও নানা-জ্ঞানবিভূষিত, অতএব ইসলামধর্মের উপদেশগুলি একবার শ্রবণ করুন, ভাল বিবেচনা হয় গ্রহণ করিবেন, না হয় আপনার ইচ্ছানুযায়ী কার্য-করণে প্রবৃত্ত হইবেন ।” ইহা শুনিয়া অসৈয়দ বলিলেন, “তাহাই ভাল ।” তৎপরে মসাব কোরাণ শরীফ পাঠ আর ইসলামধর্মের প্রধান প্রধান নীতি গুলি বিশেষরূপে বিদূত করিতে লাগিলেন । অসৈয়দ উক্ত ধর্মের মাহাত্ম্য অবগত হইয়া উহাতে দীক্ষিত হইলেন । তৎপরে মাদ, অসৈয়দের দ্বারা ইসলামধর্মের স্বর্গীয় সৌন্দর্য্য দর্শন করিয়া তাহা গ্রহণ করেন ।

তদনন্তর মাদ গৃহে গমন করিয়া আশ্বীয়-স্বজনগণকে ও সমুদয় আশহল-বংশীয়দিগকে ইসলামধর্মে দীক্ষিত করেন । এক্ষণে মসাব প্রকাশ্যরূপে মদিনায় ধর্ম প্রচার করিতে লাগিলেন, নানাসম্প্রদায়স্থ লোক দলে দলে আসিয়া তাহার নিকট ধর্মগ্রহণ করিতে লাগিল । অধিকন্তু আটম ও খজরজ-বংশীয় প্রধান প্রধান লোকগণ ইসলাম-ধর্মে দীক্ষিত হন । মসাব মদিনায় ধর্মের শ্রীবৃদ্ধির বিষয় হজরতকে সংবাদ পাঠাইতে লাগিলেন; তৎশ্রবণে মক্কানগরীস্থ উৎপীড়িত মুসলমান-গণ মদিনায় আশ্রয় গ্রহণ করিতে আরম্ভ করেন ।

এই সময়ে হজরত অতি কষ্টে মক্কার অবস্থিতি করিতেছিলেন, কিন্তু বিপন্ন হইলেও তিনি খোদাতারাগার উপর অচলা ভক্তি স্থাপনপূর্বক ধর্ম-

প্রচারের উপায় উদ্ভাবনে রত ছিলেন। লোকদিগকে প্রতিমূর্তি পূজা করিতে দেখিয়া তিনি দুঃখিত হইতেন, (কোরাণশরিফ ৬ষ্ঠ সূরা ১০৭ আয়ত ।) কিন্তু এই বলিয়া মনকে প্রবোধ দিতেন যে, অবশেষে সত্যেরই জয় হইবে, কিন্তু তিনি তাহা দেখিয়া যাইতে পারিবেন না। (কোরাণশরিফ ৪০ সূরা ৭৮, ৪৩শ সূরা ৪১ আঃ)। যেমন সূর্য্যোদয়ে অন্ধকাররাশি দূরীভূত হয়, সেইরূপ সত্যের আবির্ভাবে মিথ্যা দূরীভূত হইবে, (কোঃ ২১শ সূরা, ১৮ আ)।

হজরত মহম্মদের সহিত মদিনাবাসীদিগের

অকাবা পর্বতোপরি অঙ্গীকার ।

এদিকে মদিনাবাসিগণ হজরত মহম্মদকে স্বকীয় নগরে আনয়ন ও ইস্লামের বিজয়পতাকা উড্ডীয়মান করিবার জন্ত একান্ত উৎসুক হইয়া পড়িলেন। তজ্জন্য ৭১ জন গণ্য মান্য মদিনাবাসী মসাবের সহিত পবিত্র মাসে অসংখ্য তীর্থযাত্রীর সমভিব্যাহারে প্রেরিত হুলাইফের ত্রয়োদশ বৎসরে ৬২২ খৃঃ অব্দে হজরতকে লইয়া যাইবার জন্ত মক্কায় আগমন করেন।* তাঁহারা মক্কায় আসিয়াই হজরতের সহিত সাক্ষাৎ করিলেন, হজরত তাঁহাদিগকে কোন নিদিষ্ট দিনে রাত্রি দ্বিপ্রহরের সময়ে অকাবাপর্বতোপরি সাক্ষাৎ করিয়া পরস্পর অঙ্গীকারাবদ্ধ হইতে বলেন। মদিনাবাসিগণ নিদিষ্ট দিনে রাত্রি দ্বিপ্রহরের সময়ে অকাবাপর্বতোপরি মিলিত হন। হজরত স্বায় পিতৃব্য আব্বাসকে সঙ্গে লইয়া উক্ত সভায় যোগদান করেন। আব্বাস আবুতালেবের ন্যায় হজরতকে অতিশয়

* এখানে হেলাম ২২৩ পৃঃ ।

স্নেহ করিতেন ও তাঁহার শুভাকাঙ্ক্ষী ছিলেন ; তিনি অতিশয় বুদ্ধিমান ও সুবিবেচক ছিলেন ; কিন্তু তখন পর্য্যন্তও তিনি ইসলামধর্ম গ্রহণ করেন নাই । আব্বাস প্রথমতঃ মদিনাবাসীদিগকে আহ্বান করিয়া বলেন, “মদিনাবাসিগণ ! তোমরা অবগত আছ যে, মহম্মদ মহা-প্রতাপশালী কোরেশবংশসম্বৃত । আমরা তাহাকে সর্কীয় ক্ষমতা-নুসারে শত্রুহস্ত হইতে রক্ষা করিতেছি ; কিন্তু সে তোমাদের সহিত মদিনায় যাইতে ইচ্ছুক, এবং তোমরাও তাহাকে লইয়া যাইবার অভিলাষ প্রকাশ করিয়াছ । উজ্জ্বল আমি তোমাдиগকে বলিতেছি যে, যত দিন পর্য্যন্ত তোমরা তাহাকে শত্রুহস্ত হইতে সম্যক্রূপে রক্ষা করিতে সক্ষম না হইবে, ততদিন পর্য্যন্ত তাহাকে তোমাদের দেশে লইয়া যাইও না ; সে এখানে স্বজাতির মধ্যে সম্মানিত অবস্থায় অবস্থান করুক ।”

এই কথা শুনিয়া মদিনাবাসিগণ বলিলেন, “সদাশয় আব্বাস ! আপনি যাহা বলিলেন, তাহা শ্রবণ করিলাম । কিন্তু এক্ষণে আমাদের কর্তব্য কি ? আপনিই তাহা নিরূপণ করুন ।” তখন হজরত মহম্মদ কোরাণ শরীফের কয়েকটি আয়েত (বচন) পাঠ করিলেন । তাহা শুনিয়া আনসারগণ হজরতকে বলিলেন, “আপনার সঙ্গে আমরা কিরূপ অঙ্গীকারে আবদ্ধ হইব, তাহা আশ্রয় করুন ।” তৎপরে হজরত বলিলেন, “তোমরা নিম্নলিখিতরূপ অঙ্গীকারে আবদ্ধ হইলে আমি তোমাদের সঙ্গে যাইতে পারি—তোমরা সুখে দুঃখে আমার অনুগত থাকিবে, এবং ইসলামধর্মের নিষেধবিধিগুলি মান্য করিয়া চলিবে । শত্রুদিগের উৎসাহ ও শত্রুতার ধর্মগ্রহণে ভীত বা সঙ্কচিত হইবে না ; আমি তোমাদের মধ্যে উপনীত হইলে, তোমরা আমার শত্রুকে শত্রুজ্ঞান ও বন্ধুকে বন্ধু বলিয়া গ্রহণ করিবে আর আমার সহিত এক সন্ধিবিগ্রহের অধীন হইবে ।”

হজরতের কথা শুনিয়া আসাদ বলিলেন, “হে ধর্মপ্রচারক ! আমি আপনার নিকট কয়েকটা কথা নিবেদন করিতে ইচ্ছা করি । আপনি আমাদিগকে বেরূপ কার্যা সম্পন্ন করিতে আদেশ দিয়াছেন, তাহা সাধারণ লোকে সম্পন্ন করিতে অক্ষম । আপনি আমাদিগকে পৈত্রিক ধর্ম ত্যাগ করিয়া ইসলাম ধর্মের অধীন হইয়া চলিতে অনুমতি দিয়াছেন, আমরা তাহা কর্তব্যকাণ্ড মনে করিয়া গ্রহণপূর্বক তদনুসারে কার্যা করিতেছি এবং তজ্জন্য আত্মীয়-স্বজনবর্গকে ত্যাগ করিয়াছি । ~~আমরা~~ উচ্চবংশসম্ভূত, কখন কাহারও অধীনতা স্বীকার করি নাই ; বংশপরম্পরায় লোকের উপর আধিপত্য করিয়া আসিতেছি ; আমাদের আত্মীয়-স্বজন আছেন কিন্তু আমরা আপনার প্রেরিত আত্মীয়-স্বজন-বঞ্চিত মসাবের অধীনতা স্বীকার করিয়াছি ; আপনি বিবেচনা করিয়া দেখুন, এই সকল কার্যা আমাদের পক্ষে বড় সহজ ত্যাগস্বীকারের বিষয় নহে । আমরা আল্লাহতায়ার কৃপায় বিশ্বাস ও প্রেমের সহিত পরস্পর মিলিত হইয়াছি ; আমাদের নগরস্থ শত্রুগণ ইসলামধর্ম গ্রহণ করার, আমরা তাহাদেরও সহিত বন্ধুত্ব স্থাপন করিয়াছি । অতএব আপনার ও আল্লাহর সমক্ষে অঙ্গীকারাবদ্ধ হইতেছি যে, আমরা আপনার জন্ত জীবন উৎসর্গ করিলাম । আমরা ইসলামধর্মের উন্নতি ও বিস্তারের জন্ত প্রাণপণে যত্ন করিব । আপনার নিকট এই অঙ্গীকার পূর্ণ করিলে খোদাতায়ালার নিকটও অঙ্গীকার পূর্ণ হইল, মনে করিব ও তাহাতে আমাদের পুণ্যের সঞ্চয় হইবে ; কিন্তু অঙ্গীকার ভঙ্গ করিলে আমরা খোদাতায়ালার নিকট পাপী বলিয়া পরিগণিত হইব ও নরক আমাদের আশ্রয়ভূমি হইবে । খোদাতায়ালার আমাদের সহায় হউন ।” ইহা শুনিয়া হজরত বলিলেন, “তোমরা একমাত্র আল্লাহ ভিন্ন আর কাহাকেও অর্চনা করিও না, ইসলামধর্মের উন্নতির বিষয়ে যত্নবান হইও ।”

আনুসারগণ হজরত মহম্মদের আদেশ শিরোধার্য্য করিয়া অঙ্গীকারাবদ্ধ হইলেন । তৎপরে আবু আলিসম হজরতকে বলিলেন, “হজরত ! আমরা আমাদের স্বজাতির সহিত প্রতিজ্ঞা ভঙ্গ করিয়া আপনার সহিত অঙ্গীকারাবদ্ধ হইলাম, আপনি জয়যুক্ত হইলে আমাদেরকে যেন নিরাশ ও দুঃখিত করিয়া স্বজাতির নিকট আগমন না করেন ।” হজরত ইহা শুনিয়া হাসিতে হাসিতে বলিলেন, “আমার রক্ত তোমাদের রক্ত, তোমাদের সমাধিস্থান আমার সমাধিস্থান এক ; আমি তোমাদের শত্রুর শত্রু ও মিত্রের মিত্র হইলাম ।” হজরতের এই অঙ্গীকারকে “আকাবাব অঙ্গীকার” বলে ।* প্রসিদ্ধি আছে যে, এই সন্ধি স্থিরীকৃত হইয়া গেলে, হজরত মহম্মদ, হজরত জেবালের আদেশক্রমে খজরজ-বংশোদ্ভব নয় জন আর খাউসকু লাউব তিন জনকে দলপতিপদে বরণ করিয়া আনুসারদিগকে বলেন, “আনুসারগণ ! বর্ষাবধাতার আদেশক্রমে অমুক অমুক ব্যক্তিদিগকে তোমাদের দলপতি করিলাম, ইহাতে তোমরা কেহ যেন দুঃখিত হইও না, ইহা খোদাতায়ালায় আভিষিক্ত করি ।” সেই সন্ধ্যা মদিনাবাসীদিগকে হজরত আক্বাস বলেন, “হে আনুসারগণ ! তোমাদের পূর্বে ইহা জানা উচিত যে, যদি কোন বিপদে ও সংগ্রামে পবিত্রধর্ম-রক্ষার্থ তোমাদের সমুদয় সম্পত্তি নষ্ট হয় এবং গদান প্রধান লোকগণ নিহত হন, এবং তদ্ব্যতীত যদি তোমরা হজরতকে ত্যাগ কর, তবে এক্ষণে তোমরা এতাদৃশ কার্য্যে তস্তক্ষেপ করিও না । ফলতঃ তোমরা যদি সর্গস্বাস্ত হইয়াও হজরতের অনুগামী হও, তাহা হইলে ভুলোক ও ঢালাকে তোমাদের মঙ্গল হইবে ।” তখন সকলে

* এ.ন. হেণাম ২২৬—৩০০ পৃঃ । এই সন্ধিতে ৭৫ জন সপ্তা মাত্র নবনারী যোগদান করিয়াছিলেন । এই ঘটনা জেলহাজির মাস সংঘটন হইয়াছিল । হজরত মহম্মদ এই মাসের অবশিষ্ট কয়েকদিন, মহররম ও সফর মাস মক্কার অবস্থিতি করিয়াছিলেন । রবিয়র আউয়ল মাসে তিনি মদিনায় চলিয়া যান । এখানে আল.আসির ২য় খণ্ড ৭৮ পৃঃ ।

বলিলেন, “আমরা বাহা অঙ্গীকার করিয়াছি, তাহার অগ্রথা হইবে না এবং তুমি বাহা বলিলে, তাহাও স্বীকার করিলাম ।” তৎপরে তাঁহারা হজরতকে জিজ্ঞাসা করিলেন, “আমরা প্রতিজ্ঞাপূর্ণ করিলে কি পুরস্কার প্রাপ্ত হইব ?” হজরত বলিলেন, “স্বর্গ” । তদনন্তর তাঁহারা হজরতের হস্তে হস্তার্পণ করিয়া বলিলেন, “আমরা আপনায় হইলাম ।” তৎপরে আনসারগণ স্বদেশাভিমুখে গমন করিলেন । বিপক্ষ কোরেশগণ এই অঙ্গীকারের বিষয় অবগত হইয়া আনসারদিগকে আক্রমণ করিল ; কিন্তু তাদৃশ অনিষ্ট করিতে পারিল না, কেবল সাদ নামক এক জন আনসারকে বন্দী করিয়া আনিল । কিন্তু অতঃপর তাহারা মদিনাবাসীদিগের ভয়ে সাদকে ছাড়িয়া দিয়াছিল । এদিকে সাদ বন্দীকৃত হইয়াছেন শুনিয়া মদিনাবাসীগণ দ্রুতসজ্জা করিয়া তাহাকে মুক্ত করিতে বহির্গত হইলেন । পথিমধ্যে সাদের সহিত সাক্ষাৎ হওয়াতে সকলে গৃহে ফিরিয়া গেলেন ।

হজরত মহম্মদের শিষ্যগণের মদিনায় প্রস্থান ।

আনসারগণের প্রত্যাগমনের পর পবিত্র মাস শেষ হইলে কোরেশগণ ষোল্ল মাহ্ সঙ্কারে মুসলমানদিগের প্রতি অত্যাচার ও উৎপীড়ন আরম্ভ করিল । হজরত মহম্মদ তাঁহার ধর্ম্মবন্ধুদিগের মক্কায় বাস করা তুচ্ছ দেখিয়া মদিনায় প্রস্থান করিতে অনুমতি দিলেন । তখন শিষ্যগণ ক্রমে ক্রমে মদিনায় প্রস্থান করিতে লাগিলেন । এই ঘটনা রজহজ্জ মাসে সংঘটন হইয়াছিল । আরকম, বেলাল, হামজা ও জয়দ প্রভৃতি হজরত মহম্মদের ধর্ম্মবন্ধুগণ গুপ্তভাবে মদিনায় গমন করেন ; কেবল খেতাবের পুত্র ওমর প্রকাশ্যরূপে মদিনায় প্রস্থান করিয়াছিলেন । হজরত ওমর

অল্পশব্দে সুসজ্জিত হইয়া কাবার গমনপূর্বক তাহা সাতবার প্রদক্ষিণ করিয়া নাবাজ পড়েন, সেই সময় কোরেশগণ কাবার উপবিষ্ট ছিল। তিনি কোরেশগণের মধ্যে দণ্ডায়মান হইয়া বলেন, “যাহারা প্রস্তরখণ্ডকে খোদাতায়ালা বোধে উপাসনা করে, তাহাদের মুখ মলিন হউক। হে কোরেশগণ! তোমাদের মধ্যে কে স্বীয় পিতামাতা ও স্ত্রীপুত্রকন্যাগণকে ভাগ করিতে স্বীকৃত আছ? যাহারা তাহা কার্যে পরিণত করিতে সক্ষম, তাহারা আমার সঙ্গে বোগদান কর।” ইহা শুনিয়া কোরেশগণ নীরব রহিল; হজরত ওমর, হজরত মহম্মদের মদিনা প্রস্থানের পঞ্চদশ দিবস পূর্বে প্রকাশভাবে মদিনায় যাত্রা করিলেন। হজরত মহম্মদ, হজরত আলি ও আবুবকরকে লইয়া মদিনায় অবস্থিতি করিতে লাগিলেন।

এই সময় হজরতের প্রধান শত্রু আবুসুফিয়ান মক্কার শাসনকর্ত্ত্বপদে অভিষিক্ত ছিল। ইসলামধর্মের উন্নতি ও বিস্তার দেখিয়া সে অতিশয় ক্রোধান্বিত ও ভয়াকুল হইয়াছিল। বিপক্ষগণ দেখিল, মুসলমানগণ একটা নিরাপদ স্থান প্রাপ্ত হইয়াছে, তজ্জন্ত বাহাতে তাহারা তথায় উপনীত হইতে না পারেন, তাহার উপায় নিরাকরণ করিবার জন্ত তাহারা “দারুণ নটরা” বা ময়ূনা গৃহে একটা মহতী সভা আহ্বান করিয়া সকলে নিম্নলিখিত রূপে অভিমত প্রকাশ করে। কেহ বলিল, “মহম্মদের উন্নতি প্রকৃত প্রস্তাবে বন্ধ করা উচিত।” কেহ বলিল, “মহম্মদকে দেশ হইতে বহির্গত করিয়া দেওয়া উচিত।” কিন্তু কেহ কেহ তাহাতে অপত্তি করিয়া বলিল, “বদি সে অত্র স্থানে গিয়া অপরাপর সম্প্রদায়কে প্রভাবিত করিয়া ইসলামধর্মে দীক্ষিত করে, কিম্বা মদিনার লোকদিগকে স্বীয় ধর্মে দীক্ষিত করিয়া তথাকার প্রধান প্রধান ব্যক্তিগণের দ্বারা আমাদের প্রতি ইহার প্রতিশোধ লইলেও ত লইতে পারে?” অপরাপর ব্যক্তিবর্গ বলিল, “তবে মহম্মদকে গৃহ মধ্যে দ্বাররুদ্ধ করিয়া রাখা হউক এবং সেই স্থানে তাহার মৃত্যু

না হওয়া পর্য্যন্ত কিছু কিছু খাণ্ড দ্রব্য দিলে চলিবে । এ কার্য্য করিলে মুসলমানগণ জানিতে পারিবে যে, মহম্মদ পলায়ন করিয়াছে ।”

সেই সভায় শয়তান (পাপ পুরুষ) বৃদ্ধ পুরুষের বেশে উপস্থিত ছিল, সে কোরেশদিগকে হজরতের বিরুদ্ধে নানা কুপরামর্শ দিয়াছিল । অবশেষে বহু তর্কবিতর্কের পর আবুজহল বলিল, “মহম্মদকে বধ করাষ্ট নবোখিত-কুসংস্কার ধ্বংসের একমাত্র উপায় ।” ইহাতে সকলে সম্মত হইলে, এই স্থির হইল যে, “কোরেশগণ একদিন রজনীতে তরবারি হস্তে হজরতের শয়নগৃহে প্রবেশ করিয়া তাঁহাকে হত্যা করিবে ?”* পরন্তু যে রজনীতে কোরেশগণ হত্যা করিতে আসিবে, সেই দিন হজরত মহম্মদ, হজরত জেব্রিলের নিকট কোরেশদিগের ষড়যন্ত্রের বিষয় অবগত হন । কোরেশদিগের ষড়যন্ত্রের লক্ষ্যাদি কোরাণ শরিফের অষ্টম সূরায় এইরূপভাবে উক্ত হইয়াছে, “এবং হে মহম্মদ ! স্মরণ কর, কাফেরগণ (বিধর্ম্মিগণ) তোমার প্রতি ষড়যন্ত্র করিবে, তোমাকে বন্দী করিয়া রাখিবে কিম্বা কালকালে পাতিত করিবে, অথু দেশে তাড়াইয়া দিবে, তাহারা এইরূপ ষড়যন্ত্র করিতেছিল, কিন্তু আল্লাতায়াল্লা তাহাদের বিরুদ্ধে ষড়যন্ত্র করিয়াছিলেন এবং আল্লাতায়াল্লাই প্রধান ষড়যন্ত্রকারী ।”

* এখানে হেশাম ৩২৩—৩২৫ পৃঃ ; এখানে অর আসির ২য় খণ্ড ৭৯ পৃঃ । হজরতকে বধ করা স্থিরীকৃত হইয়া গেলে এই তর্ক উঠিল যে, কে তাঁহাকে হত্যা করিবে । যদি একজনে হত্যা করে, তাহা হইলে হজরতের আত্মীয় স্বজন হত্যাকারীর শোণিত শান করিয়া প্রতিশোধ লইতে বিমুগ্ন হইবে না । অবশেষে কুচক্রী আবু জহল বলিল যে, বিভিন্ন পরিবারস্থ এক একজন যুবক একত্র হইয়া তাঁহাকে হত্যা করুক । এই প্রস্তাবটি প্রথমে নেজর প্রদেশের একজন ছদ্মবেশধারী বৃদ্ধ সমর্থন করার উহা সর্ব্বসম্মতিক্রমে লঙ্ঘিত হইল । হাদিসে এই বৃদ্ধকে শয়তান বলিয়া উক্ত হইয়াছে ।

হজরত মহম্মদের মদিনায় প্রস্থান ।

হজরত মহম্মদ ও তাঁহার শিষ্যগণের উপর কোরেশগণের অত্যাচার দিন দিন অধিকতর উগ্রমূর্তি ধারণ করিতে লাগিল । কিন্তু হজরত আবুবকর হজরতের আগে না বাইয়া তাঁহার সমভিব্যাহারে মদিনায় বাইতে মনস্থ করিলেন । হজরত মদিনায় প্রস্থানের দৈবদেশ প্রাপ্ত হইলে, হজরত আলিকে বলিলেন, “আলি ! খোদাতায়াল্লা আমাকে মদিনায় প্রস্থানের আদেশ দিয়াছেন, আগামী কলাই বাত্মা করিব । ক্ষণে আমার নিকট লোকের যে সকল দ্ব্যজ্ঞাত গচ্ছিত আছে, তাহা তোমার হস্তে অর্পণ করিয়া বাইতেছি, তুমি বাহাব যে দ্রব্য, তাহা তাহাকে প্রদান করিও ।”*

সেই রজনীতে কোরেশগণ হজরতের মস্তকচ্ছেদন করিতে মনস্থ করিল, আবুজহল ও আবুলহব প্রভৃতি চুরাখুগণ উক্ত কার্যসম্পন্নার্থ প্রস্তুত হইল । হজরত মহম্মদ জেব্রিলের নিকট ইহা জানিতে পারিলেন এবং অল্প গৃহে গিয়া শয়ন করিতে আদিষ্ট হইলেন । হজরত মহম্মদ সেই রাত্রে হজরত আলিকে ডাকাইয়া এই সকল বিবরণ জ্ঞাপন করিয়া বলিলেন, “আলি ! তুমি আমার পোষাকে আবৃত হইয়া আমার খট্টোপরি শয়ন করিয়া থাক, আমি চলিয়া যাই ।”† হজরত আলি তাহাতে স্বীকৃত হইয়া হজরতের সবুজবর্ণ চাদরে আবৃত হইয়া তাঁহার খট্টোপরি শয়ন করিয়া রহিলেন । আহা প্রকৃত ধর্মপরায়ণ লোকদিগের কি অসাধারণ সাহস ! কৃতান্তের সহচরসদৃশ কোরেশদিগের আগমনপ্রতীকার আলি খীর জীবন বিসজ্জন দিতে ও কৃত্তিত

* হজরতের নিকট লোকের দ্ব্যজ্ঞাত রাখিবার কারণ এই যে, তাঁহাকে সকলে “অল আমিন” অর্থাৎ বিশ্বাসী বলিয়া জানিত, তজ্জন্ত খীর খীর সম্পাত্ত নিরাপত্তে থাকিবে বলিয়া, তাঁহার নিকট গচ্ছিত রাখিত ।

† এখনে হেদান ৩২৫ পৃঃ ।

হইলেন না । তিনি নির্ভীকচিত্তে খোদাতায়ালার উপর নির্ভর করিয়া, তথায় শয়ন করিয়া রহিলেন । ইতাবসরে আবুজহল ও আবুলহব প্রভৃতি হুব্বুগণ হজরতের শয়নাগারের দ্বারদেশে আসিয়া উপনীত হইল । প্রসিদ্ধি আছে যে, হজরত দ্বার খুলিয়া কোরাণ শারকের কয়েকটা আয়েত পাঠপূর্বক এক মুষ্টি মৃত্তিকা তাহাদের উপর নিক্ষেপ করিয়া চলিয়া গেলেন, কোরেশগণ তাহা কিছুই জানিতে পারিল না । তাহারা পরস্পর বলিতে লাগিল, “অণু রজনীতে মহম্মদকে বন্দী করিয়া লইয়া যাও ; কলা প্রাতে তাহার শিরশ্ছেদন করিব, তাহা হইলে হাশেমবংশোদ্ভবগণ আমাদের প্রকৃত সাহসের পরিচয় পাইবে ।” এষ্টরূপ কথোপকথন সময়ে এক ব্যক্তি তথায় আসিয়া তাহাদিগকে জিজ্ঞাসা করিল, “তোমরা এখানে কি জন্ত আসিয়াছ ও কাহার প্রতীক্ষা করিতেছ ?” তাহারা বলিল, “আমরা মহম্মদকে চাই ।” সে ব্যক্তি বলিল, “তিনি এখান হইতে চলিয়া গিয়াছেন, তোমরা কি তাহা জানিতে পার নাই ?” তাহারা এই কথা শুনিয়া ভয়ানক হইল, কিন্তু পরে দ্বারের ছিদ্র দিয়া হজরত আলিকে ষট্টোপরি হজরতের বস্ত্রাবৃত দেখিয়া আনন্দে বলিয়া উঠিল, “ওহে, মহম্মদ গৃহ মধ্যেই আছে ।” তৎপরে তাহারা গৃহাভ্যন্তরে প্রবেশ করিবামাত্র হজরত আলি জাগরিত হইয়া উঠিলেন ; তাহারা হজরত আলিকে জিজ্ঞাসা করিল, “মহম্মদ কোথায় ?” হজরত আলি বলিলেন, “আমি তাহা জানি না ।” তখন তাহারা নিবাশ ও লজ্জিত হইয়া হজরত আলিকে বন্দী করিল, কিন্তু আবুলহবের অহরোধে তাহাকে ছাড়িয়া দিল ।

হজরত সেই রাত্রিতে একস্থানে অবস্থিতি করিয়া, পরদিন গুপ্তভাবে হজরত আবুবকরের গৃহে গমন করেন ; হজরত আবুবকরও তাহাকে যথোচিত সম্মানসহকারে গ্রহণ করিয়াছিলেন । হজরত মহম্মদ, হজরত

আবুবকরকে বলেন, “আমি মক্কা ত্যাগ করিয়া মদিনায় প্রস্থানের আদেশ প্রাপ্ত হইয়াছি, আগামী কলাই তাহার আয়োজন করিতে হইবে।” হজরত আবুবকর ইহা শুনিয়া সর্ষে বলিলেন, “আমিও প্রস্থানোপযোগী উষ্ট্রী ক্রয় করিয়া রাখিয়াছি, আপনি তাহার মদো কাসোরা নামক উষ্ট্রী গ্রহণ করুন।” হজরত বলিলেন, “তুমি তাহার মূলা গ্রহণ কর।” হজরত আবুবকর মূলা গ্রহণে আপত্তি করিলেন, কিন্তু হজরতের একান্ত অনুরোধে তিনি তাহার ৮০০ দেবহাম মূলা স্থির করেন, তৎপরে হজরত উষ্ট্রী গ্রহণ করিলেন।

হজরত আবুবকর প্রস্থানোপযোগী খাদ্যদ্রব্যাদি সম্বল আয়োজন করিয়া শ্বীর পুত্রকে বলিলেন, ‘তুমি দিবসে মক্কার অবস্থানপূর্বক কোরেশদিগের কার্য-কলাপাদি দর্শন করিয়া রজনীতে সুরগিরিগহ্বরে আমাদিগের নিকট তাহার সংবাদ দিবে।’ পরে রজনীর অন্ধকার বিগত হইতে না হইতেই তাঁহারা ওরামকতের পুত্র আবুহুলাকে পথপ্রদর্শকপদে নিযুক্ত করিয়া অপর উষ্ট্রী তাহাকে আরোহণ করিতে দিলেন আর কাসোরা নামক উষ্ট্রীতে আবুবকর ও হজরতমহম্মদ আরোহণ করিলেন। আবুহুলা অগ্রে অগ্রে পথ দেখাইয়া চলিল। তাঁহারা সুরগিরিগহ্বরের নিকট উপনীত হইয়া উষ্ট্রী হইতে অবতরণপূর্বক গহ্বর মধ্যে প্রবেশ করিলেন। সেই স্থানে তাঁহারা আমরের পুত্র ফোহায়রাকে কতকগুলি ছাগী নিকট-বর্তী মরদানে চারণের ব্যবস্থা করিয়া দিয়া বলিলেন, ‘তুমি প্রত্যহ সক্যার সময়ে আমাদিগকে ভাগছুগ্ন প্রদান করিয়া যাইও।’ ফোহায়রা তদনুরূপ কার্য করিতে লাগিল। কেহ কেহ বলেন যে, হজরত আবুবকরের কস্তা আসুয়া প্রত্যহ সক্যার সময় তাঁহাদিগকে খাদ্যদ্রব্যাদি আনিয়া দিতেন। *

* এখানে আল আশির ২য় খণ্ড ৮১ পৃঃ।

হজরত আবুবকর গহ্বরমধ্যে প্রবেশ মাত্র তথায় কতকগুলি গর্ত দেখিয়া নিজের বস্ত্র ছিড়িয়া গর্তগুলির মুখ বন্ধ করিয়া দিলেন ; কিন্তু একটি গর্ত বন্ধ করিতে কাপড় কুলাইয়া উঠিল না । যাহা শুক, রজনীতে হজরত মহম্মদ, হজরত আবুবকরের জানুপরি মস্তক স্থাপন করিয়া নিদ্রা গেলেন, হজরত আবুবকর অনাবৃত গর্তটির মুখে পদতল স্থাপন করিয়া রহিলেন । সহসা সেই গর্তস্থিত একটি সর্প তাঁহার পদতলে দংশন করিল, তিনি বিষের জ্বালায় জর্জরিত হইতে লাগিলেন, তথাপি পাছে হজরতের নিদ্রা ভঙ্গ হয়, এই আশঙ্কায় পদখানি তথা হইতে স্থানান্তরিত করিলেন না । ধন্য হজরত আবুবকরের সঙ্কীর্ণতা ও স্বার্থতাগ ! যখন তাঁহার যন্ত্রণাজনিত অশ্রুধারি হজরতের গাত্রে পতিত হইল, তখন হজরত জাগরিত হইয়া উঠিলেন এবং হজরত আবুবকরকে ক্রন্দনের কারণ জিজ্ঞাসা করিলে, তিনি সর্পদংশনের কথা বলিলেন । হজরত তৎক্ষণাৎ মুখের লালা দংশনস্থানে লাগাইয়া দিলেন, বিষের যন্ত্রণা দূরীভূত হইয়া গেল । তাঁহার তথায় রহিলেন, হজরত আবুবকরের পুত্র প্রত্যহ রজনীতে গহ্বরে আসিয়া মক্কাস্থ কোরেশদিগের কার্যাদি তাঁহাদের নিকট বলিয়া যাচাইতেন ।

এদিকে কোরেশগণ হজরতের অন্বেষণ না পাইয়া হজরত আবুবকরের গৃহে গমনপূর্বক তাঁহার কন্যা আস্মাকে তাঁহার ও হজরতের কথা জিজ্ঞাসা করে । আসমা তাঁহার কোন উত্তর না দেওয়াতে ছুর্তেরা তাঁহাকে নির্দয়রূপে প্রহার করে, প্রহার সত্ত্বেও কন্যাটী তাহাদের প্রশ্নের কোন উত্তর দেয় নাই ।

তৎপরে আবুজহল প্রভৃতি কোরেশগণ আবুকোবজ্জ নামক এক জনপথ-প্রদর্শককে সমভিব্যাহারে লইয়া হজরতের অন্বেষণে প্রবৃত্ত হইল । আবুকোবজ্জের একটি অসাধারণ গুণ ছিল যে, সে পদচিহ্ন লক্ষ্য করিয়া

লোকের গম্যস্থান নির্ণয় করিতে পারিত । সে আবুজহল প্রভৃতিকে সঙ্গে লইয়া সুরগিরিগহ্বরের নিকট উপনীত হইল । কোরেশগণ গহ্বরদ্বারে উপনীত হইয়া দেখিতে পাইল যে, তথায় একটা প্রকাণ্ড শিরীশ বৃক্ষ শাখা প্রশাখা বিস্তার করিয়া রহিয়াছে ও গহ্বরদ্বার লুতাতস্থ দ্বারা আচ্ছাদিত । ইহা দেখিয়া তাহারা সিদ্ধান্ত করিল যে, সংপ্রতি এই গহ্বরে কোন মানব প্রবেশ করে নাই । তখন তাহারা প্রস্থান করিল । হজরত খোদাতায়ালায় কৃপায় এ বিপদ হইতে রক্ষা পাইলেন । কোরেশগণ হজরতের অবস্থানভূমির ৪০ গজ দূর হইতে নগরে প্রত্যাগমনপূর্বক ঘোষণা করিয়া দিল যে, “যে কেহ মহম্মদকে ধরিয়া দিতে পারিবে, তাহাকে ১০০ উষ্ট্র পুরস্কার দিব ।” ইহা শুনিয়া অনেকে হজরতের অবেষণে বহির্গত হইল ।

উক্ত গহ্বর মধ্যে তিন দিবস অবস্থান করিয়া চতুর্থ দিবসে হজরত আবুবকরের ভৃত্য দ্বারা পূৰ্বোক্ত উষ্ট্র দুইটা মক্কা হইতে আনাইয়া তাঁহারা মদিনাভিমুখে যাত্রা করিলেন ; এবং লোহিত সাগরের তীরবর্তী পথ দিয়া গমন করিতে লাগিলেন । প্রেরিত লাতের ত্রয়োদশ বৎসরের ১লা রবিয়ল আউল মাসের বৃহস্পতিবারে হজরত মহম্মদ, হজরত আবুবকরকে সমভিব্যাহারে লইয়া মক্কা হইতে বহির্গত হন এবং ৫ই রবিয়ল আউল মাসের সোমবারে (৬২২ খৃঃ অব্দের ১৬ই জুলাই) সুরগিরিগহ্বর হইতে মদিনায় যাত্রা করেন । হজরত মহম্মদের এই হেজরাত হইতে চিরবিখ্যাত হিজরী অব্দের গণনা হইয়া আসিতেছে । ।

* এখানে হেসায ৩২৮ পৃঃ ।

† হিজরী বা হেজরতের সন—হজরত মহম্মদ মদিনা গমনের সপ্তদশ বৎসর পরে দ্বিতীয় খলিফা হজরত ওমর ফারুক হিজরী সনের প্রবর্তন করেন । অনেকের ধারণা

প্রেরিত-পুরুষ ও তাঁহার শিষ্যগণের উপর বিধর্ষিগণের যেরূপ ঈর্ষানল উদ্দীপিত হইয়াছিল, কোরাণ শরিফে তাহার প্রচুর প্রমাণ প্রাপ্ত হওয়া যায় । কেবল যে প্রাথমিক মুসলমানগণ জড়োপাসক ধর্ম ভাগ করিয়া হজরত মহম্মদের (দং) একমাত্র সত্য স্বরূপ খোদাতায়ালার উপর বিশ্বাস স্থাপন করিয়াছিলেন বলিয়া উৎপীড়িত হইতেছিলেন, তাহা নহে ; কিন্তু বাহাতে তাঁহারা পুনঃ পূর্ক-ধর্ম অবশ্যন করেন, তাহার জন্য তাঁহারা অধিকতর রূপে অত্যাচারিত ও উৎপীড়িত হইতেছিলেন । ক্রমে ক্রমে শত্রুর অত্যাচার ও উৎপীড়ন এত বৃদ্ধি হইতে লাগিল যে, হজরতের শিষ্যগণের মধ্যে কেহ কেহ অত্যাচারের ঘোর উৎপীড়নে ইসলাম ভাগ করিয়া প্রকাশ্যরূপে জড়োপাসনা গ্রহণ করিতে বাধ্য হন । কিন্তু বিশ্বাসদিগের গ্ৰাম্য তাঁহাদের অন্তর মধ্যেও অদ্বিতীয় খোদাতায়ালার উপর বিশ্বাস সুদৃঢ় রূপে স্থাপিত হইয়াছিল ।

কোরাণ শরিফে উক্ত হইয়াছে :—

“যে ব্যক্তি খোদাতায়ালার উপর বিশ্বাস স্থাপনের পর যত্বপি উৎপীড়িত হইয়া তাঁহাকে অস্বাকার করে এবং যত্বপি তাহার অন্তরে সত্যধর্ম সুদৃঢ়রূপে স্থাপিত থাকে, তাহা হইলে সে নির্দোষী হইবে ; কিন্তু সে ব্যতীত যে ব্যক্তি স্বীয় বিশ্বাসলাভের পর খোদাতায়ালার বিদ্রোহী হয়, আর বাহারা ধর্মদ্রোহিতার বক্ষস্থল প্রসারিত করে, তাহাদের প্রতি খোদাতায়ালার ক্রোধান্বিত হন এবং তাহাদের জন্য মহাশাস্তি আছে ।”
(কোরাণ শরিফ, সূরা ১৬, আয়েত ১০৮) ।

যে, হজরতের মক্কা ত্যাগের দিন হইতে এই সনের গণনা হইয়া থাকে, কিন্তু তাহা নহে । হজরত মহম্মদ এই প্রবিয়ল আউল মাসে মক্কা ত্যাগ করেন । কিন্তু চান্স বৎসরের প্রথম মাস মহররম । যে বৎসর এই সন প্রতিষ্ঠিত হয়, সে বৎসর মহররম মাস ১০ই জুলাই তারিখে পড়িয়াছিল ।

প্রথমে যে সকল মহাত্মা প্রেরিত-পুরুষের শিক্ষানুসারে অদ্বিতীয় খোদাতায়ালার উপর সুদৃঢ় বিশ্বাস স্থাপন করিয়াছিলেন, তাহারা বিপক্ষ কোরেশদিগের অত্যাচার ও উৎপীড়নে নানা প্রকার কষ্ট ভোগ করিয়া শেষে তাহাদের হস্তে গৃহ, পরিবার ও ধন সম্পত্তি প্রভৃতি ত্যাগ করিয়া দেশত্যাগ করিতে বাধ্য হন এবং অনেকে পুনঃ জড়োপাসক ধর্ম গ্রহণ করা অপেক্ষা জন্মভূমি ত্যাগ করাই শ্রেয়ঃ মনে করেন । সেই সকল বিষয় কোরাণ শরিফের নিম্নলিখিত আয়েতে সুন্দররূপে উল্লেখিত হইয়াছে :—

“এবং যাহারা খোদাতায়ালার উদ্দেশ্যে অত্যাচারিত হওয়ার পর দেশত্যাগ করিয়াছে, আমি তাহাদিগকে অবশ্য এই পৃথিবীতে উত্তমরূপে বাসস্থান দান করিব, কিন্তু নিশ্চয় পারলৌকিক পুরস্কার শ্রেষ্ঠ, যদি তাহারা জানিত ।” (কোরাণ, ১৬ সূরা, ৪৫ আয়েত) ।

“যাহারা ধৈর্যধারণ করে, এবং স্বীয় প্রতিপালকের উপর নির্ভর করে (তাহাদিগকে উত্তমরূপ স্থান দান করিব) ।” (কোরাণ শরিফ ১৬ সূরা, ৫৪৭ আয়েত) ।

“অতঃপর যাহারা উৎপীড়িত হইয়া দেশত্যাগ করিয়াছে, তৎপরে আত্মরক্ষার্থ বিশেষ চেষ্টা ও ধৈর্যধারণ করিয়াছে, নিশ্চয়ই (হে মহম্মদ) তোমার প্রতিপালক ইহার পরে ক্ষমাশীল ও দয়ালু ।” (কোরাণ শরিফ ১৬ সূরা, ১১১ আয়েত) ।

“নিশ্চয় যাহারা বিশ্বাস স্থাপন করিয়াছে এবং যাহারা ধর্মোদ্দেশ্যে স্বদেশ ত্যাগ করিয়াছে এবং খোদাতায়ালার সত্যধর্ম রক্ষার জন্য প্রাণপণে চেষ্টা করিয়াছে, তাহারা খোদাতায়ালার অনুগ্রহ লাভের আশা রাখে, এবং খোদাতায়ালা ক্ষমাশীল ও দয়ালু ।” (কোরাণ শরিফ, ২ সূরা, ২১৬ আয়েত) ।

“এবং যাহারা দেশত্যাগ করিয়াছে এবং আপন গৃহে হইতে বহিষ্কৃত হইয়াছে এবং আমার পথে উৎপীড়িত হইয়াছে এবং যুদ্ধ করিয়াছে ও হত হইয়াছে—আমি তাহাদিগের অপরাধ তাহাদিগের হইতে দূর করিব এবং একান্তই আমি তাহাদিগকে স্বর্গীয় উদ্যানে লইয়া যাইব, যাহার নিম্নে পন্নঃপ্রণালী সকল প্রবাহিত” । (কোরাণ শরিফ, ৩ সূরা, ১৯৪ আয়েত) ।

“যাহারা খোদাতায়ালার পথে দেশত্যাগ করিয়াছে, তৎপরে নিহত হইয়াছে কিম্বা মরিয়াছে, নিশ্চয়ই খোদাতায়ালার তাহাদিগকে উত্তম উপজীবিকা দান করিবেন, একান্তই খোদাতায়ালার জীবিকাদাতাদিগের মধ্যে শ্রেষ্ঠ” । (কোরাণ শরিফ, ২২ সূরা, ৭৫ আয়েত)

“যে সকল বিশ্বাসী নির্দ্বিগ্ণে গৃহে উপবিষ্ট এবং যাহারা আপন ধন ও জীবনযোগে খোদাতায়ালার সত্য প্রচার রক্ষার্থে তাহার পথে অবহিত, এই উভয়ে সমতুল্য নহে । আপন ধন ও জীবনযোগে যাহারা খোদাতায়ালার ক্রম চেষ্টা করে, তাহাদিগকে খোদাতায়ালার এই সকল অপেক্ষা (যাহারা নির্দ্বিগ্ণে গৃহে উপবিষ্ট) মর্যাদার অধিক গৌরবান্বিত করিয়াছেন । খোদাতায়ালার সকলের সহিত উত্তম অঙ্গীকার করিয়াছেন ; কিন্তু চূপ করিয়া নির্দ্বিগ্ণে গৃহে উপবিষ্টকারীদিগের অপেক্ষা চেষ্টাকারীদিগকে খোদাতায়ালার উচ্চ পুরস্কার দেন” । (কোরাণ শরিফ ৪র্থ সূরা, ৯৭ আয়েত) ।

“যাহারা আপন জীবনের উৎপীড়নকারী ছিল, স্বর্গীয় দূতগণ যখন তাহাদের প্রাণ হরণ করিয়া জিজ্ঞাসা করিলেন, ‘তোমরা কি অবস্থায় ছিলে ?’ তাহারা বলিল, ‘আমরা পৃথিবীতে দুর্দশাপন্ন ছিলাম ।’ তাহারা (স্বর্গীয় দূতগণ) বলিলেন, ‘খোদাতায়ালার পৃথিবী কি বিস্তৃত ছিল না যে, তাহাতে স্বাধীনভাবে স্থানান্তরিত হও ?’ ই সকল লোক ! নরক তাহাদের বাসস্থান এবং ইহার পথ কুৎসিত স্থান ।’—

“দুর্বল স্ত্রী পুরুষ ও শিশুগণ পলায়ন করিবার উপায় অবলম্বন করিতে পারে না এবং পথ প্রাপ্ত হয় না, কেবল ঐ সকল বাতীত। অতএব খোদাতায়ালা তাহাদিগকে ক্ষমা করিবেন— কারণ খোদাতায়ালা ক্ষমাশীল ও মার্জ্জনাকারী”। (কোরান শরীফ ৪র্থ সূরা, ৯৯ ও ১০০ আয়েত)।

“বাহারা তোমাদের সঙ্গে ধর্মবিষয়ে সংগ্রাম করে নাই এবং তোমাদিগকে তোমাদের গুণ হইতে বহিষ্কৃত করে নাই, তাহাদের হিতসাধন ও তাহাদের প্রতি আশাচরণ করিতে খোদাতায়ালা তোমাদিগকে নিবারণ করিতেছেন না. নিশ্চয় খোদাতায়ালা শূরবানদিগকে প্রেম করেন।” (কোরান শরীফ ৩০ সূরা, ৮ম আয়েত)।

‘বাহারা ধর্ম বিষয়ে তোমাদের সঙ্গে বন্ধ করিয়াছে, এবং তোমাদিগকে তোমাদের আশ্রয় হইতে বহিষ্কৃত করিয়াছে ও তোমাদিগকে বহিষ্করণে (অন্যকে) সাহায্য দান করিয়াছে, তাহাদের সহিত বন্ধুতা করিতে খোদাতায়ালা তোমাদিগকে নিষেধ করিতেছেন; এবং যে ব্যক্তি তাহাদের সঙ্গে বন্ধুতা করে, অনন্তর ইহারা তাহারা হে অশ্যাচারী”। (কোরান শরীফ ৬০ সূরা, ৯ আয়েত)।

প্রেরিত-পুরুষ বিপক্ষ কোরেশদিগের নিকটে নানা প্রকার অত্যাচার, অবমাননা ও শারীরিক কষ্ট সহ্য করিয়াছিলেন, এমন কি, নামাজ পড়িবার সময়ে তাহারা তাহাকে নামাজ পড়িতে বাধা দিত, এই সকল বিষয় কোরান শরীফের ৯৬ সূরার ১০ম আয়েতে এইরূপভাবে উল্লেখিত হইয়াছে:—

“নামাজ পড়িবার সময়ে দাসকে যে নিবারণ করে, তাহাকে কি তুমি দেখিয়াছ?”

কোরেশগণ হজরতের গাত্রে কর্দম ও ধূলা নিক্ষেপ করিত এবং তাহার মস্তকের পাগড়ি খুলিয়া তাহার দ্বারায় তাহাকে বন্ধন করিয়া পবিত্র কাবার মধ্য হইতে টানিয়া আনিয়া বহিষ্কৃত করিয়া দিত। এতদ্বারা

প্রত্যাহই তিনি স্বচক্ষে তাঁহার শিষ্যগণকে অতি নির্দয়রূপে অত্যাচারিত হইতে দেখিতে পাইতেন ; কিন্তু তিনি এই সকল অত্যাচার, উৎপীড়ন ও অবমাননা অতিশয় নম্রভাবে সহ্য করিয়াছিলেন । বিপক্ষ কোরেশগণ অশেষ প্রকারে তাঁহার প্রাণ বিনাশের চেষ্টা করিয়াছিল, কিন্তু তখন তিনি খোদাতায়ালার অনুগ্রহে মদিনায় পলায়ন করিয়া রক্ষা পান । ইহার বিষয় কোরাণ শরিফের ৮ম সূরার ৩০ আয়েতে এইরূপ ভাবে উল্লেখিত হইয়াছে :—

“এবং স্মরণ কর, (হে মহম্মদ) যখন কাফেরগণ তোমার বিরুদ্ধে ষড়যন্ত্র করিয়াছিল যে, তোমাকে বন্দী করিয়া রাখে, কিম্বা তোমাকে বধ করে, কিম্বা তোমাকে নিরাসিত করে । তাহারা ষড়যন্ত্র করিতেছিল কিন্তু খোদাতায়ালা ও ষড়যন্ত্র করিয়াছিলেন এবং খোদাতায়ালা ষড়যন্ত্রকারীদিগের মধ্যে সন্মাপেক্ষা শ্রেষ্ঠ ।”

ষষ্ঠ পরিচ্ছেদ ।

— o : * : o —

প্রথম হিজরীর ঘটনাবলী ।

হজরতের কোবায় প্রবেশ ও মস্জিদ নির্মাণ ।

হজরত মহম্মদ, আবুবকরের সমভিব্যাহারে সুরগিরিগহ্বর হইতে যাত্রা করিলেন । কিছু দূর গমন করিলে পর এক জন লোক হজরতকে গমন করিতে দেখিয়া মালেকের পুত্র সারাকাকে গিয়া বলিল, “ওহে, মহম্মদ উষ্ট্র-পৃষ্ঠে আরোহণপূর্বক গমন করিতেছে, তাহাকে বন্দী করিবার ইহাই উপযুক্ত সময় ।” সারাকা কোরেশদিগের নিকট পুরস্কার প্রাপ্ত হইবার আশায় আশ্বাসিত হইয়া হজরতের অন্ত্রেষণে নিযুক্ত ছিল, এক্ষণে সে তাঁহার অন্ত্রেষণ পাইয়া সহর্ষে অস্ত্রশস্ত্রে সুসজ্জিত হইয়া অশ্বপৃষ্ঠে আরোহণপূর্বক তাঁহার পশ্চাদ্ভাবিত হইল । সে হজরতের সম্মুখদেশে উপনীত হইবার পূর্বেই তাঁহার অশ্বটী হঠাৎ পদস্থলিত হইয়া ভূতলশায়ী হয়, ইহা দর্শন করিয়া তাহার মনে ভয়ের উদ্বেক হইল । কিন্তু পুনরায় সে অশ্বপৃষ্ঠে আরোহণপূর্বক হজরতের সম্মুখীন হইল । হজরত আবুবকর সারাকাকে দেখিয়া ভয়ে ক্রন্দন করিতে লাগিলেন । হজরত, তাঁহাকে ক্রন্দনের কারণ জিজ্ঞাসা করিলে, তিনি বলিলেন, “শত্রু উপস্থিত, আপনি পাছে কোনরূপ বিপদে পতিত হন, এই আশঙ্কায় ক্রন্দন করিতেছি ।” হজরত তাঁহাকে বলিলেন, “ভয় করিও না, খোদাতায়ালা আমাদের সঙ্গে আছেন ।” তখন হজরত বিপদভঞ্জন বিধাতার নিকট আসন্ন বিপদ হইতে রক্ষা পাইবার জন্য প্রার্থনা করিতে লাগিলেন । এদিকে হজরতের সম্মুখে সারাকার অশ্বের পদ স্তম্ভিকার

প্রোথিত হইয়া যাইতে লাগিল ; ইহা দেখিয়া সারাকার অস্তর মধ্যে ঐশ্বরিক জ্বরের উদয় হইল । হজরত তাহাকে আগমনের কারণ জিজ্ঞাসা করিলে, সে তাহা বিবৃত করিয়া কমা প্রার্থনা করিল, হজরত কমা করিলেন ।

সারাকা হজরতের নিকট হইতে এই মর্মে একখানি চিঠি লইলেন যে, ভবিষ্যতে যেন কোন মুসলমান তাঁহার প্রতি কখন কোনরূপ অত্যাচার না করেন । * হজরত চিঠির লিখিতব্য বিষয়গুলি বলিতে লাগিলেন, মোহাম্মদা লিখিতে লাগিল । সারাকা চিঠি খানি লইয়া হজরতকে অভিবাচনপূর্বক গমনোত্তম হইলে, হজরত তাহাকে বলিলেন, “তুমি যেন আমার প্রস্থানের বিষয় কাহারও নিকট প্রকাশ করিও না ।” সারাকা তাহাতে স্বীকৃত হইয়া হজরতের নিকট বিদায় লইয়া চলিয়া গেল । প্রত্যাগমন কালে পথিমধ্যে হজরতের শত্রুগণকে দেখিয়া সে ভীতান্বিত হইয়া ফিরাইয়া দিল যে, “আমি হজরতকে এই পথে দেখিতে পাইলাম না, তোমরা আর ওদিকে তাঁহার অবস্থানে যাইও না ।” সারাকা শেষে ইসলামধর্ম গ্রহণ করিয়াছিল ।


তৎপরে হজরত নিরাপদে গমন করিতে লাগিলেন । তাঁহারা মুখিনার অনতিদূরস্থ কোবা নামক উপত্যকার সম্বিহিত হইলে আসালাম-বংশীয় সাহামা-দলস্থ হাসিবের পুত্র বরিদা ৭০ জন লোক সমভিব্যাহারে হজরতকে আক্রমণ করিল ; বরিদা কোরেশগণের নিকট হইতে অসী-কৃত পুরস্কার প্রাপ্ত হইবার আশায় হজরতের অবস্থানে নিবৃত্ত ছিল । সে হজরতের সম্মুখীন হইলে, তিনি তাহাকে জিজ্ঞাসা করিলেন, “তোমার নাম কি ?” সে বলিল, “বরিদা-বেন হাসিব ।” হজরত ইহা শুনিয়া আশ্চর্যকরক ভাবিলেন, ‘যোমদ শব্দের অর্থ অভিনাষ পূর্ণ হওয়া, অতএব

আমাদের অভিনাষ পূর্ণ হইল।” তিনি পুনরায় তাঁহাকে জিজ্ঞাসা করেন, “তুমি কোন্ বংশোদ্ভব ?” সে বলিল, “আসলাম-বংশোদ্ভব।” হজরত আসলাম শব্দটির ধাতু ‘সলাম’ পদটির উল্লেখ করিয়া বলিলেন, “সলাম অর্থে শান্তি বুঝায়।” তৎপরে তিনি তাহাকে জিজ্ঞাসা করেন, “তুমি কোন্ দলস্থ ?” সে বলিল, “সাহাবা-দলস্থ।” হজরত বলেন, “সাহাবার অর্থ অংশ, অতএব তুমি ইসলামধর্মের এক অংশ।” ইহা শুনিয়া বরিদার অন্তর হইতে সমুদয় হিংসা ঘেব একেবারে দূরীভূত হইয়া গেল। তখন সে ও তাহার সমভিব্যাহারস্থ ৭০ জন লোক ইসলামধর্ম গ্রহণ করিল।

এই সময়ে মদিনাবাসী কতিপয় মুসলমান সুরিয়া হইতে বাণিজ্য-কার্য করিয়া স্বদেশে প্রত্যাগমন করিতেছিল, তাহার। পথিমধ্যে হজরতকে দেখিতে পাইয়া, শাহার সহিত মিলিত হইল, এবং হজরতকে শুভ্রবর্ণ পরিচ্ছদাদি পরিধান করিতে দিল। এক্ষণে হজরত বরিদা প্রভৃতি শিষ্যগণকে সমভিব্যাহারে লইয়া গমন করিতে লাগিলেন। কিছু দূর গমন করিলে পর, বরিদা চীৎকার করিয়া বলিল, “হে খোদা তায়ালার ধর্মপ্রচারক। আপনার বিনা পতাকায় গমন করা উচিত নহে।” ইহা বলিয়া সে স্বীয় মস্তকোপার হইতে পাগড়ি খুলিয়া তাহার একপ্রান্তে একটি তাঁরের অগভাগে বন্ধন করিয়া হজরতের অগ্রে অগ্রে উড়াইয়া যাইতে লাগিল।

কোবা, অমর বেন-অফ বংশস্থ লোকদিগের বাসস্থান। ইহা মদিনার এক কোশ দূরস্থিত একটা পাচাডাপরি স্থাপিত। এই স্থানটী মদিনাবাসীদিগের নিকট অতি স্বাস্থ্যকর স্থান বলিয়া পরিগণিত। হজরত কোবার প্রবেশ করিলে তথাকার অধিবাসিগণ স্ব স্ব গৃহদ্বার উন্মুক্ত করিয়া দিল এবং তাঁহাকে স্ব স্ব আশরে লইয়া বাইবার





কোবার মসজিদ ।

মুসলমান জগতের ইহাট প্রথম মসজিদ ।

• হজরত মহম্মদের জীবন চরিত ও ধর্মনীতি ।

জন্য বিশেষ চেষ্টা করিতে লাগিল । সেই সময়ে এক জন ইহুদী উচ্চ প্রাসাদোপরি হইতে হজরত মহম্মদকে দেখিতে পাইয়াছিল, ইহাতে কোরাণ শরিফের এই উক্তি পূর্ণ হইল যে, “বাহাদিগকে গ্রন্থ প্রদত্ত হইয়াছে, তাহারা তাঁহাকে চিনিতে পারিয়াছিল, যে রূপ তাহারা আপনাদের সম্মানগণকে চিনিয়া থাকে ।” কোরাণ শরিফ ৬ষ্ঠ সূরা ২০ আয়েত । হজরত তথাকার অধিবাসীদিগকে বলিলেন, “আমার উষ্ট্র কাসোয়া খোদাতায়ালার আদিষ্ট, সে যেখানে গিয়া শয়ন করিবে, আমি তথায় অবস্থিতি করিব ।” কিন্তু কাসোয়া কোবার মধ্যবর্তী স্থানে উপনীত হইয়া শুইয়া পড়িল । হজরত তথায় অবস্থিতি করিয়া উপাসনার সামান্ত রকমের একটা মসজিদ নির্মাণ করিলেন ; এই মসজিদের ইতিবৃত্তাদি বিস্তৃত ভয়ে উল্লেখ করিলাম না । হজরত সর্বদা এই মসজিদে থাকিতেন ও শিষ্যগণকে লইয়া উপাসনাদি করিতেন । মসজিদের ছাদ খজ্জুর পত্রের দ্বারা আচ্ছাদিত ছিল বলিয়া সূর্যের কিরণ তাহার মধ্যে প্রবেশ করিত ; হজরতকে প্রচণ্ড সূর্যকিরণ হইতে রক্ষা করিবার জন্য হজরত আবুবকর স্মীয় বস্ত্র দ্বারা তাঁহাকে ছায়া প্রদান করিতেন । হজরত মহম্মদ ১২ই রবিয়ল-আউল মাসের সোমবারে কোবার উপনীত হন এবং তথায় তিনি সোম, মঙ্গল, বুধ ও বৃহস্পতিবার পর্য্যন্ত অবস্থিতি করিয়াছিলেন । †

কোবার তিন দিবস অবস্থানের পর হজরত আলি মক্কা হইতে এখানে আসিয়া তাঁহাদের সহিত মিলিত হইলেন । ‡ হজরত আলি কোরেশদিগের ভয়ে দ্বিবেসে কোন গিরিগহ্বরে কিম্বা বনমধ্যে লুকায়িত থাকিতেন ; রজনী

† এখানে হেসাম ৩৩৫ পৃঃ, এ বনে-অল-আসির ২য় খণ্ড ৮০ পৃঃ ।

‡ এখানে অল-আসির ২য় খণ্ড ৮৩ পৃঃ ।

সমাপ্তে বহির্গত হইয়া পদব্রজে গমন করিতেন। তিনি এইরূপে কয়েক রজনী গমনের পর পথশ্রান্তে একান্ত ক্লান্ত হইয়া হজরতের পুরোভাগে আসিয়া উপনীত হন। যখন তিনি হজরতের নিকট উপস্থিত হইলেন, তখন তাঁহার পদতলদ্বয় হইতে রক্তধারা প্রবাহিত হইতেছিল। হজরতের আশীর্বাদে তৎক্ষণাৎ তাঁহার পদতলের রক্ত আরোগ্য হইল। তৎকাল হইতে হজরত আলি আর কখন দূরভ্রমণে ক্লান্ত হইতেন না। হজরত কোবা মস্জিদে প্রত্যহ নামাজ পড়ার পর, তথাকার লোকদিগকে কোরাণ শরীফের উপদেশগুলি বিশদরূপে বুঝাইয়া দিতেন আর স্বর্গের সুখ ও নরকের যন্ত্রণাদির বিষয় বর্ণনা করিতেন। তিনি ১৬ই রবিয়ল আউল তারিখে শুক্রবারে (৬২২ খৃঃ অব্দের ২রা জুলাই) * কোবা ত্যাগ করেন। কোবাবাসিগণ তাঁহাকে আরও কিছু দিন তথায় অবস্থিতি করিতে অনুরোধ করিয়াছিলেন।

হজরতের মদিনায় প্রবেশ ।

এদিকে মদিনানগরীস্থ মুসলমানগণ হজরতের আগমনবার্তা শ্রবণ করিয়া প্রত্যহ প্রাতে নিকটস্থ পাহাড়োপরি আরোহণপূর্বক তাঁহার আগমন প্রতীক্ষা করিতেন এবং সূর্যের কিরণ প্রথর হইলে স্ব স্ব গৃহে ফিরিয়া যাইতেন। হজরত মদিনায় গমনকালে পথিমধ্যে বনি-সালেম-বংশীয় লোকদিগের বাসস্থান “বতনেওয়ারদি” নামক স্থানে উপনীত হইয়া ১০০ জন শিষ্যকে লইয়া জুম্মার নামাজ পড়েন এবং শিষ্যদিগকে তথায় জুম্মা মস্জিদ নির্মাণ করিতে বলেন। নামাজ পড়ার পর হজরত তথা হইতে বহির্গত হইলেন। আনুসারগণ দূর হইতে হজরতকে আসিতে

* এখানে চেশাম ৩২৫পৃঃ ; আবুল ফেদা ৩০ পৃঃ ।

দেখিয়া সহর্ষে দলে দলে গৃহ হইতে বহির্গত হইয়া তাঁহার সঙ্গে মিলিত হইলেন । হজরত আবুবকর, হজরত মহম্মদকে সূর্যের কিরণ হইতে রক্ষা করিবার জন্য তাঁহার মস্তকোপরি একটা ছত্র ধরিয়া রাখিয়াছিলেন, হজরত মহম্মদ সমাগত আনসারদিগের সহিত কথোপকথন করিতে করিতে মদিনার দিকে অগ্রসর হইতে লাগিলেন । আনসারগণের মধ্যে অনেকে হজরত মহম্মদকে পূর্বে দর্শন করেন নাই, তাঁহারা ভুলক্রমে হজরত আবুবকরকে সম্মান করিতেছেন দেখিয়া, হজরত আবুবকর হজরত মহম্মদের মস্তকদেশ হইতে ছত্রটা স্থানান্তরিত করিয়া প্রকৃত সম্মানার্থ ব্যক্তিকে দেখাইয়া দিলেন । সেই সময়ে মদিনাবাসিগণ স্ব স্ব গৃহ দ্বার উন্মুক্ত করিয়া দিল এবং প্রত্যেক ব্যক্তি তাঁহাকে স্বগৃহে লইয়া যাইবার জন্য অনুরোধ করিতে লাগিল । কিন্তু হজরত তাহাদিগকে বলিলেন, “আমার উষ্ট্র কাসোয়া আল্লাতায়ালার আদিষ্ট, সে যেখানে শয়ন করিবে, আমি তথায় অবস্থিতি করিব ।” সত্যের কি অলৌকিক ক্ষমতা ! যিনি কয়েক দিন পূর্বে মাতৃভূমি হইতে বিতাড়িত হইয়া ছদ্মবেশে—এমন কি শত্রুদিগের উন্মুক্ত তরবারির উপর মস্তকদেশ অর্পণপূর্বক আশ্রয়স্থান অনুসন্ধান করিতেছিলেন, আজ সেই হজরত মহম্মদ মহাসমারোহে ও সম্মানে প্রকাশ্যভাবে মদিনার রাজপথ দিয়া নগরমধ্যে প্রবেশ করিতেছেন । এ দৃশ্য কি অদ্ভুত ! কি চমকপ্রদ !!

এক্ষণে যেখানে মদিনার মসজ্জদের প্রবেশদ্বার স্থাপিত রহিয়াছে, তথায় তাঁহার উষ্ট্র কাসোয়া একটু থামিয়া, পরে অগ্রগামী হইল ; কিন্তু পুনরায় পূর্বস্থানে আসিয়া শয়ন করিল । হজরত তথায় অবতরণ করিলেন এবং সেই সময়ে তাঁহার অন্তরমধ্যে একরূপ ঐশ্বরিক ভাবের উদয় হইল । সেই স্থানের অনতিদূরে খজরজবংশীর আবুআবুবের

বাসগৃহ ছিল বলিয়া, আবুআয়ুব তৎক্ষণাৎ হজরতের দ্রব্যাদি নিজ গৃহে লইয়া গেলেন, হজরতও তাঁহার গৃহে গমন করিলেন। সেই সময়ে অগ্ৰাণ্ণ অনেকে তাঁহাকে স্ব স্ব আলায়ে লইয়া যাইবার জন্ত অনুরোধ করিলে, হজরত তাহাদিগকে বলেন, “যেখানে দ্রব্যাদি যায়, সেইখানেই তাহার অধিকারী গমন করে।” ইহা শুনিয়া কেহ রাগান্বিত, কেহ বা হঃপিত হইলেন।

হজরতের আবুআয়ুবের গৃহে অবস্থান ।

আবুআয়ুব হজরতকে অতিশয় আগ্রহ সহকারে নিজ গৃহে লইয়া যাইবার কারণ এই যে, হজরতের জন্মের নূনাধিক ২০০ বৎসর পূর্বে মদিনা-নগরীস্থ তোবা নামক একজন ইহুদী সামুল নামক অপর একজন ইহুদীর নিকট এই মর্মে একখানি চিঠি লিখিয়া পাঠান যে, “আমি ধর্মশাস্ত্রে দেখিতে পাইতেছি যে, শেষ ধর্মপ্রচারক জন্মগ্রহণ করিয়া এই দেশে আসিয়া উপনিবেশ স্থাপন করিবেন। তোমার বংশীয় লোকগণ যেন তাঁহাকে সাদরে গ্রহণ করেন।” অবশেষে সামুলের একবিংশতি বংশোদ্ভব আবুআয়ুব সে চিঠিখানি একটী বাক্সে দেখিতে পাইয়া শেষধর্মপ্রচারকের আগমন প্রতীক্ষা করিতেছিলেন এবং পূর্বপুরুষগণের আদেশ পূর্ণ করিতেও যত্নবান্ ছিলেন। এক্ষণে তিনি হজরত মহম্মদকে শেষ ধর্মপ্রচারক বলিয়া জানিতে পারিয়া আগ্রহ সহকারে তাঁহাকে নিজালয়ে লইয়া গেলেন।

হজরত প্রথমে আবুআয়ুবের বাসগৃহের প্রথম প্রকোষ্ঠে অবস্থান করিতেন, আবুআয়ুব তাঁহাকে দ্বিতীয় প্রকোষ্ঠে অবস্থান করিতে বিশেষ

অনুরোধ করিলে, তিনি তাঁহাকে বলেন, “আমার সমভিব্যাহারে অনেক লোক রহিয়াছে এবং সর্বদা আমার নিকট বহুসংখ্যক লোকের সমাগম হয়, তজ্জন্ত আমার পক্ষে নিম্ন প্রকোষ্ঠই সুবিধাজনক ।” কিন্তু কয়েক দিন পরে আবুআযুবের একান্ত অনুরোধে হজরত দ্বিতল প্রকোষ্ঠে গিয়া বাস করিতে লাগিলেন ।

এই সময়ে আবাদার পুত্র সায়াদ ও মায়াজের পুত্র সায়াদ প্রভৃতি শিষ্যগণ প্রতাহ হজরতকে ভোজনার্থ খাদ্যদ্রব্যাদি আনিয়া দিতেন । সেই সময়ে মদিনার চতুর্দিক হইতে দলে দলে লোক আসিয়া তাঁহার নিকট ধর্ম্যে দীক্ষিত হইতে লাগিল । মদিনা নগরীস্থ ক্ষমতাশালী আউস ও খজরজ দলদ্বয়ের মধ্যে ১২০ বৎসর ধরিয়া ভয়ানক শত্রুতা চলিয়া আসিতেছিল ; এমন কি তাহারা পরস্পর পরস্পরের দ্রব্যাদি লুণ্ঠনে প্রবৃত্ত ছিল । কিন্তু এক্ষণে হজরতের শুভাগমনে তাহারা ইসলাম-ধর্ম গ্রহণ করিয়া পরস্পর ধর্ম্যসূত্রে ও ভ্রাতৃবন্ধনে আবদ্ধ হইয়াছিল । এই বিষয় কোরাণ শরিফের অষ্টম সূরায় উল্লেখিত হইয়াছে । হজরত আবুআযুবের গৃহে ৭ মাস অবস্থান করার পর, হজরত জেব্রিল তাঁহাকে মস্জিদ ও বাসগৃহ নির্মাণ করিতে বলেন । এতদিন পর্য্যন্ত হজরত মহম্মদ যেখানে ইচ্ছা, সেইখানে শিষ্যগণকে লইয়া নামাজ পাড়তেন ।


—

হজরতের মদিনায় মস্জিদ ও বাসগৃহ নির্মাণ ।

মদিনা মনুয়ারা (আলোকিত), মক্কার উত্তরে প্রায় ১১ দিনের পথ ব্যবধানে অবস্থিত । এক্ষণে এই সহর প্রাচীরাবদ্ধ । হজরত

মহম্মদ যে সময়ে তথ্যর শুভ পদার্পণ করেন, তখন উহার চতুর্দিক খোলা ছিল। কিন্তু তিনি কোরেশদিগের আক্রমণ হইতে রক্ষা পাইবার জন্য উহার চারিদিকে খাল খনন করিয়াছিলেন। কথিত আছে যে, একজন আমালেক দলপতি এই সहरটির প্রতিষ্ঠা করেন, তাহারই নামানুসারে এতাবৎ কাল পর্যন্ত সहरটির নামকরণ হইয়া আসিতেছিল। পুরাকালে ইয়াথ্বে ও ইহার চতুর্পার্শ্বে আমালেক বংশীয়েরা বসবাস করিত। পরে বেবিলোনিয়ান, গ্রীক ও রোমকদিগের অত্যাচার ও উৎপীড়নে ইহুদীরা হেজাজ প্রদেশের উত্তরাংশে আসিয়া বাস করিতে আরম্ভ করে এবং তাহারাই আমালেকবংশীয়দিগের ধ্বংস সাধন করিয়াছিল। তাহাদের মধ্যে খায়বারের বনু নখর, ক্বেদকের বনু কোরায়জা ও মদিনার নিকটবর্তী স্থানবাসী বনু কায্মুকিয়া প্রধান ছিল। ইহারা দুর্গাবদ্ধ স্থানে বাস করিয়া নিকটবর্তী আরব-সম্প্রদায়সমূহের উপর আধিপত্য করিত। শেষে আউস ও খাজরাজ নামক দুইটা কহতান-সম্প্রদায়, ইয়াথ্বেবে আসিয়া বসবাস আরম্ভ করে। ইহারা প্রথমে কোন কোন বিষয়ে ইহুদীদের অধীনতা স্বীকার করিত, পরে ইহারাও ইহুদীদিগকে অধীনতা পাশে আবদ্ধ করিতে সক্ষম হইয়াছিল। কিন্তু অচিরকাল মধ্যে ইহারা পরস্পরের মধ্যে বিবাদ বিসম্বাদে লিপ্ত হইয়া পড়ে। ইহার বিষয় পূর্বে বর্ণিত হইয়াছে। এই ধ্বংসকারী বিবাদ বিসম্বাদ বহুকাল ধাবত ইহাদের বংশানুক্রমে চলিয়া আসিতেছিল। শেষে হজরত মহম্মদের মক্কাধামে ধর্ম প্রচারের সময়ে তাহার পরস্পর সন্ধিসূত্রে আবদ্ধ হয়।

• হজরত মহম্মদ ইয়াথ্বেবে প্রবেশ করিলে, আউস ও খাজরাজ সম্প্রদায় তাহার নিকট পবিত্র ধর্ম দীক্ষিত হইয়া, পরস্পর সমূহর বিবাদ বিসম্বাদ তুলিয়া গিয়া পবিত্র ভ্রাতৃত্বের আবদ্ধ হইল এবং



مَدِينَةُ مَكَّةَ

মদিনা মক্কায়া।

• ST. F. WORKS.

• কজবত মহাম্মদের জীবন চরিত্ত ও ধর্মনীতি •

পূর্ব শক্ততা ভুলিয়া গিয়া সকলে একত্রে একযোগে পবিত্র ইসলামধর্ম প্রচারে সাহায্য করিতে বন্ধপরিকর হইল। তখন ইয়াথ্বেবের পূর্ব নাম পরিবর্তিত হইয়া “মদিনাতুন নবি” অর্থাৎ ধর্ম প্রচারকের সহর বা “মদিনা” অর্থাৎ সহর নামে অভিহিত হইল।

মদিনা সহরের যেখানে হজরতের উষ্ট্র কামোয়া শয়ন করিয়াছিল, সেই স্থানে তিনি মস্জিদ নিশ্বাণ করিতে মনস্থ করিলেন। ঐ স্থানটী রাফে-বেন-ওমরের পুত্র সহল ও সোহায়লের অধিকারে ছিল। তাহারা পিতৃ-মাতৃহীন অপ্রাপ্তবয়স্ক বালক বলিয়া, আসাদ আনসারি তাহাদের রক্ষকস্বরূপ নিযুক্ত ছিলেন। আসাদ ঐ স্থানটী হজরতকে বিনামূল্যে গ্রহণ করিতে অনুরোধ করেন, কিন্তু তিনি পিতৃমাতৃহীন বালকদ্বয়ের ভূমি বিনামূল্যে গ্রহণ করিতে স্বীকৃত হন নাই। তৎপরে হজরত ১০ মেসকাল স্বর্ণ দ্বারা তাহা ক্রয় করেন। ঐ স্থানটী খজুর বৃক্ষে আচ্ছাদিত ছিল, নগরস্থ লোকগণ তথায় খোশ্বাকল বিক্রয় করিত, আর আসাদ তথায় নামাজ পড়িতেন। হজরত তথাকার খজুর বৃক্ষাদি কর্তন করিয়া তাহার নিকটস্থিত কাফেরদিগের কবর হইতে তাহাদের অস্থিগুলি স্থানান্তরিত করিলেন এবং স্থানটী সমতল করিয়া লইলেন। তৎপরে তাঁহার শিষ্যগণ ইষ্টক ও প্রস্তরখণ্ডাদি সংগ্রহ করিয়া মস্জিদ নিশ্বাণে নিযুক্ত হইলে, হজরত মহম্মদও তাঁহাদের সহিত উক্ত কার্যে যোগদান করিলেন; ইহা দেখিয়া খেতাবের পুত্র ওমর ও হজরত আলি প্রভৃতি সকলেই তাহাতে যোগদান করিলেন। সেই সময়ে হজরত মহম্মদ খোদাতায়ালায় নিকট এই বলিয়া প্রার্থনা করিতেন, “পরকালের পুরস্কার ভিন্ন আর উৎকৃষ্ট পুরস্কার কিছুই নাই, হে খোদাতায়ালা! আনসার ও মহাজেরদিগের প্রতি অমুগ্রহ প্রদর্শন করুন।”

যথাকালে মস্জেদের প্রাচীর নির্মাণকার্য শেষ হইলে, খজ্জুর বৃক্ষ দ্বারা তাহার খাম ও কড়িকাঠের কার্য সম্পন্ন হইল এবং খজ্জুর-পত্রের দ্বারা তাহার চাল নির্মিত হইল। এই মস্জেদে তিনটি দ্বার হইল। ইহার একটি দ্বার “বাব-অল-রহমত” নামে অভিহিত। অন্য দুইটি দ্বারের মধ্যে একটি দ্বার দিয়া হজরত মস্জেদে প্রবেশ করিতেন, আর অপরটি দিয়া সাধারণ লোক মস্জেদে প্রবেশ করিত। কিছুদিন পরে হজরত মহম্মদ মস্জেদের মধ্যে একটি মেস্বর (বেদি) নির্মাণ করেন।*

মস্জেদের প্রাচীরের গায়ে একখান চাল দিয়া হজরতের বাসগৃহ নির্মিত হইল। তিনি সর্বদা এই মস্জেদে অবস্থানপূর্বক নামাজ পড়িতেন ও লোকদিগকে ধর্মোপদেশ দিতেন। যেদিন মস্জেদের নির্মাণকার্য শেষ হইয়া গেল, সেই দিন নামাজ পড়ার পর, তিনি সমাগত লোকদিগকে একটী সারগভ উপদেশ দেন। তৎপরে তিনি সকলকে আহ্বান করিয়া বলেন—যিনি খোদাতায়ালার সৃষ্ট জীবগণের উপর ও নিজের সম্মানগণের উপর স্নেহ প্রদর্শন করেন না, খোদাতায়ালার তাঁহাকে ভালবাসেন না। যে মুসলমান বন্দুহীনকে বন্দুদান করেন, খোদাতায়ালার স্বর্গে তাঁহাকে সবুজবর্ণের বস্ত্র পরিধান করাইবেন। তিনি দান সম্বন্ধে উপদেশ দিবার সময়ে বলেন যে, দানের স্তর উৎকৃষ্ট বস্ত্র পৃথিবীতে আর কিছুই নাই। এমন কি, হাসিয়া কথা বলা, সহপদেশ প্রদান করা, পথহারা ব্যক্তিকে পথ প্রদর্শন করা, অন্ধকে সাহায্য করা, রাস্তা হইতে কাঁটা ও পাথর প্রভৃতি স্থানান্তরিত করা, পিপাসার্তকে জলদান করাও দানের মধ্যে গণ্য। আল্লাতায়ালার প্রতি একান্তভক্তি ও মানবগণের প্রতি সদ্যবহার করাই তাঁহার

* এই সময়ে মস্জেদটির পরিমাণ কল ৭৫ বর্গ গজ ছিল। পরে ইহা কয়েকবার নির্মিত হইয়াছিল। তাহার বিবরণ এই পুস্তকের আরম্ভেই লিখিত হইয়াছে।

উপদেশের মুখ্য উদ্দেশ্য ছিল । বিস্তৃতি ভয়ে আমরা এখানে তাঁহার উপদেশগুলির অনুবাদ প্রকাশ করিতে পারিলাম না । বলা বাহুল্য যে, এই মস্জিদই “মস্জিদ-অল-নবি” নামে বিখ্যাত ।

হজরত মহম্মদ ও হজরত আবুবকরের পরিবারগণের মদিনায় আগমন ।

এতদিন পর্য্যন্ত হজরত মহম্মদের সহধর্মিণী বিবি সওদা এবং ফাতেমা ও ওম্মেকুলসুম নাম্নী কন্যাৱয়, আর হজরত আবুবকরের ভার্যা ওম্মেকরমান, এবং আয়েসা ও আসমা নাম্নী কন্যাৱয় এবং পুত্র আবদর রহমান মক্কায় অবস্থিতি করিতেছিলেন । এক্ষণে বাসগৃহ ও মস্জিদ নির্মিত হইলে হজরত মহম্মদ আপনার ও হজরত আবুবকরের পরিবারগণকে আনয়ন করিবার জন্ত আবু রাফে, জয়দ ও হজরত আবুবকরের পুত্র আবদল্লাকে ৫০০ দেবহাম ও দুইটা উষ্ট্র দিয়া মক্কায় পাঠাইয়া দেন । তাঁহারা মক্কায় উপনীত হইয়া হজরতের ও হজরত আবুবকরের পরিবারগণকে নিৰ্ব্বায়ে মদিনায় আনয়ন করিলেন । তাঁহাদের সমভিব্যাহারে জয়দের স্ত্রী ওম্মে আয়মন ও তাঁহার পুত্র আসামা ও আসিমা ছিলেন ।

এই সময়ে জোহর, আসর ও এসার নামাজ দুই রেকাত স্থলে ৪ রেকাত পড়িবার জন্ত হজরত মহম্মদ প্রত্যাदिষ্ট হন ।

সালামার পুত্র আবদুল্লা নামক ইহুদীর ইসলামধর্ম গ্রহণ ।

হজরত মদিনায় উপনীত হইলে, বিজ্ঞ বহুদর্শী ও অশেষসঙ্গুণশালী খজরজ দলপতি আবদুল্লা-বেন-সালামা তাঁহার সহিত সাক্ষাৎ করিতে

আসিয়াছিলেন। তিনি তওরাত পাঠে অবগত হইয়াছিলেন যে, শীঘ্র শেষ ধর্মপ্রচারক জন্মগ্রহণ করিয়া মদিনায় আসিয়া অবস্থান করিবেন। এতদ্বিন্ন তিনি তাঁহার শেষধর্ম প্রচারকত্বেরও কতকগুলি লক্ষণ অবগত হন। এক্ষণে আবদুল্লা হজরতের নিকটে আসিয়া তওরাতের লিখিত শেষ ধর্মপ্রচারকের সমুদয় লক্ষণাদি দর্শন করিয়া তাঁহাকে কয়েকটি প্রশ্ন জিজ্ঞাসা করেন, হজরতও অবলীলাক্রমে তাহার উত্তর দিলেন। তাহাতে তিনি হজরতকে শেষ ধর্মপ্রচারক বলিয়া স্বীকার করিলেন এবং ইসলামধর্মে দীক্ষিত হইলেন। আবদুল্লা ইসলামধর্মে দীক্ষিত হইয়া হজরতকে বলিলেন, “আমি যে ইসলামধর্ম গ্রহণ করিয়াছি, তাহা আপনি কাহারও নিকট প্রকাশ না করিয়া খজরজব-শীয় লোকদিগের নিকট আমার বিষয় জিজ্ঞাসা করুন; শুধু তাহারা কি বলে।” এই বলিয়া আবদুল্লা অস্তুরালে থাকিলেন। হজরত ইহুদীদিগকে আবদুল্লার বিষয় জিজ্ঞাসা করিলে, তাহারা বলিল, “আবদুল্লা আমাদের দলপতি পরমবিজ্ঞ, পরমধার্মিক ও বহুদর্শী; তাঁহার পিতাও পরমবিজ্ঞ ও পরম ধার্মিক ছিলেন। আমরা সকলে তাঁহার উপদেশানুসারে কার্য্য করিয়া থাকি।” তৎপরে হজরত তাহাদিগকে ইসলামধর্ম গ্রহণ করিতে বলিলে, তাহারা তাহাতে অস্বীকার করিল, তখন হজরত বলিলেন, “যদি আবদুল্লা তোমাদিগকে ইসলামধর্ম গ্রহণ করিতে বলে, তাহা হইলে তোমরা তাহাতে স্বীকৃত আছ কি না?” তাহারা বলিল, “হাঁ।” হজরত বলিলেন, “আবদুল্লা ইসলামধর্ম গ্রহণ করিয়াছে।” তাহা শুনিয়া তাহারা আবদুল্লার নানারূপ কুৎসা করিতে লাগিল। এই কুৎসার বিষয় কোরাণ, শরীফে এইরূপভাবে উক্ত হইয়াছে, “তওরয়াত গ্রন্থধারীদিগের মধ্যে সকলে সমান নহে, একদল কোরাণে বিধাস স্থাপন করিয়াছে, তাহারা ব্রহ্মনীতে আল্লাহ

নিদর্শন সকল পড়িয়া থাকে এবং তাঁহার অধীনতা স্বীকার করে ।” অনন্তর আবুল্লা বাহির হইয়া হজরতকে বলিলেন, “দেখুন, উহারা একবার আমার গুণ বর্ণনা করিয়া পুনরায় কুৎসা করিতে প্রবৃত্ত হইয়াছে, উহাদিগকে যাইতে দেন ।” আবুল্লা গৃহে গিয়া নিজের আত্মীয় স্বজন-গণকে ইস্লামধর্ম্মে দীক্ষিত করিলেন ।

আনসারগণের সহিত মহাজেরগণের বন্ধুত্ব সংস্থাপন ।

যৎকালে মদিনার অধিবাসিগণ প্রতাহ ইস্লামধর্ম্মাবলম্বন করিতে-
ছিলেন, তৎকালে মহাজেরদিগের মধ্যে হজরত আবুবকর ও বেলাল
প্রভৃতি কতিপয় প্রধান ব্যক্তি পীড়িত হইলেন । অধিকন্তু মদিনার
জলবায়ু তাঁহাদের পক্ষে অস্বাস্থ্যকর হইয়া উঠিল, এমন কি, অনেকে
শারীরিক ও মানসিক উভয়বিধ কষ্টে দিনাতিবাহিত করিতে লাগিলেন ।
ইহা দেখিয়া হজরত মহম্মদ প্রার্থনা করিলেন, “হে এলাহি ! মক্কা
অপেক্ষা মদিনাকে আমার নিকট অধিকতর প্রিয় ও স্বাস্থ্যকর স্থান
কর ।” তৎপরে খোদাতায়ালার অনুগ্রহে সকলে আরোগ্যলাভ করিলেন
এবং মদিনার জলবায়ু আনসার ও মহাজেরদিগের নিকট অধিকতর
স্বাস্থ্যকর হইয়া উঠিল ।

অনন্তর হজরত মহম্মদ মহাজেরদিগকে নূতন গৃহাদি প্রস্তুত করিয়া দিয়া
তাঁহাদের ৫২ জনের সহিত আনসারদিগের বন্ধুত্বভাব জন্ম দিয়া দিলেন ।
তন্মধ্যে দুইজন লোক বন্ধুত্বসূত্রে একরূপ আবদ্ধ হইয়াছিল যে, তাহারা
স্থখে দুঃখে সর্বদা একত্রিত থাকিত, পরস্পর পরস্পরের শুভ কামনা

করিত, এমন কি, তাহাদের বংশজাত উত্তরাধিকারী স্বত্বেও পরস্পর পরস্পরের উত্তরাধিকারী হইয়াছিল ।

যতদিন পর্য্যন্ত মহাজেরগণ দৃঢ়রূপে বাস করিতে না পারিয়াছিল, ততদিন পর্য্যন্ত এইরূপভাবে কার্যাদি চলিয়া আসিতেছিল । কোরান শরীফে উক্ত হইয়াছে যে, “যাহারা একমাত্র সত্যস্বরূপ খোদাতায়ালার উপর নির্ভর করিয়া স্বদেশ হইতে শত্রু কর্তৃক বিদূরিত হইয়াছে, এবং ক্ষমতানুযায়ী তোমাদের সহযোগী হইয়া যুদ্ধ করিয়াছে, তৎপরে তাহারা তোমাদিগের আত্মীয় ও তাহারা খোদাতায়ালার গ্রন্থ বিষয়ে স্বজনবর্গ, তাহারা পরস্পর পরস্পরের অধিকতর নৈকট্য আত্মীয়, নিশ্চয় খোদাতায়ালার সর্বস্ব ।”

এইরূপ ধর্মবন্ধনে আবদ্ধ হইয়া একটি সুবৃহৎ জাতির সূত্রপাত হইল । ইহারা এক সময়ে পৃথিবীস্থ সর্বাপেক্ষা প্রবল পরাক্রান্ত সাম্রাজ্য-গুলিকেও কম্পান্বিত করিয়াছিলেন ।

ইহুদীদিগের সহিত হজরতের কথোপকথন ।

ইহুদীগণ তওরাত পাঠে হজরতের আবির্ভাবের বিষয় পূর্বেই অবগত হইয়াছিল । এক্ষণে তাহারা হজরতকে স্ব স্ব গৃহে লইয়া বাইবার জন্ত একান্ত উৎসুক হইল । যে দিন হজরত মদিনায় উপনীত হন, সেই দিন কোরায়শা, নজ্জার ও কিকা প্রভৃতি দলস্থ ইহুদীগণ আবুআয়ুবের গৃহে আসিয়া হজরতের সহিত সাক্ষাৎ করিল । হজরত তাহাদের গৃহে না গিয়া আবুআয়ুবের গৃহে অবতরণ করিয়াছেন বলিয়া, তাহাদের

মনোমধ্যে ঈর্ষার উদয় হইয়াছিল । তজ্জন্তু তাহারা ক্রোধান্বিত হইয়া তাঁহার ধর্ম গ্রহণ করিতে অস্বীকার করিয়াছিল ।

হজরতের নিকট সমাগত ইহুদীগণের মধ্যে বনি নজর দলস্থ আখতাবের পুত্র হাই অগ্রসর হইয়া হজরতকে বলিল, “আপনি কে ?” তিনি বলিলেন, “আমি শেষ ধর্মপ্রচারক, তোমরা আমার বিষয় তোমাদের ধর্মশাস্ত্রে ত অবগত আছ ?” তাহারা তাহা অস্বীকার করিল এবং বলিল, “আপনি আমাদের সহিত মিলিত হইয়া কার্য করুন ।” হজরত বলিলেন, “তোমরা ইসলামধর্ম গ্রহণ কর ।” তাহারা বলিল, “এখন আমরা আপনার ধর্ম গ্রহণ করিব না” বলিয়া চলিয়া গেল । তাহারা গৃহে প্রত্যাগমন করিলে তাহাদের আত্মীয়গণ জিজ্ঞাসা করিল, “ইনিই কি তিনি অর্থাৎ ইনিই কি আমাদের শাস্ত্রোল্লিখিত শেষ ধর্মপ্রচারক ।” তাহারা বলিল, “হঁা ।” ঐ সকল ইহুদী হজরতকে শেষ ধর্মপ্রচারক বলিয়া জানিতে পারিয়াও ঈর্ষাবশতঃ তাঁহার ধর্ম গ্রহণ করে নাই ; ইহার বিষয় কোরআন শরীফে লিখিত আছে ।

তাই নামক একজন ক্ষমতামালী ইহুদীর কন্যা সফিয়া খায়বার-তর্গ জয়ের পর মুসলমান হইয়াছিলেন ; তিনি বলেন, “যে দিন হজরত মদিনায় উপনীত হন, সেই দিন আমার পিতা ও আত্মীয় স্বজনগণ তওরয়াত গ্রন্থে শেষ ধর্ম-প্রচারকের লক্ষণাদি পাঠ করিয়া হজরতকে শেষ ধর্ম-প্রচারক বলিয়া স্থির করেন এবং হজরত মহম্মদ তাঁহাদের গৃহে আগমন করিলে, তাঁহারা তাঁহাকে সাদরে গ্রহণ করিয়া সন্দেহে ইসলামধর্ম গ্রহণ করিবেন বলিয়া মনস্থ করিয়াছিলেন । কিন্তু হজরত আবুআয়ুবের গৃহে অবতরণ করাতে তাঁহাদের মনোমধ্যে ঈর্ষার উদয় হয়, তজ্জন্তু তাহারা তাঁহার বিপক্ষতাচরণ করিতে সংকল্পাক্রান্ত হন । তথাপিও সেই দিন সন্ধ্যার সময়ে তাহারা হজরতের

নিকট আগমন করেন এবং ক্ষণকাল তাঁহার সহিত কথোপকথনের পর তাঁহারা গৃহে প্রত্যাগমন করিলে, আত্মীয়স্বজনগণকে ও আমার পিতাকে জিজ্ঞাসা করিলেন, 'ইনিই কি তিনি অর্থাৎ ইনিই কি শাস্ত্রোল্লিখিত শেষ ধর্ম-প্রচারক।' তিনি উত্তর করিলেন, 'হা।' হজরতের আবির্ভাবের বিষয় আমাদের (ইহুদীদিগের) মধ্যে এতদূর প্রচলিত ছিল যে, 'আবালবৃদ্ধ পর্য্যন্ত তাঁহার আগমন প্রতীক্ষা করিত: বৃদ্ধগণ মৃত্যুকালে স্বকীয় সন্তানদিগকে বলিয়া বাইতেন যে, 'আমরা ত শেষ ধর্ম-প্রচারককে দেখিতে পাইলাম না, তোমরা বোধ হয়, দেখিতে পাইবে।' এক্ষণে হজরতের আগমনে সকলেই তাঁহাকে শেষ ধর্ম-প্রচারক বলিয়া বিশ্বাস করিল, কিন্তু দীর্ঘাবশতঃ অনেকে তাঁহার ধর্ম গ্রহণ করে নাই। তৎপরে আমার আত্মীয়গণ আউস ও খজরজ বংশের এক দলের সহিত মিলিত হইয়া হজরতের বিপক্ষতাচরণ করিতে লাগিলেন।"

এই সময়ে মদিনাস্থ খৃষ্টধর্মাবলম্বিগণের মধ্যে অনেকে ইসলামধর্ম গ্রহণ করিল, কেবল কতকগুলি ইহুদী তাঁহার প্রধান শত্রু হইয়া উঠিয়াছিল।

আজানের (১) প্রত্যাদেশ ।

নামাজের সময় উপস্থিত হইলে, শিষ্যগণকে উপাসনার্থ আহ্বান করিবার উপায় নির্ধারণ করিতে হজরত মহম্মদ মহাভাবিত হইলেন। এক দিন তিনি শিষ্যদিগকে আহ্বান করিয়া আজানের একটা সুবিধা-

(১) উপাসনার্থ লোকদিগকে বিধিমত আহ্বান করাকে 'আজান' বলে ।

জনক উপায় স্থির করিতে বলিলেন । কেহ বলিল, ইহুদীদিগের স্তায় বাণ্যস্ত্রের শক্তি দ্বারা ; কেহ বলিল, অত্যাচ্চ মঞ্চোপরি আলোক প্রদানপূর্বক ; কেহ বলিল, খৃষ্টধর্ম্মাবলম্বীদিগের স্তায় ঘণ্টার শক্তি দ্বারা উপাসনাকারীদিগকে আহ্বান করা সুবিধাজনক । কিন্তু হজরত মহম্মদ ইহার কোনটাই শ্রেয়ঃ বলিয়া গ্রহণ করেন নাই । অবশেষে খেতাবের পুত্র হজরত ওমর বলেন, “নামাজের সময় উপস্থিত হইলে, এক জন লোক চীৎকার করিয়া লোকদিগকে আহ্বান করুক ।” ইহাতে সকলে সন্মত হইলে হজরত মহম্মদ বেলালকে উক্ত কার্য্য সম্পন্নার্থ নিযুক্ত করিলেন । বেলালকে উক্ত কার্য্যে নিযুক্ত করিবার কারণ এই যে, বেলাল অতি উচ্চরবে চীৎকার করিতে পারিতেন । নামাজের সময় উপস্থিত হইলে বেলাল “আচ্ছালাতো জামিরাতোন্” বলিয়া লোকদিগকে আহ্বান করিতেন (আজান দিতেন) ।

সেই রাত্রে জম্মদের পুত্র আবদুল্লা স্বপ্নে দেখেন যে, একজন লোক একটা ঘণ্টা হস্তে তাঁহার নিকট দণ্ডায়মান রহিয়াছে, তিনি তাহার নিকট ঘণ্টাটী ক্রয় করিতে গেলে, সেই লোকটী ঘণ্টা ক্রয় করিবার কারণ জিজ্ঞাসা করিলে, আবদুল্লা বলেন যে, আমি লোকদিগকে উপাসনার্থ আহ্বান করিব বলিয়া, ঘণ্টা ক্রয় করিতেছি । তাহা শুনিয়া সেই লোকটী তৎক্ষণাৎ মস্জদের উপর উঠিয়া এক্ষণে যে নিয়মে আজান দেওয়া হয়, সেইরূপ ভাবে আজান দিলেন । প্রাতে আবদুল্লা স্বপ্ন বিবরণসমূহ হজরতের নিকট বিবৃত করিলেন । হজরত জেরিগও সেই রাত্রে হজরতকে আজানের পদ্ধতি শিক্ষা দিয়াছিলেন ; হজরত আবুবকর ও হজরত ওমর প্রভৃতি শিষ্যগণও সেই রাত্রে স্বপ্নে আজানের পদ্ধতি জানিতে পারিয়াছিলেন । সেই সময় হইতে আজানের প্রথা প্রচলিত হইয়া আসিতেছে । আজান এই,—খোদাতায়ালা সর্ব্ব শ্রেষ্ঠ, এইরূপ

চারিবার ; আমি সাক্ষা দিতেছি আল্লা ভিন্ন আর কেহ উপাস্ত্র নাই, এইরূপ
 দুইবার ; আমি সাক্ষা দিতেছি নিশ্চয় মহম্মদ আল্লার প্রেরিত, এইরূপ
 দুইবার ; নামাজ পড়িতে আইস, নামাজ পড়িতে আইস, মঙ্গললাভের জন্য
 উপস্থিত হও, এইরূপ দুইবার ; আল্লাই সর্ব শ্রেষ্ঠ, আল্লাই সর্ব শ্রেষ্ঠ,
 আল্লা ভিন্ন আর কেহ উপাস্ত্র নাই ।” কিন্তু প্রাতঃকালের আজানে নিম্ন-
 লিখিত কয়েকটা উদ্ভেজকসূচক শব্দ ব্যবহৃত হয়, যথা—“নিদ্রা
 অপেক্ষা উপাসনাই শ্রেষ্ঠ, নিদ্রা অপেক্ষা উপাসনাই শ্রেষ্ঠ ।”

এই বৎসর শওযাল মাসের বুধবারে বিবি আয়েসার সহিত হজরত
 মহম্মদের প্রথম মিলন হয়, ইহার দুই বৎসর পূর্বে মক্কায় তাঁহাদের
 বিবাহ কার্য সম্পন্ন হইয়াছিল ।

মদিনায় মুসলমানগণের প্রতি কোরেশগণের অত্যাচার ।

মুসলমানগণের চিরশত্রু কোরেশগণের বিদ্বেষ মদিনা নগরেও
 তাঁহাদের পশ্চাদ্ধাবিত হইয়াছিল । ইহাদের অদম্য বিদ্বেষিতায় মুসল-
 মানগণ স্বকীয় গৃহাদি পরিত্যাগপূর্বক স্ব স্ব পরিবারবর্গকে দারিদ্রতার
 ক্রোড়ে শয়ান করাইয়া পূর্বে দুইবার স্বদেশ হইতে বিদূরিত ও নির্বাসিত
 হন, কেহ কেহ বা শরবিদ্ধ যুগের স্তায় পর্বতকন্দরে ও অরণ্য মধ্যে
 আশ্রয় গ্রহণ করিয়াছিলেন । এক্ষণে তাঁহারা মদিনায় সুখে বসবান
 করিতেছেন দেখিয়া, ছুর্ভক্ত কোরেশগণ দলে দলে মদিনার প্রান্তভাগে
 আসিয়া তথাকার অধিবাসীদিগের ধোর্ম্মাবৃক্ষসমূহ ও শস্তাদি নষ্ট করিতে
 লাগিল ; এমন কি, মধ্যে মধ্যে আনসার ও মহাজেরদিগের প্রাণনাশেও
 উদ্বৃত হইল । তখন হজরত মহম্মদ নিজের ও শিষ্যগণের জীবন রক্ষার্থ

অস্ত্রধারণ করিতে আদেশ দিলেন । যত্বপি মুসলমানগণ তৎকালে আত্মরক্ষার্থ অস্ত্রাদি ধারণ না করিতেন, তাহা হইলে তাঁহারা সবংশে নিশ্চল হইয়া যাইতেন । কিন্তু আত্মরক্ষার্থ অস্ত্র-ধারণের আদেশটা বড় চমৎকার—“ধর্মযুদ্ধে শত্রুদিগের হইতে আপনাদিগকে রক্ষা কর, কিন্তু তাহাদিগকে অগ্রে আক্রমণ করিও না ; কারণ খোদাতায়ালী অগ্রগামীদিগকে ঘৃণা করেন” (কোরাণ—২ সূরা, ১৮৬ আ) ।

প্রথম হিজরীর এগার মাস পরে অর্থাৎ সফর মাসে ভোদাম নামক স্থানে মুসলমানদিগের সহিত কোরেশদিগের সাক্ষাৎ হয় । সেখানে কোনরূপ যুদ্ধাদি সংঘটন হয় নাই ।

এক সময়ে হজরত হামজা ৩০ জন লোক সমভিব্যাহারে লইয়া আবু জহলের ৩৬০ জন লোককে মদিনার নিকটস্থ সরফলহেজার নামক স্থান হইতে বিদূরিত করিয়া দিবার জন্ত বহির্গত হন । কিন্তু কোরেশগণ যুদ্ধ না করিয়া পলায়ন করিয়াছিল ।

অন্য এক সময়ে হারেসের পুত্র ওবেদা ৬০ জন লোক সঙ্গে লইয়া আবুসোফিয়ান ও আবুজহলের পুত্র আকরামার বিরুদ্ধে গমন করেন । কিন্তু যুদ্ধ হয় নাই । কেবল আবিআক্কাসের পুত্র সায়াদ একান্ত উৎপীড়িত হইয়া শত্রুদিগের প্রতি একটা তীর নিক্ষেপ করিয়াছিল ।

উপরোক্ত তিনটা যুদ্ধের আরোজন দেখিলে স্পষ্টই প্রতীয়মান হইবে যে, মুসলমানগণ কেবল আত্মরক্ষার্থ অস্ত্রধারণ করিয়াছিলেন ।

সোলেমান ফারছির ইসলাম ধর্ম গ্রহণ ।

এবনে আক্বাসের লিখিত বিবরণ হইতে সোলেমান ফারছির ইতিবৃত্ত লিখিত হইতেছে । সোলেমান বলিয়াছেন, “পারস্তদেশের অন্তর্গত হাই

নামক স্থানে আমার বাসস্থান, আমার পিতার নাম পুজকস্তান, তিনি একজন বিখ্যাত অগ্নি উপাসক ছিলেন। আমিও বাল্যকালে আমাদের গৃহের বহির্ভাগে অগ্নি প্রজ্জ্বলিত করিয়া তাহার পূজা করিতাম। পিতা আমাকে এতদূর স্নেহ করিতেন যে, এক মুহূর্তও চক্ষুর অন্তরালে রাখিতে পারিতেন না। আমাদের একটা উগ্ঠান ছিল, পিতা সকল দিন সেই উগ্ঠানে কৃষিকার্য করিতেন। এক দিন তিনি উগ্ঠানে যাইতে না পারায় আমাকে এই বলিয়া তথায় পাঠাইয়া দেন যে, 'তুমি সমস্ত তথাকার কার্য সম্পন্ন করিয়া গৃহে ফিরিয়া আসিও।' উদ্যানে কার্য করিতে করিতে খৃষ্টধর্মাবলম্বীদেরকে নিকটস্থিত গির্জায় উপাসনা করিতে শুনিয়া আমার অন্তর মধ্যে ভক্তির উদয় হইল; তৎক্ষণাৎ আমি কার্য ত্যাগ করিয়া গির্জায় গিয়া বসিলাম। উপাসনাদি শ্রবণ করিয়া আমি তাহাদিগকে জিজ্ঞাসা করিলাম, 'তোমাদের ধর্মশাস্ত্র কি?' তাহারা বলিল, 'ইঞ্জিল।' তৎপরে আমি জিজ্ঞাসা করিলাম, 'তোমাদের ধর্মপ্রবর্তক কে?' তাহারা বলিল, 'হজরত ইসা।' ইহা শুনিয়া আমি তাহাদের ধর্মে দীক্ষিত হইয়া সন্ধ্যার সময় গৃহে প্রত্যাগমন করিলাম।

এদিকে পিতা আমার অদর্শনে ব্যাকুল হইয়া অন্বেষণার্থ চতুর্দিকে লোক পাঠাইয়া দিলেন, কিন্তু কেহই আমার অনুসন্ধান না পাইয়া গৃহে ফিরিয়া আসায় পিতা অধিকতর ভাবিত হইয়া বাসনাছিলেন। আমি তাহার সন্মুখে আসিয়া উপস্থিত হইলে, তিনি ক্রোধান্বিত হইয়া বিলম্বের কারণ জিজ্ঞাসা করিলেন। আমি বলিলাম, 'আমি খৃষ্ট-ধর্মাবলম্বীদের গির্জায় গিয়াছিলাম ও তাহাদের ধর্মে দীক্ষিত হইয়াছি।' ইহা শুনিয়া তিনি আমাকে যথেষ্ট ভৎসনা করিলেন এবং উক্ত ধর্ম ত্যাগ করিবার জন্ত নানা প্রকার শাস্তি দিতে লাগিলেন। আমি কিছুতেই ধর্মত্যাগ না করায়, তিনি আমাকে বন্ধন করিয়া রাখিলেন। তখন আমি

খৃষ্টীয়ভ্রাতাদিগের নিকট এই বলিয়া সংবাদ পাঠাইলাম ‘তোমরা শীঘ্র আমাকে তোমাদের দূরস্থ কোন ধর্ম্মঠে পাঠাইয়া দিবার চেষ্টা কর, নচেৎ এখানে থাকিয়া পিতার ভয়ে আমি তোমাদের সহিত উপাসনাদি কার্য্যে যোগদান করিতে পারিব না ।’ তদনন্তর তাঁহারা আমাকে বলিয়া পাঠাইলেন, ‘অচিরে সুরিয়া হইতে একদল স্থলবণিক্ এখানে আসিবে, আমরা তোমাকে তাহাদের সঙ্গে সেই দেশে পাঠাইয়া দিব ।’ আমি ইহা শুনিয়া ধৈর্য্যাবলম্বন করিয়া রহিলাম ।

“যথাসময়ে বণিক্‌দল আসিয়া উপস্থিত হইল । আমিও তাহার সংবাদ পাইয়া অতি কষ্টে বন্ধনরজ্জু ছিন্ন করিয়া গৃহ হইতে বহির্গত হইয়া শুশ্রুভাবে খৃষ্টীয়ভ্রাতাদিগের নিকট উপনীত হইলাম ; তাঁহারা আমাকে স্থলবণিক্‌গণের সমভিব্যাহারে সুরিয়ায় পাঠাইয়া দিলেন । সেইখানে আমি একজন বিজ্ঞ খৃষ্টীয় ধর্ম্মযাজকের নিকট থাকিয়া শিষ্যত্ব গ্রহণপূর্ব্বক তাঁহার সেবা শুশ্রুষা করিতে লাগিলাম । ঐ ব্যক্তি অতি নীচ প্রকৃতিবিশিষ্ট লোক ছিলেন, লোকে দরিদ্রদিগকে দানার্থ যাহা তাঁহার নিকট অর্পণ করিত, তিনি স্বয়ংই তাহা গ্রাস করিতেন । কিছু কাল পরে তাঁহার মৃত্যু হইলে, সকলে তাঁহার অন্ত্যেষ্টিক্রিয়া সম্পাদনার্থ উপনীত হইলেন, আমি সকলকে তাঁহার নীচাশয়তার বিষয় জ্ঞাপন করিয়া, তাঁহার সঙ্কিত সাত কলসি স্বর্ণ-মুদ্রা দেখাইলাম । ইহাতে কেহ তাঁহাকে কবর না দিয়া তাঁহার মৃতদেহ খণ্ড খণ্ড করিয়া কাটিয়া ফেলিলেন । তৎপরে সেহ পদে একজন বিজ্ঞ ধর্ম্মভীরু লোক প্রতিষ্ঠিত হইলেন । আমি তাঁহার শিষ্যত্ব গ্রহণপূর্ব্বক তাঁহার সেবা শুশ্রুষায় নিযুক্ত হইলাম । তাঁহার মৃত্যুকালে আমি তাঁহাকে বলিলাম, ‘শুরো ! আপনার মৃত্যুর পর আমি কাহার নিকট যাইয়া ধর্ম্ম শিক্ষা করিব ?’ তিনি আমাকে মুসেলনগরস্থ ধর্ম্মযাজকের নিকট যাইয়া ধর্ম্মশিক্ষা করিতে

বলিলেন। তাঁহার মৃত্যুর পর আমি মুসেলনগরস্থ ধর্মভীক ও বিজ্ঞ ধর্মযাজকের নিকট গিয়া ধর্মশিক্ষা করিতে লাগিলাম। তাঁহার মৃত্যুর সময় উপস্থিত হইলে তিনি আমাকে নাস্বিন্ নামক স্থানের ধর্মযাজকের নিকট যাইতে বলেন। তাঁহার মৃত্যুর পর আমি নাস্বিন্স্থ ধর্মযাজকের নিকট গিয়া ধর্মশিক্ষা করিতে লাগিলাম। তাঁহারও মৃত্যু সময় উপস্থিত হইলে, তিনি আমাকে আমুরিয়াস্থ ধর্মযাজকের নিকট যাইতে বলেন। তৎপরে আমি তথায় গেলাম। তিনি পরম বিজ্ঞ, পরম-ধার্মিক ও ধর্মভীক লোক ছিলেন। তাঁহার মৃত্যুর সময়ে আমি তাঁহাকে পূর্বোক্তরূপে জিজ্ঞাসা করিলে, তিনি বলেন, শেষ ধর্মপ্রচারকের আবির্ভাব হইবার সময় উপস্থিত, তিনি আরবদেশে জন্মগ্রহণ করিবেন এবং জন্মভূমি ত্যাগ করিয়া দুই পাহাড়ের মধ্যস্থিত নখলস্থানে (খজুর বাগানে) অবস্থিতি করিবেন। আমি জিজ্ঞাসা করিলাম, 'তাঁহাকে শেষ ধর্মপ্রচারক বলিয়া চিনিবার উপায় কি?' তিনি উত্তর দিলেন, 'সেই ধর্মপ্রচারক কাহার নিকট হইতে দান গ্রহণ করিবেন না, উপচৌকনাদি গ্রহণ করিবেন আর তাঁহার স্বক্ৰমদেহে মোহনবুয়ত আছে দেখিতে পাইবে।'

'আমি আমুরিয়াতে কতকগুলি মেষ ও ছাগ ক্রয় করিয়া তাহাদের প্রতিপালন করিতাম, এবং তাহাদের শাবকগুলি বিক্রয় দ্বারা কিছু অর্থ সংগ্ৰহ করিয়াছিলাম। আরবদেশস্থ কালববংশের স্থলবণিকগণ এখানে আসিলে আমি তাহাদিগকে মেষ ও ছাগাদি দান করিয়া তাহাদের সঙ্গে আরবদেশে গমন করিলাম। তাহারা ওয়াদিওম্বলকোরা নামক স্থানে লইয়া গিয়া বিশ্বাসঘাতকতারূপে আমাকে ওসমান আশহলি নামক একজন ইহুদীর নিকট বিক্রয় করে। আমি তাহার গৃহে 'দাসত্ব করিতে লাগিলাম। কিছুদিন পরে আমার প্রভুর মদিনাস্থ এক আত্মীয় আমাকে

ক্রয় করিয়া লইয়া গেল । একদিন আমি আমার মাদনাস্থ প্রভুর উঠানে কাজ করিতেছি, প্রভুও তথায় বাসিয়া আমাকে কাজ দেখাইয়া দিতেছেন, এমন সময়ে একজন লোক তাঁহার নিকট আসিয়া আটস ও খজরজবংশীয়দিগকে এই বলিয়া গালি দিতে লাগিল, ‘উহারা মক্কা হইতে এক ব্যক্তিকে কোবায় আনিয়াছে, সে নাকি শেষ ধর্ম্ম প্রচারক বলিয়া আপনাকে পরিচয় দিতেছে, আর আমাদের নগরস্থ লোকদিগকে তাহার ধর্ম্মে দীক্ষিত করিতেছে, উহাদের সর্বনাশ হউক ।’

“আমি ইহা শুনিবামাত্র তাহাদের নিকট ঐ কথা পুনঃ জিজ্ঞাসা করিলাম, কিন্তু আমার প্রভু রাগান্বিত হইয়া আমার গণ্ডস্থলে এক চপেটাঘাত করিলেন । আমি চুপ করিয়া কার্য্যে প্রবৃত্ত হইলাম । সেই দিন সন্ধ্যার সময় আমি কতকগুলি খোশ্মাফল লইয়া কোবায় হজরত মহম্মদের নিকট আসিলাম এবং তাঁহাকে অভিবাদনপূর্ব্বক ফলগুলি প্রদান করিলাম, তিনি তাহা তাঁহার শিষ্যগণকে ভক্ষণ করিতে দিলেন, নিজে একটীও ভক্ষণ করিলেন না । সেইদিন হজরতের সঙ্গে ২০।২৫ জন শিষ্য ছিলেন । আমিও সেইদিন তাঁহার প্রেরিতদের একটী প্রমাণ পাইলাম । পরদিন সন্ধ্যাকালে আর কতকগুলি খোশ্মাফল লইয়া তাঁহাকে উপঢৌকন দিলাম, তিনি তাহা নিজে ভক্ষণ করিলেন ও শিষ্যগণকেও দিলেন ; ইহাতে আমি তাঁহার সম্বন্ধে দ্বিতীয় প্রমাণ পাইলাম । সেই দিন হজরত আলি আমার মস্তক চুম্বন করেন এবং হজরত আবুবকর আমাকে নূতন বস্ত্র পরিধান করিতে দেন । পরদিন আমি হজরতের নিকট গিয়া তাঁহার স্কন্ধোপরিস্থ মোহন্নবুয়ত দেখিয়া কলেমা পড়িয়া মুসলমান হইলাম । আমি প্রভুর নিকট দাসত্বশৃঙ্খলে বদ্ধ থাকার বন্দর ও ওহদের যুদ্ধে যোগদান করিতে পারি নাই । পরে প্রভুর নিকট এইরূপ বন্দোবস্ত করিলাম যে, ৩০০ খোশ্মাবৃক্ষ রোপণ করিয়া

দিলে ও তাহা ফলশালী হইলে আর ৪০ অয়কিয়া স্বর্ণমুদ্রা দিতে পারিলে দাসত্বশৃঙ্খল হইতে মুক্ত হইতে পারিব। ইহা হজরতকে জ্ঞাত করাইলে, তিনি শিযামগুলীর দ্বারা তিন শত খোশ্মাবৃক্ষের চারা আনাইয়া আমাকে দিলেন। প্রভু চারাগুলি রোপণ করিবার স্থান নির্দিষ্ট করিয়া দিলে হজরত মহম্মদ স্বয়ং গিয়া তাহা রোপণ করিয়া দেন, কেবল একটি গাছ ওমর বেন-খেত্তাব রোপণ করিয়াছিলেন। এক বৎসর পরে সকল বৃক্ষই ফলশালী হইল, কেবল ওমরের রোপিত গাছটিতে ফল হয় নাই, তজ্জন্তু হজরত তাহা গুলিয়া ফেলিয়া স্বহস্তে তথায় একটি গাছ রোপণ করিয়া দিলেন, অচিরকাল মধ্যেই তাহা ফলশালী হইল। আর জয়লক্কদ্ব্যোর মধ্য হইতে একখণ্ড স্বর্ণ আমাকে দিলেন, যদিও তাহা ওজনে অল্প ছিল, তথাপি হজরত বলেন, ইহা ওজন করিলে ৪০ অয়কিয়া হইবে। আমি প্রভুর নিকট সেই স্বর্ণখণ্ডখানি দিলাম; তিনি ওজন করিলে, তাহা ঠিক তাঁহার অভিলাষানুযায়ী হইল আর তিনশত খোশ্মাবৃক্ষ ফলবান্ হইয়াছে দেখিয়া তিনি আমাকে দাসত্ব হইতে মুক্ত করিয়া দিলেন।

“আমি সেই সময় হইতে প্রত্যেক যুদ্ধে উপস্থিত থাকিতাম এবং হজরতের মৃত্যুর পর অনেক যুদ্ধে বীরত্বের পরিচয় দিয়াছিলাম। অবশেষে ওমর-বেন-খেত্তাবের খেলাফত সময়ে পারশ্বের শাসনকর্তৃত্ব পদে নিযুক্ত হইয়া মদ্যায়ন রাজধানীতে জীবনের অবশিষ্ট কাল অতিবাহিত করিয়াছিলাম।” কেহ বলেন, ৩৬০ বৎসর, কেহ বলেন, ২৫০ বৎসর বয়ঃক্রম কালে সোলেমান ফারছী মানবলীলা সম্বরণ করেন।

সপ্তম পরিচ্ছেদ ।

—••*••—

দ্বিতীয় হিজরীর ঘটনাবলী ।

কেবলা পরিবর্তন ।

মুসলমানগণ যাহা অভিমুখে করিয়া নামাজ পড়েন, তাহাকে কেবলা বলে । মক্কা হইতে মদিনায় প্রস্থানের পর সপ্তদশ মাস পর্য্যন্ত হজরত মহম্মদ বয়তলমোকাদ্দেসের অভিমুখে নামাজ পড়িতেন । কিন্তু তাঁহার মন কাবার দিকে নামাজ পড়িতে একান্ত উৎসুক হইয়াছিল ; তজ্জন্ত তিনি খোদাতারালার নিকট কোনরূপ আদেশ প্রাপ্ত হন কিনা, সর্বদা তাহার প্রতীক্ষা করিতেন । ভক্তের মনোবাঞ্ছাপূর্ণকারী প্রভু অচিরে তাহার মনোবাঞ্ছা পূর্ণ করিতে অগ্রসর হইলেন ।

একদিন তিনি একটী মস্জিদে জোহরের নামাজ পড়িতেছেন, এমন সময়ে কাবা মস্জিদের অভিমুখে নামাজ পড়িতে আদিষ্ট হন । তৎক্ষণাৎ তিনি কাবার দিকে মুখ ফিরাইলেন, শিষ্যগণও তদনুযায়ী কার্য্য করিলেন । এইজন্ত সেই মস্জিদকে “জোল্কেবলাতোয়েন্” অর্থাৎ ডুই কেবলার অন্তর্ভূত বলে । কোরাণ শরীফে উক্ত হইয়াছে, “হে মহম্মদ ! আমি তোমাকে উর্দ্ধে দৃষ্টিপাত করিতে দেখিয়াছি, তুমি যে কেবলার সন্তুষ্ট থাক, আমি তোমাকে তাহার অভিমুখে নামাজ পড়িতে অনুমতি দিলাম । তুমি মস্জিদল হারামের (কাবার) দিকে মুখ ফিরাও” । (কোরাণ শরীফ ২য় সূরা, ১৪৪ আয়েত) ।

তৎপরে হজরত মহম্মদ মস্জিদ অল-নবিতে গিয়া কাবার দিকে কেবলা করিলেন । তখন মুসলমানগণ কেবলা পরিবর্তন বিষয়ে সন্দেহ করাতে এই আয়েত অবতীর্ণ হয়, “হে মহম্মদ ! নির্কোষ লোকেরা তোমাকে জিজ্ঞাসা করিবে যে, পূর্বে তাহাদের যে কেবলা ছিল, কি জন্ত তাহা পরিবর্তিত হইল । তুমি বলিও, পূর্ব ও পশ্চিম খোদাতাওয়ালার দিক, তিনি যাহাকে ইচ্ছা তাহাকে সরলপথ প্রদর্শন করিয়া থাকেন ।” (কোরান শরিফ ২য় সূরা, ১৪২ আয়েত) ।

কেবলা পরিবর্তন দেখিয়া ইহুদীগণ হজরতকে নানারূপ বিদ্রূপ করিতে লাগিল । ইহুদীদিগের মধ্যে কেহ কেহ মুসলমানদিগকে বলিতে লাগিল যে, কেবলা পরিবর্তনের পূর্বে তোমাদের মধ্যে জারার পুত্র সায়াদ, মারুর পুত্র বরা ও হাছমের পুত্র কুলসুম্ প্রভৃতি মৃত্যুগ্রাসে পতিত হইয়াছে, সুতরাং তাহাদের নামাজে ত কোনরূপ পুণ্যের সঞ্চয় হয় নাট । ইহা শুনিয়া ঐ মৃত ব্যক্তিদিগের আত্মীয়গণ হজরতের নিকট গিয়া ঐ বিষয় জিজ্ঞাসা করাতে, তিনি বলেন, “হাঁ, তাহাদের পুণ্যই সঞ্চয় হইয়াছে ।”

কেবলা পরিবর্তন সম্বন্ধে কোরান শরিফের দ্বিতীয় সূরায় আরও কতকগুলি আয়েত আছে । নিয়ে তাহার একটি আয়েতের অনুবাদ করিয়া দিতেছি .—

“তোমরা পূর্বাভিমুখীন হও বা পশ্চিমাভিমুখীন হও, তাহাতে কোন পুণ্যই নাই, কিন্তু যাহারা আল্লাতওয়ালার প্রতি, পরকাল ও স্বর্গীয় দূতগণের প্রতি এবং ধর্মগ্রন্থ ও ধর্মপ্রচারকগণের প্রতি বিশ্বাস স্থাপন করিয়াছে ; যাহারা খোদাতালার প্রিয়পাত্র হইবার জন্ত, আত্মীয়দিগকে, পিতা-মাতাহীন বালকবালিকাদিগকে, অনাথদিগকে, পথিকদিগকে ও ভিক্ষু-দিগকে ধন দান করিয়াছে ও দাসত্ব মোচনে অর্থ ব্যয় করিয়াছে ;

যাহারা নামাজ প্রতিষ্ঠিত রাখিয়াছে, জাকাত দিয়াছে, যাহারা অঙ্গীকার পালন করে ও দারিদ্র্য কিম্বা নানা বিপদাকীর্ণ অবস্থায় পতিত হইয়াও ধৈর্য্যাবলম্বন করে, তাহারাষ্ট পুণ্যবান, সত্যবাদী ও ধর্ম্মভীরু।” (কোরাণ শরিফ ২য় সূরা, ১৭২ আয়েত) ।

দ্বিতীয় হিজরীর সাবান মাসে হজরত মহম্মদ রমজানের রোজা, জাকাত (বাৎসরিক আয়ের কোন নিদিষ্ট অংশ দরিদ্রদিগকে দান) ও ঈদের নামাজ পড়িতে প্রত্যাদিষ্ট হন ।

হজরত আলির সহিত ফাতেমা বিবির বিবাহ ।

এই বৎসর সফর মাসে, কেহ কেহ বলেন, রজব মাসে আবুতালেবের পুত্র হজরত আলির সহিত হজরত মহম্মদের কন্যা বিবি ফাতেমার শুভ বিবাহ সম্পন্ন হয় । বিবাহকালে বিবি ফাতেমার বয়ঃক্রম ১৫ বৎসর আর হজরত আলির বয়ঃক্রম ১ বৎসর ৫ মাস ছিল । ফাতেমা বিবি পরমা সুন্দরী যুবতী ছিলেন হজরত আলি দরিদ্রতানিবন্ধন প্রথমে বিবাহ করিতে স্বীকৃত হন নাই, পরে হজরতের অনুরোধে বিবাহ করেন । সেই সময়ে হজরত মহম্মদও অতি দরিদ্রাবস্থায় দিনাতিবাহিত করিতেন, তজ্জন্ত বিবাহকালে বিবি ফাতেমাকে সামান্য রকমের দ্রব্যাদি যৌতুকস্বরূপ প্রদান করিয়াছিলেন ।

বিপক্ষ কোরেশদিগের হস্ত হইতে মুসলমানদিগের

ধন সম্পত্তি ও আত্মরক্ষাকরণ ।

হিজরীর দ্বিতীয় অর্কে খালফের পুত্র ওমাইয়া ২০০ লোক সমভিব্যাহারে মদিনার প্রান্তভাগস্থ বোওয়াত নামক স্থানে আসিয়া উপনীত হয় । কিন্তু মুসলমানগণ তাহাদিগকে দূরীভূত করিয়া দিয়াছিলেন ।

জমাদিরুল আউল মাসে হজরত মহম্মদ ১৫০ জন শিষ্য সমভিব্যাহারে শক্রদিগের হস্ত হইতে মুসলমানগণকে রক্ষা করিবার জন্ত বহির্গত হন এবং মদিনার প্রান্তদেশবাসী বনি মোদলেজ ও বনি জুমায়রা সম্প্রদায়স্থ ইহুদীদিগের সহিত সন্ধি সংস্থাপন করেন। তিনি তথায় পঞ্চদশ দিবস অবস্থান করিয়া মদিনায় প্রত্যাবর্তন করেন, এই সময়ে মায়াজের পুত্র আবাদাকে মদিনায় তাহার প্রতিনিধিস্বরূপ রাখিয়া রাখান। এই সময়ে তিনি হজরত আলিকে “আবুতোরাব” উপাধিতে ভূষিত করেন।

অপর এক সময়ে আবু আকাসের পুত্র সায়াদ ৮ জন লোক সমভিব্যাহারে শক্রদিগের সম্মুখীন হইয়াছিলেন।

এক দিন বিপক্ষ কোরেশবংশস্থ জোবায়ের ফেহরির পুত্র কোরুজ্ বহু সংখ্যক লোক সমভিব্যাহারে মদিনার প্রান্তদেশে আগমনপূর্বক মুসলমানগণের উদ্ভ্রাদ লইয়া পলায়ন করে। হজরত তাহাদের হস্ত হইতে উদ্ভ্রাদ কাড়িয়া লইবার জন্ত বহির্গত হন। সেই সময়ে তিনি হারেসের পুত্র জয়দকে মদিনায় আপনার প্রতিনিধি পদে নিযুক্ত করিয়া যান। হজরত শক্রদিগের সন্ধান না পাইয়া বদর নামক উপত্যকায় উপস্থিত হন। তথায় কিছুদিন অবস্থানপূর্বক মদিনায় প্রত্যাবর্তন করেন। তিনি এই সময়ে মদিনায় প্রধান প্রধান ইহুদীদলগুলির সহিত এই মর্মে সন্ধি সংস্থাপন করিয়াছিলেন যে, তাহারা কখন হজরতের শক্রদিগের সহিত যোগ দান করিবে না, হজরতও কখন তাহাদের শত্রুগণের সহিত যোগ দিবেন না।

কোরেশবংশীয়দিগের সুরিয়ার বাণিজ্যার্থ গমন করিবার কোন নির্দিষ্ট পথ ছিল না। মদিনার চতুর্দিকস্থ বিভিন্ন পথ দিয়া তাহারা গমনাগমন করিত। হজরত মহম্মদের মক্কা হইতে মদিনায় প্রস্থানের পর হইতে কোরেশগণ পথিমধ্যে মদিনাবাসীদিগের দ্রব্যাদি অরক্ষিত কিম্বা

অল্পরক্ষিত ভাবে প্রাপ্ত হইলে, তাহা লুণ্ঠন করিত ও অধিবাসিদিগকে হত্যা করিত । হজরত মহম্মদ উহাদের হস্ত হইতে শিষাগণের দ্রব্যজাত রক্ষা করিবার জন্ত তাহাদের গমনাগমন পর্য্যবেক্ষণার্থ মদিনার চতুর্পার্শ্বস্থ স্থানে কয়েকটা দূত পাঠাইয়া দেন । দূত পাঠাইবার কারণ এই যে, যখন শত্রুগণ মুসলমানদিগের দ্রব্যজাত লুণ্ঠনের আয়োজন করিবে, তখন তাহারা মদিনায় সংবাদ দিলে, মুসলমানগণ দলবদ্ধ হইয়া তাহাদিগকে বিদূরিত করিয়া দিতে সক্ষম হইবে ।

এই বৎসর জমাদিসূমানি মাসের শেষভাগে হজরত মহম্মদ জহসের পুত্র আবদুল্লাহ সঙ্গে ৮১০ জন লোক দিয়া দৌত্যকার্য্যে নিযুক্ত করিয়া পাঠান এবং তাঁহাকে এই মন্ত্বে একখানি পত্র দেন, “তুমি তাহাদের (শত্রুদিগের) কার্য্যাকার্য্যাদির সংবাদ আনিও ।” আবদুল্লাহ বতলতখলা নামক স্থানের নিকটস্থিত নেকলা উপত্যাকোপরি গিয়া অবস্থান করিতে লাগিলেন । তিনি সেই সময়ে শত্রুদিগকে সন্নিহিত দেখিয়া যৌবনস্বভাবশূলভ ক্রোধের বশীভূত হইয়া তাহাদিগকে আক্রমণ করিলেন । তাহাতে ওমর ও খেজর নামক শত্রুদিগের দুই জন লোক নিহত হইয়াছিল । তখন জমাদিসূমানি মাসের শেষ ও রজব মাসের আরম্ভ ; আবদুল্লাহ তাহা না জানিয়াই শত্রুদিগকে আক্রমণ করিয়া-ছিলেন । তাহারি প্রভৃতি হজরত মহম্মদের জীবনবৃত্তান্ত লেখকগণ বলেন, “হজরত মহম্মদ আবদুল্লাহকে অগ্রে শত্রুদিগকে আক্রমণ করিতে বিশেষ রূপ নিষেধ করিয়াছিলেন ।”

আরবদেশবাসিদিগের নিকট রজব মাস অতি পবিত্র, তাহারা পবিত্র মাসে যুদ্ধবিগ্রহ ও কলহাদি একেবারে তাগ করিয়া শত্রুদিগের সহিত বন্ধুত্বভাবে মিলিত হইত । আবদুল্লাহ এইরূপ অদূরদর্শিতার কার্য্য প্রবণ করিয়া হজরত অতিশয় দুঃখিত হইয়া তাঁহাকে বলিয়াছিলেন,

“আমি ত তোমাকে যুদ্ধ করিতে পাঠাই নাই।” অবশেষে হজরত মুত বাস্টিদিগের আত্মীয়গণকে প্রচুর অর্থ প্রদান করিয়াছিলেন। অনন্তর পবিত্র মাসে নরহত্যার বিষয় সর্বত্র প্রচারিত হইলে, আরববাসিগণ হজরতের নানা কুৎসা করিয়া বেড়াইতে লাগিল। তৎপরে মুসলমানেরা হজরত মহম্মদকে নিষিদ্ধ মাস সম্বন্ধে জিজ্ঞাসা করিলে, কোরাণ শরিফের নিম্নলিখিত আয়েতটী অবতীর্ণ হয়। “তাহারা পবিত্র মাসে * যুদ্ধ করার বিষয় তোমাকে প্রশ্ন করিতেছে, বলিও (হে মহম্মদ) সেই সময়ে যুদ্ধ করা গুরুতর পাপ, কিন্তু খোদাতায়ালার পথ রুদ্ধ করা ও তাহার সঙ্গে ও মস্জিদুল হারামের সঙ্গে বিদ্রোহচরণ করা এবং তথাকার অধিবাসীদিগকে তথা হইতে নিকাশিত করা খোদাতায়ালার নিকটে অধিকতর গুরুতর অপরাধ, হত্যা করা অপেক্ষা ধর্মদ্রোহিতা অধিক পাপ, যে পর্য্যন্ত তাহারা তোমাদিগকে তোমাদের ধর্ম হইতে বিচ্যুত না করে, সে পর্য্যন্ত সক্ষম হইলে অবিশ্রান্ত তোমাদের সঙ্গে যুদ্ধ করিবে এবং তোমাদিগের মধ্যে যাহারা স্বধর্ম্মে বিমুগ্ধ হইয়া ধর্ম্মদ্রোহিতার অবস্থায় প্রাণত্যাগ করে, ইহলোকে ও পরলোকে তাহাদের সমুদয় ক্রিয়া বিনষ্ট হয়, ইহারা সেই সকল লোক, যাহারা নরক লোকে বাস করিবে ও তথায় সর্বদা থাকিবে।” (কোরাণ শরিফ, ১ সূরা, ২১৪ আয়েত)।

বদরের যুদ্ধ ।

হজরত মহম্মদ মদিনাবাসীদিগকে কোরেশগণের হস্ত হইতে রক্ষা করিবার জন্য ওবেদুল্লাহ পুত্র তালহা ও জয়দের পুত্র সয়িদকে কোরেশ-

* পৌত্তলিক আরবগণ রজব, জেলকদ, জেলহজ্জ ও মহররম এই চারি মাসকে পবিত্র মাস বলিত। এই চারি মাসে তাহারা যুদ্ধবিগ্রহ ও কলহাদি করা পাপকার্য্য বলিয়া মনে করিত।

গণের কার্যাদি পর্য্যবেক্ষণার্থ মদিনার প্রান্তদেশে পাঠাইয়া দিলেন । এদিকে হজরতের চিরশত্রু আবুসোফিয়ান অসংখ্য পণ্যদ্রব্যাদি সংগ্রহপূর্বক সুরিয়ায় বাণিজ্য করিতে গিয়া, তথা হইতে জম্জম্গফ্ফারি নামক একজন লোককে ২০মেস্কাল স্বর্ণ বেতনস্বরূপ দিয়া মক্কাগু কোরেশদিগের নিকট এই বলিয়া পাঠাইয়া দিয়াছিল “তুমি মক্কায় গিয়া কোরেশদিগকে মহম্মদের বিরুদ্ধে যুদ্ধ যাত্রা করিতে উত্তেজিত কর ।” জম্জম্গফ্ফারি প্রায় নিশ্বাস প্রশ্বাসশূন্য ও বিবর্ণাবস্থায় মক্কায় উপনীত হইয়া আবুজহলের নিকট আসিয়া বলিল, “শীঘ্র তোমরা মদিনা আক্রমণে বহির্গত হও, বোধ হয় এবার মুসলমানগণ আবু-সোফিয়ানকে আক্রমণ করিবে ।” ইহা শুনিয়া আবুসোফিয়ানের স্ত্রী, তাহার পিতা অত্বা, ভ্রাতা অলিদ ও পিতৃবা শয়বাকে হজরতের বিরুদ্ধে যুদ্ধার্থ বহির্গত হইতে উত্তেজিত করিতে লাগিল, আর আমরের পুত্র সোহায়েল ও আসোয়াদের পুত্র জামা মক্কাবাসীদিগকে যুদ্ধার্থ বহির্গত হইতে উত্তেজিত করিয়াছিল এবং তাহারা ঘোষণা করিয়া দিল যে, প্রত্যেক পরিবারস্থ দুইজন লোকের মধ্যে এক জনকে যুদ্ধে যাইতে হইবে । যুদ্ধের আয়োজনের কোলাহলে মক্কা নগর প্রতিধ্বনিত হইতে লাগিল । আব্বাস এই যুদ্ধে যোগদান করতে অস্বীকৃত হইলে, কোরেশগণ তাঁহাকে বলিল, “আপনি আমাদের দলপতি, আপনি যুদ্ধে গমন না করিলে অন্যান্য ব্যক্তি যুদ্ধে যাইতে স্বীকৃত হইবে না, যদি আপনি যুদ্ধে যাইতে না পারেন, তাহা হইলে আপনার প্রতিনিধিস্বরূপ কাহাকেও পাঠাইয়া দেন ।” অবশেষে আব্বাস বাধ্য হইয়া তাহাদের সহিত যুদ্ধে গমন করিলেন । আবুজহল ১০০ অশ্বা-রোহী ও ৮৫০ জন পদাতিক সৈনের নায়কত্ব গ্রহণ করিয়া ৮ই রমজান (৪ঠা জানুয়ারী ৬২৩ খৃঃ অঃ) মক্কা হইতে মদিনাভিমুখে যাত্রা করে ।

এদিকে হজরত প্রেরিত দূতদ্বয় মদিনার অনতিদূরস্থ কসদজাহেনির গৃহে গিয়া অবস্থিতি করিতেছিলেন, এমন সময়ে আবুসোফিয়ান সুরিয়া

হইতে মকায় প্রত্যাগমন কালে কসদজাহেনির গৃহে উপস্থিত হইয়া মুসলমানগণের বিষয় জিজ্ঞাসা করিল, কিন্তু কসদজাহেনি তাহার কথার কোন সহস্তুর প্রদান করিল না। তখন আবুসোফিয়ান তথা হইতে চলিয়া গেল। তালহা ও সয়িদ পরদিন কসদজাহেনির গৃহ হইতে জোলমারওয়া নামক স্থানে গিয়া একদিন অবস্থিতির পর বদর (১) নামক উপত্যকায় গমন করেন; কিন্তু তথায় অবস্থিতি না করিয়াই মদিনায় প্রত্যাগমন করিয়াছিলেন।

ইতিমধ্যে হজরত মহম্মদ জেরিবলের নিকট আবুজহলের যুদ্ধ সজ্জার বিষয় অবগত হইয়া ৮০ জন মহাজের ও ২২৫ জন আন্সার, ৭০টা উষ্ট্র, ২টা অশ্ব, ৬ খানি বশ্ব ও ৮ খানি তুরবারি লইয়া ১২ই রমজান (৮ই জানুয়ারী) আত্মরক্ষার্থ বহির্গত হন। তৎকালে ওশ্মেকুলসুমের পুত্র ওমরকে মদিনায় আপনার প্রতিনিধি পদে নিযুক্ত করিয়া যান। পথি মধ্যে শওবান নামক স্থানে তালহা ও সয়িদের সহিত তাঁহার সাক্ষাৎ হয়। তাঁহাদের প্রমুখাৎ আবুসোফিয়ানের বণিক্‌দলের বিষয় অবগত হন। যদি মুসলমানগণের লুণ্ঠন করিবার ইচ্ছা থাকিত, তাহা হইলে আবুসোফিয়ানকে আক্রমণ করিতেন, কিন্তু তাঁহাদের আত্মরক্ষা করাই একান্ত উদ্দেশ্য, তজ্জগ্ন বদর নামক উপত্যকায় আবুজহলের সম্মুখীন হইতে অগ্রসর হইলেন। পক্ষান্তরে দেখা যাইতেছে যে, আবুজহলের যুদ্ধযাত্রা করিবার ৪ দিন পরে হজরত আত্মরক্ষার্থ বহির্গত হন। যদি লুণ্ঠন করাই তাঁহার উদ্দেশ্য হইত, তাহা হইলে তিনি আবুজহলের যুদ্ধে বহির্গত হইবার পূর্বেই আবুসোফিয়ানকে আক্রমণ করিতেন।

(১) বদর নামক একজন লোক এই স্থানে একটা কূপ খনন করিয়াছিল, তাহার নামানুসারে সেই কূপটী বদর নামে খ্যাত এবং কূপটির নামানুসারে এই স্থানটীও “বদর” নামে অভিহিত।

অধিকন্তু বদরে হজরতের সমভিব্যাহারে অধিকাংশ আনসার আসিয়া-
ছিলেন। তাঁহারা হজরতকে কেবল শত্রুহস্ত হইতে রক্ষা করিবেন
বলিয়া প্রতিজ্ঞাবদ্ধ হইয়াছিলেন, কিন্তু তাঁহার সহিত যোগ দিয়া যুদ্ধাদি
করিতে অঙ্গীকারবদ্ধ হন নাই। অতএব ইহাতে স্পষ্টই প্রতিপন্ন হই-
তেছে যে, তিনি কেবল আত্মরক্ষার্থ মদিনা হইতে বহির্গত হইয়াছিলেন।

হজরত মহম্মদ তিন দিন গমনের পর ১৭ই রমজান (১৩ই জানুয়ারী)
বদরে উপনীত হইয়া উচ্চ ভূভাগোপরি উপাসনার্থ একটা আরিস্
(পর্ণশালা) নিৰ্ম্মাণ করিলেন, একদল মুসলমান তাঁহার রক্ষার্থ নিযুক্ত
হইলেন। হজরতের জামতা ওসমান বিবি রোকেয়ার পীড়াবশতঃ
তাঁহার সমভিব্যাহারে আসিতে পারেন নাই।

আবুসোফিয়ান বদরে আগমনপূর্বক তথাকার অধিবাসী আমরের
পুত্র মস্দির নিকট মুসলমানগণের বিষয় জিজ্ঞাসা করে। মস্দি
তাঁহার কথাই কোন উত্তর দেয় নাই, কিন্তু আবুসোফিয়ান সেই
স্থানে মদিনানগরীয় খজ্জুরের আঁটি দেখিতে পাইয়া মুসলমানগণ
তথায় আছেন বলিয়া স্থির করে, কেননা মদিনার খজ্জুরের আঁটি
অতি ক্ষুদ্র। ইহা দেখিয়া আবুসোফিয়ান মক্কায় চলিয়া গেল।

এদিকে আবুজহল আবুসোফিয়ানের নিৰ্কিষ্মে মক্কা গমনের সংবাদ
পাইল। যদি আবুসোফিয়ানকে বিপদ হইতে রক্ষা করাই আবুজহলের
অভিপ্রায় হইত, তাহা হইলে সে তাঁহার মক্কায় গমনের সংবাদ পাইয়া
প্রত্যাবর্তন করিত। কিন্তু যখন আবুজহল ও কোরেশগণ আবুসোফিয়ানের
মক্কা গমনের সংবাদ পাইয়াও প্রত্যাবর্তন না করিয়া মদিনাভিমুখে গমন
করিতে লাগিল, তখন বাস্তবিকই তাহাদের কোনরূপ দুর্ভাগ্য ছিল।

অতঃপর ৯ দিন গমনের পর কোরেশ সৈন্য ১৭ই রমজান (১৩ই
জানুয়ারী) বদরে উপনীত হইয়া মুসলমানগণের সম্মুখীন হইল।

মুসলমানগণ অসংখ্য শত্রু সৈন্য দর্শন করিয়া মহা ভাবিত হইলেন । তখন হজরত মহম্মদ হস্তদ্বয় উত্তোলনপূর্বক অল্প সংখ্যক মুসলমানগণের নিরাপদের জন্য এই বলিয়া খোদাতায়ালার নিকট প্রার্থনা করিতে লাগিলেন, “হে দয়াময় ! আপনি অসহায়ের সহায় ও বিপদাপন্নের বিপদহারকারী, আপনি আমাদের সহায় হউন । হে বিশ্বনাথ ! যদি এই অল্প সংখ্যক মুসলমান কালকবলে পরিত্যক্ত হয়, তাহা হইলে পবিত্র উপাসনা করিবার আর কেহই থাকিবে না ।” * এই প্রার্থনার পরে তিনি শিষ্যগণকে বলিলেন, “ভয় করিও না, আল্লাতায়াল! আমাদের সহায় আছেন ।”

অনন্তর শত্রুগণের মধ্য হইতে আত্বা, অলিদ ও শয়বা অগ্রগ্রামী হইয়া মুসলমানদিগকে যুদ্ধার্থ আহ্বান করিতে লাগিল । তাহাদের আহ্বান শুনিয়া তিন জন আনসার যুদ্ধার্থ বহির্গত হইলে, তাহারা বলিল, “আমরা তোমাদের সঙ্ঘিত যুদ্ধ করিতে আসি নাই, আমাদের স্বদেশীয় ও স্বধর্মত্যাগীদিগকে অগ্রসর হইতে বল । যদি তাহাদের সাহস থাকে, তবে আমাদের সম্মুখীন হউক ।” ইহা শুনিয়া হজরত আলি, হজরত হামজা ও হারেসের পুত্র ওবেদা অগ্রসর হইয়া যুদ্ধে প্রবৃত্ত হইলেন । ঘোরতর যুদ্ধে হজরত আলি ও হজরত হামজা স্ব স্ব শত্রুকে হত্যা করিয়া ওবেদাকে সাহায্য করিতে গেলেন । ওবেদা এই যুদ্ধে আঘাত প্রাপ্ত হন । হজরত হামজা ও হজরত আলি একত্রিত হইয়া ওবেদার শত্রু আত্বাকে হত্যা করেন ।

প্রসিদ্ধি আছে যে, যুদ্ধ সময়ে হজরত পর্ণশালার উপাসনার নিমগ্ন ছিলেন । এক্ষণে গাত্রোত্থানপূর্বক একমুষ্টি বালুকা শত্রুসৈন্যের উপর নিক্ষেপ করিলেন, তখন বিধাতার অমুগ্রহে প্রবল-বাত্যা উখিত

* এখানে হেশাম ৫৪৪ পৃঃ ; এখানে অল আসির ২য় খণ্ড, ২৭ পৃঃ ।

হওয়ায় চতুর্দিক বালুকারাশিতে আচ্ছন্ন হইয়া গেল । সেই সঙ্গে সঙ্গে ৩০০০ স্বর্গীয় বীরপুরুষ শ্বেত ও পীতবর্ণের পাগড়ি ধারণ ও উজ্জল পরিচ্ছদ পরিধান করিয়া শ্বেত ও কৃষ্ণবর্ণের ঘোটকোপরি আরোহণপূর্বক ঝটিকামদূশবেগে যুদ্ধক্ষেত্রে আগমন করিয়া কোরেশ-দিগকে নিপাতিত করিতে লাগিলেন । এই কথা যে কেবল মুসলমানগণ বলেন, তাহা নহে, ঐ যুদ্ধক্ষেত্রের নিকটে এক ব্যক্তি মেষ চরাইতেছিল, সেও ঐরূপ বর্ণনা করিয়াছিল । তাহার কথিত বিবরণ এইরূপ—“আমি আমার ভ্রাতার সহিত পাহাড়ের অন্তরালে লুকায়িত থাকিয়া যুদ্ধকার্য দেখিতেছিলাম এবং বিজয়ীদিগের সহিত যোগদানপূর্বক লুণ্ঠনদ্রব্যের অংশ গ্রহণ করিব, মনে করিয়াছিলাম । কিন্তু চঠাৎ দেখিতে পাইলাম যে, সুদূরবিস্তৃত জলদরাশি আমাদের দিকে অগ্রসর হইতেছে, এবং তৎসহ অশ্বের হেঁসারবে ও জয়চকার নিনাড়ে চতুর্দিক প্রতিধ্বনিত হইতে লাগিল । যৎকালে জলদরাশি অগগামী হইতেছিল, তৎকালে স্বর্গীয় দূতদলও বহির্গত হইয়াছিল এবং প্রধান স্বর্গীয়দূতের ভীষণ রব শ্রবণে আমার ভ্রাতা ভয়াকুলিত হইয়া সেই স্থানেই পঞ্চত্ব প্রাপ্ত হইয়াছিল, আমিও প্রায় তদবস্থাপন্নই হইয়াছিলাম ।”

স্বর্গীয় দূতের সাহায্যের বিষয় কোরাণ শরিফের ৮ম সূরায় (আনফাল সূরায়) বিশেষরূপে উক্ত হইয়াছে । তন্মধ্যে নিম্নে দুইটী আয়েতের মর্ম্মানুবাদ প্রদত্ত হইল—“হে মুসলমানগণ ! তোমরা তাহাদিগকে বধ কর নাই, খোদাতায়ালা তাহাদিগকে বধ করিয়াছেন । হে মহম্মদ ! তুমি তাহাদের চক্ষে ত বালুকাকণা নিক্ষেপ কর নাই, তখন বোধ হইতেছিল যে তুমিই তাহাদের প্রতি বালুকাকণা নিক্ষেপ করিতেছ, কিন্তু আল্লাহতাই তাহাদের প্রতি বালুকাকণা নিক্ষেপ করিয়াছিলেন ।”

“যখন তোমরা তোমাদের আল্লাতায়ালার নিকট সাহায্য প্রার্থনা

করিয়াছিলে, তখন তিনি তোমাদের প্রার্থনা গ্রহণ করিয়াছিলেন । নিশ্চয় আমি তোমাদিগকে সহস্র স্বর্গীয়দূতের দ্বারা সাহায্য করিয়াছি ।”

এই যুদ্ধে মসুউদের পুত্র আবুল্লা আবুজহলের উরুদেশে তরবারির আঘাত করায়, সে ভূতলে পতিত হয় ; তৎপরে আবুল্লা তাহাকে হত্যা করেন । * সে মৃত্যুকালে হজরত মহম্মদের প্রতি নানা তীব্রভাষা প্রয়োগ করিয়াছিল ।

খলদের পুত্র ওমাইয়াকে খাবিব নামক একজন আনসার হত্যা করিয়াছিলেন । এই যুদ্ধে কোরেশগণের ৭০ জন হত ও ৭০ জন বন্দীকৃত হইয়াছিল, অবশিষ্ট লোক পলায়ন করিয়াছিল । † মুসলমানগণের মধ্যে ৮ জন আনসার ও ৬ জন মহাজের, সর্বমুদে এই ১৪ জন লোক হত হন । বিস্তৃতি ভয়ে যুদ্ধের স্থল বিবরণ মাত্র লিখিত হইল ।

বদর যুদ্ধ সম্বন্ধে কোরাণ শরীফের আয়েত ।

সার উইলিয়ম মুয়র অগ্র-আক্রমণকারীদিগের এক জন প্রধান পক্ষপাতী, তিনি বলেন, “বদরের যুদ্ধে (হজরত) মহম্মদ (দঃ) স্বয়ংই

* এখানে হেশাম ৪৪৩ পৃঃ ; এখানে অল আসির ২য় খণ্ড, ২৬ পৃঃ । সার উইলিয়ম মুয়র বলেন,—আবু জহলের মস্তকটি কাটিয়া হজরতের নিকট আনিলে তিনি বলিয়াছিলেন যে, ইহা আরবের অত্যাৎকুষ্ট উদ্ভূত অপেক্ষা আমার নিকট গ্রহণীয় । কিন্তু একুপ বর্ণনা এখানে হেশাম, এখানে অল আসির, আবুলফেদা বা তাবারীতে দেখিতে পাওয়া যায় না, সুতরাং উহা সর্কিব অমূলক ।

† আবু জহল মক্কা হইতে বহির্গত হওয়ার সময়ে কাবার সম্মুখে দাঁড়াইয়া যে প্রার্থনা করিয়াছিল, তাহা কোরাণ শরীফের আনফল সূরার ৩২ আয়েতে এইরূপ ভাবে উক্ত হইয়াছে এবং যখন তাহার বলিল, “হে খোদাতায়ালা, যদি ইহা (কোরাণ) তোমার নিকট হইতে (আগত) সত্য হয়, তবে অমাদিগের উপর আকাশ হইতে প্রস্তর বর্ষণ কর অথবা অমাদিগের প্রতি দুঃখজনক শাস্তি উপস্থিত কর ।”

অগ্রগামী হইয়াছিলেন” (১)। তিনি আরও বলেন যে, আবুসোফিয়ান পরিচালিত ও সুরিয়া হইতে প্রত্যাগত স্থলবণিকদিগকে পথিমধ্যে আক্রমণ করিবার জন্য হজরত মহম্মদ (দং) মদিনা হইতে বহির্গত হইয়াছিলেন ; আবুসোফিয়ান বিপদ্ উপস্থিত দেখিয়া কোরেশদিগের নিকট সাহায্য চাহিয়া পাঠায়, এইরূপে বদরের যুদ্ধ সংঘটন হয়। আমরা নিম্নে এই যুদ্ধের উপরোক্ত কারণগুলির সম্পূর্ণ অলৌকতা প্রদর্শন করিব আর কোরাণ শরিফের আয়েতের দ্বারা দেখাইব যে, হজরত মহম্মদ (দং) স্থলবণিকদিগকে আক্রমণ করিবার জন্য কখনই মদিনা হইতে বহির্গত হন নাই। তিনি শত্রুদিগের আক্রমণে প্রতিবন্ধক দিবার জন্য মদিনা হইতে বহির্গত হইয়াছিলেন, ইহার বিষয় নিম্নে লিখিত হইতেছে :—

“এবং স্মরণ কর, যেরূপে তোমার প্রতিপালক তোমাকে সত্য প্রচারের জন্য স্বীয় আশ্রয় হইতে বাহির করিয়াছেন, এবং নিশ্চয়ই সত্যধর্মাবলম্বীদিগের এক দল তাহাতে অসন্তুষ্ট।” (কো ৮ম সূরা, ৫ আ)

“সত্য সম্বন্ধে তাহা প্রকাশিত হইবার পর, তাহারা তোমার সঙ্গে বিবাদ করিয়াছে, যেন তাহারা মৃত্যুর দিকে চালিত হইতেছে এবং তাহা তাহারা দেখিতে পাইতেছে।” (কো ৮ম সূরা, ৬আ)।

ইহাতে স্পষ্টই দেখা যাইতেছে যে, বদরের যুদ্ধকালে হজরত মদিনার বাহিরে আসাতে বিশ্বাসীদের এক দল অসন্তুষ্ট হইয়াছিলেন। যদি স্থলবণিকদিগকে লুণ্ঠন করা তাঁহাদের উদ্দেশ্য থাকিত, তাহা হইলে কখনই তাহারা অসন্তুষ্ট হইতেন না। ইহার প্রকৃত কারণ এই যে, বিশ্বাসীদের একদল মদিনার মধ্যে থাকিয়া আত্মরক্ষার্থ শত্রুদের সম্মুখীন হইবার জন্য হজরতের সহিত গোলযোগ করিয়া-
ছিলেন ; ইহাতে ইহাই প্রতিপন্ন হইতেছে যে, স্থলবণিকদিগকে লুণ্ঠন

(১) See Sir W. Muir's Life of Mohamet Vol. II 242, 243 Foot Note.

করা বিশ্বাসীদিগের ইচ্ছা ছিল না, আর কোরেশগণ যে স্থলবণিক্-দিগকে সাহায্য করিতে আসিয়াছিল, তাহাও ইহাতে অযথা বলিয়া প্রমাণিত হইল। কেবল হজরত মহম্মদ (দঃ) অগ্রগামী কোরেশ-দিগের আক্রমণ নিবারণার্থে বিশ্বাসিগণ সহ মদিনা হইতে বাহির হইয়াছিলেন।

“যখন তোমরা উপত্যকার নিকটবর্তী ছিলে ও তাহারা উপত্যকার দূরবর্তী ছিল, এবং স্থলবণিক্গণ তোমাদের নিম্নে ছিল, যদি তোমরা যুদ্ধের অঙ্গীকারে বদ্ধ হইতে, তবে নিশ্চয়ই তাহা সম্পন্ন করিতে অক্ষম হইতে; কিন্তু যে কার্য সম্পন্ন করিবার উপযুক্ত হয়, খোদাতায়ালা তাহা ত সম্পন্ন করেন।” (কো ৮ম সূরা, ৯৩ আ)

এই আয়েতে দেখা যাইতেছে যে, ঘটনাক্রমে মুসলমানগণ, কোরেশ সৈন্যগণ ও স্থলবণিক্গণ বদরের নিকট পরস্পর সম্মুখীন হইয়াছিল। ইহাতে প্রতিপন্ন হইতেছে যে, হজরত ইচ্ছা করিয়া স্থলবণিক্দিগকে লুণ্ঠন করিতে বাহির হইয়াছিলেন, ইহা সর্বৈব মিথ্যা। প্রকৃত কারণ এই যে, হজরত স্থলবণিক্দিগকে লুণ্ঠন বা কোরেশদিগের সহিত যুদ্ধার্থ বদরে আগমন করেন নাই। হজরত কেবল আত্মরক্ষার্থ শত্রুর অগ্রগামী আক্রমণ নিবারণার্থ শিবাগণ সহ মদিনা হইতে বাহির হইয়াছিলেন।

“এবং স্মরণ কর, যখন খোদাতায়ালা সেই দুই দলের এক দলকে তোমাদিগকে আক্রমণ করিতে অঙ্গীকার করিয়াছিলেন এবং তোমরা ইচ্ছা করিয়াছিলে যে, যাহাদের অস্ত্রশস্ত্র ও প্রতাপাদি নাই, তাহারা ই আমাদিগকে আক্রমণ করুক; কিন্তু খোদাতায়ালাই ইচ্ছা করিতেছিলেন যে, তিনি আপন উক্তিসমূহ দ্বারা সত্যকে প্রমাণিত করেন এবং ধর্ম-দ্রোহীদিগকে সমূলে ধ্বংস করেন।” (কো ৮ম সূরা, ৭ আ)

এই আয়েতে স্পষ্টই প্রতিপন্ন হইতেছে যে, ঘটনাক্রমে সকল দল পরস্পর সম্মুখীন হইয়া শিবির স্থাপন করিয়াছিল। সেই সময়ে সেই স্থানে মুসলমানেরা কোরেশদিগের সহিত যুদ্ধ না করিয়া স্থলবণিক্-দিগকে আক্রমণ করিতে ইচ্ছা করিয়াছিল। আমরা প্রমাণ দ্বারা প্রদর্শন করাইয়াছি যে, স্থলবণিক্দিগকে আক্রমণ করিবার ইচ্ছা তাঁহাদের পূর্বে ছিল না।

“কিন্তু যত্বপি তাহারা তোমার সঙ্গে প্রবঞ্চনার সহিত ব্যবহার করিতে ইচ্ছা করে, তাহা হইলে তাহারা পূর্বেই খোদাতায়ালার সহিত প্রবঞ্চনা-পূর্বক ব্যবহার করিয়াছে, তৎপরে তাহাদের উপর তোমাদের ক্ষমতা দেওয়া হইয়াছে।” (কো ৮ম সূরা, ৭২ আ)

এই আয়েতে স্পষ্ট প্রতিপন্ন হইতেছে যে, বদরের যুদ্ধে যে সকল লোক বন্দী হইয়াছিল, তাহারা বন্দী হইবার পূর্বে বিশ্বাসঘাতকতা করিয়াছিল এবং আরও দেখা বাইতেছে যে, তাহারা মদিনাস্থ মুসলমানদিগকে অগ্রে আক্রমণ করিবার জন্য মক্কা হইতে বহির্গত হইয়াছিল।

“যাহারা আপন প্রতিজ্ঞাভঙ্গ করিয়াছে, এবং ধর্ম-প্রচারককে নির্বাসন করিতে যত্নবান আছে এবং যাহারা তোমাদিগকে প্রথমে আক্রমণ করিয়াছে, তাহাদের সঙ্গে কি তোমরা যুদ্ধ করিবে না? তোমরা কি তাহাদিগকে ভয় করিতেছ?” (কো ৯ম সূরা, ১৩ আ)।

এতদ্ভিন্ন কোরাণ শরিফের ৩য় সূরার ১১, ১১৯ আয়েত; ৮ম সূরার ৫—২৯, ৩৯—৫২, ৬৬—৭২ আয়েত; ৪৭শ সূরার ৪, ১৫ আয়েতগুলিতে এই যুদ্ধের বিষয় বিস্তৃতভাবে আলোচিত হইয়াছে। বিস্তৃতি ভয়ে ঐ আয়েতগুলির অনুবাদ করিয়া দিলাম না।

বদরের যুদ্ধের বন্দীগণের অবস্থা ।

এই যুদ্ধে শত্রুপক্ষীয় ৭০ জন ব্যক্তি মুসলমানগণের নিকট বন্দী হইয়াছিল । তাহাদিগের মধ্যে ৩০ জন কোরেশ অতি সম্মানার্থে ও সুবিখ্যাত ছিলেন। এতলে তাহাদের কয়েকজনের নাম লিখিত হইল ;— আবুল মোত্তালেবের পুত্র আব্বাস, আবুতালেবের পুত্র ওকায়েল, রাবির পুত্র আবুল আস, ওমরের পুত্র আবু ওজায়ের, মগিরার পুত্র অলিদ, ওমায়েরের পুত্র রাহাব, ওমরের পুত্র সোহেল, মোয়েতের পুত্র আক্বা ও হারেসের পুত্র নজর ।

বন্দীগণ মুসলমানদিগের শিবিরে ক্রুত্থির ক্রায় অবস্থিতি করিতে লাগিল ।* এই সময়ে কোরেশগণের একজন দূত হজরত আবুবকরের নিকট আসিয়া বলিল, “আপনি হজরত মহম্মদকে বলিয়া অর্থ বিনিময়ে বন্দীগণকে মুক্ত করিয়া দেন, নচেৎ দেখুন, তাহারা আপনার ও হজরতের আত্মীয়, তাহাদের উপর অন্তায় ব্যবহার করিলে, আমাদের ও আপনাদের মনে বাস্তবিকই কষ্ট হইবে ।” হজরত আবুবকর বলিলেন, “আচ্ছা, আমি হজরতকে বলিয়া সকলকে মুক্ত করিয়া দিব ।” তৎপরে সেই দূত হজরত ওমরের নিকট গিয়া উপরোক্ত রূপে নিবেদন করিল । হজরত ওমর তাহা শ্রবণ করিয়া ক্রোধান্বিত হইয়া বলিলেন, “না, তাহাদিগকে হত্যা করিতে হইবে ।” ইতিমধ্যে হজরত আবুবকর, হজরত মহম্মদের নিকট গিয়া অর্থ-বিনিময়ে বন্দীগণের মুক্তির জন্ত নানা-রূপ সারগর্ভ কথা বলিতে লাগিলেন ; হজরত তাহার কথার কোন উত্তর দেন নাই । তিনি হজরতের নিকট হইতে উঠিয়া আসিলে হজরত ওমর হজরতের

* এখানে হেশাম ৪৪৫ পৃঃ ; সার উইলিয়ম মুহর বলেন যে, বন্দীগণ বন্দী মুক্ত হইলে বলিয়াছিল যে, মদিনাবাসিগণ তাহাদিগকে ছোড়ার চড়াইয়া নিজেরা পদতলে যাইতেন এবং তাহাদিগকে ঘবের কটি খাইতে দিয়া তাহারা সামান্ত খাদ্যে উদর পূর্ণ করিতেন ।

নিকট গিয়া বন্দীগণকে হত্যা করিবার জন্য অনুরোধ করিতে লাগিলেন । হজরত তাঁহার কথাও কোন উত্তর দেন নাই । এইরূপে হজরত আবুবকর ও হজরত ওমর ক্রমান্বয়ে তিনবার হজরতের নিকট গমন করেন ।

অবশেষে হজরত মহম্মদ সমুদয় শিষ্যকে আহ্বান করিয়া বলেন, “আবুবকর বন্দীগণের প্রতি মিকাইল, এব্রাহিম ও ইসার ঞায় দয়ালুবাবহার প্রদর্শন করিতেছেন ; আর ওমর বন্দীগণের প্রতি জেব্রিল, নূহ ও মুসার ঞায় কঠোর শাস্তি প্রদান করিতে অনুরোধ করিতেছেন । অতএব আমার ইচ্ছা যে, বন্দীগণকে অর্থবিনিময়ে ছাড়িয়া দেওয়া উচিত ।” শিষ্যগণ হজরতের অভিলাষ শ্রবণ করিয়া তাহা অনুমোদন করিলেন । তৎপরে হজরত সম্পত্তিশালী লোকদিগকে অর্থ-বিনিময়ে ছাড়িয়া দিলেন, আর আবুলবখতারি, জামা ও হারেস প্রভৃতি কতকগুলি দরিদ্র বন্দীকে বিনা অর্থে ছাড়িয়া দিলেন । দরিদ্র বন্দীদের মধ্যে যাহারা লিখিতে জানিত, তাহারা আন্সার ও মহাজেরদিগের পুত্রগুলিকে আরবীভাষার অক্ষরগুলি লিখিতে শিখাইয়া মুক্তিলাভ করিয়াছিল ।

হজরত আব্বাস বন্দী হইলে মুসলমানগণ তাঁহাকে নানারূপ ভৎসনা করিতে থাকে ; তাহা শুনিয়া তিনি বলেন, “আমি অনেক সংকার্য্য করিয়াছি ও কাবামন্দিরের স্থিতি রক্ষা করিয়াছি ।” তাহাতে এই আয়েত অবতীর্ণ হয়, “যাহারা আপন জীবনে ধর্ম্মদ্রোহিতার সাক্ষ্য প্রদান করিয়াছে, তাহারা কাফেরদিগের দলভুক্ত হইয়াছে, আর তাহার সমুদয় সংকার্য্য ব্যর্থ হইয়াছে, তাহারা নরকের চিরনিবাসী” (কোরান ৯ম সূরা) । হজরত আব্বাসের মুক্তির জন্য অর্থ চাহিলে, তিনি বলেন, “কোরেশগণ আমাকে বলপূর্ব্বক যুদ্ধক্ষেত্রে আনয়ন করিয়াছিল, আমি ত পূর্ব্ব কখন মুসলমানগণের বিপক্ষে শত্রুতাচরণ করি নাই ।” ইহা শুনিয়া হজরত বলেন, “বিধর্ম্মীদের সহিত যোগ দিয়া মুসলমানদিগের

প্রতি বিরুদ্ধাচরণ করিলে, সেও বিধর্মী দলভুক্ত হয়। অতএব আপনার মুক্তির জন্ত অর্থ আবশ্যিক।” তৎশ্রবণে তিনি বলিলেন, “আমার নিজের কিছুমাত্র অর্থ নাই, আমি কোথা হইতে অর্থ দিব?” তাহা শুনিয়া হজরত বলেন, “আপনি যুদ্ধে আসিবার পূর্বে আপনার স্ত্রী ওশ্মে-ফজলের নিকট ৫০০ মেন্কালা স্বর্ণ রাখিয়া অসিয়াছেন, তাহাই প্রদান করুন।” ইহা শুনিয়া আব্বাস মনে মনে বলিতে লাগিলেন যে, যখন আমি ওশ্মে-ফজলের নিকট ৫০০ মেন্কালা-স্বর্ণ দিই, তখন তাহা ত কেহই জানিবে পারে নাই; যখন হজরত তাহা জানিতে পারিয়াছেন, তখন ইনি বাস্তবিকই ধর্মপ্রচারক। অনন্তর তিনি সেই অর্থ দিয়া মুক্তিলাভ করেন এবং ইহার কিছুদিন পরে তিনি ইসলাম ধর্ম গ্রহণ করেন। হজরতের জামাতা আব্বাসের মুক্তির বিষয় পরে লিখিত হইবে। বন্দীগণের মুক্তির পর হজরতের নিকট কোরাণ শরিফের আনফাল সূরার ৬৭ আয়েত অবতীর্ণ হয়।

বদরের যুদ্ধের জয়লক্ষ দ্রব্যাদি বিভাগ ।

বদরের যুদ্ধক্ষেত্রে মুসলমানগণ তিন দলে বিভক্ত হইয়াছিলেন। প্রথম দল হজরতের আরিস নামক বাসগৃহের প্রহরিস্বরূপ নিযুক্ত ছিলেন, দ্বিতীয় দল শত্রুদিগের সহিত যুদ্ধে ব্যাপৃত ছিলেন, এবং তৃতীয় দল পলায়িত শত্রুদিগের অস্ত্রশস্ত্রাদি সংগ্রহে নিযুক্ত ছিলেন।

হজরত জয়লক্ষ দ্রব্যজাত বদরে সমাগত মুসলমানদিগের মধ্যে এবং ওসমান, সয়িদ ও তালহা নামক তিন জন মহাজের ও আবুলোলাবা

আদির পুত্র আসেম, হাতেবের পুত্র হারেস, জোবায়েরের পুত্র খোয়াৎ, সোমার পুত্র হারেস এই পাঁচ জন আনসার এবং যাহারা কোন কারণ বশতঃ যুদ্ধে যোগদান করিতে পারেন নাই, তাঁহাদিগকে ও যুদ্ধে হত মুসলমানদিগের উত্তরাধিকারিগণের মধ্যে সমান রূপে বিভাগ করিয়া দিতে বলিলেন । ইহা শুনিয়া ঐ তিন দলের মধ্যে মহাগোলযোগ উপস্থিত হইল । যাহারা যুদ্ধ কার্গো লিপ্ত ছিলেন, তাঁহারা বলিলেন যে, আমাদের বাহুবলেই জয়লাভ হইয়াছে ; অতএব জয়লব্ধ দ্রব্যগুলিই আমরাই প্রাপ্ত হইব । যাহারা পলায়িত শত্রুগণের দ্রব্যজাত সংগ্রহে রত ছিলেন, তাঁহারা বলিলেন যে, আমরাই সমুদয় দ্রব্যজাত সংগ্রহ করিয়াছি, অতএব ঐ সকল দ্রব্য আমাদেরই প্রাপ্য । আর যাহারা হজরতের প্রহরিস্বরূপ নিযুক্ত ছিলেন, তাঁহারা বলিলেন “তোমাদের সকলের অপেক্ষা আমরাই মহৎকার্য সম্পন্ন করিয়াছি, অতএব আমরা ঐ সকল দ্রব্য পুরস্কারস্বরূপ প্রাপ্ত হইব ।” কিন্তু হজরত সমুদয় গোলযোগের মীমাংসা করিয়া দিলেন এবং তাঁহার প্রস্তাবিত নিয়মানুসারে দ্রব্যগুলি বিভাগ করা হইল । কোরাণ শরিফে উক্ত হইয়াছে, “তাঁহারা জয়লব্ধ দ্রব্যগুলির বিষয়ে তোমাকে জিজ্ঞাসা করিয়া থাকে, (হে মহম্মদ) তুমি তাহাদিগকে বল, জয়লব্ধ দ্রব্যজাত খোদাতায়ালার ও তাঁহার ধর্মপ্রচারকের জন্ত, অতঃপর খোদাতায়ালাকে ভয় কর ও আপনাদের পরস্পরের মধ্যে সদ্ভাব স্থাপন কর এবং যত্বপি তোমরা বিশ্বাসী হইয়া থাক, তাহা হইলে খোদাতায়ালার ও তাঁহার ধর্মপ্রচারকের অনুগত হও” (কো আনফাল-সুরার ১ম আয়েত) । এতদ্ভিন্ন আরও কতকগুলি আয়েত অবতীর্ণ হইয়াছিল । শিষ্যগণ উপরোক্ত আয়েতটা শ্রবণ করিয়া সন্তুষ্ট হইয়া স্ব স্ব অংশ গ্রহণ করিলেন । হজরত স্বয়ং আবুজহলের উষ্ট্র ও মনতেবার জোলককার নামক তরবারিখানি প্রাপ্ত হন ; তিনি ঐ তরবারি খানি

তাহার জামাতা হজরত আলিকে প্রদান করেন । আকাসের পুত্র সায়াদ আসের পুত্র সায়াদের কতিফা নামক তরবারিখানি প্রাপ্ত হন ।

রাবির পুত্র আবলআসের মুক্তি ও জয়নাবের মদিনায় আগমন ।

রাবির পুত্র আবল আস হজরত মহম্মদের কন্যা জয়নাবকে বিবাহ করিয়াছিলেন । এই বিবাহকার্য্য বিবি খোদেজার জীবদ্দশায় সংঘটন হয় । আবলআস ঘোরপৌত্তলিক ছিলেন, তিনি ও তাহার পিতামাতা জয়নাবকে সর্বদা নানারূপ ক্লেশ দিতেন । এই বন্ধে তিনি হজরতের বিনাশসাধনার্থ আগমন করিয়াছিলেন । যখন বন্দীগণ অর্থ-বিনিময়ে মুক্তিলাভ করিতে-ছিল, তখন আবলআস বিবি জয়নাব প্রেরিত কণ্ঠমালা স্বীয় মুক্তির জন্ত হজরতের নিকট উপস্থিত করেন । ঐ কণ্ঠমালাখানি খোদেজা বিবি জয়নাবকে বিবাহকালে যৌতুকস্বরূপ দিয়াছিলেন । হজরত কণ্ঠমালা দেখিয়াই উহা খোদেজা বিবির প্রদত্ত বলিয়া জানিতে পারিলেন । তখন তিনি শিষাগণের নিকট আবলআসকে বিনা অর্থে মুক্ত করিয়া দিবার জন্ত অনুরোধ করিলেন ; হজরতের প্রস্তাবে সকলে স্বীকৃত হইলে, তিনি আবলআসকে বলেন, “তুমি এইরূপে প্রতিজ্ঞাবদ্ধ হও যে, মক্কার গিয়া জয়নাবকে পাঠাইয়া দিবে ।” আবলআস তাহাতে স্বীকৃত হইলে, হজরত তাহার সঙ্গে স্বীয় বিশ্বস্ত ভৃত্য জয়নাবকে মক্কার পাঠাইয়া দিলেন ।

মক্কার অধিবাসিগণ বদরের যুদ্ধে পরাজিত হওয়ায় হজরতের উপর তাহাদের ক্রোধাগ্নি বিগুণতর প্রজ্জ্বলিত হইল । তৎকালে জয়নাব নগর-

প্রাচীরের মধ্যে প্রবেশ না করিয়া তাহার বহির্ভাগে অবস্থিতি করিতে লাগিল। আবলআস গৃহে উপনীত হইয়া স্বীয় সহোদর কানানাকে বলেন, “তুমি জয়নাবকে সমভিব্যাহারে লইয়া নগরপ্রাচীরের বহির্ভাগে জয়দের নিকট দিয়া আইস।” কানানা ভ্রাতার আদেশানুযায়ী জয়নাবকে উষ্ট্রোপরি আরোহণ করাইয়া লইয়া চলিল। গমনকালে পথিমধ্যে কোরেশবংশীয় কতিপয় ব্যক্তি বিবি জয়নাবের মদিনায় গমন-সংবাদ শ্রবণ করিয়া কানানাকে নানাক্রম ভৎসনা করিতে লাগিল। এমন কি, আসোয়াদের পুত্র হাবার জয়নাবকে হত্যা করিবার জন্ত হাওদার মধ্যে তরবারি প্রবেশ করাইয়া দিয়াছিল; কিন্তু কানানা এই আসন্নমৃত্যুহস্ত হইতে জয়নাবকে রক্ষা করিয়াছিল। পরে আবতুল-কায়েসফেরির পুত্র নাফে কানানাকে হত্যা করিতে উদ্যত হইয়াছিল। এমন সময়ে আবুসোফিয়ান এই সকল গোলযোগ শ্রবণ করিয়া তথায় আসিয়া উপস্থিত হইল। বিবি জয়নাবকে প্রকাশ্যরূপে হজরত-মহম্মদের নিকট প্রেরিত হইতেছে শুনিয়া, সে কানানাকে তিরস্কার করিয়া বলিল, “এইরূপে দিবসে প্রকাশ্যভাবে জয়নাবকে মহম্মদের নিকট প্রেরণ করিলে আমাদের একতার অনেক লাঘব হইবে। অতএব এখন তুমি উহাকে আমার বাড়ীতে লইয়া চল, রজনীযোগে জয়দের নিকট দিয়া আসিও।” তদনুসারে সেই দিন রাত্রে কানানা জয়নাবকে জয়দের নিকট দিয়া আসিল। জয়দ তাঁহাকে লইয়া নির্বিঘ্নে মদিনায় উপনীত হইল। ইহার কিছুদিন পরে আবলআস সুরিয়ার বাণিজ্য কার্য হইতে প্রত্যাগমন করিয়া তাঁহার মক্কাহু মহাজনদিগের দেনা পরিশোধ করিয়া মুসলমান হইলেন; তৎপরে হজরত মহম্মদ বিবি জয়নাবকে আবল-আসের নিকট প্রেরণ করেন।

হজরত বদর হইতে সবাক্রমে মদিনায় প্রবেশকালে পথিমধ্যে দেখিতে

পাইলেন যে, তাঁহার কন্যা বিবি রোকেয়াকে কবর দিবার জন্য তাঁহার জামতা ওসমান ও ওসমানের ভ্রাতা জয়দ সমাধি ক্ষেত্রে লইয়া যাইতেছেন। কোরেশদিগের উৎপীড়নে প্রপীড়িত হইয়া ওসমান রোকেয়া খাতুনকে সঙ্গে লইয়া আবিসিনিয়ায় আশ্রয় গ্রহণ করিয়া ছিলেন। বহুদিবস নির্বাসনের পর মদিনায় প্রত্যাগমন করিয়াই তিনি পীড়িতা হন, সেই পীড়াতেই তিনি ইহলোক ত্যাগ করেন। তাঁহার অকাল মৃত্যুতে হজরত অতিশয় শোকাভিভূত হইয়াছিলেন। কিন্তু বিবি জয়নাবেকে প্রাপ্ত হইয়া তাঁহার সেই শোকের অনেক লাঘব হইয়াছিল।

বদর যুদ্ধে মুসলমানগণের বিজয়বার্তা শ্রবণ করিবার অবাবহিত পরে আবুলহব কালকবলে পতিত হয়। বদরের যুদ্ধের অনতিকাল পরেই খৃষ্টীয় গ্রীক সম্রাট, অগ্নি-উপাসক পারসিকদিগকে পরাজিত করিয়া তুরস্কের সিংহাসন অধিকার করেন।

সাভিকের যুদ্ধ ।

এদিকে আবুসোফিয়ান নিরাপদে মক্কায় উপস্থিত হইল এবং হজরতের বিজয়বার্তা শ্রবণে ক্ষোভে ও ক্রোধে ম্রিয়মাণ হইয়া মদিনা আক্রমণের উপায়-চিন্তা করিতে লাগিল। আবুসোফিয়ানের স্ত্রী হেন্দা নবী পিতা ও ভ্রাতার মৃত্যুতে শোকাকুলিতা হইয়া আবুসোফিয়ানের নিকট গিয়া হজরত হামজা ও হজরত আলির প্রাণ-নাশের জন্য উত্তেজিত করিতে লাগিল। তখন আবুসোফিয়ান এই বলিয়া প্রতিজ্ঞাবদ্ধ হইল, “আমি ষতদিন পর্য্যন্ত মদিনা লুণ্ঠন করিতে না পারিব, ততদিন পর্য্যন্ত কোনরূপ স্মৃতি-সেবা দ্রব্যাদি ব্যবহার করিব না।”

অনন্তর আবুসোফিয়ান ২০০ অশ্বারোহী সমভিব্যাহারে মদিনা আক্রমণ করিতে বহির্গত হইল। প্রথমে সে মদিনার নিকটস্থ বনি-নজর দলস্থ আখতারের পুত্র হাই নামক ইহুদীর গৃহে উপনীত হইয়া তাহাকে ডাকিল, কিন্তু হাই তাহার কথার কোন উত্তর দিল না এবং গৃহ হইতে বহির্গতও হইল না। তৎপরে সে মস্কামের পুত্র সালাম নামক ইহুদীর গৃহে আশ্রয় গ্রহণ করিয়া রাত্রি যাপন করে। পরদিন প্রাতে মদিনার ২৩ মাইল উত্তরপূর্ব কোণস্থ আনসারদিগের খর্জুর বৃক্ষাদি কর্তন করিতে আরম্ভ করে ও দুইজন কৃষিজীবী মুসলমানকে হত্যা করে।

হজরত এই সংবাদ প্রাপ্ত হইয়া আশ্রয় ও শিষাগণের রক্ষার্থ বহির্গত হন। আবুসোফিয়ান হজরতের আগমন-বার্তা শ্রবণ করিয়া আপনাদের খাণ্ডুদ্রবাদি ফেলিয়া পলায়ন করে। হজরত তথায় আসিয়া সেই সকল আহারীয় দ্রব্য প্রাপ্ত হইলেন। কিন্তু তাহাদের কাহাকেও দেখিতে পাইলেন না। তৎপরে তিনি মদিনায় প্রত্যাগমন করিলেন। কেহ কেহ বলেন যে, এই যুদ্ধটী ৩য় হিজরার প্রারম্ভেই সংঘটন হইয়াছিল। এই যুদ্ধে সাভিক অর্থাৎ ছাতুর বস্তা পাওয়া গিয়াছিল বলিয়া উপহাসচ্ছলে এই যুদ্ধকে সাভিকের যুদ্ধ বলে।

এই সময়ে আবুসোফিয়ানের উত্তেজনায় বনি গাফতান ও বনি সালাম দলস্থ ইহুদীগণ হজরতের বিপক্ষতাচরণ করিতে অগ্রসর হইয়াছিল।

বনি কিকার যুদ্ধ ।

পূর্বে বর্ণিত হইয়াছে যে, হজরত মহম্মদ প্রথমে মদিনায় উপনীত হইয়াই ইহুদীদিগের সহিত সন্ধি সংস্থাপন করিয়াছিলেন । এক্ষণে ইহুদীগণ সন্ধিভঙ্গ করিতে আরম্ভ করিল ।

একদিন একজন মুসলমান মহিলা কিকার বাজারস্থ একজন স্বর্ণকারের দোকানে একটা কাষ্ঠাসনের উপর বসিয়াছিল । সেখানে কিকা প্রভৃতি তিনটী ইহুদীসম্প্রদায়ের কতকগুলি যুবকও ছিল । তাহারা গুপ্তভাবে ঐ মহিলার পিরানের পশ্চাভাগস্থ কাপড় ছিড়িয়া ফেলে ; এইরূপ করিবার কারণ এই যে, সেই সময়ে আরবদেশীয় স্ত্রীলোকগণ একটা পিরানের দ্বারা সর্ব শরীর আবৃত করিয়া রাখিত, পিরানটির এক অংশ ছিড়িয়া তাহার শরীর অনাবৃত করাই তাহাদের অভিপ্রায় ছিল । বাহা হউক, স্ত্রীলোকটী তথা হইতে গমনোত্তম হইলেই পিরানটী বাতাসে উড়িয়া যাওয়ায় তাহার সর্ব শরীর উলঙ্গ হইয়া পড়ে । তাহা দেখিয়া যুবকগণ নানারূপ উপহাস করিতে লাগিল । তখন স্ত্রীলোকটি কিংকর্তব্যবিমূঢ় হইয়া লজ্জিতাবস্থায় দাঁড়াইয়া রহিল । সেই স্থানে একজন মুসলমান উপস্থিত ছিল । সে ইহাতে লজ্জিত হইয়া তাহাদের এক জনকে হত্যা করিল, কিন্তু তাহারা পরক্ষণেই তাহাকে হত্যা করিয়াছিল । এই সংবাদ শ্রবণ করিয়া নিকটস্থিত মুসলমানগণ দলে দলে তথায় আসিয়া উপনীত হইলে ইহুদীগণও বুদ্ধার্থ বহির্গত হইল । হজরত মহম্মদ এই ঘটনার সংবাদ পাইয়া বনি কিকাদলস্থ ইহুদীদিগকে বলেন যে, তোমরা পূর্বে আমার সহিত যে সন্ধি স্থাপন করিয়াছিলে, এক্ষণে তাহা ভঙ্গ করিবার কারণ কি ? অতএব পুনঃ সন্ধি স্থাপন কর । হজরতের কথা শুনিয়া তাহারা

বলিল, “আমরা ত আর কোরেশদিগের গ্ৰায় কাপুরুষ নহি যে, তোমার আঞ্জামুযায়ী চলিব । বিশেষতঃ তাহারা যুদ্ধ-বিদ্যায় তত পারদর্শী নহে বলিয়াই তুমি তাহাদিগকে বদরের যুদ্ধে পরাজিত করিয়াছ ; আমাদের সঙ্গে যুদ্ধ কর, নচেৎ তোমাকে দেশ হইতে বহিষ্কৃত করিয়া দিব ।”

এইরূপে নানারূপ ভৎসনা করিয়া তাহারা যুদ্ধের আয়োজন করিল । হজরত ও তাহাদের হস্ত হইতে রক্ষা পাইবার জন্ত শিষ্যগণ সমভিব্যাহারে বহির্গত হইলেন । তাহারা হজরতকে আসিতে দেখিয়া দুর্গ মধ্যে আশ্রয় গ্রহণ করিল । সেই সময়ে হজরত, আবুলোলাবাকে মদিনায় আপনার প্রতিনিধি পদে নিযুক্ত করিয়া যান । তাহারা ১৫ দিবস পর্য্যন্ত দুর্গে অবরুদ্ধ অবস্থায় থাকিয়া পরে হজরতের নিকট আত্মসমর্পণ করে ।

দুর্গ মধ্যে ৭০০ শত ইহুদী ছিল । খজরজ দলপতি আবতুল্লা-বেন-ওবাই-সোলুল তাহাদের প্রতিনিধির পদ গ্রহণ করিয়া হজরতের নিকট আগমন করিল । আবতুল্লা হজরতকে বলিল, “দুর্গস্থ ইহুদী-গণ তাহাদের অস্ত্রশস্ত্রাদি আপনার নিকট সমর্পণ করিতে ইচ্ছুক হইয়াছে, আপনি তাহাদিগকে ছাড়িয়া দিন ।” ইহা শুনিয়া সামেদের পুত্র আবাদা ইহুদীদিগকে নির্বাসিত করিতে বলেন । অবশেষে কোদামা-আস্লামর পুত্র মোনজের তাহাদিগকে বন্দী করেন । কিন্তু হজরত তাহাদিগকে বন্দী হইতে মুক্ত করিয়া দিয়াছিলেন । ইহাদের নিকট হইতে মুসলমানগণ তিন খানি তরবারি, ফেজ্জা ও সাগাদিয়া নামক দুইটা বর্ম এবং কতুম, রুহা ও বায়জা নামক তিনটা সড়কি প্রাপ্ত হন । উক্ত তিন খানি তরবারির মধ্যে একখানির নাম কলাই আর একখানির নাম হাতফ ।

হজরত কিকা যুদ্ধ হইতে মদিনায় প্রত্যাগমন করিলে ঈদল আজ্‌হার নামাজ পড়িতে আদিষ্ট হন ।

মারওয়ানের কন্যা আসমা ও আবু এফ্কের
গুপ্ত হত্যার বিষয় ।

আসমা, মারওয়ান নামক একজন ইহুদীর কন্যা । সে হজরতের বিরুদ্ধে নানা প্রকার বিক্রপাত্মক কবিতা লিখিয়া সর্বত্র প্রচার করিতে আরম্ভ করে ; এমন কি, ইসলামধর্মের প্রতি নানারূপ বাঙ্গোক্তি করিতে থাকে । আদির পুত্র ওমরের আসমার কবিতাগুলি শ্রবণ করিয়া অতিশয় ক্রোধান্বিত হইয়া উঠে । সে একদিন ইসলামধর্ম ও হজরতের প্রতি আসমার বাঙ্গোক্তি শ্রবণ করিয়া রজনীযোগে তাহার গৃহ মধ্যে প্রবেশ করিয়া নিদ্রিতাবস্থায় তাহাকে হত্যা করে । ওমরের অন্ধ ছিল । হজরত মহম্মদ এই হত্যার বিষয় পূর্বে কিছুমাত্র জানিতে পারেন নাই ।

আবু এফক্ নামক একজন ১২০ বৎসর বয়স্ক ইহুদী, হজরতের বিপক্ষে লোকদিগকে উত্তেজনা করিত বলিয়া ওমরের পুত্র সালাম তাহাকে হত্যা করে । হজরত এই হত্যার বিষয় বিন্দুমাত্র অবগত ছিলেন না ।

অষ্টম পরিচ্ছেদ ।

—o!*:o—

তৃতীয় হিজরীর ঘটনাবলী ।

কারকারাতোল কদর ও নেজদের যুদ্ধ ।

বনি সালাম ও বনি গাৎকান নামক দুইটী ইহুদী সম্প্রদায় মদিনার প্রান্তদেশে বাস করিত । এক্ষণে এই দুই সম্প্রদায় একত্রিত হইয়া মুসলমানগণের ধ্বংসের জন্ত মদিনা আক্রমণার্থে বহির্গত হইল । হজরত তাহাদের যুদ্ধ সজ্জার সংবাদ পাইয়া ২০০ শত শিষ্য সমভিব্যাহারে তাহাদের সম্মুখান হইবার জন্ত বহির্গত হন । তিনি পথিমধ্যে বতনে-ওরাদি নামক স্থানে কতকগুলি উষ্ট্র দেখিতে পাইয়া এসার নামক ইহুদীদিগের একজন ভৃত্যকে শত্রুদিগের অবস্থান ভূমির কথা জিজ্ঞাসা করেন । সে বলিল, “যেখানে জল আছে, সেইখানেই তাঁহারা আছেন ।” পরে হজরত তাহাদের অনুসন্ধান না পাইয়া মদিনায় প্রত্যাগমন করেন । ইহুদীগণ অতর্কিতভাবে মুসলমানদিগকে আক্রমণ করিবে মনস্থ করিয়াছিল, কিন্তু তাহা হইল না দেখিয়া তাহারা পলায়ন করিয়াছিল ।

নেজ্দ প্রদেশের মধ্যস্থিত জিয়ামর নামক স্থানবাসী বনি সালামা ও বনি মহারেব্ নামক ইহুদী সম্প্রদায়ের একত্রিত হইয়া হজরতের বিরুদ্ধে যুদ্ধযাত্রা করে । হজরত ইহার সংবাদ পাইয়া ওসমানকে মদিনায় আপনার প্রতিনিধি পদে নিযুক্ত করিয়া ৪০০ শিষ্য সমভিব্যাহারে বহির্গত হন । পথিমধ্যে হাব্বার নামক এক জন খৃষ্টধর্মাবলম্বী লোকের সহিত তাঁহার সাক্ষাৎ হয়, সে শত্রুগণের অবস্থানভূমি হজরতকে দেখাইয়া দিয়াছিল । হাব্বার পরে হজরতের নিকট ইসলামধর্মের নীতিসমূহ শ্রবণ

করিয়া ইসলামধর্মে দীক্ষিত হইয়াছিল। হজরত কিছুদূর গমন করিয়া দেখিতে পাইলেন যে, শত্রুগণ একটা পাহাড়ের উপর অবস্থিত করিতেছে। কিন্তু তিনি কখন কোন শত্রুকে অগ্রে আক্রমণ করিতেন না, তজ্জন্তু তথা হইতে চলিয়া যাইতে লাগিলেন। এমন সময়ে মুসলধারে বৃষ্টি হওয়াতে তাঁহার পরিধেয় বস্ত্রখানি ভিজিয়া গেল। তিনি শিবিরের অনতিদূরে একটা বৃক্ষতলে উপবেশন করিয়া বস্ত্রখানির এক প্রান্ত পরিধানপূর্বক অপর প্রান্ত বাতাসে শুষ্ক করিতেছিলেন, এমন সময়ে হঠাৎ নিদ্রাভিত্ত হইয়া পড়েন। তখন বিপক্ষ সৈন্যদিগের মধ্য হইতে একজন হজরতকে রক্ষকশূণ্য নিদ্রিতাবস্থায় দেখিতে পাইয়া স্বীয় সহচরগণের নিকট গিয়া বলিল, “হজরতকে হত্যা করিবার এই উপযুক্ত সময়, তিনি অমুক বৃক্ষতলে একাকী নিদ্রা যাইতেছেন।” ইহা শুনিয়া বিপক্ষ সৈন্যগণের মধ্য হইতে মহাবলশালী গুরাস উন্মুক্ত তরবারি হস্তে তাঁহাকে হত্যা করিতে আসিল। হজরত জাগরিত হইয়া দেখেন যে, বিপক্ষ গুরাস উন্মুক্ত তরবারি হস্তে তাঁহার বক্ষোপরি দণ্ডায়মান, সে হজরতকে জাগরিত দেখিয়া চীৎকার করিয়া বলিল, “হে মহম্মদ! এক্ষণে কে তোমাকে রক্ষা করে?” তিনি বলিলেন, “আল্লাহতালা।” ইহা শুনিয়া সৈনিক পুরুষের অন্তর বিগলিত হইয়া গেল এবং তাহার হস্ত হইতে তরবারিখানি ভূতলে পতিত হইল। তখন হজরত অবিলম্বে সেই তরবারি খানি গ্রহণ করিয়া বলিলেন, “হে সৈনিক পুরুষ! এক্ষণে কে তোমাকে রক্ষা করে?” সে বলিল, “হায়, কেহই নয়।” তখন হজরত তাহাকে তরবারি খানি প্রত্যর্পণ করিয়া বলিলেন, “তবে আমার নিকট দয়ালুব্যবহার শিক্ষা কর।” সেই সময়ে হজরত ইসলামধর্মের কয়েকটা নীতি তাহাকে বুঝাইয়া দিলে সে হজরতকে প্রকৃত ধর্মপ্রচারক বলিয়া স্বীকার করিল ও মুসলমান হইল।

কথিত আছে যে, যে সময়ে গুরাস হজরতকে আঘাত করিতে যাইতেছিল, সেই সময়ে জেব্রিল তাহার বক্ষঃস্থলে আঘাত করাতে তাহার হস্ত হইতে তরবারি খানি ভূতলে পতিত হয়। বিপক্ষ সৈন্যগণ দূর হইতে গুরাসকে মুসলমান হইতে দেখিয়া ভীত হইল এবং তথা হইতে পলায়ন করিল। হজরত মহম্মদ ১৫ দিন পরে তথা হইতে দিনায় প্রত্যাবর্তন করেন।

আশরাফের পুত্র কায়াবের গুপ্ত হত্যার বিষয়।

ক্ষমতাশালী বনি নজরদলস্থ ইহুদী আশরাফের পুত্র কায়াব বদরের যুদ্ধে মক্কাবাসীদিগের পরাজয়বর্তী শ্রবণ করিয়া অতিশয় ঈর্ষান্বিত হইয়াছিল। সে অচিরকাল মধ্যে মক্কায় গমন করিয়া কোরেশদিগকে মুসলমানদিগের বিরুদ্ধাচরণ করিতে উৎসাহ দিতে লাগিল। তৎপরে সে মদিনায় প্রত্যাবর্তনপূর্বক প্রকাশ্যরূপে হজরতের বিপক্ষতাচরণ করিতে আরম্ভ করিল এবং পূর্বে তাহাদের সহিত হজরতের যে সন্ধি স্থাপিত হইয়াছিল, এখন বিশ্বাসঘাতকতাপূর্বক তাহা ভঙ্গ করিল। তাহার শত্রুতায় মুসলমানগণ অস্থির হইয়া উঠিলেন। অবশেষে মোসলেমার পুত্র মহম্মদ একদিন গুপ্তভাবে তাহাকে হত্যা করেন। কায়াবের হত্যার বিষয় হজরত কিছুই জানিতেন না।

ওসমানের সহিত হজরত মহম্মদের কন্যা

ওন্সেকুলস্বমের বিবাহ।

হজরতের কন্যা রোকেয়া খাতুনের সহিত ওসমানের প্রথম বিবাহ হইয়াছিল, রোকেয়ার মৃত্যুতে ওসমান অতিশয় শোকার্ত হইয়াছিলেন।

তাঁহার শোকাপনোদন মানসে হজরত মহম্মদ স্বীয় কন্যা ওম্মে কুলসুমের সহিত তাঁহার বিবাহ দেন ।

হজরত ওমরের কন্যা হাফজার সহিত হজরত মহম্মদের বিবাহ ।

হজরত ওমরের কন্যা বিবি হাফজা ১৮ বৎসর বয়ঃক্রম কালে বিধবা হন । হোবায়েসের পুত্র হোজাইফার সহিত প্রথমে তাঁহার বিবাহ হয়, হোজাইফা বদরের যুদ্ধে মৃত্যুগ্রাসে পতিত হইয়াছিলেন ।

হজরত ওমর, ওসমানের সহিত বিবি হাফজার বিবাহ দিবার জন্য অনেক চেষ্টা করিয়াছিলেন, কিন্তু হাফজা বিবি উদ্ধতস্বভাবা বলিয়া ওসমান তাঁহাকে বিবাহ করিতে স্বীকৃত হন নাই । পরে তিনি হজরত আবুবকরকে বিবাহ করিতে বলেন, হজরত আবুবকরও বিবি হাফজার উগ্র স্বভাবের বিষয় অবগত হইয়া বিবাহ করিতে অস্বীকৃত হইলেন । তখন হজরত ওমর আপনাকে ও আপনার কন্যাকে অবমাননা করা হইল, মনে করিয়া ভাবিতে লাগিলেন, “আমার কন্যা কি চিরকাল বৈধব্যাবস্থায় থাকিবে ? তাহা কখনই হইবে না, অতএব ইহার কোন প্রতিকার করা উচিত ” . তৎপরে তিনি হজরতের নিকট গিয়া সমুদয় বর্ণনা করিলেন । হজরত আঘোপান্ত সমুদয় শ্রবণ করিয়া হজরত ওমরকে প্রবোধ দিয়া বলিলেন, “ওমর ! দুঃখ করিও না, তোমার কন্যাকে আমি বিবাহ করিব ।” তখন হজরত ওমর সন্তুষ্ট হইয়া গৃহে চলিয়া গেলেন । এই বৎসর সাবান মাসে হজরত মহম্মদ বিবি হাফজাকে বিবাহ করেন । হিজরীর পঞ্চচত্বারিংশৎ অর্কে বিবি হাফজার মৃত্যু হয়,

বকি নামক সমাধি ক্ষেত্রে তাঁহার শব সমাহিত হইয়াছিল । বিবি হাফজা অতিশয় ধর্মপরায়ণা স্ত্রীলোক ছিলেন । তিনি রোজা, নামাজ প্রভৃতি ধর্মকার্যগুলি মনোযোগের সহিত সম্পন্ন করিতেন ।

খোজায়মার কন্যা জয়নাবের সহিত হজরত মহম্মদের বিবাহ ।

হারেসের পুত্র ওবেদা, খোজায়মার কন্যা জয়নাবকে বিবাহ করিয়া-
ছিলেন, বদরের যুদ্ধে ওবেদার মৃত্যু হয় । ওবেদার মৃত্যুর পর জয়নাবের
আত্মীয়স্বজনগণ তাঁহাকে গ্রহণ কিম্বা ভরণ পোষণ করিতে স্বীকৃত
হয় নাই । হজরত মহম্মদ জয়নাবকে নিঃসহায়া ও অনাথিনী দেখিয়া
বিবাহ করেন । এই বিবাহ কার্য রমজান মাসে সংঘটন হইয়াছিল ।
বিবাহের ২৩ মাসে পরে বিবি জয়নাব ইহ সংসার ত্যাগ করেন ।

হজরত হাসানের জন্ম ।

এই বৎসরের ১৫ই রমজান তারিখে হজরত আলির পুত্র এমাম হাসান
ভূমিষ্ঠ হন । হজরত মহম্মদ দৌহিত্র হইয়াছে, সংবাদ পাইয়া তৎক্ষণাৎ
হজরত আলির গৃহে গমন করিলেন । তথায় উপনীত হইয়া বিবি
ফাতেমার নিকট হইতে নবপ্রসূত বালকটাকে কোড়ে লইয়া আশীর্বাদ
করিতে লাগিলেন ।

নবকুমারের জন্মের সপ্তম দিবসে হজরত মহম্মদ শিশুটির মস্তকের
চুল কাঁটিয়া ফেলিলেন এবং সেই চুলের পরিমাণ স্বর্ণ দরিদ্রদিগকে দান
করিলেন এবং নবকুমারের “হাসান” নাম রাখিলেন ।

ওহাদের যুদ্ধ ।

বদরের যুদ্ধের সময় আবুসোফিয়ান সুরিয়া হইতে ১০০০ উষ্ট্রে বোঝাই করিয়া পণ্যদ্রব্যাদি আনয়ন করিয়াছিল। সেই সকল পণ্যদ্রব্যের মধ্যে মক্কাবাসী কোরেশদিগেরও দ্রব্যাদি ছিল। আবুসোফিয়ান মক্কার নিকটস্থ দারন্নদাওয়া নামক স্থানে উপনীত হইয়া উষ্ট্রোপরি হইতে সমুদয় পণ্যদ্রব্য নামাইল এবং মনে মনে বিবেচনা করিতে লাগিল, “এই পণ্যদ্রব্যের অধিকাংশ অধিকারী বদরের যুদ্ধে গমন করিয়াছে, তাহারা তথা হইতে প্রত্যাগত না হইলে এই সকল পণ্যদ্রব্য বিভাগ করা হইবে না, অতএব আপাততঃ এই সকল দ্রব্য ব্যবসারে নিয়োজিত করা উচিত।” এই বিবেচনার সে পণ্যদ্রব্যগুলি ব্যবসারে নিয়োজিত করিল। অনন্তর কোরেশগণ বদর হইতে মক্কার প্রত্যাগমন করিলে, আবুসোফিয়ান দেখিতে পাইল যে, সুরিয়া হইতে আনীত পণ্যদ্রব্যগুলি ব্যবসারে নিয়োজিত করাতে ৫০০০ মেস্কাল স্বর্ণ লাভ হইয়াছে। তখন সে সমবেত কোরেশদিগকে বলিল, “এই যে ৫০০০ মেস্কাল স্বর্ণলাভ হইয়াছে, ইহা দ্বারা সৈন্ত সংগ্রহ করিয়া মহম্মদকে আক্রমণ করা যাউক ; কেননা ঐ অর্থগুলি আমাদের পরিশ্রমলব্ধ নহে, উহা নিষ্ফলে ব্যয়িত হইলেও আমাদের কোন কষ্ট হইবে না।” ইহা শুনিয়া আসাদ, আবদল ওজ্জার পুত্র হোরায়তাব, ওমাইয়ার পুত্র সফওয়ান, আবুজহলের পুত্র আকরামা প্রভৃতি কোরেশদিগের প্রধান প্রধান লোকগুলি আবুসোফিয়ানের প্রস্তাবে অনুমোদন করিল। তৎপরে তাহারা আসের পুত্র ওমর, ওহাবের পুত্র হোবায়রা, জাহেরির পুত্র আবছল্লা ও আবুওজ্জা এই চারিজন প্রসিদ্ধ বক্তাকে আরবের নানাস্থানে সৈন্তসংগ্রহার্থ প্রেরণ করিল। ঐ চারিজনের মধ্যে আবুওজ্জা বদরের যুদ্ধে মুসলমানগণের

নিকট বন্দী হইয়াছিল ; সে আর কখন মুসলমানদিগের বিরুদ্ধাচরণ করিবে না বলায়, হজরত মহম্মদ তাহাকে বিনা অর্থে বন্দী হইতে মুক্ত করিয়া দিয়াছিলেন ।

সেই সভায় কোরেশগণ বলিল, “আমরা স্ব স্ব স্ত্রী সমভিব্যাহারে যুদ্ধক্ষেত্রে গমন করিব, তাহা হইলে তাহারা আমাদিগকে যুদ্ধে উত্তেজিত করিয়া দিতে পারিবে । আর যাহাদের স্বামী ও আত্মীয়গণ বদরের যুদ্ধে হত হইয়াছে, তাহারাও আমাদের সঙ্গে যুদ্ধক্ষেত্রে গমন করিয়া তাহাদের আত্মীয়গণের প্রতিশোধ লইবার জন্ত আমাদিগকে উৎসাহিত করিতে পারিবে ।” মোতামের পুত্র জসব এই প্রস্তাবে অনুমোদন করিল না । সফওয়ান বলিল, “যুদ্ধক্ষেত্রে স্ত্রীলোক সঙ্গে লইয়া যাওয়া আবশ্যিক ।” আবুজহলের পুত্র আকরামা ও আসের পুত্র ওমর, সফওয়ানের প্রস্তাবে অনুমোদন করিল । আবুসোফিয়ান ও অন্ত এক ব্যক্তি তাহাদের প্রস্তাবের প্রতিবাদ করিয়া বলিল, “যদি আমরা যুদ্ধে পরাজিত হই, তাহা হইলে স্ব স্ব প্রাণ লইয়া পলায়ন করিব, না স্ত্রীলোকদিগের রক্ষণাবেক্ষণ করিব ?” আবুসোফিয়ানের স্ত্রী অতবার কণ্ঠা হেন্দা যুদ্ধক্ষেত্রে যাইবার জন্ত অধিকতর আগ্রহ প্রকাশ করিতে লাগিল । অবশেষে স্ত্রীলোকগণকে সমভিব্যাহারে লইয়া যাওয়ার প্রস্তাব সর্ববাদি-সম্মতরূপে গৃহীত হইল । সাহাদের পুত্র ওমায়মা হেন্দাকে লইয়া যাইবার জন্ত প্রস্তুত হইল । আকরামা, ওমর, হারেস, তালহা প্রভৃতি কয়েকজন লোক নিজ নিজ স্ত্রীকে লইয়া যাইবার জন্ত প্রস্তুত হইতে লাগিল । আবু আমের নামক একজন খৃষ্টধর্মাবলম্বী ৫০ জন সহচর সমভিব্যাহারে লইয়া কোরেশদিগের সহিত যোগদান করিল । আবুআমের শেষধর্মপ্রচারকের বিষয় পূর্বে অবগত ছিল, কিন্তু সে হজরতকে শেষধর্মপ্রচারক বলিয়া স্বীকার করে নাই, তজ্জন্তই তাঁহার সহিত যুদ্ধ করিতে বহির্গত হইয়াছিল ।

কোরেশগণ সর্বশুদ্ধ ৩০০০ সৈন্য সংগ্রহ করিল। তাহাদের মধ্যে ৭০০ বর্মাবৃত ও ২০০ অশ্বারোহী সৈন্য ছিল। এতদ্ভিন্ন ২০০০ উষ্ট্র ও ১৫টা হওদাও তাহাদের সমভিব্যাহারে ছিল। এই যুদ্ধে কোরেশবংশীয় সকলেই যোগদান করিয়াছিল। আকরামা ও অলিদের পুত্র খালেদ সৈন্যপতা পদ গ্রহণ করিয়া বহির্গত হইল আর আবদুদ দারবংশীয় প্রধান প্রধান পুরুষগণ অগ্রে অগ্রে পতাকা উড়াইয়া যাইতে লাগিল। পতাকাবাহীদের পশ্চাদ্ভাগে প্রতিহিংসাপরায়াণী হেন্দা পঞ্চদশ জন স্ত্রীলোক সঙ্গে লইয়া গমন করিতে লাগিল। ঐ স্ত্রীলোকগণের আত্মীয়-গণ বদরের যুদ্ধে নিহত হইয়াছিল। তাহারা সেই শোকে অধীর হইয়া প্রতিহিংসা উদ্দীপক সঙ্গীতে আকাশমণ্ডল বিকম্পিত করিয়া সৈন্য-দিগের উৎসাহ বর্দ্ধন করিতে লাগিল। তাহাদের যুদ্ধসঙ্গীত এইরূপ—

“হে আবদুদ দারের সন্তানগণ! সাহসের সহিত অগ্রসর হও; হে স্ত্রীলোকগণের রক্ষক! তোমাদের সুতীক্ষ্ণ করবালের দ্বারা শত্রুদিগকে আঘাত কর ও তাহাদের সম্মুখীন হও। যুদ্ধে শত্রুদিগকে বিনাশ করিতে পারিলে আমরা তোমাদিগকে স্বকোমল বাহুলতা বেষ্টনে আলিঙ্গন করিব; যদিও যুদ্ধক্ষেত্র হইতে পলায়ন কর, তাহা হইলে আমরা তোমাদিগকে অবজ্ঞার সহিত উপেক্ষা করিব” ইত্যাদি।*

তৎপরে তাহারা জোলহালিফা নামক স্থানে ৩ দিন অবস্থান করিয়া তথা হইতে গমন করিতে লাগিল। তাহারা আবওয়া নামক স্থানে হজরত মহম্মদের জননী আমেনা বিবির সমাধিক্ষেত্রে উপনীত হইলে হেন্দা ও অন্যান্য কোরেশগণ সমাধি মধ্য হইতে আমেনা বিবির অস্থি বাহির করিবার প্রস্তাব করিল এবং বলিল, “যদি আমরা যুদ্ধে বন্দী হই, তাহা হইলে আমেনা বিবির অস্থি-বিনিময়ে মুক্তি লাভ করিব, আর যদি বন্দী

* এখানে অল আসির ২য় খণ্ড ১১৮ পৃঃ ।

না হই, তাহা হইলে মহম্মদ ইহাতে আমাদের অদম্য সাহসিকতার পরিচয় পাইবে ।” কিন্তু আবু সোফিয়ান বলিল, “যদি আমরা যুদ্ধে জয়ী না হই, তাহা হইলে মক্কা নগরস্থ ইসলামধর্মাবলম্বী বনু বকর ও বনু খোজায়া দলদ্বয় আমাদের আত্মীয়গণের অস্থি সমাধি মধ্য হইতে বহির্গত করিবে । অতএব আমেনা বিবির অস্থি সমাধি মধ্য হইতে বাহির করিবার আবশ্যক নাই ।” অনন্তর তাহারা তথা হইতে মদিনাভিমুখে যাত্রা করিল ।

এই সময়ে আব্বাস মক্কার অবস্থিতি করিতেছিলেন । তিনি কোরেশদিগের যুদ্ধ-সজ্জা দর্শন করিয়া বনি গফ্ফার দলস্থ এক জন দ্রুতগামী লোককে মদিনায় হজরতের নিকট পাঠাইয়া দিলেন । সে ব্যক্তি ৩ দিনের মধ্যে মদিনার অনতিদূরস্থ কোবা নামক স্থানে গিয়া হজরতের সহিত সাক্ষাৎ করিল এবং কোরেশদিগের যুদ্ধ-সজ্জার বিষয় তাহার নিকট বর্ণনা করিল । হজরত সেই দিন রাবির পুত্র সায়াদের গৃহে অবস্থিতি করিতেছিলেন । তিনি ঐ দূতকে কোরেশদিগের যুদ্ধসজ্জার বিষয় কাহারও নিকট প্রকাশ করিতে নিষেধ করিয়াছিলেন । রজনী সমাগম হইলে হজরত সায়াদকে নির্জ্জনে লইয়া গিয়া কোরেশদিগের যুদ্ধ-সজ্জার বিষয় বলিলেন এবং তাহা কাহারও নিকট প্রকাশ করিতে নিষেধ করিলেন । পরদিন তিনি সায়াদকে সঙ্গে লইয়া মদিনায় যাত্রা করেন । সায়াদের স্ত্রী সেই রাত্রে গুপ্তভাবে তাহার স্বামীর সহিত হজরতের যে কথোপকথন হইয়াছিল, তাহা শুনিয়াছিল । সে পরদিন তাহা সকলের নিকট প্রকাশ করিয়া দিল ।

হজরতের শত্রুগণ কোরেশদিগের আগমন সংবাদ শ্রবণ করিয়া উল্লাসিত হইয়া উঠিল । মদিনার ইহুদীগণ মক্কা নগরস্থ দূতকে দর্শন করিয়া পরস্পর বলিতে লাগিল, “এই ব্যক্তি অবশ্যই মক্কা হইতে কোন

সংবাদ আনিয়াছে ।” অবশেষে তাহারা কোবাহু হজরতের শত্রুগণের নিকট হইতে সংবাদ পাইল যে, কোরেশগণ মদিনা আক্রমণ করিতে আসিতেছে ; ইহা শুনিয়া তাহারা আনন্দে নৃত্য করিতে লাগিল । এই সকল দেখিয়া হজরত মহাভাবিত হইলেন ও শিষ্যগণকে আহ্বান করিয়া অদম্য শত্রুর হস্ত হইতে রক্ষা পাইবার উপায় উদ্ভাবন করিতে বলিলেন ।

বৃহস্পতিবারের রাতে হজরত শিষ্যগণকে আহ্বান করিয়া আসন্ন-বিপদের বিষয় জানাইলেন । সেই রাতে তিনি আবাদার পুত্র সায়াদ ও হোজায়েরের পুত্র ওসায়দ প্রভৃতি কতকগুলি প্রধান প্রধান শিষ্যকে আপনার ও মুসলমানগণের প্রহরিকার্যে নিযুক্ত করিলেন । হজরত সমবেত মুসলমানদিগকে বলিলেন, “আমরা অল্পসংখ্যক লোক, অধিক সংখ্যক শত্রুর সহিত প্রকাশ্য যুদ্ধক্ষেত্রে গিয়া যুদ্ধ করিতে কোন-ক্রমেই সক্ষম হইব না, অতএব নগর-প্রাচীরের মধ্যে থাকিয়া আমাদের যুদ্ধ করা উচিত । প্রায় অধিকাংশ শিষ্যই হজরতের প্রস্তাবে অনুমোদন করিলেন । আবদল্লা-বেন-ওবাই-সোলুল নামক একজন ইহুদী বলিল, “আমাদের মদিনা নগর কেহ কখন আক্রমণ করিয়া জয় করিতে পারে নাই অতএব দুর্গমধ্যে শিশুসন্তানগুলিকে রাখিয়া আমরা নগর মধ্যে থাকিয়াই শত্রুদিগের সহিত যুদ্ধ করিব ।” কিন্তু বদরের যুদ্ধে যে সকল মুসলমান যোগদান করিতে পারেন নাই, এক্ষণে তাহারা নগর-প্রাকারের বাহিরে যাইয়া যুদ্ধ করিবেন, বলিতে লাগিলেন । হজরত হামজা, সায়াদ, সালেবের পুত্র নওয়ান এবং আউস ও খজরজদলহু লোকগণ বলিতে লাগিলেন, “যত্বেপি আমরা মদিনার মধ্যে থাকিয়া যুদ্ধ করি, তাহা হইলে শত্রুগণ আমাদের উপহাস করিবে, অতএব প্রকাশ্য যুদ্ধক্ষেত্রে গিয়া যুদ্ধ করিব ।” তখন হজরত হামজা প্রতিজ্ঞা করিয়া বলিলেন, “যতদিন কোরেশদিগের সহিত প্রকাশ্য ভাবে যুদ্ধ করিতে না পারিব, ততদিন পর্য্যন্ত

রোজা (উপবাস) খুলিব না ।” মালেক ও নওমান বলিলেন, “আমরা প্রতিজ্ঞা করিতেছি যে, প্রাণপণে যুদ্ধ করিব, কখনই তাহা হইতে পরাভূত হইব না ।” তৎপরে হজরত আবুবকর, হজরত ওমর, মাযাজের পুত্র সায়াদ এবং হোজায়েরের পুত্র ওসায়াদ হজরতকে বলিলেন, ‘আপনি যেখানে ইচ্ছা, সেইখানে থাকিয়া শত্রুদিগের সম্মুখীন হইতে পারেন, তাহাতে আমাদের কোন আপত্তি নাই ।’ তৎপরে বাহিরে গিয়া যুদ্ধ করাই স্থির হইল । পরদিন সকলে জুম্মার নামাজ পড়িলেন ; নামাজ পড়া শেষ হইলে হজরত একটা সারগর্ভ ও উপদেশপূর্ণ খোত্বা পড়িলেন । শেষে তিনি শিষ্যদিগকে বলিলেন, “যাহারা কর্তব্যকার্য-পরায়ণ, তাহাদেরই জয় হইবে ।”

এক্ষণে সমস্ত মুসলমান একত্রিত হইল, কেবল শিওসস্তান-গুলি ইহাতে যোগদান করে নাই । এই সকল মুসলমানের মধ্যে ১০০ বর্ষাবৃত সৈন্য ছিল এবং হজরত মহম্মদ ও আবুবরদা এই দুই জনের কেবল দুইটা অশ্ব ছিল । কিন্তু যখন হজরত বলিলেন, “ইহুদীগণ আমার ধর্ম-গ্রহণ না করিলে আমি তাহাদের সাহায্য গ্রহণ করিব না ।” তখন আবদুল্লা বেন-ওবাই-সোলুল ইসলামধর্ম গ্রহণ করিতে স্বীকৃত না হওয়ায় হজরত তাহাকে যুদ্ধে যোগদান করিতে নিষেধ করিলেন, সেও তখন ৩০০ সৈন্য সমভিব্যাহারে স্বীয় আবাসস্থানে চলিয়া গেল । অপর দুই দল সৈন্য আবদুল্লার পরামর্শে হজরতের সঙ্গ ত্যাগ করিতে ইচ্ছা করিয়াছিল, কিন্তু তাহাদের দলপতি তাহাদিগকে হজরতের সঙ্গ ত্যাগ করিতে দেন নাই । কোরাণ শরিফে উক্ত হইয়াছে, “স্মরণ কর, যখন তোমাদের দুই দল ভীকতা প্রকাশে চেষ্টা করিয়াছিল এবং খোদাতায়ালা তাহাদের সহায় ছিলেন ; সত্যধর্মাবলম্বীদিগের উচিত যে, খোদাতায়ালা উপর নির্ভর করে” (কো ৩য় সূরা) । এখন হজরত কেবল ৭০০ সৈন্য লইয়া

মদিনার এক মাইল দূরস্থ ওহোদের পাহাড়োপরি আশ্রয় গ্রহণ করিতে বহির্গত হইলেন ।

সৈন্যদিগের গমন কালে হজরত মহম্মদ তিনটি পতাকা প্রস্তুত করিলেন, একটি পতাকা আউসদলস্থ আবাদার পুত্র সায়াদের হস্তে, একটি খজরজ-দলস্থ মনজেরের পুত্র হাবাের হস্তে দিলেন এবং একটি পতাকা হজরত আলি গ্রহণ করিলেন । এই সময়ে হজরত মহম্মদ ওশ্মেক্তুয়ের পুত্র আবদুল্লাকে মদিনার আপনার প্রতিনিধি পদে নিযুক্ত করিয়া যান ।

হজরত শিষাগণ সমভিব্যাহারে ৩য় হিজরীর ৭ই শওয়াল শনিবারে ওহোদে উপস্থিত হইলেন । জোফ্‌য়ান্, আবুসবা ও এবনে কায়েস এই তিন জন শিষ্য হজরতের প্রহরীর কার্যে নিযুক্ত হন । হজরত শিষাগণকে ওহোদের পর্বত পশ্চাতে রাখিয়া মদিনা সম্মুখ করিয়া দণ্ডায়মান হইতে বলিলেন । সৈন্যগণের দক্ষিণপার্শ্বস্থ আরনামেন পাহাড়ে একটি সঙ্কীর্ণ পথ ছিল, তাহা রক্ষা করিবার জন্ত হজরত মহম্মদ জোবায়েরের পুত্র আবদুল্লাকে ৫০ জন ধনুর্ধারী সৈন্য সঙ্গে দিয়া তথায় স্থাপন করিলেন এবং তাহাদিগকে বলিয়া দিলেন যে, “আমাদের জয় হউক বা পরাজয় হউক, তোমরা এই স্থান ত্যাগ করিও না” । শিবিরের পর্যবেক্ষণ ভার মাহাসান-আসাদির পুত্র ওকাসার হস্তে অর্পণ করিলেন । সৈন্যদিগের বামদিকের ভার আবদল আসাদ মখ্জমির পুত্র আবুসলামার হস্তে অর্পণ করেন । অলজারার পুত্র আবুওবেদা, আবিআক্কাসের পুত্র সায়াদ সৈন্যদিগের সম্মুখ-ভাগে দণ্ডায়মান হইলেন । কোরাণ শরিকে উক্ত হইয়াছে “এবং স্মরণ কর, হে মহম্মদ যখন তুমি প্রভাতে স্বীয় আত্মীয়গণের নিকট হইতে বহির্গত হইলে, ও বিশ্বাসীদিগকে আত্মরক্ষার্থ যথাস্থানে স্থাপন করিলে ; আল্লাহতায়ালা জ্ঞাতা ও শ্রোতা” (কো ৩য় সূরা)

এদিকে কোরেশ সৈন্যগণ সেই দিন ওহোদে আসিয়া উপনীত হইল ।

কোরেশ সৈন্যগণের দক্ষিণ পার্শ্বের ভার অলিদের পুত্র খালেদ আর বাম পার্শ্বের ভার আক্রামা গ্রহণ করিয়াছিল। আবুসোফিয়ান সৈন্যগণের মধ্যস্থলে দণ্ডায়মান হইয়াছিল। ওমাইয়ার পুত্র সফওয়ান, কেহ কেহ বলেন, আসের পুত্র ওমর আরনায়েন গিরিবত্নের দিকে দণ্ডায়মান হয়। ওবাইরাবিয়ার পুত্র আবুহুলা ধনুর্ধারীদিগের নায়কত্ব পদ গ্রহণ করিল। আবি তালহার পুত্র তালহা ও আবুহুদদারের বংশীয়গণ পতাকা ধারণপূর্বক স্ত্রীলোক সমভিব্যাহারে অগ্রে অগ্রে গমন করিতে লাগিল। তখন স্ত্রীলোক-গণ বদরের যুদ্ধে হত স্ব স্ব আত্মীয়গণের নামোল্লেখ করিয়া সঙ্গীত কীর্তন করিতে লাগিল। তাহারা পতাকাবাহীদিগকে চীৎকার করিয়া বলিতে লাগিল, “হে আবু হুদ দারের সন্তানগণ! সাহস অবলম্বন করিয়া যুদ্ধার্থ অগ্রসর হও, শত্রুদিগের নিকট গমন কর, কাহাকেও রক্ষা করিও না। তোমরা স্ত্রীলোক তরবারি গ্রহণ কর এবং নির্দয়ান্তঃকরণবিশিষ্ট হও!” এক্ষণে মুসলমান ও কোরেশ-সৈন্যগণ পরস্পর সম্মুখীন হইল।

৭ই শওয়াল শনিবারের প্রাতে যুদ্ধ আরম্ভ হইল। খৃষ্টধর্মাবলম্বী আবু আমের ৫০ জন লোক সমভিব্যাহারে অগ্রে মুসলমানদিগকে আক্রমণ করিল। এক্ষণে উভয় পক্ষে ঘোরতর যুদ্ধ চলিতে লাগিল। ক্রমে ক্রমে আবুহুদদারের বংশোদ্ভব ৭ জন পতাকাবাহী ও কোরেশবংশীয় প্রধান প্রধান কতকগুলি পুরুষ সমরশায়ী হইলে শত্রুগণ পলায়ন করিতে আরম্ভ করিল। এমন সময়ে গিরিবত্ন রক্ষক মুসলমান ধনুর্ধারীগণ লুণ্ঠনাশয়ে প্রলোভিত হইয়া হজরতের আদেশ ভুলিয়া গেল, তাহারা অবস্থানভূমি ত্যাগ করিয়া লুণ্ঠনে প্রবৃত্ত হইল।* সেই সময়ে খালেদ ও আক্রামা উক্ত গিরিবত্ন রক্ষকশূন্য দর্শন করিয়া এক দল সৈন্যসহ সেই স্থান অধিকার করিল এবং মুসলমান-সৈন্যগণের পশ্চাত্তানে উপস্থিত হইয়াই

* কোরান শরীফ ৩য় সূরা, ১৪৬ আয়েত ।

তঁাহাদিগকে আক্রমণ করিল। আবার তুমুল সংগ্রাম আরম্ভ হইল। সেই সময়ে আবুওজ্জার পুত্র সেবা হামজাকে আক্রমণ করিল। সেবা বলিয়াছিল, “যখন আমি হজরত হামজাকে আক্রমণ করিয়াছিলাম, তখন দেখিলাম যে, তিনি ক্ষুধার্ত্ত সিংহ তুলা মেঘরূপ কোরেশ-সৈন্যগণকে দুই হস্তে তরবারি গ্রহণ করিয়া সংহার করিতেছেন।” যখন সেবা হজরত হামজাকে আক্রমণ করিয়াছিল, সেই সময়ে ওয়াসি নামক এক ব্যক্তি পাহাড়ের অন্তরালে লুক্কায়িত ছিল, সে সুযোগ বুঝিয়া হঠাৎ আসিয়াই হজরত হামজাকে আঘাত করিল, হজরত হামজা সেই আঘাতেই পঞ্চত্ব প্রাপ্ত হইলেন।

ওয়াসি জোবায়েরের ক্রীত দাস; জোবায়েরের পিতৃব্য আত্বা বদরের যুদ্ধে হজরত হামজা কর্তৃক কালগ্রাসে পতিত হইয়াছিল। হজরত হামজাকে বধ করিবার জন্ত জোবায়ের ওয়াসিকে বলিয়াছিল, “যদি তুমি হামজাকে বধ করিতে পার, তাহা হইলে আমি তোমাকে দাসত্ব হইতে মুক্ত করিয়া দিব।” আতবার কন্যা হেন্দাও হজরত হামজার বধের জন্ত ওয়াসিকে অর্থ দিতে অঙ্গীকার করিয়াছিল। তজ্জন্ত ওয়াসি প্রাণপণে হজরত হামজার বধের চেষ্টা করিতেছিল, কিন্তু একাকী সাহস করিয়া তঁাহার সম্মুখে অগ্রসর হইতে পারে নাই। যখন সেবা একদিক্ দিয়া হজরত হামজাকে আক্রমণ করিল, তখন ওয়াসি সুযোগক্রমে অন্য দিক্ দিয়া কয়েকবার তঁাহাকে গুপ্তভাবে আক্রমণ করিয়া, শেষে সফলকাম হইয়াছিল। ওয়াসি হজরত হামজার মৃতদেহ হেন্দার নিকট আনিলে, উগ্রমূর্ত্তি হেন্দা তাহা খণ্ড খণ্ড করিয়া কাটিয়া ভক্ষণ করিতে চেষ্টা করিয়াছিল। সে হজরত হামজার নাসিকা, কর্ণ প্রভৃতি কাটিয়া লইয়া মালা প্রস্তুত করিয়া কর্ণে ধারণ করিয়াছিল। আবু সোফিয়ান হজরত হামজার রক্তাক্ত দেহ বর্শাগ্রভাগে স্থাপন করিয়া যুদ্ধক্ষেত্রে জন্ন ঘোষণা করিতে লাগিল।

সেই সময়ে শত্রুরূপী শয়তান যুদ্ধক্ষেত্রে আসিয়া ঘোষণা করিয়া দিল যে, হজরত মহম্মদের মৃত্যু হইয়াছে । মুসলমানগণ হজরতের মৃত্যু সংবাদ শ্রবণ করিয়া ছত্রভঙ্গ হইয়া পড়িল । কোরাণ শরিফে উক্ত হইয়াছে, “মহম্মদ খোদাতায়ালার প্রেরিত মানব ভিন্ন আর কিছুই নহে, নিশ্চয় তাহার পূর্ব প্রেরিত ধর্মপ্রচারকগণের মৃত্যু হইয়াছিল, যত্বপি সে মরিয়া যায়, তোমরা কি পশ্চাৎপদ হইবে?” (কো ৩য় সূরা) । হজরত ইহা শ্রবণ করিয়া যুদ্ধক্ষেত্রে উপনীত হইয়া শিষ্যগণকে আহ্বান করিতে লাগিলেন । তখন প্রায় অধিকাংশ মুসলমান পলায়ন করিয়াছিল, কেবল ১৪ জন শিষ্য আসিয়া হজরতের চতুর্দিকে সমবেত হইলেন । তাঁহাদের মধ্যে হজরত আবুবকর, হজরত আলি, ইয়াকের পুত্র আবদর রহমান, আবিআক্কাসের পুত্র সায়াদ, আসেমের পুত্র জোবের, আবদুল্লাহর পুত্র তালহা ও জারার পুত্র আবুওবেদা এই নয় জন মহাজের এবং মঞ্জেলের পুত্র হাবার, আবুদোজানা, সাবেতের পুত্র আসেম, সোমার পুত্র হারেস, হোনেফের পুত্র মোহেল, হোজ্জারের পুত্র ওয়াসেদ ও মায়াজের পুত্র সায়াদ এই নয়জন আনুসার ছিলেন । হজরত তাঁহাদিগকে বলেন, “আমার আদেশ অগ্রাহ্য করাতেই তোমরা এইরূপ বিপদগ্রস্ত হইয়াছ । এক্ষণে তোমরা সাহসের সহিত আত্মরক্ষার্থ প্রবৃত্ত হও ।” ইহা শুনিয়া হজরত আলি, জোবের, তালহা, হাবার, আবুদোজানা, আসেম, হারেস ও মোহেল এই কয়েক মহাত্মা মৃত্যু না হওয়া পর্যন্ত আত্মরক্ষার্থ শত্রুদিগের সহিত যুদ্ধ করিবেন বলিয়া প্রতিজ্ঞা করিলেন ।

ওদিকে কোরেশগণের মধ্য হইতে আবদুল্লা কোমাইয়া, আবি আক্কাসের পুত্র আতবা, সাহাব জাহেরির পুত্র আবদুল্লা ও খলফের পুত্র ওবাই এই চারিজন হজরতকে বধ করিতে প্রতিজ্ঞাবদ্ধ হইল । তাহারা মলবদ্ধ হইয়া আসিয়া হজরতকে প্রস্তরখণ্ড দ্বারা আঘাত করিতে আরম্ভ

করিল। আবিআকাসের পুত্র ছরাজা আতবা এক খণ্ড প্রস্তরের আঘাতে হজরতের একটা দন্ত ভাঙ্গিয়া দেয়।* তখন হজরত এই বলিয়া খোদাতায়ালার নিকট প্রার্থনা করেন, “হে দয়াময় তুমি ঐ সকল লোককে সৎপথ প্রদর্শন কর, কারণ উহারা জানে না যে, উহারা কি পাপ কার্য্য করিতেছে।”

মুসলমানগণ শত্রুদিগের সহিত পুনঃ যুদ্ধে প্রবৃত্ত হইয়া তুমুল সংগ্রাম করিতে লাগিলেন। হজরত আবুবকর ও হজরত ওমর প্রভৃতি আহত হইলেন। কতকগুলি শিষ্য হজরতকে আহত অবস্থায় ওহোদের পাহাড়ে আনয়ন করিলেন। শত্রুগণ হজরতের মৃত্যু হইয়াছে মনে করিয়া যুদ্ধে ক্ষান্ত হইল। আবুসোফিয়ান ওহোদের পাহাড়েপরি জয়-পতাকা উড্ডীয়মান করিয়া দিল। কেহ কেহ বা যুদ্ধক্ষেত্রে হজরত হামজার মৃত দেহ লইয়া আমোদ আফ্লাদ করিতে লাগিল। হজরত মহম্মদ, হজরত হামজার মৃতদেহ শত্রুদিগের নিকট দর্শন করিয়া মহাশোকাবিত হইয়া বলিতে লাগিলেন, “যাহার অতুল বাহুবলে কোরেশবংশীয় মহাবল পরাক্রান্ত বীরপুরুষগণ শমন-সদনে গমন করিয়াছে, অণু সেই মহাবীর হামজার কি দুর্দশা! হে করুণাময়! তুমি তাহাকে স্বর্গবাসী কর।” কথিত আছে যে, হজরত জেব্রিলের প্রবোধবাক্যে হজরতের শোকসন্তপ্ত হৃদয় শান্তমুর্তি ধারণ করিয়াছিল। হজরত জেব্রিল তাঁহাকে

* এখানে আল আসির ২য় খণ্ড ১১৪ পৃঃ; আবুল ফেদা ৪৪ পৃষ্ঠায় উল্লেখ আছে যে, ৭ই শওরাল ওহোদের যুদ্ধ সংঘটন হয়। তিব্রীয় ৩য় খণ্ড ২১ পৃষ্ঠায় উল্লেখ আছে যে, ৮ই শওরাল, এখানে হেশাম বলেন যে, ৫ই শওরাল এবং অগ্ন্যান্ড গ্রন্থকারগণ ১১ই শওরাল তারিখের উল্লেখ করেন। কিন্তু পারসিভাল সাহেব ও অগ্ন্যান্ড ইতিবৃত্ত লেখকগণ বলেন যে, ১১ই শওরাল (২৬শে জানুয়ারী) শনিবারে এই যুদ্ধ সংঘটন হইয়াছিল।

সংবাদ দিয়াছিলেন যে, হামজা স্বর্গবাসী হইয়াছেন আর আল্লাহতালার নিকট তিনি “ধর্ম প্রচারকের সিংহ” বলিয়া অভিহিত হইয়াছেন ।

মুসলমানগণ শত্রুদিগের বিজয়পতাকা দর্শন করিয়া হুঃখ প্রকাশ করিতে লাগিলেন । কোরাণ শরীফে উক্ত হইয়াছে, “অবসন্ন ও বিষন্ন হইও না, যদি তোমরা বিশ্বাসী হও, তাহা হইলে তোমরাই উন্নত ।” (কো ৩য় সূরা) ।

তৎপরে কোরেশগণ জানিতে পারিল যে, হজরত জীবিত আছেন । তখন আর তাহারা তাঁহাকে আক্রমণ করিতে সাহস করিল না । অনন্তর কোরেশগণ মক্কা নগরে যাত্রা করিল, হজরত কয়েকজন শিষ্যকে তাহাদের গমন পর্য্যবেক্ষণার্থ তাহাদের পশ্চাৎগে পাঠাইয়া দিলেন এবং তাঁহাদিগকে বলিয়া দিলেন যে, যদি কোরেশগণ অশুপৃষ্ঠে আরোহণ করিয়া গমন করে, তাহা হইলে, তাহারা মদিনা আক্রমণ করিবে বুঝিতে হইবে ; আর যদি উষ্ট্রপৃষ্ঠে আরোহণ করিয়া গমন করে, তাহা হইলে তাহারা মক্কায় গমন করিতেছে, বুঝিতে হইবে । কিন্তু কোরেশগণ উষ্ট্র-পৃষ্ঠে আরোহণ করিয়া মক্কায় গমন করিল । অনন্তর হজরত শিষ্যগণ সমভিব্যাহারে মদিনায় প্রত্যাবর্তন করিলেন ।

এই যুদ্ধে ৭০ জন মুসলমান আর ২২ জন প্রধান প্রধান কোরেশ নিহত হইয়াছিলেন । হজরত মদিনায় উপস্থিত হইয়া যুদ্ধহত শিষ্যগণের আত্মীয়দিগকে নানারূপ সাহায্য দিতে লাগিলেন । বিস্তৃতিভয়ে যুদ্ধের বিস্তৃত ইতিবৃত্ত এখানে বর্ণনা করিলাম না । ওহাদের যুদ্ধ সম্বন্ধে কোরাণ শরীফে নিম্নলিখিত কয়েকটি আয়েত আছে ; যথা—৩য় সূরার ১১৭—১২২ ; ১৩৪—১৫৪ ; ১৫১—১৬২ আয়েত ।

হামরায়লআসাদে কোরেশদিগের সম্মুখীন হইবার

জন্য হজরত মহম্মদের শিষ্যগণসহ গমন ।

কোরেশ সৈন্যগণ ওহোদ-ক্ষেত্র হইতে মক্কায় গমন কালে পথিমধ্যে একস্থানে বিশ্রামার্থ উপবেশন করিল। সেই স্থানে প্রধান প্রধান কোরেশগণ পরস্পর বলিতে লাগিল, “আমরা আমাদের কর্তব্যকার্য উত্তমরূপে সম্পন্ন করিয়া আসি নাই ; মহম্মদকে বধ করাই আমাদের অভিপ্রায় ছিল, কিন্তু তাহা ত সম্পন্ন করা হয় নাই ; অতএব পুনরায় মদিনা আক্রমণ করিয়া মহম্মদকে ধ্বংস করিয়া আসা উচিত, তাহাকে বধ না করিয়া আমাদের মক্কায় প্রত্যাগমন করা উচিত নহে।” ফলে আবুজহলের পুত্র আক্ৰামা পুনরায় মদিনা আক্রমণ করিবার জন্য লোকদিগকে উত্তেজিত করিতে লাগিল। কিন্তু ওমাইয়ার পুত্র সাফোয়ান বলিল, “এক্ষণে আর হজরতকে আক্রমণ করা উচিত নহে, কেননা ওহোদের যুদ্ধে আওস ও খজরজ দলস্থ বাহারা যোগদান করে নাই, এবার তাহারা হজরতের সহিত যোগ দিয়া আমাদের ধ্বংস করিলেও করিতে পারে। ওহোদে আমরা জয়ী হইয়াছি, এবার পরাজিত হইলেও হইতে পারি ; অতএব পুনঃ যুদ্ধসজ্জার আবশ্যক নাই।” কিন্তু আবুসোফিয়ান প্রভৃতি কোরেশগণ তাহার উপদেশ না শুনিয়া পুনঃ মদিনা আক্রমণার্থ বহির্গত হইল ।

এদিকে হজরত কোরেশদিগের যুদ্ধ-সজ্জার সংবাদ পাইয়া বেলালকে বলিলেন, “বেলাল ! তুমি চীৎকার করিয়া বল যে, সকলে কোরেশ-দিগের হস্ত হইতে রক্ষা পাইবার জন্য যুদ্ধার্থ প্রস্তুত হও।” তদনুসারে বেলাল মুসলমানদিগকে যুদ্ধার্থ সজ্জিত হইতে বলিলেন। হজরতও শিষ্যগণকে বলিলেন, “তোমাদের মধ্যে বাহারা ওহোদের যুদ্ধে গমন

করিয়াছিলে, এবার কেবল তাহারাই যুদ্ধার্থে সজ্জিত হও, তাহা হইলে কোরেশগণ জানিতে পারিবে যে, মুসলমানগণ ওহোদে আহত হইয়াও হীনবীৰ্য্য হয় নাই।” তখন ওহোদের যুদ্ধে আহত মুসলমানগণ হজ্জ-রতের আদেশ নিরোধার্য্য করিয়া যুদ্ধার্থে প্রস্তুত হইলেন। আবুত্বল্লাহ পীড়া বশতঃ তৎপুত্র জাবের ওহোদের যুদ্ধে যাইতে পারেন নাই, তজ্জগু এক্ষণে তিনি হামরায়লআসাদে যাইবার জন্য আগ্রহ প্রকাশ করিলেন, হজ্জরতও তাঁহাকে যাইতে অনুমতি দিলেন। হজ্জরত আলি পতাকা গ্রহণ করিলেন। হজ্জরত মহম্মদ, এবনে মক্তুমকে মদিনায় আপনার প্রতিনিধি পদে নিযুক্ত করিয়া ওহোদের যুদ্ধের পর দিন অর্থাৎ ৮ই শওয়াল রবিবারে হামরায়লআসাদে যাত্রা করেন। তাঁহারা হামরায়ল-আসাদে উপনীত হইয়া শিবির স্থাপন করিলেন এবং সোমবার রাত্রে তথায় ৫০০ স্থানে অগ্নি প্রজ্জ্বলিত করিয়া শত্রুদিগকে আপনাদের আগমন সংবাদ জানাইলেন। কোরাণ শরিফে উক্ত হইয়াছে, “যাহারা আঘাত প্রাপ্ত হইয়াও খোদাতায়ালা ও প্রেরিত-পুরুষের উপর বিশ্বাস স্থাপন করিয়াছে, তাহাদের মধ্যে যাহারা সংকর্ষ ও ধৈর্য্যশীল হইয়াছে, তাহারা মহাপুরস্কার প্রাপ্ত হইবে”। (কো ৩য় সূরা।)

এই সময়ে একদল বণিক মদিনায় আসিতেছিল, পথে কোরেশ-দিগের সহিত তাহাদের সাক্ষাৎ হয়। আবুসোফিয়ান তাহাদিগকে অনুরোধ করিয়া বলে যে, তোমরা যেখানে মুসলমান সৈন্য দেখিতে পাইবে, তথায় তাহাদিগকে ভয় দেখাইয়া বলিও, কোরেশগণ তোমাদের উচ্ছেদ সাধন করিতে আগমন করিতেছে।” সেই বণিক-দল হামরায়লআসাদে আসিয়া মুসলমানদিগের নিকট আবুসোফিয়ানের উক্তি জানাইল। মুসলমানগণ তাহা শুনিয়া বলিতে লাগিল, “আল্লাহ

৩১০ হজরত মহম্মদের জীবনচরিত ও ধর্মনীতি ।

আমাদের সহায় আছেন ।”* কোরাণ শরীফে উক্ত হইয়াছে, “তাহাদিগকে লোকে বলিয়াছিল, ‘নিশ্চয় তোমাদের বিপক্ষে লোক সমবেত হইয়াছে, অতএব তাহাদিগকে ভয় কর ; তৎপরে উহাতে তাহাদের বিশ্বাস বৃদ্ধি হইল এবং তাহারা বলিল, ‘আমাদের আল্লাই যথেষ্ট, তিনি উত্তম কার্য্যসম্পাদক’ ।” (কো ৩৪ সূরা ।)

আবিমাব্দুখোজাইর পুত্র মাব্দু মক্কার গমন কালে এইস্থানে হজরতের সহিত সাক্ষাৎ করিয়া ওহোদের যুদ্ধের সংবাদ লইলেন এবং হত ও আহত ব্যক্তিদিগের জন্য দুঃখ প্রকাশ করিতে লাগিলেন । মাব্দু তখন পর্য্যন্তও মুসলমান হন নাই, ইহার কিছুদিন পরে ইনি মুসলমান হইয়াছিলেন, কিন্তু পূর্বে হইতেই মুসলমানদিগের সহিত তাঁহার সহানুভূতি ছিল । অনন্তর মাব্দু তথা হইতে মক্কার যাত্রা করেন । পথিমধ্যে কহা নামক স্থানে কোরেশদিগের সহিত তাঁহার সাক্ষাৎ হয় । আবু সোফিয়ান মাব্দুকে মদিনা হইতে আসিতে দেখিয়া হজরতের কথা জিজ্ঞাসা করিল । মাব্দু বলিলেন, “হজরত শিষ্যগণ সমভিব্যাহারে হামরাযলআসাদে তোমাদের আগমন প্রতীক্ষা করিতেছেন ।” ইহা শুনিয়া কোরেশগণ মহাচিন্তিত হইল । তখন সাফওয়ান বলিল, “আমি বাহা বলিয়াছিলাম, তাহাই ঠিক হইল ।” তৎপরে কোরেশগণ আর অগ্রসর না হইয়া মক্কার প্রত্যাবর্তন করিল ।

হজরত কোরেশদিগের মক্কার গমন-সংবাদ শ্রবণ করিয়া শিষ্যগণ সমভিব্যাহারে মদিনায় প্রত্যাবর্তন করিলেন । তাঁহারা হামরাযলআসাদে বিপক্ষ কোরেশদলস্থ আবুগজরা ও মগিরার পুত্র মোভিয়াকে বন্দী করিয়াছিলেন । আবুগজরা পূর্বে বদরের যুদ্ধে মুসলমানগণের নিকট বন্দী হইয়াছিল, সে আর কখন মুসলমানদিগের বিরুদ্ধাচরণ করিবে

* এখানে হেশাম ৫২-পৃঃ ।

না বলায় হজরত মহম্মদ তাহাকে বিনা অর্থে বন্দী হইতে মুক্ত করিয়া দিয়াছিলেন । কিন্তু এক্ষণে সে আবার মুসলমানগণের বিরুদ্ধে যোগদান করিয়াছে বলিয়া, প্রাণদণ্ডের আদেশ প্রাপ্ত হইল ।

মোভিয়া পূর্বে কখন মুসলমানদিগের বিক্লাচরণ করে নাই. তজ্জন্ত হজরত তাহাকে এই বলিয়া ছাড়িয়া দিলেন “তুমি তিন দিনের মধ্যে মদিনা নগর ত্যাগ করিও, নচেৎ কালগ্রাসে পতিত হইবে.” কিন্তু সে তথাপি মদিনায় অবস্থিতি করিয়া কোরেশদিগের গুপ্তচরের কার্য সম্পন্ন করিতেছিল । অবশেষে জম্মদ ও অম্মর ৫।৬ দিন পরে হামরায়ল-আসাদ হইতে মদিনায় প্রত্যাগমনপূর্বক তাহাকে দেখিতে পাইয়া, তৎক্ষণাৎ বধ করিল ।

নবম পরিচ্ছেদ ।

—••••—

চতুর্থ হিজরীর ঘটনাবলী ।

রজির যুদ্ধ ।

আজল ও কারা নামক স্থানদ্বয়ের মধ্যস্থলে রজি নামক গ্রামকটী কূপ ছিল। এই কূপের চতুর্দিকে হোজেলবংশীয় ইহুদীগণ বাস করিত। হোজেলবংশের দলপতি খালেদের পুত্র সোফিয়ান কয়েকজন লোক সমভিব্যাহারে ওহোদ যুদ্ধজয়ী মক্কানগরস্থ কোরেশদিগের নিকট গিয়া তাহাদের জয়লাভে আনন্দ প্রকাশ করিতে লাগিল। এই সময়ে সায়াদের কন্যা আবিভালহার স্ত্রী সোফালা তাহাদিগকে বলিল, “যে ব্যক্তি আমার চারিটা পুত্রের হত্যাকারী সাবেতের পুত্র আসেম, ওবে-ছল্লার পুত্র তালহা আর সায়ামের পুত্র জোবায়ের প্রভৃতির মধ্যে যাহার মস্তকচ্ছেদন করিয়া আমার নিকট আনিতে পারিবে, আমি তাহাকে ১০০ উষ্ট্র পারিতোষিক দিব।” সোফিয়ান সেই স্ত্রীলোকটির প্রতিজ্ঞা শ্রবণ করিয়া পারিতোষিক পাইবার আশায় উক্ত কার্যসম্পন্ন করিতে মনস্থ করিল। অতঃপর সোফিয়ান স্বীয় বাসস্থানে প্রত্যাগমন করিয়া আপনাদের দলস্থ ৭ জন লোককে এই বলিয়া মদিনার পাঠাইয়া দিল, “তোমরা হজরতের নিকট গিয়া বলিও, ‘আমাদের দলস্থ লোক-গুলি ইসলামধর্মের রীতিনীতি ও উপদেশাদি শিক্ষা করিতে ইচ্ছুক হইয়াছে, তজ্জগ্য আপনি কয়েকজন শিষ্যকে আমাদের বাসস্থানে পাঠাইয়া দিন, এই আমাদের প্রার্থনা।’” হজরতের নিকট এইরূপ

বলিয়া পাঠাইবার কারণ এই যে, সোফিয়ান মনে করিয়াছিল, হজরত এইরূপ প্রতারণাপূর্ণ প্রার্থনা শুনিয়া আসেম, তালহা ও জোবায়ের প্রভৃতি কয়েকজন শিষ্যের মধ্যে একজনকেও পাঠাইলে পাঠাইতে পারেন, তাহা হইলে সে নির্বিঘ্নে তাহার মস্তকচ্ছেদন করিয়া সোফালার নিকট হইতে পুরস্কার প্রাপ্ত হইবে। আবার সোফিয়ান ঐ ৭ জন লোককে মদিনায় আসেমের গৃহে গিয়া অবস্থিতি করিতেও বলিয়া দিয়াছিল।

সোফিয়ান-প্রেরিত লোকগুলি মদিনায় উপস্থিত হইয়া আসেমের পিতা সাবেতের গৃহে গিয়া আশ্রয় গ্রহণ করিল। তাহারা কয়েকদিন সাবেতের গৃহে অবস্থিতি করিয়া আসেমের সহিত বন্ধুত্ব স্থাপন করিল এবং তাঁহাকে তাহাদের বাসস্থানে লইয়া যাইবার জন্য বিশেষ আগ্রহ প্রকাশ করিতে লাগিল। হজরত তাহাদের প্রার্থনা শ্রবণ করিয়া সাবেতের পুত্র আসেম, আদির পুত্র খোবায়ের, মোরসেদ, তারেখের পুত্র আবদুল্লা, আবিলবো, কায়েবের পুত্র খালেদ ও দাসেনার পুত্র জয়দ প্রভৃতি ১০ জন শিষ্যকে তাহাদের সমভিব্যাহারে পাঠাইয়া দিলেন।

তাঁহারা আদফান ও মক্কার মধ্যস্থ হোদা নামক স্থানে উপনীত হইলে একজন লোক সোফিয়ানের নিকট গিয়া সংবাদ দিল, “মদিনা হইতে মুসলমানগণ আসিতেছে, আসেমও তাহাদের সঙ্গে আছে।” সোফিয়ান আসেমের আগমন-সংবাদ শ্রবণ করিয়া মহানন্দিত হইল এবং ২০০ লোক সঙ্গে লইয়া রজি কুপের নিকট যাত্রা করিল। মুসলমানগণ রজিকুপের নিকট উপনীত হইয়া হোজেল-বংশীয়দিগকে যুদ্ধ-সজ্জায় সজ্জিত দর্শন করিয়া ভীত হইলেন এবং আত্মরক্ষার্থ নিকটস্থিত পাহাড়োপরি আরোহণ করিলেন। সেই সময়ে খালেদ

আসেমকে বলিলেন, “তোমার অতিথিগণ বিশ্বাসঘাতকের কার্য করিয়াছে।” ইহা শুনিয়া আসেম বলিলেন, “হজরতও এই সংবাদ জেত্রিলের নিকট অবগত হইয়াছেন।” সেই সময়ে হজরতও জেত্রিলের নিকট শিয়াগণের বিপদের সংবাদ প্রাপ্ত হইয়া মদিনাস্থ শিয়াগণকে ডাকাইয়া সমুদয় বিবরণ বলিলেন। এদিকে আসেম কিছুক্ষণ যুদ্ধ করিয়া হত হইলেন এবং অপর ৬ জন মুসলমান প্রাণপণে যুদ্ধ করিয়া ক্রমে ক্রমে মৃত্যুগ্রাসে পতিত হইলেন। কেবল আদির পুত্র খোবায়ের, দাসেনার পুত্র জয়দ ও তারেখের পুত্র আবদুল্লা শক্রহস্তে বন্দী হইলেন। কিন্তু আবদুল্লা বন্দী হওয়ার পরে কোন প্রকারে বন্ধনবজ্জু ছিন্নপূর্বক শক্রদিগের সহিত যুদ্ধ করিয়া হত হন। ইঁহারা সকলেই ধর্মের জন্য জীবন বিসর্জন দিতে কিছুমাত্র কুণ্ঠিত হন নাই, অধিকন্তু স্বর্গবাসী হইবেন বলিয়া, আনন্দিত হইয়াছিলেন।

হারেসের কন্যা স্বীয় পিতৃহস্তা খোবায়েরকে ১০০ উষ্ট্র দ্বারা ক্রয় করিল এবং কোরেশদিগকে তাঁহাকে যন্ত্রণা দিয়া হত্যা করিতে অনুমতি দিল। তদনুসারে ৪০ জন কোরেশ বল্লভ দ্বারা তাঁহাকে আঘাত করিতে লাগিল। খোবায়ের মৃত্যুর পূর্বে নামাজ পড়িবার জন্য একটু সময়ের প্রার্থনা করিলে তাহার তাঁহাকে নামাজ পড়িতে অনুমতি দিল। কিন্তু কাবার দিকে মুখ ফিরাইয়া নামাজ পড়িতে দিল না, তাহাতে তিনি মনে মনে বলিতে লাগিলেন, পূর্ব ও পশ্চিম উভয়ই আল্লাতালার দিক, যে দিকে ইচ্ছা সেই দিকে মুখ ফিরাইয়া নামাজ পড়িলে পাপ হয় না। অবশেষে তিনি শক্রদিগের আঘাতে জর্জরিত হইয়া কাবার দিকে এক বার মুখ করিলেন এবং পরে আবার নামাজ পড়িলেন। তৎপরে তিনি গতাস্থ হন। ওমাইয়্যার পুত্র গোফিয়া দাসেনার পুত্র জয়দকে ৫০টা উষ্ট্র দ্বারা ক্রয় করিয়াছিল।

কোরেশগণ খোবায়ের মৃতদেহ রজিকুপের নিকট টাঙ্গাইয়া রাখিল। এইরূপ করিবার কারণ এই যে, আরবের লোকগণ জ্ঞানিতে পারিবে যে, কোরেশগণ মুসলমানদিগকে ধ্বংস করিতে সক্ষম। হজরত এই সংবাদ শ্রবণ করিয়া খোবায়ের মৃতদেহ মদিনায় আনিবার জন্য আসামের পুত্র জোবের এবং আসোয়াদের পুত্র মক্দাসকে রজিকুপের নিকট পাঠাইয়া দিলেন। তাহারা দুই জনে অশ্বপৃষ্ঠে আরোহণ পূর্বক রজিকুপের নিকট যাত্রা করিলেন, এবং দিবসে কোন পর্বত-গুহায় কিম্বা বন মধ্যে লুক্কায়িত থাকিয়া রজনী সমাগমে বহির্গত হইয়া গমন করিতেন। এইরূপে কয়েক রাত্রি গমনের পর একরাতে রজিকুপের নিকট উপনীত হইয়া গুপ্তভাবে খোবায়ের মৃতদেহটী অশ্বপৃষ্ঠে লইয়া দ্রুতবেগে প্রত্যাবর্তন করিলেন। শত্রুগণ প্রাতে শয্যা ত্যাগ করিয়া খোবায়ের মৃতদেহ দেখিতে না পাইয়া বিস্মিত হইল এবং তাহাদের মধ্যে ৭০ জন-অশ্ব-পৃষ্ঠে আরোহণপূর্বক তাহাদের পশ্চাৎকাবিত হইল। তাহারা পথিমধ্যে খোবায়ের মৃতদেহসহ জোবের ও মক্দাসকে দেখিতে পাইয়া আক্রমণ করিল। জোবের ও মক্দাস বিপদ উপস্থিত দেখিয়া খোবায়ের মৃতদেহ অশ্বপৃষ্ঠ হইতে ভূমিতলে নিক্ষেপ করিয়া প্রস্থান করিলেন। কথিত আছে যে, পৃথিবীও তৎক্ষণাৎ মৃতদেহটী উদরসাৎ করেন। কোরেশগণ অনেক অনুসন্ধান করিয়াও খোবায়ের মৃতদেহ না পাইয়া মক্কার প্রত্যাবর্তন করিল। খোবায়ের মৃতদেহ মৃত্তিকায় প্রোথিত হইয়া যাওয়াতে, লোকে তাহাকে “বলি-অল-আর্জ” বলিত। আসামের মৃতদেহ যুদ্ধক্ষেত্র হইতে অন্তর্হিত হইয়াছিল বলিয়া সোফিয়ান সোফালার নিকট হইতে অঙ্গীকৃত পুরস্কার প্রাপ্ত হয় নাই। কথিত আছে, আসামের মৃত্যুর পর তাহার মৃতদেহ শূন্যে উঠিয়া গিয়াছিল।

খালেদের পুত্র সোফিয়ানের হত্যা ।

ওহোদের যুদ্ধে মুসলমানদিগের পরাজয়বার্তা শ্রবণ করিয়া বনি লহিয়ান ও বনি কোরায়জা প্রভৃতি ইহুদী দলস্থ লোকগণ মুসলমানগণের পতনোন্মুখকাল উপস্থিত হইয়াছে মনে করিয়া সৈন্য সংগ্রহ করিতে লাগিল । খালেদের পুত্র সোফিয়ান তাহাদের নেতৃত্ব পদ গ্রহণ করিয়া বতনেআরুণা নামক স্থানে সকলে একত্রিত হইল । হজরত ইহার সংবাদ প্রাপ্ত হইয়া ওনূসের পুত্র আবদুল্লাকে তাহাদের যুদ্ধসজ্জা ও কার্যাদি পর্য্যবেক্ষণার্থ পাঠাইয়া দিলেন । আবদুল্লা বতনেআরুণা নামক স্থানে উপনীত হইয়া গুপ্তভাবে সোফিয়ানকে হত্যা করেন ।

বনি আসাদ দলস্থ ইহুদীগণের সহিত যুদ্ধ ।

বনি আসাদ দলস্থ লোকগণ হজরতের সহিত যে সন্ধিসূত্রে আবদ্ধ হইয়াছিল, এক্ষণে তাহারা তাহা ভঙ্গ করিয়া মদিনা আক্রমণার্থ সৈন্য-সংগ্রহ করিতে লাগিল । হজরত ইহার সংবাদ প্রাপ্ত হইয়া আবদল-আসাদ মখ্জমির পুত্র আবুসাল্‌মা আবদুল্লাকে ১৫০ জন লোক সমভি-ব্যাহারে তাহাদের বড়যন্ত্র নিষ্ফল করিতে পাঠাইয়া দিলেন । তাহাদের সঙ্গে জারার পুত্র আবুওবেদা, আবিআক্কাসের পুত্র সায়াদ এবং হোজারের পুত্র ওসায়েদ প্রভৃতি কতিপয় প্রধান প্রধান মুসলমান গিয়াছিলেন । মুসলমানগণ তাহাদের বাসস্থানে উপনীত হইলে হারেসের পুত্র কারেস, তাল্‌হা ও খোয়েল্দু প্রভৃতি প্রধান প্রধান ইহুদীগণ যুদ্ধার্থ বহির্গত হইলে উভয় পক্ষে যুদ্ধ আরম্ভ হইল । এই যুদ্ধে আবিআক্কাসের পুত্র সায়াদ একজন শত্রুকে বধ করিয়াছিলেন । শত্রুদিগের মধ্যে কেহ

কেহ মুসলমানদিগের নিকট বন্দী হইল এবং অবশিষ্টগণ পলায়ন করিয়া রক্ষা পাইল । এইরূপে বনি আসাদ দলস্থ ইহুদীগণ হীনবীৰ্য্য হইয়া পড়িল ।

বীর মউনার যুদ্ধ ।

মক্কা ও আসফান নামক স্থানদ্বয়ের মধ্যে অর্থাৎ বনি হোজেল দলস্থ ইহুদীদিগের বাসস্থানের মধ্যস্থলে বীর মউনা* নামক স্থান অবস্থিত । এই বৎসরে বীরমউনাস্থ মালেকের পুত্র আবুবারাঃআমের মদিনায় হজরতের সভায় আসিয়া উপস্থিত হইল । হজরত তাহাকে ইসলামধর্ম গ্রহণ করিতে বলিলেন । যদিও তখন সে ইসলামধর্ম গ্রহণ করিল না, তথাপি উক্ত ধর্মের বিশেষ প্রশংসা করিয়া বলিল, “এক্ষণে আমি আপনার ধর্ম গ্রহণ করিব না, আপনি নজ্দ ও বনি আমের দলদ্বয়কে ইসলামধর্মে দীক্ষিত করিবার জন্য শিষ্য পাঠাইয়া দেন, তাহারা আপনার ধর্ম গ্রহণ করিতে বিশেষ উৎসুক হইয়াছে । তাহারা মুসলমান হইলে পরে আমি ইসলামধর্ম গ্রহণ করিব, নচেৎ তাহাদের নিকট বিশেষ লাঞ্ছনা ভোগ করিতে হইবে ।” হজরত বলিলেন, “নজ্দের অধিবাসিগণের প্রতি আমার বিশ্বাস নাই, আমার শিষ্যগণ তাহাদের নিকট উপস্থিত হইলে, তাহারা বিশ্বাসঘাতকতাপূর্বক তাহাদিগকে হত্যা করিলেও করিতে পারে ।” অবশেষে আবু-বারাঃআমেরের অনেক অনুরোধে হজরত তাহার সঙ্গে ৩০ জন শিষ্যকে

* বীর মউনা একটা কূপের নাম; এই কূপের নাম হইতেই তাহার চতুর্দশস্থানগুলি বীর মউনা নামে অভিহিত হইত ।

পাঠাইয়া দিলেন । (১) ঐ সকল শিষ্যের মধ্যে আনসার ও মহাজের এই উভয় সম্প্রদায়ের লোক ছিলেন । ওমরের পুত্র মন্জের তাহাদের নেতা হইলেন । হজরত মহম্মদ নজ্দ ও বনি আমের দলস্থ প্রধান প্রধান লোকদিগের নামে এক এক খানি পত্র দিলেন এবং যথাকালে শিষ্যগণ আবুবারাঃ আমেরের সহিত যাত্রা করিলেন ।

আবুবারাঃআমেরের তোফেল নামক এক ঘোর মুসলমান বিদ্রোহী ভ্রাতুষ্পুত্র ছিল । মুসলমানগণ বীরমউনার উপনীত হইয়া ওমাইয়া-জামেরির পুত্র অমর ও সোমায়তারের পুত্র হারেসের নিকট স্ব স্ব উষ্ট্র ময়দানে চরাইতে পাঠাইয়া দিলেন এবং মালেকের পুত্র হারামের হস্তে হজরতের একখানি পত্র দিয়া তোফেলের নিকট পাঠাইয়া দিলেন । হারাম তোফেলের নিকট উপনীত হইয়া বলিলেন, “আপনি আমাকে অভয় প্রদান করিলে, আমি হজরতের আদেশগুলি আপনার নিকট বিবৃত করিতে প্রস্তুত আছি ।” এই সময়ে তোফেলের ইঙ্গিতানুসারে এক ব্যক্তি হারামের পশ্চাতে আসিয়া আঘাত করিল, সেই আঘাতেই তিনি হত হন । মৃত্যুকালে তিনি বলিলেন, “হজরতের আদেশ প্রতিপালনে আমার প্রাণ গেল, ইহাতে আমি আপনাকে সৌভাগ্যশালী বোধ করিতেছি ।” তৎপরে তোফেল বনি আমেরদলস্থ লোকগণকে মুসলমানদিগের বিরুদ্ধে যুদ্ধ সজ্জা করিতে অনুরোধ করিল ; কিন্তু তাহার বলিল, “আমাদের দলপতি আবুবারাঃআমের যাহাদিগকে আশা দিয়া আমাদের দেশে আনিয়াছেন, আমরা কখনই তাহাদের বিরুদ্ধাচরণ করিতে পারিব না ।”

অনন্তর তোফেল, সোলেম, ওমাইয়া, রেয়েল ও জাকোরানদলস্থ

(১) কেহ বলেন ৪০ জন, কেহ বলেন ১০ জন শিষ্য প্রেরিত হইয়াছিল । কিন্তু অসিদ্ধ অসিদ্ধ হাদিসে কেবল মাত্র ১৬ জন মুসলমানের নাম দেখিতে পাওয়া যায় ।

ইহুদীগণের নিকট সৈন্য সংগ্রহার্থ দূত পাঠাইল। তাহারা সকলে বহুসংখ্যক সৈন্য সমভিবাহারে তোফেলের সহিত যোগ দিল এবং বীরমউনায় আসিয়া মুসলমানদিগকে বেষ্টন করিয়া হত্যা করিতে লাগিল। ওমরের পুত্র মনজের বন্দী হইলেন, কিন্তু তিনিও শেষে যুদ্ধ করিয়া হত হইলেন। প্রসিদ্ধি আছে যে, এই সময়ে হজরত মহম্মদ জেরিবলের নিকটে শিযাগণের মৃত্যু সংবাদ অবগত হইয়া মদিনাস্থ শিযাগণকে বলিলেন, “তোমাদের ধর্মবন্ধুগণ বীরমউনায় কাকেরদিগের হস্তে হত হইতেছে এবং তোমাদের নিকট কৃপা ভিক্ষা করিতেছে।”

এদিকে অমর ও হারেস ময়দান হইতে উঠে লইয়া বীর মউনায় আসিয়া দেখিতে পাইলেন যে, তথায় মাংসালী পক্ষিগণ উড়িতেছে আর বিধর্মীর দল অশ্বপৃষ্ঠে আরোহণ করিয়া রহিয়াছে। তৎপরে তাহারা একটা উচ্চস্থানে উঠিয়া দেখিলেন—তাঁহাদের সহচরগণ সকলেই ধরাশায়ী হইয়াছেন। তখন অমর, হারেসকে বলিলেন, “হজরতের নিকট গিয়া ইহার সংবাদ দেওয়া উচিত।” কিন্তু হারেস বলিলেন, “না, তাহা হইবে না; চল আমরাও ধর্মদ্রোহীদের সহিত যুদ্ধ করিয়া প্রাণত্যাগ করি।” তৎপরে হারেস যুদ্ধ করিয়া হত হইলেন এবং শত্রুগণ অমরকে বন্দী করিল।

তোফেলের জননী কোন কার্যোপলক্ষে প্রতিজ্ঞা করিয়াছিল যে, “আমি একজন বন্দীকে মুক্ত করিয়া দিব।” তোফেল মাতৃ প্রতিজ্ঞা পূর্ণ করিবার জন্য অমরকে বন্দী মুক্ত করিয়া দিল। পরে তোফেল অমরকে যুদ্ধক্ষেত্রে লইয়া গিয়া বলিল, “এই মৃতব্যক্তিদিগের মধ্যে তোমার সহচরগণকে কি চিনিয়া লইতে পার ?” অমর এক এক করিয়া সহচরগণকে চিনিতে পারিলেন, কেবল ফোহারার পুত্র আমেরের

মৃতদেহ তথায় দেখিতে পাইলেন না। তাহাতে তোফেল বলিল, “আমি যুদ্ধকালে দেখিয়াছিলাম যে, ‘আমেরের মৃতদেহ উর্কে উঠিয়া যাইতেছে’।” তাহা শুনিয়া অমর বলিলেন, “আমের পরম ধার্মিকপুরুষ ছিলেন। তিনি প্রথমে হজরত আবুবকরের স্ত্রী আয়েসা খাতুনের জননী ক্রীতদাস ছিলেন, পরে হজরত আবুবকর তাঁহাকে দাসত্ব হইতে মুক্ত করিয়া দেন। তিনি প্রথমে ইসলামধর্ম গ্রহণ করেন এবং হজরত মহম্মদ ও হজরত আবুবকরের সমভিব্যাহারে মক্কা হইতে মদিনায় আগমন করেন।” তোফেল আমেরের মৃতদেহ স্বর্গে উখিত হইয়া যাওয়া স্বীকার করিয়াও হিংসাবশতঃ ইসলামধর্ম গ্রহণ করিল না।

বনি কালব দলস্থ সোলেমের পুত্র জবার আমেরকে হত্যা করিয়াছিল। এই যুদ্ধের কিছুদিন পরে জবার মুসলমান হইয়াছিল, তখন সে বলিয়াছিল, “যখন আমি যুদ্ধক্ষেত্রে আমেরকে হত্যা করিয়াছিলাম, তখনই তাহার মৃতদেহ উর্কে উঠিয়া গিয়াছিল।”

বনি নজির দলস্থ ইহুদীদিগের সহিত যুদ্ধ ।

এই বৎসরে একদা একজন মুসলমান পথিমধ্যে বনি আমের দলস্থ দুই জন নিরস্ত্র ইহুদীকে শত্রু মনে করিয়া হত্যা করেন। হজরত ঐ ইহুদীদের সহিত পূর্বে সন্ধি সংস্থাপন করিয়াছিলেন। তজ্জন্ম এক্ষণে তাহারা ঐ ব্যক্তিদের হত্যার ক্ষতি পূরণ করিবার জন্ম হজরতকে পত্র লিখিল। হজরত এই হত্যাকাণ্ডের বিষয় অবগত হইয়া উক্ত মুসলমানকে তিরস্কার করিয়া বলেন, “কেন, তুমি উহাদিগকে বধ করিলে? উহারা ত আমাদের সহিত কোনরূপ

শক্রতাচরণ করে নাই, পরন্তু আমাদের সহিত সন্ধিসূত্রে আবদ্ধ
রহিয়াছে।” সে বলিল, “আমি ভ্রমবশতঃ বধ করিয়াছি।” ফলতঃ
হজরত তাহাদের ক্ষতিপূরণ করা উপযুক্ত মনে করিয়া মদিনার ৪৫
ক্রোশ দূরস্থ বনি নজির ও বনি কোরাযজা প্রভৃতি ইহুদী দলগুলির নিকট
সাহায্য পার্থনা করিলেন। সেই সময়ে বনি নজিরদলস্থ ইহুদীগণ
তঁাহাকে গৌরব আবাসে নিমন্ত্রণ করিল। হজরত মহম্মদ, হজরত আবুবকর,
হজরত ওমর, হজরত আলি, তালহা জোবের, মায়াজের পুত্র সায়াদ,
হোজায়েরের পুত্র ওসায়েদ এবং আবাদার পুত্র সায়াদ প্রভৃতি শিষ্যগণ
সমভিবাগারে তাহাদের বাসস্থানে উপনীত হইলেন।

বনি নজির দলপতি তাহার গৃহ প্রাপ্তনে হজরতের উপবেশনার্থ
স্থান নিদ্ধারিত করিয়াছিল। হজরত তথায় উপস্থিত হইয়া তাহাদের
বাসগৃহের প্রাচীরের গায়ে হেলান দিয়া বসিলেন। ইহুদীগণ হজরতকে
আবুল কাসেম (কাসেমের পিতা) বলিয়া আহ্বান করিল। হজরতকে
আবুল কাসেম বলিবার কারণ এই যে, তাহার “কাসেম” নামক একটী পুত্র
জন্মগ্রহণ করিয়াছিলেন, তজ্জন্মই ইহুদীগণ তঁাহাকে আবুল কাসেম বলিত,
ভ্রমেও তঁাহাকে হজরত মহম্মদ বলিয়া ডাকিত না। যেহেতু তাহাদের
ধর্মগ্রন্থ তওরাতে হজরত মহম্মদ “শেষ ধর্মপ্রচারক” বলিয়া লিখিত
আছে। এখন যদি তাহারা তঁাহাকে হজরত মহম্মদ বলিয়া আহ্বান
করে, তবে শেষধর্মপ্রচারক বলিয়া স্বীকার করা হয়, এই ভয়ে তাহারা
হজরতকে আবুল কাসেম বলিয়া ডাকিত।

এই সময়ে হজরতের চিরশত্রু আখতাবের পুত্র হাই বলিল, “মহম্মদকে
বধ করিবার এই উপযুক্ত সময়, এই সময়ে একজন লোক গৃহের ছাদোপরি
আরোহণ করিয়া তাহার মস্তকোপরি প্রস্তর নিক্ষেপ করিলে নিশ্চয়ই
তাহার মৃত্যু হইবে।” তখন অন্যান্য ইহুদীগণ তাহার প্রস্তাবে অনুমোদন

করিল। জোহানের পুত্র ওমর উক্ত কার্যের ভার গ্রহণ করিল। এই সময়ে মেস্কাসের পুত্র সালামা বলিল, “তোমরা হজরত মহম্মদকে বধ করিতে অগ্রসর হইও না, যদি তাঁহাকে হত্যা করিতে উচ্চত হও, তাহা হইলে আমাদের সহিত হজরতের যে সন্ধি স্থাপিত হইয়াছিল, তাহা ভঙ্গ করা হইবে এবং তিনি এই সংবাদ এখনই জেরিলের নিকট অবগত হইতে পারিবেন। অতএব সকলে নিরস্ত হও।” কিন্তু কেহই তাহার কথায় কর্ণপাত করিল না।

অনন্তর ওমর ছাদোপরি হইতে তাঁহার মস্তকে প্রস্তর নিক্ষেপ করিবার উদ্যোগ করিলে হজরত জেরিল তাঁহাকে সংবাদ দিলেন, “তুমি এখান হইতে প্রস্থান কর, নচেৎ শত্রুগণ তোমাকে হত্যা করিবে।” হজরত এই সংবাদ প্রাপ্ত হইয়া কাহাকেও কিছু না বলিয়া তথা হইতে চলিয়া গেলেন। তাঁহার শিষ্যগণও তাঁহার প্রত্যাগমনে বিলম্ব দেখিয়া এক এক করিয়া তথা হইতে প্রস্থান করিলেন। দুই ইহুদীগণ হজরতকে প্রত্যাবর্তন করিতে না দেখিয়া কেনানা নামক এক বিজ্ঞ ইহুদীর নিকট হজরতের বিলম্বের কারণ জিজ্ঞাসা করিল। কেনানা বলিল, “হে লোকসকল! খোদাতায়ালা তোমাদের বিশ্বাসঘাতকতার বিষয় অবগত হইয়া তোমাদের হস্ত হইতে হজরতকে রক্ষা করিয়াছেন। তোমরা আর প্রতারণা হইও না। তওরাতে যে শেষ ধর্মপ্রচারকের আবির্ভাব হইবার বিষয় উল্লিখিত আছে, ইনিই সেই শেষধর্মপ্রচারক। ইনি তোমাদিগকে নির্বাসিত করিলেও করিতে পারিবেন, অতএব যদি তোমরা মঙ্গল চাও, তবে তাঁহার ধর্ম গ্রহণ কর।” ইহা শুনিয়া লাস্ত ইহুদীগণ বলিল, “আমরা নির্বাসিত হইব, তথাপি হজরত মুসার ধর্ম ত্যাগ করিব না।”

এদিকে হজরত মদিনায় উপনীত হইয়া মোসলেমার পুত্র মহম্মদকে

বনি নজিরদলস্থ ইহুদীগণের নিকট এই বলিয়া পাঠাইয়া দিলেন যে, “তুমি বনি নজির দলস্থ ইহুদীগণের নিকট গিয়া বল, তোমরা দশ দিনের মধ্যে এই স্থান ত্যাগ করিয়া চলিয়া যাও ।” মহম্মদ-বেন-মোসলেমা অবিলম্বে বনি নজিরদলস্থ ইহুদীগণের বাসস্থানে উপনীত হইয়া হজরতের আদেশ প্রচার করিলেন । তাহারা সেই আদেশ শ্রবণ করিয়া বলিল, “আচ্ছা, আমরা এই স্থান হইতে চলিয়া যাইবার উद्यোগ করিতেছি ।” ইতি মধ্যে আবুল্লা-বেন-ওবাই-সোলুল তাহাদের নিকট বলিয়া পাঠাইল, “তোমরা দেশ ত্যাগ করিও না, আমি তোমাদিগের সাহায্যার্থ ১০,০০০ লোক প্রেরণ করিতেছি, আর বনি কোরায়জা ও বনি গাৎফান দলদ্বয় তোমাদের সাহায্যার্থ প্রস্তুত হইয়াছে ।” তখন বনি নজির দলস্থ ইহুদীগণ উৎসাহিত হইয়া মুসলমানদিগকে বলিয়া পাঠাইল যে, আমরা দেশ হইতে চলিয়া যাইব না, তোমাদের যাহা ইচ্ছা, করিতে পার । এই উত্তর শ্রবণ করিয়া মুসলমানগণ যুদ্ধার্থ সজ্জিত হইলেন । হজরত এবনে-মকতুমকে মদিনায় আপনার প্রতিনিধি নিযুক্ত করিয়া যাত্রা করিলেন । হজরত আলি পতাকা হস্তে অগ্রবর্তী হইলেন ।

বনি নজির দলস্থ ইহুদীগণ হজরতের আগমন সংবাদ প্রাপ্ত হইয়া সপরিবারে জহরা দুর্গ মধ্যে প্রবেশ করিয়া দুর্গদ্বার বন্ধ করিয়া দিল এবং তন্মধ্যে আসিয়া মুসলমানগণের উপর প্রস্তর ও তীর বর্ষণ করিতে লাগিল । সন্ধ্যা পর্য্যন্ত এই ভাবে যুদ্ধ চলিল । হজরত আলি ও হজরত আবুবকর তাহাদিগকে অবরুদ্ধ করিয়া রাখিলেন । ইহুদীগণ আবুল্লার সাহায্যের আশায় ১৫ দিবস পর্য্যন্ত দুর্গ মধ্যে অবরুদ্ধাবস্থায় থাকিল । সোহেলি বলেন, “এই সময়ে হজরত ইহুদীদিগকে ভয় প্রদর্শনার্থ সালামের পুত্র আবুল্লা এবং আবুলগালিকে যে সকল ধর্জুর বৃক্ষে ফল হইত না, তাহাই ছেদন করিতে অনুমতি দিয়াছিলেন ।” পঞ্চদশ দিবস পরে

ইহুদীগণ আবদুল্লাহ সাহাবা না পাইয়া হতাশ্বাস হইয়া হজরতের নিকট দূত দ্বারা বলিয়া পাঠাইল, “আমরা জন্মভূমি ত্যাগ করিয়া যাইতে পশ্চত আছি, অতএব আপনি আমাদের প্রতি অনুগ্রহ প্রদর্শন করুন।” হজরত মহম্মদ দূতকে বলিলেন, “ইহুদীগণ স্ব স্ব অস্ত্রশস্ত্রাদি পরিত্যাগ-পূর্বক কেবল আহাবীয় দ্রব্যাদি উষ্ট্রে বোঝাই করিয়া লইয়া যাউক, তাহাতে আমার কোন আপত্তি নাই।” তদনুসারে তাহারা ৬০০ উষ্ট্রে বোঝাই করিয়া স্ব স্ব খাত্ত দ্রব্যাদি লইয়া চূর্ণমধ্য হইতে বাহির্গত হইল। তাহারা কেহ সুরিয়ার, কেহ বা খায়বার প্রভৃতি স্থানে গমন করিল। এই ঘটনা চতুর্থ হিজরীর রবিয়ুল আউল মাসে সংঘটন হইয়াছিল।*

বনি নজিরের বিপক্ষে হজরতের যুদ্ধ যাত্রার বিষয়ে এবনে অকবা নামক একজন অতি প্রাচীন ইতিবৃত্ত লেখক বলেন, “বনি নজির দলস্থ ইহুদীগণ মক্কা নগরস্থ কোরেশগণের দ্বারা উৎসাহিত হইয়া মদিনা আক্রমণের সুযোগ অন্বেষণ ও প্রস্তর আঘাতে হজরতের মস্তক চূর্ণ করিতে উদ্যোগ করিয়াছিল, তৎক্ষণ হজরত মহম্মদ তাহাদিগকে আক্রমণ করেন।”

এবনে মারদেভীয়া, হামিদের পুত্র আব্দু আর আবদুরাজ্জ প্রভৃতি ইতিবৃত্ত লেখকগণ বলেন যে, বদরের যুদ্ধের পর কোরেশগণ মদিনা নগরস্থ ইহুদাদিগকে এই ন্যূন এক পত্র লিখিয়াছিলেন—“তোমরা হজরত মহম্মদকে আক্রমণ করিবার চেষ্টা কর।” সেই উত্তেজনাতেই তাহারা প্রথমে তাহাদের সন্ধি ভঙ্গ করিতে মনস্থ করিয়াছিল, পরে যুদ্ধ সংঘটন হয়।

ইহুদীগণ ৫০টা বন্দ, ৫০টা পতাকা, ৩৬০ গান তরবারি ও গুহাদি ত্যাগ করিয়া গিয়াছিল। হজরত তৎসমুদয় গ্রহণ করিয়া একদিন শিষ্য-

* এবনে হেশাম, আবুল ফেদা ও হিদ্দীর মতে এই ঘটনা সফর মাসে সংঘটন হইয়াছিল।

মণ্ডলীকে আহ্বান করিয়া বলিলেন, “আনসারগণ ! যদি তোমরা ইচ্ছা কর, তাহা হইলে আমি নিজের দলস্থ লোকদিগের ধন সম্পত্তি তোমাদিগকে বিভাগ করিয়া দিতে প্রস্তুত আছি ; কিন্তু মহাজেরগণ পূর্ক্বেও তোমাদের গৃহে অবস্থিতি করিব, ইহা যদি তোমাদের অনভিমত হয়, তাহা হইলে ঐ সকল ধন সম্পত্তি দ্বারা মহাজেরদিগের গৃহাদি প্রস্তুত করিয়া দিই, তাহা হইলে আর তাহারা তোমাদের গলগ্রহ হইবে না ।” ইহা শুনিয়া সমবেত আনসারগণের মধ্য হইতে মাহাজের পুত্র সায়াদ, আবাদার পুত্র সায়াদ প্রভৃতি কতিপয় প্রধান আনসার বলিলেন, “হে প্রেরিত পুরুষ ! আমাদের ইচ্ছা যে, ইহুদীদিগের ধন সম্পত্তি মহাজেরদিগকে ভাগ করিয়া দিউন, এবং তাঁহারা যেক্রপ আমাদের আশ্রয়ে বাস করিতেছেন, সেইরূপই বাস করুন, তাহাদের দ্বারা আমাদের গৃহাদি উজ্জ্বল ও পবিত্র হইয়াছে ও হইবে ।” ইহা শুনিয়া হজরত আনসারদিগকে আশীর্বাদ করিলেন ।* তৎপরে হজরত ঐ সকল ধন সম্পত্তি মহাজেরগণকে ও দুই জন দরিদ্র আনসারকে দান করিলেন ।† মহাজেরগণ তদ্বারা স্ব স্ব বাসগৃহাদি নিষ্কাণ করিয়া সুখে বাসু করিতে লাগিলেন । মাহাজের পুত্র সায়াদ ইহুদীদিগের ধন সম্পত্তির মধ্য হইতে একখানি সুতীক্ষ্ণ তরবারি প্রাপ্ত হইয়াছিলেন । বনি নিজির-দলস্থ ইহুদীদিগের দেশত্যাগ সম্বন্ধে কোরাণ শরিফে নিম্নলিখিত কয়েকটি আয়েত উক্ত হইয়াছে । ৫৯ সূরার ২—১৪ আয়েত ।

এই বৎসরে হজরতের দৌহিত্র, ওসমানের পুত্র আবু হুলা, খোজায়মার কন্যা জয়নাব এবং আবু সালমা-বেনল-আসাদ-মখজুমির মৃত্যু হয় । এই বৎসরেই আবু তালেবের স্ত্রী বীরবর হজরত আলির জননী কালগ্রাসে পতিত

* এই বিষয় কোরাণ শরিফের হশর সূরার নবম আয়েতে উক্ত হইয়াছে ।

† এখানে হেশাম ৬৫৪ পৃ, এখানে অল আসির ২য় খণ্ড ১৩৩ পৃ, তিত্রী তঁয় গও ৫৪পৃ ।

হন। তিনি হজরতকে বাল্যকালে অতি যত্নের সহিত প্রতিপালন করিয়াছিলেন। হজরত তাঁহার মূর্খবস্থায় তাঁহার নিকট উপস্থিত ছিলেন এবং তাঁহার মৃত্যুতে তিনি মাতৃ-শোকের অার শোকার্ত হইয়াছিলেন। বখি-নামক সমাধিক্ষেত্রে তাঁহার শব সমাহিত হইয়াছিল। হজরত স্বয়ং সমাধিক্ষেত্রে উপস্থিত থাকিয়া তাঁহার অন্ত্যেষ্টিক্রিয়া সম্পাদন করত তাঁহার আত্মার জন্য আল্লাহতায়ালায় রূপা ভিক্ষা করিয়াছিলেন।

এই বৎসরে হজরত মহম্মদ ষোল্ল মাসে মাকে বিবাহ করেন। ষোল্ল মাসে কোরেশদিগের অত্যাচারে প্রেীড়িত হইয়া তাঁহার স্বামীর সহিত আ'সনিয়ায় আশ্রয় গ্রহণ করিয়াছিলেন। তথায় তাঁহার স্বামীর মৃত্যু হইলে তিনি মদিনায় প্রত্যগমন করেন। তিনি মদিনায় আ'সলে তাঁহার আত্মার স্বজনগণ তাঁহার প্রতি ঘৃণা প্রদর্শন করিতে লাগিল এবং কেহই তাঁহার ভরণ-পোষণ করতে স্বীকৃত হইল না। অবশেষে হজরত মহম্মদ সেই নিঃসেওয়া মতিলার প্রতি দয়া প্রকাশ পূর্বক তাঁহাকে পত্নীত্ব বরণ করেন। এই বৎসর সাবান মাসে হজরত আলির ভ্রূবন বিখ্যাত পুত্র মহ'ম্মা হোসেন জন্মগ্রহণ করেন।

বদরের দ্বিতীয় যুদ্ধ ।

কুরাইশদের যুদ্ধকামা শেষ হইয়া গেলে আবু সোফিয়ান মুসলমানদিগকে আহ্বান করিয়া বলিয়াছিল, “হে মুসলমানগণ! আগামী বৎসরে আনরা তোমাদের সহিত যুদ্ধ করিতে আসিব।” ইহা শুনিয়া হজরত মহম্মদের আদেশানুসারে হজরত ওর আবু সোফিয়ানকে বলিয়াছিলেন, “ভবিষ্যৎ খোদাতায়ালায় উপর নির্ভর, তাঁহার ইচ্ছানুযায়ী কার্য সম্পন্ন হইবে।”

অনন্তর দেখিতে দেখিতে এক বৎসর গত হইল । আবু সোফিয়ান অঙ্গীকৃত মদিনা আক্রমণের জন্ত সৈন্য সংগ্রহ করিতে লাগিল । ইতি মধ্যে মসুদ আসজাহির পুত্র নয়িম মদিনা হইতে মক্কায় আসিয়া কোরেশ দিগকে বলিল, “এ বৎসর মুসলমানগণ অনেক যুদ্ধাস্ত্রাদি প্রাপ্ত হইয়াছে এবং তোমাদের সহিত সন্মুখীন হইবার জন্ত বহুবাড়ম্বরে যুদ্ধসজ্জা করিতেছে ” ইহা শুনিয়া আবু সোফিয়ানের অন্তরে ভয়ের উদ্বেক হইল । পরে সে নয়িমকে বলিল, “এই বৎসর মুসলমানদিগের সহিত যুদ্ধ করিবার ইচ্ছা ছিল, কিন্তু আমাদের দেশে ভয়ানক দুর্ভিক্ষ উপস্থিত হইয়াছে, এমন কি ময়দানে পশুদিগের আহারোপযোগী তৃণলতাদি পর্য্যাপ্ত নাই, সমুদয়ই শুষ্ক হইয়া গিয়াছে, তজ্জন্ত আমরা এবার মদিনা আক্রমণ করিতে পারিব না । অতএব যদি তুমি মদিনায় গিয়া মুসলমানদিগকে বল যে, কোরেশগণ অসংখ্য সৈন্য সমভিব্যাহারে তোমাদিগকে আক্রমণ করিতে আসিয়াছে, তাহা শুনিয়া যদি তাহারা ভয়ে যুদ্ধার্থে বহির্গত না হয়, তাহা হইলে আমরা আর অঙ্গীকার-ভঙ্গ-দোষে দোষী হইব না । এই কার্য্য সম্যক্রূপে সম্পন্ন করিতে পারিলে আমরা তোমাকে ২০টা উষ্ট্র পুরস্কারস্বরূপ দিব ।” নয়িম পুরস্কারের আশায় উক্ত কার্য্য সম্পন্ন করিবার জন্ত মদিনায় প্রত্যাবর্তন করিল ।

নয়িম মদিনায় উপনীত হইয়াই মন্তকমুণ্ডন করিল । কারণ সে মনে করিয়াছিল যে, এইরূপ করিলে মুসলমানগণ জানিতে পারিবে যে, সে মক্কায় ওমরাব্রত উদ্‌যাপন করিতে গিয়াছিল । তৎপরে সে মুসলমানগণের নিকট গিয়া বলিল, “আমি মক্কায় ওমরাব্রত উদ্‌যাপন করিতে গিয়াছিলাম ; সেখানে দেখিয়া আসিলাম, কোরেশগণ বহুসংখ্যক সৈন্য সংগ্রহ করিয়া তোমাদের উচ্ছেদ সাধনার্থ মদিনা আক্রমণ করিবার উদ্যোগ করিতেছে ।” ইহা শুনিয়া মুসলমানগণ ভীত হইলেন ও শত্রুর

সম্মুখীন হইতে ইতস্ততঃ করিতে লাগিলেন। কিন্তু হজরত ওমর ও হজরত আবুবকর, হজরত মহম্মদকে উঃসঃ দিতে লাগিলেন। হজরত ওমর বলিলেন, “আমরা এই বংশের কোরেশদিগের সহিত যুদ্ধক্ষেত্রে সম্মুখীন হইব বলিয়া প্রতিজ্ঞাবদ্ধ আছি, যদিপি আমরা তাহা হইতে পরাস্থ হই, তাহা হইলে প্রতিজ্ঞাভঙ্গরূপ অপরাধে অপরাধী হইব।” ইহা শুনিয়া হজরত শিয়াগণকে যুদ্ধসজ্জা করিতে বলিলেন। তিনি রঘাহার পুত্র আবুল্লাকে মদিনায় আপনার প্রতিনিধি নিযুক্ত করিলেন ও হজরত আলির হস্তে পবিত্র পতাকা দিলেন। তৎপরে ১৫০ জন শিষ্য ও ৫০০টা অশ্ব লইয়া হজরত মহম্মদ বদরভিমুখে যাত্রা করিলেন। তাহার শিষ্যগণ যুদ্ধক্ষেত্রে আহারীয় দ্রব্যাদি বিক্রয় করিবার জন্য প্রচুর পরিমাণে খর্জুর ও অণ্ড নানাবিধ খাদ্যদ্রব্য লইয়া গেলেন। তাহারা বদরে ৮ দিবস অবস্থান করিয়া খাদ্যদ্রব্যগুলি দ্বিগুণ মূল্যে বিক্রয় করিলেন, অবশেষে কোরেশদিগের কোন সন্ধান না পাইয়া মদিনায় ফিরিয়া আসিলেন। ইহার বিষয় কোরান শরিফের ৩য় সূরার ১৬৭ আয়েতে উক্ত হইয়াছে।

ওদিকে আবুসোফিয়ান ২০০০ সৈন্য ও ৫০০টা অশ্ব লইয়া মুসলমানদিগকে ভয়প্রদর্শনার্থ মক্কা হইতে বহির্গত হইল। তাহারা মক্কার ৮ মাইল দূরস্থিত নারবোজাহায়ান নামক স্থানে উপনীত হইয়া মুসলমানগণের যুদ্ধসজ্জার বিষয় জানিতে পারিয়া ভীত হইল এবং অগ্রসর হইতে আর সাহস করিল না, মক্কার প্রত্যাবর্তন করিল। আবুসোফিয়ান মক্কার উপনীত হইয়া প্রচার করিয়া দিল যে, “প্রচণ্ড সূর্য্যকিরণে ময়দান শুষ্ক হইয়া গিয়াছে, তথায় পশুগণের আহারোপযোগী কোনরূপ ভূগলতাদিও নাই। এইরূপ অবস্থায় প্রচণ্ড মরুভূমি অতিক্রমপূর্ব্বক মদিনায় উপস্থিত হইবার পূর্ব্বকই পশ্চিমমধ্যে সৈন্য ও উষ্ট্রগণ অনাহারে ও জলাভাবে মৃত্যুগ্রাসে পতিত হইবে। আমি এই বিবেচনায় এ বংশের

মদিনা আক্রমণে ক্ষান্ত থাকিলাম ।” ইহা শুনিয়া ওমাইয়ার পুত্র সাফোয়ান আবুসোফিয়ানকে বলিল, “এই বৎসর বৃদ্ধ করিবে বলিয়া মুসলমানগণের নিকট প্রতিজ্ঞা করিয়াছিল, কিন্তু সে প্রতিজ্ঞা পূর্ণ করিতে পারিলে না । ইহাতে মুসলমানগণ আমাদেরকে হীনবীৰ্য্য বলিয়া জানিতে পারিয়াছে, আর তাহারা আমাদের অপেক্ষা ক্ষমতাশালী হইয়া উঠিয়াছে বলিয়া মনে করিতেছে । অতএব তাহাদের ক্ষমতা ধ্বংস করিলে আমাদের চেষ্টা করা উচিত ” আবুসোফিয়ান ইহাতে অবমানিত বোধ করিয়া সেই সময় হইতে পরিবার (খন্দকের) যুদ্ধের আয়োজন করিতে আরম্ভ করিল ।

সাবেকের পুত্র জয়দের হিব্রু ভাষা শিক্ষার বিষয় ।

যখন হজরত মহম্মদ ইহুদীদিগকে পত্রাদি লিখিতেন তখন তাহা একজন ইহুদা দ্বারা লেখাইয়া লইতেন, এবং ইহুদীদিগের পত্রাদি আসিলে কোন ইহুদী দ্বারা পড়াইয়া লইতেন । ইহাতে তাঁহার বড়ই অসুবিধা হইত, কারণ ইহুদীগণ তাহাকে হিব্রুভাষায় পত্র লিখিত । সেই চিঠি ইহুদীর দ্বারা পড়াইয়া লইতেন বলিয়া অনেক সময় প্রকৃত কথা শুনিতে পাইতেন কিনা সন্দেহ, পক্ষান্তরে ইহুদীদিগকে যে চিঠি লিখিতেন, তাহা ইহুদা দ্বারা লেখাইয়া লওয়া হইত বলিয়া প্রকৃত কথাগুলি লিখিত হইত কিনা, তাহাও সন্দেহ থাকিত । এই সমুদয় অভাব দূরীকরণ মানসে হজরত মহম্মদ সাবেকের পুত্র জয়দকে হিব্রুভাষা শিক্ষা করিতে আদেশ দেন । জয়দ অতিশয় যত্নসহকারে ১৫ দিবসের মধ্যে হিব্রুভাষায় সম্যক পারদর্শিতা লাভ করেন । ইহাতে প্রতিপন্ন হইতেছে যে,

আবশ্যক হইলে বিজাতীয় ভাষা শিক্ষা করার কোনরূপ পাপ হয় না ; যদি পাপ হইত, তাহা হইলে হজরত মহম্মদ কখনই জয়দকে হিব্রুভাষা শিক্ষা করিতে অনুমতি দিতেন না ।

চোরের দণ্ড ।

একদিন বনি জাফর সম্প্রদায়ের ওবায়রকের পুত্র তোওমা তাহার প্রতিবেশী নওমানের পুত্র কাতাদার গৃহমধ্য হইতে একটা বর্ষ চুরি করে, এবং তাহা একটা মদ্যপূর্ণ থলিয়ার মধ্যে স্থাপন করিয়া লইয়া যায় । কিন্তু থলিয়ার ছিদ্র দিয়া পথিমধ্যে মদ্যনা পড়িতে আরম্ভ হইলে, সে ভীত হইয়া সেই মদ্যনা ও বর্ষপূর্ণ থলিয়াটী সামেনির পুত্র জয়দ ইহুদীর বাড়ীতে ফেলিয়া যায় । পরদিন কাতাদা অনেক অনুসন্ধানের পর জয়দের গৃহে বর্ষ পাপ হইয়া হজরতের নিকট তাহার নামে চৌর্য্যাপরাধের অভিযোগ করে । হজরত, জয়দকে ডাকাইয়া পাঠাইলে, জয়দ হজরতের নিকট আসিয়া বলিল, “এই চৌর্য্যকার্য্যের বিষয় আমি কিছুমাত্র জানি না, তোওমা এই কার্য্য করিয়াছে ।” কেহ কেহ বলেন যে, এই কার্য্যে তোওমার সহিত জয়দের সহায়ভূতি ছিল । যাহা হউক, তৎপরে জয়দ ও কাতাদা একত্রিত হইয়া তোওমার নিকট গেল, কিন্তু তোওমা বলিল, “আমি উহার বিষয় কিছুমাত্র জানি না ।” তৎপরে তোওমার বংশীর কয়েকজন সোক হজরতের নিকট আসিয়া বলিল “তোওমা বড় সৎলোক, কখন কাহারও দ্রব্যে হস্তার্পণ করে না ; সে সম্পূর্ণ নির্দোষ ।” ফলতঃ তোওমা ইসলামধর্ম গ্রহণ করিবার পূর্বে অনেকবার চুরি করিয়াছিল, এবং মুসলমান হইয়াও কয়েকবার চুরি

করে, কিন্তু এতাবৎকাল পর্য্যন্ত কখন চৌর্য্যাপরাধে ধৃত হয় নাই । এই সময়ে হজরতের নিকট কোরাণ শরিফের একটা আয়েত অবতীর্ণ হয়, তাহা এই “তুমি পরদ্রব্যাপহারকের পক্ষ সমর্থন করিও না ।”

তদনন্তর হজরত মহম্মদ তোওমাকে অপরাধী বলিয়া জানিতে পারিয়া জয়দকে ছাড়িয়া দিলেন এবং তোওমার হস্ত কর্তৃনের অনুমতি দিলেন । তোওমা দণ্ডের আদেশ প্রাপ্ত হইয়া মক্কায় পলায়ন করিল । সেখানে সে কোরেশদিগের সহিত মিলিত হইয়া হজরতের বিরুদ্ধাচরণে প্রবৃত্ত হইল ; কিন্তু অচিরকাল মধ্যে তথায় চৌর্য্যাপরাধে ধৃত হইয়া হত হইল ।

মদ্যপান নিষিদ্ধ হইবার আদেশ ।

মদ্যপান নিষেধের আদেশ ষষ্ঠ হিজরতে, কেহ বলেন, অষ্টম হিজরীতে অবতীর্ণ হয় : কিন্তু অধিকাংশ হতিবৃত্ত লেখকের মত যে, চতুর্থ হিজরীতে এই আদেশ অবতীর্ণ হয় । কোরাণ শরিফের নহল সূরায় উক্ত হইয়াছে “এবং তোমরা খর্জুর ফল ও দ্রাক্ষাফল ইহাতে মাদক দ্রব্য ও উপজীবিকা গ্রহণ করিয়া থাক, ইহাতে নিশ্চয় বিশ্বাসিগণের জন্য উত্তম নিদর্শন সকল আছে ।” ইহাতে মুসলমানগণ মনে করিতেন যে, মদ্যপান নিষিদ্ধ নহে, তাজ্জন্য তাঁহারা উহা পান করিতেন । কিন্তু হজরত আবুবকর ও আফ্ফানের পুত্র ওসমান মুসলমান হইবার পূর্বে ও পরে কখন মদ্যপান করেন নাই । এক সময়ে হজরত ওমর ও মার্বাজ মদ্যপান ও দূতক্রীড়া সম্বন্ধে হজরতের নিকট প্রশ্ন করেন, তাহাতে এই আয়েত অবতীর্ণ হয়, “হে মহম্মদ ! লোকে তোমাকে দূতক্রীড়া ও মদ্যপান

বিষয়ে জিজ্ঞাসা করিতেছে ; অতএব তুমি বলিও, এই দুই বিষয়ে গুরুতর অপরাধ এবং লোকের লাভও আছে, কিন্তু এই দুই কার্যে লাভ অপেক্ষা অপরাধ গুরুতর।” (কোরাণ শরিফ বকর সূরা ।)

এই আয়েতে মদ্যপান ও দূতক্রীড়ার লাভ আছে বলিবার কারণ এই যে, মদ্যপানে ভুক্ত দ্রব্যের পরিপাক শক্তির পবলতা, বীরত্ব ও সাহস প্রকাশ ইত্যাদি দহিক লাভ আছে ; আর দূতক্রীড়ার দরিদ্রদিগের লাভ ছিল, কেননা পূর্বে আরবদেশে এইরূপ রীতি ছিল যে, যে ব্যক্তি ক্রীড়ার জয়ী হইত, সে জয়লক্ষ দ্রব্যাদি কিম্বা অর্থগুলি দরিদ্রদিগকে দান করিত। মুসলমানগণ এই আয়েত শ্রবণ করিয়া কেহ কেহ একেবারে সুরাপান ত্যাগ করিলেন ; কেহ কেহ ত্যাগ করিলেন না। শেষোক্ত ব্যক্তিগণ বলিতে লাগিলেন যে, মদ্যপান ও দূতক্রীড়ার যখন লাভ আছে, তখন উহা ত্যাগ করিব না।

এই ঘটনার কিছুদিন পরে ইয়াউফের পুত্র আবদুল্লা মুসলমানদিগকে ভোজনার্থ নিমন্ত্রণ করেন। তাঁহারা সকলে ভোজনান্তে সুরাপানে মত্ত হইলেন, এমন সময়ে মগরেবের (সফ্যাকালীন) নামাজ পড়িবার সময় উপস্থিত হইল, আজান শুনিয়া সকলে নামাজে যোগদান করিলেন। এমন (আচার্য্য) অধিক পরিমাণে মদ্যপান করিয়াছিলেন, তজ্জন্ত তিনি নামাজের এক বচন স্থলে অন্য একটী বচন পড়িতে লাগিলেন। তাহাতে এই আয়েত অবতীর্ণ হয়, “হে বিশ্বাসিগণ ! তোমরা মত্ততাবস্থাপন্ন হইয়া যাহা বলিয়া থাক, তাহা বোধ না হওয়া পর্য্যন্ত নামাজে যোগদান করিও না” ইত্যাদি (কোরাণ শরিফ নেসা সূরা ।) মদ্যপানে কিম্বা অন্য কোন মাদক দ্রব্য সেবনে মত্ত হইয়া নামাজে, মস্জিদে এমন কি সর্বপ্রকার সাধনায় প্রবৃত্ত হওয়া নিষিদ্ধ। এই আয়েত শ্রবণ করিয়া মুসলমানগণের মধ্যে অনেকে সুরাপান ত্যাগ করিলেন।

ইহার কিছুদিন পরে একজন আনুসার মুসলমানগণকে ভোজনার্থ নিমন্ত্রণ করেন । সেখানেও সকলে ভোজনাশ্বে সুরাপানে মত্ত হইলেন । সেই মত্ততাবস্থায় আবিআক্কাসের পুত্র সায়াদ একটা কবিতা রচনা করিয়া আবৃত্তি করিতে লাগিলেন, সেই কবিতাটী আনুসারদিগের নিন্দা ও মহাজেরদিগের গৌরবে পরিপূর্ণ ছিল । আনুসারগণের মধ্যে একজন মহাজেরদিগেরও নিন্দা করিতে লাগিলেন । এইরূপে উভয় সম্প্রদায়ের মধ্যে তুমুল বিবাদ বাধিয়া উঠিল । তখন সায়াদ হজরতের নিকট গিয়া আনুসারদিগের নামে অভিযোগ করিলেন । সেই সময়ে হজরত ওমর সুরাপান বৈধ কি অবৈধ হুসুসুকে খোদাতায়ালার নিকট প্রার্থনা করিতে লাগিলেন । তাহাতে হজরতের নিকট এই আয়েতগুলি অবতীর্ণ হয়, “হে বিশ্বাসিগণ! সুরা, দূত ক্রীড়া, দেবাধিষ্ঠানভূমি ও আজলাম (ভাগা নিষ্কারণের বাণবলী) এই সকল শয়তানের অপবিত্র কার্য, অতএব তোমরা ঐ সকল কার্য হইতে নিবৃত্ত হও ।” “শয়তানের ইচ্ছা যে, সুরা ও দূতক্রীড়াতে তোমাদের মধ্যে ঈর্ষা ও শত্রুতা স্থাপন করে এবং তোমাদিগকে খোদাতায়ালার হইতে ও নামাজ (উপাসনা) হইতে নিবৃত্ত রাখে, অতঃপর তোমরা কি নিবৃত্ত হইবে ? তোমরা খোদাতায়ালার ও প্রেরিত পুরুষের অনুগত হও এবং ভীত হও, যদি তোমরা তাহার উপদেশ অগ্রাহ্য কর, তাহা হইলে জানিও যে, আমার প্রেরিত পুরুষের প্রতি প্রচার কার্যের ভার ভিন্ন আর কিছুই নহে” (কোরাণ শরীফ মায়দা সূরা) ।

মুসলমানগণ এই আয়েতগুলি শ্রবণ করিয়া সকলে একেবারে সুরাপান ত্যাগ করিলেন । তৎপরে হজরতের আদেশানুসারে প্রত্যেক পরিবারের গৃহস্থিত মদের কলসীগুলি ভাঙ্গিয়া ফেলা হইল । সেই সময়ে মদিনার রাজপথ দিয়া মদের স্রোত প্রবাহিত হইয়াছিল ।

তৎকাল হইতে মুসলমানগণের মধ্যে সুরাপান নিষিদ্ধ হইয়াছে। সুরাপান নিষিদ্ধ হইবার আদেশ প্রচারিত হইলে, কতকগুলি মুসলমান হজরতের নিকট আসিয়া জিজ্ঞাসা করিলেন, “হে প্রেরিতপুরুষ! আমাদের যে সকল ভ্রাতা মদ্যপান করিতেন ও পরলোকে গমন করিয়াছেন, তাঁহাদের আত্মার কি গতি হইবে?” ইহাতে হজরতের নিকট নিম্ন লিখিত অশ্রুতী অবতীর্ণ হয়, “বাহারা বিশ্বাসস্থাপন ও সংকল্প করিয়াছে এবং যখন ধৈর্যশীল, বিশ্বাসী ও সংকল্প-পরায়ণ হইয়াছে, তখন তাহারা যাহা ভক্ষণ করিয়াছে, তাহাতে দোষ নাই, খোদাতায়ালা হিতকারী ও বিশ্বাসিদিগকে প্রেম করেন।” (কারণ শরিফ মায়দা সুরা।)

দশম পরিচ্ছেদ ।

—•*•—

পঞ্চম হিজরীর ঘটনাবলী ।

জয়নাবের সহিত হজরত মহম্মদের বিবাহ ।

জহাসের কণ্ঠা জয়নাব হজরতের পিতৃদ্বসার কণ্ঠা ছিলেন । জয়নাবের মাতা আবদল মোত্তালেবের কণ্ঠা ওমায়মা । হজরত মহম্মদ ঐ সংকুলোদ্ভবা জয়নাবের সহিত স্বীয় দাস হারেসের পুত্র জয়দের বিবাহ দিবার প্রস্তাব করেন । জয়দ নীচবংশোদ্ভব ছিলেন, তদ্বিষয় পূর্বে বর্ণিত হইয়াছে । তজ্জন্য জয়নাব ও জয়নাবের ভ্রাতা আবদুল্লা উক্ত বিবাহ কার্যে সম্মত হন নাই । অধিকন্তু জয়নাব বলিয়াছিলেন, “আমি কেন এক জন সামান্য লোকের স্ত্রী হইব ?” তৎপরে কোরাণ শরিফের এই আয়েত অবতীর্ণ হয়, “এবং যখন আল্লাহ ও তাঁহার প্রেরিত পুরুষ কোন কার্যের আদেশ করেন, তখন কোন বিশ্বাসী পুরুষ ও বিশ্বাসিনী নারীর পক্ষে উচিত নয় যে, তাহা অগ্রাহ্য করে এবং যে ব্যক্তি খোদাতায়ালার ও তাঁহার প্রেরিত পুরুষের বাক্য অগ্রাহ্য করে, পরে সে নিশ্চয় ভ্রান্তিতে পতিত হয় ।” এই আয়েত প্রচার হইলে আবদুল্লা, জয়দের সহিত জয়নাবের বিবাহ দিতে সম্মত হইলেন । তৎপরে বিবাহ কার্য সম্পন্ন হইয়া গেল । জয়নাব উচ্চবংশ-সন্তুতা বলিয়া সর্বদা অহঙ্কার করিতেন এবং জয়দের সহিত তাঁহার বিবাহ হওয়াতে বাস্তবিকই তাঁহার মনে কষ্ট হইয়াছিল । তজ্জন্য তিনি জয়দকে সর্বদা ঘৃণা করিতেন । স্বামী ও স্ত্রীতে পরস্পর সন্তোষ না থাকায় প্রায়ই উভয়ের মধ্যে কলহ উপস্থিত হইত । এইরূপে দশ বৎসর গত হইল ; এই সময়ের মধ্যে জয়দ অনেকবার জয়-

নাবের উপর বিরক্ত হইয়া তাঁহাকে ত্যাগ করিতে উদাত্ত হয় ও হজরতের নিকট আসিয়া স্বীয় অভিলাষ বাক্ত করে । কিন্তু হজরত তাঁহাকে বলেন, “তোমার স্ত্রীকে প্রতিপালন কর ও তাহার সহিত সদ্‌বাহার কর এবং খোদাকে ভয় করিও ; কারণ খোদাতায়ালার বলিয়াছেন, ‘আপন স্ত্রীকে তুমি যত্নের সহিত আপনার নিকট রক্ষা কর এবং খোদাতায়ালাকে ভয় কর’ ।” ইহা শুনিয়া জয়দ চলিয়া গেল । কিছুদিন পরে আবার জয়দ হজরতের নিকট আসিয়া জয়নাবকে বর্জন করিবার প্রস্তাব করেন । হজরতও পূর্ববৎ তাঁহাকে উপদেশ দিলেন । কিন্তু তাহার উপদেশে জয়দের মনের গতি ফিরিল না । অবশেষে জয়দ জয়নাবকে ত্যাগ করিলেন । যখন জয়দ জয়নাবকে ত্যাগ করেন, তখন জয়নাবের বয়স্ক্রম ৩৫ বৎসর । তিনি জয়নাবকে ত্যাগ করিবার ৪ মাস ১০ দিন পরে জয়নাব হজরতের নিকট সংবাদ পাঠান, “আমার সামী আমাকে ত্যাগ করিয়াছেন, অতএব আপনি আমার ভরণ-পোষণের ভার গ্রহণ করুন ।” তখন হজরত সাল্‌মা নাম্নী একজন পরিচারিকা দ্বারা জয়নাবকে বলিয়া পাঠান, “আমি তোমাকে বিবাহ করিতে সম্মত আছি ।” জয়নাব ইহা শ্রবণ করিয়া পরম আনন্দিত হইলেন ও সাল্‌মাকে একখানি গহনা পুরস্কার স্বরূপ প্রদান করেন ও দুই রেকাত নামাজ পড়েন এবং দুই মাস রোজা (উপবাস) করেন : জয়নাব সাল্‌মার নিকট হজরতের অভিলাষ শ্রবণ করিয়া খোদাতায়ালার নিকট এত বলিয়া প্রার্থনা করেন, “হে করুণাময় ! আপনার প্রেরিতপুরুষ আমাকে বিবাহ করিতে চাহিয়াছেন, যদি আমি তাঁহার উপযুক্ত হই, তাহা হইলে আমাকে তাঁহার হস্তে সম্প্রদান করুন ।” পরে জয়নাবের সহিত হজরতের উদাত্ত ক্রিয়া সম্পন্ন হইয়া গেল । কোরাণ শরীফের আহজাব সূরার ৩৭ ও ৩৮ আয়েতে ইহার বিষয় উক্ত হইয়াছে । বিস্তৃতি ভয়ে তাহার অনুবাদে ক্ষান্ত রহিলাম ।

হজরত মহম্মদ ঈসাকে পুত্র বলিয়া সম্বোধন করিতেন, পালিত পুত্রের পরিত্যক্তা স্ত্রীকে বিবাহ করায় লোকে তাহার নিন্দা করিতে লাগিল। তাহাতে এই আয়েত অবতীর্ণ হয়, “এবং খোদাতায়ালা তোমাদের পুত্র সম্বোধন প্রাপ্ত ব্যক্তিদিগকে তোমাদের পুত্র সকল করেন নাই, ইহা তোমাদের নিজের মুখের কথা মাত্র।” এতদ্বির আরবদেশীয় লোকগণ উক্ত বিবাহে আর কোনরূপ আপত্তি করেন নাই।

বনি মোস্তালিকের বিরুদ্ধে যুদ্ধযাত্রা ।

হিজরার পঞ্চম অব্দে হুসাইন সাবান মোম্বারে (৬২৭ খৃঃ অব্দের নবেম্বর—ডিসেম্বর) মোরায়সি কূপের নিকট মোস্তালিক দলের সহিত হজরতের যুদ্ধ সংঘটন হয়। কেহ কেহ বলেন যে, এই যুদ্ধ ষষ্ঠ হিজরীতে, কেহ কেহ বলেন যে, চতুর্থ হিজরীতে সংঘটন হইয়াছিল ; কিন্তু অধিকাংশ ঐতিবৃত্তলেখক বলেন যে, ইহা পঞ্চম হিজরীতে সংঘটন হইয়াছিল।

ওগোদের যুদ্ধের পর আরবদেশস্থ যে কয়েকটা সম্প্রদায় হজরতের বন্ধুত্ব করিতে সাহসী হইয়াছিল, তাহাদের মধ্যে বনি মোস্তালিক একটা, আবিজারার পুত্র হারেস এই সম্প্রদায়ের দলপতি ছিল। সে আরবদেশস্থ কোন কোন সম্প্রদায়কে হজরতের বিরুদ্ধে যুদ্ধ করিবার জন্য আহ্বান করে, সুতরাং অনেকে তাহার সহিত মিলিত হইয়া যুদ্ধক্ষেত্রে অবতীর্ণ হইয়াছিল।

এই সময়ে হজরত মহম্মদ হোজায়ের আসলামির পুত্র বরিদাকে সংবাদ আনিবার জন্য বনি মোস্তালিক সম্প্রদায়ের নিকট প্রেরণ করেন। বরিদা হজরতকে বলেন, “আমার বাহা ইচ্ছা হয়, আমি তাহাদিগকে তাহাই বলিব।”

হজরত তাহাতে সম্মতি প্রদান করেন। বরিদা তথায় গিয়া তাহাদিগকে বলেন, “আনি তোমাদের সহিত মিলিত হইয়া যুদ্ধ করিতে আসিয়াছি।” তাহারাও তাঁগকে সাদরে গ্রহণ করিল। তিনি তথা হইতে হজরতকে যুদ্ধসজ্জা করিতে সংবাদ দিলেন। হজরত তদনুসারে যুদ্ধ সজ্জা করিলেন এবং হারেসের পুত্র জয়দকে মদিনায় আপনার প্রতিনিধিপদে নিযুক্ত করিলেন।

তৎপরে হজরত মহম্মদ মহাজেরদিগের পতাকা হজরত আলির হস্তে এবং আনুসারদিগের পতাকা আবাদার পুত্র সাখাদের হস্তে দিয়া যুদ্ধার্থ বহির্গত হইলেন। তাঁহার সঙ্গে মহাজেরদিগের ১০টী ও আনুসারদিগের ২০টী অশ্ব ছিল। এই যুদ্ধে আবদুল্লা-বেন-ওবাই-সোলুলও হজরতের সমভিব্যাহারে গিয়াছিল। হজরত প্রত্যেক যুদ্ধক্ষেত্রে স্বীয় সহধর্মিণীকে সঙ্গে লইয়া যাইতেন। কেননা ভীষণ যুদ্ধক্ষেত্রে স্ত্রী সহচরী ও শান্তিদায়িনীর কার্য করিতেন। এই যুদ্ধে বিবি আয়েসা তাঁহার সঙ্গে ছিলেন। তাঁহার গমনাগমনের জন্য একখানি শিবিকা প্রস্তুত করা হইয়াছিল, সেই শিবিকাখানি উঠে বসন করিয়া লইয়া যাইত। হজরত শিষাগণ সমভিব্যাহারে শক্রদিগের অবস্থান ভূমির নিকট উপনীত হইলে, তাহারা তাঁহাদিগকে দেখিয়া ভীত হইল এবং অনেকগুলি সম্প্রদায় ভয়ে পলায়ন করিল; কেবল বনি মোস্তালিক সম্প্রদায়স্থ লোকগণ তাঁহার সম্মুখীন হইল। হজরত তাহাদিগকে ইসলামধর্ম গ্রহণ করিতে বলিলেন, কিন্তু তাহারা তাহাতে স্বীকৃত হইল না, সুতরাং যুদ্ধ আরম্ভ হইল।

এই যুদ্ধে বনি মোস্তালিক সম্প্রদায়স্থ দলপতি হারেস ও দশ জন পতাকাবাহী হত আর ২০০ লোক বন্দী হয়। মুসলমানগণের মধ্যে এক জন লোক হত হন এবং তাহারা ৫০০ মেঘ ও ৫০০ উষ্ট্র যুদ্ধে প্রাপ্ত হন। এই সময়ে বনি মোস্তালিক সম্প্রদায়স্থ এক ব্যক্তি মুসলমান হন। তিনি

বলিয়াছিলেন, “যুদ্ধকালে আমি যুদ্ধক্ষেত্রে খেত ও কৃষকবর্গের পরিচ্ছেদে আরও কতকগুলি অপরিচিত বারপুরুষকে দেখিয়াছিলাম।”

এই যুদ্ধে হারেসের কন্যা বারা বন্দী হইয়াছিলেন। তিনি হজরতের নিকট ইসলামধর্ম গ্রহণ করিয়া জোরায়রিয়া নামে অভিহিত হন।* জয়-লক্ষ দ্রবাসমূহ বিভাগ সময়ে জোরায়রিয়া কায়েসের পুত্র সাবেতের অংশে পতিত হন। সাবেত তাঁহার মুক্তির জন্য অনেক অর্থ চান, কিন্তু তিনি অর্থ দিতে অক্ষম হওয়াতে সাবেত তাঁহাকে নানারূপ যন্ত্রণা দিতে আরম্ভ করেন। তজ্জগ্য তিনি হজরতের নিকট আসিয়া আপনার দুঃখের কথা জ্ঞাপন করেন। হজরত ৩০ক্ষণাৎ তাঁহার মুক্তির জন্য অর্থ প্রদান করেন, তখন জোরায়রিয়া হজরতের নিকট মুক্তির কৃতজ্ঞতা প্রকাশার্থে তাঁহাকে বিবাহ করিবার ইচ্ছা প্রকাশ করিলে হজরত তাঁহাকে বিবাহ করেন। হজরত মহম্মদের এইরূপ উদারতা দর্শন করিয়া মুসলমানগণ স্ব স্ব বন্দীদিগকে মুক্ত করিয়া দিলেন। এইরূপে বনি মোস্তালিক সম্প্রদায়স্থ ন্যূনাধিক ১০০ জন লোক স্বাধীনতা প্রাপ্ত হইল।

যে দিন বনি মোস্তালিকের সহিত যুদ্ধ কার্য শেষ হইয়া গিয়াছিল, সেই দিন মুসলমান সৈন্যগণ তৃষ্ণা নিবারণার্থে মোরায়সি কূপের নিকট একত্রিত হইয়া জল তুলিতেছিল। জল উত্তোলন সময়ে খজরজদলস্থ ওয়েরার পুত্র সেনানা ও মহাজের সম্প্রদায়স্থ ওমরের ভৃত্য জাহাজা একই সময়ে জল উত্তোলনার্থে কূপ মধ্যে জলোত্তোলন পাত্র দুইটী নিক্ষেপ করিয়াছিল। উভয়ের পাত্রের রজ্জু পরস্পর জড়াইয়া গিয়া একটী পাত্র কূপে পতিত হয়। ইহা লইয়া ঐ দুই জনের মধ্যে গোলযোগ উপস্থিত হয়। ক্রমে ঐ গোলযোগ গুরুতর হইয়া উঠে, তখন জাহাজা সেনানাকে এক চপেটাঘাত করে, সেই আঘাতেই সেনানার রক্তপাত হয়।

* এখানে হেশাম ৭২০ পৃঃ ; এখানে-অন-আসির ২য় খণ্ড ১৪৬ পৃঃ ।

হজরত মদিনায় উপস্থিত হইলে আবদুল্লা-বেন-ওবাই-সোলুল তাঁহার সহিত কপট বন্ধুত্ব স্থাপন করিয়াছিল, সে প্রত্যেক কার্যে সুযোগানুসারে গুপ্তভাবে হজরতের বিপক্ষতাচরণ করিত। এক্ষণে সে মহাজের ও আনসার সম্প্রদায়ের মধো পরস্পর গোলযোগ উপস্থিত দেখিয়া তথায় আসিয়া আনসারদিগকে বলিল, ‘হে আনসারগণ! দর্শন কর, তোমরা ঐ লোকদিগকে আশ্রয় দিয়া আপনাদের অবমাননা আপনারই আনিয়াছ। তোমরা উহাদিগকে নিজ গৃহে আনিয়া নিজের দ্রব্যাদি প্রদান করিয়াছ। এক্ষণে উহারা তোমাদের উপর অত্যাচার করিতেছে, পরে তোমাদের উপর প্রভুত্ব করিবে। কিন্তু দেখিও, মদিনায় গিয়া ঐশ্বর্যশালী ব্যক্তিগণ দরিদ্রলোকদিগকে (মুসলমানদিগকে) তাড়াইয়া দিবে।’

আরকামের পুত্র জয়দ হজরতের নিকট গিয়া এই গোলযোগের সংবাদ দিলেন। হজরত মহম্মদ হোজ্জারের পুত্র ওসায়েরকে বিবাদস্থলে যাইতে বলেন। ওসায়ের তথায় উপস্থিত হইলে আবদুল্লা বলিল, ‘আমি ত কিছুই বলি নাই, জয়দ আমার নামে মিথ্যা দোষারোপ করিয়াছে।’ তৎপরে কোরাণ শরিফের এই আয়েত অবতীর্ণ হয়, ‘যাহারা আনসার-দিগকে বলে যে, তোমরা প্রেরিত পুরুষের সমভিব্যাহারী লোকদিগকে কিছুমাত্র দান করিও না, তাহা হইলে তাহারা স্বয়ংই তোমাদের নিকট হইতে পৃথক হইবে। তাহারা আরও বলে যে, যদি আমরা মদিনায় প্রত্যাগমন করি, তাহা হইলে ঐশ্বর্যশালী লোকগণ দরিদ্র লোকদিগকে তাড়াইয়া দিবে। খোদাতায়ালী তাহাদিগকে অভিসম্পাত প্রদান করিবেন, তাহা হইলে তাহারা কেমন করিয়া সতাকে উল্লঙ্ঘন করিবে।’

ইহা শুনিয়া সাবেতের পুত্র আবাদা আবদুল্লাকে তিরস্কার করিতে লাগিলেন এবং হজরতের নিকট ক্ষমা প্রার্থনা করিতে বলিলেন। সে তাহাতে স্বীকৃত হইল না। এই ঘটনায় কোরাণ-শরিফের একটা আয়েত

অবতীর্ণ হইল। তাহা শ্রবণ করিয়া শিষ্যগণ আবুল্লাহর সঙ্গ ত্যাগ করিতে মনস্থ করেন। সেই গোলযোগের সময় হজরত মহম্মদ শিষ্যগণকে মদিনার যাত্রা করিতে বলেন।

আবুল্লাহর পুত্র পবিত্র ইসলাম ধর্ম গ্রহণ করিয়াছিল। হজরত মহম্মদ মদিনার নিকটেস্থ ওয়াদিআকেক নামক স্থানে শিষ্যগণ সমভিব্যাহারে উপনীত হইলে, আবুল্লাহতনয় পিতার মদিনা প্রবেশপথ রোধ করিয়া দাঁড়াইল এবং পিতাকে বালিল, “আপনি হজরতের অধীনতা স্বীকার কিম্বা শিশু ও স্ত্রীলোকগণ অপেক্ষা আপনাকে হীন বলিয়া স্বীকার না করিলে আমি আপনাকে নগর মধ্যে প্রবেশ করিতে দিব না।” অবশেষে অনেক বাদানুবাদের পর আবুল্লাহ আপনাকে শিশু ও স্ত্রীলোকগণ অপেক্ষা হীন বলিয়া স্বীকার করিলে নগর মধ্যে প্রবেশ করিবার আধিকার পাইল।

তৈয়ম্মমের আয়েত অবতীর্ণ হইবার কারণ ।

জলের অভাব বা জল ব্যবহারে অশক্ত হইলে, পবিত্র হইবার জন্ত অজু ও স্নানের পরিবর্তে শুষ্ক মৃত্তিকা বা সেই জাতীয় অণু কোন পদার্থ যথানিয়মে ব্যবহার করাকে “তৈয়ম্মম” বলে।

রওজতল আহবাব নামক পুস্তকে লিখিত আছে যে, যে দিন মুসলমানগণ বনি মোস্তালিক সম্প্রদায়স্থ লোকদিগের সহিত যুদ্ধকাণ্ড শেষ করিয়া মদিনাভিমুখে যাত্রা করেন, সেই দিন তাঁহারা পশ্চিমধ্যে সোল-সোল নামক স্থানে আসিয়া উপনীত হইলে রাত্রি উপস্থিত হইল এবং তজ্জন্ত তথায় শিবির স্থাপন করিয়া রহিলেন। কিন্তু তথায় জল না থাকায় তাঁহারা তৎক্ষণাৎই সেই স্থান ত্যাগ করিতে মনস্থ করেন, কেননা

তাহা হইলে প্রাতঃকালীন উপাসনার (ফজরের নামাজের) সময়ে অবশ্য তাঁহারা কোন জলাশয়ের নিকট উপনীত হইতে পারিবেন । কিন্তু ঘটনাক্রমে সেই স্থানে বিবি আয়েসার হার হারাইয়া গেল । হার অব্বেষণ করিতে করিতে প্রভাত হইয়া পড়ে । তখন মুসলমানগণ জলাভাবে নামাজ পড়িতে না পারিয়া হজরত আবুবকরের নিকট গিয়া তৎখ প্রকাশ করিতে লাগলেন । হজরত আবুবকর বিবি আয়েসার শিবিরে গমন করিয়া হজরতকে নিদ্রিত দেখিতে পাইলেন । তখন তিনি বিবি আয়েসাকে রাতে তথা হইতে রওনা না হইবার জন্য তিরস্কার করতে লাগলেন । হজরত মহম্মদ তাহা শুনিয়া জাগরিত হইয়া উঠিলেন এবং শিষ্যগণকে বিষয় দেখিয়া খোদাতায়ালাব নিকট প্রার্থনা করিতে লাগিলেন । তৎক্ষণাৎ এই আয়েত অবতীর্ণ হইল, ‘অপিচ জল প্রাপ্ত না হও, তাহা হইলে বিস্তৃত মৃত্তিকার চেষ্টা কর, পরে তাহা দ্বারা আপনাদিগের মুখ ও হস্ত মুছিয়া ফেল ।’ (কোরান শরিফ নেসা সূরা) তৎপরে সকলে তৈয়্যম করিয়া ফজরের (প্রাতঃকালীন) নামাজ পড়িলেন । সূর্যোদয় হইলেই বিবি আয়েসার হার পাওয়া গেল । তখন সকলে ছুটিচিতে তথা হইতে মদিনা যাত্রা করিলেন ।

বিবি আয়েসার কলঙ্ক ভঞ্জন ।

যদি মোস্তালিক সম্প্রদায়ের সচিত্র বুদ্ধকার্য শেষ করিয়া মুসলমানগণ মদিনাভিমুখে যাত্রা করেন এবং কয়েক দিবস গমনের পর তাঁহারা মদিনার অনতিদূরে আসিয়া পৌঁছিলেন এবং বিশ্রামার্থ তথায় শিবির সংস্থাপনপূর্বক অবস্থিতি করিতে লাগিলেন । একদিন রাতে তথা হইতে যাত্রা করিবার আদেশ হইলে বিবি আয়েসার শিবিরের হারদেশে শিবিকা আনীত

হইল । তিনি শিবিকারোহণ করিবার পূর্বে পায়থানায় গিয়াছিলেন । পায়থানা হইতে আসিয়া শিবিকারোহণ কালে দেখিতে পাইলেন যে, তাঁহার কণ্ঠহার হারাইয়া গিয়াছে । তিনি তৎক্ষণাৎ শিবিকার আরোহণ না করিয়া যেখানে পায়থানায় গিয়াছিলেন তথায় কণ্ঠহারের অন্বেষণে গমন করেন । কিন্তু হারের অনুসন্ধান করিতে অনেক বিলম্ব হইয়া পড়ে । এদিকে শিবিকা বাহকগণ, তিনি শিবিকার মধ্যে আসিয়াছেন, মনে করিয়া শিবিকা উঠাইয়া টেঙ্কের পৃষ্ঠে আরোহণ করাইয়া দিল, তখন উষ্ট্রচালক উষ্ট্র লইয়া প্রস্থান করিল । কিন্তু শিবিকাবাহকগণ জানিতে পারে নাই যে, বিবি আয়েসা শিবিকারোহণ করেন নাই, যেহেতু তিনি ক্ষীণাক্ষী ছিলেন, তজ্জন্ত শিবিকা ভারি কি লঘু, তাহাও তাহারা বুঝিতে পারে নাই । শিবিকাসহ উষ্ট্র চলিয়া গেলে বিবি আয়েসা সেই স্থানে আসিয়া উপনীত হন এবং শিবিকা চলিয়া গিয়াছে দেখিয়া তিনি কিংকর্তৃব্যাবিমুঢ়াবস্তায় তথায় বসিয়া থাকেন এবং খচিরেই নিদ্রাভিত্ততা হইয়া পড়েন । তাঁহার অনতি-বিলম্বে মুসলমান সৈন্যগণের পশ্চাত্তরক্ষক মোয়াতেল-সোলামির পুত্র সাফোয়ান উষ্ট্রপৃষ্ঠে তথায় আসিয়া উপস্থিত হন । সাফোয়ান সৈন্যগণের পশ্চাতে থাকিবার কারণ এই যে, যদি পথিমধ্যে কাহার কোন দ্রব্য কিম্বা কোন বস্তু একাকী পড়িয়া থাকে, তাহা হইলে তিনি তাহা লইয়া আসিতেন । পরদা সম্বন্ধীয় আয়েত অবতীর্ণ হইবার পূর্বে সাফোয়ান অনেকবার বিবি আয়েসাকে দেখিয়াছিলেন । উজ্জন্ত এক্ষণে দূর হইতে তাঁহাকে দেখিতে পাইয়া যথারীতি সালাম করিয়া বলিলেন, “আমরা খোদাতায়ালায় প্রোঁরত, আবার তাঁহার নিকটই আমাদের প্রত্যাবর্তন । হে প্রেরিতপুরুষের সহধর্মিণী ! আপনি কেন পশ্চাতে পড়িয়া আছেন ?” বিবি আয়েসা কোন উত্তর না দিয়া উত্তমরূপে

অবশুষ্ঠনাবৃত্তা হইলেন। তখন সাফোয়ান তাঁহাকে স্বীয় উষ্ট্রোপরি আরোহণ করাইয়া দ্রুতবেগে উষ্ট্র চালাইতে লাগিলেন এবং সূর্যোদয়ের অনতি পূর্বে মদিনার বহির্ভাগে মুসলমান সৈন্তগণের নিকট তাঁহাকে পৌঁছাইয়া দিলেন। বিবি আয়েসাকে সাফোয়ানের উষ্ট্রোপরি আসিতে দেখিয়া আবুল্লা-বেন-ওবাই-সোলুল তাঁহার নামে নানা কুৎসা রটনা করিয়া দিল এবং অপর কয়েক জন মুসলমানও তাঁহার সহিত মিলিত হইয়া চতুর্দিকে বিবি আয়েসার নামে মিথ্যা কলঙ্ক প্রচার করিতে লাগিল। ঐ সকল ব্যক্তির মধ্যে সাবেতের পুত্র হাসান, রফার পুত্র জয়দ, হজরত আবুবকরের মাতৃঘসার পুত্র মোস্তাঃ ও জয়নাবের ভগ্নী হামনা এই কয়জন প্রধান। হাসান কবি ছিল, সে বিবি আয়েসার নামে নানা বাঙ্গশ্চক কবিতা লিখিতে আরম্ভ করিল। সকলে মদিনায় উপনীত হইলে হজরত মহম্মদ ঐ সকল কথা শুনিতে পাইলেন।

বিবি আয়েসা বলিয়াছিলেন, “মদিনায় আসিয়াই আমি ভয়ানক পীড়িতা হইয়া একমাস শয্যাগত ছলাম। তখন ঐ সকল গোলযোগের বিষয় কিছুই অবগত হইতে পারি নাই। হজরত রাতে যখন গৃহে আসিতেন, তখন আমাকে কেবল সালাম করিয়া জিজ্ঞাসা করিতেন, “কেমন আছ ?” কিম্বা অন্য কাহাকে জিজ্ঞাসা করিতেন, “স্ত্রীলোকটী কেমন আছে ?” তখন আমি তাঁহার মুখ বিষণ্ণ দেখিয়া মঙ্গা ভাবিত হইতাম। একদিন রাতে ওয়েমোস্তাঃ আমাকে দেখিতে আসিলে, আমি তাঁহার নিকট ঐ সকল গোলযোগের বিষয় শুনলাম। তাহা শ্রবণ করিয়া আমার পীড়া আরও বৃদ্ধি পাইল। হজরত আমাকে দেখিতে আসিলে আমি তাঁহার অহুমতি লইয়া পিত্রালয়ে গেলাম। সেখানে গিয়া মাতার নিকট ঐ সকল বিষয় জিজ্ঞাসা করিলাম। তিনি

বাললেন, 'লোকে শক্রতা করিয়াইরূপ বলিতেছে।' তখন আমি দিবারাত্র কেবল ক্রন্দন করিতে লাগিলাম। এইরূপে তিন দিন ও তিন রাত্র ক্রমাগত ক্রন্দন করায় আমার পীড়া বৃদ্ধি পাইল। পিতা সৰ্বদা আমাকে প্রবোধ দিতেন।

“এই সময়ে হজরত, জামতা মালিকে আমার কলঙ্কের বিষয় জিজ্ঞাসা করিলে তিনি বলেন, “হজরত আয়েসার পরিচারিকা বরিরাকে জিজ্ঞাসা করিলে প্রকৃত বিষয় বলা যাইতে পারে।” তখন হজরত বরিরাকে জিজ্ঞাসা করেন, ‘বরির! ফাতে আয়েসার উপর রাগের উদ্বেক হয়. তাহার এমন কি কোন দোষ দেখিত পাইয়াছ?’ বরির বলিল, ‘অল্প বয়স্কা বালিকা এমন কোন দোষ করিত পারে না, যাহাতে তাহার উপর রাগের উদ্বেক হয়।’ তৎপরে হজরত তাহার কয়েক জন প্রধান প্রধান শিষ্যের নিকট আমার কলঙ্কের বিষয় জিজ্ঞাসা করেন, কিন্তু কেহই আমাকে দোষী বলিয়া প্রতিপন্ন করে নাই। হজরতও তাহার কথা কোন উত্তর দেন নাই।

“এদিকে আমি দিবারাত্র কাঁদিত কাঁদিয়া শোচনীয় অবস্থা প্রাপ্ত হইতে লাগিলাম। আমার পিতামাতাও আমার সঙ্গে ক্রন্দন করিতেন। একজন আনসারের ভাৰ্য্যাও আমার হৃৎথে হৃৎখতা হইয়াছিল। এই সময়ে হজরত একদিন আমার নিকট আসিয়া সালাম করিয়া বসিলেন। ইহার পূর্বে তিনি আর কোন দিন আমাকে দেখিতে আসেন নাই। তিনি আমাকে ক্রন্দন করিতে দেখিয়া বাললেন, ‘আয়েসা! যদি পাপ কাৰ্য্য করিয়া থাক, তাহা হইলে খোদাতায়ালার শরণাপন্ন হও এবং তাহার নিকট ক্ষমা প্রার্থনা কর।’ আমি হজরতের কথা শুনিয়া আমার পিতামাতাকে তাহার উত্তর দিতে অরুোধ করিলাম। কিন্তু তাহাদের বাক্যস্কট হইল না। তখন আমি সত্যে বলিলাম, ‘শক্রগণ আমার

সম্বন্ধে যাহা বলিতেছে, তাহা আমি মিথ্যা বলিলে, কেহ বিশ্বাস করিবে না । হজরত ইয়াকুব যেমন হজরত ইউসোফের মৃত্যু সংবাদ শুনিয়া বলিয়াছিলেন, 'ধৈর্য্য ধারণ করিতেছি, দেখি প্রভুর ককণা কি কার্য্য করে ।' আমিও তদ্রূপ বলিতেছি । এই সময়ে হজরতের নিকট এই আয়েত অবতীর্ণ হইল, 'নিশ্চয় যাহারা অপবাদ উপস্থিত করিয়াছে, তাহাদের জন্ত মহাশাস্তি আছে । চারি জন সাক্ষী কেন তাহার সম্বন্ধে আনয়ন করে নাই, অনন্তর যখন সাক্ষীগণ উপস্থিত করে নাই, তখন তাহারা খোদাতায়ালার নিকট মিথ্যাবাদী হইয়াছে ।' তৎপরে হজরত আমাকে আয়েতের বিষয় বললেন । আমার পিতামাতাও তৎক্ষণাৎ আমাকে হজরতের নিকট যাঠিতে বলেন । আমি তখন তাঁহার নিকট না যাইয়া খোদাতায়ালার উপাসনা করিলাম । তৎপরে হজরতের নিকট এই আয়েত অবতীর্ণ হইল, 'এবং যদি খোদাতায়ালার অনুগ্রহ ও দয়া তোমাদের উপর না হইত, তাহা হইলে কি রূপ হইত ; খোদাতায়ালার নিশ্চয় অনুতাপ গ্রহণকারী ও বিজ্ঞানময় ।' অতএব বিবি আয়েসা সর্বজন সমক্ষে নিফলঙ্কিনী বলিয়া প্রতিপন্ন হইলেন । হজরত তাঁহাকে গ্রহণ করিলেন । হাসান, মোস্তাঃ, হাম্না ও আবুল্লা-বেন-ওবাই-সোলুল দও প্রাপ্ত হইল ।

পরিথার যুদ্ধ ।

পরিথার যুদ্ধের অপর এক নাম "আহজাবের যুদ্ধ" । "আহজাব" শব্দটী বহুবচন ; ইহার এক বচন "হেজ্ব" । "হেজ্ব" শব্দের অর্থ দল । এই যুদ্ধে আরবদেশস্থ অনেক গুলি দল একত্রিত হইয়াছিল বলিয়া, ইহাকে আহজাবের যুদ্ধ বলে । আকাবার পুত্র মুসা বলেন যে, এই যুদ্ধ ষষ্ঠ

হিজরীতে এবং এখানে এসহাক বলেন, ৫ম হিজরীতে সংঘটন হইয়াছিল। কিন্তু রঞ্জাতল আভাবে ৫ম হিজরীট উল্লেখিত হইয়াছে ।

পূর্বে উল্লিখিত হইয়াছে যে, আবু সোফিয়ান ওহাদের যুদ্ধের পর বৎসর মুসলমানদিগকে আক্রমণ করিতে না পারিয়া লজ্জিত হইয়াছিল এবং মদিনা পুনঃ আক্রমণের জন্ত দিবারাত্র পরিশ্রম করিয়া সৈন্ত সংগ্রহে রত ছিল। সেই সময়ে দেশতাড়িত বনি নাজির দলস্থ যে সকল ব্যক্তি খায়্বারে আশ্রয় গ্রহণ করিয়াছিল, তাহারা মক্কায় আসিয়া আবু সোফিয়ানকে বলে, “আমরা মুসলমানদিগকে মদিনা হইতে দূরীভূত করিয়া দিবার জন্ত তোমাদের নিকট আগমন করিয়াছি, অতএব আইস, সকলে একত্রিত হইয়া মদিনা আক্রমণ করি।”* আবু সোফিয়ান তাহাদের অভিলাষ শ্রবণ করিয়া আনন্দে নৃত্য করিয়া উঠিল এবং তাহাদিগকে সাদরে গ্রহণ করিয়া বলিল, “যে ব্যক্তি মুসলমানগণের শত্রু ও তাহাদিগকে সমূলে ধ্বংস করিতে অভিলাষী, সেই ব্যক্তিই মহৎ।” এই সময়ে বনি-নাজির দলস্থ ইহুদীগণ আবু সোফিয়ানকে উৎসাহিত করিবার জন্ত তাহাদিগের দেবদেবীর ও তাহাদের ধর্মের প্রশংসা করিতে লাগিল। তৎপরে সকলে কাব-প্রাঙ্গণে গিয়া প্রতিজ্ঞাবদ্ধ হইল। তখন বনি নাজির-দলস্থ ইহুদীগণ মক্কা হইতে বনি গাৎফান দলস্থ ইহুদীগণের নিকট গিয়া তাহাদিগকে হজরতের বিপক্ষে কোরেশদিগের সহিত যোগদান করিতে অনুরোধ করিল। তাহারা প্রথমে তাহাতে সম্মত হয় নাই, পরে যখন বনি নাজিরগণ, খায়্বারের ময়দানস্থ এক বৎসরের উৎপন্ন সমস্ত খজুরফল তাহাদিগকে দিবার অঙ্গীকার করিল, তখন তাহারা সম্মত হইয়া যুদ্ধার্থে বহির্গত হইল। এদিকে আবু সোফিয়ান ৩০০ অশ্ব

* এখানে হেশাম ২৬৩ পৃ ; এখানে অল আসির ২য় খণ্ড ৬৩৯ পৃ ; তাহারী ৩য় খণ্ড

ও ১০০০ উষ্ট্র সঙ্গে লইয়া মদিনাভিমুখে গমন করিল। যখন আবু-সোফিয়ান মাররোজাহারাগ নামক স্থানে উপনীত হইল, তখন তথায় আসলাম, আস্জা, আঃমারা, কানানা, ফাজারা ও গাৎফান প্রভৃতি দলস্থ ইহুদীগণ আসিয়া তাহার সহিত মিলিত হইল। এক্ষণে আবু-সোফিয়ান সর্বশুদ্ধ ১০,০০০ সৈন্তের নায়ক হইল।

হজরত মহম্মদ শত্রুগণের মদিনা আক্রমণের সংবাদ প্রাপ্ত হইয়া আন্সার ও মহাজেরদিগকে আহ্বান করিলেন। তাঁহারা সকলে উপস্থিত হইলে হজরত আসন্ন বিপদের হস্ত হইতে রক্ষা পাইবার জন্য তাঁহাদিগের নিকট পরামর্শ জিজ্ঞাসা করিলেন। তখন সোলেমান ফারসী বলিলেন, “হে প্রেরিতপুরুষ। আমাদের পারশ্বদেশবাসীরা শত্রুকর্তৃক আক্রান্ত হইলে নগরপ্রাচীরের চতুর্দিকে পরিখা খনন করে এবং তদ্বারা শত্রুহস্ত হইতে রক্ষা পাইয়া থাকে। মদিনার পূর্বাদিকে সেইরূপ পরিখা খনন করিলেই অনায়াসে আমরা নিরাপদ হইব।” হজরত মহম্মদ সোলেমান ফারসীর প্রস্তাবে অনুমোদন করিলেন এবং শিষ্যগণও তাহাতে সম্মতি দান করিলেন। মদিনা নগরের তিন দিক পর্বত-বেষ্টিত, কেবল পূর্ব দিকে নগর প্রবেশের পথ, তথায় কোন পাহাড়াদি নাই। সেই জন্য সেই দিকে পরিখা খনন করাই স্থির হইল। হজরত ৩০০০ শিষ্য ও ৩৬টা অশ্ব সমভিব্যাহারে মালা পাহাড়ের নিম্নভাগে গিয়া শিবির স্থাপন করিলেন * (৫ম হিঃ শওয়াল মাস)।

তৎপরে পরিখা-খনন কার্য আরম্ভ হইল। হজরত স্বয়ং উক্ত কার্যে যোগদান করিয়াছিলেন। বোখারি বলেন, “সাবেত বলিয়াছেন যে, পরিখা খনন করিতে করিতে একখণ্ড প্রস্তর বাহির হইয়া পড়ে, শিষ্যগণ তাহা ভগ্ন করিতে অক্ষম হইয়া হজরতকে জানাইলেন ;

* এখানে হেশাম ৬৭৮ পৃষ্ঠা।

হজরত স্বয়ং অস্ত্র হস্তে লড়াই তাহাতে আঘাত করিলে, তাহা চূর্ণ হইয়া গেল।” আহমদ ও নেসায়ি বারাঃ বলেন, “হজরত সেই প্রস্তরখণ্ডে প্রথমবার আঘাত করিলে, তাহা হইতে অগ্নিস্ফুলিঙ্গ বহির্গত হয়, তাহাতে তিনি বলেন, ‘ইমেনের রাজধানী দেখিতে পাইতেছি।’ দ্বিতীয় আঘাতে ঐরূপ হওয়াতে বলেন, ‘পারস্য সম্রাটের রাজপ্রাসাদ দেখিতে পাইতেছি।’ তৃতীয় আঘাতেও ঐ রূপ হওয়াতে বলেন, ‘তুরস্কের রাজধানী আমার নয়নগোচর হইল।’ ফলতঃ ঐ সকল স্থানে শেষে মুসলমানগণের বিজয়-পতাকা উড্ডীতমান হইবে, এই তাহার প্রথম চিহ্ন বলিয়া সকলে অনুভব করেন।”

এই পরিখা-খননের সময়ে হজরত মহম্মদ জাবেরের গৃহে একটি ছাগলের মাংস ও অল্প পরিমাণ ময়দা দ্বারা অসংখ্য লোককে ভোজন করাইয়া ছিলেন। অপর একদিন তিনি এক বুড়ি খজুর ফল দ্বারা সমুদয় সৈন্যকে প্রচুররূপে ভোজন করাইয়াছিলেন। এতদ্বারা এই সময়ে আরও অনেক অলৌকিক ঘটনা সংঘটিত হইয়াছিল। বিস্তৃতি ভয়ে তাহার উল্লেখ করিলাম না।

যাহা হউক, ২০ দিনের মধ্যে পরিখা-খনন-কার্য শেষ হইয়া গেল। ওয়াক্কেদি বলেন, ২৪ দিনে, হুবি বলেন, ১৫ দিনে পরিখা খনন কার্য শেষ হয়। কিন্তু রওজতল আহবাব গ্রন্থে লিখিত আছে যে, ৬ দিনের মধ্যে সেই কার্য শেষ হইয়াছিল। পরিখা খনন ও যুদ্ধ-সজ্জা প্রভৃতিতে ২০ দিন লাগিয়াছিল।

পরিখা-খনন-কার্য শেষ হইবার অনতিপরেই আবু সোফিয়ান তাহার নিকটে উপস্থিত হইয়া পরিখা দেখিয়াই হতবুদ্ধি হইয়া গেল। কেননা আরবদেশে পূর্বে কখন পরিখা খনন করিয়া যুদ্ধ করিবার রীতি প্রচলিত ছিল না। হজরত শিষ্যগণ-সহ পরিখার অপর পারে সালা পাহাড়ের

নিম্নভাগে অবস্থিত করিতে লাগিলেন । সেই সময়ে আবু সোফিয়ান শুনিল যে, মদিনার দক্ষিণ-পূর্ব কোণস্থ বনি-কোরাযজা ইহুদীগণ হজরতের সহিত একরূপ সন্ধিসূত্রে আবদ্ধ আছে যে, তাহারা মুসলমান-গণের শত্রুর বিপক্ষে অস্ত্রধারণ করিবে । তৎক্ষণে সে আপনাদের নিরাপদের জন্ত বনি কোরাযজা দলপতি কায়াবের নিকট, বনি নজির দলস্থ আখতাবের পুত্র হাইকে পাঠাইয়া দিল এবং তাহাদের সহিত যোগ দিবার জন্ত অনুরোধ করিয়া পাঠাইল । হাই রাতে কায়াবের গৃহে উপনীত হইয়া আবুসোফিয়ানের অভিলাষ বিবৃত করিল । কায়াব তাহা শুনিয়া বলিল, “আমরা হজরতের সহিত সন্ধিসূত্রে আবদ্ধ আছি, অতএব তোমাদের সহিত যোগ দিতে পারিব না” ; ইচ্ছা বলিয়া কায়াব গৃহের দ্বার বন্ধ করিল । হাই দ্বার খুলিবার জন্ত অনেক অনুনয় করিল ; পরে কায়াব দ্বার খুলিয়া বাহির হইল ও তাহার প্রলোভনে মজিয়া কোরেশদিগের সহিত মিলিত হইবার জন্ত বর্হগত হইল ।

হজরত বনি কোরাযজাদিগের বিশ্বাসঘাতকতার বিষয় শ্রবণ করিয়া মারাজের পুত্র সায়াদ ও আবাদার পুত্র সায়াদকে তাহাদের নিকট পাঠাইয়া দিলেন । তাহারা তাহাদের নিকট গিয়া সন্ধির কথা স্মরণ করাইয়া দিলেন । তাহা শুনিয়া তাহারা বলিল, “হজরত মহম্মদ কে ? কেই বা আল্লাতায়ালার ধর্ম-প্রচারক ? আমরা ত কাহারও সহিত সন্ধিস্থাপন করি নাই ” * তাহারা অবমানিত হইয়া আসিয়া, “বনি কোরাযজাদলস্থ লোকদের আচরণের বিষয় হজরতের নিকট প্রকাশ করিলেন ।

বনি কোরাযজা দলস্থ ব্যক্তিগণ মদিনা-প্রবেশের গুপ্ত পথাদির বিষয় উত্তমরূপে জানিত । তাহারা কোরেশদিগের সহিত যোগ দিয়াছে শুনিয়া মুসলমানগণ অতিশয় ভীত হইলে এই আয়েত অবতীর্ণ হইল,—

* এখানে হেশাম ৬৭৫ পৃ: ; মুহরর ৩৪ খণ্ড ২৫৯ পৃ: ।

“এবং স্মরণ কর, যখন তোমাদের উপর হইতে ও তোমাদের নিম্ন হইতে সৈন্তগণ তোমাদিগকে আক্রমণ করিল এবং যখন তোমাদের চক্ষু সকল বক্র ও প্রাণ কণ্ঠাগত হইল ও তোমরা খোদাতায়ালার সঙ্কে নানা কল্পনা করিতেছিলে । সেই স্থানে বিশ্বাসীগণ পরীক্ষিত ও কঠিন সঞ্চালনে সঞ্চালিত হইতোছিল ।” (কোরাণ শরিফ ৩৩ সূরা) ।

অল্লাবিশ্বাসী মুসলমানগণ বলিতে লাগিল, “হজরত মহম্মদ কি আমাদের রাজা করিবেন ? আমরা যে সমূলে ধ্বংস প্রাপ্ত হইব ।” ইহাতে এই আয়েত অবতীর্ণ হয়, “এবং স্মরণ কর, যখন কপট লোকেরা বলিতেছিল যে, আল্লাহ ও তাঁহার প্রেরিতপুরুষ আমাদের নিকট প্রবেশনা ভিন্ন আর কিছুই অঙ্গীকার করেন নাই ” অত্র এক সময়ে এক দল মুসলমান হজরতকে বলে, “আমাদের গৃহে কেহ রক্ষক নাই, যদি শত্রুগণ আক্রমণ করে, কে রক্ষা করবে, অতএব আমরা গৃহে বাইতে ইচ্ছা করি ।” তাহাতে এই আয়েত অবতীর্ণ হয়, “এবং স্মরণ কর, যখন তাহাদের এক দল প্রেরিত পুরুষের নিকট অমুমতি চাহিল, ও বলিতে লাগিল, ‘নিশ্চয় আমাদের গৃহ শূন্য আছে’ ; বস্তুতঃ তাহা শূন্য নয়, তাহারা পলায়ন ভিন্ন আর কিছুই ইচ্ছা করিতেছিল না ।” (কোরাণ শরিফ) ।

অনন্তর হজরত মহম্মদ হারেসের পুত্র জয়দের সমভিব্যাহারে ৩০০ লোক দিয়া মদিনায় শিষ্যগণের গৃহাদি রক্ষা করিতে পাঠান । কেহ বলেন, ১০ দিন, কেহ বলেন, ২৪ দিন, কেহ বলেন, ২৭ দিন পর্যন্ত শত্রুগণ মুসলমানদিগকে বেঁটন করিয়াছিল । এই সময়ে মুসলমানগণ অতিশয় কষ্টে পতিত হইয়াছিলেন । বসরের পুত্র আব্বাদ হজরতের প্রহরী স্বরূপ নিযুক্ত ছিলেন । অনৈক শত্রু হজরতকে আক্রমণ করিতে আসিলে, তিনি তাহাকে হত্যা করেন ।

একদিন কয়েক জন সাহসী শত্রু, বনি-কোরাযজা দলই লোকগণের সাহায্যে পরিধা উত্তীর্ণ হইয়া মুসলমানদিগকে আক্রমণ করে। এই সময়ে হজরত মহম্মদ, জোলফকর নামক তরবারি হজরত আলিকে প্রদান করেন। হজরত আলি সেই তরবারি গ্রহণ করিয়া কয়েক জন প্রধান প্রধান শত্রুকে হত্যা করিয়াছিলেন। মায়াজের পুত্র সায়াদ এই যুদ্ধে আহত হন। তিনি আঘাত প্রাপ্ত হইয়া বলেন, “আমি বনি কোরাযজার ধ্বংস দেখিয়া যাইতে পারিলে সুখী হইব।” অল্প এক দিন কাফেরগণ প্রাতঃকাল হইতে রাত্রি পর্যন্ত মুসলমানদিগের সহিত অবিরাম যুদ্ধ করিয়াছিল। তাহাতে তাহাদের অনেকগুলি প্রধান প্রধান লোক হত হওয়াতে তাহারা ভ্রমোৎসাহ হইয়া পড়ে। যুদ্ধ শেষ হইলে বেলাৎ সকলকে নামাজ পড়িবার জন্য আহ্বান করিলে তাহারা জোহর, আসর ও মগরেবের নামাজ পর পর পড়িয়াছিলেন।

পর দিন গাৎফান দলও মসুদআস্জাইর পুত্র নায়ম হজরতের নিকট আসিয়া ইসলামধর্ম গ্রহণ করে। পূর্বে হইতে নায়মের ইসলামধর্মে বিশ্বাস ছিল, কেবল আত্মীয়গণের ভয়ে এতদিন সে ইসলামধর্ম গ্রহণ করিতে পারে নাই। নায়ম হজরতকে বলে, “আপনি আমাকে শত্রুদিগের শিবিরে যাইতে অনুমতি করুন, আমি সেখানে গিয়া আপন ইচ্ছানুযায়ী কার্য করিব, আপন তাহাতে কোন আপত্তি করবেন না।” হজরত তাহাতে সম্মত হন। নায়মের সহিত বনি কোরাযজা দলও হত্যাগণের বন্ধু ছিল, তজ্জন্ত সে অগ্রে তাহাদের নিকট গিয়া বলিল, “আমি তোমাদিগকে বন্ধুতার অনুরোধে বলিতেছি যে, তোমরা মকানগরস্থ কোরেশদিগের বিবাদে যোগ দিয়া কেবল আপনারাই কষ্ট ভোগ করিতেছ, ইহা কি নির্বৃদ্ধিতার কার্য করা হইতেছে না? তোমরা মনে করিয়া দেখ, তাহাদের অপেক্ষা তোমরা কি নিরাপদ স্থানে বাস

কর ? যদি পরাজিত হও, তাহা হইলে কোরেশগণ মকায় পলায়ন করিয়া রক্ষা পাইবে এবং তাহাদের দলত্ব অন্তান্ত লোক দূরবর্তী মরুভূমিস্থ স্ব স্ব আবাসে গমনপূর্বক আশ্রয়রক্ষা করিবে ; কেবল তোমাদের উপরই মদিনাবাসিগণের ক্রোধাগ্নি প্রজ্জ্বলিত হইবে।” তৎপরে সে কোরেশ ও গাৎফান দলত্ব লোকদিগের শিবিরে গমন করিল এবং তাহাদিগকে বলিল, “বনি কোরায়জা ইহুদীগণ হজরত মহম্মদের নিকট আশ্রয় সমর্পণ করিতে ইচ্ছা প্রকাশ করিয়াছে।” নারিমের কথা শুনিয়া বনি কোরায়জা, কোরেশ ও গাৎফান দলগুলি ভীত হইল।

আবদুল্লাহর পুত্র জাবের বলেন যে, হজরত মহম্মদ এই সময়ে সোম মঙ্গল ও বুধ এই দিন ক্রমাগত মস্জিদে জোহর ও আসরের নামাজের মধ্যবর্তী কালে খোদাতায়ালার নিকট বিজয় লাভের জন্য প্রার্থনা করিতেন। খোদাতায়ালার তঁাহার প্রার্থনা গ্রহণ করিয়াছিলেন, তৃতীয় দিবসে বিজয়ের লক্ষণ প্রকাশ পাইয়াছিল। এই কারণে লোকে সোম, মঙ্গল ও বুধবারে কোন কার্য সিদ্ধির জন্য খোদাতায়ালার নিকট প্রার্থনা করিয়া থাকেন।

অবশেষে বিধাতার কৃপায় প্রবল বাত্যা উত্থিত হইয়া শক্রদিগের শিবিরাদি ভূমিসাৎ করিয়া ফেলিল এবং পশুগণ ভয়ে বন্ধনরজ্জু ছিন্ন করিয়া পলায়ন করিল। তাহাদের আহারীয় দ্রব্যাদি ঝড়ে কোথায় উড়িয়া গেল, তাহার আর সন্ধান রহিল না এবং শিবিরস্থ অগ্নিরাশি নিক্ষিপিত হইয়া গেল। কথিত আছে যে, সেই সময়ে স্বর্গীয় দূতগণ আসিয়া শক্রদিগের শিবিরের বন্ধনরজ্জু ছেদন ও শিবিরের স্তম্ভ সকল উৎপাটন করিয়াছিলেন। চতুর্দিক হইতে পশুরথও আসিয়া শক্রদিগের উপর পড়িতে লাগিল, তাহাতে তাহারা ব্যতিব্যস্ত হইয়া স্ব স্ব আবাসে প্রস্থান করিল

এবং কোরেশগণ শরবিক যুগের স্ত্রায় পলায়ন করিতে লাগিল।* সেই রাতে ঝড়ের পর হজরত, হোজায়ফাকে শত্রুগণের অবস্থা দেখিবার জন্য তাহাদের শিবির সন্নিবেশিত স্থানে পাঠাইয়া দিলেন। হোজায়ফা তথায় গিয়া দেখেন যে, শত্রুগণের শিবিরে অগ্নি নাই, তাহাদের দ্রব্যাদি কোথায় উড়িয়া গিয়াছে, তাহার সন্ধান নাই। আবু সাফিয়ান কাঁদিতেছে ও অগ্নির অনুসন্ধান করিতেছে। আবুসোফিয়ান সেই রাতেই মক্কার প্রস্থান করিয়াছিল। কোরাণ শরিফে উক্ত হইয়াছে, “হে বিশ্বাসীগণ! তোমরা তোমাদের সম্বন্ধে আল্লাতায়ালার দান স্মরণ কর, যখন তোমাদের বিপক্ষে সৈন্য উপস্থিত হইয়াছিল তখন আমি তাহাদিগের উপরে ত্যাগ ও সেনাদ্রুত প্রেরণ করিয়াছিলাম, এবং তোমরা তাহা দেখ নাই এবং তোমরা যাহা করিয়া থাক, খোদাতায়ালার তাহার দর্শক।” “এবং ধর্ম বিদ্রোহীদেরকে বিশ্বপাতা তাহাদের ক্রোধ সহকারে ফিরাইয়া দিলেন, তাহারা কোন কল্যাণ প্রাপ্ত হইল না, খোদাতায়ালার বিশ্বাসীদের পক্ষে যুদ্ধে জয় লাভ দেখাইলেন; এবং আল্লাতায়ালার ক্ষমতাশালী ও পরাক্রান্ত।” এই যুদ্ধের বিষয় কোরাণ শরিফের আহজ্ব'ব সুরায় বিশেষরূপে উক্ত হইয়াছে।

কথিত আছে যে, এই যুদ্ধের পর আবু সোফিয়ান মক্কার গিয়া সকলকে আহ্বান করিয়া বলিয়াছিল, “তোমাদের মধ্যে কে মদিনায় গিয়া হজরত মহম্মদকে বধ করিতে সক্ষম? কেননা তিনি হাতে, বাজারে একাকী গিয়া থাকেন এবং ধর্ম প্রচারে মনোনিবেশিত; তাহার শত্রুমিত্র জ্ঞান থাকে না। তাহাকে গুপ্তভাবে অনায়াসে হত্যা করা যায়।” ইহা শুনিয়া একজন পল্লীগ্রামবাসী আরব বলিল, “আমাকে সাহায্য করিলে আমি উহা সম্পন্ন করিতে পারি, কারণ আমার একখানি স্ত্রীকৃত্ত তরবারি আছে।” আবুসোফিয়ান তাহাকে একটা উষ্ট্র ও কিছু পাণের দিয়া মদিনায় পাঠাইয়া

* এখানে হেশাম ৩৮৩পৃ; এখানে অল আসিঃ ২য় খণ্ড ১৪০ পৃ:।

দিল । সে মদিনার উপনীত হইয়া হজরতের অনুসন্ধান করিতে লাগিল । যখন হজরত একটা মস্জিদে বসিয়া ধর্মপ্রচার করিতেছিলেন, সে সেই সময়ে তথায় গিয়া বলিল, “আবুল্লাহর পুত্র কে ?” হজরত বলিলেন, “আমি ।” তখন সে হজরতের দিকে অগ্রসর হইল । হজরত শিষ্য-গণকে বলিলেন, “ঐ ব্যক্তি আমাকে হত্যা করিতে আসিতেছে ।” শিষ্য-গণ ইহা শুনিয়া সাবধান হইলেন । হজরত তাহাকে বলিলেন, “তুমি কি জন্তু আসিয়াছ সত্য করিয়া বল, তাহা হইলে রক্ষা পাইবে ।” ইহা শুনিয়া তাহার অন্তরে ভয়ের ঢেউক হইল এবং সে সমুদয় বৃত্তান্ত বর্ণনা করিল । তৎপরে সে ইসলামধর্ম গ্রহণ করিয়াছিল ।

বনি কোরায়জার যুদ্ধ ।

মদিনার নিকটস্থিত বনি কোরায়জা দলস্থ ইহুদাগণ মুসলমানদিগের সহিত এইরূপ সন্ধিসূত্রে আবদ্ধ ছিল যে, তাহারা শত্রুদিগের আক্রমণ হইতে মদিনা নগর রক্ষা করবে । কিন্তু তাহারা হজরতের চিরশত্রু বনি নজির দলপতি আখতাবের পুত্র হাহর পরামর্শে উৎসাহিত হইয়া মুসলমানদিগের সহিত সন্ধি ভঙ্গ করিয়াছিল এবং পারখার যুদ্ধে কোরেশদিগের সহিত যোগ দিয়াছিল । ইহার বিষয় পরিধার যুদ্ধে লিখিত হইয়াছে ।

বিবি আয়েসা বলিয়াছেন, “যখন হজরত পারখার যুদ্ধ হইতে গৃহে প্রত্যাগমন করিয়া শ্রান করিতেছিলেন, তখন বাটীর বাহির্ভাগ হইতে এক ব্যক্তি তাহাকে সালাম প্রদান করে । তিনি তৎক্ষণাৎ বাহিরে গেলেন, আনন্ডে তাহার পশ্চাৎ পশ্চাৎ গিয়া দেখিলাম যে, দেহিয়াতল-কাল্‌ব একটা খেত অশ্বতর পৃষ্ঠে আরোহণ করিয়া আসিয়াছেন । তাহার মুখে

ও দস্তে ধূলা লাগিয়াছিল, হজরত তাহা ঝাড়িয়া দিলেন । তৎপরে তিনি হজরতের নিকট কয়েকটা কথা বলিয়া চলিয়া গেলেন । হজরত বাড়ীর মধ্যে আসিয়া বলিলেন, ‘জেব্রিল আমাকে বনি কোরায়জার বিপক্ষে যাত্রা করিতে বলিয়া গেলেন’ ।” (১)

হজরত মহম্মদ স্নানাদি করিয়া বেলালকে বলিলেন, ‘বেলাল ! যুদ্ধার্থ শিষ্যগণকে আহ্বান কর ।’ বেলাল সকলকে যুদ্ধার্থ আহ্বান করিলেন । মুসলমানগণ হজরতের চতুর্দিকে সমবেত হইলে, তিনি তাঁহাদিগকে বলিলেন, “আল্লাতায়ালার আদেশানুসারে তোমরা বনি কোরায়জার বিপক্ষে যাত্রা কর এবং তথায় গিয়া আসরের নামাজ পড়িও ।” শিষ্যগণও যুদ্ধার্থ সাজ্জত হইলেন । হজরত এবনে-ওশ্বে নক্‌তুমকে আপনার প্রতিনিধি পদে নিযুক্ত করিলেন এবং হজরত আলির হস্তে পবিত্র পতাকা দিলেন । তিনি লেহিব নামক অশ্ব পৃষ্ঠে আরোহণ করিয়া ৩০০০ সৈন্য ও ৩৬টা অশ্ব সঙ্গে লইয়া বহির্গত হইলেন । হজরত আবুবকর সৈন্যগণের দক্ষিণে ও হজরত ওমর বামে গমন করিতে লাগিলেন । পথিমধ্যে বনি নজ্জার দলস্থ লোকগণ হজরতের সহিত যোগ দিল । মুসলমানগণ রাত্রিকালে বনি কোরায়জার বাসস্থানে গিয়া আসর, মগরোব ও এসার নামাজ পড়িলেন । তৎপরে তাহারা বনি কোরায়জাদিগকে বেষ্টন করিলেন । এবনে এসহাক বলেন, ২৫ দিন ও এবনে সায়াদ বলেন, ১৫ দিন পর্যন্ত বনি কোরায়জা দলস্থ লোকগণ দুর্গ মধ্যে আবদ্ধ ছিল । এই সময়ে আবিআক্কাসের পুত্র সায়াদ তাহাদিগের উপর তীর বর্ষণ করিতেন । ইহুদীগণ দুর্গ মধ্যে আবদ্ধ থাকিয়া বিষম সঙ্কটাপন্ন হইয়াছিল এবং তাহাদের অন্তর মধ্যে ভয়ের উদ্বেক হইয়াছিল । শেষে তাহারা হজরতের

(১) হজরত জেব্রিল সময়ে সময়ে দোহরাতল-কাল্বির আকার ধারণ করিয়া হজরতের নিকট আসিতেন ।

নিকট এই বলিয়া দূত পাঠাইল “বনি নজির দলগ্ন ইহদীগণ যেরূপ নির্বাসিত হইয়াছে, আপনি আমাদিগকে সেইরূপ নির্বাসিত করুন।” হজরত তাহাদের প্রস্তাবে স্বীকৃত হন নাই।

সেই সময়ে বনি কোরায়জা-দলপতি আসাদের পুত্র কায়াব, হাই ও অপর প্রধান প্রধান ইহুদীগকে বলিয়াছিল, “আমরা ত তওরাতে হজরত মহম্মদের আবির্ভাবের বিষয় অবগত হইয়াছি ; চল, সকলে গিয়া তাঁহার নিকট ইসলাম ধর্ম গ্রহণ করি।” কিন্তু তাহারা ঈর্ষা বশতঃ হজরতকে শেষধর্ম প্রচারক বলিয়া স্বীকার করিল না। অধিকন্তু বলিল, “আমরা সন্ন্যাস্ত হইলেও তওরাত গ্রন্থ ত্যাগ করিব না।” তৎপরে তাহারা হজরতের নিকট বলিয়া পাঠাইল “আওস দলগ্ন মায়াজের পুত্র সায়াদের হস্তে আমাদের বিচার-ভার অর্পণ করুন ; তিনি আমাদের সম্বন্ধে যাহা বিচার করিবেন, আমরা তাহাই গ্রহণ করিব।” হজরত তাহাতে সম্মত হইলেন। তৎপরে মোস্লেমার পুত্র মহম্মদ তাহাদিগকে বন্দী করিলেন। সায়াদের পুত্র আবদুল্লা তাহাদের স্ত্রীলোক ও বালক বালিকাগণের ভার গ্রহণ করিলেন। মুসলমানগণ তাহাদের ১৫০০ তরবারি, ৪০০ বর্ম ও ২০০ বল্লম প্রাপ্ত হইলেন। ইহার পরে হজরত মহম্মদ, মায়াজের পুত্র সায়াদকে আহ্বান করিলেন। সায়াদ পরিখার বুদ্ধে আহত হইয়াছিলেন, তজ্জন্ম তিনি একটা গর্দভোপরি আরোহণ করিয়া হজরতের নিকটে আসিলেন। এই সময়ে আওসদলগ্ন কাতপর ব্যক্তি সায়াদের নিকট গিয়া বলিল, “আপনার উপর বনি কোরায়জাদিগের ভাগ্য নির্ভর করিতেছে, অতএব উহাদের প্রতি একটু অনুগ্রহ প্রকাশ করিবেন।” সায়াদ তাহাদের কথার কোন উত্তর দেন নাই। হজরত তাঁহার উপর উহাদের বিচার ভার অর্পণ করিলে সায়াদ তাহাদের যোদ্ধৃপুরুষদিগকে হত্যা করিতে অনুমতি দিলেন, এবং স্ত্রীলোক ও বালক-

বালিকাগণকে বন্দী করিয়া রাখিলেন । + কোরান শরীফে উক্ত হইয়াছে, “এবং গ্রহাধিকারী (উলুদী) দিগেব মধ্যে যাহারা তাহাদিগকে সাহায্য দান করিয়াছিল তিনি তাহাদিগকে তাহাদের দুর্গসমূহ হইতে নামাইলেন ও তাহাদের অন্তরে ভয় নিক্ষেপ করিলেন, তোমরা তাহাদের একদলকে হত্যা ও অপর দলকে বন্দী করিতেছিলে ।”

সুবিখ্যাত ইতিবৃত্তলেখক বোথাবির কেভাব অল জেহাদে লিখিত আছে যে, হজরত মহম্মদ সায়াদের বিচার শ্রবণ করিয়া বলিয়াছিলেন, “সায়াদ যথেষ্টাচারী রাজার (মালেক) হায্য বিচার করিয়াছে ।” কোন কোন ইতিবৃত্তলেখক বলেন যে, ঐ স্থানে “মালেক” শব্দটির অর্থ খেদাতায়লা । কিন্তু অন্যান্য ইতিবৃত্তলেখকগণ বলেন, ঐ “মালেক” শব্দটির অর্থ রাজা । সৈয়দ-অল-নাস বলেন যে, হজরত মহম্মদ অবশিষ্ট বন্দীদিগকে অর্থ বিনিময়ে মুক্ত করিয়া দিয়াছিলেন ।

খৃষ্টান লেখকেরা এই বিচার সম্বন্ধে সায়াদের উপর নানারূপ দোষা-
রোপ করিয়া থাকেন । তাঁহারা বলেন, “বন্দীদিগকে হত্যা করা অন্যায্য ।”
কিন্তু উলুদীগণ সন্ধি ভঙ্গ করিয়া বিশ্বাসঘাতকতারূপে হজরতের শত্রু-
দিগের সহিত যোগ দিয়াছিল ও বিদ্রোহাচরণে প্রবৃত্ত হইয়াছিল ;
তজ্জন্ম আইনামুসারে তাহারা বাস্তবিকই দণ্ড পাঠবার যোগ্য । খৃষ্টান
লেখকগণের মধ্যে কেহ ২০০, কেহ ৭০০, কেহ বলেন ৪০০ উলুদী প্রাণ
দণ্ডের আদেশ প্রাপ্ত হইয়াছিল । কিন্তু দেখা যাইতেছে যে, যে রাত্রে
উলুদীগণ বন্দী হইয়াছিল, সেই রাত্রে তাহারা বেস্টে অল-হারেসের গৃহে
বন্দী অবস্থায় ছিল । অতএব একটী গৃহে ২০০ লোক থাকাও অসম্ভব ।
সুতরাং ইটা নিশ্চিত যে, ২০০ শতের অনধিক লোক কখন বন্দী হয়
নাট ; (এখানে হেসামের মতামুসারে লিখিত) ।

দুমতল জন্দের যুদ্ধ ।

হজরত মহম্মদের শত্রুগণ পরিথার যুদ্ধে পরাজিত হইয়াও নিশ্চিন্ত হইল না । তাহাদের মধ্যে কেহ কেহ মদিনার পার্শ্ববর্তী স্থানে আসিয়া মুসলমানদিগকে গুপ্তভাবে হত্যা করিতে লাগিল । সেই হত্যাকারীদের মধ্যে দুমতল জন্দের গুপ্তান শাসনকর্তা আকিদা একজন ।* সে মদিনা গমনের পথ-পার্শ্বে একদল লোক লইয়া সর্বদা উপস্থিত থাকিত এবং মদিনাযাত্রী পথিক দেখিতে পাইলে হত্যা করিত । হজরত মহম্মদ এই সংবাদ পাইয়া তাহাদিগকে পবিত্র ধর্ম গ্রহণ করাইবার জন্ত এবং তাহাদের দস্যবৃত্তি ভাগ করাইবার জন্ত ১০০ শিষ্য সমভিব্যাহারে তথায় গমন করেন । সেই সময়ে তিনি তাহার শিষ্যগণকে নিম্নলিখিতভাবে উপদেশ দিয়াছিলেন, “কোন অবস্থাতেই তোমরা প্রতারণা বা বিশ্বাসঘাতকতা করিও না, ‘কথা তোমরা কখনই কোন শিশুসন্তানকে হত্যা করিও না’† কিন্তু শত্রুগণ তাহার আগমন সংবাদ পাইয়া পলায়ন করিয়াছিল ।

* আবুলফেরা বলেন, “দুমতল জন্দের দক্ষিণ দিকে ৭ দিনের পথ-ব্যবধানে অবস্থিত ।

† এখানে হেশাম ৯৯২ পৃঃ । হজরত মহম্মদের এই উপদেশবাহীর সহিত এবং হজরত আবুবকর (প্রথম খলিফা) যখন হুরিয়া বিক্রয় জন্ত এজিদ বেন আবু সোফিয়ানকে সৈন্যপতা পদে নিযুক্ত করিয়া যে উপদেশ দিয়াছিলেন, তাহার সহিত এপ্রাইল বংশীয় পয়গম্বাদিগের উপদেশের তুলনা হইতে পারে না । এপ্রাইল বংশীয় একজন পয়গম্বরের একটা উপদেশ নিয়ে লিখিত হইল, “এখন তুমি যাইয়া অমালেককে আঘাত কর ও তাহার সাকল্য বার্জিত রূপে বিনষ্ট কর, তাহাদের প্রতি চমূলজ্জা করিও না ; স্ত্রী ও পুরুষ, বালক ও স্তম্ভপায়ী শিশু, গরু ও মেঘ, উষ্ট্র ও গর্দভ, সকলকে বধ কর ।” (সামুয়েল ১৫ অধ্যায় ৩) “বৃদ্ধ ও যুবা ও কুমারী ও বালক ও বনিতাদি সকলকে নিঃশেষে বধ কর ।” (এজিকেল নবম অধ্যায় ৬) । আবার বর্তমান বিংশ শতাব্দীতে মহাবল পরাক্রান্ত খ্রীষ্টাধর্মশক্তি মাকুরিয়ার রাগো ভেনটেঙ্ক যুদ্ধে ৫০০০ হাজার চাইনীজ, পুরুষ স্ত্রী ও শিশুসন্তানকে হত্যা করিয়াছিল, তাহার উল্লেখই নিম্নয়োজন ।

হজরত তথায় গিয়া কাহাকেও দেখিতে পাইলেন না। কেবলমাত্র মোসলেমার পুত্র মহম্মদ শক্রদিগের এক ব্যক্তিকে বন্দী করিয়া হজরতের নিকট আনিলেন। সে হজরতকে বলিল, “আমাদের দলস্থ লোকগণ আপনার আগমন সংবাদ প্রাপ্ত হইয়া পলায়ন করিয়াছে।” তখন হজরত তথা হইতে মদিনায় প্রত্যাবর্তন করিলেন।

এই বৎসর হারেস মাজানির পুত্র বেলাল স্বয়ং বংশীয় ৪০০ জন লোক সহ আসিয়া হজরতের নিকট ইসলামধর্ম গ্রহণ করেন। তাঁহারা মদিনায় বাস করিতে ইচ্ছা করিয়াছিলেন, কিন্তু হজরত তাঁহাদিগকে স্বদেশে যাওয়া বাস করিতে উপদেশ দেন। তাঁহারাও হজরতের আদেশানুসারে স্বদেশে গমন করেন।

এই বৎসর চন্দ্রগ্রহণ হয়। চন্দ্রগ্রহণ কালে ইহুদীগণ সঙ্গীত ও বাজাদি বাজাইতে লাগিল, কিন্তু হজরত শিষ্যগণ সহ খসুফের (চন্দ্রগ্রহণ কালীন) নামাজ পাড়িলেন।

একাদশ পরিচ্ছেদ ।

—••*••—

ষষ্ঠ হিজরীর ঘটনাবলী ।

জাতোরোকাঃর যুদ্ধ ।

এই বৎসরের প্রারম্ভে একজন ছাগবিক্রেতা মদিনায় আসিয়া হজরতকে বলিল, “বনি আন্মার ও বনি-সালাবা প্রভৃতি দলস্থ লোকগণ আপনার বিরুদ্ধে সৈন্য সংগ্রহ করিয়া জাতোরোকাঃ নামক স্থানে উপস্থিত হইয়াছে ।” হজরত ইহা শ্রবণ করিয়া ৪০০ শিষ্য সমভিব্যাহারে তাহাদের সম্মুখীন হইবার জন্ত বহির্গত হইলেন । তাঁহারা দুই দিন ভ্রমণের পর নখল নামক স্থানে উপনীত হইয়া দেখেন যে, শত্রুগণ তাহার আগমন সংবাদ শ্রবণ করিয়া পলায়ন করিয়াছে, কেবল তাহাদের স্ত্রীলোকগণ তথায় পড়িয়া রহিয়াছে । হজরত তাহাদের দ্রব্যাদি গ্রহণ না করিয়া ১৫ দিন পরে মদিনায় প্রত্যাবর্তন করিলেন । এই যুদ্ধক্ষেত্রে হজরত নামাজের সময়ে সালাতল খাওফ প্রণালীতে নামাজ পড়িয়াছিলেন ।

এবনে এসহাক বলেন যে, চতুর্থ হিজরীতে এবং এবনে সায়াদ ও এবনে হাক্বান বলেন যে, পঞ্চম হিজরীতে এই যুদ্ধ সংঘটন হইয়াছিল । কিন্তু অধিকাংশ ইতিবৃত্তলেখকের মতে এই যুদ্ধ ষষ্ঠ হিজরীতে সংঘটিত হইয়াছিল বলিয়া বর্ণিত হইয়াছে ।

বনি লহিয়ান যুদ্ধ ।

বর্তমান বংসরের রবিয়ল আউল মাসে * অর্থাৎ বনি-কোরাযজার-যুদ্ধের ছয় মাস পরে হজরত মহম্মদ বনি-লহিয়ানের বিরুদ্ধে যাত্রা করেন । ইহার তৃতীয় হিজরীতে সাবেতের পুত্র আসেম ও আদির পুত্র খোবায়ের প্রভৃতিকে তাহাদের দেশে ধর্ম প্রচার করিতে লইয়া গিয়া বিশ্বাসঘাতকতা-পূর্বক হত্যা করিয়াছিল, ইহার বিষয় পূর্বে বর্ণিত হইয়াছে । এক্ষণে হজরত তাহাদিগকে শাসন করিবার জন্ত ২০০ শিষ্য, ২০টা অশ্ব লইয়া বহির্গত হইলেন । তিনি শিষ্যগণ সমভিব্যাহারে গামফান নামক স্থানে উপনীত হইয়া শত্রুদিগের অঙ্গসন্ধানার্থ চতুর্দিকে শিষ্যগণকে পাঠাইয়া দিলেন । তাঁহারা কোন স্থানে শত্রুগণের সন্ধান না পাইয়া হজরতের নিকট ফিরিয়া আসিলেন ; হজরত ১৪ দিনের পর মদিনায় প্রত্যাগমন করেন ।

এসতেন্কার (জল প্রার্থনার) বিষয় ।

এই বংসর রমজান মাসে মদিনায় ভয়ানক দুর্ভিক্ষ উপস্থিত হইয়াছিল । মুসলমানগণ হজরতের নিকট গিয়া জলের প্রার্থনা করিতে লাগিলেন । হজরত ও জলের জন্ত প্রার্থনা করিলেন । আলাহ তায়ালা তাঁহার মনো-বাঞ্ছাপূর্ণ করিয়া প্রচুর বারি বর্ষণ করেন ।

হোদায়বিয়ার সন্ধি ।

প্রায় ৬ বংসর পূর্বে হইতে মক্কানগরস্থ মুসলমানগণ ধর্মের অন্ত স্বদেশ ভাগ করিয়া মদিনায় আসিয়া অবস্থিত করিতেছেন । এই সময়ে আরবদেশের বিভিন্ন স্থানের অধিবাসিগণ দলে দলে হজরতের নিকট

* কেহ বলেন, জমাদিরল আউল মাসে ।

† এখানে হেশাম ৭১৮ পৃঃ ; এখানে অল-আসির ২য় খণ্ড ১৪০ পৃঃ ; তাবারী ৩৩ ও ৭২ পৃঃ ।

আসিয়া ইসলাম ধর্ম গ্রহণ করিতেছিলেন ; খৃষ্টধর্মাবলম্বীগণ তাহার নিকট ধর্মশিক্ষা ও দৈনিক ধর্ম কার্যাদির উপদেশ গ্রহণ করিতেছিলেন । এই সময়ে হজরত মহম্মদ সিনাই পর্বতের নিকটবর্তী সেন্ট ক্যাথারিন গির্জার খৃষ্টীয় ধর্মযাজকে সচিত্র একপত্র সন্ধিপত্রে আবদ্ধ হইয়াছিলেন যে, যাহা জগতের ইতিহাসে ধর্ম বিষয়ে স্বাধীনতা পদানের একটা অক্ষয় কীর্তিস্তম্ভ রূপে বিদ্যমান রহিয়াছে । তিনি খৃষ্টানদিগকে ধর্মবিষয়ে যেরূপ স্বাধীনতা প্রদান করিয়াছিলেন, যাহা তাহাদের ধর্মাবলম্বী নৃপতিগণ তাহাদিগকে কখনই প্রদান করেন নাই ।

সেই সন্ধিপত্রে লিখিত ছিল যে, কোন মুসলমান যদি এই সন্ধিপত্রের কোন সর্বভঙ্গ করে, তাহা হইলে সে খোদাতায়ালার আদেশ লঙ্ঘনকারী বালিয়া পরিগণিত হইবে । উক্ত সন্ধিপত্রের সর্বভঙ্গের মর্ম এই যে, মুসলমানেরা সাধারণ ভাবে খৃষ্টানদিগকে রক্ষা করিবেন এবং তাহাদের গির্জাঘর ও ধর্মযাজকগণের বাসগৃহাদি সর্বপ্রকার আপদ বিপদ হইতে মুক্ত রাখিবেন । তাহাদের উপর অন্ত্যরূপ কর স্থাপিত হইবে না । কোন ধর্মযাজকে ধর্মমঠ হইতে বিতাড়িত করা হইবে না । কোন খৃষ্টানকে তাহার ধর্মত্যাগ করিতে বল প্রয়োগ করা হইবে না । কোন খৃষ্টান সন্ন্যাসীকে তাহার আশ্রম হইতে দূরীভূত করিয়া দেওয়া হইবে না । কোন তীর্থযাত্রীকে তীর্থযাত্রায় প্রতিবন্ধক প্রদত্ত হইবে না । মুসলমানদের বাসগৃহের জন্ত, কিম্বা মসজিদের জন্ত কোন গির্জাঘর ভাঙ্গিয়া ফেলা হইবে না ; কোন খৃষ্টান মহিলা কোন মুসলমানকে বিবাহ করিলে সে তাহার নিজের ধর্মবিশ্বাস অনুসারে চলিতে পারিবে, তাহাকে ইসলাম গ্রহণে কোন প্রকারে বাধ্য করা হইবে না বা তজ্জন্ত তাহাকে কোনরূপ বিরক্ত করাও হইবে না । যদি কোন খৃষ্টান তাহার গির্জাঘর বা আশ্রমের জীর্ণ সংস্কারার্থ অথবা ধর্ম

সম্বন্ধীয় কোন কার্যে সাহায্য প্রার্থী হয়, তাহা হইলে মুসলমানেরা তাহাদিগের ধর্মকার্যে সাহায্য করিতেছে মনে না করিয়া তাহাদের অভাব মোচনে সাহায্য করিতেছে ভাবিয়া সাহায্য করিবে। হজরত মহম্মদ যে ঞ্চায়, ধর্ম ও দয়ার সাক্ষাৎপ্রতিমূর্তি স্বরূপ ছিলেন, তাহা তাঁহার এই সকল কার্যকলাপে স্পষ্টই প্রতীয়মান হইতেছে।

যখন দেশে সুবাতাস বাহতে আরম্ভ হইল, তখন হজরত মহম্মদ স্বীয় জন্মভূমির লোকগণকে পৌত্তলিকতারূপ অন্ধকার হইতে ইসলাম ধর্মের জ্যোতিঃতে আনয়ন করিতে উৎসুক হইলেন।

আরবব সিগণের নিকট কাবা মন্দির অতি পবিত্র বলিয়া বিবেচিত হইত। এই সময়ে মদিনাস্থ মুসলমানগণ কাবায় উপাসনা ও জন্মভূমি দর্শন করিতে একান্ত উৎসুক হইলেন। হজরত ও এ বিষয়ে শিষ্যগণের ঞ্চায় আগ্রহান্বিত হইয়াছিলেন। কেননা সেই সময়ে তিনি একদিন স্বপ্নে দেখেন যে, তিনি যেন শিষ্যগণ সহ মক্কার ওমরাত্ত উদ্‌যাপন করিয়াছেন। তাঁহার শিষ্যগণ স্বপ্ন বৃত্তান্ত শ্রবণ করিয়া তাহা কার্যে পরিণত করিতে তাঁহাকে অনুরোধ করিতে লাগিলেন। কিন্তু সেই সময়ে মক্কাস্থ কোরেশগণের হস্তে কাবার রক্ষণাবেক্ষণের ভার অপিত ছিল। তাহারা মুসলমানগণের চিরশত্রু। সেইজন্ম হজরত জেলকদ মাস নিকটবর্তী দেখিয়া অভিলাষ পূর্ণ করিবার প্রতীক্ষা করিতেছিলেন। কারণ জেলকদ মাস বিশ্রামের মাস, এই মাসে শত্রুগণ পরস্পর বন্ধুত্বভাবে মিলিত হইত।

জেলকদ মাসের প্রথম চন্দ্রোদয়ের সোমবারে হজরত মহম্মদ শিষ্যগণকে ওমরাত্ত উদ্‌যাপন করিবার জন্ম সজ্জিত হইতে বলিলেন। শিষ্যগণ আদেশ শ্রবণমাত্র দলে দলে তাঁহার চতুর্দিকে আসিয়া উপনীত হইলেন। হজরত তাঁহাদিগকে বলিলেন, "তোমরা কেবল লমণোপযোগী তরবারি ভিন্ন আর কোন অস্ত্রাদি সঙ্গে লইও না" খেতাবের পুত্র হজরত ওমর

ও আবাদার পুত্র সায়াদ যুদ্ধাঙ্গাদি সঙ্গে লইতে চেষ্টা করিয়াছিলেন, কিন্তু হজরত তাহাদিগকে তাহা লইয়া যাইতে দেন নাই । এই সময়ে হজরত মহম্মদ আবুল্লা-বেন-ওম্মে-মক্‌তুমকে মদিনায় স্বকীয় প্রতিনিধি পদে নিযুক্ত করেন । তৎপরে তিনি আনুসার ও মহাজের প্রভৃতি প্রায় ১৫০০ শিষ্য সঙ্গে লইয়া এহরাম (হজের সংকল্প) বন্ধনপূর্বক মদিনা হইতে বহির্গত হন । * তিনি কোরবানির জন্ত ৭০টা উষ্ট্রও সঙ্গে লইয়াছিলেন । কেহ কেহ বলেন যে, ১৩০০, কিন্তু আবুল ফেদা বলেন যে, ১৪০০ মুসলমান হজরতের সঙ্গে গিয়াছিলেন । হজরত মহম্মদ জোলহলফা নামক স্থানে উপনীত হইয়া জোহরের নামাজ (অপরাহ্নিক) নামাজ পড়েন ।

ওদিকে কোরেশগণ হজরতের আগমন সংবাদ প্রাপ্ত হইয়া দলবদ্ধ হইল এবং পরামর্শ করিল যে, মুসলমানদিগকে মক্কা প্রবেশ করিতে দিবে না । পরে তাহারা মক্কার নিকটস্থিত অপরাপর কতকগুলি দলের সহিত মিলিত হইয়া হজরতের মক্কা প্রবেশ-পথ অবরোধ করিতে বহির্গত হইল ও জেদ্দা গমনের পথপার্শ্বে বন্দা নামক স্থানে শিবির স্থাপন করিল । তাহাদের মধ্যে অনিদের পুত্র খালেদ ও অকুরামা অগ্রগামী সৈন্যগণের নেতৃত্বপদ গ্রহণ করিল । হজরত কোরেশদিগের আভিসন্ধি অবগত হইয়া শিষ্যগণের নিকট পরামর্শ জিজ্ঞাসা করিলেন । হজরত আবুবকর বলিলেন, “আমরা ওমরাত্তত উদ্‌যাপন করিতে আসিয়াছি, তাহাদের সঙ্গে ত যুদ্ধ করিতে আসি নাই । কিন্তু যদি তাহারা আমাদিগকে হত্যা করিতে আসে, তাহা হইলে আমরাও আত্মরক্ষা করিব ।”

* এখানে হেগান ৭৪০ পৃঃ ; এখানে অল আসির ২য় খণ্ড ১৫২ পৃঃ ; তাবারী ৩য় খণ্ড ৮৪ পৃঃ ।

হজরত মহম্মদ, হজরত আবুবকরের প্রস্তাবে অনুমোদন করিলেন এবং বলিলেন, 'খালেদ, পথের বামপার্শ্বে অবস্থিতি করিতেছে, চল, আমরা দক্ষিণপার্শ্বে দিয়া গমন করি।' হজরত শিষ্যগণসহ অগ্রসর হইলেন, খালেদ তাঁহাদিগকে দেখিয়া ভয়ে মক্কার পলায়ন করিল এবং কোরেশদিগকে হজরতের আগমন সংবাদ দিল। হোদায়বিয়ার নিকটে মায়না নামক স্থানে হজরতের উষ্ট্র কামোয়া শয়ন করার সকলে তথায় শিবির স্থাপন করিলেন। (১) এই স্থান মক্কার ৯ মাইল দূরে অবস্থিত। মুসলমানগণ তথায় জলের অন্বেষণ করিতে করিতে একটা শুষ্ক কূপ প্রাপ্ত হইলেন। কথিত আছে যে, হজরত তাহাতে একটা তীর নিক্ষেপ করিলে, তাহা জলে পরিপূর্ণ হইয়া গেল। শিষ্যগণ সেই জল ব্যবহার করিতে লাগিলেন।

এই স্থানে কোরেশদিগের পক্ষ হইতে ওয়ারাকা খোজাইর পুত্র বোদায়েল হজরতের নিকট আসিয়া তাঁহার আগমনের কারণ জিজ্ঞাসা করিল। হজরত বলিলেন, "আমরা ওমরারত উদ্‌যাপন করিতে আসিয়াছি।" বোদায়েল বলিল, "কোরেশগণ বন্দা নামক স্থানে আপনার সহিত বুদ্ধার্থ প্রস্তুত আছে।" হজরত তাহা শুনিয়া বলিলেন, "কোরেশগণ সর্বদা বুদ্ধ করিতে অভিলাষী, সকল বুদ্ধেই তাহারা অগ্রগামী হয়, তাহাতে তাহাদের ধ্বংস ভিন্ন আর কিছুই লাভ নাই। যদি কোরেশগণ আমার সহিত বুদ্ধ করিতে ইচ্ছা করে, তাহা হইলে আমি তাহাদিগকে বুদ্ধ করিবার সময় নির্দিষ্ট করিয়া দিব। তাহারা যেন অপর সময়ে আমাকে নির্কিঞ্চে ধর্মপ্রচার করিতে দেয়।" বোদায়েল কোরেশদিগের

(১) হোদায়বিয়া একটা বৃক্ষের নাম, সেই বৃক্ষের নাম হইতে ঐ স্থানের হোদায়বিয়া নাম হইয়াছে।

নিকট গিয়া বলিল, 'মুসলমানগণ যুদ্ধ করিতে আসে নাই, ওয়রাত উদ্যাপন করিতে আসিয়াছে।' সে আরও তাহাদের নিকট হজরত মহম্মদের প্রস্তাব বিরূত করিল। তাহা শুনিয়া অকরামা ও হকম প্রভৃতি কয়েক ব্যক্তি বলিয়া উঠিল, "আমরা আর মহম্মদের কথা শুনিতে ইচ্ছা করি না।"

তৎপরে কোরেশগণ আরোয়া নামক এক ব্যক্তিকে হজরতের নিকট পাঠাইয়া দিল। সে হজরতের নিকট গিয়া তাহার আগমনের কারণ জিজ্ঞাসা করিলে হজরত পূর্ববৎ উত্তর দিলেন। আরোয়া হজরতের সহিত কথোপকথন কালে দৈবাৎ তাহার হস্ত হজরতের শ্মশ্রুতে লাগিবার উপক্রম হইলে, মগিরা নামক হজরতের একজন শিষ্য তরবারির দ্বারা ভয় দেখাইল। তখন সে কোরেশদিগের নিকট গিয়া বলিল, "আমি সভাসদ-পরিবেষ্টিত মহাবল পারস্ত সম্রাট খসরু (কেসুরা) ও তুরকের সম্রাট সজার (কায়সার) এবং নেগাসকে (নাজ্জাসকে) দেখিয়াছি, কিন্তু হজরত মহম্মদ যেমন তাহার শিষ্যগণ কর্তৃক পরিবেষ্টিত ও সম্মানিতাবস্থায় অবস্থিতি করিতেছেন, এরূপ কোন সম্রাটকে কখন দর্শন করি নাই। তাহার শিষ্যগণ তাহার একটা কেশ প্রাপ্ত হইলে তাহা সযত্নে তুলিয়া রাখে" ইত্যাদি নানা কথা বলিল। * কিন্তু কোরেশগণ তাহার কথার কর্ণপাত করিল না।

এইরূপে কোরেশগণ প্রেরিত কয়েকজন দূত হজরতের নিকট আসিয়াছিল। অবশেষে হজরত মহম্মদ হেরাসকে একটা উষ্ট্রসহ মকায় পাঠাইয়া দিলেন। হেরাস তথায় উপনীত হইলে কোরেশগণ তাহার উষ্ট্রটিকে বধ করিয়া তাহাকে হত্যা করিবার উত্তোগ করিয়াছিল। তৎপরে হজরত

* এখানে হেরাম ৭৪৫ পৃঃ ; এবনে-অল-আসির ২য় খণ্ড ১৫৪ পৃঃ ; তাবারী ৩য় খণ্ড ৮৭ পৃঃ এবং আবুল ফেদা ৩১ পৃঃ ।

মহম্মদ, খেত্তাবের পুত্র হজরত ওমরকে কোরেশদিগের নিকট যাইতে বলেন। কিন্তু হজরত ওমর বলেন, “মক্কায় আমার কেহ আত্মীয় নাই, আমি তথায় গেলে কোরেশগণ আমাকে হত্যা করিবে। আপনি ওসমানকে পাঠাইয়া দেন। মক্কাস্থ বনি আদিবংশীয় লোকগণ ওসমানের আত্মীয়, তাহারা ওসমানকে ভাল বলিয়া জানে, অধিকন্তু তাহারা তাঁহাকে সাদরে গ্রহণ করিবে।” হজরত ওমরের কথানুসারে হজরত মহম্মদ হজরত ওসমানকে মক্কার পাঠাইয়া দিলেন। হজরত ওসমান তথায় উপস্থিত হইলে সয়িদের পুত্র আবান তাহাকে যত্নসহকারে স্বীয় উদ্ভোগপরি লইয়া কোরেশদিগের নিকট উপনীত হইল। হজরত ওসমান আবুসোফিয়ান প্রভৃতি কোরেশদিগের নিকট হজরতের প্রস্তাব উত্থাপন করিলেন, কিন্তু তাহারা সে প্রস্তাবে অনুমোদন করিল না। তাহারা হজরত ওসমানকে বলিল, “তুমি কাব্য উপাসনা করিয়া যাও, তাহাতে আমাদের কোনও আপত্তি নাই।” হজরত ওসমান তাহাতে স্বীকৃত হইলেন না। অবশেষে দুইগণ হজরত ওসমানকে বন্দী করিয়া রাখিল।

এদিকে মুসলমানগণ হজরতকে বলিতে লাগিলেন, “ওসমান ব্রত উদ্যাপন করিয়া আসিবেন, কেবল আমরাই তাহাতে বঞ্চিত रहিলাম।” এতৎশ্রবণে হজরত তাঁহাদিগকে বলিলেন, “ওসমান কখন একাকী ব্রত উদ্যাপন করিবে না।”

অতঃপর হজরত ওসমান কোরেশগণ কর্তৃক হত হইয়াছেন, এই সংবাদ প্রকাশিত হইলে মুসলমানগণ অতিশয় দুঃখিত হইলেন।* তখন হজরত হোদায়বিয়া বৃক্ষে পৃষ্ঠ ঠেস দিয়া বসিয়া শিষ্যগণকে আহ্বান করিলেন এবং কোরেশদিগের সহিত সংগ্রাম করিতে প্রতিক্ষাবদ্ধ হইতে বলিলেন। তাঁহারাও কোরেশদিগের সহিত যুদ্ধে প্রাণত্যাগ করিবেন, তথাপি

* এখানে হেশাম ৭৪৬ পৃঃ।

পলায়ন করিবেন না বলিয়া তৎক্ষণাৎ প্রতিজ্ঞাবদ্ধ হইলেন । কোরাণ শরিফে উক্ত হইয়াছে, “সত্য সত্যই বিশ্বশ্রুতা তখন বিশ্বাসীদিগের উপর প্রেরণ হইয়াছেন, যখন তাহারা তরুতলে তোমার (হে মহম্মদ) সঙ্গে প্রতিজ্ঞা করিতেছিল, অনন্তর তাহাদের অন্তরে যাহা আছে, তিনি তাহা জানিয়াছেন, পরে তাহাদের প্রতি সন্তুনা অবতারণ করিয়াছেন এবং সন্নিহিত বিজয় তাহাদিগকে পুরস্কার দিয়াছেন ।” তখন হজরত শিষ্য-গণকে বলিলেন, “আল্লাহতায়ালা তোমাদিগের প্রতিজ্ঞায় সন্তুষ্ট হইয়াছেন, তোমরা কেহই নরকগামী হইবে না ।” এই প্রতিজ্ঞাকে “বায়াতোর রেজোয়ান” বলে ; “বায়াত” শব্দের অর্থ বিক্রয় ।

কোরেশগণ মুসলমানদিগের এইরূপ প্রতিজ্ঞার বিষয় অবগত হইয়া হজরতের সহিত সন্ধি স্থাপনার্থ ওমরের পুত্র সুপ্রসিদ্ধ বক্তা সোহেলকে হজরত ওসমানের সমভিব্যাহারে হোদায়বিয়াতে পাঠাইয়া দিয়াছিল ; কারণ তাহারা বিবেচনা করিয়াছিল যে, যাহার প্রভূত ক্ষমতা দিন দিন দেশ মধ্যে বর্দ্ধিত হইতেছে, এবং যিনি পরমভক্ত শিষ্যগণের দ্বারা সর্বদা পরিবেষ্টিত থাকেন, তাঁহার সহিত বিবাদ করা উচিত হইতেছে না । সোহেলের সঙ্গে হাফসের পুত্র বেকরেজ্ ও আবদুল ওজ্জার পুত্র হোয়াতবও আসিয়াছিল । হজরত ওমর-বেন-খেত্তাব সোহেলের দাঁত ভাঙ্গিয়া দিতে চাহিয়াছিলেন । কিন্তু হজরত তাঁহাকে সে কার্য হইতে নিবারণ করিয়া বলিয়াছিলেন, “এমন এক সময় উপস্থিত হইবে, যখন সোহেলের বক্তৃতায় ইসলাম-ধর্মের অনেক সুফল ফলিবে ।”

সোহেল মক্কা বিজয়ের পর মুসলমান হন । হজরতের পরলোক-গমনের পর যখন মুসলমানগণের অন্তর ধর্মবিষয়ে আন্দোলিত হইতেছিল, তখন তিনি একটী সারগর্ভ বক্তৃতা করেন ; তাহা শ্রবণ করিয়া সকলের অন্তর হইতে ভ্রমবিধাস দূর হইয়াছিল । তৎপরে হজরত

আবু বকরের খলিফা পদারূঢ় হইবার সময়ে যে মহাগোলযোগ উপস্থিত হইয়াছিল, তাহাও মোহেলের বক্তৃতার সুমৌমাংসিত হইয়া গিয়াছিল ।

মোহেল কোরেশদিগের সন্ধির প্রস্তাব হজরতের নিকট উত্থাপন করিয়া বলিলেন, “এ বৎসর আপনি মদিনায় ফিরিয়া যান, আগামী বৎসরে আসিয়া ওমরাব্রত উদ্‌যাপন করিবেন, কিন্তু তিন দিনের অনধিক কাল মক্কায় বাস করিতে পারিবেন না । সেই সময়ে কেবল ভ্রমণোপ-
যোগী অস্ত্রের মধ্যে তরবারি সঙ্গে আনিতে পারিবেন । * আপনার সহিত কোরেশদিগের ১০ বৎসরের সন্ধি এই সন্ধি স্থাপিত হইল । এই সময়ে উভয়পক্ষ যুদ্ধে ক্ষান্ত থাকিবে, আপনিও নির্বিঘ্নে ধর্মপ্রচার করিবেন এবং যদৃচ্ছা গমনাগমন করিয়া বাণিজ্য করিতে পারিবেন । আমাদের নিকট হইতে যে সমস্ত লোক আপনার নিকটে পলাইয়া যাইবে, আপনি তাহাদিগকে আমাদের নিকট পাঠাইয়া দিবেন । কিন্তু আপনার নিকট হইতে যাহারা আমাদের নিকট আসিবে, আমরা তাহাদিগকে আপনার নিকট অর্পণ করিব না ।” হজরত কোরেশদিগের প্রস্তাবে সম্মত হইলেন । তৎপরে মোহেল সন্ধিপত্র লিখিতে বলিলে হজরত আলি লিখিতে বসিলেন, হজরত মহম্মদ লেখ্যবিষয়গুলি বলিয়া যাইতে লাগিলেন । তিনি বলিলেন, “আল্লাহতালার ধর্ম প্রচারক মহম্মদ সন্ধির এই সকল নিয়ম করিলেন ” ইহা শুনিয়া মোহেল হজরতকে বলিলেন, “যত্নপি আমরা আপনাকে আল্লাহতালার ধর্ম প্রচারক বলিয়া স্বীকার করিতাম, তাহা হইলে কখন আপনার সহিত বিবাদ কিম্বা সন্ধি করিতাম না । আপনি আপনার পিতার নাম লেখাইয়া দিন ।” হজরত তাহাতেই

* এখানে হেশাম ৭৪৭ পৃঃ ; এখানে আল আসির ২য় খণ্ড ১৫৬ পৃঃ ; মেসাত ১ম খণ্ড ১৭ম অধ্যায়, ১০ম পরিচ্ছেদ ।

স্বীকৃত হইলেন, সন্ধিপত্র লেখা শেষ হইয়া গেল । কেহ কেহ বলেন যে, ৪ বৎসরের জন্ত এই সন্ধি স্থাপিত হইয়াছিল । বাহা হউক, হজরত মহম্মদ কোরেশগণের সহিত উপরোক্তরূপ সন্ধিসূত্রে আবদ্ধ হইলে, মুসলমানগণ তাঁহার প্রতি অসন্তুষ্ট হইলেন । হজরত তাহাদিগকে প্রবোধ দিয়া বলিলেন, “আমি খোদাতায়ালার অভিলাষানুযায়ী কার্য্য করিয়াছি ।” ইহা শুনিয়া সকলে সন্তুষ্ট হইলেন ।

তৎপরে হজরত এই স্থানে ওমরা ব্রতভঙ্গের নিয়মানুসারে মস্তক মুগুন ও উষ্ট্র কোরবানি করেন । তাঁহার শিষ্যগণও তদনুযায়ী কার্য্য সম্পন্ন করিলেন । তাঁহারা ২০ দিন পর্য্যন্ত হোদায়বিয়ায় ছিলেন ; তথা হইতে মদিনায় প্রত্যাগমনকালে জহিয়ান নামক স্থানে উপনীত হইলে হজরতের নিকট “ইন্না ফাতানা” সূরা অবতীর্ণ হয় । তখনই তিনি শিষ্যগণের নিকট সূরাটী পাঠ করিয়াছিলেন ।

হজরত মদিনায় ফিরিয়া আসিলে মক্কাস্থ অনেক বিধর্ম্মী তাঁহার নিকট আসিয়া মুসলমান হইল । আবু বসির নামক একজন ক্রৌতদাস মক্কা হইতে পলায়ন করিয়া হজরতের নিকট আসিয়া ইসলাম ধর্ম্ম গ্রহণ করে ; হজরত সন্ধির নিয়মানুসারে তাহাকে কোরেশদিগের নিকট পাঠাইয়া দেন, কিন্তু সে পথি মধ্য হইতে পলায়ন করিয়া লোহিত সাগরের তীরে গিয়া বাস করে ।

এই সময়ে মুসলমানগণ পরস্পর বলিতে লাগিলেন, “স্বপ্ন ব্রতাস্ত সত্য হইল না, আমরা কাবা প্রদক্ষিণ ও ওমরাব্রত উদ্ঘাপন করিতে পারিলাম কে ?” তখন হজরতের নিকট কোরাণ শরীফের এই আয়েত অবতীর্ণ হইল, “সত্য সত্যই খোদাতায়ালা খীর পেরিত পুরুষের প্রতি বধার্থ স্বপ্ন প্রমাণিত করিয়াছেন, যদি খোদাতায়ালা ইচ্ছা করেন, তবে অবশ্য তোমরা মস্তকমুগুন করতঃ নির্ভয়ে ও নিবিঘ্নে মস্জিদ-অল-

হারামে প্রবেশ করিবে।” ইহা শুনিয়া মুসলমানগণ আহ্লাদিত হইলেন ।

ধর্মপ্রচারার্থ বিভিন্ন স্থানের নূপতিগণের নিকট

হজরত মহম্মদের দূত প্রেরণ ।

বর্তমান বৎসরের * অবশিষ্ট কয়েক মাস হজরত মহম্মদ মদিনার অতিবাহিত করিয়াছিলেন । সেই সময়ে তিনি বহুদর্শী ও ধর্মজ্ঞ শিষ্যগণকে ধর্মপ্রচারার্থ চতুর্দিকে প্রেরণ করেন । তিনি রাজনীতির বশীভূত হইয়া রাজ্য বিস্তারের সংকল্প করেন নাই । কেবল ধর্মনীতির বশীভূত হইয়া ধর্মরাজ্য বিস্তারের সংকল্প করিয়াছিলেন । † তজ্জন্ত বিভিন্ন রাজ্যের সম্রাট ও রাজপুত্রগণকে কুসংস্কাররূপ অন্ধকার হইতে সত্য-ধর্মের জ্যোতিঃতে আনয়ন করিবার জগা তাঁহাদের নিকট দূত প্রেরণ করেন । দূতগণ বিভিন্ন রাজ্যে গমন করিয়া তথাকার সম্রাট ও রাজপুত্রগণকে ইসলামধর্ম গ্রহণ করিতে অনুরোধ করিয়াছিলেন ।

যখন হজরত মহম্মদ দূতগণের হস্তে প্রত্যেক সম্রাট ও রাজপুত্রের নিকট পত্র দিতে মনস্থ করিলেন, তখন তাঁহার কয়েক জন প্রধান শিষ্য তাঁহাকে বলিলেন, “পত্রে মোহর না থাকিলে সম্রাট ও রাজপুত্রগণ কাহারও পত্র পাঠ করেন না।” ইহা শুনিয়া হজরত নিজের অস্ত্র একটা স্বর্ণ অক্ষুরীয় প্রস্তুত করিতে আদেশ দিলেন । হজরতকে অক্ষুরীয় প্রস্তুত করিতে দেখিয়া শিষ্যগণও এক একটা স্বর্ণ অক্ষুরীয় প্রস্তুত করিলেন । তখন হজরত জেত্রিল, হজরত মহম্মদের নিকট

* ৬ষ্ঠ হিজরীর ।

† কোরাণ শরীফ ৭ম সূরা ১৫৭ ও ১৫৮ আয়েত ।

আসিয়া বলিলেন, “পুরুষ লোকের স্বর্ণ অঙ্গুরীয় ব্যবহার করিতে নাই।” ইহা শুনিয়া হজরত স্বর্ণ অঙ্গুরীয় ত্যাগ করিলেন, শিষ্যগণও তাহাই করিলেন। তৎপরে হজরত রোপ্যের অঙ্গুরীয় প্রস্তুত করিয়া তাহার উপরিভাগে একখানি চতুষ্কোণ রৌপ্যপাত বসাইয়া লইলেন এবং তাহাতে তিন পংক্তিতে এই তিনটি কথা অঙ্কিত করাইলেন, “আল্লাহ-তায়ালার ধর্ম প্রচারক মহম্মদ।” এই অঙ্গুরীয় দ্বারাই তিনি প্রত্যেক পত্রে মোহর করিলেন। তিনি নিম্নলিখিত কয়েকটা স্থানের রাজা বা রাজপ্রতিনিধির নিকট দূত পাঠাইয়া দিয়াছিলেন — আবিসিনিয়ার রাজা নাজ্জাসী, তুরস্কের রোমক সম্রাট হেরকেল, পারস্ত-সম্রাট খসরু পরবেজ, এস্কেন্ দরিয়ার (আলেকজান্দ্রিয়া) শাসনকর্তা, বশ্রার শাসনকর্তা হারেস-বেন-আবি-সামের এবং এমামার শাসনকর্তা তাওজা-বেন-আলি।

আবিসিনিয়ার রাজা নাজ্জাসীর নিকট হজরতের দূত প্রেরণ।

হজরত মহম্মদ ওমাইয়া জামরির পুত্র ওমরকে আবিসিনিয়ার ভূপতি নাজ্জাসীর নিকট পাঠাইয়া দিয়াছিলেন এবং তাহাকে নিম্নলিখিতরূপে একখানি পত্র লেখা হইয়াছিল।—

“সমস্তশক্তিমান, পরম কুপালু আল্লাহতায়ালার যাবতীয়
জীবজন্তুর সহায় হউন।”

“আল্লাহতায়ালার ধর্ম প্রচারক মহম্মদের নিকট হইতে
হাবাসের * (আবিসিনিয়ার) ভূপতির নিকট”

* মুসলমানগণ মিসর ও অন্যান্য কয়েকটা দেশ ভিন্ন আফ্রিকার আর সকল
প্রদেশকে “হাবাস” বলেন। সেই সকল স্থানের অধিবাসীদিগকে “হাবাসী” বলে।

“আমি তোমার নিকট খোদাতায়ালার প্রশংসাসমূহ পাঠাইতেছি। তিনিই সৃষ্টিকর্তা ও পালনকর্তা ; তিনিই সমুদয় রাজার রাজা। তিনি ভিন্ন আর কেহ উপাস্ত নাহি, তিনিই একমাত্র” ইত্যাদি। এতদ্বারা হজরত ইসা স্তম্ভে অনেকগুলি কথা ঐ পত্রে লিখিত ছিল, বিস্তৃতি ভয়ে তাহার অনুবাদ করিয়া দিলাম না।

নাজ্জাসী হজরতের প্রেরিত দূতকে সম্মানসহকারে গ্রহণ করিলেন এবং সিংহাসন হইতে ভূমিতলে অবতরণপূর্বক হজরতের পত্রখানি পড়িলেন। তৎপরে তিনি প্রকাশ্যে ইসলামধর্ম গ্রহণ করিলেন। অনন্তর হজরতের দূত মদিনায় প্রত্যাগমন কালে নাজ্জাসী হজরতের নিকট একখানি পত্র দিলেন ; তাহাতে অন্ত্যান্ত কথার মধ্যে নিম্নলিখিত কয়েকটি কথা লিখিত ছিল, “যখন আপনার শিষ্যগণ আমার নিকট আসিয়া আশ্রয় গ্রহণ করিয়াছিলেন, তখন আমি তাঁহাদিগকে যত্নের সহিত রক্ষা করিয়াছিলাম।” অধিকন্তু তিনি স্বীয় পুত্র উরুনিকে হজরতের সেবা শুশ্রূষার জন্য দূতের সহিত মদিনায় পাঠাইয়া দিয়াছিলেন। নাজ্জাসী নবম হিজরতে মৃত্যুগ্রাস্তে পতিত হন। হজরত মদিনা হইতে তাঁহার আত্মার কল্যাণের জন্য খোদাতায়ালার নিকট প্রার্থনা করিয়াছিলেন।

ওম্মেহাবিবার সহিত হজরতের বিবাহ ।

এই বৎসরে আবিসিনিয়া হইতে অধিকাংশ মুসলমান মদিনায় আগমন করেন। তাঁহাদের মধ্যে আবুল্লাহর দুই ওম্মেহাবিবা অন্ততম। ওম্মেহাবিবা আবিসিনিয়ার গিন্নাই বিধবা হন। তিনি হজরতের প্রধান শত্রু আবুসোফিয়ানের কন্যা। তিনি মদিনায় ফিরিয়া আসিলে কেহ তাঁহাকে গ্রহণ না করার হজরতকে তিনি বিবাহ করিতে ইচ্ছা প্রকাশ

করেন । হজরতও সেই নিরাশ্রয় কামিনীকে পত্নীত্বে বরণ করিলেন । আবু সোফিয়ান এই বিবাহের কথা শ্রবণ করিয়া অতিশয় রাগান্বিত হইয়াছিল ।

সম্রাট হের্কেলের নিকট হজরত মহম্মদের দূত প্রেরণ ।

হজরত মহম্মদ দেহিয়াতল-কাল্‌বি নামক একজন দূতকে রুমের (তুরস্কের) রোমক সম্রাট হের্কেলের নিকট এই বলিয়া পাঠাইয়া দিয়াছিলেন, “তুমি প্রথমে বশ্রার শাসনকর্তা হারেস-বেন-আবিসামের গচ্ছানির নিকট যাউও এবং তথা হইতে একজন লোক সম্ভাব্যাহারে লইয়া সম্রাটের নিকট গমন করিও ।” দেহিয়াতল-কাল্‌বি প্রথমে বশ্রার শাসনকর্তার নিকট গিয়া বলিলেন, “যদি আপনি অনুগ্রহ করিয়া আমার সঙ্গে একজন লোক দেন, তাহা হইলে আমি সম্রাটের নিকট যাইতে পারি ।” শাসনকর্তা তাহার প্রস্তাবে সম্মত হইলেন এবং তাহার সম্ভাব্যাহারে উচ্চবংশসম্মত বিজ্ঞ ও পরম দানশীল হাতেম-তাইর পুত্র আদীকে পাঠাইয়া দিলেন । তৎকালে বশ্রা সম্রাটের অধীন ছিল । এই সময়ে তুরস্ক সম্রাটের সহিত পারশ্ব সম্রাটের যুদ্ধ উপস্থিত হইয়াছিল, তদন্তে হের্কেল বয়তল-মকদেসের (জেরুজলেমের) মসজিদে আসিয়া খোদাতারালার নিকট জগ্গাশার প্রার্থনা করিতে মনস্থ করিয়াছিলেন । তিনি রাজধানী হইতে বয়তল-মকদেস পর্যন্ত বিনামা খুলিয়া পদব্রজে আসিবেন বলিয়া রাজপথ পুষ্পের দ্বারা আচ্ছাদিত করা হইয়াছিল । যথাকালে সম্রাট পদব্রজে বয়তল-মকদেসে আগমনপূর্বক মসজিদে প্রার্থনা করিলেন । তিনি জ্যোতিঃশাস্ত্রজ্ঞ ছিলেন । যেদিন তিনি

মস্জেদে আসিয়া পার্থনা করিলেন, সেই দিন রাত্রে নক্ষত্রগণের গতিবিধি দর্শনকালে তিনি একটা চিহ্ন দেখিয়া ভাবী অমঙ্গলের বিষয় চিন্তা করিতে লাগিলেন । রাত্রি প্রভাত হইলে তিনি সভাসদ সকলকে আহ্বান করিয়া বালগেন, “আমি গতরাত্রে ভাবী অমঙ্গলের চিহ্ন দর্শন করিয়াছি । তোমরা অনুসন্ধান করিয়া দেখ, কোন্ শ্রেণীস্থ লোকদিগের মধ্যে ইহুদীদিগের ঞ্চার ত্বকচ্ছেদ প্রথা প্রচলিত আছে । ইহুদী ভিন্ন আর যাহাদের মধ্যে ঐ প্রথা প্রচলিত আছে দেখিতে পাইবে, তাহারা ই অচিরকাল মধ্যে আমার সিংহাসন অধিকার করিবে এবং তাহাদের ধর্ম সর্বত্র প্রচলিত হইয়া পড়িবে ।”

সেই সভার আরব দেশস্থ একটি লোক উপস্থিত ছিল । সে বলিল, “আরবদেশের অন্তর্গত হেজাজ প্রদেশে কোরেশবংশীয় এক ব্যক্তি আপনাকে ধর্মপ্রচারক বলিয়া পরিচয় দিতেছেন ; তাহাদের মধ্যে ঐ প্রথাটা প্রচলিত আছে ।” এই সময়ে এক ব্যক্তি বলিল, “সেই কোরেশবংশীয় ব্যক্তির নিকট হইতে এই দূত একখানি পত্র লইয়া আসিয়াছে ।” সম্রাট আগ্রহ-সহকারে বহুভাবী কর্মচারীর দ্বারা পত্রখানি পড়াইলেন । তাহাতে সম্রাটকে ইসলামধর্ম গ্রহণ করিবার বিষয় লিখিত ছিল । পত্র পাঠ শেষ হইলে সম্রাট তাহার একজন বিশ্বস্ত লোককে বলিলেন, “তোমরা ঐ লোকটাকে (দেহিয়া-তলকাল্‌বি) বিশেষরূপে পরীক্ষা করিয়া দেখ যে, আমি যাহা বলিয়াছি, তাহা সত্য কিনা ।” তদনু-
 নারে তাহাকে পরীক্ষা করিয়া সম্রাটের কথার সত্যতা প্রমাণীকৃত হইল । তখন সম্রাট বলিলেন, “সেই হজরত মহম্মদের বিষয় অল্প কোন আরবদেশীয় কিম্বা কোরেশবংশীয় লোকদিগের নিকট জানা আবশ্যিক । অতএব তোমরা অন্বেষণ করিয়া দেখ, যদি এদেশের কোন স্থানে সেরূপ কাহাকে দেখিতে পাও, তাহা হইলে তাহাকে

আমার নিকট আনয়ন কর । কেননা হজরত মহম্মদ-প্রেরিত দূতপ্রমুখাৎ অপেক্ষা অন্য লোকের নিকট যথার্থ সংবাদ জ্ঞাত হইতে পারা যাইবে ।” পর দিন সম্রাটের কর্মচারীগণ শুনিতে পাইল যে, গাজা নামক স্থানে † আবুসোফিয়ান প্রভৃতি কয়েকজন কোরেশবংশীয় লোক অবস্থিতি করিতেছে ; তাহারা সুরিয়ায় বাণিজ্যার্থ আগমন করিয়াছে । এই সংবাদ প্রাপ্ত হইয়া সম্রাটের কর্মচারীগণ আবুসোফিয়ান প্রভৃতি কোরেশবংশীয়দিগকে সম্রাটের সমীপে আনয়ন করিল । সম্রাট বহুভাষী কর্মচারীকে ডাকাইয়া আনলেন এবং আবুসোফিয়ানকে বলিলেন, “তোমাকে যাহা জিজ্ঞাসা করা হইবে, তুমি তাহা সত্য ভিন্ন একটা কথাও মিথ্যা বলিও না, যদি মিথ্যা বল, তাহা হইলে, এখানে অপর অনেক লোক আছে, তাহারা অবশ্যই তোমার কথার সত্যাসত্যতা জানিতে পারিবে । তাহারা যদি তুমি মিথ্যা বলিয়াছ বলে, তাহা হইলে তোমার প্রাণদণ্ড হইবে । অতএব সত্য ভিন্ন অসত্য বলিও না ।” তৎপরে সম্রাট তাহাকে জিজ্ঞাসা করিলেন, “তোমাদের দেশে কি এক ব্যক্তি আপনাকে ধর্মপ্রচারক বলিয়া পরিচয় দিতেছে ?” আবুসোফিয়ান উত্তর করিল, “হাঁ ।” প্রশ্ন, “তিনি কি কোন উচ্চবংশসম্বৃত ?” উত্তর, “হাঁ, — সুপ্রসিদ্ধ কোরেশবংশ সম্বৃত ।” প্রশ্ন, “উক্ত বংশে পূর্বে কি কেহ কখন আপনাকে ধর্মপ্রচারক বলিয়া ঘোষণা করিয়াছিলেন ? কারণ তাহা হইলে সেই সূত্রেও তিনি আপনাকে ধর্মপ্রচারক বলিতে পারেন ।” উত্তর—“না ।” প্রশ্ন—“উক্ত বংশে কি কেহ কখন রাজা হইয়াছিলেন ?” উত্তর—“না ।” প্রশ্ন,—“তিনি কি ধর্মপ্রচার করিতেছেন ?” উত্তর,—“তাহার নিকট ধর্মের কথা জিজ্ঞাসা করিলে, তিনি বলেন যে, পৌত্তলিকতা প্রভৃতি কুসংস্কার-বিবজ্জিত বিত্তর সত্যস্বরূপ

* কেহ কেহ বলেন যে, কোরেশবংশের অন্তর্গত ইলিয়া পরাভে ।

নিরাকার খোদাতায়ালার উপাসনা—যাহা মহাম্মা এব্রাহিম ও মুসা প্রভৃতি মহাপুরুষেরা লোকদিগকে শিক্ষা দিয়াছিলেন, তাহাই আমি লোকদিগকে শিক্ষা দিতেছি।” প্রশ্ন, “তোমাদের সঙ্গে কি তাঁহার যুদ্ধাদি সংঘটন হইয়াছিল?” উত্তর “হাঁ।” প্রশ্ন, “কে জয়ী, কেই বা পরাজয়ী হয়?” উত্তর, “বদর ও ওহোদ প্রভৃতি স্থানে যুদ্ধ হইয়াছিল, কখন আমরা পরাজিত হই, কখন বা তিনি পরাজিত হন।” প্রশ্ন, “তোমাদের সঙ্গে কি কখন সন্ধি হইয়াছিল?” উত্তর, “হাঁ।” প্রশ্ন, “তিনি কি সন্ধি-ভঙ্গ করেন?” উত্তর, “না।” প্রশ্ন, “তিনি কি প্রতিজ্ঞানুসারে কার্য্য করেন?” উত্তর “হাঁ।” প্রশ্ন, “তিনি কি ইহুদীদিগের হুকুচ্ছেদ প্রথাটী প্রচলিত রাখিয়াছেন?” উত্তর, “হাঁ।” প্রশ্ন, “তাঁহার শিষ্য-সংখ্যা কি দিন দিন বদ্ধিত হইতেছে?” উত্তর, “হাঁ।” প্রশ্ন, “কিরূপ অবস্থাপন্ন লোকগুণি তাঁহার শিষ্য হইতেছে?” উত্তর “ধনী ও দরিদ্র উভয়ই।” প্রশ্ন “তাঁহার শিষ্যদিগের মধ্যে এমন কি কেহ আছে যে, একবার ধর্ম গ্রহণ করিয়া আবার ধর্ম ত্যাগ করিয়াছে?” উত্তর, “না।” প্রশ্ন, “তাঁহার শিষ্যগণের মধ্যে কেহ কখন কি তাঁহাকে প্রতারণা মনে করিয়াছিল?” উত্তর, “না।” প্রশ্ন, “তিনি কিরূপ অবস্থায় দিনান্তিবাহিত করেন?” উত্তর, “দরিদ্রাবস্থায়, অধিকন্তু তাঁহার শিষ্যগণ তাঁহার অপেক্ষা উন্নত অবস্থায় বাস করে।” প্রশ্ন, “তবে কি তিনি দরিদ্র? তাঁহার কি অর্থের অভাব আছে?” উত্তর, “না,। তাঁহার পার্থিব সুখে আবশ্যক নাই; তাঁহার যদি অর্থের আবশ্যক হইত, তাহা হইলে বিপুল অর্থ সঞ্চয় করিতে পারিতেন, কিন্তু তিনি একেবারে পার্থিব সুখাভিলাষী নহেন।”

এই সকল কথা শ্রবণ করিয়া সম্রাট বলিলেন, “তিনি বাস্তবিকই ধর্মপ্রচারক, অচিরে তাঁহার ধর্ম সর্বত্র ব্যাপ্ত হইয়া পড়িবে।”

আবুসোফিয়ান সম্রাটের কথা শুনিয়া অত্যন্ত দুঃখিত হইল । পরে সম্রাট আবুসোফিয়ানকে বিদায় দিলেন । সে সভার বাহিরে আসিয়া তাহার সহচরগণের নিকট বলিল, “আমি আবু কাপ্‌সার * সুখ্যাতি করিলাম, যাহা হউক, ষথার্থ বিষয়গুলিই বলিয়াছি ; মিথ্যা কথা বলিবার অভিপ্রায় ছিল, কিন্তু বলিতে চেষ্টা করিয়াও বলিতে পারি নাই, মনে যেন একরূপ ভয়ের উদ্বেক হইল ।” এদিকে সম্রাট হেরকেল, দেহিয়া-তল-কালবিকে নিৰ্জ্জনে লইয়া গিয়া বলিলেন, “হজরত মহম্মদকে ধর্মপ্রচারক বলিয়া স্বীকার করি, এবং তাঁহার ধর্ম যে পবিত্র ধর্ম, তাহাও স্বীকার করি ; কিন্তু আমি লোকের ভয়ে প্রকাশে তাঁহার ধর্ম গ্রহণে অক্ষম । তুমি কামিয়ার সুবিজ্ঞ গাজাতের নামক ব্যক্তির নিকট যাও, আমিও তাঁহাকে একখানি পত্র দিতেছি, তিনি যদি ইসলামধর্ম গ্রহণ করিয়া লোকদিগকে সেই ধর্মে দাক্ষিত করিতে পারেন, তাহা হইলে আমিও ইসলাম ধর্ম গ্রহণ করিতে পারি । কারণ গাজাতের আমাদের দেশে ধর্মসম্বন্ধে একজন প্রধান ব্যক্তি ; সকলেই তাঁহার উপদেশানুসারে কার্য করে ।” অতঃপর দেহিয়া-তল-কালবি সম্রাটের পত্র লইয়া কামিয়া প্রদেশে সুবিজ্ঞ গাজাতেরের নিকটে গমন করিলেন । তিনি ইসলামধর্ম গ্রহণ করিলেন । কিন্তু দুষ্টমতিরা একত্রিত হইয়া তাঁহাকে হত্যা করিল । তখন দেহিয়া-তল-কালবি সম্রাট হেরকেলের নিকট ফিরিয়া আসিয়া সমুদয় বৃত্তান্ত বর্ণনা করিলেন । সম্রাট বলিলেন, “আমিও লোক ভয়ে ইসলামধর্ম গ্রহণ করিতে পারিতেছি না ।” একদিন সম্রাট প্রধান প্রধান খৃষ্ট-ধর্মযাজক সুবিজ্ঞ লোকগুলিকে সঙ্গে লইয়া গির্জায় গিয়া দ্বারকদ্ধ করিয়া দিলেন, পরে সকলকে ইসলাম-ধর্ম গ্রহণ করিতে বলিলেন ; তাহা শুনিয়া সকলেই বাহিরে যাইতে উদ্বৃত হইল, তখন সম্রাট তাহাদিগকে বলিলেন ; “আমি ষথার্থই

তোমাঙ্গিকে ইসলামধর্মে দীক্ষিত হইতে বলিতেছি না, আমি দেখিলাম যে, খৃষ্টধর্মে তোমাদের দৃঢ় বিশ্বাস আছে কি না।” এই বলিয়া তিনি সকলকে সাহুনা করিয়া দিলেন। তৎপরে সম্রাট দেহিয়া-তল-কাল্বিকে বলিলেন, “তুমি ত স্বচক্ষে দর্শন করিলে যে, আমার লোকগুলির ইসলামধর্মে ভক্তি নাই। এই কারণে আমি উক্ত ধর্ম গ্রহণ করিতে অক্ষম হইলাম।” তখন দূত মদিনায় প্রত্যাগমন করিল।

পারশ্ব সম্রাট্ খসরুর নিকট দূত প্রেরণ ।

পারশ্ব সম্রাট্ দ্বিতীয় খসরু ৭ তুরকের সম্রাট্ হেরকেল উভয়ে সময়ে সময়ে রাজ্য লইয়া যুদ্ধে লিপ্ত থাকিতেন এবং তন্মতু ধ্বংসোন্মুখ হইবার উপক্রম হইয়াছিলেন। আবার সময়ে সময়ে এই দুই সাম্রাজ্য একজন ক্ষমতামালী নৃপতির হস্তে পতিত হইয়া শাসিত হইত এবং সময়ে সময়ে দুইটি স্বতন্ত্র সাম্রাজ্যে পরিণত হইত। যখন পারশ্ব সম্রাট্ দ্বিতীয় খসরু ৫০,০০০ বলবান বীরপুরুষ ও দুই দল সৈন্য সমভিব্যাহারে রুমের (তুরকের) সম্রাটের নিকট হইতে ফলেস্‌তিন্ (প্যালেষ্টাইন), আর্মেনিয়া ও জেরুজেলম প্রভৃতি কয়েকটি সমৃদ্ধিশালী প্রদেশ বলপূর্বক আত্মসাৎ করিয়াছিলেন এবং আফ্রিকা আক্রমণ করিয়া মিসরদেশ অধিকারপূর্বক কাথেজনগর পর্য্যন্ত স্বীয় বিজয়পতাকা উড্ডীন করিয়াছিলেন, তখন পারশ্ব সম্রাটের সেই উন্নতিস্থোর মধ্যাহ্নকালে হজরত-মহম্মদের পত্র লইয়া আবছলা-বেন-হোজায়ফা নামক একজন দূত তদীর একেসভার উপনীত হইয়াছিলেন। খসরু হজরত মহম্মদের পত্র প্রাপ্ত

* আরবদেশবাসীগণ কাহার নাম যুগার সহিত উল্লেখ করিবার সময়ে এই কথা ধর্মপ্রাণ করিয়া থাকে।

হইয়া বহুভাষী কর্মচারীকে পড়িতে বলিলে কর্মচারী পড়িতে অরস্ত করিলেন ।

সর্বশক্তিমান, পরম দয়ালু আল্লাহতায়ালা যাবতীয়
জীবজন্তুগণের সহায় হউন ।

“আল্লাতায়ালায় ধর্মপ্রচারক মহম্মদের নিকট হইতে—
মহাবল পরাক্রান্ত পারস্ত সম্রাট খসরুর নিকটে”—

পত্র এই পর্য্যন্ত পড়া হইলে আত্মাভিমानी খসরু সগর্বে চীৎকার করিয়া বলিল, “এ কি ? যে ব্যক্তি আমার ক্রীতদাস, সেই ব্যক্তি আমাকে পত্র লিখিবার সময়ে আমার নামের পূর্বে তাহার নাম লিখিতে সাহসী হইয়াছে ?” এই বলিয়া কর্মচারীর হস্ত হইতে পত্রখানি লইয়া ছিঁড়িয়া ফেলিল ; তাহাতে কি লিখিত ছিল, তাহা আর শুনিলা না । + অধিকন্তু হুম্মতি সম্রাট ইমেনের শাসনকর্ত্তাবাজানের নিকট এক পত্র পাঠাইয়া দিল । তাহাতে লিখিত ছিল, “আমি শুনিয়াছি, হেজাজ প্রদেশস্থ কোরেশবংশীয় একজন যুবক নাকি পাগল হইয়াছে । সে নাকি আপনাকে ধর্মপ্রচারক বলিয়া পরিচয় দিতেছে । তুমি এই পত্র পাঠমাত্র তাহার চঞ্চলমতিত্বের শৈর্ঘ্যসম্পাদন করিবে কিম্বা যদি তুমি তাহার রোগের উপযুক্ত ঔষধ দিতে না পার, তাহা হইলে দুইজন লোক দ্বারা তাহাকে ধরিয়া আমার নিকট পাঠাইয়া দিবে ।” হজরত মহম্মদ খসরুর ব্যবহার শ্রবণ করিয়া বলিয়াছিলেন, “যদি সে আমার পত্রের অবমাননা করিয়া থাকে, তাহা হইলে খোদাতায়ালা অবশ্যই তাহার রাজ্য ধ্বংস করিবেন ।”

ইমেনের শাসনকর্ত্তা বাজান সম্রাট খসরুর পত্র প্রাপ্ত হইয়া তদনুযায়ী কার্য্য করিতে মনস্থ করিল । সে সুবিজ্ঞ ও কার্য্যক্ষম বাগুইয়া ও খারা-খারা নামক দুইজন লোককে হেজাজে হজরত মহম্মদের নিকট পাঠাইয়া

+ এখানে অল আসির ২য় খণ্ড ১৬৩, ১৬৪ পৃষ্ঠা ।

দিল। তাহারা কয়েকদিন ভ্রমণের পর অতিশয় ক্লান্ত হইয়া মক্কানগরের নিকটস্থ তায়েফ নামক স্থানে উপনীত হইল। তথায় আবুসোফিয়ান প্রভৃতি কোরেশদিগের সহিত তাহাদের সাক্ষাৎ হইল। যখন আবুসোফিয়ান প্রভৃতি কোরেশগণ তাহাদের প্রমুখাৎ শুনিতে পাইল যে, পারস্যের সম্রাট ইমেনের শাসনকর্তা বাজানের প্রতি হজরত মহম্মদকে ধরিবার আদেশ দিয়াছেন এবং তাহারা উক্ত কার্য সম্পন্ন করিবার জন্য বাজান কর্তৃক প্রেরিত হইয়াছে, তখন তাহারা আহ্লাদে আত্মহারা হইয়া উঠিল এবং বলিতে লাগিল, “এতদিন মহম্মদ কেবল আমাদের শত্রু ছিল, এক্ষণে মহাবল পরাক্রান্ত সম্রাট খসরুর হস্তে পতিত হইয়াছে, এবার আর উহার রক্ষা নাই; যেমন কর্ম, তাহার উপযুক্ত প্রতিকূল শীঘ্রই প্রাপ্ত হইবে।” তদনন্তর কোরেশগণ বাসুইয়া ও খারখারার নিকট হজরত মহম্মদের নানা কুৎসা করিতে লাগিল। পরদিন তাহারা দূতদ্বয়কে বলিল “এক্ষণে সেই প্রতারক ধর্মপ্রচারক মদিনায় অবস্থিত করিতেছে, তোমরা মদিনায় গিয়া তাহাকে ধরিয়া লইয়া যাও তাহা হইলে আমরা উক্ত প্রতারক ধর্ম-প্রচারকের হস্ত হইতে রক্ষা পাইব।” তদনুসারে দূতদ্বয় মদিনাভিমুখে গমন করিল। তাহারা মদিনায় উপস্থিত হইয়া হজরত মহম্মদের সভায় গিয়া দেখিল যে, হজরত পরমভক্ত শিয়ামগুলার দ্বারা পরিবেষ্টিত হইয়া বসিয়া আছেন। তথায় তাহারা উপবেশন করিল। ক্ষণকাল পর হজরত মহম্মদের নেত্র তাহাদের উপর পতিত হইল। যখন তিনি দেখিলেন, শূশ্রুবিহীন বাসুইয়া ও খারখারা বহুমূলা বসনে আবৃত হইয়া সূবর্ণ-নির্মিত কোমরবন্দ ও নানাবিধ ভূষণে ভূষিত হইয়া বসিয়া রহিয়াছে, তখন তিনি তাহাদিগকে বিধর্মী বলিয়া জানিতে পারিয়া জিজ্ঞাসা করিলেন, “তোমরা কে? কোথা হইতে আসিয়াছ? তোমাদের অবস্থা দর্শন করিয়া বোধ হইতেছে

যে, তোমরা অন্ধকারে পতিত রহিয়াছ, সত্যস্বরূপ আল্লাতায়ালার উপাসনা কাহাকে বলে, তাহা তোমরা অবগত হইতে পার নাই ।”

হজরতের এই সকল কথা শ্রবণ করিয়া বানুইয়া গাত্রোথানপূর্বক হজরতকে সম্বোধন করিয়া বলিল, “পারস্ত সন্ন্যাসী মহাবল পরাক্রান্ত ধর্ম পরবেজ আমাদের প্রভু ইমেনের শাসনকর্তা বাজানের প্রতি এইরূপ আদেশ করিয়াছেন যে, অচিরকাল মধ্যে আপনাকে সন্ন্যাসী দরবারে প্রেরণ করিতে হইবে, কেননা আপনি তাহাকে পত্র লিখিবার সময়ে উপযুক্তরূপ সম্মান প্রদর্শন করেন নাই। যদি আপনি এক্ষণে সন্ন্যাসী-দরবারে যাইতে অস্বীকার করেন, তাহা হইলে আমাদের প্রভু বাজানের নিকট গমন করুন। আপনি যদি সচক্ষে তাহার নিকট যান, তাহা হইলে তিনি আপনার মঙ্গলের জন্য সন্ন্যাসীকে অনুরোধ করিতে পারেন। অতএব যাহা ভাল বিবেচনা করেন, সত্বর তাহা কার্যে পরিণত করুন।” ইহা শুনিয়া হজরত মহম্মদ বলিলেন, “ইমেনের শাসনকর্তা বাজানকে বলিও, যদি সে অদ্বিতীয় নিরাকার আল্লাতায়ালার উপাসনাও ইসলামধর্ম গ্রহণ করে, তাহা হইলে আমি তাহাকে ইমেন রাজ্য ও তাহার সন্নিকটস্থ তাবৎ ক্ষুদ্র ক্ষুদ্র মুসলমান রাজ্যের অধীশ্বর করিয়া দিব। তোমরা অচিরে দেখিতে পাইবে যে, যেমন সূর্যোদয় হইলে পৃথিবীস্থ অন্ধকার রাশি ধ্বংসপ্রাপ্ত হইয়া চতুর্দিক আলোকিত হয়, সেইরূপ সত্যস্বরূপ খোদাতায়ালার উপাসনার জ্যোতিঃ প্রকাশিত হওয়াতে চতুর্দিকস্থ পৌত্তলিকতা, অগ্নি উপাসনা প্রভৃতি কুসংস্কাররাশি ধ্বংসপ্রাপ্ত হইয়া দেশসমূহ স্বর্গীয় আলোকে আলোকিত হইবে, এবং দেখিতে পাইবে যে, অচিরকাল মধ্যে পারস্ত-সন্ন্যাসীদের প্রাসাদোপরি সত্যধর্মের পতাকা উড্ডীয়মান হইবে।”

হজরতের এই সকল বাক্য শ্রবণ করিয়া দূতদ্বয় সমস্তে বলিতে

লাগিল, “আপনি তবে একখানি পত্র দেন, আমরা তাহা লইয়া বাজানের নিকট গমন করি।” তখন হজরত মহম্মদ বলিলেন, “অনু তোমরা বিশ্রাম কর, আগামী কল্য যাহা বিবেচনা হয় তাহা করিব।” এতৎপ্রবণে দূতদ্বয় তাহাদের নির্দিষ্ট বাসস্থানে গমন করিল। তাহারা আবাসে গিয়া পরস্পর বলিতে লাগিল, “যখন হজরত মহম্মদ আমাদের সহিত কথা কহিতেছিলেন, তখন আমাদের অন্তরাখ্যা ভয়ে শুক হইতেছিল, কিন্তু জানিতে পারি নাই যে, কোথা হইতে আমাদের অন্তর মধ্যে সে ভয় প্রবেশ করিল। বাস্তবিকই ইহার স্বর্গীয় ক্ষমতা আছে এবং ইনিই শেষ ধর্মপ্রচারক।” পরদিন তাহারা হজরত মহম্মদের সভায় উপনীত হইলে তিনি তাহাদিগকে বলিলেন, “তোমরা ইমেন রাজ্যে ফিরিয়া যাও, তথায় গিয়া শুনিতে পাইবে যে, গতরাতে ছুরাখ্যা সম্রাট খসরু পরবেজ তাহার পুত্র সেবোয়া কর্তৃক কালকবলে পতিত হইয়াছে। (৭ম হিজরী ১০ই জমাদিল আউল)। তৎপরে নূতন সম্রাট বাজানের নিকট যেক্রপ আদেশ পাঠাইবে, তোমরা তদনুরূপ কার্য্য করিও ; কিন্তু বাজানকে ইসলামধর্ম গ্রহণ করিতে বলিও ; আর তোমরাও সত্যধর্ম গ্রহণ করিও।” এই সকল কথা শুনিয়া তাহারা ছুরায় ইমেন রাজ্যে গমন করিবার উদ্যোগ করিল। হজরত মহম্মদ খারাখারাকে একটা বহুমূল্য কোমরবন্দ উপহার দিলেন, ঐ কোমরবন্দটা তাঁহাকে একজন রাজপুত্র উপঢৌকন দিয়াছিলেন।

দূতদ্বয় ইমেন রাজ্যে উপনীত হইলে বাজান তাহাদিগকে জিজ্ঞাসা করিল, “সংবাদ কি ? মহম্মদকে কিরূপ অবস্থাপন্ন দেখিয়া আসিলে ?” তাহারা বলিল, “আমরা দেখিয়া আসিলাম যে, তিনি সামান্য ফকিরের স্থায় মদিনার লোকদিগের দ্বারে দ্বারে বেড়াইতেছেন ; অথচ তাঁহার সভায় গিয়া আমাদের হৃৎকম্প উপস্থিত হইয়াছিল।” বাজান

জিজ্ঞাসা করিল, “তাঁহার সভায় কি গ্রহরী নিযুক্ত আছে ?” তাহারী বলিল, “না, তিনি একাকী কতকগুলি ভক্তশিষ্যে পরিবৃত হইয়া আছেন।” ইহা শুনিয়া বাজান বলিল, “তবে কিসে তোমাদের অন্তরে ভয়ের উদ্বেক হইল ?” তাহারী বলিল, “তাঁহার উপদেশপূর্ণ বাক্যাবলী শ্রবণ করিয়া আমাদের অন্তরে ভয়ের উদ্বেক হইয়াছিল। আমরা মহাবল পরাক্রান্ত পারশ্বাধিপতি ও সভাসদ পরিবেষ্টিত ক্রমের (তুরকের) সম্রাটের সভায় গমন করিয়াছি, কিন্তু কোন স্থানেই আমাদের অন্তর একপ ভয়াকুলিত হয় নাই, হজরত মহম্মদের সভায় যেন এক ঐশ্বরিক বিপ্রীষকা আমাদের অন্তরে আসিয়া প্রবিষ্ট হইয়াছিল, আমরা তাঁহার কোন কারণ নির্ধারণ করিতে পারি নাই। তাঁহার বাক্যাবলী ও আচারবাবহারে তাঁহাকে স্পষ্টই ধর্ম-প্রচারক বলিয়া আমাদের বিশ্বাস জন্মিয়াছে।” বাজান জিজ্ঞাসা করিল, “তিনি কি বলিলেন।” তাহারী বলিল, “তিনি বলিয়াছেন, যদি আপনি সত্যস্বরূপ আল্লাতায়ালার উপাসনার্থ ইমলামধর্ম গ্রহণ করেন, তাহা হইলে তিনি আপনাকে ইমেন ও তাহার নিকটস্থ ক্ষুদ্র ক্ষুদ্র রাজ্যের অধীশ্বর করিয়া দিবেন।” দূতদ্বয় এতদ্বিধি হজরত মহম্মদ যাহা যাহা বলিয়াছিলেন, তৎসমুদয় বিবৃত করিয়া অবশেষে বাজানকে বলিল, “হজরত মহম্মদ বলিয়াছেন যে, গত রাত্রে দুরাচার, অত্যাচারী ধসকু পরবেজ তাহার পুত্র সেবোয়া কর্তৃক হত হইয়াছে।” এই কথা শেষ হইতে না হইতেই একজন সংবাদবাহক পারশ্ব রাজ-সভা হইতে পত্র লইয়া তথায় উপনীত হইল। বাজান আগ্রহসহকারে পত্রখানি খুলিয়া দেখিল যে, তাহাতে লিখিত আছে, “অত্যাচারী, পরপীড়ক, আশ্বস্তরী, প্রকৃত মাগ্যাম্পদ লোকদিগের অবমাননাকারী সম্রাট ধসকু পরবেজকে গত রাত্রে হত্যা করিয়া আমি সিংহাসনে আরোহণ করিয়াছি, অতঃপর তোমরা সকলে আমার আদেশানু-

সারে কার্য করিও ; সম্রাট খসরু পরবেজ তোমার উপর হেজাজ প্রদেশের কোরেশ-বংশীয় বে ব্যক্তিকে দ্রুত কারবার আদেশ দিয়াছিলেন, তুমি এক্ষণে তাহা কার্যে পরিণত করিও না, কেননা সেই ব্যক্তি বাস্তবিকই মাতাম্পদ লোক। পরে আমি সে সম্বন্ধে বাহা ভাল হয়, বিবেচনা করিয়া তোমাকে লিখিব।” বাজান ও তদীয় সভাসদ আর বাহুইয়া ও খারখারা ইহা শ্রবণ করিয়া হজরত মহম্মদের বাক্যের সত্যতা প্রমাণকৃত হইয়া দেখিয়া আশ্চর্যান্বিত হইল। অবশেষে তাহারা হজরতকে বাস্তবিক ধর্ম প্রচারক বলিয়া বিশ্বাস করত তৎক্ষণাৎ তাহার ধর্ম গ্রহণ করিল। বাহুইয়া ও খারখারাও ইসলাম ধর্মে দাস্তিত হইল। হজরত মহম্মদ খারখারার কোমরবন্ধ দিয়াছিলেন বলিয়া অত্যাধিক খারখারার বংশ “জোল খরা” অর্থাৎ কোমরবন্ধধারী নামে অভিহিত হইয়া আসিতেছে।

এস্কেন্দারিয়ার শাসনকর্তার নিকট হজরতের

দূত প্রেরণ।

এই বৎসর রবিয়ল আউল মাসে হজরত মহম্মদ এস্কেন্দারিয়ার (আলেকজান্দ্রিয়ার) রোমক শাসনকর্তা মকুকাসের নিকট আজ সন্দর্ভায়ত্ব হাতেব-এবনে-আবি-বালতায়ী * নামক একজন দূতকে অপ পৃষ্ঠায় মুদ্রিত পত্রখানি সহ প্রেরণ করিয়াছিলেন। বখন দূতব মকুকাসের দরবারে উপনীত হইলেন তখন তিনি তাহাকে সাদরে গ্রহণ করিয়া আগ্রহ সহকারে হজরতের পত্রখানি পাঠ করিতে লাগিলেন।

* হাতেব-এবনে-আবি-বালতায়ী ছিল হিজরীতে ৬৫ বৎসর বয়ঃক্রমকায় মদিনায় মানবলীলা সম্বরণ করেন। হান খদর, ওহাব ও পরিখা (খন্দক) প্রভৃতি স্থানের যুদ্ধে উপস্থিত থাকিয়া বীরত্বের পরিচয় দিয়াছিলেন।



এস্কেলিয়াস শাসনকর্তার নিকট হজরতের পত্রের অবিকল প্রতিক্রম।

মিঃ লুসি জনস্টন (Mr. Lucy Johnston) তৎপ্রণেতা "Mahammad and His Power" "মহম্মদ ও তাঁর শাসন" নামক গ্রন্থের ২৩৩ পৃষ্ঠায় এই পত্রখানির বিষয় নিম্নলিখিত ভাবে বর্ণনা করিয়াছেন,— '১৮৩৮ খৃ. অন্ধে কতিপয় ফরাসী সৈন্যকর্তা মিশর দেশের কোন একটা পুষ্টি ভূমিতে মূল পত্রখানি প্রাপ্ত হন এবং এক্ষণে উহা মহাবাহাদুরী কনষ্টান্টিনোপলের রাজকীয় পুস্তকালয়ে বিশেষ বক্তের সহিত রক্ষিত হইতেছে। পণ্ডিত প্রবর ডাঃ পি. বড্জার (Dr P. Badger) নাগেবও এই পত্রখানিকে মূলপত্র বলিয়া অবধারণ করিয়া গিয়াছেন।'

হজরত মহম্মদের জীবন-চরিত ও ধর্মনীতি।

بِسْمِ اللَّهِ الرَّحْمَنِ الرَّحِيمِ *

مِنْ مَحَلِّ صَدِّقِ اللَّهِ وَرَسُولِهِ إِلَى الْمُقْوَسِ عَظِيمِ الْقَبْطِ

سَلَامٌ عَلَيَّ مِنْ أَتْبَعِ الْهُدَى -

أَمَا بَعْدُ فَإِنِّي أَدْعُكَ بِدَعَايَةِ الْإِسْلَامِ أَسْلِمُ تَسْلِمًا

يُؤْتِيكَ اللَّهُ أَجْرَكَ سِتِّسِينَ فَإِن تَكَلَّيْتُ فَعَلَيْكَ مَا

يُفْجَعُ لِقَبْطِ -

يَا أَهْلَ الْكِتَابِ تَعَالَوْا إِلَى كَلِمَةٍ سَوَاءٍ بَيْنَنَا

وَبَيْنَكُمْ إِلَّا نَعْبُدُ إِلَّا اللَّهَ وَلَا نُشْرِكُ بِهِ شَيْئًا وَلَا

يَتَّخِذَ بَعْضُنَا بَعْضًا أَرْبَابًا مِن دُونِ اللَّهِ فَإِن تَوَلَّوْا

فَقَوْلُ الشُّهُورِ وَإِنَّا مُسْلِمُونَ * (১)

(১) কোরাণ শরীফ সূরা অল এমরাণ, ৬৪ আয়েত।

অপর পৃষ্ঠা হু মূল পত্রখানির অনেক স্থান কাটদষ্ট হওয়ায় পাঠের অধুবিধা হইয়াছে। সুতরাং সাধারণের সুবিধার জন্য উপরে উক্ত মূল পত্রখানি অবিকলভাবে ছের জবর দিয়া মুদ্রিত হইল। পাঠকগণ উহার সহিত মিলাইয়া মূল পত্রখানি সহজেই পাঠ করিতে সক্ষম হইবেন।

“সর্বশক্তিমান্ পরম দয়ালু খোদাতায়ালা

যাবতীয় জীবজন্তুর সহায় হউন।

খোদাতায়ালা প্রেরিত আবুল্লাহর পুত্র মহম্মদের নিকট হইতে কাফ্রি সম্প্রদায়ের শাসনকর্তা মকুকাসের সমীপে। যিনি সৎপথের (ইসলামের) অনুগামী, তাঁহার উপর শাস্তিবারি বর্ষিত হউক। অতঃপর আমি আপনাকে ইসলাম গ্রহণ জন্য আহ্বান করিতেছি। ইসলাম গ্রহণ করিলে আপন মুক্তিলাভ করিতে পারিবেন এবং খোদাতায়ালা আপনাকে দ্বিগুণ পুরস্কারে পুরস্কৃত করিবেন। কিন্তু যদি আপনি তাহাতে অসম্মত হন, তাহা হইলে কাফ্রি সম্প্রদায়ের উপর যে বিপৎপাত হইবে, তজ্জন্তু আপন দায়ী হইবেন।

• তুমি বল, হে গ্রন্থধারী লোকসকল, তোমরা আমাদের ও তোমাদের উভয়ের মধ্যে এক সরল উক্তির দিকে এস যে, খোদাতায়ালা ব্যতীত অন্যের উপাসনা করিব না, তাঁহার সঙ্গে কোন বস্তুকে অংশরূপে স্থাপন করিব না এবং খোদাতায়ালাকে ছাড়িয়া আমরা কেহ আমাদের কাহাকেও প্রতিপালক গণ্য করিব না; পরে যদি তাহারা অগ্রাহ্য করে, তবে তোমরা বল যে, এ বিষয়ে সাক্ষী থাক যে, আমরা মুসলমান অর্থাৎ খোদাতায়ালার অনুগত।”

পত্র পাঠান্তে শাসনকর্তা দূতবরকে রাজকীয় প্রাসাদে অবস্থিতি করিবার বন্দোবস্ত করিয়া দিলেন। পরদিন তিনি নিৰ্জনে দূতবরের সহিত সাক্ষাৎ করিয়া হজরতের সম্বন্ধে অনেক কথা জিজ্ঞাসা করিলেন। সুবিজ্ঞ দূতবরও তাঁহার প্রত্যেক কথার বথায়থ উত্তর প্রদান করিলেন। মকুকাস মমুদর বৃত্তান্ত শ্রবণ করিয়া ভক্তিতরে বলিয়া উঠিলেন, “ইনি নিশ্চয়ই

সেই সময়গণের, তাঁহার আগমন সম্বন্ধে হজরত জৈসা ভবিষ্যদ্বাণী করিয়া গিয়াছেন ।” তদনন্তর তিনি হজরত মহম্মদ প্রেরিত পত্রখানি একটী গজদন্ত নির্মিত আধারে সম্বন্ধে রাখিয়া দিলেন ।

মক্কাস ইসলাম ধর্ম গ্রহণ করিতে উৎসুক ছিলেন, কিন্তু রোমক সম্রাটের ভয়ে তখন তাহা গ্রহণ করিতে সাহসী হইলেন না । তিনি হজরত মহম্মদকে উপঢৌকন দিবার জন্য “তলহুল” নামক একটী দ্বৈতবর্ণের অশ্বতর ও বহুমূল্য মণিমাণিক্যাদি দূতবরের নিকট দিয়াছিলেন । দূতপ্রবর সেই সকল দ্রব্যাদি লইয়া মদনার প্রত্যাগত হইলে হজরত মহম্মদ “তলহুল” নামক অশ্বতরটী হজরত আলিকে প্রদান করিলেন এবং অন্যান্য দ্রব্যগুলি শিষ্যদলের মধ্যে বিভাগ করিয়া দিলেন ।

ওয়াকীদ ও এবনে সায়াদ বলেন, ‘মক্কাস দুইজন ক্রীতদাসীকে উপঢৌকন স্বরূপ পাঠাইয়াছিলেন ; তাহাদের মধ্যে একজনের নাম মারিয়া । হজরত মারিয়াকে বিবাহ করেন এবং তাঁহার গর্ভে হজরতের এব্রাহিম নামক একটী পুত্র জন্মগ্রহণ করেন ।’ কিন্তু বোখারী, মোসলেম, এবনে এসহাক, হাসেম-বেন আবদুল-মালেক, আবু দাউদ, তারাম জ, নেসাই এবং মাজায়া প্রভৃতি প্রাচীন ইতিবৃত্ত লেখকগণের গ্রন্থে মারিয়ার নাম মাত্র উল্লেখ নাই । অধিকন্তু এনে খোলেকান, এবনে হাজারখাস্কালানি, জাহাবি ও আমদ-বেন হাম্বল প্রভৃতি ইতিবৃত্ত লেখকগণ ওয়াকীদ ও এবনে সায়াদের লিখিত ইতিবৃত্ত সমূহকে অপ্রকৃত বলিয়াছেন ; এমন কি তাঁহারা ওয়াকীদ ও এবনে সায়াদকে মিথ্যাবাদী বলিতেও ক্রটি করেন নাই । আবু জাকর ও আবদল্লা-বেন-আবদুর রোমান এই দুই জন ওয়াকীদির পরবর্তী ইতিবৃত্ত লেখক, ইহারাও মারিয়ার নাম মাত্র উল্লেখ করেন নাই ।

বশ্র র শাসনকর্তার নিকট দূত প্রেরণ ।

হজরত মহম্মদ বশ্রার শাসনকর্তা হারেন-বেন-আবি সামেরের নিকট সোজা-বেন-হাব আসাদিকে পাঠাইয়া দিয়াছিলেন । যখন সোজা বশ্রার উপনীত হইয়াছিলেন, তখন হারেস রাজধানীতে ছিলেন না, দেমস্কের (দামাস্কব) অন্তর্গত গুতা নামক স্থানে অবস্থিত করিতেছিলেন । সোজা বশ্রা হইতে গুতা আসিয়া উপস্থিত হন ; কিন্তু শাসনকর্তার সহিত সাক্ষাৎ হইল না । এই সময়ে সোজা, হারেসের নিকট হজরতের পত্র দিবার জন্য তাঁহার একজন কর্মচারীর সহিত সদ্ভাব স্থাপন করিলেন । সেই কর্মচারীর হস্ত-মধ্যে বিশ্বাস ছিল, সে সোজাকে যত্ন সহকারে সীম গৃহ লইয়া যায় । ইতিমধ্যে এক দিন হারেস ঘোষণা করিল যে, অমুক দিন সকলে তাঁহার সহিত সাক্ষাৎ করিতে পারিবে । সোজা সেই নির্দিষ্ট দিনে হারেসের সভায় গিয়া হজরতের পত্র তাঁহার হস্তে দিলেন । হারেস তাহা পাঠ করিয়া সোজাকে বলিলেন, “অজ্ঞ তুমি আবাসে গিয়া অবস্থান কর, আগামী কলা যাহা হয়, উত্তর দিব ।” সভান্তর হইলে তিনি হজরতকে আক্রমণ করিবার জন্য সৈন্য সংগ্রহ করিতে লাগিলেন এবং সম্রাট হারেসের নিকট সাহায্য চাহিয়া পাঠাইলেন, কেননা তৎকালে বশ্রা সম্রাট হারেসের অধীন ছিল । সম্রাট হারেসের পত্র পাঠ করিয়া তাঁহাকে লিখিলেন, “এক্ষণে তুমি হজরত মহম্মদকে আক্রমণ করিও না, তিনি সাংসার লোক নহেন, আনি তাঁহার বিষয় বিশেষ-রূপ অগত্যা আছি ।” হারেস সম্রাটের পত্র পাইয়া হতবুদ্ধি হইয়া গেলেন । তৎপরে তিনি সোজাকে বহুমূল্য দ্রব্যাদি দিয়া হজরত মহম্মদের নিকট পাঠাইয়া দিলেন । হারেসের মৃত্যুর পর জবালা-বেন-আয়েজাম বশ্রার শাসনকর্তা হইয়া উঠিলেন ।

এমামার শাসনকর্তার নিকট দূত প্রেরণ ।

হজরত মহম্মদ এমামার শাসনকর্তা হাওজা-বেন আলির নিকট সোলেদ বেন-অলিদকে পাঠাইয়া দিয়াছিলেন । হাওজা হজরতের পত্র ধানি আগ্রহ সহকারে পাঠ করিয়া ইসলামধর্মের মাহাত্ম্য কীর্তন করিয়া সোলেদকে বলেন, “বদি হজরত মহম্মদ আমাকে সমগ্র মুসলমান রাজ্যের রাজা করিয়া দেন, তাহা হইলে আমি ইসলামধর্ম গ্রহণ করিতে পারি” ইত্যাদি । সোলেদ হজরতের নিকট আসিয়া ইহা প্রকাশ করিলে হজরত বলেন, “যে ব্যক্তি পাখিব সূখের জন্ত সত্য স্বরূপ খোদাতায়ালার উপাসনা করিতে ইচ্ছা করে, খোদাতায়ালা অবশ্যই তাহার মনের ভাব পরিবর্তন করিবেন ।”



দ্বাদশ পরিচ্ছেদ ।

—••••—

সপ্তম হিজরীর ঘটনাবলী ।

খায়বারের যুদ্ধ ।

মদিনা হইতে ৩৩ দিনের পথ-প্তিত খায়বার নামক স্থানে কতকগুলি কমতামালী ইহুদী সম্প্রদায় বাস করিত । সেই স্থানটী মদিনার উত্তর-পূর্ব কোণে অবস্থিত । সেই স্থানে ইহুদীদিগের কতিবা, নায়েম, সায়াব, শেখ, কমুস, নাতাত, সাত্তি ও সালাম নামক আটটি অজেয় দুর্গ ছিল । এই সকল দুর্গকেই খায়বার বলিত ; “খায়বার” শব্দের অর্থ দুর্গ-বেষ্টিত স্থান । এই স্থানে মদিনা হইতে নির্বাসিত বনি-নজির ও বনি-কোরাযজা দলস্থ ইহুদীগণ আসিয়া বাস করিতেছিল । খায়বারের ইহুদীগণ হজরতের চিরশত্রু ছিল । বনি-নজির ও বনি-কোরাযজা দলস্থ ইহুদীগণ তাহাদের সহিত যোগ দেওয়াতে হজরতের উপর তাহাদের বিদ্বেষানল অধিকতর প্রজ্বলিত হইয়া উঠিল । বনি-নজির দলপতি আবু-হাকক বনি-গাৎফান বংশীর খায়বার ইহুদী সম্প্রদায়ের সহিত বন্ধুত্ব স্থাপন করিয়া মদিনা আক্রমণের উদ্যোগ করিতে লাগিল এবং বনি-সায়াব-বেন-বকর প্রভৃতি দলস্থ যে সকল ইহুদী পরিবার যুদ্ধে উপস্থিত ছিল, তাহারাও খায়বারের ইহুদীগণের সহিত মিলিত হইল । অবশেষে খায়বারস্থ ওসায়ের-বেন-আরিম, বনি-কেজারা ও বনি মুরাঃ দলস্থ ইহুদীগণকে হজরতের বিরুদ্ধে

উত্তেজিত করিল। ইহারা বহুদিন হইতে মদিনা আক্রমণের চেষ্টায় ছিল এবং সময়ে সময়ে মদিনাবাসীদিগকে আক্রমণের ভয় প্রদর্শন করিত।

এই সময়ে হজরত মহম্মদ ইহুদীগণের যুদ্ধ সজ্জার সংবাদ প্রাপ্ত হইয়া শিষ্যগণকে তাহাদের বিরুদ্ধে যুদ্ধ-সজ্জা করিতে বলিলেন। এবনে এন্সহাক বলেন যে, হজরত ২৪০০ শিষ্য, ২০০ অশ্ব ও বহু সংখ্যক উষ্ট্র সমভিবাধারে লহয়া খায়বারস্থ ইহুদাদিগের ষড়্‌বন্দ্য নিষ্ফল করিয়া দিবার জন্য সপ্তম হিজরীর মহরম মাসের প্রথম ভাগে মদিনা হইতে বহির্গত হইয়াছিলেন। যুদ্ধে অসংখ্য ব্যক্তিদিগের সেবা-শুশ্রূষার জন্য ২০ জন ধাত্রীও তিনি সঙ্গে লইয়াছিলেন। সেই সময়ে তিনি গোরফাতার পুত্র বোসাকে মদিনায় আপনার প্রতিনিধি পদে নিযুক্ত করিয়া যান। মাহাসান আসাদির পুত্র ওকাসা অগ্রগামী সৈন্যগণের এবং ওমর-বেন-খেতাব সৈন্যগণের বামপার্শ্বের ভার গ্রহণ করিয়া ছিলেন। হজরত শিষ্যগণকে বলিলেন, “যাহাদের লুণ্ঠন আশা বলবতী, তাহারা যেন এই যুদ্ধে যোগদান না করে।” হজরতের এই কথা শ্রবণ করিয়া আবুল্লা-বেন-ওবাই যুদ্ধ গমনে বিরত হইল, পরন্তু সে খায়বারস্থ ইহুদীদিগকে হজরতের যুদ্ধ সজ্জার বিষয় সংবাদ দিয়া তাহাদিগকে যুদ্ধার্থ প্রস্তুত হইতে বলিল।

খায়বারস্থ ইহুদীগণ হজরত মহম্মদর আগমন-সংবাদ শ্রবণ করিয়া গাৎফান দলস্থ ইহুদাদিগকে সংবাদ দিয়া মহাসমারোহে যুদ্ধসজ্জা করিল। গাৎফান দলও লোকগণ খায়বারে আসিতে আসিতে পথমধ্যে একটী শব্দ শুনিতে পাইয়া মনে করিল যে, মুসলমানগণ তাহাদের দেশ আক্রমণ করিবারে এই আশঙ্কায় তাহারা স্ব স্ব আবাসে প্রত্যাবর্তন করিল; কিন্তু বাসস্থানে গিয়া কিছুই দেখিতে পাইল না। ওদিকে হজরত মহম্মদ খায়বারে উপস্থিত হইয়া তথাকার অভেদ্য দুর্গ দর্শন

করিয়া করুণাময় খোদাতায়ালার নিকট প্রার্থনা করিলেন এবং শিষ্য-গণকে অগ্রসর হইতে বলিলেন । তাঁহারা যন্জেলানা নামক স্থানে উপনীত হইয়া নামাজ পড়িলেন । তথায় কতিপয় কৃষিজীবী ইহুদী মুসলমান-দিগকে দেখিতে পাইয়া খায়বারস্থ ইহুদীদিগেব নিকট সংবাদ দিল । মুসলমানগণ নামাজ পড়া শেষ হইলে “আল্লাহ আক্ববর আল্লাহ আক্ববর, লাএলাহা ইল্লালাহ” বলিয়া চীৎকার করিতে করিতে অগ্রসর হইলেন ।

ইহুদীগণ মুসলমানদিগের আগমন দর্শন করিয়া দুর্গের দ্রাব বন্ধ করিয়া দিয়া যুদ্ধ সজ্জা করিল । তাহাদের দলপতি সালাম-বেন-মস্কাম সকলকে যুদ্ধান্তে সজ্জিত করিল ; ত্রালোক ও শিশুদিগকে কবিব দুর্গে এবং খাদ্যাদ্যাদি নায়েম ও সাশাব নামক দুর্গবেষ বন্ধ করিয়া রাখিয়া সৈন্তগণকে নাভাত দুর্গে আসিয়া একত্রিত হইতে বলিল । এই যুদ্ধ সজ্জার সময়ে সালাম হঠাৎ মৃত্যুগ্রাসে পতিত হইয়াছিল ।

হজরত মহম্মদ খায়বারের নিকটস্থিত র'জ নামক স্থানে শিবির স্থাপন করিয়া নাভাত দুর্গ আক্রমণ করিলেন । কয়েকদিন পর্য্যন্ত যুদ্ধকার্য্য চলিল । সেই সময়ে জনাব-বেন-যন্জেলের হজরতকে বলিলেন, “ইহুদীদিগের সম্মান তুলা খর্জুব রক্ষণ ল ছেদন করা য উক ।” হজরত তাঁহার প্রস্তাবে অনুমোদন করিলেন না । সে রাত্ৰিতে যম-বেন-খেল্ভাবের হস্তে নাভাত দুর্গের আক্রমণ-ভার অর্পিত 'ছিল, সেই রাত্রে একজন ইহুদী মুসলমানদিগেব হস্তে পতিত হয় । সে হজরতের সহিত সাক্ষাৎ করিবার প্রার্থনা করলে হজরত ওমর তাহাকে হজরতের নিকট আনিলেন । মুসলমান-গণ তাহাকে হত্যা করিতে চাহিয়াছিল কিন্তু হজরত তাহা করতে দেন ন'ই । সে হজরতকে বলিয়া ছল, “এই রাত্রে ইহুদীগণ নাভাত দুর্গ ত্যাগ করিয়া শেষ দুর্গে অশ্রয় গ্রহণ করিবে, তাহারা নাভাত দুর্গে যে সকল দ্রব্য লুকাইয়া রাখিয়া যাইবে, আমি

আগামী কলা তাহা আপনাদিগকে দেখাইয়া দিব।” এই ব্যক্তি সেই রাত্রিতেই মুসলমান হইয়াছিল। পরদিন ইহুদীগণ নাতাত দুর্গ ভাগ করিলে মুসলমানগণ দুর্গ অধিকার করিলেন। এই দুর্গ জয় করিতে ৫০ জন মুসলমান আহত হন।

তৎপরে মুসলমানগণ সায়াব দুর্গ আক্রমণ করেন। এই সময়ে তাঁহাদের খাদ্যাদ্রব্যাদি নিঃশেষিত হইয়া যাওয়ায় তাঁহারা কষ্ট পাইতেছিলেন। তজ্জগু হজরত মহম্মদ শিষ্যগণের আহারীয় দ্রব্যের জন্তু খোদাতায়ালার নিকট প্রার্থনা করিতে লাগিলেন। অনন্তর জনাব-েন-মন্জের পবিত্র পতাকা গ্রহণ করিয়া ঘোরতর যুদ্ধের পর সায়াব দুর্গ জয় করেন এবং তন্মধ্যে প্রচুর খাদ্যাদ্রব্যাদি প্রাপ্ত হন।

ইহার পর তাঁহারা অজয় কমুস দুর্গ আক্রমণ করিলেন। প্রথম দিন হজরত ওমর, পরদিন হজরত আবুবকর দুর্গ আক্রমণ করিলেন, কিন্তু কেহই কৃতকার্য হইতে পারিলেন না। দ্বিতীয় দিন রাত্রিতে হজরত মহম্মদ শিষ্যগণকে বলিলেন, “আমি আগামী কলা যাহার হস্তে পতাকা দিব, সেই ব্যক্তিই আল্লাতায়ালার অনুগ্রহে দুর্গ জয় করিতে সমর্থ হইবে।” ইহা শুনিয়া সায়াদ-েন-আবি-মকাস ও হজরত ওমর-বেন-খেত্তাব প্রভৃতি প্রধান প্রধান মুসলমানগণ মনে মনে বলিতে লাগিলেন, “যে ব্যক্তি আগামী কলা পতাকা প্রাপ্ত হইবে, সেই ব্যক্তিই সৌভাগ্যবান্।”

বীরবর হজরত আলি চক্ষের পীড়াবশতঃ হজরতের সঙ্গে খায়বারে আসিতে পারেন না, কিন্তু হজরতের মদিনা ত্যাগের পর তিনি একাকী মদিনার না থাকিয়া সেই রাত্রেই খায়বারে আসিয়া উপস্থিত হন। হজরত সেই রাত্রেই হজরত আলির আগমন সংবাদ প্রাপ্ত হইলেন। তিনি প্রাতে তাঁহাকে আহ্বান করিলেন। হজরত আলি চক্ষের পীড়ার

এত অস্তির হইয়াছিলেন যে, সালামা-বেন-অকবা তাঁহার হাত ধরিয়া হজরতের নিকট আনিলেন। ফলতঃ হজরতের অনুগ্রহে সেই যুহুর্তেই হজরত আলির চক্ষু নিরাময় হইয়া গেল। তৎপরে হজরত তাঁহার হস্তে জোল-ফকর তরবারি ও পবিত্র পতাকা দিয়া বলিলেন, “অণু তোমার হস্তে দুর্গ জয় হইবে।”

হজরত আলি মৈনুগণ সহ কয়ুম দুর্গের প্রাচীরের নিকটস্থিত পস্তুর-খণ্ডসমূহোপরি পবিত্র পতাকা স্থাপন করিয়া ইহুদীদিগকে আক্রমণ করিলেন। সেই সময়ে দুর্গ মধ্য হইতে একজন বিক্র ইহুদী হজরত আলিকে জিজ্ঞাসা করিল, “তোমার নাম কি?” হজরত আলি বলিলেন, “আলি-বেন-আবিতালেব।” ইহুদী হজরত আলির নাম শ্রবণ করিয়া সকলকে বলিল, “এই ব্যক্তিই দুর্গ জয় করিবে, আমি ইহার বীরত্বের বিষয় পূর্বে অবগত আছি।”

অনন্তর উভয় পক্ষে ঘোরতর যুদ্ধ আরম্ভ হইল। ইহুদী দলপতি হারেস নানা বধ অস্ত্রশস্ত্রে সজ্জিত হইয়া যুদ্ধক্ষেত্রে উপনীত হইয়াছিল। কিন্তু সে হজরত আলির তরবারির এক আঘাতেই শমন সদনে নীত হইল। হারেসের মৃত্যুর পর তদীয় ভ্রাতা অতুল বলাবক্রমশালী দীর্ঘ-কায় মারগাব ভ্রাতৃ-চন্তার বধ সাধনাগ দুইখানি শিরস্ত্রাণ ও দুইখানি উরুশাণ পরিধানপূর্বক প্রত্যেক যুদ্ধাস্ত্র দুই দুই খানি গ্রহণ করিয়া যুদ্ধক্ষেত্রে উপস্থিত হইল। সে যুদ্ধক্ষেত্রে উপস্থিত হইয়া স্পর্ধা সহকারে হজরত আলিকে বলিল, “আমার নাম মারহাব, আমি সর্ববিধ যুদ্ধাস্ত্রে সজ্জিত হইয়া যুদ্ধক্ষেত্রে উপস্থিত হইয়াছি।” হজরত আলি তৎশ্রবণে বলিলেন, “আমার নাম আলি, আমি ভূমিষ্ঠ হইলে আমার জননী আমার নাম ‘আলি-অল-হায়দার’ অর্থাৎ সিংহ রাখিয়াছিলেন।”

তৎপরে মারহাব হজরত আলির প্রতি প্রচণ্ড প্রতাপে বঙ্গম নিক্ষেপ

করিল ; কিন্তু হজরত আলি অতুল বীরত্ব সহকারে মারহাবের লক্ষ্য বার্থ করিয়া দিয়া স্বকীয় জোলফকর তরবারির আঘাতে তাহার অভেদ শিরস্তাগ ভেদ করিয়া মস্তক বিখণ্ড করিয়া ফেলিলেন, মারহাবের দীর্ঘ দেহ ধুলায় ধূসরিত হইতে লাগিল । এইরূপে হজরত আলি শত্রুপক্ষীয় সাত জন প্রধান পুরুষকে নিহত করিলেন । তখন ইহুদীগণ হজরত আলির পরাক্রম দর্শন করিয়া দুর্গ মধ্যে পলায়ন করিতে আরম্ভ করিল । এই সময়ে একজন বিপক্ষ হজরত আলির হস্তে আঘাত করাতে তাহার হস্তস্থিত ঢাল ভূমিতলে পড়িয়া গেল, শত্রুগণ সেই ঢাল লইয়া পলায়ন করিল । তখন মহাবীর হজরত আলি খোদাতায়ালার অনুগ্রহে দুর্গের লৌহ-কপাট গ্রহণ করিয়া ঢালের কার্গা সম্পন্ন করিলেন । যুদ্ধ শেষ হইয়া গেলে, সাতজন মুসলমান বীর একত্রিত হইয়া সেই কপাট খানি যত্নবশত উঠে তুলিতে পারেন নাই এবং ৪০ জন লোক একত্রিত হইয়া তাহা স্থানান্তরিত করিতে পারেন নাই । মায়া রেজমবুয়ত গ্রন্থে উল্লেখিত হইয়াছে যে, ৪০ জন লোক ঐ লৌহ কপাট স্থানান্তরিত করিতে পারিতেছেন না, দেখিয়া হজরত আলির মনে একটু অশঙ্কার উদয় হইয়াছিল । সেই সময়ে হজরত জেব্রিল, হজরত মহম্মদের নিকট আসিয়া বলিলেন, “আপনি এই সময়ে আলিকে ঐ কপাট খানি উঠাইতে বলুন ।” হজরত তদনুসারে হজরত আলিকে কপাট উঠাইতে বলিলেন, কিন্তু তিনি উঠাইতে না পারিয়া লাজ্জিত হইলেন । তখন হজরত জেব্রিল, হজরত মহম্মদকে বলেন, “আপনি আলিকে বলুন, খোদাতায়ালা বলিয়াছেন, ‘আলির জ্ঞান উচিত যে, ঐ কপাট খানি সে উত্তোলন করে নাই, আমিই উত্তোলন করিয়াছিলাম’ ।”

কমুস ও অন্যান্য দুর্গের ইহুদীগণ হজরত আলির নিকট আসিয়া বলিল, “আপনি আমাদের রক্ষা করুন (আল আমান) ।” হজরত আলি

হজরত মহম্মদের আদেশানুসারে তাহাদিগকে বলিলেন, “তোমরা নিজের কোন দ্রব্যাদি লুকাধিত না রাখিয়ঃ দুর্গ ত্যাগ করিয়া যাও ;” ইহদী-গণ তাহাই করিল । হজরত খাদ্যবার জয়ের সংবাদ প্রাপ্ত হইয়া দয়াময় খোদাতানাকে শত শত ধন্যবাদ দিলেন এবং হজরত আলিকে সাদরে গ্রহণ করিলেন ।

আবু হকিকের পুত্র কানানা কমুস দুর্গের অধিপতি ছিল । মুসল-মানগণ সেই দুর্গে ১০০ বন্দী, ৪০০ তরবারি, ১০০০ বল্লম, ৫০০ ধনুক ও অন্যান্য অনেক দ্রব্য প্রাপ্ত হইয়াছিলেন । পরে হজরত মহম্মদ কানানাকে বলেন, “তোমার আর অর্থ কোথায় আছে ?” সে বলিল, “সমুদয় অর্থ ব্যয় হইয়া গিয়াছে ।” হজরত বলিলেন, “যদি আর কোন ধনসম্পত্তি লুকাইয়া রাখিয়া থাক, তাহা হইলে আমান (রক্ষা) পাইবে না ।” তৎপরে হজরত দৈবশক্তিপ্রভাবে ধনের সন্ধান পাইয়া জোবেরকে সেই নির্দিষ্ট স্থান খুঁড়িতে বলিলেন এবং তথায় প্রচুর অর্থ প্রাপ্ত হইলেন । ইহাতে ইহদী দগের বিস্বাসঘাতকতা প্রকাশ পাইল । কিন্তু হজরত তাহাদিগকে ছাড়িয়া দিলেন ।* অবশেষে নাতাত দুর্গে সমুদয় দ্রব্য সংগ্রহ করা হইলে, তিনি তাহার পঞ্চমাংশ গ্রহণ করিলেন, আর অবশিষ্ট দ্রব্যাদি শিষ্যগণের মধ্যে বিভাগ করিয়া দিলেন । এই যুদ্ধে ৬৪ জন মুসলমান ও ৯৩ জন ইহদী হত হইয়াছিল ।

* এখানে হেণাম ৭৬৪ ও ৭৭৩ পৃঃ ; এযনে-মল-আসির ২য় খণ্ড ১৬৯ পৃঃ ; ওস্তাধন বাহির করিয়া দিবার ক্ষমতা কানানাকে উৎপীড়ন করা হইয়াছিল বলিয়া যে বর্ণনা আছে, তাহা সর্বৈব মিথ্যা ।

হজরত মহম্মদের বিষ পান ।

খায়বার অধিকৃত হইলে মুসলমানগণ কয়েকদিন পর্য্যন্ত কমুস হুর্গে অবস্থিত করিয়াছিলেন । একদিন তথায় হজরত মহম্মদ ও বসর এক সময়ে আহার করিতে বসিয়াছিলেন । বসর অবলোলাক্রমে আহার করিতে লাগলেন । কিন্তু হজরত এক খণ্ড মাংস মুখে দিয়াই বলিলেন, “এই মাংস বালিতেছে যে, আগাতে বিষ আছে ।” তৎক্ষণাৎ তিনি আহার না করিয়া তথা হইতে উঠিয়া গেলেন । কিন্তু বসর উক্ত মাংস ভক্ষণ করায় সেই স্থানেই পঞ্চ প্রাপ্ত হইলেন । অনন্তর অনেক অসুস্থকানের পর হজরত অবগত হইলেন যে, হজরত আলি যুদ্ধক্ষেত্রে মারহাব নামক যে দীর্ঘকায় বীরপুরুষকে বধ করিয়াছিলেন, তাহার ভ্রাতা হারেসের কন্যা জয়নাব এই মাংস রন্ধন করিয়াছিল । তখন জয়নাব হজরতের নিকট আনীত হইল । হজরত তাহাকে মাংসে বিষ প্রয়োগের বিষয় জিজ্ঞাসা করিলে, সে বলিল, “আমি আপনাকে হত্যা করিবার জন্য ঐ মাংসে অধিক পরিমাণে বিষ প্রয়োগ করিয়াছিলাম এবং মনে করিয়াছিলাম, যদি আপনি ধর্ম প্রচারক হন, তাহা হইলে আপনার বিপদে আপনিই জানিতে পারিবেন আর যদি বীরপুরুষ হন, তাহা হইলে যুদ্ধক্ষেত্রে পতিত হইবেন ।” * হজরত তাহাকে কোনরূপ দণ্ড না দিয়া ছাড়িয়া দিলেন । জয়নাব হজরতকে ধর্ম প্রচারক জানিতে পারিয়া পরে মুসলমান হইয়াছিল ।

* এই বিষ ভক্ষণ হজরত মহম্মদের খাওয়া একেবারে নষ্ট হইয়া গিয়াছিল । শেষ জীবনে এই বিষের অপকারিতা তিনি বিশেষরূপে, ভোগ করিয়াছিলেন । তথাপি তিনি জয়নাবকে ক্ষমা করিয়াছিলেন । তাবারী ৩য় খণ্ড ১০৪ পৃঃ : এবনে-অল-আসির ২য় খণ্ড ১৭০ পৃঃ ।

বিবি সোফিয়ার সহিত হজরতের বিবাহ ।

হজরত মহম্মদ খায়বার হইতে প্রত্যাগমন কালে পথিমধ্যে সহবা নামক স্থানে তিন দিন শিবির স্থাপন করিয়াছিলেন। এই স্থানে তিনি বনি নাজর-দলপতি হাই-বেন-আখতাবের কন্যা সোফিয়াকে বিবাহ করেন। খায়বারস্থ ইহুদী-দলপতি কানানার সহিত বিবি সোফিয়ার প্রথমে বিবাহ হয় ; কিন্তু কানানা খায়বারের যুদ্ধে হত হইয়াছিল। কথিত আছে যে, যৎকালে হজরত মহম্মদ খায়বার আক্রমণে রত ছিলেন, তৎকালে একদিন রাত্রে সোফিয়া স্বপ্নে দেখিয়াছিলেন যে, সূর্য্য আকাশ হইতে অবতীর্ণ হইয়া তাঁহার বক্ষোপরি উপবেশন করিয়াছে। এই স্বপ্নবৃত্তান্ত তিনি তাঁহার স্বামীর নিকট বলিলে, তাঁহার স্বামী ক্রোধান্বিত হইয়া বলিয়াছিল, “যে ব্যক্তি আমাদের শত্রু, তুই কেন তাহার উদ্ভাবিত বাক্যাবলী আমার নিকট বলিতেছিস্ ”

খায়বার জয়ের পর বিবি সোফিয়ার আশ্রয় স্বজনগণ ইসলাম ধর্মে দীক্ষিত হইয়াছিল। সেই সময়ে বিবি সোফিয়া স্বপ্নবৃত্তান্ত কার্যো পরিণত করিতে উৎসুক হইয়াছিলেন। হজরত মহম্মদও তাঁহার প্রতি উদারতাব প্রদর্শনপূর্ব্বক তাঁহাকে পছন্নে বরণ করিয়াছিলেন। হজরতের পরলোক গমনের ৪০ বৎসর পরে বিবি সোফিয়া মানবলীলা সম্বরণ করেন।

গর্দভমাংস ভক্ষণ নিষেধাজ্ঞা ।

খায়বারে অবস্থানকালে একদিন রাত্রে মুসলমানগণ গর্দভমাংস রন্ধন করিতেছিলেন। হজরত তাহা জানিতে পারিয়া শিষ্যদিগকে আহ্বান করিয়া বলিলেন, “গর্দভের মাংস ভোজন নিষিদ্ধ (হারাম)।” তখন শিষ্যগণ সমুদয় মাংস ফেলিয়া দিয়া হজরতকে জিজ্ঞাসা করিলেন,

“আমরা কি রুকন-পাত্রগীও ফেলিয়া দিব।” হজরত বলিলেন, “না, রুকন পাত্র ধুইয়া লইলেই চলিবে।”

ওমরাতল কাজা । (১)

হজরত মহম্মদ খায়বার হইতে মদিনায় প্রত্যাগমন করিয়া “ওমরাতল কাজা” সম্পন্ন করিবার জন্ত শিষ্যদিগকে সজ্জিত হইতে আদেশ দিয়া বলিলেন+ “যাহারা হোদায়বিয়ার উপস্থিত ছিল, তাহাদের মধ্যে সকলকেই এবার ওমরাতল উদ্ঘাপন করিতে যাইতে হইবে।” তদনুসারে ২০০০ শিষ্য ওমরা ত্রত উদ্ঘাপন করিতে প্রস্তুত হইলেন। তাঁহারা ১০০ অশ্ব ও কোরবানী প্রদানার্থ ৬০টা উষ্ট্র সঙ্গে লইলেন। হজরত মহম্মদ আবুরোহম্ গফ্ফারিকে মদিনায় আপনাব প্রতিনিধি পদে নিযুক্ত করিয়া শিষ্যগণসহ মক্কা-যাত্রা করিলেন (৭৭৯ খৃষ্টাব্দের মার্চ মাসে)। তিনি মক্কার নিকটস্থ জোলহলিফা নামক স্থানে উপনীত হইয়া মহম্মদ-বেন-মোস্লেমার নিকট অশ্ব ও অস্ত্রশস্ত্রাদি দিয়া অগ্রে মক্কাভিমুখে পাঠাইয়া দিলেন। শুৎপরে তাঁহারা সেই স্থানে এহ্রাম (ওমরার সংকল্প) বাঁধিয়া গমন করিতে লাগিলেন। মহম্মদ-বেন-মোস্লেমা মাররোজাহারাণ নামক স্থানে উপনীত হইলে কোরেশগণের সচিব তাঁহার সাক্ষাৎ হয়। কোরেশগণ মহম্মদ-বেন-মোস্লেমাকে জিজ্ঞাসা করিল, “মহম্মদ কোথায় ?” তিনি বলিলেন, “হজরত মহম্মদ আগামী কল্য আসিবেন।” পরে হজরত শিষ্যগণসহ বতনে নাচ্ছ নামক স্থানে উপনীত হইলে

(১) একবার ওমরাতল তর এহ্রাম (ওমরার সংকল্প) বন্ধনপূর্বক তাহা সম্পন্ন করিতে গিয়া পথিমধ্যে হইতে ফিরিয়া আসিয়া পর বৎসর তাহাঃ সন্দেহ করাকে ওমরাতল কাজা বলে।

† কোরান শরিক ৪৮ সূরা ২৭ আয়ত ।

কোরেশগণ তাঁহার আগমন সংবাদ জানিতে পারিল। তখন তাহারা মহম্মদ-বেন-মোস্লেমাকে জিজ্ঞাসা করিল, “তোমরা অশ্ব ও যুদ্ধাস্ত্রাদি সঙ্গে আনিয়াছ কেন?” মহম্মদ-বেন-মোস্লেমা বলিলেন, “আমরা আত্মরক্ষার্থে ঐ সকল আনিয়াছি, তোমাদের সহিত আমাদের সন্ধি ভঙ্গ হয় নাই।” হজরত মহম্মদ আওস-বেন-খাওয়ালি আনুসারিকে বলিলেন, “তুমি এই স্থানে ২০০ লোক লইয়া দ্রব্যাদি রক্ষা কর, আমরা মক্কার চলিয়া যাই।” আওস তাহাতে সম্মত হইলেন। তৎপরে হজরত কাসোয়া উষ্ট্রোপরি আরোহণপূর্বক অপরাপর শিষ্যগণ সঙ্গে লইয়া তালবিয়া (এক প্রকার প্রার্থনা) পড়িতে পড়িতে মক্কানগরে প্রবেশ করিলেন। কোরেশগণ তাঁহাদের আগমানে নগর ত্যাগ করিয়া পাহাড়ে আশ্রয় লইয়াছিল।

মক্কা নগর সেই সময়ে একেবারে জনশূন্য হইয়াছিল, কেবল শূন্য গৃহগুলি পড়িয়াছিল। মুসলমানগণ বহুদিন পরে জন্মভূমিতে পদার্পণ করিয়া স্ব স্ব শূন্য আবাসগৃহগুলি দর্শন করিয়া চরিতার্থ হইয়াছিল। হজরত ওমরাব্রতের নিয়মানুসারে কাবায় উপাসনা কার্যাদি সম্পন্ন করিয়া মারওয়া পাহাড়ে উষ্ট্র কোরবানি ও মস্তকমুণ্ডন প্রভৃতি ব্রত কার্য শেষ করিলেন। তৎপরে তিনি এক দল শিষ্যকে বতনে নাজেজ দ্রব্যাদি রক্ষার জন্য পাঠাইয়া দিলেন এবং তথাকার লোকগুলিকে মক্কার আসিয়া ওমরাব্রত উদ্‌যাপন করিতে বলিয়া দিলেন।

এই সময়ে মক্কাবাসিগণ হজরতের ধর্মনিষ্ঠা, সদাচার, উদারস্বভাব প্রভৃতি গুণে মোহিত হইয়া অনেকে ইসলামধর্ম গ্রহণ করিয়াছিল এবং এই সময়ে হারেসের কন্যা ময়মুনার সহিত হজরতের বিবাহ হইয়াছিল। বিবাহ কালে বিবি ময়মুনার বয়সক্রম ৫১ বৎসর ছিল। বিবি ময়মুনা বিখ্যাত বীর খালেদ-বেন-অলিদের নাতিশ্রম্মা ছিলেন। হজরত মহম্মদ হোদায়বিয়ার সন্ধি অনুসারে তিন দিন মক্কার অবস্থান করিয়া চতুর্থ দিনে

তথা হইতে মদিনায় প্রত্যাগমন করেন । কথিত আছে যে, চতুর্থ দিন প্রাতে কোরেশগণ হজরতকে বলিয়া পাঠাইয়াছিল “আপনি শীঘ্র আমাদের নগর হইতে চলিয়া যান ।” হজরত তদন্তরে বলিয়াছিলেন, “আমি অতীতই চলিয়া যাইব, কিন্তু তোমাদিগকে আমার আবাসে ভোজন করাইতে ইচ্ছা করি ।” তাহা শুনিয়া তাহারা বলে, “আমা-দিগকে ভোজন করাইবার আবশ্যক নাই, আপনি শীঘ্রই চলিয়া যান ।” পথভ্রান্ত কোরেশদিগের নীরস কণায় হজরত আর কোন আপত্তি না করিয়া মক্কা হইতে বহির্গত হইলেন ।

বশ্রার শাসনকর্ত্তা জবালার নিকট দূত প্রেরণ ।

হজরত মহম্মদ বশ্রার শাসনকর্ত্তা জবালার নিকট ধর্ম প্রচারার্থ পত্রসহ একজন দূত পাঠাইয়াছিলেন । জবালা দূতকে সম্মানে গ্রহণ করিয়া হজরতের পত্র পাঠ করিলেন এবং ভক্তিভরা প্রাণে মুসলমান হইলেন । পরে তিনি সেই পরিজ্ঞান-পথ প্রদর্শক হজরত মহম্মদ মোস্তাফার নিকট নানাবিধ দ্রব্যাদি উপঢৌকন স্বরূপ পাঠাইয়া দিয়াছিলেন ।

আম্মানের শাসনকর্ত্তার নিকট দূত প্রেরণ ।

হজরত মহম্মদ আম্মানের শাসনকর্ত্তা ফারোয়া-বেন-আমেরের নিকট দূত পাঠাইয়া দিয়াছিলেন । তৎকালে আম্মান প্রদেশ রুমের সম্রাটের অধীন ছিল । শুভ্ৰচেতা ফারোয়া দূতকে সাদরে গ্রহণ-পূর্বক ইসলামধর্ম গ্রহণ করিয়াছিলেন এবং ধর্মগুরু সম্মানার্থ সায়ীদের পুত্র মসুদের হস্তে ফেজ্জা নামক একটা অশ্বতর, একটা অশ্ব ও বহুমূল্য বস্ত্রাদি উপঢৌকন

স্বরূপ পাঠাইয়া দিয়াছিলেন এবং বিনয় সহকারে একখানি পত্রও লিখিয়াছিলেন। পত্রে অন্যান্য কথাগুলির সহিত নিম্নলিখিত কয়েকটি কথা লিখিত ছিল,—“মরিয়নের পুত্র হজরত ইসা যে শেষধর্ম-প্রচারকের আবির্ভাব হইবার কথা বলিয়া গিয়াছিলেন, আপনিই সেই শেষধর্ম-প্রচারক ; আমি ভক্তির সহিত আপনার ধর্ম-গ্রহণ করিয়াছি।” হজরত ইসা পাঠ করিয়া পরম পরিতোষ প্রাপ্ত হইয়া ফারোয়ার দূতকে উপঢৌকনাদি দিয়া বিদায় দিয়াছিলেন। তিনি ফারোয়া প্রদত্ত দ্রব্যাদি শিষ্যগণের মধ্যে বিভাগ করিয়া দিলেন। ফেজ্জা নামক অশ্বতরটি হজরত আবুবকর প্রাপ্ত হইয়াছিলেন।

ফারোয়া খৃষ্টধর্ম ত্যাগ করিয়া ইসলামধর্ম গ্রহণ করিয়াছেন শুনিয়া ক্রমের সম্রাট ফারোয়াকে বন্দী করিলেন এবং ইসলামধর্ম ত্যাগ করিতে বলিলেন। কিন্তু ইসলাম বিধানী ফারোয়া ধর্মত্যাগ না করায় নব্বাধম সম্রাট তাঁহাকে তত্যা করিয়াছিলেন।

ত্রয়োদশ পরিচ্ছেদ ।

— ০ঃ*ঃ০ —

অষ্টম হিজ্রার ঘটনাবলী ।

অষ্টম হিজ্রার সফর নামে অলিদের পুত্র খালেদ, আসের পুত্র আমর ও ভালহার পুত্র ওসমান ইসলাম ধর্ম্মে দীক্ষিত হন । ওসমানের হস্তে কাবা মস্জিদের কক্ষিকা ছিল । কেহ কেহ বলেন যে, ইঁহারা সপ্তম হিজ্রার শেষভাগে ইসলামধর্ম্ম গ্রহণ করিয়াছিলেন ।

মহাবীর খালেদের ইসলামধর্ম্ম গ্রহণ ।

বীরবর খালেদ বলিয়াছেন, “যখন হোদায়বিয়ায় আমাদের (কোরেশ-দিগের) সঙ্গে হজরতের সন্ধি স্থাপিত হইল, তখন আমি মনে মনে বিবেচনা করিয়াছিলাম যে, আমাদের কোন ক্ষমতা নাই, আমরা হীন-বীৰ্য্য হইয়া পড়িয়াছি এবং হজরতের ক্ষমতা ও ধর্ম্মবল দিন দিন বৃদ্ধি প্রাপ্ত হইতেছে । সেই সময়ে আমি একবার মনে ভাবিলাম যে, আবিসিনিয়ার রাজা নাজ্জাসীর নিকট যাই । কিন্তু শুনিলাম যে, তিনি মুসলমান হইয়াছেন । তৎপরে রুমের সম্রাট হেরকলের নিকট গিয়া খৃষ্ট ধর্ম্মাবলম্বন করিতে ইচ্ছা হইল । কিন্তু আবার মনে ভাবিলাম, আর কিছুদিন অপেক্ষা করি । এইরূপে এক বৎসর কাটিয়া গেল । পর বৎসর হজরত ওমরাতলকাজা সম্পন্ন করিতে মকায় আসিয়া আমার অন্বেষণ করিয়াছিলেন, কিন্তু তখন আমি মকায় ছিলাম না । আমার সহোদর অলিদ তখন মুসলমান হইয়াছিল । সে আমাকে নিয়ের মর্মে

একখানি পত্র লিখিয়াছিল,—“হজরত মহম্মদ আপনার অব্বেষণ করিয়াছেন। তিনি বলিয়াছেন, ‘বোধ হয়, এতদিন পর্য্যন্ত খালেদের নিকট ইসলামধর্মের সত্যতা অবিদিত নাই। যদি সে ধর্মের জন্ত স্বীয় ক্ষমতা প্রয়োগ করে, তাহা হইলে তাহার মঙ্গল।’ অতএব ভ্রাতঃ! শীঘ্র এই ধর্ম-গ্রহণ করুন, অনেক পুণ্য কার্য আপনার নিকট হইতে চলিয়া যাইতেছে।” এই পত্র পাঠ করিয়া আমার অন্তরমধ্যে ক্রমে ক্রমে ইসলামধর্মের জ্যোতিঃ প্রকাশ হইতে লাগিল।

“তৎপরে আমি ওমাইয়ার পুত্র সাফোয়ানের নিকট গিয়া বলিলাম, ‘সাফোয়ান! এক্ষণে আমাদের পতন সময় উপস্থিত। হজরত মহম্মদের ক্ষমতা দিন দিন বৃদ্ধি পাইতেছে; চল, আমরা তাঁহার নিকট গিয়া ইসলামধর্ম গ্রহণ করি; তাঁহার ক্ষমতায় আমাদের ক্ষমতাও বৃদ্ধি হইবে।’ সাফোয়ান আমার কথা শুনিয়া রাগান্বিত হইয়া আমাকে এক চপেটাঘাত করিল। আমি সাফোয়ানের নিকট অবমানিত হইয়া আবু জহলের পুত্র আক্ৰামার নিকট গিয়া পূর্বোক্ত রূপ বলিলাম। সেও আমার প্রস্তাবে অনুমোদন করিল না। অবশেষে আমি তালহার পুত্র ওসমানের নিকট গমন করিলাম এবং আমার মনোগত ভাব প্রকাশ করিলাম। নৌভাগাক্রমে তিনি আমার প্রস্তাব অনুমোদন করিলেন। অনন্তর আমরা উভয়ে একত্রিত হইয়া ইসলামধর্ম গ্রহণার্থ মদিনা-যাত্রা করিলাম। পথিমধ্যে হাদা নামক স্থানে আসের পুত্র আমরের সহিত আমাদের সাক্ষাৎ হইল। তিনিও ইসলামধর্ম গ্রহণার্থ আমাদের সহিত যোগ দিলেন। তথা হইতে আমরা তিনজনে মদিনায় হজরত মহম্মদের নিকট গমন করিলাম। হজরতের নিকট উপনীত হইয়া আমি বলিলাম, ‘আস্‌সালামো আলাইক! ইয়া রসূল আলাঃ।’ তখন তিনি আমাকে সাদরে গ্রহণ করিলেন, আমিও কলেমা পড়িয়া মুসলমান হইলাম, তিনি

আমাকে অনেক উপদেশ দিলেন।” ফলতঃ খালেদ মুসলমান হইয়া ইসলামধর্ম প্রচারে বিশেষ যত্ন বান্ হইয়াছিলেন। হজরত ওমরের খেলাফত নম্বরে ২১ কি ২২ হিজরীতে তিনি মানবলীলা সম্বরণ করেন।

আমর ও ওসমানের ইসলামধর্ম গ্রহণ ।

আমর বলিয়াছেন, “যখন আমি আবিসিনিয়ার রাজা নাজ্জাসীর নিকট ছিলাম, সেই সময়ে হজরত মহম্মদের দূত ওমাইয়া জামেরির পুত্র ওমর, নাজ্জাসীর নিকট উপনীত হইয়াছিলেন। আমি নাজ্জাসীকে বলিলাম, “আপনি ওমরকে আমার হস্তে অর্পণ করুন, আমি উহাকে হত্যা করি, তাহা হইলে কোরেশগণ আমার উপর অধিক সন্তুষ্ট হইবে।” কিন্তু নাজ্জাসী আমার কথায় কণপাত না করিয়া আমাকে ইসলামধর্মের মূলমন্ত্র উত্তমরূপে বুঝাইয়া দিলেন। তখন আমি তাঁহার নিকট মুসলমান হইলাম। তৎপরে আমি হজরতের সহিত সাক্ষাৎ করিবার জন্য মদিনায় যাইবার সময়ে পথিমধ্যে হাদা নামক স্থানে খালেদ ও ওসমানের সহিত সাক্ষাৎ হয়। মদিনায় গিয়া হজরতের শিষ্যত্ব গ্রহণ করি। হজরতের নিকট আমাদের পূর্ব পাপ হইতে মুক্তি পাইবার উপায় জিজ্ঞাসা করিলে, তিনি বলিলেন, “ত্রিবিধ উপায়ে পূর্ব পাপ হইতে মুক্ত হওয়া যায়—১ম, ইসলামধর্ম গ্রহণ; ২য়, কাফেরের দেশত্যাগ করিয়া মুসলমানের দেশে গমন; ৩য়, কাবার হজ করণ।”

ওসমানও হজরতের নিকট ইসলামধর্ম গ্রহণ করিলেন। ইনি ৪২ হিজরীতে ইহলোক ত্যাগ করেন।

মুতার যুদ্ধ ।

মুরিয়ার অন্তর্গত বালুকার নিকটে মুতা নামক একটি স্থান আছে। তথায় খৃষ্টীয় রোমক সম্রাটের শাসনাধীনে শারহাবিল-বেন আমর-গাচ্ছানি নামক এক জন শাসনকর্তা ছিল। যখন হজরত মহম্মদ ওমায়েরের পুত্র হারেসকে বস্রার শাসনকর্তার নিকট পাঠাইয়া দিয়াছিলেন, তখন হারেস বস্রায় গমন কালে এক দিন মুতার অবস্থিতি করিয়াছিলেন। শারহাবিল তথায় হারেসকে হত্যা করিয়াছিল। হজরত মহম্মদ হারেসের মৃত্যু সংবাদ শ্রবণে অতিশয় দুঃখিত হইয়াছিলেন।

তৎপরে হজরত মহম্মদ শারহাবিলের দমনার্থ শিষাগণকে যুদ্ধসজ্জা করিতে বলিলেন। তদনুসারে ৩০০০ শিষ্য জোরফ নামক স্থানে একত্রিত হইলেন। হজরত মহম্মদ সমবেত শিষাগণের মধ্যে হারেসের পুত্র জয়দকে সৈন্যাধ্যক্ষ পদে নিযুক্ত করিয়া দিলেন এবং বলিয়া দিলেন, “যদি জয়দ যুদ্ধক্ষেত্রে পাতিত হয়, তাহা হইলে আবিভালেবের পুত্র জাকরকে তোমাদের সৈন্যাধ্যক্ষ করিও; যদি জাকরের মৃত্যু হয়, তাহা হইলে রোয়াহার পুত্র আবদুল্লাকে তোমাদের নেতা করিও, অবশেষে আবদুল্লার মৃত্যুর পর তোমরা তোমাদের মধ্য হইতে প্রধান পুরুষকে মনোনীত করিয়া উক্ত পদে অভিষিক্ত করিও।” ইহা বলিয়া তিনি জয়দের হস্তে পতাকা দিয়া বলিলেন, “যেখানে শারহাবিল হারেসকে হত্যা করিয়াছে, তোমরা সেইখানে গিয়া তথাকার অধিবাসিগণকে ইসলামধর্ম গ্রহণ করিতে আহ্বান কর। কিন্তু নির্দোষ লোকদিগের প্রতি অত্যাচার করিও না; স্ত্রীলোক, শিশুসন্তান ও পীড়িত ব্যক্তিদিগকে ধর্মের সহিত রক্ষা করিও। তথাকার অধিবাসীদিগের গৃহ, আহারীয় দ্রব্য, ফলবান্ বৃক্ষ ও ধর্মের বৃক্ষাদি ধ্বংস করিও না।”

জয়দেব সৈন্তগণ সমভিব্যাহারে যুতাভিমুখে যাত্রা করিলেন। শাহাবিল তাঁহাদের আগমনবাড়া শ্রবণ করিয়া মহাসমারোহে যুদ্ধ সজ্জা করিল এবং একদল সৈন্তকে জয়দেবের সম্মুখীন হইবার জন্য প্রেরণ করিল। মুসলমানগণ মায়ান নামক স্থানে উপনীত হইয়া অগণ্য শত্রু সৈন্ত দেখিতে পাইলেন। শাহাবিলের ভ্রাতা সত্ৰস ৫০ জন সৈন্ত লইয়া মুসলমানদিগকে আক্রমণ করিল। কিন্তু মুসলমানগণের বিক্রমে সেই যুদ্ধে সত্ৰসের মৃত্যু হয় ও তাহার সৈন্তগণ ভয়ে পলায়ন করে। শাহাবিল ভ্রাতার মৃত্যুসংবাদ প্রাপ্ত হইয়া দুঃখিত হন এবং অন্য এক ভ্রাতাকে সত্ৰাট্ হেরকেলের নিকট সাহায্য প্রার্থনার্থ পাঠাইয়া দেন। সত্ৰাট্ হেরকেলও শাহাবিলের সাহায্যার্থ বহুসংখ্যক সৈন্ত পাঠাইল, তদ্ব্যতীত আরবদেশস্থ কাফেরগণ শাহাবিলের সঙ্গে মিলিত হইল। এক্ষণে তিনি সর্বশুদ্ধ এক লক্ষ সৈন্তের নেতা হইয়া মুসলমানদিগকে আক্রমণ করিতে বহির্গত হইলেন। মুসলমানগণ অগণ্য শত্রু সৈন্ত দর্শন করিয়া ভয়ে বিহ্বল হইয়া হজরতের নিকট সাহায্যার্থ পত্র লিখিলেন।

এই সঙ্কট সময়ে রোয়াফার পুত্র আবদুল্লা মুসলমানগণকে আহ্বান করিয়া নানা প্রকার উৎসাহ দিতে লাগিলেন। তিনি বলিয়াছিলেন, “আমরা ত অধিক সংখ্যক লোক একত্রিত হইয়া যুদ্ধে জয় হই নাই। বদরের যুদ্ধ-ক্ষেত্রে আমরা কয়টী লোক ছিলাম? ইসলামধর্মের প্রভাবেই আমরা সে যুদ্ধে জয়ী হইয়াছিলাম। অতএব সকলে অগ্রসর হও, হয় জয়ী হইব, না হয় সহিদ (ধর্মের জন্য প্রাণত্যাগ) হইব।” আবদুল্লার অলস্তোৎসাহ বাক্যে মুসলমানগণ উত্তেজিত হইয়া অগণ্য শত্রু সৈন্তের সম্মুখীন হইলেন। আবু হোরাযরা বলেন, “আমি যুতার যুদ্ধে উপস্থিত ছিলাম। সেখানে শত্রু-সৈন্তের অস্ত্রশব্দ ও বহুমূল্য রেসমী বস্তাদি দর্শন করিয়া আমার চক্ষু ঝলসিয়া গিয়াছিল। তখন সাবেত-বেন-আকোয়াম-

আনুসারি আমাকে বলিয়াছিল, ‘আবুহোরায়রা! তুমি বদরের যুদ্ধে উপস্থিত ছিলে না, সেখানে আমরা অল্পসংখ্যক হওয়াতেও আল্লাহতায়ালা আমাদেরকে জয়ী করিয়াছিলেন।’

একদম উভয় পক্ষের সৈন্য পরস্পর সম্মুখীন হওয়াতে তুমুল যুদ্ধ আরম্ভ হইল। সেই যুদ্ধে জয়দ সাংঘাতিক আঘাত প্রাপ্ত হইয়া মৃত্যুমুখে পতিত হইলে জাফর তৎক্ষণাৎ পতাকা ধারণপূর্বক পদব্রজে যুদ্ধ করিতে আরম্ভ করিলেন। যখন শত্রুগণ তাঁহার দক্ষিণ হস্ত কাটিয়া ফেলিল, তখন তিনি বাম হস্তে পতাকা ধারণ করিলেন। ঋণকাল মধ্যে সে হস্তেও শত্রুগণ আঘাত করিল, তখন তিনি সেই রক্তাক্ত হস্তে পতাকা ধরিয়া যুদ্ধ করিতে লাগিলেন। অবশেষে শত্রুগণ তাঁহার মস্তকচ্ছেদন করার যুদ্ধ কার্যের অবদান হইল। * ওমরের পুত্র আবুল্লা এই যুদ্ধে উপস্থিত ছিলেন। তিনি বলিয়াছিলেন, “জাফরের মৃত্যুর পর দেখিলাম যে, তাঁহার দেহে তরবারির ৫০টি আঘাত লাগিয়াছে।” আবুল্লা বেন-রোয়াহা তিন দিন অনাচারের পর জাফরের মৃত্যু সংবাদ শ্রবণ করিয়া পতাকা গ্রহণ করিলেন এবং যুদ্ধ করিতে লাগিলেন। কিন্তু অচিরকাল মধ্যে তিনিও শমন-সদনে নীত হইলেন। আবুল্লার মৃত্যুর পর আহজমের পুত্র সাবেত খালেদকে পতাকা দিবার প্রস্তাব করিলে সর্ব-সম্মতিক্রমে খালেদ তাহা গ্রহণ করিলেন। খালেদের হৃদয়গ্রাহী ও উৎসাহহৃচক বাক্যে ভয়-বিহ্বল মুসলমান সৈন্যগণ স্থিরভাবে ধারণপূর্বক যুদ্ধে অগ্রসর হইলেন এবং অসাধারণ বলবিক্রমশালী খালেদ অগণ্য শত্রুসৈন্যের অভেদ্য বাহু ভেদ করিয়া যুদ্ধে জয় লাভ করিলেন। যুদ্ধশেষে মহাবীর খালেদ বলিয়াছিলেন, “অন্য আমার ৯ খানি তরবারি চূর্ণ হইয়া গিয়াছে।”

* এখানে অল আসির ২য় খণ্ড ১৭৮, ১৮০ পৃঃ।

সেই দিন সন্ধ্যা উপস্থিত হওয়ার উভয় পক্ষীয় সৈন্য যুদ্ধে ক্ষান্ত হইল । খালেদ পরদিবস প্রাতে গাত্রোথান করিয়া অগ্রগামী সৈন্যগণকে পশ্চাতে আর পশ্চাদ্গামী সৈন্যগণকে অগ্রে স্থাপন করিয়া যুদ্ধক্ষেত্রে অবতীর্ণ হইলেন । তদর্শনে শত্রুগণ মনে করিল যে, বোধ হয়, মুসলমানদিগের সাহায্যার্থ নূতন সৈন্য আসিয়াছে । এই বিবেচনায় তাহারা খালেদের প্রথম আক্রমণেই যুদ্ধে ভঙ্গ দিয়া পলায়ন করিল । খালেদ মৃত্যু একটি ভূর্গ জয় করিয়াছিলেন । তৎপরে তাহারা সকলে মদিনায় প্রত্যা-গমন করেন ।

যে সময়ে মৃত্যু যুদ্ধ হইতেছিল, সেই সময়ে হজরত মহম্মদ মদিনার মস্জিদে বসিয়া শিষ্যগণের সমক্ষে যুদ্ধক্ষেত্রের ঘটনাগুলি বিবৃত করিতে-ছিলেন । যখন খালেদ মৃত্যু পতাকা গ্রহণ করিয়াছিলেন, তখন হজরত শিষ্যগণকে বলেন, “এইবার আল্লাতায়ালার একখানি তরবারি (সয়ফোল্লা) অর্থাৎ খালেদ-বেন-অলিদ পতাকা গ্রহণ করিয়াছে, ইহার হস্তে শত্রুগণ পরাজিত হইবে । সেই সময় হইতে খালেদ “সয়ফোল্লা” নামে অভিহিত হইয়াছিলেন ।

জাতোস্ সালাসেলের যুদ্ধ ।

“সালাসেল” শব্দটির অর্থ শৃঙ্খল অর্থাৎ মদিনার নিকটস্থ কতিপয় বিধর্মীর দল একত্রিত হইয়া একরূপ প্রতিজ্ঞাবদ্ধ হইয়াছিল যে, তাহারা মুসলমানদিগের সহিত যুদ্ধে কদাচ পরাস্থ হইবে না । কেহ কেহ বলেন, সালাসেল একটা কূপের নাম । এই কূপটি মদিনার ১০ মাইল দূরে অবস্থিত ছিল ।

হজরত মহম্মদ জমাদিরসুমানি মাসে শুনিতে পাইলেন যে, কাযাজা,

বালি ও বনুকারেন বনহ লোকসকল একত্রিত হইয়া মদিনা আক্রমণের চেষ্টা করিতেছে। তখন তিনি আমের পুত্র আমরের সহিত ৩০০ সৈন্য তাহাদিগের বিরুদ্ধে পাঠাইয়া দিলেন। আর আমরের হস্তে পবিত্র পতাকা দিলেন। জয়দের পুত্র সয়িদ, আবিহক্কাসের পুত্র সায়াদ, রাখিয়ার পুত্র আমের, সেনানার পুত্র সোগয়েব, হোজায়েরের পুত্র ওসায়েদ ও আবাদার পুত্র সায়াদ ও আমরের সঙ্গে গিয়াছিলেন। আমরা কিছুদূর গিয়া জানিতে পারিলেন যে, একদল লোক আসিয়া শত্রুদিগের সহিত মিলিত হইয়াছে। তখন তিনি হজরতের নিকট সাহায্যার্থ দূত পাঠাইয়া দিলেন। হজরতও আবুওবেদার অধীনে একদল সৈন্য আমরের সাহায্যার্থ পাঠাইয়া দিলেন। সেই সঙ্গে হজরত আবুবকর ও হজরত ওমর-বেন-খেত্তাবও ছিলেন। আবুওবেদা পথিমধ্যে আমরের সহিত মিলিত হইয়া উভয় সৈন্য লইয়া শত্রুদিগের বাসস্থানে গমন করিলেন।

মুসলমানগণ রাত্রিকালে শত্রুদিগের বাসস্থানে উপনীত হইলেন। সেই রাত্রে ভয়ানক শীত পড়িয়াছিল; সৈন্যগণ শীত নিবারণার্থ অগ্নি প্রজ্বালিত করিতে গেলে, আমরা তাঁহাদিগকে নিবারণ করিলেন। কিন্তু মুসলমানগণ শীতে ভয়ানক কষ্ট পাইতে লাগিলেন। অতঃপর হজরত ওমর, আমরের কথা অগ্রাহ্য করিয়া অগ্নি প্রজ্বালিত করিতে উৎসুক হইলে, হজরত আবুবকর তাঁহাকে বলিলেন, “হজরত মহম্মদ বলিয়াছেন, ‘নেতার আদেশমত কাণ্য করিও, যদি তুমি আমরের কথা অগ্রাহ্য কর, তাহা হইলে হজরতের কথা অগ্রাহ্য করা হইবে।’” ইহা শুনিয়া হজরত ওমর ক্ষান্ত হইলেন। প্রাতে তাঁহারা শত্রুদিগকে আক্রমণ করিলে শত্রুগণ ভয়ে পলায়ন করিল, কেহ কেহ বা যুদ্ধ করিয়া পরাস্ত হইল। আমরা কয়েকদিন সেখানে অবস্থিতি করিয়া মদিনায় প্রত্যাপমন করিলেন।

তিনি মদিনায় উপস্থিত হইলে, কেহ কেহ হজরতের নিকট আহবের নামে অভিযোগ করিলেন । কিন্তু আমরা, হজরতকে বলিলেন, “যদি সেই রাতে অগ্নি প্রজ্জ্বলিত করা হইত, তাহা হইলে শত্রুগণ আমাদের অল্পসংখ্যক সৈন্য দেখিয়া সবেগে আক্রমণ করিয়া ছিন্নবিচ্ছিন্ন করিত । তজ্জন্যই আমি অগ্নি প্রজ্জ্বলিত করিতে দিই নাই ।”

এই আনর এক সময়ে ইসলামধর্মের ঘোর বিদ্রোহী ছিলেন । ইনি হজরতের নামে কুৎসাপূর্ণ কবিতা রচনা করিয়া চতুর্দিকে প্রচার করিয়া দিরাছিলেন এবং কোরেশদিগের দৌত্যকার্যে নিযুক্ত হইয়া আবিসিনিয়ার রাজা নাজ্জানীর নিকট হইতে মুসলমানগণকে হত্যা করিতে কিম্বা কোরেশদিগের নিকট আনিয়া দিতে চেষ্টা করিয়াছিলেন । কিন্তু আল্লা-তায়ালার কি অপার মহিমা ! এক্ষণে সেই আনর ইসলামধর্ম গ্রহণ করিয়া বিদেশে উকু ধর্ম প্রচারে ব্রতী হইয়াছেন । সত্যের জয় সম্বন্ধে, তাহাতে সন্দেহ নাই ।

মক্কা-বিজয় ।

হোদায়বিয়ার সন্ধির সময়ে মক্কার নিকটস্থ বনি বকর দলস্থ লোকগণ কোরেশদিগের অধীনে ও বনি খায়াজা দলস্থ লোকগণ হজরত মহম্মদের অধীনে ছিল । এই দুই দল পূর্বে পরস্পর যুদ্ধে লিপ্ত থাকিত । যখন হজরতের সহিত কোরেশদিগের বিবাদ হয়, তখন তাহারা উভয় দল পরস্পর যুদ্ধে লিপ্ত হইয়া গিয়া কোরেশদিগের সহিত মিলিত হইয়াছিল এবং হজরতের বিপক্ষে যুদ্ধে লিপ্ত হইয়াছিল । হোদায়বিয়ার সন্ধির পর আবার তাহারা উভয় দল পরস্পর যুদ্ধে লিপ্ত হইল ।

এক দিন বনি বকর দলস্থ এক ব্যক্তি বনি খায়াজা দলস্থ লোকগণের

নিকট হজরতের কুৎসা করিতেছিল। তাহা শ্রবণ করিয়া বনি খায়াজা দলস্থ এক ব্যক্তি তাহাকে নিষেধ করে; কিন্তু সে তাহাতে কর্ণপাত না করার সেই ব্যক্তিকে আঘাত করিয়াছিল। তখন বনি বকর সম্প্রদায়স্থ বনু নাফা দলটী বনি খায়াজা দলের সহিত যুদ্ধে প্রবৃত্ত হইল ও বনি মোদ্লেজ্জ্ দলের নিকট সাহায্য চাহিয়া পাঠাইল, কিন্তু তাহারা সাহায্য করিতে অস্বীকার করিল। তৎপরে তাহারা কোরেশদিগের নিকট সাহায্য চাহিল। হজরতের চিরশত্রু আবুজহলের পুত্র আকরামা, ওমাইয়্যার পুত্র সাফোয়ান ও ওমরের পুত্র সোহেল তাহাদের পক্ষাবলম্বনপূর্বক রাত্রে শুপ্রভাবে খায়াজা সম্প্রদায়স্থ লোকদিগকে আক্রমণ করিয়া তাহাদের ২০ জনকে নিহত করিল। প্রসিদ্ধি আছে যে, হজরত মহম্মদ জেত্রিলের নিকট এই সংবাদ প্রাপ্ত হন। পরে খায়াজা সম্প্রদায়স্থ লোকগণ হজরতের নিকট গিয়া কোরেশদিগের নামে অভিযোগ করিল। হজরত চারি মাস কাল পর্যান্ত কোরেশদিগকে কিছুই বলিলেন না।

চারি মাস অতীত হইয়া গেলে কোরেশগণ জানিতে পারিল যে, হজরত মহম্মদ তাহাদের বিশ্বাসঘাতকতা ও সন্ধিত্বের বিষয় অবগত হইয়াছেন। তখন তাহারা পুনঃ সন্ধি স্থাপনের জন্ত আবুসোফিয়ানকে মদিনায় হজরতের নিকট পাঠাইয়া দিল। আবুসোফিয়ান মদিনায় আসিয়া প্রথমে তাহার কন্যা ওম্মেহাবিবার গৃহে গিয়া হজরতের আসনে উপবেশন করিতে গেলে, ওম্মেহাবিবা বলিলেন, 'পিতঃ! আপনি পবিত্র পুরুষের আসনে বসিবেন না।' আবুসোফিয়ান ইহা শুনিয়া রাগান্বিত হইয়া কন্যার গৃহ হইতে বহির্গত হইল এবং হজরতের নিকট গিয়া সন্ধির প্রস্তাব করিল; কিন্তু হজরত তাহার কথা কোন উত্তর দিলেন না। তখন সে তথা হইতে হজরত আবুবকর, হজরত আলি ও হজরত ওমরের নিকট গেল, কিন্তু কোন স্থানেই তাহার অভিলাষ পূর্ণ হইল না। অবশেষে

সে বিবি ফাতেমার নিকট গিয়া বালিল, “তোমার ভগিনী জয়নাব যেমন আবুল আসকে রক্ষা করিয়াছিলেন, সেইরূপ তুমি আমার পক্ষাবলম্বন-পূর্বক হজরতের নিকট গিয়া আমাদের সন্ধির প্রস্তাব উত্থাপন কর ।” বিবি ফাতেমা বালিলেন, “হজরতের উপর আমাদের কোন ক্ষমতা নাই, তিনি স্বীয় অভিলাষানুযায়ী কার্য্য করিয়া থাকেন ।” এতৎপ্রবণে আবু-সোফিয়ান হতাশ হইয়া মক্কার প্রত্যাবর্তন করে ।

এদিকে হজরত মহম্মদ কোরেশদিগের বিপক্ষে শিষ্যগণকে যুদ্ধ সজ্জা করিতে বলিলেন । তদনুসারে আসলাম, গেফার, জাহনিয়া, আস্জা ও সালিম প্রভৃতি দলস্থ মুসলমানগণ যুদ্ধার্থ সজ্জিত হইলেন । হজরত মহম্মদ এবনেওশ্বেম্‌কৃতুমকে, কেহ কেহ বলেন, আবুজার গক্‌ফারিকে মদিনায় আপনার প্রতিনিধি পদে নিযুক্ত করিয়া ১০ই রমজান বুধবারে মক্কাভিমুখে যাত্রা করেন । এবার তাঁহার সঙ্গে ১০,০০০, কেহ বলেন ১২,০০০, সৈন্ত গিয়াছিল । তিনি সৈন্তগণসহ কাদিদ নামক স্থানে উপনীত হইয়া শিষ্যগণকে রোজা (উপবাস) ভঙ্গ করিতে বলেন, — কারণ যুদ্ধকালে রোজা ভাঙ্গিলে পাপ হয় না ।

তৎপরে তাঁহারা গমন করিতে লাগিলেন । পথিমধ্যে সাকোয়া নামক স্থানে * মক্কা নগরীস্থ কতকগুলি লোক হজরতের নিকট আসিয়া মুসলমান হইলেন । তাঁহাদের মধ্যে হজরতের পিতৃব্য আব্বাস, হারেসের পুত্র আবুসোফিয়ান ও ওমাইয়্যার পুত্র আবুতল্লাও ছিলেন । আব্বাস হজরতের নিকট আসিলে হজরত বলিলেন, “আপনি যেমন শেষ উপ-নিবেশকারী, আমিও সেইরূপ শেষধর্ম্ম-প্রচারক ।” আব্বাস সপরিবারে মুসলমান হইয়াছিলেন । তাঁহার পরিবারাদি মদিনায় পাঠাইয়া দিয়া তিনি নিজে হজরতের নিকট অবস্থিতি করিতে লাগিলেন ।

* কেহ বলেন, জাহাকা নামক স্থানে, কেহ বলেন, জোলহলিকা নামক স্থানে ।

হজরত মহম্মদ মক্কার ৬ ক্রোশ দূরস্থ মাররোজাহারাণ নামক স্থানে উপনীত হইয়া শিবির স্থাপন করত রাত্রিতে শিষ্যগণকে অগ্নি প্রজ্জ্বলিত করিতে বলেন । এক্ষণে এই স্থানটী “ওয়াদিফাতেমা” নামে বিখ্যাত হইয়াছে । আব্বাস যদিও হজরতের সঙ্গে ছিলেন, তথাপিও তিনি মনে মনে ভাবিতেছিলেন যে, যদি কোরেশগণ হজরতের নিকট আত্মসমর্পণ না করিয়া বিদ্রোহাচরণ করে, তাহা হইলে মহাগোলযোগ উপস্থিত হইবে । তজ্জন্ম তিনি সেই রাত্রে একটী অশ্বতর-পৃষ্ঠে আরোহণপূর্বক শিবিরের চতুর্দিকে ভ্রমণ করিয়া বেড়াইতেছিলেন । সেই সময়ে হজরতের প্রধান শত্রু আবুসোফিয়ান, হাকিম বেন-খারাম ও বোদেল-বেন-আরুকাহকে সঙ্গে লইয়া হজরত মহম্মদ আসিতেছেন কি না, তাহার অনুসন্ধান বহির্গত হইয়াছিল । তাহারা মাররোজাহারাণে অগ্নি প্রজ্জ্বলিত দেখিয়া তথায় উপস্থিত হইল । আব্বাসও তাহাদের অশ্বের পদশব্দ শ্রবণে অগ্রসর হইলেন, আবুসোফিয়ানের সহিত তাঁহার সাক্ষাৎ হইল । তিনি আবুসোফিয়ানকে স্বীয় অশ্বতরোপরি লইয়া হজরত ওমরের নিকট গেলেন এবং হাকিম ও বোদেল মক্কার প্রত্যাভর্তন করিল । হজরত ওমর আবুসোফিয়ানকে দেখিয়াই হজরতের নিকট গিয়া বলিলেন, “আবুসোফিয়ান বন্দী হইয়াছে, তাহাকে হত্যা করিতে হইবে ।” হজরত তাঁহার কথার কোন উত্তর দিলেন না । পরে আব্বাস আবুসোফিয়ানকে লইয়া হজরতের নিকট উপস্থিত হইলেন । হজরত মহম্মদ আব্বাসকে বলিলেন, “অন্য রাত্রে আবুসোফিয়ানকে আপনার শিবিরে রাখুন, আগামী কল্য প্রাতে আমার নিকট আনিবেন ।” পরদিন প্রাতে যখন আবুসোফিয়ান হজরতের নিকট আনীত হইল, তখন হজরত মহম্মদ আবুসোফিয়ানকে বলিলেন, “ভাল, আবুসোফিয়ান ! আজিও কি শেষ সময় উপস্থিত হয় নাই যে, তুমি একমাত্র খোদাতালার অস্তিত্ব স্বীকার

কর ।” আবুসোফিয়ান বলিল, “হাঁ, আমি একমাত্র আল্লাতায়ালার অস্তিত্ব স্বীকার করি ।” হজরত পুনঃ বলিলেন, “আমাকে কি খোদাতায়ালার ধর্মপ্রচারক বলিয়া স্বীকার করিবার সময় আজিও উপস্থিত হয় নাই ?” আবুসোফিয়ান বলিল, “প্রিয়তম মহম্মদ ! তদ্বিষয়ে আমার একটু সন্দেহ আছে ।” সেই সময়ে মহাত্মা আব্বাস আবুসোফিয়ানের নিকট ইসলাম ধর্মের উপদেশসমূহ বিশেষরূপে বিবৃত করিলে তিনি তৎক্ষণাৎ ইসলাম ধর্ম গ্রহণ করিলেন এবং হজরতের ব্যবহারে মোহিত হইলেন ।

আবুসোফিয়ান মুসলমান হইলে হজরত মহম্মদ আব্বাসকে বলিলেন, “আপনি আবুসোফিয়ানকে সঙ্গে লইয়া মক্কা গমন পথপার্শ্বে দাঁড়াইয়া থাকুন, মুসলমান সৈন্যগণ কিরূপে নগর মধ্যে প্রবেশ করে, তাহা আপনি তাঁহাকে দর্শন করান । তদনুসারে মহাত্মা আব্বাস আবুসোফিয়ানকে সঙ্গে লইয়া মক্কা প্রবেশের পথপ্রান্তে দাঁড়াইয়া রহিলেন । প্রথমে খালেদ একদল সৈন্য লইয়া অগ্রসর হইলেন । সৈন্যগণ আবুসোফিয়ানের সম্মুখে উপনীত হইয়া তক্বির (এক প্রকার প্রার্থনা) পড়িতে লাগিলেন । তৎপরে জোবারের ৫০০ বীরপুরুষ সঙ্গে লইয়া অগ্রসর হইলেন । এইরূপে বিভিন্ন দলতঃ দলপতিগণ সৈন্য লইয়া এক এক করিয়া আবুসোফিয়ানের সম্মুখভাগ দিয়া গমন করিতে লাগিলেন । মহাত্মা আব্বাস প্রত্যেক দলের দলপতিগণের নাম এক এক করিয়া আবুসোফিয়ানের নিকট বলিতে লাগিলেন । অবশেষে হজরত মহম্মদ কাসোয়া উষ্ট্রোপরি আরোহণপূর্বক ৫০০০ সৈন্য সঙ্গে লইয়া হজরত আবুবকর ও ওসায়দ-বেন-হোজায়েরের সহিত কথোপকথন করিতে করিতে নগর মধ্যে প্রবেশ করিলেন । আবুসোফিয়ান এই সকল দর্শন করিয়া হতবুদ্ধি হইয়া গেলেন এবং মহাত্মা আব্বাসকে বলিতে লাগিলেন, “তোমার ভ্রাতৃপুত্র বাস্তবিকই

কমতালী এবং তাঁহার রাজ্যও সুদৃঢ় ।” তখন মহাত্মা আক্বাম আবু-সোফিয়ানকে বলিলেন, “আবুসোফিয়ান ! তোমার ভুল হইতেছে, আমার ভ্রাতৃপুত্রের এ পার্থিব রাজ্য নয়, ইহা তাঁহার ধর্মরাজ্য ।”

হজরত মহম্মদ মাররোজ্জাহরণ নামক স্থান হইতে মক্কা প্রবেশ কালে প্রথম মৈগ্গদলকে নগরের সম্মুখভাগস্থ পথ দিয়া যাইতে বলিলেন এবং অন্যান্য মৈগ্গদিগকে নগরের চতুর্দিক দিয়া প্রবেশ করিতে বলিলেন । জোবায়েরের সঙ্গে মহাজেরদিগকে দিয়া বলিলেন, “জোবায়ের ! তুমি কাদা নামক গিরিবন্থ দিয়া হজুন নামক স্থানে গিয়া শিবির স্থাপন-পূর্বক আমার অপেক্ষা করিও ;” এবং আবু ওবেদাকে বলিলেন, “তুমি বতনেওয়াদির পথ দিয়া নগর মধ্যে প্রবেশ কর” এবং খালেদকে মক্কার নিম্নভাগস্থ কোদা নামক স্থানে গিয়া পতাকা উড্ডীর্ণমান করিতে বলিলেন । “কিন্তু কাহারও সঙ্গে যুদ্ধ করিও না, যদি কেহ তোমাদিগকে আক্রমণ করে, তাহা হইলে আত্মরক্ষা করিও ।” ইহা তিনি সকলকে বিশেষরূপে বলিয়া দিলেন এবং সর্বশেষে তিনি নিজেই কাসোয়া উষ্ট্রোপরি আরোহণপূর্বক মক্কার প্রবেশ করিলেন ।

কোরেশদিগের মধ্যে আবুজহলের পুত্র আক্বরামা, ওমাইয়ার পুত্র সাকোয়ান ও ওমরের পুত্র মোহেল, বনি হারেস ও বনি হোজায়েল দলস্থ লোকগুলিকে সঙ্গে লইয়া মহাবীর খালেদের সম্মুখীন হইল এবং যুদ্ধ করিতে আরম্ভ করিল । খান্দামা নামক স্থানে যুদ্ধ হইল । কোরেশগণ ক্ষণকাল যুদ্ধ করিয়া পলায়ন করিল । মহাবীর খালেদ হাজা ওয়া (আজা ওয়া) নামক স্থান পর্যন্ত তাহাদের পশ্চাৎপাতি হইয়াছিলেন । এই যুদ্ধে ২০ জন কোরেশ ও দুই জন মুসলমান হত হয় । হজরত মহম্মদ খালেদের যুদ্ধের সংবাদ শ্রবণ করিয়া বলিলেন, “আমি খালেদকে যুদ্ধ করিতে নিষেধ করিয়াছিলাম, কেন সে যুদ্ধ করিল ? শত্রুগণ

তাহাকে আক্রমণ করিয়াছিল বটে, কিন্তু সে কেবল আত্মরক্ষা করিলেই পারিত ।” তৎপরে তিনি খালেদকে নরহত্যা করিতে নিষেধ করিলেন । সেই সময়ে শত্রুগণ কেহ পাহাড়ে, কেহ বা স্বশ্ব গৃহে পলায়ন করিল, মুসলমান সৈন্যগণ নির্বিঘ্নে মক্কার প্রবেশ করিলেন ।

হজরত মহম্মদ মক্কার মধ্যে প্রবেশ করিয়া কাবার নিকটে আসিয়া তক্বির পড়িতে লাগিলেন, শিষ্যগণও তাঁহার সঙ্গে সঙ্গে তক্বির পড়িতে আরম্ভ করিলেন । ইহাতে মক্কানগরী প্রতিধ্বনিত হইয়া উঠিল । তিনি সাতবার কাবা প্রদক্ষিণ করিলেন । অনন্তর তিনি কাবায় স্থাপিত ৩৬০টী দেবমূর্তি হইতে কাবাকে মুক্ত করিতে অগ্রসর হইলেন । ইতিবৃত্তলেখকগণ বলেন যে, হজরত একখানি যষ্টি লইয়া দেবমূর্তিগুলির সম্মুখে গেলেন এবং সেই যষ্টি দেবমূর্তির দিকে উত্তোলন-পূর্বক বলিতে লাগিলেন, “সত্য উপস্থিত হইয়াছে, অসত্য লোপ পাইয়াছে, নিশ্চয়ই অসত্য লুপ্ত হয়” (কো ১৭শ সূরা, ৮৩ আয়েত) । † হজরত ইহা বলিতে না বলিতেই দেবমূর্তিগুলি ভূমিসাৎ হইতে লাগিল । এবনে আব্বাস বলেন, “যে দিন হজরত মহম্মদ মক্কা জয় করেন, সেই দিন তিনি ৩৬০টী দেবমূর্তি ধ্বংস করিয়াছিলেন আরববাসিগণ ঐ সকল দেবমূর্তির পূজা করিত ও তাহাদের নিকট বলি দিত । পূর্বে যখন কাবায় দেবমূর্তি স্থাপিত হয়, তখন কাবা আল্লা-তায়ালার নিকট হুঃখপ্রকাশ করিয়া বলিয়াছিলেন, “হে খোদা-তায়াল্লা ! আর কতকাল তোমা ভিন্ন এই সকল দেবমূর্তি আমার মধ্যে পূজিত হইবে ?” খোদাতায়াল্লা কাবাকে প্রবোধবাক্যে বলিয়া-ছিলেন, “এক সময়ে আমি তোমার নিকট আমার এক জ্যোতিকে

পাঠাইব ও তাহার সঙ্গে একদল লোক যাইবে, তাহারা শান্তপ্রকৃতিতে তোমার নিকট উপস্থিত হইবে” (তওরাত, আসিরা ৫৪, ৬০ অধ্যায়)।

হজরত মহম্মদ ক্রমে ক্রমে হবল, নায়েলা, এসাফ প্রভৃতি অগ্ন্যস্ত্র প্রধান দেবমূর্তি ধ্বংস করিলেন। এসাফ ও নায়েলা মূর্তি বনি জরহাম বংশের দুইজন লোকের প্রতিমূর্তি। হবল ধ্বংস হইলে জোবায়ের আবুসোফিয়ানকে বলেন, “আবুসোফিয়ান! তোমরাই না ওহোদ যুদ্ধক্ষেত্রে হবল দেবের কত প্রশংসা করিয়াছিলে?” আবুসোফিয়ান বলিলেন, ‘আমাকে আর তিরস্কার করিও না, যদি হজরত মহম্মদের আল্লাতায়ালার ভিন্ন অপর আল্লাতায়ালার থাকিতেন, তাহা হইলে অবশ্য আমাদিগকে সাহায্য করিতেন।’

এবনে সাঈদ বলেন, “তালহার পুত্র ওসমান বলিয়াছেন যে, ইস্লামধর্ম্ম আবির্ভাব হইবার পূর্বে সোম ও বৃহস্পতিবার ভিন্ন কাবার দ্বার খোলা হইত না। এক দিন হজরত মহম্মদ আমাকে নির্দারিত দিন ভিন্ন অন্য এক দিন কাবার দ্বার খুলিতে বলায় আমি তাহা খুলি নাই, অধিকন্তু আমি তাঁহাকে যথেষ্ট তিরস্কার করিয়াছিলাম। তাহাতে তিনি ধৈর্য্যাবলম্বনপূর্ব্বক আমাকে বলিয়াছিলেন, “ওসমান! এমন একদিন উপস্থিত হইবে, যে দিন তুমি কাবার কুঞ্চিকা আমার হস্তে দেখিতে পাইবে এবং আমি ইচ্ছানুসারে বাহাকে ইচ্ছা তাহাকে উক্ত কুঞ্চিকা দিব।” অনন্তর মক্কা জয়ের পর হজরত আমাকে কাবার কুঞ্চিকা আনিতে বলেন। আমি কুঞ্চিকা আনিলে হজরত তাহা গ্রহণপূর্ব্বক কাবার দ্বার খুলিয়া পুনরায় উহা আমার হস্তে অর্পণ করিয়া বলিলেন, “যদি অন্য কেহ বলপূর্ব্বক এই কুঞ্চিকা গ্রহণ না করে, তাহা হইলে ইহা চিরকাল তোমার বংশধরের হস্তে থাকিবে। হে ওসমান! আমি কি তোমাকে বলি নাই যে, একদিন এই কুঞ্চিকা আমার হস্তে

আসিবে, তখন আমি ইহা যাহাকে ইচ্ছা তাহাকে দিব” । তৎশ্রবণে ওসমান হজরতকে বলিয়াছিলেন, “আমি সাক্ষা দান করিতেছি যে, আপনি বাস্তবিকই ধর্মপ্রচারক ।” ওসমানের পুত্রাদি ছিল না, তাঁহার মৃত্যুর পর তাঁহার ভ্রাতা সায়বা উক্ত কুঞ্চিকা গ্রহণ করেন এবং অতীবধি তাহা সায়বা বংশীয়দের হস্তেই আছে ।

হজরত মহম্মদ ওসামা ও বেলালকে সঙ্গে লইয়া কাবার মধ্যে প্রবেশ করিলেন এবং ওসমানকে দ্বারদেশে দণ্ডায়মান থাকিতে বলিলেন । তিনি অনেকক্ষণ পর্য্যন্ত কাবার মধ্যে থাকিয়া প্রার্থনা করিলেন । পরে দ্বারদেশে আসিয়াও প্রার্থনা করিতে লাগিলেন । সেই সময়ে কোরেশবংশীয় কতিপয় প্রধান ব্যক্তি তথায় উপস্থিত ছিল । হজরত তাহাদিগকে আহ্বান করিয়া বলিলেন, “হে কোরেশবংশীয়গণ ! আমি তোমাদের প্রতি কিরূপ ব্যবহার করিব, তৎসম্বন্ধে তোমরা কিরূপ মনে করিতেছ ?” তাহারা বলিল, “হে মহানুভব ভ্রাতা ও ভ্রাতৃপুত্র ! আপনি আমাদের উপর দয়ালু ব্যবহার করিবেন ।”* তাহারি বলেন যে, হজরত মহম্মদ ঐ সকল কথা শ্রবণ করিয়া অশ্রু বিসর্জন করিতে করিতে বলিয়াছিলেন, “হজরত ইয়ুসুফ যেমন তাঁহার ভ্রাতাদিগের প্রতি উপদেশ দিয়াছিলেন, আমিও তোমাদের প্রতি তদ্রূপ উপদেশ দিব । অতঃপর আমি তোমাদিগকে তিরস্কার করিব না, আল্লাহতায়ালা তোমাদিগকে ক্ষমা করিবেন, কারণ তিনি পরম দয়ালু ।”† তৎপরে তিনি একটা নীতিগর্ভ ও হৃদয়গ্রাহী বক্তৃতা করিলেন ; কোরেশগণ যে কুসংস্কারাচ্ছন্ন ছিল ও যে জাত্যাভিমান করিত, তাহার দোষ তিনি তাহা-

* এখানে হেণাম ৮২১ পৃঃ ; তাবারী ৩য় খণ্ড : ৩৪ পৃঃ ।

† কোরান শরীফ ১২শ সূরা ৩২ আয়েত ।

দিগকে দেখাইয়া দিয়া বলিলেন, “মানবজাতি আদম হইতে উৎপন্ন হইয়াছে, আবার আদম মৃত্যুকাল হইতে উৎপন্ন । অতএব মানব জাতীর মধ্যে সকলেই সমান, কাহার সহিত কাহারও প্রভেদ নাই । কিন্তু যাহারা ধর্মভীরু লোক, তাহারাই সাধারণ লোক হইতে স্বতন্ত্র । কোরাণ শরীফে উক্ত হইয়াছে, ‘হে লোকসকল ! নিশ্চয় আমি তোমাদিগকে এক পুরুষ ও এক স্ত্রী হইতে সৃজন করিয়াছি, এবং তোমাদিগকে বহুসম্প্রদায়ে ও বহু পরিবারে বিভক্ত করিয়াছি, যেন তোমরা পরস্পরকে চিনিয়া লও ; নিশ্চয় তোমাদের মধ্যে যাহারা ধর্মভীরু, তাহারাই খোদাতায়ালার নিকট গৌরবান্বিত, নিশ্চয় আল্লাহতায়ালার জ্ঞানী ও তত্ত্বজ্ঞ ।’ * হজরতের সারগর্ভ উপদেশবাণী শ্রবণ করিয়া কোরেশগণ তাঁহার নিকট ইসলামধর্ম গ্রহণ করিতে আরম্ভ করিল । সেই দিন প্রচারান্তে হজরত মহম্মদ আবিভালেবের কন্যা ওম্মেহানির গৃহে গিয়া স্থান করিলেন এবং আট রেকাত নামাজ পড়িলেন ।

জোহরের (আপরাহ্নিক) নামাজের সময় উপস্থিত হইলে হজরত মহম্মদ বেলালকে কাবার ছাদোপরি উঠিয়া আজান দিতে বলিলেন । আজান শ্রবণ করিয়া কাফেরদিগের মধ্যে ওসায়দের পুত্র খালেদ, হেসামের পুত্র হারেস ও আসের পুত্র হকম প্রভৃতি কতিপয় ব্যক্তি বেলালের প্রতি নানা অকথাভাষা প্রয়োগ করিতে লাগিল । তখন হজরত মহম্মদ, হজরত জেব্রিলের নিকট ইহার সংবাদ পাইয়া খালেদ, হারেস ও হকমকে ডাকাইয়া ঐ সকল কথা জিজ্ঞাসা করিয়া বলিলেন যে, কোরাণ শরীফে উক্ত হইয়াছে “এবং যে ব্যক্তি খোদাতায়ালার দিকে লোকদিগকে আহ্বান করিয়াছে, এবং বলিয়াছে যে, নিশ্চয় আমি মুসলমানদিগের

একজন, বাক্যানুসারে তাহা অপেক্ষা কে শ্রেষ্ঠ ?” তৎপরে হারেস ও মায়েদের পুত্র এতাব ইসলামধর্ম গ্রহণ করে ।

সেই দিন হজরত মহম্মদ সাফা পাহাড়েপরি আরোহণপূর্বক একটা প্রার্থনা ও বক্তৃতা করিলেন । সেই সময়ে হজরত ওমর-বেন-খত্তাব তাঁহার সঙ্গে ছিলেন । সেই দিনের দৃশ্য কি সুন্দর ! এরূপ দৃশ্য, পৃথিবীতে কেহ কখন দর্শন করেন নাই । সেই শুভদিনে লোকসকল দলে দলে আসিয়া হজরতের নিকট ইসলাম ধর্ম গ্রহণ করিতে লাগিল এবং সকলেই তাঁহার নিকট এইরূপ প্রতিজ্ঞাবদ্ধ হইল যে, “তাহারা আল্লা-তারাল্লা ভিন্ন আর কাহারও উপাসনা করিবে না ; তাহারা পরদার গমন ও শিশুসন্তান হত্যা প্রভৃতি অবৈধ কার্য সকল করিবে না, কখন মিথ্যা কথা বলিবে না এবং স্বীলোকদিগের নিন্দা করিবে না ।” * কোরাণ শরিফে উক্ত হইয়াছে, “যখন আল্লাহতারালার সাহায্য উপস্থিত হইবে এবং জয় (মক্কা) হইবে, তখন তুমি লোক সকলকে দলে দলে পবিত্র ধর্মে প্রবেশ করিতে দেখিবে, অতএব আপন প্রতিপালকের প্রশংসার স্তব কর ও তাঁহার নিকট ক্ষমা প্রার্থনা কর, নিশ্চয় তিনি প্রত্যাবর্তনকারী ।” এক্ষণে কোরাণ শরিফের সেই ভবিষ্যদ্বাণী পূর্ণ হইল । *

হজরত মক্কা নগরীস্থ লোকদিগের প্রতি সদয় ব্যবহার প্রদর্শন করিতেছেন দেখিয়া, মদিনাবাসিগণ পরস্পর বলিতে লাগিলেন, “হজরত মহম্মদ মক্কার লোকদিগের প্রতি দয়ালু ব্যবহার করিতেছেন এবং আপন বংশীর লোকদিগের সহিত মিলিত হইয়াছেন, বোধ হয়, আমরাদিগকে ত্যাগ করিবেন । আমরা মনে করিয়াছিলাম যে, কোরেশগণ হজরতের প্রতি যেরূপ অত্যাচার করিয়াছে, তাহাতে তিনি অবশ্যই তাহাদিগকে উপযুক্ত-

* এখানে অল আসির ২য় খণ্ড ১৯২ পৃঃ ।

* কোরাণ শরিফ সূরা নসর । কাশাফের মেশরের সংস্করণ ২য় খণ্ড ৪৯০, ৪৯১ পৃঃ ।

রূপ দণ্ড দিবেন কিম্বা হত্যা করিবেন ।” কিন্তু ব্রাহ্ম মদিনাবাসিগণ বুঝিতে পারেন নাই যে, প্রতিহিংসা লগ্না পাখিব রাজার কার্য্য, হজরত-মহম্মদ পৃথিবীতে কেবল শান্তি স্থাপন করিতে ও পথভ্রান্তদিগকে পথ প্রদর্শন করিবার জন্ত আসিয়াছেন । ফলতঃ যখন হজরত মহম্মদ হজরত জেরিলের নিকট মদিনাবাসিগণের কথোপকথনের বিষয় অবগত হইলেন, তখন তিনি তাঁহাদিগকে ডাকাইয়া ঐ সকল কথা জিজ্ঞাসা করেন । তাঁহারা তাহা স্বীকার করিলে হজরত তাঁহাদিগকে নানা প্রকার উপদেশ দিয়াছিলেন ।

হজরত মহম্মদ দ্বিতীয় দিনে একটা বক্তৃতা করেন । সেই বক্তৃতায় তিনি মক্কা যে অতি পবিত্র নগরী, তাহার বিষয় লোকদিগকে বিশদরূপে বুঝাইয়া দিয়াছিলেন । সেই সময়ে মক্কাবাসী অপরাপর লোকগণ ইসলাম ধর্ম গ্রহণ করিয়াছিলেন ।

হজরত মহম্মদ কখন কাহারও প্রণাম গ্রহণ কিম্বা কাহার উপর আধিপত্য করিতেন না । এই সময়ে একজন লোক ভয়বিহ্বল হইয়া কাঁপিতে কাঁপিতে তাঁহার নিকট আসিতেছিল ; হজরত তাহা দেখিয়া তাহাকে বলিয়াছিলেন, “কেন তুমি কাঁপিতেছ ? কি জন্তুই বা ভয়বিহ্বল হইয়াছ ? আমি ত রাজা নাই ।” এই দিবস আবুসোফিয়ানের স্ত্রী হেন্দা, যিনি গোদাফেত্রে হামজা-বধের মূলীভূত কারণ ছিলেন, তিনি ও হজরতের প্রধান শত্রু আবুল্লা এবং আকরামাও ইসলামধর্ম গ্রহণ করেন ।

হজরত মহম্মদ মক্কার অবস্থান কালে খালেদকে নখল নামক স্থানের ওজ্জা দেবমূর্ত্তিকে ধ্বংস করিতে প্রেরণ করেন । মহাবীর খালেদ ওজ্জা ধ্বংস করিয়া মক্কার প্রত্যাবর্ত্তন করিলে মক্কার তিন মাইল দূরস্থিত হোজ্জল বংশের উপাশু সোয়া দেব-মূর্ত্তিকে ধ্বংস করিবার জন্ত

আমর প্রেরিত হন । আমর সোয়া ধ্বংস করিলে তাহার পুরোহিত ইসলামধর্ম গ্রহণ করে । তৎপরে হজরতের আদেশে জয়দের পুত্র সায়াদ কর্তৃক মোসলন্ নামক স্থানস্থ খজরজ, আওস ও গচ্ছান বংশীয় লোকগণের উপাশ্র মনাৎ দেবমূর্তি বিনষ্ট হয় ।

অতঃপর হজরত মহম্মদ মক্কানগরের চতুর্পার্শ্ববর্তী মক্কা-প্রদেশবাসী বিভিন্ন সম্প্রদায়ের মধ্যে ইসলামের পবিত্র আলোক বিকীর্ণ করিবার জ্ঞ শিষ্যগণকে প্রেরণ করেন এবং তাঁহাদিগকে নিম্নলিখিত রূপ উপদেশ দিয়াছিলেন, “শান্তি ও ভ্রাতৃত্ব প্রচার করিবে, যখন কেহ তোমাদের উপর অত্যাচার করিবে, তখন তোমরা কেবলমাত্র আত্ম-রক্ষা করিবে, কোন অবস্থাতেই অগ্র আক্রমণকারী হইও না ।” তাঁহার উপদেশানুসারে সর্বত্র কার্য্য হইতে লাগিল । কেবল খালেদ-বেন-অলিদ একস্থানে তাঁহার আদেশ অমান্য করিয়াছিলেন ।

খালেদ-বেন-অলিদ বনি জজিমা সম্প্রদায়ের মধ্যে ইসলাম ধর্ম প্রচারার্থ গমন করেন । তিনি তাহাদিগকে বিদোহী সম্প্রদায় মনে করিয়া তাহাদের কতিপয় লোককে হত্যা করিতে আরম্ভ করেন, তখন অসংখ্য মুসলমানেরা তাহাতে বাধা প্রদান করেন । হজরত মহম্মদ এই সংবাদ শ্রবণ করিয়া অতিশয় দুঃখিত হইয়াছিলেন এবং এই বলিয়া খোদাতায়ালা নিকট প্রার্থনা করেন, “হে খোদাতায়ালা ! খালেদ যাহা করিয়াছে, আমি তাহাতে সম্পূর্ণ নির্দোষী ।” তিনি তৎক্ষণাৎ হজরত আলিকে প্রচুর অর্থসহ উক্ত সম্প্রদায়ের ক্ষতিপূরণ ও সন্তোষ বিধানার্থ প্রেরণ করেন । হজরত আলি তাহাদের নিকট উপনীত হইয়া মহাবীর খালেদ যাহাদিগকে হত্যা করিয়াছিলেন, তাহাদের সামাজিক অবস্থাদির বিষয় অনুসন্ধানপূর্বক তাহাদের পরিবারবর্গকে ক্ষতিপূরণস্বরূপ উপযুক্তরূপ অর্থ প্রদান করেন এবং অবশিষ্ট অর্থগুলি

হত্যাকারীদের আত্মীয় স্বজনগণের মধ্যে বিভাগ করিয়া দেন । হজরত আলির এইরূপ উদার ও দয়ালু ব্যবহারে উক্ত সম্প্রদায়স্থ প্রত্যেক ব্যক্তির অন্তর আনন্দরসে অভিষিক্ত হইয়াছিল । তিনি তথা হইতে প্রত্যাবৃত্ত হইলে হজরত মহম্মদ তাঁহার কার্যদক্ষতার বিশেষ সম্বন্ধে হইয়া তাঁহাকে অগণ্য ধনুবাদ প্রদান করিয়াছিলেন ।*

২০শে রমজান তারিখে মক্কা জয় হয় । হজরত ৬ই শওয়াল পর্যন্ত মক্কায় ছিলেন, সেই সময়ে তিনি হাওয়াজেন ও সাকিফদলস্থ লোকদিগের বিপক্ষে সৈন্য পাঠাইয়াছিলেন ।

হোনেনের যুদ্ধ ।

হোনেন একটা প্রান্তরের নাম, এই প্রান্তরটা মক্কা ও তায়েফের মধ্যবর্তী স্থানে অবস্থিত । এই স্থানে হাওয়াজেন, সাকিফ প্রভৃতি ভ্রমণ-শীল সম্প্রদায় বাস করিত এবং ইহার নিকটে বনি সাদ বংশীয় লোক-গণের বাসস্থান ছিল ; হজরত মহম্মদ শিশুকালে উক্ত বনি সাদবংশীয়া হালিমা বিবির নিকট প্রতিপালিত হইয়াছিলেন । হোনেনবাসিগণ অসাধারণ বলবান্ ও অতুলৈশ্বর্যশালী ছিল এবং তায়েফের ন্যায় ইহাদেরও নগরটা সুদৃঢ় দুর্গের দ্বারা পরিবেষ্টিত ছিল । এখানকার অধিবাসিগণ ঘোরপৌত্তলিক ছিল, তাহারা আরবের প্রসিদ্ধ লাৎদেবীর পূজা করিত । মুসলমানগণ কর্তৃক মক্কা বিজিত হইলে হাওয়াজেন ও সাকিফ সম্প্রদায়

* এখানে হেশাম ৮৩৪, ৮৩৫ পৃঃ ; এখানে অল আসির ২য় খণ্ড ১২৫ পৃঃ ; তাবারী ৩য় খণ্ড ১৪১ পৃঃ ।

পরস্পর মিলিত হইয়া বলিতে লাগিল, “মক্কার অধিবাসিগণ যুদ্ধ বিদ্যায় সম্যক্ পারদর্শী নয় বলিয়া, মহম্মদ তাহাদিগকে জয় করিয়াছে, যদি আমাদের সহিত মুসলমানগণের যুদ্ধ হয়, তাহা হইলে তাহারা আমাদের বীরত্ব দর্শন করিয়া চমৎকৃত হইবে । অতএব চল, আমরা সকলে দলবদ্ধ হইয়া আকস্মিকভাবে মুসলমানদিগকে আক্রমণ করি, তাহা হইলে তাহাদিগকে সমূলে ধ্বংস করিতে পারিব।” ই পরামর্শানুসারে হাওয়াজেন দলপতি মালেক বেন-আফ ও সাকিফ দলপতি কানানা-বেন-আবু-ফিয়ালিল্ যুদ্ধ-সজ্জা করিল এবং নিকটস্থ অন্যান্য দলস্থ লোকগণ তাহাদের সহিত মিলিত হইল, ইহাতে তাহাদের সৈন্য-সংখ্যা প্রায় ৪০০০ হইল । যুদ্ধক্ষেত্রে বহির্গত হইবার পূর্বে মালেক সৈন্যদিগকে বলিয়া দিল যে, তোমরা সকলেই স্ব স্ব পরিবার ও পশ্বাদিসহ যুদ্ধক্ষেত্রে চল । ভ্রমণশীল সৈন্যগণ তাহা শ্রবণ করিয়া আনন্দসহকারে স্ব স্ব পরিবার ও পশ্বাদি সঙ্গে লইল । সেই যুদ্ধ সভায় বহুদর্শী বিজ্ঞ ছরীদ-বেন-সেম্মাঃ উপস্থিত ছিলেন । তখন তাঁহার বয়ঃক্রম ১২০ বৎসর, মৃত্যুতরে ১৬০ বৎসর হইয়াছিল । তিনি মালেককে বলেন, “তোমরা সপরিবারে পশ্বাদিসহ যুদ্ধক্ষেত্রে গমন করিও না, কেননা যদি পরাজিত হও, তাহা হইলে সর্বস্বান্ত হইবে।” কিন্তু কেহই তাঁহার কথায় কর্ণপাত করিল না । তৎপরে তিনি হাওয়াজেন দলস্থ লোকদিগকে আহ্বান করিয়া বলিলেন, “হাওয়াজেন বংশীয়গণ ! তোমরা মালেকের পরামর্শানুযায়ী স্ব স্ব পরিবার ও পশ্বাদি লইয়া যুদ্ধক্ষেত্রে যাইতে উত্তম হইয়াছ । শেষে দেখিতে পাইবে যে, মালেক তোমাদের স্ত্রীপুত্র ও দ্রব্যাদি শত্রুহস্তে দিয়া নিজে পলায়ন করিবে ।”

ছরীদের কথা শ্রবণ করিয়া হাওয়াজেন দলস্থ লোকগণ ভীত হইল ও যুদ্ধে যোগ দিতে অস্বীকৃত হইল । মালেক সৈন্যগণের মধ্যে বিভিন্ন মত দেখিয়া রাগান্বিত হইয়া বলিল, “যদি তোমরা আমার প্রস্তাবে অনুমোদন না

কর, তাহা হইলে আমি আত্মহত্যা করিব।” সৈন্তগণ মালেকের কথা শুনিয়া ভীত হইল, কেননা যদি মালেক আত্মহত্যা করে, তাহা হইলে তাহাদের দলপতি হইবার আর উপযুক্ত কোন লোক নাই। তজ্জন্ত সকলে মালেকের প্রস্তাবে সম্মত হইয়া যুদ্ধার্থে বহির্গত হইল এবং মক্কার ১০ মাইল উত্তরপূর্ব কোণস্থ হোনেন উপত্যকায় গিয়া শিবির স্থাপন করিল। এই যুদ্ধের অপর এক নাম “হাওয়াজেনের যুদ্ধ।”

হজরত মহম্মদ হাওয়াজেন ও সাকিফ দলস্থ লোকদিগের যুদ্ধসজ্জার সংবাদ পাঠিয়া ৭ই শওয়াল শনিবারে মক্কা হইতে তাহাদের বিরুদ্ধে যাত্রা করেন। এই যুদ্ধে তাঁহার সঙ্গে ১০০০০ সৈন্ত গিয়াছিল। সৈন্তগণের মধ্যে ২০০০ মক্কার এবং ১০০০০ মদিনার অধিবাসী ছিল। এই যুদ্ধকালে হজরত মহম্মদ সাহাদেদের পুত্র এভাবে মক্কায় আপনার প্রতিনিধি নিযুক্ত করিয়া গিয়াছিলেন।

১০ই শওয়াল মঙ্গলবার হজরত সসৈন্তে হোনেন-ক্ষেত্রে উপনীত হইয়াছিলেন। এই সময়ে এক জন মুসলমান সহর্ষে বলিয়াছিলেন, “আমাদের সৈন্তবল অধিক, আমরা কখনই বিপক্ষ সৈন্ত দ্বারা পরাজিত হইব না।” হজরত ইহা শুনিয়া চুঃখিত হইয়াছিলেন; কারণ পূর্বে একবার এইরূপ অহঙ্কার করার তাঁহারা পরাস্ত হইয়াছিলেন। ফলতঃ এই যুদ্ধের পথমেই মুসলমানগণ পরাজিত হন। কোরান শরীফের ৯ম সূরার ২৫ আয়েতে উক্ত হইয়াছে “সত্য সত্যই আল্লাহতায়ালা নানাস্থানে তোমাদিগকে সাহায্য দান করিয়াছেন এবং হোনেনের যুদ্ধের দিনে যখন তোমাদের লোকসংখ্যা তোমাদিগকে প্রকুল করিয়াছিল, তখন তাহা তোমাদিগের কিছুই উপকার করে নাই। বিস্তৃতি সম্বন্ধে ভূমি তোমাদের পক্ষে সক্ষম হইয়াছিল, তৎপরে তোমরা যুদ্ধে ভঙ্গ দিয়া প্রস্থান করিয়াছিলে।”

মুসলমানগণ হোনেনে আসিবার পূর্বেই মালেক তথায় আসিয়া স্বকীয় সৈন্যগণকে বলিয়াছিল, “তোমরা জঙ্গল মধ্যে লুক্কায়িত থাক, মুসলমানগণ আসিলেই অতর্কিতভাবে তাহাদিগকে আক্রমণ করিবে।” তাহার সৈন্যগণ তদনুসারে জঙ্গল মধ্যে লুক্কায়িত থাকিল। হজরত মহম্মদ আপনার সৈন্যগণকে বিভিন্ন দলে বিভক্ত করিয়া তথাকার ক্ষুদ্র ক্ষুদ্র গিরিবন্তের মধ্য দিয়া প্রেরণ করিলেন। সৈন্যগণ গিরিবন্তে প্রবেশ করিলেই শত্রুগণ তাহাদের উপর অবিরল ধারায় তীরবর্ষণ করিতে লাগিল। খালেদ-বেন আলিদ বনি সালম দলস্থ লোকগুলিকে সঙ্গে লইয়া অগ্রসর হইতেছিলেন। তাহাদের গাত্রে বন্দ ছিলা না বলিয়া তাহারা আঘাত প্রাপ্ত হইয়াছিলেন। খালেদের সঙ্গে ৮০ জন অল্লবিধ্বাসী মুসলমান ছিল, তাহারা শত্রুদলের তীরের আঘাত প্রাপ্ত হইতে না হইতেই পলায়ন করিল এবং তৎসঙ্গে সঙ্গে অপরাপর সৈন্যগণও পলায়ন করিল। কেবল মাত্র হজরতের নিকট কতকগুলি সৈন্য রহিল। সেই সময়ে হজরত অগ্রসর হইয়া শিষ্যগণকে বলিলেন, “আল্লাতায়াল্লা আমাদিগকে জয়ী করিবেন, তোমরা অগ্রসর হও।” তাহারা অল্লবিধ্বাসী ছিল, তাহারা হজরতের কথা শুনিয়া তাহাকে নানা প্রকার উপহাস করিল। অবশেষে হজরত মহম্মদ আব্বাসকে বলিলেন, “আপনি শিষ্যগণকে আহ্বান করুন।” আব্বাস তৎক্ষণাৎ চীংকার করিয়া মুসলমানগণকে বলিলেন, “হে আনসারগণ, হে মহাজেরগণ! হজরত মহম্মদ তোমাদিগকে আহ্বান করিতেছেন, তোমরা সকলে তাহার নিকট আগমন কর।” মুসলমানগণ আব্বাসের আহ্বান ধ্বনি শ্রবণ করিয়া ক্রমে ক্রমে হজরতের চতুর্দিকে আসিয়া উপস্থিত হইলেন। হজরত তাহাদিগকে পুনঃ যুদ্ধ করিতে অনুমতি দিলেন। আবার তুমুল যুদ্ধ আরম্ভ হইল। সেই সময়ে হজরত স্বয়ং শত্রুগণের দিকে এক মুষ্টি বালুকা নিক্ষেপ করিয়া শিষ্যদিগকে সবেগে

শত্রুদিগকে আক্রমণ করিতে বলিলেন । তাহাতে শত্রুগণ পরাজিত হইল । * ইহার বিষয় কোরাণ শরিফের ৯ম সূরার ২৬ আয়তে এইরূপ উক্ত হইয়াছে, “অতঃপর খোদাতায়ালা তাঁহার প্রেরিত পুরুষের প্রতি ও বিশ্বাসীদের প্রতি আপন সাহুনা প্রেরণ করিলেন ও সৈন্ত পাঠাইলেন, তোমরা তাহা দেখ নাই এবং কাফেরদিগকে শাস্তিদান করিলেন, খোদাদ্রোহীদের ইহাই বিনিময় ।” এই যুদ্ধে শত্রু পক্ষীয় ৭০ জন আর মুসলমানদিগের ৪ জন লোক হত হইয়াছিল ।

যুদ্ধাবসানে শত্রুগণের মধ্যে অনেক লোক মুসলমান হইল ; এবং অবশিষ্ট শত্রুগণ পলায়ন করিল । তাহাদের মধ্যে নালেক একদল সৈন্ত সঙ্গে লইয়া তায়েফে আশ্রয় গ্রহণ করিল । পাঠকবর্গ অবগত আছেন যে, হজরত মহম্মদ এই ঘটনার ৮৯ বৎসর পূর্বে একবার এই তায়েফে ধর্ম প্রচার করিতে আসিয়াছিলেন । সেই সময়ে তথাকার অধিবাসিগণ তাঁহাকে নানাপ্রকার অবমাননা করিয়া তাড়াইয়া দিয়াছিল । একদল শত্রু তথাকার বহনে নখলা নামক স্থানে আশ্রয় গ্রহণ করিল, অবশিষ্ট শত্রুরা আওতাস উপত্যাকোপরি স্ব স্ব দ্রব্যাদি রক্ষা করিতে গমন করিল । যুদ্ধকালে একস্থানে গোলযোগ উপস্থিত হওয়াতে হজরত মহম্মদ তথায় গিয়া উপস্থিত হন এবং দেখেন যে, খালেদ একটী স্ত্রীলোককে বধ করিয়াছে । হজরত তাহা দর্শন করিয়া চূর্ণিত হইলেন এবং মহাবীর খালেদকে বলিলেন, “যুদ্ধের সময় স্ত্রীলোক ও বালকবালিকা বধ করা নিষিদ্ধ ।” তৎপরে তিনি ঐ হত্যাকাণ্ডের জন্ত আল্লাহতায়ালার নিকট ক্ষমা প্রার্থনা করিয়াছিলেন ।

অনন্তর হজরত মহম্মদ, আবু আমের আনসারিকে আওতাস উপত্যাকোপরি শত্রুদিগকে আক্রমণার্থ প্রেরণ করেন । কিন্তু তথায় আবু আমের

* এখানে হেলাম ৮৪৬ পৃঃ; এখানে অল-আসির ২য় খণ্ড ২০০, ২০১ পৃঃ ।

শত্রুগণের হস্তে নিহত হইয়াছিলেন । তাঁহার মৃত্যুর পর তদীয় ভ্রাতৃপুত্র আবু মুসা সৈন্যাধ্যক্ষপদে অভিষিক্ত হন । আবু মুসা অসম সাহসিকতা সহকারে শত্রুদিগের সহিত যুদ্ধ করিয়া জয়লাভ করিলেন । জোবের-বেন-আওয়াম এই যুদ্ধক্ষেত্রে ছরীদ-বেন-সেম্মাকে বধ করিয়াছিলেন । যুদ্ধ শেষ হইয়া গেলে, আবু মুসা বহুসংখ্যক বন্দী, অসংখ্য পশু ও দ্রব্যাদি লইয়া হজরতের নিকট উপস্থিত হইলেন । হজরত মহম্মদ জয়লব্ধ দ্রব্যগুলি আওতাসের নিকটস্থ জেয়েররাণা নামক স্থানে একত্রিত করিতে বাবলেন ।

এই যুদ্ধে সারাদ বংশীয় কতিপয় পুরুষ ও রমণী মুসলমানদিগের হস্তে বন্দী হইয়াছিল । তাহাদের মধ্যে হারেসের কন্যা শীমা অশ্রুতম । পাঠকগণের স্মরণ থাকিতে পারে যে, উক্ত হারেসের স্ত্রীর নাম হালিমা বিবি । ইনি হজরত মহম্মদকে শিশুকালে প্রতিপালন করিয়া-ছিলেন । একজন মুসলমান শামাকে কষ্ট দেওয়ার সে বলিয়াছিল, “আমি তোমাদের হজরত মহম্মদের ভগিনী ।” তদনন্তর হজরতের নিকট আনীত হইলে সে হজরতকে বলিল, “হালিমার সম্বন্ধে আমি আপনার ভগিনী ।” হজরত বাবলেন, “তুমি যে হালিমার কন্যা, তাহা আমি কিরূপে জানিতে পারিব ?” তখন সে হজরতকে শিশুকালের কয়েকটা চিহ্ন দেখাইল, সেই সকল চিহ্ন দর্শন করিয়া হজরত তাহাকে বসিবার জায়গা নির্দেশ করিয়া বিছাইয়া দিলেন, শীমা তাহাতে উপবেশন করিল । পরে হজরত তাহার নিকট হালিমা বিবি ও তাঁহার পরিবারস্থ লোকগণের কথা জিজ্ঞাসা করিলেন । শীমা বলিল, “হালিমা প্রভৃতির মৃত্যু হইয়াছে ।” হজরত তৎশ্রবণে অশ্রু বিসর্জন করিতে করিতে বলিলেন, “যদি তুমি ইচ্ছা কর, তাহা হইলে আমার নিকট থাকিতে পার, আর যদি বাসস্থানে যাইতে ইচ্ছা কর, তাহা হইলে যাইতে পার ।” শীমা স্বীয়

বাসস্থানে ঘাইতে অভিলাষ প্রকাশ করিল। হজরত তাহাকে এক জন দাসী, তিন জন চাকর ও কতকগুলি মেঘ দিয়া বিদায় দিলেন।

তৎপরে হজরত মহম্মদ তায়েফে মালেককে আক্রমণ করেন। কয়েকদিন দুর্গ অবরুদ্ধ করার পর তিনি মনে করিলেন যে, তায়েফ-বাসিগণ যেরূপ অবস্থায় পতিত হইয়াছে, তাহারা শীঘ্রই অধীনতা স্বীকার করিতে বাধ্য হইবে। তদনন্তর তিনি তায়েফ হইতে চলিয়া আসিলেন এবং জেয়েররাণা নামক স্থানে আসিয়া সাবেতের পুত্র জয়দকে বলিলেন, “সাবেত ! এখানে যত মুসলমান উপস্থিত আছে, তুমি তাহার একটী তালিকা প্রস্তুত কর।” সাবেত তালিকা প্রস্তুত করিলেন। হজরত মহম্মদ জয়দকে ৬০০০ বন্দী, ২৪০০০ উষ্ট্র, ৪০০০০ মেঘ ও ৪০০০ অয়কিয়া রৌপ্য সমবেত মুসলমানগণের মধ্যে বিভাগ করিয়া দিতে বসিলেন। তিনি প্রত্যেক অশ্বারোহীকে ১২টী উষ্ট্র ও ১২০টী মেঘ ও প্রত্যেক পদাতিক সৈন্যকে ৪টী উষ্ট্র ও ৪০টী মেঘ দিলেন। তখন আবু সোফিয়ান হজরতকে বলিলেন, “হে প্রেরিত মহাপুরুষ! আপনি এক্ষণে এই সমুদয় দ্রবোর অধিকারী, অন্ত্যান্ত লোক অপেক্ষা আমি কি কিছু অধিক দ্রব্য পাইব না?” হজরত ইহা শুনিয়া বেলালকে বলিলেন ‘বেলাল ! আবুসোফিয়ানকে ১০০ উষ্ট্র ও ৪০ অয়কিয়া রৌপ্য দেও।’ বেলাল আদেশ পালন করিলেন। পরে আবুসোফিয়ান স্বীয় জ্যেষ্ঠ পুত্র এজিদ *, কনিষ্ঠ পুত্র মায়্যাতিয়া ও কোরেশবংশীয় অন্ত্যান্ত প্রধান প্রধান লোকগণের প্রত্যেকের জন্য ১০০ উষ্ট্র ও ৪০ অয়কিয়া রৌপ্য লইলেন অধিকন্তু মক্কাবাসী নূতন ধর্মাবলম্বিগণ অধিক পরিমাণে দ্রব্যাদি

* এই এজিদের ভ্রাতৃপুত্র অর্থাৎ মায়্যাতিয়ার পুত্র হুইদ এজিদ হজরত আলির প্রিয়পুত্র এমাম হোসেনকে বিষপ্রদোষে ও এমাম হোসেনকে কারাগারে বুদ্ধকেন্দ্রে হত্যা করিয়াছিল।

প্রাপ্ত হইলেন। মক্কাবাসিগণ হজরতের উদারভাব দর্শন করিয়া পরম সন্তুষ্ট হইলেন। কিন্তু আনসারগণ যৎসামান্য দ্রব্যাদি প্রাপ্ত হইলেন। মক্কাবাসিগণ দ্রব্যাদি পাইয়া বেরূপ সন্তুষ্ট হইয়াছিলেন, আনসারগণও ততোধিক দুঃখিত হইয়াছিলেন। তাঁহারা সেই সময়ে পরস্পর বলিতেছিলেন, “হজরত মহম্মদ জন্মভূমির লোকদিগের সহিত মিলিত হইয়া তাহাদিগকে প্রায় সমুদয় দ্রব্য দিলেন, কেবল আমরাই যৎসামান্য প্রাপ্ত হইলাম।”

হজরত মহম্মদ আনসারদিগের দুঃখিত হইবার কারণ অবগত হইয়া, তাঁহাদিগকে আপন শিবিরে আহ্বান করিলেন। তাঁহারা সকলে শিবির মধ্যে সমবেত হইলে, হজরত শিবিরের দ্বার বন্ধ করিয়া দিলেন, শিবিরে আনসারগণ বাতীত আর কেহই রহিল না। তৎপরে তিনি তাঁহাদিগকে সম্বোধন করিয়া বলিলেন, “আনসারগণ! তোমরা পরস্পর ষাণ্ডা বলিতেছিলে, আমি তাহা অবগত হইয়াছি।” আনসারগণ বলিলেন, “আমাদের মধ্যে কতকগুলি লোক যৌবনস্বভাব-সুলভ চাপলাবশতঃ ঐ সকল কথা বলিয়াছে।” হজরত তৎশ্রবণে বলিলেন, “আনসারগণ! বখন আমি তোমাদের মধ্যে উপস্থিত হইয়াছিলাম, তখন তোমরা কুসংস্কাররূপ অন্ধকারে ভ্রমণ করিতেছিলে, খোদাতায়ালা তোমাদিগকে আলোক-পথে ভ্রমণ করিতে শিক্ষা দিয়াছেন,— তোমরা কষ্ট পাইতেছিলে খোদাতায়ালা তোমাদিগকে সুখী করিয়াছেন; —তখন তোমাদের মধ্যে ঘোর শত্রুতার আধিপত্য ছিল এবং মঙ্গলময় তোমাদের অন্তর হইতে ঈর্ষ্যাবৃত্তি স্থানান্তরিত করিয়া তৎপরিবর্তে তোমাদের অন্তরে ভ্রাতৃস্নেহ ও বন্ধুতার বীজ রোপণ করিয়াছেন। ইহা কি সত্য নয়, তাহা আমাকে বল?” আনসারগণ বলিলেন, “হে মহামুত্তম ধর্মপ্রচারক! আপনি আপনার ও আল্লাতায়ালা সঙ্ঘকে

যাহা বলিলেন, তাহা সত্য ।” তৎপরে হজরত পুনঃ বলিতে লাগিলেন, “তোমরা আমাকে এইরূপ বলিতে পার, ‘যখন লোকে তোমাকে মিথ্যাবাদী ও প্রতারণক বলিত, সেই সময়ে তুমি আমাদের নিকট আসিয়াছিলে এবং আমরা তোমার উপর বিশ্বাস স্থাপন করিয়াছিলাম ; তুমি আমাদের নিকট নিঃসহায় অবস্থায় আসিয়াছিলে, এবং আমরা তোমাকে সাহায্য করিয়াছিলাম এবং দরিদ্র ও আশ্রয়হীন অবস্থায় তোমাকে আশ্রয় দিয়াছিলাম এবং আমরা সর্বদা তোমাকে সাহায্য করিতাম ।’ হে আনসারগণ ! কেন তোমরা এই পার্থিব দ্রব্যাদির জন্য হুঃখিত হইতেছ ? মক্কাবাসী লোকগণ উষ্ট্র ও মেবাদি লইয়া গৃহে যাইবে, আর তোমরা আমাকে লইয়া নিজ গৃহে যাইবে, ইহাতে কি তোমরা সন্তুষ্ট হইতেছ না ? বল দেখি, কাহাদের অধিক লাভ হইল ? যদি সমুদ্র মানবজাতি এক দিকে হয়, আর আনসারগণ অপর দিকে যান, তাহা হইলে নিশ্চয় আমি তোমাদিগের সহ্য ত্যাগ করিব না ; মৃত্যুকাল পর্যন্ত আমি তোমাদের মধ্যেই থাকিব । হে আল্লাতায়াল্লা ! আনসারদিগের প্রতি এবং তাহাদের পুত্র পৌত্রাদির প্রতি রূপা বিতরণ কর ।”

হজরতের এই কথা শুনিয়া আনসারগণ অশ্রুবারি বিসর্জন করিতে লাগিলেন এবং সকলেই একেবারে উচ্চঃস্বরে বলিয়া উঠিলেন, “হে ধর্মপ্রচারক ! আমরা সকলেই আমাদের নির্দিষ্ট অংশ প্রাপ্ত হইয়া সন্তুষ্ট হইয়াছি ।” অতঃপর তাহারা সকলে স্ব স্ব আবাসে চলিয়া গেলেন । *

জয়লক্ক জব্বাদি বিভাগ হইয়া গেলে, হাওয়াজেন বংশস্থ এক দল লোক হজরতের নিকট আসিয়া মুসলমান হইল । তাহারা বলিল যে, আরও অনেকে ইসলামধর্ম গ্রহণার্থ আপনার নিকটে আসিতেছে । তৎ-

* এখানে হেণাম ৮৮৬ পৃঃ ; এবনে অল আসির ২য় খণ্ড ২০৮ পৃঃ ; আবুল কেদা ৮২ পৃঃ ।

পরে হালিমার স্বামী হারেসের ভ্রাতা আবুবোরকান ও জোবের-বেন সরদ হজরতের নিকট আসিয়া মুসলমান হইল এবং তাহাদের জ্বাতি ও আত্মীয়স্বজনগণকে বন্দী হইতে মুক্ত করিয়া দিতে বলিল । আবুবোরকান বলিল যে, ঐ সকল বন্দিগণের মধ্যে হালিমা বিবির ও হারেসের ভগ্নীঘর আছেন । হজরত তাহাদিগকে বলিলেন, “আমি জ্বলক জ্বাতি ও বন্দীদিগকে আমার শিষ্যগণের মধ্যে বিভাগ করিয়া দিয়াছি । তোমরা জ্বাতি লইতে ইচ্ছা কর, না তোমাদের আত্মীয়স্বজনগণকে লইতে ইচ্ছা কর ?” তাহারা বলিল “আমরা আমাদের আত্মীয়স্বজনগণকে পাইতে ইচ্ছা করি ।” তৎশ্রবণে হজরত বলিলেন, “আমার ও আবদুল মোস্তালেব বংশীয় লোকদিগের অংশে যাহারা পড়িয়াছে, তাহাদিগকে এখন মুক্ত করিয়া দিতে পারি ; কিন্তু অন্যান্য বংশীয় লোকদিগের অংশে যাহারা পতিত হইয়াছে, তাহাদের প্রাপ্তির জন্য আগামী কলা জোহরের (আপরাহিক) * নামাজের সময়ে আমার নিকট আসিয়া এই বলিয়া প্রার্থনা করিও ‘আমরা খোদাতায়ালায় ধর্ম প্রচারকের নিকট প্রার্থনা করিতেছি যে, তিনি যেন তাহার শিষ্যগণকে আমাদের বংশীয় স্ত্রীলোক ও শিশু সন্তানদিগকে প্রত্যর্পণ করিতে আদেশ দেন এবং মুসলমান ভ্রাতাগণের নিকট প্রার্থনা করিতেছে যে, তাহারা যেন আমাদের উপর দয়া প্রকাশপূর্বক, হজরত মহম্মদের মতানুসারে কার্য করেন’ ।”

পঞ্চদিন নির্দিষ্ট সময়ে আবুবোরকান ও জোবের হজরতের নিকট আসিয়া তাহার উপদেশানুরূপে প্রার্থনা করিল । তখন হজরত মুসলমানগণকে আহ্বান করিয়া বলিলেন, “মুসলমানগণ ! হাওরাজেন বংশীয় লোকগণ ইসলামধর্ম গ্রহণ করিয়াছে । এক্ষণে তাহারা তোমাদের নিকট তাহাদের বন্দী আত্মীয় স্বজনগণকে চাহিতেছে । যদি তোমরা

* তাহারী বলেন যে, জহরের নামাজ (আতঃকালীন উপাসনা) ৩য় খণ্ড ১৫৫ পৃঃ ।

তাহাদের মনোব'স্থা পূর্ণ করিতে স্বীকৃত হও, তাহা হইলে সন্তোষ সহকারে স্ব স্ব অংশস্থ বন্দিগণকে ছাড়িয়া দেও । যাহারা দিতে অসম্মত, আমি তাহাদিগকে প্রত্যেক বন্দীর পরিবর্তে দ্রব্যাদি দিব ।” তৎক্ষণাৎ মুসলমানগণ স্ব স্ব অংশস্থ বন্দিগণকে হাওয়াজেন দলস্থ লোকদিগের হস্তে প্রতারণা করিলেন । আন্সার ও মগাজেরগণ হজরতকে বলিলেন, “আমাদের সমুদয় দ্রব্য ও জীবনই আপনার, আপনি যাহা ইচ্ছা তাহা করিতে পারেন,” এই বলিয়া তাহারা স্বীয় অংশস্থ বন্দিগণকে মুক্ত করিয়া দিলেন । কিন্তু বনি তমিন দলপতি আকুরা-বেন-হারেস ও বনি ফাজারা দলপতি আয়না-বেন-হামিন স্ব স্ব অংশস্থ বন্দিগণকে ছাড়িয়া দিতে স্বীকৃত হইলেন না । হজরত তাহাদিগকে বলিলেন, “আমি তোমাদের প্রত্যেক বন্দীর পরিবর্তে ৬টা উষ্ট্র দিব, তোমরা বন্দিগণকে ছাড়িয়া দেও ।” তখন তাহারা তদনুসারে কার্য্য করিল । এইরূপে হাওয়াজেন দলস্থ লোকগণ স্ব স্ব আত্মীয়স্বজনগণকে পুনঃ প্রাপ্ত হইল । অর্থাৎ ছয় হাজার বন্দী মুক্তলাভ করিল ।* হজরত বন্দাদিগকে বস্তাদি দিয়া তাহাদের বাণস্থানে পাঠাইয়া দিলেন । পরে তিনি হাওয়াজেন দলস্থ দূতদ্বয়কে জিজ্ঞাসা করলেন, “মালেক-বেন-আওফ কোথায় ? যদি সে ইসলামধর্ম গ্রহণ করে, তাহা হইলে সে তাহার নিজের দ্রব্যাদি ও ২০০ উষ্ট্র প্রাপ্ত হইবে ।” মালেক উক্ত দূতদ্বয়ের প্রমুখাৎ হজরতের প্রস্তাব শ্রবণ করিয়া এবং তাহার উদারনৈতিকভাব দর্শন করিয়া মুসলমান হইলেন ও হজরতের প্রশংসাসূচক একটি কবিতা লিখিয়া লইয়া তাহার নিকট উপস্থিত হইলেন । মালেক মুসলমান হইয়া সাকিফ দলস্থ লোকগণকে ইসলামধর্ম গ্রহণ করাইয়াছিলেন । এক্ষণে এই উভয় দলস্থ

* এখানে হেশাম ৮৭৭ পৃঃ ; এবনে অল আসির ২য় খণ্ড ২০৬ পৃঃ ; তাবারী ৩য় খণ্ড ১০৫ পৃঃ ।

লোক লাং দেবীর পূজা ত্যাগ করিয়া সত্যস্বরূপ আল্লাতায়ালার অর্চনার রত হইল ।

অনন্তর হজরত মহম্মদ তথা হইতে মদিনায় প্রত্যাগমন করিতে ইচ্ছা করিলেন । কিন্তু যখন দেখিলেন যে, জেলকদ মাসের আর কেবল ১২ দিন মাত্র অবশিষ্ট আছে, তখন মনে করিলেন যে, একেবারে ওমরাব্রত উদ্ঘাপন করিয়া মদিনায় প্রত্যাগমন করা ভাল । তজ্জন্ত তিনি সেই দিন রাত্রে তথা হইতে এহরাম বাঁধিয়া একাকী মক্কায় ওমরাব্রত উদ্ঘাপন করিতে গমন করিলেন এবং রাত্রে মধ্যাহ্নে ব্রত সমাপন করিয়া জেরের-রাণায় প্রত্যাগমন করিলেন । পরদিন প্রাতে তিনি শিবাগণসহ তথা হইতে মদিনায় যাত্রা করিলেন । তিনি এতাবকে মক্কায় খলিফা করিয়া এবং মক্কাবাসীদিগকে কোরাণ শরিফ ও ইস্লামধর্মের রীতনীতি শিক্ষা দিবার জন্ত আবু মুসা আস্‌যাসি ও মায়াজ-বেন জবলকে রাখিয়া আসিয়া-ছিলেন । হজরতের মৃত্যুকাল পর্যন্ত এতাব মক্কায় খলিফা ছিলেন । যে বৎসর হজরত আবু বকর খলিফা পদাক্রম হইয়াছিলেন, সেই বৎসর এতাবের মৃত্যু হইয়াছিল ।

মেম্বর (বেদি) নিৰ্ম্মাণ ।

এই বৎসর হজরত মহম্মদ মদিনায় মস্‌জদের মধ্যে একটা মেম্বর প্রস্তুত করেন । ইহার পূর্বে হজরত মস্‌জদের একটা খুঁটিতে হেলান দিয়া খোৎবা পড়িতেন (বক্তৃতা করিতেন) । সেই খুঁটির সম্বন্ধে অনেক অলৌকিক কথা আছে, বিস্তৃতি ভয়ে এখানে তাহার উল্লেখ করিলাম না । তিনি মেম্বর নিৰ্ম্মাণ করিয়া তাহার উপর বসিয়া খোৎবা পড়িতেন ।

মেঘর প্রস্তুত করিবার কারণ এই যে, একটু উচ্চ স্থানে বসিয়া কিংবা দাঁড়াইয়া খোৎবা পড়িলে সমাগত লোক তাহা উদ্ভমরূপে শুনিতে পার। মদিনার ২ মাইল দূরস্থিত গাবা নামক জঙ্গল হইতে কাঠ আনীত হইয়া মেঘরটী নিশ্চিত হইয়াছিল। ইহার আকার উচ্চে দুই হস্ত ও প্রস্থে এক হস্ত হজরত আলির সময় পর্য্যন্ত মেঘরটী অবিকৃত অবস্থায় বিদ্যমান ছিল। আবু:সাফিয়ানের পুত্র মায়াভিয়া খলিফা পদারূঢ় হইলে, তিনি ঐ মেঘরটী তাঁহার রাজধানী সুরিয়ার লইয়া যাইবার চেষ্টা করিয়াছিলেন ; কিন্তু কৃতকার্য হইতে পারেন নাই। অবশেষে তিনি উহাকে বহুমূল্য বস্ত্র দ্বারা আবৃত করিয়া দিয়াছিলেন।

হজরত মহম্মদের নিকট আবদুল কায়েস

কোসাইর দূত প্রেরণ ।

আবদুল কায়েস একটী দলের নেতা ছিলেন। তিনি তাঁহার প্রধান দূত আস্বার সঙ্গে ২০ জন লোক দিয়া হজরতের নিকট ইসলামধর্মের রীতিনীতি শিক্ষার্থ ও ইসলামধর্ম গ্রহণ করিবার জন্ত মদিনায় পাঠাইয়া দেন। তাঁহাদের মদিনায় আসিবার একদিন পূর্বে হজরত মদিনায় শিয়াগণকে বলেন, “পূর্কদিঙ্ হইতে কয়েকজন অখারোঠী, মুসলমান হইবার জন্ত আমার নিকট আসিতেছে।” তৎপর দিন তাঁহারা হজরতের নিকট উপনীত হইলেন। আগন্তুকগণের মধ্যে আসবা হজরতের নিকট আসিয়া বলিলেন, “হে ধর্মপ্রচারক ! পবিত্রমাস * ভিন্ন আপনার নিকট

* শওয়াল, জেহাদ, : জলহজ্জ ও মহররম এই চারি মাসকে পবিত্র মাস বলে। এই কয় মাসে আরবদেশবাসিগণ শক্রর সহিত যুদ্ধভাবে মিলিত হইত।

আসিবার আমাদের সাধা নাই, কারণ পৃথিব্যে অনেক কাফেরের বাস । আমরা আপনার নিকট আসিতেছি, ইহা তাহারা জানিতে পারিলে আমাদিগকে হত্যা করিত । আপনি আমাদিগকে ইম্লামধর্মের ক্রিয়াকলাপ উত্তমরূপে শিক্ষা দেন, যেন আমরা স্বদেশে গিয়া উহা লোকদিগকে শিক্ষা দিতে পারি ।” এতৎশ্রবণে হজরত তাঁহাদিগকে রোজা, নামাজ ও জাকাৎ প্রভৃতি ধর্ম ক্রিয়াকলাপ শিক্ষা দিলেন । তাঁহারা ১০ দিন মদিনায় অবস্থানপূর্বক স্বদেশে চলিয়া গেলেন ।

চতুর্দশ পরিচ্ছেদ ।

—o:~:—

নবম হিজরীর ঘটনাবলী ।

বনি তামিমদলস্থ লোকগণের ইসলামধর্ম গ্রহণ ।

এই বৎসর মহরম মাসের প্রথমে হজরত মহম্মদ বিভিন্ন স্থানস্থ মুসলমানদিগের নিকট জাকাৎ * সংগ্রহার্থ লোক প্রেরণ করিয়াছিলেন । প্রেরিত লোকদিগকে বলিয়া দিয়াছিলেন যে, তাঁহারা যেন কাহারও নিকট হইতে বলপূর্বক জাকাতের অর্থ অধিক পরিমাণে গ্রহণ না করেন ।

তিনি সূফিয়ানের পুত্র বসরকে বনি কায়াব দলস্থ লোকগণের নিকট জাকাৎ সংগ্রহার্থ পাঠাইয়া দেন । যখন বসর তাহাদের বাসস্থানে উপস্থিত হন, তখন তাহারা একটী কুপের নিকট বনি তামিম দলস্থ লোকগণের সহিত বসিয়াছিল । বসর তাহাদের পশুগুলি একত্রিত করিয়া জাকাতের নিদিষ্ট নিয়মানুসারে তন্মধ্য হইতে কতকগুলি পশু স্বতন্ত্র করিয়া লইলেন । বনি তামিম দলস্থ লোকগণ বসরকে জাকাতের পশু-

* নিজ নিজ ধনের কিয়ৎ পরিমাণে খোদাতারালার উদ্দেশ্যে দরিদ্রগণকে দান করাকে জাকাৎ বলে । সক্ষিত ধনের শতকরা আড়াই টাকা পরিমাণে জাকাৎ দেওয়া বিধি ।

শুলি লইতে দেখিয়া বনি কায়াব দলস্থ লোকদিগকে বলে, “কেন, তোমরা অকারণে এতগুলি পশু মুসলমানদিগকে দিতেছ ?” তাহারা বলিল, “আমরা মুসলমান হইয়াছি, অতএব সেই ধর্মামুসারে কার্য করিতেছি।” ইহা শুনিয়া বনি তামিম দলস্থ লোকগণ রাগান্বিত হইল এবং তরবারি হস্তে লইয়া বলিল, “আমরা এখানে বিদ্যমান থাকিতে কাহাকেও একটী পশু লইতে দিব না।”

বসর বনি তামিম দলস্থ লোকদিগের ভয়ে মদিনায় প্রত্যাগমন পূর্বক হজরতের নিকট সন্দেহ বিবরণ বিবৃত করিলেন। হজরত তাহাদিগকে শান্তি প্রদানার্থ হেননের পুত্র আইনার সঙ্গে ৫০ জন লোক দিয়া তাহাদের বাসস্থানে পাঠাইয়া দিলেন। বনি তামিম দলস্থ লোকগণ মুসলমানদিগের আগমনে ভীত হইয়া পর্বতগুহায় পলায়ন করিল। আইন তাহাদের ১১ জন স্ত্রীলোক ও ৩০ জন বালককে বন্দী করিয়া মদিনায় আনিলেন। পরে বনি তামিম দলের লোকেরা তাহাদের মধ্য হইতে কতিপয় বিজ্ঞলোককে হজরতের নিকট আত্মীয়স্বজনগণের মুক্তির জন্ত পাঠাইয়া দিল। তাহাদের মধ্যে হারেসের পুত্র আকুরা এক জন বিখ্যাত কবি ছিল। যখন হজরত মহম্মদ নামাজ পড়িতেছিলেন, তখন তাহারা তাঁহার বাসস্থানের নিকট আসিয়া কবিতা পাঠ করিতে লাগিল। মুসলমানগণ তাহাদিগকে কবিতা পাঠ করিতে বারম্বার নিষেধ করাতেও তাহারা তাহা শুনিল না, বরং উচ্চৈঃস্বরে পাঠ করিতে লাগিল। পরে হজরতের নামাজ পড়া শেষ হইলে, তাহারা তাঁহার নিকট গিয়া কবিতা পাঠ ও স্বীয় দলের প্রশংসা কীর্তন করিতে লাগিল। হজরত তাহাদিগকে জিজ্ঞাসা করিলেন, “তোমরা কি অভিপ্রায়ে আসিয়াছ ?” তাহারা স্বীয় অভিপ্রায় কিছুই ব্যক্ত না করিয়া ক্রমাগত স্বীয় দলের গৌরব-গান করিতে লাগিল। তাহা শুনিয়া হজরত বলেন, “আমি কবি হইয়া

খোদাতায়ালা কর্তৃক প্রেরিত হই নাই এবং কবি হইতেও ইচ্ছা করি না ।” তৎপরে তাহাদের মধ্য হইতে বিখ্যাত বক্তা আতাএব আওয়-প্রশংসা সূচক একটি বক্তৃতা করিল। তাহা শুনিয়া হজরতের শিষ্য কয়েমের পুত্র সাবেত আল্লাতায়ালা প্রশংসাসূচক একটি কবিতা পাঠ করিলেন। সাবেতেব কবিতা শ্রবণ করিয়া শক্রগণ চমৎকৃত হইল। পরে তাহারা আবার কবিতা পাঠ করিতে আরম্ভ করিল। সেই সময়ে সাবেতের পুত্র হাসান্ আল্লাতায়ালা ও ইস্লামধর্মের প্রশংসাসূচক আবার একটি কবিতা লিখিয়া পাঠ করিলেন। তাহারা তাহা শুনিয়া মনে করিল যে মুসলমানদিগের কবিতার নিকট আমাদের কবিতাগুলি অতি অকিঞ্চিৎকর। ফলতঃ তাহারা ইস্লামধর্মের প্রকৃত মাহাত্ম্য অবগত হইতে পারিয়া পুনঃ মুসলমানধর্ম গ্রহণ করিল। হজরত তাহাদের স্নীলোক ও বালকগণকে মুক্ত করিয়া দিলেন এবং তাহাদিগকে নানা উপঢৌকনাদি দিয়া বিদায় দিলেন।

বনি মোস্তালিক দলের নিকট জাকাৎ

সংগ্রহার্থ লোক প্রেরণ ।

এই বৎসর হজরত মহম্মদ বনি মোস্তালিক দলস্থ লোকগণের নিকট জাকাৎ সংগ্রহ করিবার জন্ত আক্ফার পুত্র অলিদকে প্রেরণ করেন। পৌত্তলিকতার সময়ে অলিদের সহিত তাহাদের ঘোর শত্রুতা ছিল। অলিদ তাহাদের বাসস্থানের নিকট উপনীত হইলে, তাহারা পূর্ব শত্রুতা পরিত্যাগপূর্বক নূতন ভ্রাতৃত্বসূত্রে আবদ্ধ হইয়া তাঁহাকে অভ্যর্থনা

করিবার জন্ত ২০ জন লোকসহ অগ্রসর হইল । অলিদ তাহাদিগকে আসিতে দেখিয়া মনে করিলেন যে, উহাদের সহিত আমার শত্রুতা আছে, বোধ হয়, উহারা আমাকে হত্যা করিতে আসিতেছে । তাহারা তাঁহার নিকট উপস্থিত হইবার পূর্বেই তিনি কল্লিতভয়ে অভিভূত হইয়া মদিনায় প্রত্যাবর্তন করিলেন এবং হজরতের নিকট গিয়া বলিলেন, “হে ধর্মপ্রচারক ! বনি মোস্তালিক দলস্থ লোকগণ ইসলামধর্ম প্রাগ করিয়াছে, জ্বাকাৎ দানে অদম্বিত হইয়াছে ও আমাকে হত্যা করিবার জন্ত উত্তত হইয়াছিল ।” হজরত ইহা শুনিয়া প্রকৃত হৃদয় অনুসন্ধান করিবার জন্ত বীরবর খালেদকে তাহাদের নিকট পাঠাইয়া দিলেন । বীরবর খালেদ তথায় গিয়া দেখেন যে, তাহারা মস্জিদ নিৰ্মাণ করিয়া নিয়মিতরূপে নামাজ ও ধর্ম কার্যাদি সম্পন্ন করিতেছে । তখন তিনি অগৌণে মদিনায় প্রত্যাগমন করিয়া হজরতের নিকট তাবৎ বিবরণ বর্ণনা করিলেন । হজরত অলিদকে বলিলেন, “কোন বিষয় বিচক্ষণতার সহিত দর্শন না করিয়া তাহার সম্বন্ধে মতামত প্রকাশ করা অন্তায় । কোরাণ শরিফে উক্ত হইয়াছে, ‘হে বিশ্বাসিগণ, যদি তোমাদের নিকট কোন দুর্ভূত সংবাদ আনয়ন করে, তবে অনুসন্ধান করিও, যেন এরূপ না হয় যে, অজ্ঞানতা-বশতঃ কোন দলে বিবাদ উপস্থিত কর, পরে যাহা করিলে, তজ্জন্ত অনুতপ্ত হও ।’” তৎপরে তিনি বসরের পুত্র আব্বাদকে বনি মোস্তালিক দলস্থ লোকগণের নিকট জ্বাকাৎ আনয়ন করিতে ও তাহাদিগকে কোরাণ শরিফ শিক্ষা দিতে পাঠাইয়া দিলেন ।

জোহরের পুত্র কাযাবের ইসলামধর্ম গ্রহণ ।

কাযাব হজরত মহম্মদের কংসাসূচক কবিতা লিখিয়া আরবদেশের সর্বত্র বিতরণ করিতেন। তিনি ইসলামধর্মের প্রধান শত্রু ছিলেন এবং মক্কা জয়ের সময়ে নগর পরিত্যাগপূর্বক পলায়ন করিয়াছিলেন। ইহার কিছুদিন পরে তিনি স্বীয় সহোদর বোজাজেরকে হজরতের নিকট পাঠাইয়া দেন। বোজাজের হজরতের নিকট আসিয়া মুসলমান হইয়া কাযাবকে এই মর্মে একখানি পত্র লিখিলেন “আপনি শীঘ্র এখানে আসিয়া ইসলামধর্ম গ্রহণ করুন।” কাযাব বোজাজেরের পত্র পাইয়া মদিনায় আসিলেন এবং হজরতের গুণকীর্তনসূচক কবিতা পাঠ করিতে করিতে তাঁহার সম্মুখে উপস্থিত হইলেন। হজরত তাঁহাকে পূর্বে চিনিতে না, এক্ষণে সে আত্মপ রচয় দেওয়াতেই তিনি তাঁহাকে চিনিতে পারিলেন। কাযাব হজরতের নিকট ইসলামধর্ম গ্রহণ করিলেন। হজরত মহম্মদও তাঁহার উপর সম্বৃষ্ট হইয়া তাঁহাকে স্বীয় চাদর দান করিলেন। কাযাব ঐ চাদরখানি মৃত্যুর দিন পর্য্যন্ত বহুপূর্বক সঙ্গে সঙ্গে রাখিয়াছিলেন। তিনি মণিমাণিক্য অপেক্ষাও ইহাকে বহুমূল্য জ্ঞান করিতেন। মারাভিয়া খলিফা-পদাধিকার হইয়া ঐ চাদরখানি ১০,০০০ দেবহামে ক্রয় করিতে চাহিয়াছিলেন, কিন্তু কাযাব তাহা দিতে স্বীকৃত হন না। কাযাবের মৃত্যুর পর তাঁহার উত্তরাধিকারীর নিকট হইতে মারাভিয়া উহা ২০,০০০ দেবহামে ক্রয় করেন। ক্রমান্বয়ে ৩৬ জন খলিফা ঐ চাদর খানি পরিধান করিয়াছিলেন। অবশেষে তাতার-রাজ হুম্মতি ঠালাকু বোগদাদ জয় করিয়া খলিফা মোতাম্মেদের নিকট হইতে উহা বলপূর্বক কাড়িয়া লইয়া ভস্মীভূত করে।

তবুকের যুদ্ধ ।

তবুক একটা স্থানের নাম । এই স্থানটা দেমেক ও মদিনার মধ্যবর্তী স্থানে অবস্থিত । কেহ কেহ বলেন যে, তবুক একটা দুর্গের নাম । এই স্থানে যুদ্ধ সংঘটন হইয়াছিল বলিয়া, এই যুদ্ধকে তবুকের যুদ্ধ বলে । এই যুদ্ধের অপর এক নাম গজ্জাতোল্‌ওস্‌রাৎ অর্থাৎ কষ্টের যুদ্ধ । কষ্টের যুদ্ধ বলিবার কারণ এই যে, মুসলমান সৈন্য তবুকে গমন কালে পথিমধ্যে সূর্য্যের প্রচণ্ডকিরণে ও জলাভাবে ভয়ানক কষ্ট পাইয়াছিলেন ।

এই সময়ে আরবদেশবাসী কতিপয় খৃষ্টধর্ম্মাবলম্বী, রুমের সম্রাট হের্কেলের নিকট গিয়া বলে, “আমাদের দেশে যে ব্যক্তি ধর্ম্মপ্রচারক বলিয়া পরিচয় দিয়াছিল, তাহার মৃত্যু হইয়াছে ও তাহার শিষ্যগণের মধ্যে ভয়ানক দুর্ভিক্ষ উপস্থিত হইয়াছে এবং তাহাদের অনেক সম্পত্তিও নষ্ট হইয়া গিয়াছে । আপনি এই সময়ে তাহাদিগকে আক্রমণ করিলে, সহজে জয় করিতে পারিবেন ।” সেই সময়ে সম্রাট হের্কেল্‌ পারস্ত দেশ জয় করিয়া স্বকীয় বিজয়-পতাকা আরবদেশে প্রোথিত করিতে সমুৎসুক হইয়াছিলেন । তিনি মুসলমানগণের দুর্দশার বিষয় অবগত হইয়া ও রুমের কতকগুলি প্রধান লোকের উৎসাহে উৎসাহিত হইয়া আরবদেশ আক্রমণার্থ ৪০,০০০ সৈন্য আরবদেশের প্রান্তভাগস্থ কোবাদ নামক স্থানে সমবেত হইতে বলিলেন । এই সময় একদল স্থলবণিক্‌ সুরিয়া হইতে মদিনায় আসিয়া হজরতকে সম্রাট হের্কেলের সৈন্য-সজ্জার কথা বলে । হজরত মহম্মদ তাহাদের আক্রমণ হইতে আরবদেশ রক্ষা করিবার জন্য মুসলমানদিগকে যুদ্ধসজ্জা করিতে বলিলেন, এবং প্রত্যেক মুসলমান সম্প্রদায় হইতে সৈন্য সংগ্রহার্থ লোক প্রেরণ করিলেন । সুশিক্ষিত রোমক সৈন্যগণের সহিত যুদ্ধ করা সহজ

কার্য্য মনে করিয়া হজরত বহুসংখ্যক সৈন্ত ও বহুদূর গমনোপযোগী প্রচুর পরিমাণে আহারীয় দ্রব্যাদি সংগ্রহ করিলেন। তিনি শিষ্যগণকে আহ্বান করিয়া বলিলেন, “তোমরা স্ব স্ব ক্ষমতানুসারে যুদ্ধের ব্যয়ার্থ যাহা দান করিবে, তাহাতে তোমাদের পুণ্য সঞ্চয় হইবে।” শিষ্যগণ উহা শ্রবণ করিয়া সকলেই স্ব স্ব ক্ষমতানুযায়ী অর্থ দিলেন। ইহাতে হজরত ওমর নিজ সম্পত্তির অর্দ্ধাংশ ও হজরত আবুবকর সমুদয় সম্পত্তি হজরতের হস্তে সমর্পণ করিলেন। হজরত মহম্মদ, হজরত আবুবকরকে জিজ্ঞাসা করিলেন, “তোমার পরিবারগণের ভরণপোষণোপযোগী কি অবশিষ্ট রাখিয়াছ ?” ইহাতে হজরত আবুবকর বলিলেন, “আল্লাহতায়ালা ও তাঁহার ধর্ম্মপ্রচারক।” ইহা শুনিয়া হজরত পরম প্রীত হইলেন। এইরূপে তাঁহার প্রচুর অর্থ সংগৃহীত হইল।

ঐ সমুদয় অর্থ দ্বারা তিনি সৈন্তগণকে যুদ্ধার্থ সজ্জিত করিলেন এবং সকলকে পাড়কা পরিধান করিতে বলিলেন। সৈন্তগণ যথানিয়মে সজ্জিত হইলে তিনি সকলকে বলিলেন, “তোমরা সকলে মদিনার বহির্ভাগস্থ সানিয়াতল-ভেদা নামক স্থানে গিয়া একত্রিত হও।” তদনুসারে হজরত আবুবকর সৈন্তগণকে সঙ্গে লইয়া সানিয়াতলভেদার গমন করিলেন। আবদুল্লা-বেন-ওবাই-সোলুল স্বদলস্থ লোকগণকে জোবাব নামক স্থানে একত্রিত করিয়া বলিল, “হজরত মহম্মদ সু শক্তি রোমক সৈন্তগণের সহিত যুদ্ধ করা সহজ কার্য্য মনে করিয়াছেন, তজ্জন্য উত্তম সূর্য্যাকরণ ও জলকষ্ট প্রভৃতিকে হের জ্ঞান করিয়া যুদ্ধার্থ অগ্রসর হইতেছেন। আমি স্পষ্টই দেখিতে পাইতেছি যে, এই যুদ্ধে মুসলমানগণ বন্দী হইবে এবং পৃথিবীর চতুর্দিকে বিক্ষিপ্ত হইয়া পড়িবে।” আবদুল্লার কথা শ্রবণ করিয়া কতকগুলি অল্পবিশ্বাসী মুসলমান ভীত হইয়া হজরতের সহিত যোগ দিতে বিরত হইল। হজরত, আবদুল্লার কথা শ্রবণ করিয়া

বলিলেন, “যদি তার ইমান (ধর্ম্মে বিশ্বাস) থাকিত, তাহা হইলে সে কখন এরূপ কথা বলিত না ।”

সায়াদ-বেন-আবিঅক্কাস বলেন, “এই সময়ে হজরত মহম্মদ, হজরত আলিকে মদিনার ও আপনার পরিবারগণের মধ্যে খলিফা (প্রতিনিধি) পদে নিযুক্ত করিয়া যান । কিন্তু হজরত আলি, হজরতের সমভিব্যাহারে যাইতে না পারিয়া তঃখিত হইয়া বলেন, ‘হে ধর্ম্মপ্রচারক ! আমি প্রত্যেক যুদ্ধে আপনার অনুগমন করিয়াছি, এবার কেন আপনি আমাকে কতকগুলি বালকবালিকা ও স্ত্রীলোকের মধ্যে রাখিয়া যাইতে ছন ?’ তখন হজরত মহম্মদ, হজরত আলিকে বলিলেন, “হজরত মুসা সধক্কে হজরত হারুণ যেরূপ, আমার সধক্কে তুমিও সেইরূপ ; কিন্তু হজরত হারুণের সহিত তোমার প্রভেদ এই যে, তিনি ধর্ম্মপ্রচারক ছিলেন, কিন্তু তুমি তাহা নও । যখন হজরত মুসা তুর পাহাড়োপরি গমন করেন, তখন তিনি হজরত হারুণকে তাঁহার পরিবারের মধ্যে খলিফা করিয়া গিয়াছিলেন । আমিও সেইরূপ তোমাকে স্বীয় পরিবারের মধ্যে খলিফা করিয়া যাইতেছি । ইহাতে কি তুমি সন্তুষ্ট হইতেছ না ?” হজরত আলি, হজরতের কথা শুনিয়া সন্তুষ্ট হইলেন এবং ম’দনায় অবস্থিতি করিতে লাগিলেন ।” (ইহা বোখারি ও মোস্লেমের ইতিবৃত্তানুসারে লিখিত হইল) ।

তৎপরে হজরত মহম্মদ সানিয়া-তল-ভেদায় গিয়া দেখিলেন যে, তাঁহার ১০,০০০ অশ্বারোহী, ও ২০,০০৮ পদাতিক সৈন্যসংগৃহীত হইয়াছে ; সৈন্যগণের দ্রব্যাদি বহনোপযোগী ১২০০০ উষ্ট্রও সংগৃহীত হইয়াছে । তখন হজরত মহম্মদ হজরত আবুবকরের হস্তে প্রধান পতাকাটি দিলেন । বীরবর খালেদ অগ্রগামী সৈন্যগণের, তাগহা-বেন-ওবেদল্লা সৈন্যগণের দক্ষিণপার্শ্বের আর আবছর রহমান সৈন্যগণের বাম পার্শ্বের ভার গ্রহণ

করিলেন। এই স্থান হইতে এক দল অল্পবিখ্যাসী মুসলমান মদিনায় প্রত্যাগমন করিল। হজরত মহম্মদ তথা হইতে সৈনাগণসহ রজব মাসের মধ্যভাগে (৬৩০ খৃঃ অব্দের অক্টোবর মাসে) তবুকে যাত্রা করিলেন।* তাঁহারী সকলে জোরফ নামক স্থানে উপনীত হইলে আবুল্লা-বেন-ওবাই স্বদলস্থ লোকগুলিকে সঙ্গে লইয়া গৃহে প্রত্যাবর্তন করিল। হজরত মহম্মদ শিষাগণসহ মরুভূমি পচণ্ড সূর্য্যকিরণে দগ্নীভূত হইয়া কয়েকদিন গমনের পর তবুকে উপস্থিত হইলেন। এই সময়ে কুপাদি শুষ্ক হইয়া যাওয়াতে মুসলমানগণ পথিমধ্যে জল্লাভাবে অতিশয় কষ্ট পাইয়াছিলেন। তাঁহারী তবুকে ২০ দিন পর্য্যন্ত অবস্থিতি করিয়াছিলেন। †

মুসলমানগণ তবুকে শিবির স্থাপন করিয়াছেন শুনিয়া সম্রাট হেরকেল বনি গছান বংশোদ্ভব একজন বিদ্বৎ লোককে তাঁহাদের শিবিরে এই বলিয়া পাঠাইয়া দিলেন,—“তুমি মুসলমানদিগের শিবিরে গমনপূর্ব্বক হজরত মহম্মদের আচারব্যবহার ও বুদ্ধের আয়োজনাদি অনুসন্ধান করিয়া আইস এবং তৎপরাত ও ইঞ্জিলে শেষ ধর্ম প্রচারকের আবির্ভাব হইবার বিষয় বাহা উল্লিখিত আছে, তাঁহার সত্বিত হজরত মহম্মদের কোন সৌন্দর্য্য আছে, কি না, তাহাও দেখিয়া আইস।” সে ব্যক্তি তবুকে আসিয়া হজরতের সমুদয় আচারব্যবহার দর্শন করিয়া সম্রাট হেরকেলের নিকট

* এখানে হেণার ৯০৪ পৃঃ ; এখানে আল আশির ২য় খণ্ড ২১৫ ; আবুলফেদা ৮৫ পৃঃ ।

† কেহ বলেন, ১২ দিন ; কেহ বলেন, ২ মাস কাল তাঁহারী তথায় ছিলেন। কর্ণিউ ডি প্যারিসাল বলেন, ৬৩০ খৃষ্টাব্দের ডিসেম্বর মাসের মধ্যভাগে তবুকে বিভিন্ন সম্প্রদায়ের নেতাগণ আসিয়া হজরতের নিকট ইসলাম গ্রহণ করে। এখানে আল আশির ২য় খণ্ড ২১৫ পৃঃ ।

গিয়া সবিশেষ বর্ণনা করিল । তখন হের্কেল হজরতকে শেষধর্মপ্রচারক বলিয়া জানিতে পারিলেন এবং ক্রমের প্রধান প্রধান ব্যক্তিদিগকে ইসলাম-ধর্ম গ্রহণ করিতে অনুরোধ করিলেন । কিন্তু তাহারা তাঁহার কথায় কর্ণপাত না করিয়া রাগান্বিত হইয়া উঠিল । এমন কি তাহারা তাঁহাকে সিংহাসনচ্যুত করিতে সংকল্প করিল । তদর্শনে হের্কেল ভয়ে তাহাদের মতে মত দিলেন, কিন্তু যুদ্ধের কোনরূপ আয়োজন করিলেন না ।

এদিকে হজরত মহম্মদ কয়েকদিন পর্য্যন্ত তবুকে অবস্থানপূর্বক সম্রাটের যুদ্ধ-সজ্জার কোনরূপ চিহ্নাদি দেখিতে না পাইয়া আনুসার ও মহাজেরগণকে জিজ্ঞাসা করিলেন, ‘আমাদের আর অগ্রসর হওয়া উচিত কি না?’ হজরত ওমর বলিলেন, ‘আপনি যদি কাফেরদিগের সহিত যুদ্ধ করিতে আদিষ্ট হইয়া থাকেন, তাহা হইলে আমরা আপনার সঙ্গে অগ্রসর হইতে প্রস্তুত আছি।’ হজরত বলিলেন, ‘যদি আমি আদিষ্ট হইতাম, তাহা হইলে তোমাদের নিকট পরামর্শ জিজ্ঞাসা করিতাম না।’ তখন হজরত ওমর বলিলেন, ‘ক্রমের সম্রাটের সৈন্য-সামন্ত্য অসংখ্য, তাহার তুলনার আমাদের সৈন্য-সংখ্যা মতি অল্প । যখন তাহারা অগ্রসর হইতেছে না, তখন তাহাতে প্রতীকমান হইতেছে যে, খোদা-তায়াল্লা তাহাদের অন্তর মধ্যে ভয়ের সঞ্চার করিয়া দিয়াছেন । আর এদেশের সমুদয় লোক আপনার মাহাত্ম্যের বিষয় অবগত আছে, তজ্জন্ত তাহারাও আপনাকে আক্রমণ করিতে ভীত হইতেছে । অতএব এ বৎসর প্রত্যাগমন করাই ভাল । কিন্তু আপনার যাহা ইচ্ছা, তাহাই করিতে পারেন।’ হজরত মহম্মদও হজরত ওমরের প্রস্তাবে সম্মত হইয়া মদিনায় প্রত্যাগমন করিতে মনস্থ করিলেন ।

এই স্থানে আরবলার খৃষ্টীয় শাসনকর্ত্তা ইউহান্না-বেন-কুইয়া এবং জারবা ও আজরোধ নামক স্থানদ্বয়ের লোকগণ হজরতের নিকট আসিয়া জিজ্ঞাসা

প্রদান করিতে স্বীকৃত হইল এবং সন্ধি স্থাপন করিল। হুমতল জান্দালের খৃষ্টীয় শাসনকর্তা ওকারসার-বেন-আবহুল-মালেকও হজরতের নিকট আসিয়া সন্ধি স্থাপন করিল আর ২০০০ উষ্ট্র ও ৮০০ অশ্ব উপঢৌকন দিল, তৎপরে হজরত ছষ্টচিত্তে শিষ্যগণসহ মদিনায় প্রত্যাবর্তন করিলেন।

হজরত মদিনায় প্রত্যাগমন-কালে পথি মধ্যে যে যে স্থানে নামাজ পড়িয়াছিলেন, সেই সেই স্থানে এক একটি মস্জিদ নির্মিত হইয়াছে। মদিনার এক ঘণ্টার পথস্থিত কোবার সন্নিকটস্থ জিঃআঃরান নামক স্থানে অল্পবিশ্বাসী মুসলমানগণের জেরার নামক একটা মস্জিদ ছিল; হজরত সেই মস্জিদে উপাসনা করিতে গেলে, একটা স্বর্গীয় আদেশ প্রাপ্ত হন, তাহাতে তিনি জানিতে পারেন যে, এই মস্জিদটা অল্পবিশ্বাসী মুসলমানগণ কোবার মস্জিদের অল্পকরণ করিয়া নির্মাণ করিয়াছে। হিংসার উপর ইহার ভিত্তি স্থাপিত, অতএব ইহাতে উপাসনা করা উচিত নয়। তজ্জন্ত তিনি দোকতামের পুত্র মালেক ও আদীর পুত্র মায়ানকে ঐ মস্জিদটা ভূমিসাৎ করিতে বলেন। তাঁহারা তৎক্ষণাৎ উহা ভূমিসাৎ করিলেন।

মুসলমানগণ মদিনায় প্রত্যাগমন করিয়া স্ব স্ব যুদ্ধাস্ত্রাদি বিক্রয় করিতে লাগিলেন। কিন্তু হজরত তাঁহাদগকে বলিলেন, “আমার শিষ্যগণের মধ্যে একদল লোক দার্জাল ও বিবি মরিয়মের পুত্র হজরত ঈসার পুনঃ আবির্ভাব না হওয়া পর্য্যন্ত সর্বদা সত্যের জন্ত যুদ্ধ করিবে।”

বনি হেলাল দলস্থ লোকগণের ইসলামধর্ম গ্রহণ ।

এই বৎসর আরবদেশের বিভিন্ন স্থানস্থ বিভিন্ন সম্প্রদায়ভুক্ত লোকগণ হজরতের নিকট আসিয়া ইসলামধর্ম গ্রহণ করিয়াছিল এবং তাহাদের সম্প্রদায়স্থ লোকগণকে ধর্মশিক্ষা দিবার জন্ত হজরতের নিকট হইতে এক

এক জন ধর্মোপদেশক লইয়া গিয়াছিল। এই জন্ত এই বৎসরকে “সেনাতল ওফুদ” বলিত। ঐ সকল সম্প্রদায়স্থ লোকগণের ইসলাম ধর্ম গ্রহণের বিষয় দশম হিজরীর ষটনাবলীর শেষভাগে লিখিত হইয়াছে। কেবল এস্থলে বনি হেলাল সম্প্রদায়স্থ লোকগণের ইসলামধর্ম গ্রহণের বিষয় নিম্নে বর্ণিত হইল।

বনি হেলাল সম্প্রদায়স্থ লোকগণ, আমেরের পুত্র হেলা, আবদুল্লাহর পুত্র জিয়দ, ইয়াউফের পুত্র আব্দ ও মোখারেফের পুত্র কবিসাকে ইসলামধর্ম ও উহার রীতিনীতি শিক্ষা করিবার জন্ত মদিনায় হজরত মহম্মদের নিকট পাঠাইয়া দিয়াছিল। জিয়দ হজরত মহম্মদের সহধর্মিণী ময়মুনা বিবির ভগ্নপুত্র। তাহারা সকলে মদিনায় উপনীত হইলে জিয়দ অগ্রে ময়মুনা বিবির গৃহে গিয়া হজরতের সহিত মস্জেদে যায়। হজরত উপাসনাস্তর জিয়দকে আশীর্বাদ করেন। পরে তাহারা সকলে মুসলমান হয়। আব্দের নাম আবদুল্লা রাখা হয়।

কবিসা হজরতকে বলিলেন, “হে ধর্মপ্রচারক! একদা আমার এক জন আত্মীয় হত্যাপরাধে ধৃত হইয়াছিল; তাহার এমন সঙ্গতি ছিল না যে, সে মুক্তি লাভ করে। আমি তাহার মুক্তার্থ ঋণ গ্রহণ করিয়া অর্থ দিয়াছিলাম। কিন্তু আমি আজ পর্যন্ত সেই ঋণ পরিশোধ করিতে পারিলাম না, আপনি অনুগ্রহপূর্বক আমাকে অর্থ দিলে আমি উক্ত ঋণ হইতে মুক্তি লাভ করিতে পারি।” হজরত বলিলেন, “জাকাতের অর্থ আসিলে দিব।” তৎপরে হজরত কবিসাকে বলিলেন, “কবিসা! নিম্নলিখিত তিন প্রকার অবস্থাপন্ন লোকদিগের শিক্ষা করা বৈধ (হালাল)। ১ম,—যে ব্যক্তি অন্য লোককে কোন বিপদ হইতে রক্ষা করিবার জন্ত ঋণ গ্রহণ করিয়াছে, কিন্তু আবার সে সেই ঋণ পরিশোধ করিতে অক্ষম, এরূপ লোকের; ২য়, যাকার সমুদয় দ্রব্যাদি (জলমগ্ন কিম্বা অগ্নিতে ভস্মীভূত হইয়া) ধ্বংস

হইরাছে ; ওয়, উপদাসী ব্যক্তির, কিন্তু যদি তিন জন লোক তাহার দরিদ্রতার বিষয়ে সাক্ষ্য প্রদান করে ।”

মোসলেম বলেন, “উপরোক্ত তিন প্রকার অবস্থাপন্ন লোক ভিন্ন আর যাহারা ভিক্ষা করে, তাহাদের সেই ভিক্ষালব্ধ দ্রব্য ভোজন করা অবৈধ (হারাম)। যাহার নিকট এক দিনের আহারোপযোগী দ্রব্য আছে এবং যে ব্যক্তি বলিষ্ঠ, তাহার ভিক্ষা করা অবৈধ (হারাম) যাহার বস্ত্রাদি নাই, অথচ উপার্জনে অক্ষম, তাহার ভিক্ষা করা বৈধ ।”

বিশ্ব লোকেরা বলেন, “আবশ্যক বিনা ভিক্ষা করা অবৈধ (হারাম) আর ঐ ভিক্ষালব্ধ দ্রব্য বৈধ (হালাল), কি অবৈধ (হারাম), তদ্বিষয়ে নানা মতভেদ আছে। কিন্তু যদি ভিক্ষুকগণ কোন গৃহস্থের নিকট হইতে জোর করিয়া বা বিরক্ত করিয়া ভিক্ষা গ্রহণ করে, তাহা হইলে সেই ভিক্ষালব্ধ দ্রব্য অবৈধ (হারাম)। যদি কেহ আল্লাহতায়ালার ও তাহার ধর্মপ্রচারকের নামোল্লেখ করিয়া ভিক্ষা পার্থনা করে, তাহা হইলে তাহাকে ভিক্ষা দেওয়া ওয়াজেব নহে (দিতে হইবে, এমন কোন কথা নাই)।”

আবদুল্লা-বেন-ওবাই-মোলুল ও নাজ্জাসীর মৃত্যু ।

মুসলমানগণ তবুকের যুদ্ধক্ষেত্র হইতে মদিনায় প্রত্যাগমন করিলে তাহার অবাবহিত পরে আবদুল্লা পীড়িত হয়। যদিও সে অনেক সময়ে হজরতের সহিত নানারূপ বিশ্বাসঘাতকতার কার্য্য করিয়াছে, তথাপিও হজরত মহম্মদ তাহার প্রতি উদারভাব প্রদর্শন করিতেন ও পীড়িত হইলে তাহাকে সর্বদা দেখিতে যাইতেন, এবং তাহার অন্ত্যেষ্টিক্রমার সময় সমাধিক্ষেত্রে উপস্থিত ছিলেন। তাহার পুত্রের অনুরোধে তিনি কবর

দিবার সময়ে তাহার পাপ ক্ষমার জন্য প্রার্থনা করিয়াছিলেন । সেই সময়ে হজরত ওমর ক্রোধান্বিত হইয়া আবুল্লাহর বিশ্বাসঘাতকতার বিষয় উল্লেখ-পূর্বক হজরতকে প্রার্থনা করিতে নিষেধ করেন । কিন্তু হজরত বলেন, “কোরাণ শরিফে উক্ত হইয়াছে, ‘তুমি প্রতারকগণের জন্য প্রার্থনা কর, আর না কর, সে তোমার ইচ্ছা, কিন্তু যদি তুমি ৭০ বার প্রার্থনা কর, তথাপিও তাহারা পাপ হইতে মুক্ত হইবে না’ । হজরত ওমর ইহা শুনিয়া নিরস্ত হইলেন । আবুল্লাহর দলস্থ অল্পবিশ্বাসী মুসলমানগণ হজরতের ব্যবহার দর্শন করিয়া আশ্চর্যান্বিত হইলেন এবং তদবধি তাঁহারা ভক্ত মুসলমান বলিয়া পরিগণিত হইলেন । ইহার কিছুদিন পরে অগ্নি একটা স্বর্গীয় আদেশে প্রতিপন্ন হইল যে, হজরত মহম্মদ আর কখন কোন বিধর্মীর কবর দিবার সময়ে কিম্বা রোগ-শয্যার নিকট প্রার্থনা করিতে পারিবেন না ।

এই বৎসর আবিসিনিয়ার রাজা নাজ্জাসীর মৃত্যু হয় । হজরত তাঁহার আত্মার মুক্তির জন্য প্রার্থনা করেন ।

হজরত আবু বকরের হজরত উদ্বাপনার্থ মক্কায় গমন ।

এই বৎসর হজরত মহম্মদ, হজরত আবুবকরকে মক্কায় হজরত উদ্বাপন করিতে পাঠাইয়া দেন । কেহ বলেন, জেলকাদ মাসে ; কেহ বলেন, জেলহজ্জ মাসে ; কেহ বলেন, জেলকাদ মাসের সংক্রান্তির দিনে হজরত আবুবকর মুসলমানগণকে সঙ্গে লইয়া হজরত উদ্বাপনার্থ মক্কায় গমন করিয়াছিলেন । হজরত এই বৎসরে হজ করিবার জন্য আদিষ্ট হইয়াছিলেন । অধিকন্তু আবার দেখা যাইতেছে যে, এই নবম বৎসরে হজের বৈধসূচক (ফরজসূচক) আয়েত অবতীর্ণ হইয়াছিল ।

কিছু কেহ কেহ বলেন যে, হজরত মহম্মদ ষষ্ঠ হিজরীতে হজরত উদ্বাপন করিবার জন্ত প্রত্যাশিষ্ট হন ।

এই বৎসর বিভিন্ন স্থান হইতে বিভিন্ন সম্প্রদায় লোকগণ হজরতের নিকট আসিয়া ধর্মশিক্ষা করিতে আরম্ভ করিয়াছিল । তজ্জন্ত তিনি স্বয়ং হজ্জ করিতে যাইতে পারেন না ; হজরত আবুবকরকে “আমিরে-হজ্জ” অর্থাৎ তীর্থযাত্রীগণের নেতা করিয়া ১০০ মুসলমান সঙ্গে দিয়া মক্কায় প্রেরণ করেন এবং কোরবানীর জন্ত ১০টা উষ্ট্র প্রদান করেন । তিনি হজরত আবুবকরকে বলিয়া দেন, “তুমি তথায় মুসলমানদিগকে হজ্জ করিবার নিয়মাদি শিক্ষা দিও এবং কোরাণ শরিফের বারাত সুরার ১ম হইতে ৪০ আয়েত পর্য্যন্ত পড়িয়া শুনাইও ।” আবিঅকাসের পুত্র সায়াদ, ইয়াউফের পুত্র আবদুর রহমান ও আবুহোরায়রা প্রভৃতি কতিপয় প্রধান প্রধান ব্যক্তিও হজরত আবুবকরের সঙ্গে গিয়াছিলেন । হজরত আবুবকর জোলুহলিফার মন্জেরে এহরাম বাঁধিয়া মক্কা যাত্রা করেন ।

এদিকে হজরত জেব্রিল, হজরত মহম্মদের নিকট আসিয়া বলিলেন, “তুমি কিম্বা আলি ভিন্ন অন্য কেহ যেন লোকের নিকট খোদাতাওয়ালার সুসমাচার প্রচার না করে ।” কেহ কেহ বলেন যে, হজরত জেব্রিল বলিয়াছিলেন, “আল্লাতায়ালার সুসমাচার লোকের নিকট প্রচার করা, তোমার ও তোমার আত্মার (একরক্তসম্মত) ভিন্ন অন্য কাহারও উচিত নহে ।” হজরত মহম্মদ, হজরত জেব্রিলের উপদেশ শ্রবণ করিয়া তৎক্ষণাৎ হজরত আলিকে ডাকিয়া বলিলেন, “আলি ! তুমি আবুবকরের পশ্চাদ্গামী হও, এবং তাঁহার নিকট কোরাণ শরিফের বারাত সুরার যে কয়েকটা আয়েত আছে, তাহা তাঁহার নিকট হইতে লইয়া হজের দিন সমবেত মুসলমানমণ্ডলীকে শ্রবণ করাহও ; এবং এই চারিটা আদেশ সকলকে বলিয়া দিও,—‘বিখাসী (মোমেন) ভিন্ন অন্য কেহ স্বর্গে প্রবেশ

করিতে পারিবে না, হজরতের সহিত তাহাদের সন্ধি স্থাপিত হইয়াছে, তাহাদের সহিত সেই সন্ধি নির্দ্ধারিত কাল পর্য্যন্ত বলবৎ থাকিবে। বিধিগণ চারি মাসের মধ্যে স্ব স্ব বাসস্থানে গমন করুক, ঐ চারি মাসের পর তাহাদের সহিত মুসলমানগণের আর কোন সন্ধি থাকিবে না। পরন্তু তাহাদের সহিত সন্ধি স্থাপিত হইয়াছে, কেবল তাহাদের সহিত মুসলমানগণের সন্ধি থাকিবে।”* হজরতের এই সকল উপদেশ গ্রহণ করিয়া হজরত আলি হজরত মহম্মদের আজবা নামক উদ্বোধন আরোহণপূর্বক মক্কার গমন করিলেন।

আবুল্লাহর পুত্র জাবের বলিয়াছেন, “আমি হজ করিবার জন্য হজরত আবুবকরের সমভিব্যাহারে মক্কার গিয়াছিলাম। যখন আমরা আর্জ নামক স্থানে উপস্থিত হইয়া প্রাতঃকালীন নামাজ পড়িবার উদ্যোগ করিতেছিলাম, তখন হজরত আলি আমাদের নিকট আসিয়া উপস্থিত হন। হজরত আবুবকর তাঁহাকে হঠাৎ উপস্থিত দেখিয়া জিজ্ঞাসা করিলেন, ‘আমিরোগ আও মামুরোগ অর্থাৎ তুমি কি নেতা হইয়া আসিয়াছ? আর আমি কি পদচ্যুত হইয়াছি? না তুমি আমার অধীনে আসিয়াছ?’ হজরত আলি বলিলেন, ‘মামুরোগ অর্থাৎ আমি আপনার অধীন হইয়া আসিয়াছি, নেতার কার্যাদি আপনার উপরই গুস্ত আছে; কেবল আমি সুরা বারাতের আয়েতগুলি পড়িতে ও অন্য চারিটা আদেশ লোকদিগের নিকট প্রচার করতে আদিষ্ট হইয়াছি।’ পরে আমরা নামাজ পড়িয়া মক্কার যাত্রা করিলাম। তথায় গিয়া হজরত শেষ হইলে, হজরত আবুবকর একটা ধোংবা (বক্তৃতা) পড়েন এবং সমবেত লোকদিগকে

* এখানে হেশাম ৯১১—৯২২ পৃঃ; এখানে অল-আসির ২য় খণ্ড ২২২ পৃঃ; আবুল ফেদা ৮৭ পৃঃ।

হজরত উদ্‌ঘাপন করিবার নিয়মাদি শিক্ষা দেন । হজরত আবুবকরের বক্তৃতা শেষ হইলে হজরত আলি দাওয়ায়মান হইয়া বারাত সুরার আয়েতগুলি পড়িলেন ও উপরোক্ত চারিটা আদেশ সকলকে শ্রবণ করাইলেন । এইরূপে সমুদয় কার্য শেষ হইলে আমরা মদিনায় প্রত্যাবর্তন করিলাম ।”

তাঁহারা মদিনায় প্রত্যাগমন করিলে হজরত আবুবকর হজরতের নিকট গিয়া বলিলেন, “হে ধর্মপ্রচারক ! আপনি কি দোষে আমাকে সুরা পাঠ করিতে দেন নাই ?” তখন হজরত বলিয়াছিলেন, ‘তোমার কোন দোষ নাই, তুমি গহ্বরে আমার সঙ্গী ছিলে এবং হাওজকাওসর তীরে আমার সঙ্গী হইবে । কিন্তু তোমরা মকায় যাত্রা করিলে জেব্রিল আমার নিকট আসিয়া বলেন, ‘কোরান-শরিফের আয়েতগুলি তুমি ও তোমার আয়্যায় (এক রক্তসম্বৃত) ভিন্ন অন্য কাহারও প্রচার করা উচিত নয় ।’ তজ্জগুই আমি আলিকে উহা প্রচারের জগু পাঠাইয়া দিয়াছিলাম ।” হজরত আবুবকর উহা শ্রবণ করিয়া সন্তুষ্ট হইলেন ।

কোরান-শরিফের বারাত সুরার আয়েতগুলি প্রচারিত হইলে প্রায় অধিকাংশ বিধর্মী ও অল্পবিশ্বাসী মুসলমান প্রকৃত মুসলমান হইয়া পড়ে ।

পঞ্চদশ পরিচ্ছেদ ।



দশম হিজরীর ঘটনাবলী ।

বনিহারেস ও বনিকায়াব দলস্থ লোকগণের ইসলামধর্ম গ্রহণ ।

হজরত মহম্মদ বনি-হারেস ও বনি-কায়াব দলস্থ লোকগণের নিকট ধর্ম প্রচারার্থ আলির্দে'র পুত্র খালেদকে পাঠাইয়া দিয়াছিলেন এবং তাঁহাকে বলিয়া দিয়াছিলেন যে, যদি বনি-হারেস ও বনি-কায়াব দলস্থ লোকগণ ইসলামধর্ম গ্রহণ করে, তাহা হইলে তুমি তাহাদের মধ্যে অবস্থানপূর্বক তাহাদিগকে কোরাণ-শরিফ ও ইসলামধর্মের রীতিনীতি সমূহ শিক্ষা দিও । খালেদ তাহাদের বাসস্থানে উপনীত হইলে তাহারা ইসলামধর্ম গ্রহণ করিল । তিনিও হজরতের আদেশানুসারে তাহাদিগকে কোরাণ শরিফ ও ইসলামধর্মের রীতিনীতি শিক্ষা দিতে লাগিলেন এবং হজরতের নিকট তাহাদের ইসলামধর্ম গ্রহণের সংবাদ পাঠাইয়া দিলেন । হজরত মহম্মদ সেই সংবাদ পাইয়া খালেদকে বলিয়া পাঠাইলেন, “তুমি বনি-হারেস ও বনি-কায়াব দলস্থ কতিপয় লোক সমভিব্যাহারে শীঘ্র আমার নিকট আইস ।” খালেদ হজরতের আদেশ প্রাপ্তিমাত্র তাহাদের কতিপয় লোককে সঙ্গে লইয়া হজরতের নিকট উপস্থিত হইলেন । তাহারা হজরতকে সালাম করিয়া বলিল, “আমরা সাক্ষ্য দিতেছি যে, খোদা-তায়ালার তির আর কেহ উপাস্ত নাই, আপনি খোদাতায়ালার প্রেরিত ।” অতঃপর হজরত তাহাদিগকে নানা প্রকার উপদেশ দিয়া স্বদেশে পাঠাইয়া

দিলেন; এবং হাসেনের পুত্র কারেসকে তাহাদের দলপতি করিয়া পাঠাইলেন ।

কতিপয় খৃষ্টধর্মাবলম্বীর সহিত হজরত মহম্মদের কথোপকথন ।

এই বৎসরে হজরত মহম্মদ ইমেন প্রদেশস্থ নাজরাণ নামক স্থানের খৃষ্টধর্মাবলম্বীদিগকে ইসলামধর্ম গ্রহণার্থ আহ্বান করেন। রওজতল আহবাব নামক গ্রন্থে লিখিত আছে যে, তাহাদের মধ্যে ১৪ জন লোক হজরতের বাবুতা দেখিবার জন্য মদিনায় আসিয়াছিল। মোয়াহেবেলদনুনিয়া নামক গ্রন্থে লিখিত আছে যে, তাহাদের মধ্যে ৬০ জন লোক মদিনায় আসিয়াছিল। তাহাদের মধ্যে ২৪ জন উচ্চবংশোদ্ভূত। আবার উক্ত ২৪ জনের মধ্যে আবুল-মসিঃআকেব, সৈয়দ আয়হাম এবং আবুলহারেস এই ব্যক্তিব্রম্ম পরম বিজ্ঞ ছিলেন, আবুলহারেস ইহাদের মধ্যে সর্বাধিক জ্ঞানগরীমান ছিলেন।

আবুল হারেসের ভ্রাতা কোর্জও তাঁহার সমভিব্যাহারে মদিনায় আসিয়াছিল, তাহাদের আগমনকালে পশ্চিমধ্যে একস্থানে আবুলহারেসের উষ্ট্র হঠাৎ পড়িয়া যাওয়াতে কোর্জ রাগান্বিত হইয়া হজরতের নানাপ্রকার নিন্দা করে। হারেস তাহা শুনিয়া কোর্জকে গালি দেন। কোর্জ ক্রুদ্ধ হইয়া হারেসকে বলে, “আমাকে গালি দিতেছেন কেন?” হারেস উত্তর করেন, “হজরত মহম্মদ খোদাতারালার প্রেরিত, তাঁহাকে নিন্দা করা অন্ত্যায়।” কোর্জ তৎশ্রবণে বলে, “তবে আপনি তাঁহার ধর্ম গ্রহণ করিতেছেন না কেন?” হারেস বলেন, “আমি কেবল লোকভয়ে তাঁহার ধর্ম গ্রহণ করিতে পারিতেছি না, যদি আমি তাঁহার ধর্ম গ্রহণ করি, তাহা

হইলে কেহ আমাকে আর সম্মান করিবে না।” তখন হারেসের কথা শুনিয়া কোর্জের অন্তর মধ্যে ইসলামধর্মের প্রতি ভক্তির উদয় হয়। পরে তাঁহারা সকলে মদিনায় আসিয়া উপনীত হন।

আবুলহারেস প্রভৃতি মদিনায় আসিয়া রেসমীবস্ত্র ও স্বর্ণ অঙ্গুরীয় প্রভৃতি বহুমূল্য পরিচ্ছদ ও অলঙ্কারাদি পরিধানপূরক হজরতের সহিত সাক্ষাৎ করিবার জন্ত মস্জিদে গমন করেন এবং তথায় হজরতকে দেখিতে পাইয়া সালাম করেন। হজরত তাঁহাদের সালামের কোন উত্তর দেন নাই, তাঁহাদের প্রতি নেত্রপাতও করেন নাই। তাঁহাদের নামাজের সময় উপস্থিত হইলে, তাঁহারা পূর্বাভিমুখীন হইয়া নামাজ পড়েন, সেই সময়ে কতিপয় মুসলমান তাঁহাদিগকে পূর্বাভিমুখীন হইয়া নামাজ পড়িতে নিষেধ করিবার উপক্রম করিলে, হজরত তাঁহাদিগকে বলেন, “তোমরা উহাদিগকে কিছুই বলও না, উহারা যে দিকে ইচ্ছা, সেই দিকে ফিরিয়া নামাজ পড়ুক।”

অনন্তর তাঁহারা নির্বিঘ্নে নামাজ পড়িয়া হজরতের নিকট গিয়া অনেক কথা বলেন, কিন্তু তিনি তাঁহাদের কথার কোন উত্তর দেন নাই। তৎপরে তাঁহারা মস্জিদ হইতে বাহর হইয়া হজরত ওসমান ও আবু হুর রহমানের নিকট গিয়া বলেন, “হজরত মহম্মদ আমাদিগকে ধর্ম গ্রহণার্থ আহ্বান করিয়াছিলেন তজ্জন্ত আমরা তাঁহার নিকট আসিয়াছি। কিন্তু আমরা তাঁহার নিকট গিয়া সালাম করিলে, তিনি আমাদের সালামের কোন উত্তর দিলেন না, কথাও কহিলেন না। তবে আমরা কি দেশে ফিরিয়া যাইব ? না আর কিছু দিন অপেক্ষা করিব ?” হজরত ওসমান ও আবু হুর রহমান উহাদের প্রস্তাব শুনিয়া হজরত আলির নিকট পরামর্শ করিতে গেলেন। হজরত আলি বলিলেন, “যদি উহারা রেসমী বস্ত্র ও স্বর্ণ অঙ্গুরীয় প্রভৃতি বহুমূল্য পরিচ্ছদাদি ত্যাগ করিয়া খৃষ্টীয় ধর্মযাজকের পরিচ্ছদ পরিধান-

পূর্বক হজরতের নিকট যান, তাহা হইলে তিনি উহাদের সহিত কথোপকথন করিবেন ।” হজরত ওসমান ও আবদুররহমান হজরত আলির প্রস্তাব তাঁহাদিগকে জানাইলে তাঁহারা রেসমা বন্দাদি ত্যাগ করিয়া হজরতের নিকট উপনীত হইলেন এবং তাঁহাকে সালাম করিলেন, তখন হজরত মহম্মদ তাঁহাদের সহিত কথোপকথন করিতে লাগিলেন । তৎপরে হজরত তাঁহাদিগকে ইসলামধর্ম গ্রহণ করিতে বলিলেন ; কিন্তু তাঁহারা তাঁহার সহিত ধর্ম সম্বন্ধে নানা তর্কবিতর্ক আরম্ভ করিলেন এবং হজরতকে বলিলেন, “আমরা সত্য ধর্মই আছি, তবে কেন ইসলামধর্ম গ্রহণ করিব।” হজরত মহম্মদ ইহা শ্রবণ করিয়া তাঁহাদিগকে তাঁহাদের ধর্মের কয়েকটি ভ্রমাত্মক মত দেখাইয়া দিলেন, কিন্তু তাঁহারা তাহা বিশ্বাস করিলেন না । তখন তিনি স্বর্গীয় আদেশের (অহির) অপেক্ষা করিতে লাগিলেন এবং তাঁহাদিগকে বলিলেন, “তোমরা অস্থ বাসস্থানে যাও, আগামী কলা আমার নিকট আসিও ।” তদনুসারে তাঁহারা স্ব স্ব বাসস্থানে চলিয়া গেলেন ।

আল্লাহতায়ালা অক্ষুণ্ণে সেই রাতেই তাঁহার নিকট স্বর্গীয় আদেশ অবতীর্ণ হইল । পরদিন তিনি তাঁহাদিগকে বলিলেন, “তোমরা আমার সহিত মোবাহেলা কর অর্থাৎ এস আমরা স্বীয় জ্ঞাপুত্রগণ সহ আল্লাতায়ালা নিকট প্রার্থনা করি যে, যাহারা মিথ্যাবাদী, তাহাদিগের উপর খোদাতায়ালা অভিসম্পাত অবতীর্ণ হউক ।” ইহা ব্যতীত তিনি তাঁহাদিগকে নিম্নলিখিত আয়েতটি শ্রবণ করাইলেন, “তদনন্তর তোমার এত বুঝাইবার পরে যাহারা এবিষয়ে তোমার সহিত তর্কবিতর্ক করিতে থাকে, তুমি বলিও, এস স্বীয় সন্তানদিগকে ও তোমাদের সন্তানদিগকে, স্বীয় জ্ঞীগণকে ও তোমাদের জ্ঞীগণকে, স্বীয় প্রাণকে ও তোমাদের প্রাণকে আহ্বান করি, অতঃপর কাতরভাবে খোদাতায়ালা নিকট প্রার্থনা করি,

আর বলি, মিথ্যাবাদীর প্রতি খোদাতায়ালার অভিসম্পাত হউক ।”
কলতঃ তাঁহারা ইহা শুনিয়াও ইসলামধর্ম গ্রহণ করিলেন না । তৎপরে
হজরত মহম্মদ মোবাহেলা করিতে প্রস্তুত হইলেন । তখন তাঁহারা
হজরতকে বলিলেন, “অনু আমাদিগকে ভাবিতে দেন, আগামী কল্য
আসিয়া মোবাহেলা করিব ।” হজরত তাঁহাদের প্রস্তাবে সম্মত হইলেন ।
তাঁহারা সকলে স্ব স্ব বাসস্থানে চলিয়া গেলেন ।

তাঁহারা বাসস্থানে গিয়া আকেবকে জিজ্ঞাসা করিলেন, “মোবাহেলা
করা সম্বন্ধে আপনার মত কি ?” আকেব বলিলেন, “হজরত মহম্মদ সত্যধর্ম-
প্রচারক, তাঁহার সহিত মোবাহেলা করিবার আবশ্যক নাই । পৃথিবীতে
যে কোন জাতি, যে কোন ধর্ম প্রচারকের সহিত মোবাহেলা করিতে
গিয়াছে, তাহারাই ধ্বংস প্রাপ্ত হইয়াছে । যদি তোমরা খৃষ্টধর্ম ভাঙ্গ
না কর, তাহা হইলে তাঁহার সহিত সন্ধি স্থাপন কর ।”

পর দিন তাঁহারা হজরতের নিকট আসিলে, তিনি মোবাহেলার ৬ম
প্রস্তুত হইলেন । অতঃপর তিনি স্বয়ং ফাতেমা জোহরা, হজরত আলি,
এমাম হাসান ও হোসেনকে সঙ্গে লইয়া উপস্থিত হইলেন এবং তাঁহাদিগকে
বলিয়া দিলেন, “যখন আমি খোদাতায়ালার নিকট প্রার্থনা করিব, তখন
তোমরা ‘আমিন’ বলিও ।” এই পাঁচ মহাত্মাকে “পঞ্চতনপাক” অর্থাৎ
পঞ্চ পবিত্র ব্যক্তি বলে । আকেব ও অপর সকলে ঐ ব্যাপার দর্শন
করিয়া ভীত হইল । তখন বিজ্ঞ হারেস সকলকে আহ্বান করিয়া বলিতে
লাগিলেন, “এই কয় ব্যক্তি ইচ্ছা করিলে পাহাড়কে এক স্থান হইতে
অন্য স্থানে লইয়া যাইতে পারেন । অতএব তোমরা উহাদের সহিত
মোবাহেলা করিও না, যদি মোবাহেলা কর, তাহা হইলে ধ্বংস প্রাপ্ত
হইবে ।” তখন তাঁহারা সকলে হজরতকে বলিলেন, “আমরা
মোবাহেলা করিব না ।” ইহা শুনিয়া হজরত বলিলেন, “তবে তোমরা

ইসলামধর্ম গ্রহণ কর।” কিন্তু তাঁহারা তাহাতে স্বীকৃত না হইয়া সন্ধির প্রার্থনা করিল এবং প্রত্যেক বৎসর উপঢৌকন স্বরূপ ২০০০ কার্পাস নির্মিত বস্ত্র দিতে চাহিলেন। হজরত মহম্মদ তাঁহাদের প্রস্তাবে সম্মত হইয়া বলিলেন, “তোমরা সূদ গ্রহণ করিও না।” তাঁহারা তাহাতে স্বীকৃত হইলেন। তৎপরে সন্ধিপত্র লেখা হইল। তাঁহারা গৃহে গমনকালে জারার পুত্র বিজ্ঞ আবুওবেদাকে তাঁহাদের দেশের বিচারক পদে নিযুক্ত করিয়া লইয়া গিয়াছিলেন। ইহার কিছুদিন পরে সৈয়দ ও আকেব হজরত মহম্মদের নিকট আসিয়া মুসলমান হইয়াছিলেন। তাঁহাদের গৃহ গমনকালে হজরত মহম্মদ আবুলহারেসকে বলিয়াছিলেন, “আবুলহারেস! আমি এখন দেখিতে পাইতেছি যে, তুমি গৃহে গিয়া যেন এক দিন তোমার উষ্ট্রের হাওদার সম্মুখে নিদ্রা গিয়াছ এবং হঠাৎ জাগরিত হইয়া উঠিয়া উষ্ট্রের পৃষ্ঠে হাওদাটি উল্টা করিয়া স্থাপন করিয়াছ।” আবুলহারেসের গৃহ প্রত্যাগমনের কয়েক দিন পরেই একদা উপরোক্তরূপ ঘটনা সংঘটিত হইয়াছিল। তখন তাঁহার অন্তর মধ্যে হজরতের ভবিষ্যদ্বাণীর বিষয় উদ্ভিত হওয়ায় তিনি তৎক্ষণাৎ কলেমা পড়িয়া মুসলমান হইয়াছিলেন।

ইমেনের শাসনকর্তা বাজানের মৃত্যু ।

এই বৎসরে ইমেনের শাসনকর্তা বাজানের মৃত্যু হয়। তখন হজরত মহম্মদ তাঁহার রাজ্য কয়েক অংশে বিভাগ করেন। তাহার মধ্যে এক অংশ বাজানের পুত্র সহবকে, এক অংশ আবু-মুসা-আস্ফারিকে, এক অংশ ওমাইরার পুত্র ইয়ালাকে এবং অবশিষ্টাংশটি জবলের পুত্র মায়াজকে প্রদান করেন। বাজান পারস্য সম্রাট খসরুর অধীনে ইমেনের

শাসনকর্তা ছিলেন। ইহার ইসলাম ধর্ম গ্রহণ করিবার বিষয় পূর্বে লিখিত হইয়াছে।

হজরত মহম্মদ জবলের পুত্র মায়াজকে নিয়লিখিত উপদেশ দিয়া আদন প্রদেশে পাঠাইয়াছিলেন।—“মায়াজ ! তুমি তত্রস্থ অধিবাসীদিগের প্রতি দয়ালু ব্যবহার করিও, কাহারও প্রতি কঠোর ব্যবহার করিও না, কাহাকেও তিরস্কার করিও না এবং সকলকে সন্তুষ্ট রাখিতে চেষ্টা করিও। তথায় একদল লোকের সহিত তোমার সাক্ষাৎ হইবে, তাহারা আহলেকেতাব অর্থাৎ খৃষ্টধর্মাবলম্বী। যখন তুমি তাহাদের নিকট উপস্থিত হইবে, তখন তাহাদিগকে ইসলামধর্ম গ্রহণ করিতে বলিও। যদি তাহারা ইসলামধর্ম গ্রহণ করে, তাহা হইলে তাহাদিগকে জাকাত দিতে বলিও। যদি তাহারা জাকাত দেয়, তাহা হইলে ঐশ্বর্যশালী লোকদিগের নিকট হইতে জাকাত লইয়া তথাকার দরিদ্রলোকগণকে দান করিও। কিন্তু তাহাদের সম্পত্তির মধ্য হইতে উত্তম উত্তম দ্রব্যাদি জাকাতের জন্য বাচিয়া লইও না, কিম্বা কাহাকেও জাকাতের জন্য উৎপীড়ন করিও না। খোদাতায়ালার উৎপীড়িত ব্যক্তির প্রার্থনা গ্রহণ করেন।”

খালেদ ও হজরত আলিকে ধর্ম-প্রচারার্থ প্রেরণ।

হজরত মহম্মদ নাজরাণের অধিবাসী আবুল মাদান দলস্থ লোক-গণের নিকট মহাবীর খালেদকে ধর্ম-প্রচারার্থ পাঠাইয়া দেন। বীরবর খালেদ তথায় গিয়া তাহাদিগকে ইসলামধর্মে দীক্ষিত করেন।

হজরত মহম্মদ হজরত আলির সমভিব্যাহারে ৩০০ লোক দিয়া ইমেনে ধর্ম প্রচারার্থ পাঠাইবার সময় তাঁহাকে বলেন, “আলি ! তুমি ইমেনে

প্রদেশে যাও । যদি তথাকার অধিবাসিগণ অগ্রে তোমাকে আক্রমণ না করে, তাহা হইলে তুমি তাহাদের সঙ্গে যুদ্ধ করিও না । তাহাদিগকে ইসলামধর্ম গ্রহণ করিতে আহ্বান করিও ; যদি তাহারা ইসলামধর্ম গ্রহণ করে, তাহা হইলে তাহাদিগকে নামাজ পড়িতে ও জাকাৎ দিতে বলিও । যদি তাহারা জাকাৎ দেয়, তাহা হইলে সেই সকল জাকাতের দ্রব্যাদি তথাকার ভিক্ষুকদিগকে দান করিও ।” হজরত আলি এতৎ শ্রবণে হজরতকে বলেন, “হে ধর্ম প্রচারক ! আপনি আমাকে ইমেন প্রদেশে পাঠাইতেছেন, তথাকার অধিবাসিগণ আহলে-কেতার অগাৎ খৃষ্টধর্মাবলম্বী । আমি যুবক, ধর্মনীতি ও বিচারশক্তি বিষয়ে আমার তত পারদর্শিতা নাই ; আমি তাহাদের নিকট গিয়া কেমন করিয়া ধর্ম-বিষয়ে ওর্কবিতর্ক করিব ?” তখন হজরত মহম্মদ, হজরত আলির বক্ষঃস্থলে হস্তার্পণ করিয়া বলিলেন, “আল্লা হোম্মা সাবেৎ লেসানাছ ও আহ্দ্দে কাল্বাহ্” অর্থাৎ হে খোদাতায়াল্লা ! ইহার বাক্যকে ঠিক রাখুন এবং ইহার অন্তরকে সৎপথ প্রদর্শন করুন ।” তদবধি হজরত আলি এক জন সুস্মদর্শী বিচারক বলিয়া অভিহিত হইয়াছিলেন । তদনন্তর তিনি ইমেনে গমনপূর্বক তথাকার অধিকাংশ অধিবাসীকে ও বনি হামদান দলস্থ সমুদয় লোককে ইসলামধর্মে দীক্ষিত করিলেন । হজরত মহম্মদ এই সংবাদ শ্রবণ করিয়া পরম সন্তোষ লাভ করিলেন । হজরত আলির ইমেনে অবস্থানকালে হজরত মহম্মদ হজ্জ করিবার জন্ত মক্কায় গমন করেন, হজরত আলিও ইমেন হইতে মক্কায় গিয়া হজরতের সহিত মিলিত হইয়াছিলেন ।

হাজ্জতল ভেদা ।

এই বৎসরের শেষভাগে হজ্জরত মহম্মদ মক্কার হজ্জরত উদ্যাপন করিতে যাইবেন বলিয়া আরবের সর্বত্র প্রচার করিয়া দিলেন । প্রত্যেক স্থানের মুসলমানগণ হজ্জরতের হজ্জরত উদ্যাপন করিবার সংবাদ পাইয়া দলে দলে মদিনায় আসিয়া উপস্থিত হইতে লাগিলেন । এই হজ্জরত উদ্যাপন করাকে হাজ্জতল-ভেদা কিম্বা হাজ্জতল-ইস্লাম বলে । ইহাকে হাজ্জতল-ভেদা বলিবার কারণ এই যে, হজ্জরত মহম্মদ হজ্জের দিনে সমবেত মুসলমানমণ্ডলীকে আহ্বান করিয়া বলিয়াছিলেন, “মুসলমানগণ ! এই বৎসর তোমরা আমার নিকট হজ্জের নিয়মাদি শিক্ষা কর । আমি জানি না যে, আগামী বৎসরে আমি তোমাদের সহিত একত্রিত হইয়া হজ্জরত উদ্যাপন করিতে পারিব কি না, কিম্বা জীবিত থাকিব কি না ।” ভেদা শব্দটির অর্থ বিদায় অর্থাৎ হজ্জরত মহম্মদ এই হজ্জের সময় সকলের নিকট হইতে বিদায় লইয়াছিলেন । ইহাকে হাজ্জতল-ইস্লাম বলিবার কারণ এই যে, এই হজ্জের সময়ে হজ্জরত মহম্মদ মুসলমানদিগকে বহুল পরিমাণে ইসলামধর্মের রীতিনীতি শিক্ষা দিয়াছিলেন ।

জেলকাদ মাস শেষ হইবার পূর্বে অসংখ্য মুসলমান হজ্জরতের সহিত যোগ দিবার জন্ত মদিনায় আসিয়া উপস্থিত হইলেন । এই সময়ে ১২৪০০০ মুসলমান, কেহ বলেন, ৯০,০০০, কেহ বলেন, ১৪০০০ মুসলমান তাঁহার সঙ্গে হজ্জ করিতে গিয়াছিলেন । * সেই সময়ে মদিনার চতুর্দিকে অগণ্য নরমুণ্ড ব্যতীত আর কিছুই দৃষ্টিপথে পতিত হয় নাই । ২৫শে জেলকাদ (৬৩২ খৃঃ অব্দের ২৩শে ফেব্রুয়ারি) শনিবারে

* এখানে হেশাম ৯৬৬ পৃঃ ; এখানে জল-আসির ২য় খণ্ড ২৩০ পৃঃ ।

হজরত মহম্মদ স্নান করিয়া কেশ বিজ্ঞাসপূর্বক তৈল ও সুগন্ধি দ্রব্যাদি দ্বারা স্বীয় দেহ ও বস্ত্রাদি সুবাসিত করিলেন এবং জোহরের নামাজ পড়িয়া শিষ্যগণসহ এহরামের বস্ত্রাদি পরিধানপূর্বক মদিনা হইতে বহির্গত হইলেন । পরে কয়েক দিন গমনের পর তাঁহারা জোলহলিকা নামক স্থানে উপস্থিত হইয়া আসরের নামাজ পড়িবার সময় কসর * পড়িলেন । তৎপরে এহরাম বাঁধিয়া লাক্বায়কা (এক প্রকার প্রার্থনা) পড়িয়া কাসোয়া নামক উষ্ট্রোপরি আরোহণপূর্বক আবার লাক্বায়কা পড়িলেন । তিনি গমনকালে পথিমধ্যে কোন উচ্চস্থানে উঠিলে উচ্চৈঃস্বরে তালবিয়া (এক প্রকার প্রার্থনা) পড়িতেন, শিষ্যগণও তাঁহার সঙ্গে সঙ্গে তালবিয়া পড়িতেন । যখন সেই সকল লোক একত্র হইয়া প্রার্থনা করিতেন, তখন বোধ হইত, যেন মরুভূমি বাকুশক্তি প্রাপ্ত হইয়াছে । এইরূপ কয়েকদিন গমনের পর, তিনি ৪ঠা জেলহজ্জ শনিবারে মক্কা প্রবেশদ্বারের নিকট উপনীত হইলেন এবং তথায় স্নান করিলেন । সেই দিন প্রাতে তিনি জহ্নন নামক সমাধিক্ষেত্র ও কাদা নামক পাহাড়ের মধ্যবর্তী স্থান দিয়া মক্কা নগরে প্রবেশ করিলেন এবং বাব্-সুসালাম নামক বনি শায়বার দ্বারদেশে উপনীত হইয়া কাবা দর্শন করিয়া প্রার্থনা করিতে করিতে অগ্রসর হইলেন । পরে হজ্জ-রোলআসোয়াদের নিকট গিয়া তাঁহাকে স্পর্শ ও চুম্বন করিলেন, এবং সাতবার কাবা প্রদক্ষিণ করিলেন । এই প্রদক্ষিণ করাকে “তোয়াফে

* প্রবাসী যে পর্য্যন্ত আপন আলয়ে প্রত্যাগত না হয় কিম্বা কোন নগরে বা গ্রামে পনের দিন বা ততোধিক কাল থাকিবার মনন না করে, সে পর্য্যন্ত সে ব্যক্তি কসর চারি রেকাতের স্থলে দুই রেকাত নামাজ পড়িবে । এইরূপ নামাজ পড়াকে “কসর” বলে ।

কহুম” বলে । কাবা প্রদক্ষিণ শেষ হইলে তিনি “মোকামে ইব্রাহিমের” † নিকট গিয়া দুই রেকাত নামাজ পড়িলেন এবং নামাজ পড়া শেষ হইলে পুনরায় হজ্জরোল আসোন্নাদের নিকট আসিয়া তাঁহাকে স্পর্শ ও চুম্বন করিলেন । তৎপরে তথা হইতে সাফা পাহাড়োপরি গিয়া তাহার সর্বোচ্চ শিখরোপরি আরোহণ করিলেন । যখন কাবা মস্জিদ তাঁহার দৃষ্টিপথে পতিত হইল, তখন তিনি তক্বির পড়িয়া তহলিলু (এক প্রকার প্রার্থনা) পড়িতে লাগিলেন । প্রার্থনা শেষ হইলে তিনি তথা হইতে নিম্নে আসিয়া মারওয়ান পাহাড়ে গমন করিলেন এবং সাফা ও মারওয়ান মধ্যবর্তী স্থানে সাতবার গমনাগমন করত নির্দ্ধারিত ধর্ম-কর্ম যথানিয়মে সম্পন্ন করিলেন । এই সময়ে হজরত আলি ইমেন হইতে আসিয়া তাঁহার সহিত মিলিত হন । এইরূপ অবস্থায় চারি দিন মক্কার অতিবাহিত হইলে তিনি বৃহস্পতিবারে শিবাগণসহ মিনায় গমন করিলেন এবং সেখানে জোহর ও আসরের নামাজ পড়িয়া রাত্রি যাপনাতে পর দিন সূর্যোদয় হইলে আরফাতে আসিলেন । আগমন কালে পশ্চিমধ্যে কেহ তক্বির, কেহ বা তালবিয়া পড়িতে লাগিলেন, কিন্তু হজরত মহম্মদ কাহাকেও তদ্বিষয়ে নিষেধ করেন নাই ।

আরফাতের নিকটস্থ নমের্বাঃ নামক স্থানে মুসলমানগণ শিবির স্থাপন করেন । হজরত তথায় ফজরের নামাজ পড়িয়া উষ্ট্রোপরি আরোহণ-পূর্বক বতনেওয়াদি নামক স্থানে গিয়া একটা হৃদয়গ্রাহী ও উপদেশপূর্ণ

† কাবা মস্জিদের একপার্শ্বে একখণ্ড প্রস্তরের উপরে মহান্না ইব্রাহিমের পদচিহ্ন আছে । সেই প্রস্তরখণ্ডকে “মোকামে ইব্রাহিম” বলে । কথিত আছে যে, কাবা নির্মাণ সময়ে মহান্না ইব্রাহিম এই প্রস্তরখণ্ডোপরি উপবেশনপূর্বক প্রাচীর নির্মাণ করিতেন । সেই সময়ে এই প্রস্তরখণ্ডটা তাঁহার মঞ্চের কার্য সম্পন্ন করিয়াছিল ।

বক্তৃতা করিলেন। সেই বক্তৃতার তিনি মুসলমানগণকে ইসলামধর্মের রীতিনীতি, ইসলামধর্ম আবির্ভাব হইবার পূর্বে আরববাসিগণের রীতিনীতির দোষবর্ণন এবং পরস্পরকে হত্যা করা ও চুরি করা যে হারাম (নিষিদ্ধ), তাহা বিশদরূপে বুঝাইয়া দিলেন। তিনি বলিলেন, “যদি কাহারও উপর কাহার প্রতিহিংসা লইবার ইচ্ছা থাকে, তাহা হইলে সে ইচ্ছা তোমরা ত্যাগ কর।” বিশেষতঃ সকলকে সুদ-গ্রহণের অবৈধতা বিশদরূপে বুঝাইয়া দিয়া তাহা গ্রহণ করিতে নিষেধ করিলেন। পরে তিনি সকলকে আহ্বান করিয়া বলিলেন, “হে মুসলমানগণ! তোমাদের কর্তব্যকর্ম তোমাদের স্ত্রীর উপর ও তোমাদের স্ত্রীর কর্তব্যকর্ম তোমাদের উপর স্তম্ভ রহিয়াছে। তোমরা তোমাদের স্ত্রীর প্রতি দয়ালু ব্যবহার করিও, নিশ্চয়ই তোমরা আল্লাতায়ালাকে সাক্ষ্য করিয়া তাহাদিগকে গ্রহণ করিয়াছ। তোমরা যেরূপ আহার কর, তোমাদের ক্রীতদাসীগণকেও সেই রূপ দ্রব্যাদি আহার করিতে দিও। যদি তাহারা কোন অপরাধ করে, এবং যদি তোমরা তাহাদের অপরাধ মার্জনা না কর তাহা হইলে তাহাদিগকে বিদায় দিও; জানিও যে, তাহারা খোদাতায়ালার দাস, তাহাদের প্রতি অশ্রদ্ধা ব্যবহার করা অনুচিত। আমি তোমাদের মধ্যে যাহা রাখিয়া যাইতেছি, যদি তোমরা তাহা অবলম্বন করিয়া থাক, তাহা হইলে পথভ্রান্ত হইবে না।” এই বক্তৃতার পর তিনি আবার শিষ্যগণকে আহ্বান করিয়া বলিলেন, “আমি তোমাদের প্রতি কিরূপ ব্যবহার করিয়াছি, এই কথা কেয়ামতের (শেষ বিচারের) দিন যখন তোমরা জিজ্ঞাসিত হইবে, তখন তোমরা কি উত্তর দিবে ?” তাহারা বলিলেন, “হে ধর্মপ্রচারক! আমরা সাক্ষ্য দিব যে, আপনি আমাদের খোদাতায়ালার আদেশসমূহ শিক্ষা দিয়াছেন এবং আপনার দৌত্য কার্য উত্তমরূপে সম্পন্ন করিয়াছেন, আর আপনি ধর্মপথে থাকিয়া সত্যধর্ম

প্রচারে বিশেষ যত্নবান্ হইয়াছিলেন ।” তৎপরে হজরত মহম্মদ তিন বার অঙ্গুলি ঘুরাইবার সময়ে প্রত্যেক বার নিম্নলিখিত করেকটী কথা বলিলেন,—“আল্লা হোম্মা এস্‌হাদ্ ।” আবার তিনি শিষ্যগণকে আহ্বান করিয়া বলিলেন, “হে মুসলমানগণ ! তিনটী বিষয় অস্তুরগণকে পবিত্র করে ;—১ম, কার্যে সততা প্রদর্শন করা ;—২য়, মুসলমান ভ্রাতাগণের উন্নতি সাধন করা ;—৩য়, মুসলমান সমাজ ত্যাগ না করা ।” এই সময়ে আব্বাসের পুত্র আবদুল্লাহর জননী ওম্মে-ফজল হজরতকে দুধ পান করিতে দিলেন । হজরত তাহা পান করিলেন । ইহাতে সকলে জানিতে পারিলেন যে, সেই সময়ে হজরত উপবাসী (রোজাদার) নহেন । পরে উষ্ট্রের পৃষ্ঠ হইতে অবতীর্ণ হইয়া, তিনি বেলালকে আজান দিতে বলিলেন । বেলাল আজান দিলে তিনি আসর ও জোহরের নামাজ পড়িলেন । সূর্যাস্ত পর্যাস্ত তিনি সেইস্থানে রহিলেন । সেই সময়ে কোরাণ শরিফের নিম্নলিখিত আয়েতটী অবতীর্ণ হয়, “অত্ম আমি তোমার জন্ত তোমার দীনকে (ধর্মকে) পূর্ণ করিয়াছি এবং তোমার উপর আমার নেয়ামত (অনুগ্রহ) শেষ করিয়াছি * * * ।”

উপরোক্ত আয়েতটী শ্রবণ করিয়া সকলেই সন্তুষ্ট হইলেন । কিন্তু হজরত আবুবকর সন্তুষ্ট না হইয়া অশ্রুপাত করিতে লাগিলেন, কারণ তিনি বুঝিতে পারিলেন যে, হজরত মহম্মদ আর অধিক দিন পৃথিবীতে থাকিবেন না । সেই দিন সন্ধ্যার সময় হজরত মহম্মদ জরদের পুত্র ওসামাকে স্বীয় উষ্ট্রোপরি লইয়া যুহু যুহু গমনে মিনার বাজারামুখে যাত্রা করিলেন এবং শিষ্যগণকে আস্তে আস্তে সজোতি বলিলেন । তিনি মেনার আসিয়া ১০০ উষ্ট্র কোরবানি দিলেন এবং অল্প পরিমাণে উষ্ট্রের মাংসরন্ধন করিয়া তিনি ও হজরত আলি একত্রে ভোজন করিলেন । পরে তিনি মন্তকমুওন করিলেন ; শিষ্যগণ তাঁহার স্মরণ চিহ্ন রাখিবার জন্ত সেই পবিত্র

কেশগুচ্ছ আপনাদের মধ্যে বিভাগ করিয়া লইলেন । পরে তথা হইতে বেলা দুইপ্রহরের পূর্বে তিনি মক্কায় আসিয়া উষ্ট্রপৃষ্ঠে আরোহণপূর্বক কাবা প্রদক্ষিণ করিলেন । এই প্রদক্ষিণকে ‘তোয়াফে জেয়ারৎ’ বলে । অনন্তর তিনি আবার মিনায় গিয়া জোহরের নামাজ পড়িলেন ও তথায় রজনী অতিবাহিত করিলেন । তিনি প্রাতে হজের অবশিষ্ট কার্যাদি শেষ করিয়া মক্কায় আসিলেন এবং কাবা প্রদক্ষিণ করিলেন । সেই প্রদক্ষিণ করাকে “তোয়াফেভেদা” অর্থাৎ বিদায়কালীন প্রদক্ষিণ বলে । পরে জম্মজম কূপের নিকট গিয়া একটু জল তুলিয়া পান করিলেন । পুনরায় তিনি কাবার নিকট গিয়া বিদায়কালীন প্রার্থনা করিবার সময়ে অশ্রুপাত করিতে লাগিলেন এবং তথা হইতে ফজরের নামাজ পড়িয়া মদিনায় যাত্রা করিলেন । তৎপরে কয়েক দিন গমনের পর তিনি মদিনায় উপনীত হইয়া তিন বার তকবির ও তালবিয়া পড়িলেন ।

হজরত মহম্মদ মক্কা হইতে মদিনায় আগমন কালে পথিমধ্যে গদিরথম নামক স্থানে শিষ্যগণকে আহ্বান করিয়া বলেন, “হে মুসলমানগণ! তোমরা কি জান না যে, আমি তোমাদের স্ব স্ব আত্মা অপেক্ষাও তোমাদের হিতৈষী বন্ধু ?” শিষ্যগণ বলিলেন, “হে ধর্মপ্রচারক! আপনি আমাদের আত্মা অপেক্ষাও আমাদের প্রিয় সুহৃৎ ।” তৎপরে তিনি তাঁহাদিগকে বলিলেন, “মুসলমানগণ! খোদাতায়ালা আমাকে আহ্বান করিয়াছেন, আমিও তাঁহার নিকট যাইবার জন্ত প্রস্তুত হইতেছি । তোমরা জানিও যে, আমি তোমাদের মধ্যে দুইটী বস্তু রাখিয়া যাইতেছি—কোরাণ শরিফ ও আহলেগুবারেৎ (আমার আত্মীয়গণ) । তোমরা তাহাদের সহিত সহ্যবহার করিও । তোমরা জানিও যে, খোদাতায়ালা আমার প্রভু, আর আমি বিশ্বাসিগণের (মোমেনিন্) প্রভু ।” পরে তিনি হজরত আলির হস্ত ধারণপূর্বক বলিতে লাগিলেন, “হে

আল্লাতায়াল্লা ! আমি যাহার প্রভু, আলিও তাহার প্রভু । হে খোদাতায়াল্লা ! যাহারা আলিকে ভাল বাসিবে, আপনিও তাহাদিগকে ভাল বাসিবেন ।”

সত্যের জয় ।

যখন হজরত মহম্মদের ধর্মোপদেশে আরবের কুসংস্কার ও ভ্রান্তবিশ্বাস বিলুপ্ত হইল, তখন মানবগণ দলে দলে কুসংস্কারবিবর্জিত পবিত্র ইসলামধর্ম গ্রহণ করিতে লাগিল । তখন কোন মানবীয় ক্ষমতাই সত্যের গতিরোধ করিতে সক্ষম হয় নাই । এক্ষণে ইসলাম ধর্মের বিপক্ষগণ স্পষ্ট দেখিতে পাইবেন যে, হজরত মহম্মদের প্রেরিতত্ব লাভের পর হইতে হিজরীর ৬ষ্ঠ অর্ধ পর্য্যন্ত ইহুদী এবং পৌত্তলিকগণ সত্যধর্মের উচ্ছেদ সাধন করিবার জন্য প্রাণপণে চেষ্টা করিয়াও সফল মনোরথ হইতে পারে নাই । কিন্তু অবশেষে যখন পৌর্ণমাসী শশধরের বিমল কিরণ সদৃশ পবিত্র ইসলামধর্মের পবিত্র জ্যোতিঃ চতুর্দিকে বিস্তারিত হইতে লাগিল ; তখন ইহুদী, খৃষ্টান ও পৌত্তলিকগণ দলে দলে সেই জ্যোতির অনুসরণ করিতে পবৃত্ত হইল । নবম ও দশম হিজরীতে যে সকল সম্প্রদায় হজরতের নিকট আসিয়া ইসলামধর্ম গ্রহণ করিয়াছিল, তাহাদের মধ্যে কতকগুলির নাম নিম্নে প্রদত্ত হইতেছে ।

১। বনি আমের—ইহারা হাওয়াজেন বংশোদ্ভব ; নজ্দ প্রদেশে ইহাদের বাসস্থান ছিল । ইহারা হোনেরের যুদ্ধে হাওয়াজেন দলস্থ অন্ত্যান্ত লোকের পক্ষাবলম্বন করে নাই ।

২। বনি আবদলকাস—এই বংশ পূর্বে খ্রীষ্টধর্মাবলম্বী ছিল ।

৩। বনি আহমাস—ইহারা কহ্তান বংশোদ্ভব, ইমনের অধিবাসী ।

৪। বনি আনাজা—

৫। বনি আসাদ—এই দলস্থ দশ জন লোক হজরতের নিকট আসিয়া মুসলমান হইল, পরে স্বদেশে প্রত্যাগমনপূর্বক স্বদেশস্থ সকলকে ইসলামধর্মে দীক্ষিত করে।

৬। বনি আজ্দ—ইহারা কহতান বংশোদ্ভব এবং অমানের অধিবাসী।

৭। বনি আজ্দ—ইহারা কহতান বংশোদ্ভব, ইমেনের অধিবাসী।

৮। বনি বহিলা—ইহারা গাৎফান বংশোদ্ভব।

৯। বনি বাহরা—ইহারা খায়াজা বংশোদ্ভব।

১০। বনি বাজিলা—কহতান বংশোদ্ভব, ইমেনের অধিবাসী, ইহারা ইসলামধর্ম গ্রহণ করিয়া প্রসিদ্ধ কলাসা দেবমূর্তিকে ধ্বংস করে।

১১। বনি বাকা—ইহারা মধ্য আরবের বনি আমের বংশোদ্ভব।

১২। বনি বকর-বেন-অয়েল—ইহারা পারশ্বোপসাগরের তীরে বাস করিত।

১৩। বনি বালি—ইহারা কহতান বংশোদ্ভব, আরবের উত্তরাংশে সুরিয়ার নিকট বাস করিত।

১৪। বনি বারেক—ইহারা খায়াজা বংশোদ্ভব।

১৫। বনি দারী—

১৬। বনি ফারোয়া—ইহারা বনি জজাম বংশোদ্ভব, অমান প্রদেশে ইহাদের বাসস্থান ছিল। ইহারা ৮ম হিজরীতে হজরতের নিকট আসিয়া ইসলামধর্ম গ্রহণ করে।

১৭। বনি ফাজারা—হজরত মহম্মদ তবুকে অবস্থানকালে ইহারা মুসলমান হইবার জন্য মদিনায় আইসে; হজরত মদিনায় প্রত্যাগমন করিলে ইহারা ইসলামধর্ম গ্রহণ করে।

১৮ । বনি গাফিক—ইহারা কহতান বংশোদ্ভব ।

১৯ । বনি গনিম্—ইহারা ইমেনের অধিবাসী ।

২০ । বনি গাচ্ছান—

২১ । বনি হামাদান—ইহারা কহতান বংশোদ্ভব, ইমেন্ প্রদেশের পূর্বাংশে বাস করিত ।

২২ । বনি হানিফা—ইহারা বনি বকর বংশোদ্ভব, জামামা প্রদেশে ইহাদের বাসস্থান ছিল । ইহারা পূর্বে খৃষ্টধর্মাবলম্বী ছিল ।

২৩ । বনি হারেস—ইহারা কহতান বংশোদ্ভব, নাজরাণ প্রদেশে বাস করিত । ইহারা পূর্বে খৃষ্টধর্মাবলম্বী ছিল ।

২৪ । বনি হেলাল-বেন-আমের—ইহারা গাৎফান বংশোদ্ভব, ইহাদের বিষয় পূর্বে বর্ণিত হইয়াছে ।

২৫ । বনি হিমিয়ার—ইহাদের বাসস্থান ইমেনে ছিল । ইহাদের মধ্যে রোয়েন, মুয়াফের, হামাদান ও বাজান নামক চারিজন রাজপুত্র ইসলামধর্ম গ্রহণ করিয়া হজরত মহম্মদকে সংবাদ পাঠাইয়া ছিলেন । ইহারা পূর্বে খৃষ্টধর্মাবলম্বী ছিল ।

২৬ । বনি জামাদ—ইহারা বনি আমের বংশোদ্ভব ।

২৭ । বনি জাফের-বেন-কেলাব-রাবিয়া—ইহারা বনি আমের বংশোদ্ভব ।

২৮ । বনি জেফার-বেনল-জালান্দি—ইনি অমানের রাজা ছিলেন ; ইনি শীঘ্র প্রজাবর্গসহ ইসলামধর্ম গ্রহণ করেন ।

২৯ । বনি জনিহা—

৩০ । বনি জুফি—ইহারা কহতান বংশোদ্ভব । ইমেনে ইহাদের বাসস্থান ছিল ।

৩১ । বনি কাল্ব—ইহারা হিমিয়ার বংশোদ্ভব, আরবের উত্তরাংশে বাস করিত ।

৩২। বনি খস্ম্-বেন-আন্মার—ইহারা কহতান বংশোদ্ভব ; ইমেনের পার্শ্বত্যা প্রদেশে বাস করিত ।

৩৩। বনি খাওলান—ইহারা কহতান বংশোদ্ভব ; ইমেনের সমুদ্র-তীরবর্তী প্রদেশে বাস করিত ।

৩৪। বনি কেলাব—ইহারা হাওয়াজেন বংশোদ্ভব ।

৩৫। বনি কেনানা—ইহাদের দলপতি ওয়াসেলা হজরতের নিকট আসিয়া মুসলমান হইয়াছিলেন এবং স্বদলস্থ সকলকে ইসলামধর্মে দীক্ষিত করেন ।

৩৬। বনি কেন্দা—ইহারা কহতান বংশোদ্ভব । এই দল অতিশয় ক্ষমতাশালী ছিল ।

৩৭। বনি মহরা—ইহারা পাজায়া বংশোদ্ভব ।

৩৮। বনি মোহরেব—ইহারা গাৎফান বংশোদ্ভব ।

৩৯। বনি মোরাদ—ইহারা কহতান বংশোদ্ভব ।

৪০। বনি মোন্তাকেক্—ইহারা বনি আমের বংশোদ্ভব ।

৪১। বনি মোরাঃ—ইহাদের দলস্থ ১৩ জন লোক হজরত মহম্মদের নিকট আসিয়া প্রথমে ইসলামধর্ম গ্রহণ করেন । তৎপরে তাঁহারা স্বকীয় বাসস্থানে প্রত্যাগমনপূর্বক সকলকে মুসলমান করেন ।

৪২। বনি নাখা—ইহাদের দলস্থ ২০০ জন লোক হজরত মহম্মদের নিকট আসিয়া প্রথমে মুসলমান হয় ।

৪৩। বনি নহদ্—ইহারা হিমিরার বংশোদ্ভব ।

৪৪। বনি ওজরা—ইহারা খাজায়া বংশোদ্ভব, সুরিয়ার বাস করিত ।

৪৫। বনি রাহা—ইহারা কহতান বংশোদ্ভব ।

৪৬। বনি রাওরাসা—ইহারা বনি আমের বংশোদ্ভব ।

৪৭। বনি সাদ-হোজেম—ইহারা খাজায়া বংশোদ্ভব ।

৪৮। বনি সাদেফ—ইহারা কহতান বংশোদ্ভব ।

৪৯। বনি সদ্দুম্—ইহারা বনি হানিফা বংশোদ্ভব ।

৫০। বনি সহিম—ইহারা বনি সয়বান্ বংশোদ্ভব ।

৫১। বনি সাকিফ—ইহারা হাওয়াজেন বংশোদ্ভব । ইহারা প্রসিদ্ধ লাৎদেবীর উপাসনা করিত । ইহাদের দলপতি আরোয়া মদিনায় আসিয়া ইসলামধর্ম গ্রহণ করেন ও স্বদেশে প্রত্যাবর্তনপূর্বক সকলকে ইসলামধর্ম গ্রহণ করিতে বলেন ; কিন্তু তাহারা তাঁহার উপদেশ অগ্রাহ্য করিয়া তাঁহাকে হত্যা করে । তিনি মৃত্যুকালে ধর্ম সহস্রক্রে কয়েকটি উপদেশপূর্ণ কথা বলিয়া যান, তাঁহার সেই উপদেশবাণী শ্রবণ করিয়া সাকিফ দলস্থ লোকগণের অন্তর মধ্যে ইসলাম ধর্মের জ্যোতিঃ উদিত হয় । তখনই তাহাদের মধ্য হইতে ২০ জন লোক হজরতের নিকট আসিয়া ইসলামধর্ম গ্রহণ করে এবং দেশে প্রত্যাবর্তনপূর্বক সকলকে সেই ধর্মে দীক্ষিত করে ।

৫২। বনি সালামানি—ইহারা খাজায়া বংশোদ্ভব । সালামান নামক পার্শ্বত্যা প্রদেশে ইহাদের বাসস্থান ছিল ।

৫৩। বনি সয়বান—ইহারা বনি বকর-বেন-অয়েল বংশোদ্ভব ।

৫৪। বনি সোয়াদা—ইহারা কহতান বংশোদ্ভব ।

৫৫। বনি ভগলেব—ইহারা মেসোপেটেমিয়ার বাস করিত । ইসলাম ধর্ম গ্রহণ করিবার পূর্বে ইহারা খৃষ্টধর্মাবলম্বী ছিল ।

৫৬। বনি তাজিম—ইহারা ইসলামধর্ম গ্রহণ করিয়া ১৩ জন লোকের হস্তে আপনাদের জাকাতের দ্রব্যাদি দিয়া হজরত মহম্মদের নিকট পাঠাইয়া দিয়াছিল । তাহারা হজরতের নিকট আসিলে, তিনি তাহাদিগকে বলেন, “তোমরা এই সকল জাকাতের দ্রব্যাদি তোমাদের দেশীয় ভিক্ষুকদিগকে দান করিও ।” ইহারা কেন্দা বংশোদ্ভব ।


৫৭। বনি তাযিম—ইহারা সুরিয়ার নিকট বাস করিত ।

৫৮। বনি তাই—ইহারা খৃষ্টধর্মাবলম্বী ছিল, পরে হজরতের নিকট আসিয়া মুসলমান হয় ।

৫৯। বনি জোবায়েদ—ইহারা কহতান বংশোদ্ভব ।

এইরূপে অচিরকাল মধ্যেই সমুদয় আরবদেশবাসী জড়োপাসক, খৃষ্টান ও যিহুদিগণ আগ্রহাতিশয় সহকারে ইসলামধর্ম গ্রহণ করিতে লাগিলেন । হজরত মহম্মদের প্রেরিতত্ব লাভের ৩য় বৎসর হইতে হিজরীর ৬ষ্ঠ বৎসর পর্য্যন্ত প্রায় ষোড়শ বৎসর কাল তিনি শত্রুগণ কর্তৃক নানা অত্যাচারগ্রস্ত হইয়াও একমাত্র খোদাতায়ালার উপাসনা মানবজাতির মধ্যে প্রচারে ব্রতী হইয়া সমুদয় বাধা-বিপত্তি অতিক্রমপূর্বক সমগ্র আরবদেশ পবিত্র ধর্মে দীক্ষিত করেন । তিনি ঐশ্বরিকবলে বলীয়ান হইয়া প্রসিদ্ধ জড়োপাসক, যিহুদী ও খৃষ্টানমণ্ডলীর মধ্যে সত্যস্বরূপ আল্লাহতায়ালার উপাসনা প্রচলিত করেন, আরবদেশীয় বিভিন্ন সম্প্রদায়ভুক্ত ও পরস্পর প্রতিদ্বন্দ্বী জাতিগণকে ধর্মশৃঙ্খলে আবদ্ধ করিয়া তাহাদের মধ্যে একতার বীজ বপন করিয়াছিলেন । তিনি তৎকালীন আরবদেশবাসিগণের দেবোপাসনা ও কুসংস্কারাচ্ছন্ন কার্যকলাপ বিলোপ করিবার জন্ত অবিরত চেষ্টা করিয়া সফল মনোরথ হইয়াছিলেন ।

ষোড়শ পরিচ্ছেদ ।



হজরত মহম্মদের যুদ্ধালোচনা ।

হজরত মহম্মদ (দং) মক্কা ত্যাগ করিয়া মদিনার উপনীত হইলেই উগ্রস্বভাববিশিষ্ট কোরেশগণ তাঁহাকে ক্রমিক আক্রমণে ব্যতিব্যস্ত করিয়া তুলিয়াছিল । যখন তিনি মদিনার নিকটস্থ বিভিন্ন সম্প্রদায়ের সহিত সন্ধি স্থাপনে রত ছিলেন, তখন মক্কাভূমিস্থ কোরেশবংশীয় কোরজ্-বেন-আবের মদিনা আক্রমণ করিয়াছিল । দ্বিতীয় বৎসরে কোরেশগণ বদরে যুদ্ধ করে এবং এই বৎসরের শেষভাগে তাহারা আরও সামান্য সামান্যভাবে কয়েকবার মদিনা আক্রমণ করিয়াছিল । বনি নাজের সম্প্রদায়, মদিনাস্থ মুসলমানদিগের উপর বিদ্রোহাচরণ ও শক্রতা করিতে থাকে । তৃতীয় বৎসরের প্রারম্ভে নজ্দ উপত্যকার অধিবাসী কোরেশ বংশোদ্ভব সুলেম ও ঘাতাকান প্রভৃতি যাযাবর সম্প্রদায় দুইবার মদিনা লুণ্ঠনের চেষ্টা করে । সেই সময়ে মুসলমানেরা মদিনার নিকট-বর্তী ওহোদ ক্ষেত্রে কোরেশগণ কর্তৃক পরাজিত হন, এই পরাজয়ে মুসলমানদিগের গৌরবের বিশেষ হানি হয় এবং বিজয়ী কোরেশগণ পর বৎসর মুসলমানদিগকে ঐভাবে পরাজয় করিবে বলিয়া ভয় প্রদর্শন করে ।

চতুর্থ বৎসর আরম্ভ হইলে, বিপুল বেহুইন সম্প্রদায়গণ ও বনি নাজের ইহুদীগণ হজরত মহম্মদের (দং) আশ্রয় স্থান মদিনা নগর আক্রমণ করিবার জন্য বহুসংখ্যক লোক সংগ্রহ করে । বনি আসাদ ও বনি লহিয়ান

১৩ ত মিলিত হইয়া ওহোদের যুদ্ধে গমন করে

এবং অবশেষে রজি ও বির মৌনার ইসলামধর্ম প্রচারকগণকে ধণ্ড ধণ্ড করিয়া কাটিয়া ফেলে। এই বৎসরের শেষভাগে মদিনার অধিবাসিগণ, মক্কার অধিবাসীদিগের বিপুল যুদ্ধ সজ্জার বিষয় অবগত হইয়া ভীত হইয়াছিলেন, যে যুদ্ধের বিষয় তাহারা গত বৎসর বলিয়া আসিয়াছিল (কোরাণ শরিফ, সূরা ৮ম, আয়েত ১৭৬)। পঞ্চম বৎসরে ঘাতাকান বংশীয় কোন এক সম্প্রদায় জাত-অল-রোকায় একত্রিত হইয়াছিল এবং তাহারা দুমতল-জান্দলের নিকট উপস্থিত হইয়া মদিনা আক্রমণ করিবার ভয় প্রদর্শন করিয়াছিল। খোজায়া বংশীয় বনি মোস্তালিক এত দিন পর্যন্ত হজরতের পক্ষাবলম্বী ছিল, এক্ষণে কোরেশদিগের পক্ষাবলম্বন করিয়া মদিনা আক্রমণ করিবার জন্ত অস্ত্র গ্রহণ করিল। এই বৎসরের শেষভাগে কোরেশগণ বেদুইন সম্প্রদায়স্থ বহুসংখ্যক সৈন্য সংগ্রহ করিয়া (১) মদিনা আক্রমণে অগ্রসর হয় এবং বহুদিন পর্যন্ত মদিনা অবরুদ্ধ করিয়া রাখিয়াছিল। কোরেশগণ কর্তৃক মদিনা আক্রান্ত হইয়াছে দেখিয়া বনি কোরায়জা হজরতের সহিত বিবাদ করিয়া তাহাদের সহিত যোগ দিয়াছিল।

ষষ্ঠ বৎসরের প্রারম্ভে বনি ফেজারা দলপতি মদিনা আক্রমণ করে (২) উক্ত দলপতি, জয়দ-বেন-হারেস কর্তৃক পরিচালিত মদিনার একদল স্থল-বণিককে আক্রমণ ও লুণ্ঠন করে (৩)। চিরপ্রচলিত প্রথামুসারে

(১) বনি আসজা, মুরাঃ, ফেজারা, হুলাইম, সারাদ, আসাদ এবং ঘাতাকান বংশীয় কতিপয় দল ওয়াদী অল কোরায়া এবং খাইবারের ইহুদীগণ ।

(২) জিলকাছার এক দল মুসলমান শত্রুকর্তৃক নিহত হয়। হজরত মহম্মদ (দঃ) কয়েকজন লোককে রোমক সম্রাটের নিকট পাঠাইয়া দিয়াছিলেন, তাহারা প্রত্যাগমন কালে ওয়াদী অল-কোরায়ার অনতিদূরে বনি জজাম কর্তৃক লুণ্ঠিত হইয়াছিলেন ।

(৩) খাইবারের ইহুদীগণ বনি ফেজারা, বনি সারাদ-বেন বকর এবং অন্যান্য বেদুইন দলদিগকে মদিনার বিরুদ্ধাচরণ করিতে প্রলোভিত করিয়াছিল ।

জেলকদ মাসে সমুদয় আরবদেশে যুদ্ধকার্য একেবারে নিষিদ্ধ, বিশেষতঃ পবিত্র মক্কা নগরের চতুর্পার্শ্বে যুদ্ধ করা ঘোরতর পাপকার্য মধ্যে পরিগণিত হইত । হজরত মহম্মদ (দঃ) ও তাঁহার শিষ্যমণ্ডলী এই মাসে খোদাতালার গৃহ ও তাহার চতুর্দিকস্থ পবিত্রস্থান দর্শন ও বাৎসরিক তীর্থযাত্রায় যোগদান করিতে সমুৎসুক হইয়াছিলেন, কারণ এই সকল কার্য তাঁহারা বাণ্যকালাবধি সম্পন্ন করিয়া আসিতেছেন এবং এই সকল কার্যকে তাঁহারা তাঁহাদের সামাজিক ও ধর্মজীবনের প্রধান অঙ্গ বলিয়া মনে করিতেন । মক্কা ত্যাগ করিবার সময়ে তাঁহারা তাঁহাদের স্ত্রী পুত্র ও গৃহাদি শত্রুহস্তে ফেলিয়া আসিয়াছিলেন, তাহা দেখিবার জন্ম তাঁহারা আগ্রহাতিশয়া প্রকাশ করেন । শেষে অনেক ভাবিয়া চিন্তিয়া তাঁহারা তীর্থযাত্রার্থ মদিনা হইতে বহির্গত হইলেন । তাঁহাদের এইরূপ বিশ্বাস ছিল যে, জাতীয় ধর্মের রাত্যনুসারে কোরেশগণ শাস্ত্যভাববিশিষ্ট তীর্থযাত্রীদিগের মক্কা প্রবেশে প্রতিবন্ধক দিবে না এবং হজরত ও তাহাদের নিকট শাস্ত্যভাবে মক্কায় প্রবেশ করিবেন বলিয়া যখন প্রতিজ্ঞাবদ্ধ হইয়াছেন, তখন আর তাহাদের শত্রুতা প্রদর্শনের কোন কারণ নাই । কিন্তু তীর্থযাত্রীদিগের পবিত্র উদ্দেশ্য ও শাস্ত্যভাব স্বত্বেও কোরেশগণ অস্ত্রশস্ত্রে সুসজ্জিত হইয়া মক্কা প্রবেশে প্রতিবন্ধক প্রদানে বদ্ধপরিকর হয় । অবশেষে হোদায়বিয়ায় মুসলমানদিগের প্রতিকূলে এক সন্ধি স্থাপিত হইল, কিন্তু প্রকৃত পক্ষে বলিতে গেলে, হোদায়বিয়ায় কোরেশদিগের সহিত হজরতের যে সন্ধি স্থাপিত হইয়াছিল, তাহাতে ইসলামের জন্মই হইয়াছিল । এই সন্ধিতে দশ বৎসর কাহা যুদ্ধ বন্ধ ছিল ।

হজরত মহম্মদের (দঃ) ছয় বৎসর মদিনা প্রবাসের সংক্ষিপ্ত বিবরণে ইহা স্পষ্টই প্রতীয়মান হইতেছে যে, এই ছয় বৎসর মদিনা ক্রমিক যুদ্ধ কার্যের দ্বারা সংরক্ষিত হইয়াছিল । মুসলমানেরা প্রত্যেক মুহূর্ত্তে

বহির্ভাগস্থ শত্রুদিগের আক্রমণে ও মদিনাস্থ শত্রুদিগের বিশ্বাসঘাতকতা, ষড়যন্ত্র ও বিদ্রোহিতাচরণাদিতে ব্যতিবাস্ত হইয়া পড়িয়াছিলেন । তাঁহারা সময়ে সময়ে হযরত অসংখ্য শত্রুসৈন্যের সম্মুখীন হইয়াছিলেন, না হয়, শত্রুভাস্কর জনতা দূর করিয়া দিতেন কিম্বা সময়ে সময়ে লুণ্ঠনপ্রিয় দল সকলকে দমন করিতেন । এরূপ অবস্থায় হজরত মদিনায় নিশ্বাস ফেলিবার অবসর মাত্র পান নাই ; তখন ইহা ক্রমে সম্ভবপর বলিয়া প্রতীতমান হইবে যে, এই সময়ে হজরত কোরেশদিগের উপর তাহাদের অত্যাচার ও উৎপীড়নের প্রতিশোধ লইবার জন্ত কিম্বা ধর্ম ও রাজনৈতিক স্বত্ব ও স্বাধীনতা পুনঃ স্থাপনের জন্য, মক্কা আক্রমণ করিতেন বা কোরেশ ও অন্যান্য জাতিকে তরবারবলে ইসলামধর্ম গ্রহণ করাইবার জন্ত বহির্গত হইতেন ।

যখন মুসলমানেরা অস্ববিধীন অবস্থায় তীর্থযাত্রার পরিচ্ছদ পরিধান-পূর্বক মক্কার নিকটে উপনীত হইলেন, তখন কোরেশগণ অস্ত্র শস্ত্রে সুসজ্জিত হইয়া তাঁহাদিগকে প্রতিবন্ধক দিল ; যখন মুসলমান দূত ওসমান মক্কার বন্দীকৃত হন (১) এবং আরও এরূপ জনবর উঠে যে, কোরেশগণ কর্তৃক ওসমান মৃত্যুগ্রাসে পতিত হইয়াছেন এবং যখন এক দল কোরেশ হজরতের শিবির আক্রমণ করিয়াছিল (২), সেই সময়ে মুসলমান শিবিরে ভয় ও চিন্তার স্রোত প্রবাহিত হওয়াতে হজরত বিখাগীদিগকে প্রতিজ্ঞাবদ্ধ করাইয়া লইয়াছিলেন যে, তাঁহারা তাঁহাদের মঙ্গলের (আত্মরক্ষার) জন্ত মৃত্যু পর্য্যন্ত শত্রুদিগের সম্মুখীন হইবেন (৩) । এই সময়ে মক্কাস্থ মুসলমান-

(১) এখানে হেশাম ৭৪৫ পৃষ্ঠা ।

(২) এখানে হেশাম ৭৪৫ পৃষ্ঠা । কোরাণ শরিফ. সূরা ৫৮ ।

(৩) কোরাণ শরিফ সূরা ৫৮ । হজরত মক্কার নিকটস্থ কতিপয় বেজুইন দলকে নিজ পক্ষে আনয়ন করিয়া তাহাদের সহিত বন্ধুতা স্থাপন করেন । এই সময়ে বহি মুক্ত সংঘটন হয়, এই ভয়ে হজরত তাহাদিগকে আহ্বান করিয়াছিলেন, কিন্তু তাহাদের মধ্যে অতি অল্প সংখ্যক দলই তাঁহার সঙ্গে যোগ দান করিয়াছিল ।

দিগের নিকট হইতে সংবাদ আসিল যে, কোনরূপ সহায় অবলম্বন না করিলে মুক্তির জন্ত বড় উৎপীড়িত হইতে হইবে । কোরাণ শরিফের ৪র্থ সূরার ৭৭, ৯৯, ১০০ আয়েতে ; ৮ম সূরার ৭২, ৭৩ আয়েতে ইহার বিষয় উল্লিখিত হইয়াছে ।

এই সময়ে হজরত মহম্মদ (দং) কোরেশদিগের অগ্র আক্রমণে প্রতি-বন্ধক প্রদানার্থ যুদ্ধ ঘোষণা করিয়া দিলেন, এবং বিশ্বাসিগণ তাঁহাদের পূর্বাঙ্গ অত্যাচারের প্রতিশোধ লইবার জন্ত, রাজনৈতিক ও ধর্মনৈতিক স্বত্বের স্বাধীনতা স্থাপনের জন্ত, জন্মভূমিতে স্বাধীনভাবে প্রবেশের জন্ত, স্বাধীনভাবে ধর্মকার্য সম্পন্ন করিবার জন্য এবং কোরেশদিগের অত্যাচার ও উৎপীড়ন একেবারে ধ্বংস বা সমূলে বিনষ্ট করিবার জন্ত এই যুদ্ধে যোগদান করেন ।

কোরাণ শরিফের নিম্নলিখিত আয়েতগুলি এই ঘটনার অবতীর্ণ হয় :— ২য় সূরা, ১৮৬—১৯০, ২১২—২১৫ আয়েত । এই ঘটনার পরে ইহার সম্বন্ধে কোরাণ শরিফের ৪৮ সূরার, ১০, ২২—২৭ আয়েত অবতীর্ণ হইয়াছিল । এই পুস্তকের অন্য স্থানে ঐ সকল আয়েতের অনুবাদ প্রদত্ত হইল । কিন্তু সোভাগ্যের বিষয় যে, সন্ধি স্থাপিত হইয়া গেল, কোন পক্ষের একবিন্দু রক্তপাত হইল না । যদ্যপি এই যুদ্ধ সংঘটন হইত, তাহা হইলে ইহা আত্মরক্ষার্থ, রাজনৈতিক স্বত্ব স্থাপন এবং ধর্ম-কর্ম নির্বাহের স্বাধীনতা পুনঃ স্থাপন প্রভৃতি অপছত্ত স্বত্ব পুনরুদ্ধারের জন্তই সংঘটন হইত, তাহাতে কোন সন্দেহ ছিল না ।

এই সন্ধি অধিক কাল পর্য্যন্ত স্থায়ী ছিল না । কোরেশদিগের শেষ বিদ্রোহিতা এই যে, সন্ধি স্থাপনের দুই বৎসরের মধ্যে তাহারা তাহা ভঙ্গ করিয়াছিল । তাহার কালে মক্কা নগর হজরতের অধীনতা স্বীকার করিল। সন্ধি স্থাপন হইবার পর বনি খোজায়া ইসলামধর্ম গ্রহণ করে এবং সন্ধি

নিয়মানুসারে তাহারা হজরতের সহিত বন্ধুত্বসূত্রে আবদ্ধ হয়। কিন্তু কোরেশ ও তাহাদের মিত্রদলের সাহায্যে বনি বকর (১), বনি খোজাযাকে আক্রমণ করে এবং মক্কাস্থ উৎপীড়িত মুসলমানগণ দূত প্রেরণ দ্বারা হজরতের নিকট সাহায্য চাহিয়া পাঠান; ইহাতে হজরত মহম্মদ (দঃ) ও তাঁহার শিষ্যগণের উপর তাহাদের শত্রুতা বিশেষরূপে প্রকাশ পাইয়াছিল। তাহারা সন্ধি ভঙ্গ করিয়া বনি খোজাযাকে অগ্রে আক্রমণ করিয়াছে, হজরত তাহার প্রতিশোধ লইবার জন্ত তাহাদের বিরুদ্ধে এই বলিয়া যুদ্ধঘোষণা করেন যে, তাহারা সন্ধি ভঙ্গ করিয়াছে এবং বনি খোজাযাকে আক্রমণ করিতে বনি বকরকে সাহায্য করিয়াছে, তাহারা খোদাতালা ও তাঁহার পেরিত-পুরুষের শত্রু। সন্ধি স্থাপন করিবার জন্ত তাহাদিগকে চারি মাস সময় দেওয়া হইল, যদি ইহার মধ্যে তাহারা সন্ধি স্থাপন না করে, তাহা হইলে তাহাদের বিরুদ্ধে যুদ্ধ ঘোষিত হইবে এবং তাহারা আক্রান্ত ও অবরুদ্ধ হইয়া যুদ্ধের অশেষ প্রকার কষ্ট ভোগ করিবে। কোরান শরিফের ৯ম সূরার ১—১৫ আয়েত যুদ্ধঘোষণা করিবার জন্ত অবতীর্ণ হইয়াছিল। কিন্তু এই ভয়প্রদর্শনকারী যুদ্ধ সংগঠন হয় নাই, বিনা প্রতিবন্ধকে মক্কা নগর মুসলমানদের অধীনতা স্বীকার করিয়াছিল। এইরূপে হজরত মহম্মদ (দঃ) মক্কা ও মদিনার মুসলমানদের রাজনৈতিক ও ধর্মনৈতিক স্বাধীনতা প্রাপ্ত হইলেন এবং বিনা যুদ্ধ ও রক্তপাতে উৎপীড়ন ও অত্যাচারের হস্ত হইতে মুক্তি পাইলেন এবং ক্রমিক আসন্ন ভয় ও উৎপীড়নের পরিবর্তে তাঁহার শিষ্যগণ শান্তির আশ্রয় প্রাপ্ত হইলেন। ইহার বিষয় কয়েক বৎসর পূর্বে কোরান শরিফের ২৪ সূরার ৫৪ আয়েতে এইরূপ ভাবে উক্ত হইয়াছিল :—“খোদাতালা অঙ্গীকার করিয়াছেন যে, তোমাদের মধ্যে তাহারা

(১) আরাদ বংশীয় কিনানা শাখাদলের আব্দ মনাভের পুত্র বনি বকর।

বিশ্বাস স্থাপন ও সংকল্প করে, তিনি অবশ্য তাহাদিগকে রাজ্যাধিপতি করিবেন, যেমন তাহাদের পূর্বে যাহারা ছিল, তিনি তাহাদিগকে রাজ্যাধিপতি করিয়াছেন এবং তিনি অবশ্য তাহাদিগের জন্ত তাহাদের ধর্মকে দৃঢ় করিবেন, যাহা তাহারা মনোনীত করিয়াছে অর্থাৎ যাহা তাহাদের জন্ত মনোনীত হইয়াছে এবং অবশ্য তাহাদের ভয়ের পরে তাহাদিগকে তাহার পরিবর্তে আশ্রয় প্রদান করিবেন । তাহারা আমাকে অর্চনা করিবে, তাহারা আমার সঙ্গে অংশী স্থাপন করিবে না এবং যাহারা ইহার পরে ধর্মদেষী হইবে, তাহারা দুষ্ক্রিয়শীল হইবে ।”

এক্ষণে আমরা কোরেশদিগের শত্রুতার বিষয় ছাড়িয়া দিয়া অপরাপর জাতির শত্রুতা ও অত্যাচারের উল্লেখ প্রবৃত্ত হইলাম । কোরেশদিগের শত্রুতা ভিন্ন কোরাণ শরিফে অল্প একটা যুদ্ধের উল্লেখ দেখিতে পাওয়া যায়, তাহা হোনেন যুদ্ধ । এই যুদ্ধে সাকিফ বংশীরেরা অগ্র আক্রমণকারী । মুরৈসিয়ার যুদ্ধের বিষয় কোরাণ শরিফে উল্লেখ নাই, কিন্তু হজরত মহম্মদের (দঃ) জীবনচরিত লেখকগণ ইহার বিষয় এইরূপভাবে উল্লেখ করিয়াছেন যে, ওহোদক্ষেত্রে পরাজিত হইবার পর সংবাদ আসিল যে, যুদ্ধের দিক্ হইতে হজরতের বিরুদ্ধে এক নূতন যুদ্ধের আয়োজন হইতেছে এবং বনি মোস্তালিক কোরেশদিগের সহিত যোগ দিয়া হজরতকে আক্রমণ করিবার জন্ত সৈন্য সংগ্রহ করিতেছে ; এই আসন্ন বিপদের বিষয় অবগত হইয়া হজরত মহম্মদ (দঃ) তাহাদিগকে প্রতিবন্ধক দিবার জন্ত অসীম সাহস সহকারে কার্যে প্রবৃত্ত হইতে মনস্থ করিয়াছিলেন । আমরা প্রমাণ করিয়াছি যে, শুদ্ধ আশ্রয়ার্থ হজরত মহম্মদ (দঃ) খায়বারে যুদ্ধ যাত্রা করিয়াছিলেন । শত্রুর অগ্র আক্রমণে বাধা প্রদান করা এবং শত্রুর আক্রমণের আসন্ন বিপদ হইতে নিজকে রক্ষার্থে যে যুদ্ধ সংঘটন হয়, তাহাকে আইনানুসারে আশ্রয়ার্থ যুদ্ধ বলে । বনি কোরায়জার

বিক্রমে যুদ্ধযাত্রার বিষয় স্বতন্ত্র করিয়া উল্লেখের আবশ্যিক নাই, কিন্তু এখানে ইহাই বলিলে যথেষ্ট হইবে যে, তাহারা একবার মুসলমানদের সহিত সন্ধিসূত্রে আবদ্ধ হইয়া পরে বিশ্বাসঘাতকতাপূর্বক মুসলমানদিগের বিরুদ্ধে বড় যুদ্ধকারীদিগের সহিত যোগদান করিয়াছিল। ইহার আশু বৃত্তান্ত এই পুস্তকের অন্ত স্থানে উল্লিখিত হইয়াছে।

মক্কার বিরুদ্ধে যুদ্ধ যাত্রা ও বিনা রক্তপাতে মক্কা নগর মুসলমানদিগের অধীনতা স্বীকার করিয়াছিল, ইহার বিষয় পূর্বে বর্ণিত হইয়াছে ; মুসলমান ও ইউরোপীয় লেখকেরা তাবুকের যুদ্ধযাত্রার বিষয় আশ্চর্যকারী সংঘটন হইয়াছিল বলিয়া মুক্তকণ্ঠে স্বীকার করিয়াছেন। এই সময়ে হজরত মহম্মদ (দঃ) বৈদেশিক শত্রুকর্তৃক মুসলমানদিগের আক্রমণের সংবাদ শ্রবণ করিয়া অতিশয় ভীত হইয়াছিলেন। কোরাণ শরীফের ৯ম সূরার নিম্নলিখিত আয়েতগুলি যদি খায়বারের ইহুদীদিগের বিরুদ্ধে অবতীর্ণ না হইয়া থাকে, তাহা হইলে সম্ভবতঃ সেই গুলি রোমক ও তাহাদের মিত্র ইহুদী এবং খৃষ্টান সম্প্রদায়ের (১) বিপক্ষে অবতীর্ণ হইয়াছিল।

“বাহাদিগকে (ইহুদী ও খৃষ্টান) গ্রহ প্রদত্ত হইয়াছে, তাহাদের মধ্যে যাহারা খোদাতালার প্রতি ও শেষদিবসের প্রতি বিশ্বাস স্থাপন করে না, খোদাতালা ও তাঁহার প্রেরিত-পুরুষ বাহা অবৈধ করিয়াছেন, তাহা যাহারা অবৈধ বলিয়া মনে করে না এবং যাহারা সত্যধর্ম গ্রহণ করে না, যতদিন পর্য্যন্ত তাহারা হতসর্গ হইয়া স্বহস্তে জিজিয়া প্রদান না করে।” (কোরাণ শরীফ, সূরা ৯, আয়েত ২৯)।

“হে বিশ্বাসিগণ ! কাফেরদিগের মধ্যে যাহারা তোমাদের প্রতি-

(১) মাক্কা আক্রমণ এবং যাত্রার ইহুদীগণ, আরলা ও হুমার খৃষ্টান মনপতিগণ।

বেশী এবং তৌমাদের মধ্যে সঙ্কট প্রাপ্ত হইতে চাহে, তাহাদের বিরুদ্ধে তোমরা যুদ্ধ কর এবং জানিও যে, খোদাতালা ধর্মভীরুদিগের সঙ্গে আছেন ।” (কোরাণ শরিফ, সূরা মে, আয়েত ১২৪) ।

হজরত মহম্মদ (দঃ) যুদ্ধ না করিয়া প্রত্যাবর্তন করেন, ঐ সকল আয়েতে যেরূপ আদেশ আছে, তাহা কার্যে পরিণত করিবার কোন ঘটনা উপস্থিত হয় নাই ।

আসন্ন বিপদের কঠোর অত্যাচার হইতে রক্ষা পাইবার জন্ত মুসলমান-দিগকে আত্মরক্ষার্থ যুদ্ধক্ষেত্রে লইয়া যাইতে হজরত মহম্মদ (দঃ) অনেক যত্ন ও কষ্ট সহ্য করিয়াছিলেন । কিন্তু তখন একে গ্রীষ্ম কাল, আবার বহুদূরবর্তী স্থানে গমন করিতে হইবে বলিয়া কেহ কেহ যাইতে অস্বীকৃত হইয়াছিলেন । যাহারা ঐ সময়ে নানারূপ মিথ্যা ভাণ করিয়া যুদ্ধক্ষেত্রে যাইতে অস্বীকৃত হইয়াছিলেন, তাহারা অতিশয় কঠোররূপে তিরস্কৃত হইয়াছিলেন ।

হজরত মহম্মদের (দঃ) যুদ্ধের সংখ্যা ।

এ পর্য্যন্ত শত্রুদিগের সহিত হজরত মহম্মদের (দঃ) যে সকল যুদ্ধের বিবরণ উল্লেখ করা গেল, তাহাতে স্পষ্টই প্রতীয়মান হইল যে, প্রকৃত পক্ষে হজরতের সহিত শত্রুদিগের কেবল ৫টা যুদ্ধ সংঘটন হইয়াছিল । হজরত মহম্মদের (দঃ) জীবন চরিত লেখক ও তাঁহার যুদ্ধযাত্রার ইতিবেত্তাগণ তাঁহার অধিক সংখ্যক যুদ্ধযাত্রার উল্লেখ করিয়াছেন । তাহা পাঠে স্পষ্টই জানা যায় যে, তাঁহারা কোন হাদিসের প্রমাণ বা কোনরূপ বিচার না করিয়া যুদ্ধযাত্রাগুলির নাম ও বিবরণ উল্লেখ করিয়াছেন । সুতরাং তাঁহারা যুদ্ধযাত্রার কল্পিত ঘটনাগুলির মধ্যে কোনটী সত্য

ও কোনটী মিথ্যা তাহার কোনরূপ প্রমাণ প্রদর্শন করেন নাই । হজরতের জীবন চরিত লেখকগণ এরূপ অনেক যুদ্ধযাত্রার উল্লেখ করিয়াছেন যে, তাহাদের সম্বন্ধে কোন রূপ বিশ্বাসজনক প্রমাণ প্রাপ্ত হওয়া যায় না, এবং তাহাদের মধ্যে এমন কতকগুলি ঘটনা দেখিতে পাওয়া যায়, যাহা একেবারে ভিত্তিশূন্য ; এবং অনেক স্থানে যুদ্ধকরণেচ্ছাকে ভুলক্রমে যুদ্ধযাত্রা বলিয়া বর্ণনা করা হইয়াছে । ইউরোপীয় লেখকেরা “গাজাওয়াৎ” শব্দটির অর্থ ভুলক্রমে “লুঠনার্থ যুদ্ধ যাত্রা” বলিয়া উল্লেখ করিয়াছেন, বন্ধুত্বভাবে সন্ধি স্থাপনার্থ দূত প্রেরণ, ইসলাম শিক্ষার্থ ধর্মপ্রচারক প্রেরণ, বৈদেশিক দলপতিদিগের নিকট দূত প্রেরণ, বাণিজ্যার্থ যাত্রা, তীর্থযাত্রার্থ গমন, ডাকাইতের দলকে শাসন বা দূর করিয়া তাড়াইয়া দিবার জন্য কিম্বা শত্রুদিগের কার্যাদির পর্যবেক্ষণার্থ লোক প্রেরণ, দূত প্রেরণ দ্বারা শত্রুদিগের সংবাদ গ্রহণ, শত্রুদিগকে দমন কিম্বা তাহাদের সহিত যুদ্ধ করিবার জন্য সৈন্য প্রেরণ, এই সকলকে “গাজাওয়াৎ” (যুদ্ধযাত্রা), “সারায়্যা” এবং “বাওস” (সাহসিকতার-কার্য এবং লোক প্রেরণ) বলিয়া উল্লিখিত হইয়াছে । এই রূপে হজরতের যুদ্ধযাত্রাগুলি অজ্ঞানরূপে অধিক সংখ্যক করা হইয়াছে । প্রথমতঃ জীবন চরিত লেখকগণ, হজরতের প্রত্যেক যুদ্ধযাত্রার ও সাহসিকতার কার্য সকল সংঘটন হইবার বহুকাল পরে কতকগুলি বিশ্বাস্য ও কতকগুলি অবিশ্বাস্য জনশ্রুতি অবলম্বনে বর্ণনা করিয়াছেন এবং তাহাদের সত্যাসত্যের কোনরূপ বিচারে কষ্ট স্বীকার করা বৃথা সময় ব্যয় বিবেচনা করিয়াছিলেন । দ্বিতীয়তঃ ধর্মপ্রচারক প্রেরণ, সন্ধি স্থাপনার্থ লোক প্রেরণ, দূত প্রেরণ, তীর্থযাত্রা এবং বাণিজ্যার্থ যাত্রা এই সকলকে “গাজাওয়াৎ” ও “সারায়্যা” শব্দে অভিহিত করা হইয়াছে, এবং ইউরোপীয় লেখকেরা অধুনা এই সকলকে “লুঠনার্থ যাত্রা”

কিন্তু “বিজোহিতাচরণার্থ লোক প্রেরণ” শব্দে অনুবাদ করিয়াছেন । ইউরোপীয় ও কোন কোন আরবীয় জীবন চরিত লেখক এতদূরে গিয়া পড়িয়াছেন যে, তাঁহারা বলেন যে, হজরত স্বয়ংই শত্রুদিগের বিরুদ্ধে ২৭টি যুদ্ধ যাত্রা করিয়াছিলেন এবং অন্যান্য ৭৪টি যুদ্ধযাত্রা তাঁহার নিযুক্তীয় লোক দ্বারা সম্পন্ন হইয়াছিল । অতএব তাঁহার জীবিত কালে ১০১টি যুদ্ধ সংঘটন হইয়াছিল । এখানে সাঈদ কেতাবল ওয়াকিদিতে এই ১০১টি যুদ্ধের তালিকা দিয়াছেন (কুস্তালিন ৪ খণ্ডের ৩৮৬ পৃষ্ঠা দেখ) । এখানে ইসহাক হজরতের যুদ্ধের সংখ্যা ২৭টি বলিয়া উল্লেখ করিয়াছেন ; আবার অপরাপর গ্রন্থকারগণ ৩৮টি যুদ্ধের উল্লেখ করেন (এখানে হেশাম ৯৭২ ও ৯৭৩ পৃষ্ঠা দেখ) । হজরতের সমসাময়িক জোবারেরের নিকট হইতে আবুইয়োলা ২১টি যুদ্ধের বিষয় অবগত হইয়াছিলেন । কিন্তু সর্কাপেঞ্চা বিশ্বাসযোগ্য জয়দ-বেন-আকরামের বর্ণনা, যাঙ্গা অতি প্রাচীন, তাহা হইতে সংগৃহীত বোধারির কেতাব-অল-মাগাজির দুই স্থানে হজরতের যুদ্ধযাত্রার সংখ্যা ১৯টি দেখিতে পাওয়া যায়, উহার মধ্যে হজরত মহম্মদের (দঃ) সকল প্রকার যুদ্ধযাত্রাই সন্নিবেশিত রহিয়াছে, এবং জয়দ-বেন-আকরাম নিজেই ঐ সকল যুদ্ধে হজরতের সঙ্গে ছিলেন । পূর্বোক্ত ২৭, ২১, ১৯ এবং ১৭টি যুদ্ধযাত্রার মধ্যে কেবল ৮টি (১) কিন্দা ৯টি (২) স্থানে প্রকৃতপক্ষে যুদ্ধ সংঘটন হইয়াছিল । এমন কি, শেষের বর্ণিত যুদ্ধ সংখ্যক বিশ্বাসযোগ্য নহে । বাস্তবিক যুদ্ধযাত্রা এই গুলি :—১, বদর ; ২, ওহোদ ; মুরৈসি ; ৩, আহজাব ; কোরায়জা ; ৪, খায়বার ; মক্কা ; ৫, হোনেন ; তায়েফ । বনি মোস্তালিকদিগের সহিত মুরৈসিতে যুদ্ধের কোনরূপ বিশ্বাসযোগ্য প্রমাণ পাওয়া যায় না । বনি কোরায়জার সহিত

(১) মুসা-বেন-আকবা ১৪১ হিজরীতে মানবলীলা সম্বরণ করেন ।

(২) এখানে সাঈদ ও এখানে ইসহাকের উল্লেখ করা হইয়াছে ।

কোন যুদ্ধ সংঘটন হয় নাই, কেবল ইহা আহজাব যুদ্ধের শেষ ঘটনামাত্র, তজ্জন্ত ইহাকে স্বতন্ত্র যুদ্ধ বলিয়া উল্লেখ করিলাম না। মক্কার কোনরূপ যুদ্ধ হয় নাই, উহা বিনা রক্তপাতে মুসলমানদের হস্তগত হইয়াছিল। আওতাস যুদ্ধের স্থান তায়েফের যুদ্ধ হোনেন যুদ্ধের একটি অংশমাত্র। এই রূপে দেখা যাইতেছে যে, উক্ত ৯টির মধ্যে ৫টি যুদ্ধে হজরত শিবা-গণের রক্ষার্থ যুদ্ধ করিয়াছিলেন। এমন কি, ঐ ৫টি যুদ্ধকে যুদ্ধ বলিয়া উল্লেখ করা যায় না। সামরিক মতে দেখিতে গেলে, ইহাদিগের কল দেখিয়া ইহাদিগকে সামান্ত সামান্ত দাঙ্গা হাজ্জামার মধ্যে গণ্য করা যাইতে পারে। বদরে শত্রু পক্ষের ৪৯ জন, ওহোদে ২০ জন, আহজাবে ৩ জন, খায়বারে ৯২ জন, এবং হোনেনে ৯২ জন শত্রু মৃত্যুগ্রাসে পতিত হয়; কিন্তু শেষের দুই যুদ্ধের মৃত্যু সংখ্যার বিষয়ে সন্দেহ আছে, বোধ হয়, ইহা অতিরঞ্জিত রূপে বর্ণনা করা হইয়াছে। ঐ সকল যুদ্ধে মুসলমানদের পক্ষের ১৭, ৭৪, ৫, ১৯ এবং ১৭ জন হত হন। অতএব দেখা যাইতেছে যে, ঐ সকল যুদ্ধে মুসলমানদের মধ্যে মোট ১২৯ জন আর শত্রুদের পক্ষে মোট ২৫৪ জন হত হইয়াছিল। মুসলমানদিগের পক্ষে মৃত ব্যক্তি সম্বন্ধে সন্দেহ আছে, ইহা হইতে বোধ হইতেছে যে, এ বিষয় একটু সতর্কতার সহিত বিচার করা কর্তব্য।

রেভারেণ্ড সামুয়েল গ্রীণ লিখিয়াছেন—

“(হজরত) মহম্মদ (দঃ) প্রথমে আত্মরক্ষার্থ অস্ত্র গ্রহণ করেন, পরে শত্রুদিগের প্রতি অত্যাচারের প্রতিশোধ লইবার জন্ত যুদ্ধ করিয়াছিলেন। শেষে অধিকার ও আধিপত্য বিস্তারার্থ বিভিন্ন জাতির সঙ্গে যুদ্ধে লিপ্ত হন, যদি ইহা সত্য হয়, তাহা হইলে একরূপ যুদ্ধ গৌরবজনক বলিয়া মনে করি না। কারণ, ইহা উৎপীড়নের প্রতিশোধ ও ক্ষমতা বিস্তারার্থ সংঘটন হইয়াছিল। (হজরত) মহম্মদের (দঃ) আত্মরক্ষার্থ চেষ্টা ত্যাগক

প্রতিহিংসার কার্য্য বলিয়া বোধ হয় । ইহাতে মানবগণ পরস্পর দয়ালুতা বন্ধনে আবদ্ধ না হইয়া বা অত্যাচারের পরিবর্তে মানব অন্তরে ক্রমাশীলতার ভাব উদয় না হইয়া শক্রতার পরিণত হয় এবং উভয় দল পরস্পর সমূলে ধ্বংশের প্রতীক্ষা করিতে থাকে (.) ।”

পূর্বকৃত অত্যাচারের প্রতিশোধ লইবার ইচ্ছায় মুসলমানেরা কোরেশ, দিগের সহিত যুদ্ধ করিতে ইচ্ছা করেন নাই । মুসলমানেরা কয়েকবার কোরেশ ও তাহাদের মিত্রদল কর্তৃক আক্রান্ত হইয়াছিলেন । এইরূপে তাঁহারা যত দিন পর্য্যন্ত শত্রু কর্তৃক আক্রান্ত হন নাই ; ততদিন পর্য্যন্ত অস্ত্র গ্রহণ করেন নাই ; পরে যখন বারম্বার আক্রান্ত হইতে লাগিলেন, তখন বাধ্য হইয়া আত্মরক্ষার্থ অস্ত্র গ্রহণ করেন এবং শত্রুদিগের শক্রতার প্রতিবন্ধক দিবার জন্ত চেষ্টা করিয়াছিলেন । হজরত মহম্মদ (দঃ) আত্ম-রক্ষার্থ যে যুদ্ধ ঘোষণা করেন, তাহা বৈরসাধনবাসনার বশবর্তী হইয়া ভয়ানক যুদ্ধ ঘোষণা নহে । শত্রুগণ কর্তৃক যে হজরত মহম্মদ (দঃ) নিজে উৎপীড়িত ও আক্রান্ত হইয়াছিলেন, এমন নহে, অধিকন্তু মক্কার যাবতীয় মুসলমানেরা শত্রু কর্তৃক উৎপীড়িত ও অত্যাচারিত হইয়াছিলেন । যখন মক্কাস্থ মুসলমানেরা শত্রুগণ কর্তৃক জন্মভূমি হইতে বিতাড়িত হইয়াছিলেন, তখন শত্রুরা তাঁহাদিগকে বিশেষরূপে আক্রমণ করিয়াছিল । যখন মুসল-মানেরা গৃহে প্রত্যাবৃত্ত বা তীর্থযাত্রার্থ মক্কার আসিতে ইচ্ছা করিয়াছিলেন, তখন নিষ্ঠুর কোরেশগণ তাঁহাদিগকে মক্কার প্রবেশ করিতে দেয় নাই ; সামাজিক ও ধর্ম্মসম্বন্ধীয় স্বাধীনতা, বাহা প্রত্যেকের ও প্রত্যেক জাতির প্রকৃত স্বাধীনতা, তাহা হইতে মুসলমানেরা সম্পূর্ণরূপ বঞ্চিত ছিলেন । কেহ

(১) (See Life of Mohamet, founder of the religion of Islamism and of the Empire of the Saracens, by the Rev. Samuel Green Page 126 London 1877)

আত্মরক্ষার্থ অস্ত্র গ্রহণ করিলে নির্দয় কিংবা প্রতিহিংসাকারী অত্যাচারী বলিয়া পরিগণিত হইতে পারে না ; কিন্তু মক্কার সমুদয় মুসলমান শত্রু কর্তৃক আক্রান্ত, উৎপীড়িত ও দেশ হইতে বিতাড়িত হইয়াছিলেন—এবং মদিনার মুসলমানদিগের সমুদয় সাধারণতন্ত্র আক্রান্ত ও কতক পরিমাণে বিনষ্ট হইয়াছিল—তাঁহাদের (মুসলমানদের) প্রকৃত স্বাধীনতা ও স্বত্বে বিঘ্ন প্রদান করিয়াছিল—এইরূপ কষ্ট সহ্য করিয়া অবশেষে তাঁহারা শত্রুদিগের অত্যাচার হইতে রক্ষা পাইবার জন্ত এবং শত্রুসৈন্যের পর শত্রু সৈন্যের আক্রমণ দূরীকরণার্থ অস্ত্র গ্রহণ করিয়াছিলেন, ইহা প্রত্যেক ব্যবহারশাস্ত্র ও গ্ৰামপরতার নিয়মানুমোদিত ।

আত্মরক্ষার্থ অস্ত্র গ্রহণের স্বত্ব প্রাকৃতিক নিয়মের একটা অংশ বিশেষ, নগরবাসীদিগকে শত্রুহস্ত হইতে রক্ষা করা নাগরিক সমাজের বিশেষ কর্তব্য কার্য্য। এমন কি, যদি কোন প্রতিহিংসাকারী দুর্দমনীয় অত্যাচারী নিজের ও নগরবাসীদিগের রক্ষার্থ এই রূপে অস্ত্র গ্রহণ করে, তাহা হইলে সে তৎকার্য্যের জন্ত সম্পূর্ণ রূপে নির্দোষী বলিয়া পরিগণিত হইবে। গ্ৰামের অনুরোধে বা স্বত্ব স্থাপনার্থ বা শত্রুসৈন্য বিদূরিত করিবার জন্ত যে যুদ্ধ সংঘটন হয়, তাহাকে ধর্মনীতি ও রাজনীতি অনুসারে অগ্ৰায় যুদ্ধ বলা যাইতে পারে না। কিন্তু কোরেশ ও ইহুদীদিগের সহিত মুসলমানদের যে সকল যুদ্ধ সংঘটন হইয়াছিল, তাহা কার্য্যে পরিণত না হইয়া শান্তিতে মিটিয়া যায়, তজ্জন্ত মুসলমানেরানানা প্রকার চেষ্টা করিয়াছিলেন। এমন কি, হজরত মহম্মদ (দঃ) পুনঃ পুনঃ কোরেশগণকে জানাইয়াছিলেন যে, যদি তাহারা শত্রুতাচরণে বিরত হয়, তাহা হইলে তিনি তাহাদিগকে ক্ষমা করিবেন।

কোরান শরীফে উক্ত হইয়াছে :—

“কিন্তু যদি তাহারা নিবৃত্ত হয়, তাহা হইলে নিশ্চয়ই খোদাতালা ক্ষমাশীল ও দয়ালু”। (কোরান ২ সূরা, ১৯২ আয়েত)।

“কিন্তু যত্বপি তাহারা নিরত্ব হয়, তাহা হইলে অত্যাচারীর উপর ভিন্ন হস্তক্ষেপ (শত্রুতা) করিও না।” (কোরান, সূরা ২, আয়েত ১৯৩)।

“হে মক্কাবাসীগণ! যত্বপি তোমরা বিজয়াকাজ্জ্বল কর, তাহা হইলে বিজয় তোমাদের নিকট উপস্থিত হইবে। যত্বপি তোমরা (কাফেরগণ) নিরত্ব হও, তাহা হইলে তোমাদের পক্ষে মঙ্গল। যত্বপি তোমরা ফিরিয়া আইস, আমরাও ফিরিব, এবং তোমাদের দল, যদিও তাহারা অধিক সংখ্যক, তোমাদিগকে লাভবান্ করিবে না, যেহেতু নিশ্চয়ই খোদাতালা বিশ্বাসীদের সঙ্গে আছেন।” (কোরান, সূরা ৮, আয়েত ২৯)।

“কাফেরদিগকে বল, যত্বপি তাহারা ফিরিয়া আসে, তাহা হইলে যাহা কিছু গত হইয়াছে, তাহাদের জন্ত ক্ষমা করা বাইবে, কিন্তু যত্বপি তাহারা প্রত্যাবর্তন করে, তবে নিশ্চয়ই পূর্বতনদিগের রীতি গত হইয়াছে।” (কোরান, সূরা ৮, আয়েত ৩৯)।

ইহুদীদের সঙ্গে এইরূপ আয়েত অবতীর্ণ হইয়াছিল।

“গ্রন্থধারী অনেক লোক আন্তরিক বিদ্বেষবশতঃ তোমাদের বিশ্বাস-লাভের পর তোমাদিগকে অবিশ্বাসী করিতে ইচ্ছা করিয়াছে, এমন কি, তাহাদের নিকট সত্য প্রকাশিত হইবার পর। যে পর্য্যন্ত খোদাতালা স্বীয় আশ্রয় আনয়ন না করেন, সে পর্য্যন্ত তোমরা তাহাদিগকে ক্ষমা করিতে থাক ও উপেক্ষা কর। নিশ্চয় খোদাতালা সর্বোপরি ক্ষমতা-শালী।” (কোরান, সূরা ২, আয়েত ১০৯)।

“কিন্তু যত্বপি তাহারা সন্ধি করিতে ইচ্ছুক হয়, তাহা হইলে তুমিও তাহাতে ইচ্ছা করিও এবং খোদাতালা উপর নির্ভর করিও। নিশ্চয়ই তিনি শ্রোতা ও জ্ঞাতা।” (কোরান, সূরা ৮, আয়েত ৩৬)।

“তুমি তাহাদের মধ্যে অন্ন লোক ভিন্ন তাহাদিগের অনিষ্টকারিতা জ্ঞাত হইতেছ না। কিন্তু তাহাদিগকে ক্ষমা কর ও অগ্রাহ কর। নিশ্চয়ই

খোদাতালা উদারচেতা-(হিতকারী)দিগকে প্রেম করেন ।” (কোরান, সূরা, ৫, আয়েত ১৬) ।

হোদায়বিয়ার সন্ধির পূর্বে শত্রুদিগের সহিত কোনরূপ সন্ধি স্থাপিত হয় নাই, কিন্তু হোদায়বিয়ার সন্ধি আবার শত্রুগণ অল্প দিনের মধ্যে ভঙ্গ করিয়াছিল

এমন কি, আব্বারকার্থ যে সকল যুদ্ধ সংঘটন হইয়াছিল—তুমুল যুদ্ধের সময়ে যে সকল নির্দয় অত্যাচার স্বাভাবিক সংঘটিত হয়, প্রেরিত পুরুষ ভাচার মাত্রা অধিক পরিমাণে হ্রাস করিয়াছিলেন। প্রতারণা, বিশ্বাসঘাতকতা, নির্দয় ব্যবহার, স্ত্রীলোক বালক বালিকা ও বয়োবৃদ্ধ লোককে হত্যা করিতে হজরত মহম্মদ (দঃ) একেবারে নিষেধ করিয়া দিয়াছিলেন (১) । এবং আরও যুদ্ধের বন্দীদিগের প্রতি দয়ালু ব্যবহার করিতে তিনি আদেশ দিয়াছিলেন । কিন্তু তাহার সর্বাপেক্ষা প্রধান আদেশ এই ছিল যে, যুদ্ধে বন্দীদিগকে অর্থ বিনিময়ে কিম্বা উদারতা সহকারে বন্দী মুক্ত করিয়া দিবে তাহাদিগকে দাসত্বে পরিণত কিম্বা মৃত্যুগ্রাসে পাতিত করিও না । (কোরান, শরীফের ৪৭ সূরার ৪ ও ৫ আয়েত দেখ) । হজরত মহম্মদ (দঃ) মুসলমানদিগকে এইরূপ প্রতিজ্ঞাবদ্ধ করিয়া লইয়াছিলেন যে, তাহারা যেন লুণ্ঠন কার্যে বিরত থাকেন । ইহার বিষয় অন্য স্থানে লিখিত হইবে ।

“(হজরত) মহম্মদ (দঃ) বলিয়াছিলেন, ‘আমি যে সকল উৎপীড়নে উৎপীড়িত হইয়াছি, তাহার প্রতিশোধের জন্য নির্দোষী সংসারত্যাগী ভক্ত-দিগকে বিরক্ত করিও না, স্ত্রীলোক, শিশু সন্তান, রোগী, বৃদ্ধ ও আসন্ন

(১) (হজরত) মহম্মদ (দঃ) আব্বাহুর রহমানের প্রতি এইরূপ উপদেশ দিয়াছিলেন, “কোন ঘটনার তুমি বিশ্বাসঘাতকতা কিম্বা প্রতারণা করিও না, কিম্বা কোন শিশু সন্তানকে হত্যা করিও না ।” (See Muir's Life of Mohamet vol, IV. P. II)

যত্নগ্ৰস্ত লোকদিগকে রক্ষা করিও, নির্দোষী অধিবাসীদিগের বাসগৃহ ধ্বংস করিও না ; তাহাদের জীবিকা নষ্ট করিও না. তাহাদের ফলের গাছ সকল স্পর্শ করিও না এবং সুরিয়াবাসীদিগের নিকট ঋজুর বৃক্ষের ছায়া ও তাহার সবুজবর্ণ পত্রাদি বড় আনন্দদায়ক, অতএব তাহা বিনষ্ট করিও না (১) ।”

হজরত মহম্মদের [দং] যুদ্ধের অন্তরূপ লক্ষ্য ।

কতিপয় ইউরোপীয় ও আমেরিকাবাসী লেখক হজরত মহম্মদের (দং) যুদ্ধগুলির অন্তরূপ লক্ষ্য নির্ধারণ করিয়া বলেন যে, (হজরত) মহম্মদ (দং) কোরেশদিগের উপর বৈরসাধনবাসনা চরিতার্থ করিবার জন্ত এবং তাহাদের স্থলবণিকদিগকে পথিমধ্যে আক্রমণ করিবার জন্ত মদিনা হইতে বহির্গত হন (২), বিশেষতঃ তিনি প্রথমে আত্মরক্ষার্থ অস্ত্র গ্রহণ করেন, কিন্তু শেষে কোরেশদিগের বিরুদ্ধে যুদ্ধ ঘোষণা করেন (৩) ।

(১) An History of Mohammedanism ; by Charles Mills. Page 27.

(২) সার উইলিয়ম মুর মুসলমানদের উপর বিদ্রোহশতঃ কোরেশদিগের পক্ষাবলম্বন করিয়া বলেন, “হিজরীর প্রথম অর্ধে (হজরত) মহম্মদ (দং) প্রথমেই কোরেশদিগকে আক্রমণ করেন, এইরূপে কোরেশ স্থলবণিকগণ কয়েকবার আক্রান্ত ও লুণ্ঠিত হইয়া অবশেষে আত্মরক্ষার্থ অস্ত্র ধারণ করিয়াছিল ।” এই কথাগুলি তাঁহার প্রণীত হজরতের জীবন চরিতের ২য় পত্রের ২৬৫ পৃষ্ঠার টিপ্সনীতে লিখিত ছিল, কিন্তু ১৮৭৭ খ্রীষ্টাব্দের নূতন সংস্করণে উহা উঠাইয়া দেওয়া হইয়াছে ।

(৩) সেল বলেন, “তিনি বলিতেন, খোদাতালা তাঁহাকে ও তাঁহার শিষ্যগণকে কাফেরদিগের বিরুদ্ধে আত্মরক্ষার্থ যুদ্ধ করিতে অনুমতি দিয়াছেন, এবং অবশেষে যখন তাঁহার সৈন্য সংখ্যা বর্দ্ধি হইল, তখন কাফেরদিগকে আক্রমণ করিবার জন্ত খোদা-

মদিনার অবস্থান কালে হজরতের অবস্থা ঐ সকল যুদ্ধ কার্যের পক্ষে কিরূপ অসম্ভব ও অসম্ভব ছিল, তাহা পূর্বে প্রদর্শিত হইয়াছে, কোরাণ শরীফের কতকগুলি আয়েত ঐ রূপ নীতির সম্পূর্ণ বিপরীত,—সকল-গুলিই আত্মরক্ষার্থ যুদ্ধনীতির-অসম্ভব । কিন্তু মনে করুন, মক্কা হইতে মুসলমানেরা বিতাড়িত হইবার পর হজরত মহম্মদ শত্রুদিগের প্রতি অত্যাচার ও উৎপীড়ন আরম্ভ করিয়াছিলেন, যদি সত্য হয়, তাহা হইলে অত্যাচার ও উৎপীড়নের প্রতিশোধার্থ ও মুসলমানদের গ্ৰামসম্ভব স্বত্ব স্থাপনার্থ অস্ত্র গ্রহণ করা তাঁহার পক্ষে আইনানুমোদিত হইত । ঐ সকল কারণে যে যুদ্ধ সংঘটন হয়, তাহাকে আত্মরক্ষার্থ যুদ্ধ বলে । কেণ্টের ইন্টার গ্রাসনাল ল (ভিন্ন ভিন্ন জাতির পরস্পর সম্বন্ধ বিষয়ক আইন) সর্বাপেক্ষা প্রধান : তিনি বলেন,—

“আত্মরক্ষার স্বত্ব আমাদের প্রাকৃতিক আইনের একটি অংশ, এবং নাগরিক সমাজের সভ্যগণকে তাহাদের সম্পত্তি, প্রকৃত স্বত্ব ও জীবন রক্ষা করা ইহার একটি অত্যাবশ্যকীয় কর্তব্য কর্ম । ইহাই সমাজ :বন্ধনের একটি মূল কারণ । অত্যাচার যে কেবল রাজনৈতিক স্বত্ব ও

তালার আদেশ বলিয়া প্রচার করিয়াছিলেন” । হেনরী কোপী হজরতের সম্বন্ধে বলেন, “কিন্তু তিনি অচিরকাল মধ্যে আত্মরক্ষার্থ অস্ত্রধারণের আবশ্যকতা দেখিতে পাইলেন, এবং তাঁহার ধর্ম প্রচারের ত্রয়োদশ বৎসরে তিনি প্রচাব করিয়াছিলেন যে, কেবল খোদাতালা আত্মরক্ষার্থ যুদ্ধ করিতে অনুমতি দিয়াছেন এমন নহে, কিন্তু অস্ত্র গ্রহণে ধর্ম প্রচারেরও আদেশ দিয়াছেন” । (History of the Conquest of Spain by the Arab Moors) । কিন্তু ডাঃ স্পেন্সার হজরতের যুদ্ধগুলি আত্মরক্ষার্থ বলিয়া নির্ধারণ করিয়াছেন, তিনি বলেন, “হজরত খোদাতালার নাম করিয়া অত্যাচার ও উৎপীড়ন নিবৃত্তি ও নিশ্চল করিবার জন্য শত্রুদিগের সহিত যুদ্ধ ঘোষণা করেন এবং ইহাই তাঁহার ধর্মের প্রধান রক্ষক বলিয়া কীর্তিত হইয়া আসিতেছে ।” (The Life of Mohamed)

জীবননাশের একটি প্রধান অঙ্গ, তাহা নহে, কিন্তু ইহা অগ্নায়রূপে প্রকৃত স্বত্ব হইতে দূরে রাখে কিম্বা অত্যাচার হইতে গ্নায়সঙ্গত স্বত্ব ও আসন্ন বিপদের হস্ত হইতে রক্ষা পাইবার জন্ত তাহার উপায় অবলম্বন করিতে প্রতিবন্ধক প্রদান করে (১) ।^{১০}

স্থলবণিকদিগকে আক্রমণের ভয় প্রদর্শন কিম্বা তাহাদিগকে বন্দী করা সম্বন্ধে কোনরূপ সন্তোষজনক প্রমাণ পাওয়া যায় না, কিন্তু যত্বপি তাহারা আক্রান্ত ও বন্দীকৃত হইত, তাহা হইলে আমরা তাহাদিগের আপত্তি করিবার কোনরূপ কারণ দেখিতে পাইতাম না। যখন বিদ্রোহ আরম্ভ হয়, তখন প্রথমে শত্রুদিগকে ও তাহাদের সম্পত্তি আদি আক্রমণে শত্রুতা নিবারণের চেষ্টা করিবার ইচ্ছা স্বভাবতঃ আমাদের মনোমধ্যে উদয় হয়। এমন কি, অতি সুসভ্য দেশের ইন্টারন্যাশনাল আইনানুসারে বিদ্রোহ আরম্ভ হইলে শত্রুর ধনসম্পত্তি বাজেয়াপ্ত হইয়া যায়। যুদ্ধের পুরাতন রীত্যানুসারে যুদ্ধকারী, শত্রুর ধনসম্পত্তি, রাজ্য ও প্রজাদি অধিকার করিবার ক্ষমতা পাইতেন। অতএব যাহারা শত্রুর ধনপ্রাপ হস্তগত ও বন্দীকৃত করিবার জন্ত আক্রমণের ভয় প্রদর্শনে প্রাথমিক মুসলমানদিগকে ডাকাইত ও লুণ্ঠনকারী নামে অভিহিত করেন, তাহারা প্রাচীন ও আধুনিক ইন্টারন্যাশনাল আইন সম্বন্ধে সম্পূর্ণ অনভিজ্ঞ, ইহাই প্রতিপন্ন করেন।

ইউরোপীয় গ্রন্থকারগণ বলেন যে, কোরাণে বলপূর্বক কাফেরদিগকে ধর্ম গ্রহণের আদেশ আছে, কিম্বা (হজরত) মহম্মদ (দঃ) তরবারিবলে ধর্ম প্রচার করিয়া গিয়াছেন।

শত্রুদলের পর শত্রুদলের আক্রমণে বাধা প্রদান এবং এমন কি, শত্রুতার প্রতিশোধ লওয়া ও অপহৃত স্বত্বের পুনঃস্থাপন করাকে “বল

(১) Kent's Commentary on International Law, Page 144.

প্রয়োগে ধর্ম প্রচার” বলে না । বখন মুসলমানদের আয় ও ধন প্রাপ্ত রক্ষার একান্ত আবশ্যক হইয়াছিল, সেই সময়ে হজরত মহম্মদ (দঃ) শত্রু-সৈন্যদল দূরীভূত করিয়া দিয়াছিলেন, কিন্তু তিনি কখন কাহাকে কিম্বা কোন দল বা সম্প্রদায়কে তাঁহার ধর্মে বিশ্বাস স্থাপন করিবার জন্য বাধ্য করেন নাই । এই রূপ দোষারোপের বিষয় কোরাণ শরীফ ও ইতিহাস সম্পূর্ণরূপে প্রতিবাদ করে । কোরাণ শরীফের সকল স্থানেই ধর্ম মত সম্বন্ধে স্বাধীনতা দানের কথা উল্লিখিত হইয়াছে । হজরত মহম্মদ (দঃ) তরবারিবলে ধর্ম প্রচার করিয়াছেন, তাহার কোনরূপ বিশ্বাসযোগ্য প্রমাণ ইতিহাসের কোন স্থানে পাওয়া যায় না ।

—:~:—

ইসলামের জয় ।

হজরত মহম্মদ (দঃ) হেজ্জাতের পূর্বে ও পরে যুক্তিসঙ্গত প্রমাণ ও ধর্ম সম্বন্ধে বক্তৃতার দ্বারা কোবেশ ও ইহুদীদিগের অত্যাচার, উৎপীড়ন ও প্রতিবন্ধক স্বত্বেও মক্কা ও মদিনায় ইসলাম প্রচার করিয়াছিলেন । প্রকৃত পক্ষে কঠোর অত্যাচারে ইসলামের উন্নতি অল্পদিন বৃদ্ধি পাইয়াছিল (১) ।

হজরতের প্রেরিত হুলাতের প্রথম তিন বংশের মধ্যে ৫০ জন লোক ইসলাম ধর্ম গ্রহণ করিয়াছিলেন । তৎপরে সাধারণ উৎপীড়ন ও

(১) কোবেশদিগের অত্যাচার ও উৎপীড়ন এত অধিক পরিমাণে বৃদ্ধি হইয়াছিল যে, অনেকে সেই সময়ে খীর আশ্রয়স্থল ও পরিবারের উপর সহানুভূতি প্রকাশে জাগরিত হইয়াছিলেন । কাফেরগণ মুসলমানদের উপর যে সকল উৎপীড়ন ও অত্যাচার করিয়াছিল, তাহার স্থানের চেট্টাও তাঁহারা করিয়াছিলেন, এইরূপে তাঁহারা উৎপীড়নের উপশম করিতে গিয়া হজরতের পক্ষ অবলম্বন করিয়া ইসলাম ধর্ম গ্রহণ করেন । (The Life of Mohamet, by Sir W. Muir. Page 68).

অনিবার্য অত্যাচারে ধর্ম প্রচারে প্রতিবন্ধক উপস্থিত হইতে আরম্ভ হইল । তখন হজরত মহম্মদ (দঃ) নির্বিঘ্নে ও শান্তিতে ধর্ম প্রচার জন্য তাঁহার প্রাথমিক শিষ্য আকরামের গৃহে অবস্থান করিতে লাগিলেন এবং সেখানে থাকিয়া তিনি জনসাধারণের নিকট ইসলাম প্রচার ও কোরান শরীফ পাঠ করিতে থাকেন । সেই খানে ক্রমে ক্রমে অসংখ্য লোকে ইসলাম ধর্ম গ্রহণ করিয়াছিলেন । কিন্তু কোরেশদিগের প্রধুমিত ঈর্ষানল ও অত্যাচার আশ্রয়হীন ও সহায়হীন নূতন ধর্মাক্রান্ত কৌতদাস ও নির শ্রেণীস্থ লোকদিগের উপর প্রজ্জ্বলিত হইয়া উঠিল । এই সময়ে ১৬ জন বিশ্বাসী জন্মভূমি মক্কা নগর ত্যাগ করিয়া আবিসিনিয়ার আশ্রয় গ্রহণ করিলেন, তাঁহারা তথায় সাদরে গৃহীত হইয়াছেন, এই সংবাদ লইয়া তাঁহাদের মধ্যে কতিপয় ব্যক্তি স্বদেশে প্রত্যাগমন করিলেন । ইহা শ্রবণ করিয়া প্রায় ১০০ জন বিশ্বাসী মক্কা ত্যাগ করিয়া আবিসিনিয়ার গিয়া উপনবেশ স্থাপন করিলেন (১) ।

এই সকল আশ্রয়অন্বেষী মুসলমান দ্বারা ইসলামের উন্নতি স্পষ্টই প্রতীয়মান হইতেছে । এতদ্ব্যতীত আবিসিনিয়ার কতকগুলি খৃষ্টান ইসলাম ধর্ম গ্রহণ করিয়াছিলেন (২) ।

আশ্রয়অন্বেষী মুসলমানগণ আবিসিনিয়ার সাদরে গৃহীত হইয়াছেন, এই

(১) তাঁহাদের মধ্যে কোরেশ বংশোদ্ভূত বনি হাশেম, বনি ওমির, বনি আবদুসাম্মু, বনি আসাদ, বনি আদ-বেন-কোসাই, বনি আদ-আদ-দার, বনি জোহরা, বনি তায়েম-বেন-মোরাঃ, মুকোরাহাম, মোমাহ ও বনি সাহম প্রভৃতি দলস্থ প্রতিনিধিগণ ছিলেন ।

(২) হেশামী ১৫০ পৃষ্ঠা, কোরান শরীফের ৫ম সূরার ৮৫ ও ৮৬ আয়েতে যে সকল লোকের ইসলাম ধর্ম গ্রহণের বিষয় উল্লেখিত হইয়াছে, যদি তাহা খৃষ্টানদিগের সম্বন্ধে না হয়, তাহা হইলে নিশ্চয়ই ঐ সকল লোকের সম্বন্ধে হইবে ।

সংবাদ পাইয়া কোরেশগণ বিশেষ মানসিক কষ্টভোগ করিতেছিল ; অধিকন্তু নাজ্জাসী তাহাদের হস্তে মুসলমানদিগকে প্রত্যর্পণ করিতে অস্বীকৃত হওয়ায় তাহারা বিশেষরূপ ক্রোধান্বিত হইয়াছিল । তৎকালে তাহারা হজরতের দলস্থ শোকদিগের সহিত মক্কাবাসিদিগের সামাজিক ও বন্ধুত্ব বন্ধন ছিন্ন করিয়া দিয়া তাহাদের পদগৌরবের উন্নতি বন্ধ করিবার জন্য চেষ্টা করিয়াছিল । হজরতের প্রেরিত হুলাইল নামের সপ্তম বৎসরে কোরেশগণ মুসলমানদের সহিত মক্কার অধিবাসিদিগের সামাজিক আচারবাবহার একেবারে বন্ধ করিয়াছিল । শত্রুদিগের এই প্রকার বাবহার ঠিক তিন বৎসর পর্য্যন্ত দায়ী ছিল । এইরূপ ক্রেশকর নিরাজনবাস অবস্থায় অত্যন্ত সংখ্যকমাত্র লোকে ইসলাম ধর্মে দীক্ষিত হইয়াছিলেন । এইরূপ কর্কর অবস্থায় পতিত হইয়াও ইসলাম প্রচার করাই হজরত মহম্মদের (দঃ) মূখ্য উদ্দেশ্য ছিল । যদিও বনি হাশেম বংশীয়েরা তাহার সুসমাচারে বিশ্বাস স্থাপন করেন নাই, তথাপিও তাহারা শত্রুহস্ত হইতে রক্ষা করিতে মনস্ত করিয়াছিলেন, এমন কি, তাহারা তাহার সহিত ঐ কয়েক বৎসর নিরাজন স্থানে বাস করিতেও কুণ্ঠিত হন নাই । কেবল তীর্থযাত্রার সময়ে হজরত মহম্মদ (দঃ) ধর্ম প্রচার কার্যের সুবিস্তৃত ক্ষেত্র প্রাপ্ত হইতেন । সেই সময়ে তিনি মেলা কিম্বা তীর্থযাত্রীদিগের দল মধ্যে পৌত্তলিকতার বিরুদ্ধে বক্তৃতা করিতেন (১) ।

প্রেরিত হুলাইলের দশম বৎসরে হজরত মহম্মদ (দঃ) বন্দী স্থান হইতে

(১) তিনি নিম্নলিখিত দলস্থ লোকদের নিম্নকট ধর্মবিষয়ে বক্তৃতা করিয়াছিলেন—
বনি আনর-বেন-সাদায়া, বনি মোহারিব, বনি হাফাজা, বনি ফেজারা, বনি বাসুমান, বনি কাল্ব, বনি হারেস, বনি কাগাব, বনি ওজরা, বনি মোরাদ, বনি হামিকা, বনি হুমেইম, বনি আব্দুল, বনি মজর, বনি বাকা, বনি কিফা, এবং বনি খোজারায়ী ।

বহির্গত হইয়া তাহাকে গিয়া ধর্ম প্রচার করিতে আরম্ভ করিলেন ; কিন্তু অতি ঘৃণিতভাবে তথা হইতে বিতাড়িত হইলেন (১) । তাহাকে হইতে পত্যাগমনের পর তিনি মদিনাবাসী ৬৭ জন লোকের নিকট ইসলামের পবিত্র উপদেশাদি সম্বন্ধে বক্তৃতা করেন, তাহারা তাহার বক্তৃতায় মুগ্ধ হইয়া ইসলাম গ্রহণ করিলেন. এই রূপে মদিনায় ইসলামের পবিত্র আলোক প্রবেশ করিল । পর বৎসর ১২ জন লোক মদিনা হইতে হজরতকে দেখিবার জন্য মক্কায় আসিলেন এবং তাহারা হজরতের নিকট ইসলামের মাহাত্ম্য অবগত হইয়া তৎক্ষণাৎ ইসলাম গ্রহণ করিলেন । পরে তাহারা স্বদেশে গিয়া ইসলাম প্রচার করিতে লাগিলেন । এইরূপে অচিরকাল মধ্যে মদিনার ঘরে ঘরে এবং এক সম্প্রদায় হইতে অন্য সম্প্রদায়েব মধ্যে ইসলামের পবিত্র জ্যোতিঃ প্রকাশিত হইতে লাগিল । ইহদীগণ ইহা দেখিয়া আশ্চর্যান্বিত হইল ; কারণ তাহারা যাহাদের নিকট পুরুষানুক্রমে বহু ঈশ্বরবাদিত্বের ভ্রম দূর করিবার জন্য প্রাণপণে চেষ্টা করিয়াও সফল মনোরথ হইতে পারে নাই এবং যাহাদিগকে ঘৃণিত ও খোদাতালার নিয়মের বিগর্হিত পুতুল পূজা হইতে নিবারণ করিতে পারে নাই ; আজ তাহারাই হঠাৎ স্ব-ইচ্ছায় পুতুল

(১) "(হজরত) মহম্মদের (দঃ) তাহাকে ধর্ম প্রচার কার্যে বড় সাহসিকতা ও অতি উচ্চতাব বিদ্যমান ছিল ; আত্মীয় স্বজন বিবর্জিত ও সমাজে ঘৃণিত ব্যক্তির কেবল খোদাতালার উপর নির্ভর করিয়া পৌত্তলিক নগরকে প্রারম্ভিকের জন্য ও সত্যধর্ম গ্রহণ জন্য আহ্বান করা কতদূর দুঃসাহসিকের কার্য, তাহা সকলে সহজে অনুমান করিতে পারেন । এই সকল কার্যে তাহার বিশ্বাসের মূলে স্বর্গীয় সত্য নিহিত আছে, এবং সেই সত্যই তাহাকে আলোক প্রদান করিতেছে, ইহাতে তাহার প্রচুর প্রমাণ প্রাপ্ত হওয়া বাইতেছে" । (See Sir. W. Muir's Life of Mohamet).

সকল দূরে নিক্ষেপ করিয়া একমাত্র সত্য স্বরূপ খোদাতালার উপর বিশ্বাস স্থাপন করিতেছে (১) ; ইহা কম আশ্চর্যের বিষয় নহে ।

এইরূপে অতি দ্রুতগতিতে কোনরূপ বাধা বিঘ্ন না পাইয়া বিনা বল প্রয়োগে মদিনায় ইসলামের ভিত্তি স্থাপিত হইয়া দিন দিন উন্নতি লাভ করিতে লাগিল । মদিনাস্থ আউস ও খাজরাজ দলস্থ লোকদিগের মধ্যে স্ত্রীপুরুষ সকলেই ইসলামে বিশ্বাস স্থাপন করিয়া ছিলেন । কেবল আউস আল্লা নামক একটী শাখাদলস্থ কতিপয় ব্যক্তি মদিনা অবরোধ কাল পর্যন্ত ইসলাম গ্রহণ করেন নাই । এই সময়ে মক্কা, মদিনা ও আবিসিনিয়ার ইসলাম ধর্মাবলম্বীর সংখ্যা অধিক পরিমাণে বৃদ্ধি পাইয়াছিল । ঐ সকল ইসলাম ধর্মাবলম্বীর মধ্যে কেহই বলিতে পারিতেন না যে, বলপ্রয়োগে তাহারা ইসলাম গ্রহণ করিয়াছেন :— অন্য পক্ষে, তাহাদিগকে ইসলাম ত্যাগ করিবার জন্ত শত্রুগণ যথাসাধ্য চেষ্টা করিয়াছিল ।

যখন ইসলামধর্মাবলম্বীগণ কোরেশদিগের কঠোর উৎপীড়নে উৎপীড়িত হইয়া মক্কা ত্যাগ করিয়াছিলেন, তখন বন্দী ও ক্রীতদাস ইসলামধর্মাবলম্বীগণ স্ব স্ব পরিবারাদি সহ মদিনায় গিয়া উপনিবেশ স্থাপন করিতে সক্ষম হন নাই ; তন্নিম্ন আরও অনেক নূতন ইসলাম ধর্মাবলম্বী মক্কার অবস্থিতি করিতেছিলেন ; যাহারা ঈর্ষাপরতন্ত্র কোরেশদিগের

(১) "৫০০ শত বৎসর খ্রীষ্টানগণ যখনও ৩য় কীর্তন করিয়াও মদিনাবাসী কেবল দুই একটী দলকে তাহাদের ধর্মে দীক্ষিত করিতে সমর্থ হইয়াছিল—নাজারথের বনি হারেস জাহামার বনি হানিকা এবং তারেমার বনি তাই প্রভৃতি বংশের কতিপয় ব্যক্তি এবং অপরায়ণ করেক জন লোক খ্রীষ্ট ধর্ম গ্রহণ করিয়াছিল । যদিও জু-নোরায়ের দ্বারায় ইহদী ধর্ম অতিশয় কমতালী হইয়াছিল, তথাপি উহা মদিনায় অধিক দিন পর্যন্ত কার্যকর হইতে পারে নাই ।" (Life of Mohamet by Sir W. Muir).

অত্যাচার ও উৎপীড়নের হস্ত হইতে পলায়ন করিতে সম্পূর্ণ অক্ষম ছিলেন, তাহাদের প্রতি কোরেশদিগের অত্যাচার দিন দিন বৃদ্ধি হইতেছিল, কোরাণ শরিফের ৪র্থ সূরার ৭৭, ৭৯ ও ১০০ আয়েতে উহার উল্লেখ দেখিতে পাওয়া যায় । যখন মুসলমানেরা তীর্থযাত্রার্থ ষষ্ঠ হিজরিতে মক্কার নিকটস্থ হোদায়বিয়াতে উপস্থিত হইয়াছিলেন, সেই সময়ে মক্কাস্থ ঐ সকল উৎপীড়িত মুসলমানগণ শত্রু হস্ত হইতে মুক্তি পাইবার জন্ত তাহাদের নিকট সাহায্য চাহিয়া পাঠান ; কোরাণ শরিফের ৪৮ সূরার ২৫ আয়েতে উহার উল্লেখ দেখিতে পাওয়া যায় ।

মদিনার চতুষ্পার্শ্বস্থ বিভিন্ন সম্প্রদায়সমূহ এবং মদিনার দক্ষিণ দিক হইতে কোরেশগণ অবিরাম গতিতে মুসলমানদিগকে আক্রমণ ও লুণ্ঠনে নিযুক্ত ছিল ; ইহা ইসলাম বিস্তারের একটা প্রধান অন্তরায় বলিতে হইবে । আবার উত্তর ও মধ্য আরবের প্রধান প্রধান সম্প্রদায়স্থ লোকগণ হজরতের জীবদ্দশায় পরস্পর যুদ্ধে লিপ্ত ছিল । তাহাদের সেই সকল ধ্বংসকারক যুদ্ধসমূহ অনূন বিংশতি বৎসরকাল স্থায়ী ছিল । সুতরাং দীর্ঘকাল স্থায়ী যুদ্ধে জনসাধারণের মধ্যে যে সকল অনিষ্টোৎপাদন হইয়া থাকে, তাহার পূর্ণমাত্রা তাহাদের মধ্যে সংঘটিত হইয়াছিল, সেই সকল অনিষ্ট যে, কেবল যুদ্ধে সংশ্লিষ্ট লোকদিগের মধ্যে উপস্থিত হইয়াছিল, তাহা নহে ; তাহা চতুর্দিকস্থ জনসাধারণের মধ্যে বিস্তৃত হইয়া পড়িয়াছিল । ঐ সকল অনিষ্টপাত দূর করিবার জন্ত কয়েক বৎসরের আবশ্যক হইয়াছিল । ইহাও ইসলাম বিস্তারের একটা প্রতিবন্ধক বলিতে হইবে ।

হজরত মহম্মদের (সঃ) জীবদ্দশায় বিভিন্ন আরব জাতির মধ্যে যে সকল যুদ্ধ সংঘটন হইয়াছিল, নিয়ে তাহার একটা তালিকা প্রদত্ত হইতেছে ।

হজরতের প্রেরিতত্ব লাভের পূর্বে—

১) বাহরাহান যুদ্ধ—বনি আমের-বেন-সায়াসায়া এবং নজ্দের বনি তমিমদিগের সহিত ।

(২) শেব জাবালার যুদ্ধ—বনি আব্‌স্, বনি আমেরের পক্ষে এবং বনি জোবিয়ান বনি তমিমের পক্ষে ।

(৩) হার্বৈ ফেজার যুদ্ধ—প্রতিমূর্তি সম্বন্ধে পবিত্র বস্তু ছুষিত করণে তারেফে যুদ্ধ সংঘটিত হয় ।

(৪) বনি বকর ও বনি তমিমের মধ্যে কতকগুলি যুদ্ধ সংঘটন হয় ।

হজরতের ধর্মপ্রচার কালে—

(ক) মক্কার অবস্থান কালে—

(১) দাহিসের যুদ্ধ—বনি আব্‌স্ এবং মধা আরবের ঘাতাকান বংশীয় বনি জোবিয়ানের সহিত ; এই যুদ্ধ চল্লিশ বৎসরকাল স্থায়ী ছিল ।

(২) জুকার যুদ্ধ—বনি বকর ও হিরা রাজ্যের পারসিকদিগের সহিত ।

(৩) যখন বনি তমিম ইমেনের নিকটস্থ কুলাব নামক স্থানে বিশ্রাম লাভ করিতেছিল, সেই সময়ে বনি কিন্দা ও বনি হারেস তাহাদিগকে আক্রমণ করিয়া পরাজিত করে ।

(৪) বোরাসের যুদ্ধ—মদিনাস্থ বনি আউস এবং খাজরাজের সহিত । বনি আউস ঘাসমানবংশীয় দুই দলের এবং ইহুদী সম্প্রদায়স্থ বনি নাজের ও বনি কোরায়জার সাহায্য প্রাপ্ত হইয়াছিল আর বনি খাজরাজ জোহেরনা, আস্‌জা এবং কাঙ্কায়ার ইহুদীদিগের সাহায্য পাইয়াছিল ।

(খ) মদিনার অবস্থান কালে—

(১) বনি হাওয়াজেন এবং বনি আবুসু, জোবিয়ান্ এবং ঘাতাকান দলসহ আস্জা ইসলাম ধর্ম গ্রহণ না করা পর্যন্ত পরস্পর যুদ্ধে লিপ্ত ছিল ।

(২) কোরেশগণ বদরে ও ওহোদে হজরতের সহিত যুদ্ধ করে ।

(৩) বহুবিস্তৃত ঘাতাকানবংশীয় বনি মুরাঃ, আস্জা এবং ফেজারা, বনি সুলেইম এবং হাওয়াজেন বংশীয় সাযাদ পরিবার, নজ্দের যাযাবর সম্প্রদায়ের বনি আসাদ এবং ইভদীজাতীয় বনি কোরায়জা প্রভৃতি কোরেশদিগের ষড়যন্ত্রে যোগ দিয়া মদিনাস্থ মুসলমানদিগকে আক্রমণ করিয়াছিল ।

(৪) বনি তমিম ও বনি বকরের মধ্যে পুনঃ যুদ্ধ সংঘটন হয় । কিন্তু যুদ্ধের পরেই তাহারা উভয় দলই ইসলাম ধর্ম গ্রহণ করে ।

(৫) উত্তর মদিনার বনি তাই বংশীয় বনি ঘাউস্ এবং জাদিলা পরস্পর যুদ্ধে লিপ্ত ছিল । ফাছাদের যুদ্ধ ২৫ ষৎসর কাল স্থায়ী ছিল, পরে তাহারা ইসলাম ধর্ম গ্রহণ করিলে যুদ্ধ শেষ হইয়া যায় ।

মদিনার উপনিবেশের পর হইতে হোদায়বিয়ার সন্ধি স্থাপন পর্যন্ত এই ছয় বৎসর কাল হজরত মহম্মদ (দঃ) কেবল শত্রুদিগের আক্রমণের ভয়ে শশব্যস্ত এবং আত্মরক্ষার চেষ্টায় নিযুক্ত ছিলেন । সেই সময়ে মদিনার চতুষ্পাশ্বস্থ কতকগুলি সম্প্রদায় সপরিবারে ইসলাম ধর্মে দীক্ষিত হইয়াছিলেন । নিম্নে তাঁহাদের মধ্যে কয়েকটি সম্প্রদায়ের নাম লিখিত হইতেছে :—

(১) বনি আছলাম—মদিনার উত্তরভাগস্থ ওয়াদী-অল-কোরা উপত্যকার বাস করিত ।

(২) জোহেয়না—মদিনার উত্তর ভাগস্থ এন্বু নামক স্থানের নিকটে বাস করিত ।

(৩) মোজেনা—মদিনার উত্তরপূর্ব কোণস্থ নজ্দ নামক স্থানে বাস করিত ।

(৪) ঘাইফার—

(৫) সায়াদ-বেন-বকর—ইহারা হাওয়াজেন বংশোদ্ভব ; হজরত মহম্মদ (দঃ) বাল্যকালে ইহাদের মধ্যে প্রতিপালিত হইয়াছিলেন ।

(৬) বনি আসূজা—ইহারা কোরেশগণ কর্তৃক মদিনা অবরোধ-কালে ৪০০শত বীরপুরুষ-সহ হজরতের বিরুদ্ধে যুদ্ধ করিয়াছিল ।

আমরা এমন কোন ঘটনা মাগাজিতে (হজরত মহম্মদের (দঃ) যুদ্ধযাত্রার ইতিবৃত্তে) দেখিতে পাইলাম না যে, হজরত মহম্মদ (দঃ) কোন ব্যক্তি, পরিবার, সম্প্রদায় কিম্বা জাতিকে এক হস্তে তরবারি অপর হস্তে কোরাণ শরীফ গ্রহণ করিয়া ইসলাম ধর্মে দীক্ষিত করিয়াছিলেন ।

এতাবৎকাল পর্য্যন্ত ইসলাম উৎপীড়ন, অত্যাচার, নির্যাসন ও আক্রমণ হইয়াও স্ককীয় ক্ষমতানুসারে মক্কার অধিবাসিগণের মধ্যে প্রচারিত হইয়াছিল ; বিশেষতঃ মক্কার অধিবাসিগণ ইসলামের মাহাত্ম্য অবগত হইয়া স্ব স্ব প্রবৃত্তি অনুসারে তাহা গ্রহণ করিয়াছিল । ঐ সকল ইসলাম ধর্মাবলম্বীর মধ্যে কেহ কেহ আবিসিনিয়ার, কেহ কেহ মদিনার গিয়া উপনিবেশ স্থাপন করেন । তন্মিন্ন মদিনাস্থ ক্ষমতামালী আউস ও খাজরাজ দলস্থ সমুদয় লোক এবং ইহুদীগণ, উত্তর ও পূর্ব মদিনার বিভিন্ন সম্প্রদায় এবং মধ্য আরবের অধিবাসিগণ ইসলাম গ্রহণ করিয়াছিলেন । কিন্তু মক্কাবাসিগণ দক্ষিণ আরববাসিদিগের পক্ষাবলম্বনপূর্বক ইসলামের বিরুদ্ধে যুদ্ধ ঘোষণা করিয়াছিল, এবং আরবের অধিকাংশ অধিবাসী হজরতকে আক্রমণ কার্যে কোরেশদিগের সহায়তা করিয়াছিল, এতন্মিন্ন দক্ষিণ ও দক্ষিণপূর্ব আরববাসিগণও কোরেশদিগের সহিত যোগদান করিয়াছিল । কিন্তু ঐ সকল অধিবাসিগণ ইসলামের মাহাত্ম্য অবগত হইতে পারে নাই

কিষ্কা তাহার মদিনার আসিয়া ইসলাম গ্রহণের কোনরূপ সুবিধা কিষ্কা মুসলমানদিগের সহিত বন্ধুত্ব স্থাপনের কোনরূপ বিশেষ সুযোগ পায় নাই ; বিশেষতঃ তাহার পৌত্তলিক আরবজাতির ধর্মসম্বন্ধীয় কেন্দ্রস্থান ও কাবার রক্ষক কোরেশদিগের প্রজ্জ্বলিত বিদ্বেষানলের সম্মুখভাগ হইতে কোন ইসলামপ্রচারক প্রাপ্ত হয় নাই ; তখন তাহারা কেবল ইসলামের ভাগাচক্র নিরীক্ষণ করিতেছিল । শেষে পঞ্চম হিজরীতে কতিপয় বাঘাবর সম্প্রদায়—তাহাদের মধ্যে বনি আসুজা, যুরাঃ, ফেজারা, সুলেইম, সায়াদ বেন-বকর এবং বনি আসাদ—সহস্র সহস্র আরব সমভিব্যাহারে কোরেশদিগের সহিত যোগ দিয়া মদিনা আক্রমণ করিয়াছিল । যখন অগ্র আক্রমণকারী কোরেশগণ মুসলমানদিগকে মদিনার অবরুদ্ধ করিয়া রাখিয়াছিল, তখন যুদ্ধে লিপ্ত দলসমূহ এবং মধ্য, দক্ষিণ ও পূর্ব আরবের অধিবাসিগণ পৌত্তলিকতা ও কুমংস্কারের বিরুদ্ধে ইসলামের যুক্তিসঙ্গত বক্তৃতা শ্রবণ করিয়া তাহার সত্যতার বিষয় চিন্তা করিতেছিল ।

হিজরীর ষষ্ঠ বৎসরের শেষ ভাগে হোদায়বিয়ার সন্ধিতে মক্কাবাসিগণ মুসলমানগণের সহিত প্রকাণ্ডভাবে চিঠিপত্র লেখা আরম্ভ করিল এবং ক্রমে ক্রমে মক্কায় নূতন নূতন ইসলাম ধর্মাবলম্বীর সংখ্যা বৃদ্ধি পাইতে লাগিল । হোদায়বিয়ার সন্ধিকালে আজ্জু বংশোদ্ভব বনি খোজায়াগণ ইসলাম ধর্ম গ্রহণ করিয়াছিলেন । পর বৎসর তীর্থ যাত্রার সময়ে মক্কার প্রধান প্রধান ক্ষমতাশালী লোকগণ ইসলাম গ্রহণ করেন । ঐ সকল প্রধান প্রধান লোকের মধ্যে ইসলামের বিস্তৃতি যে কেবল বন্ধমূল ছিল এমন নহে, কিন্তু ইহা চতুর্দিকে সাধারণভাবে বিস্তার হইয়া পড়িয়াছিল । সপ্তম হিজরীতে নিম্নলিখিত দলসমূহ ইসলাম ধর্ম গ্রহণ করেন এবং তাহাদের মধ্যে প্রত্যেক দলই প্রতিনিধিগণ খায়বারে হজরতের সহিত যোগ দান করিয়াছিলেন ।

(১) বনি আসাদ—জেদার অধিবাসী ।

(২) খুসায়েন—কোজারা বংশোদ্ভব ।

(৩) দাউস্—আজ্দ্ সম্প্রদায়স্থ ; ইঁহারা মক্কার দক্ষিণ ভাগে বাস করিতেন, খায়বারের যুদ্ধে ইঁহারা হজরতের সঙ্গে যোগদান করিয়াছিলেন ।

অষ্টম হিজিরিতে হজরত মহম্মদ (দঃ) আরবের উত্তর ও উত্তরপূর্ব-ভাগস্থ কতিপয় দলকে ইসলাম ধর্ম্মে দীক্ষিত করেন ; তাঁহাদের মধ্যে কতকগুলি দলের নাম নিম্নে লিখিত হইতেছে ।

(১) বনি আব্‌স্ । (২) জোবিয়ান । (৩) মুরাঃ । (৪) কেজারা ।

(৫) সুলেইম । (৬) ওজরা । (৭) বালি । (৮) জুজাম । (৯) সালাবা ।

(১০) আবদল কায়েস । (১১) বনি তমিম । (১২) বনি আসাদ ।

ষষ্ঠ হিজিরিতে সন্ধি স্থাপিত হইবার পর মক্কার দিন দিন ইসলাম ধর্ম্মের উন্নতি হইতে লাগিল, কারণ মক্কাস্থ ক্ষমতাশালী দলপতিগণ ইসলাম গ্রহণ করায় ইসলাম ধর্ম্মাবলম্বীর সংখ্যা বৃদ্ধি হইল, অধিকন্তু তথায় শান্তি স্থাপিত হওয়াতে অধিকাংশ অধিবাসী ইসলামের উপর বিশ্বাস স্থাপন ও সহানুভূতি প্রকাশ করিতে লাগিলেন । পৌত্তলিক কোরেশদিগের মধ্যে ক্ষমতাশালী কোন ব্যক্তিই ইসলামের বিপক্ষে ছিলেন না ; প্রায় সকলেই ইসলামের পক্ষাবলম্বী হইয়াছিলেন । কিন্তু আঁচরকাল মধ্যে বনি বকর ও কোরেশগণ সন্ধি ভঙ্গ করাতে বিনা রক্তপাতে মক্কা নগর হজরত মহম্মদের (দঃ) হস্তগত হইল ।

যদিও মক্কা নগর হজরত মহম্মদের (দঃ) অধীনতা স্বীকার করিল, তথাপিও ইঁহার অধিবাসীগণ একযোগে ইসলাম ধর্ম্ম গ্রহণ করেন নাই ; এবং হজরতও তাঁহাদিগকে ধর্ম্ম গ্রহণ জরুর বল প্রয়োগ করেন নাই । সান্ন উইলিয়ম্ মুহম্ম বলেন, “যদিও মক্কা আক্লামের সহিত (হজরত) মহম্মদের (দঃ) অধীনতা ও প্রাধান্যতা স্বীকার করিয়াছিল, তথাপিও ইঁহার অধিবাসীগণ নূতন ধর্ম্ম গ্রহণ করে নাই কিম্বা তাঁহার প্রেরিতব্য স্বীকার

করে নাই । তিনি ধর্মপ্রচারের জন্ত মদিনায় বেরূপ উপায় অবলম্বন করিয়াছিলেন, এখানেও সেইরূপ উপায় অবলম্বন করিলেন ; এবং লোকগণ বিনা বল প্রয়োগে ক্রমে ক্রমে ইসলাম ধর্ম গ্রহণ করিবে, ইহাই তাঁহার আশা ছিল (১) ।”

আজ প্রায় বিংশতি বৎসরের অধিককাল গত হইল, হজরত মহম্মদ (দঃ) মক্কার চতুস্পার্শ্বস্থ মেলাসমূহে (২) এবং বাৎসরিক তীর্থযাত্রার সময়ে বিভিন্ন আরব সম্প্রদায়ের (৩) নিকটে এবং মাদিনাহইতে প্রেরিত বিশেষতঃ ইসলাম প্রচারকগণ এবং মক্কা ও মাদিনায় গমনাগমনকারী ব্যবসায়ী ও পর্যটকগণ দ্বারা আরবের সমুদয় অংশে কোরাণ শরিফের মাহাত্ম্য প্রচারিত হইয়া আসিতেছিল । এইরূপে দূরবর্তী বিভিন্ন সম্প্রদায়, বংশ ও শাখা বংশে ইসলামের সুসমাচার বিস্তৃত হইয়া পড়িয়াছিল । এই সময়ে অধিকাংশ সম্প্রদায়ের প্রধান প্রধান ব্যক্তি ইসলাম ধর্ম গ্রহণ করিয়াছিলেন । যে সকল জাতি বা সম্প্রদায় এতদিন পর্য্যন্ত ইসলাম ধর্ম গ্রহণ করেন নাই, তাঁহারা ইসলামের মাহাত্ম্য অবগত হইয়া তাহা গ্রহণে প্রস্তুত হইলেন । কোরাণ শরিফের যুক্তিসঙ্গত মতের বিকলচরণ করিতে পৌত্তলিকতার কোনরূপ ক্ষমতা ছিল না । কিন্তু পৌত্তলিক কোরেশগণ ইসলামকে পার্শ্ব উৎপীড়ন, অত্যাচার ও অন্ত্রশস্ত্র বলে প্রতিরোধ এবং

(১) (See, Life of Mohamet by Sir W. Muir. Vol. IV. Page 136).

(২) তারেক এবং নেকলার মধ্যস্থ ওকাজ, মার-অল জাহাঙ্গীরের নিকটস্থ মুজান্না এবং আন্নাকাৎ পাহাড়ের পশ্চাত্তাগস্থ জুলমাজাজ ।

(৩) অতি প্রাচীনকাল হইতে আরবের বিভিন্ন প্রদেশসমূহ হইতে বিভিন্ন সম্প্রদায় লোকগণ প্রত্যেক বৎসর মক্কার তীর্থযাত্রার্থ আসিত, তন্মধ্যে নিম্নলিখিত স্থানসমূহ প্রধান—ইয়েন, হাজ্জামরৎ, পারস্তোপসানরের তীরবর্তী প্রদেশ, সুরিয়ার মক্কাপ্রদেশ এবং দূরবর্তী হিরা ও মেসোপটেমিয়া ।

আক্রমণ করিয়া পৌত্তলিকতাকে সূদৃঢ় করিবার চেষ্টা করিয়াছিল। কোরেশ বংশীয় দূরবর্তী দলসমূহ তাহাদের গুণে ইসলাম গ্রহণ করিতে পারে নাই। হোদায়বিয়ার সন্ধিতে কোরেশদিগের শত্রুতার হ্রাস হইতে না হইতেই আরববাসীগণ ইসলাম গ্রহণ করিতে আরম্ভ করিল; তাহারা (কোরেশগণ) আত্মসমর্পণ, পবিত্র কাবা পুতুল শূন্য এবং পৌত্তলিকতা ও ইসলামের ধর্মসম্বন্ধীয় মীমাংসা স্থির হইতে না হইতেই আরবের উত্তর ও পূর্বভাগস্থ অবশিষ্ট দলসমূহ নবম ও দশম হিজিরিতে দলে দলে আসিয়া ইসলাম গ্রহণ করিতে লাগিলেন।

নবম ও দশম হিজিরিতে হজরত মহম্মদের (সঃ) নিকট আরবের দক্ষিণ-ভাগস্থ ইয়েমেন, হাজ্জারাময়ৎ, মাহ্‌রা, ওমান এবং বাহরায়েন প্রভৃতি প্রদেশ এবং সিরিয়া ও পারস্যের সন্নিহিত প্রদেশসমূহ হইতে ইসলাম ধর্ম গ্রহণেচ্ছুক প্রতিনিধিগণ আগমন করিয়াছিলেন; এবং ইয়েমেন, মাহ্‌রা, ওমান, বাহরায়েন ও জামামার কতিপয় খ্রীষ্টধর্মাবলম্বী ও জড়োপাসক রাজপুত্র ও দলপতি পত্র বা দূত প্রেরণ দ্বারা হজরতকে তাহাদের ইসলাম গ্রহণের সংবাদ দিয়াছিলেন। যে সকল স্থানে ইসলামপ্রচারক প্রেরিত হন নাই, সেই সেই স্থানের অধিবাসিদিগকে ইসলামের মহাত্ম্য অবগত করাইবার জন্য এবং তথাকার নব ইসলাম ধর্মাবলম্বীদিগকে ধর্মকর্মপদ্ধতি শিক্ষা দিবার জন্য হজরত মহম্মদ (সঃ) তথাকার দূতগণের সমভিব্যাহারে ইসলাম প্রচারক পাঠাইয়া দিয়াছিলেন; অধিকন্তু নব ইসলাম ধর্মাবলম্বীদিগের মধ্যে যদি পৌত্তলিকতার লেশমাত্র অবশিষ্ট থাকে, উপদেশ দ্বারা তাহার অসারতা তাহাদিগকে বুঝাইয়া দিবার জন্যও প্রচারক (ওয়াজেহ) গণ প্রেরিত হইয়াছিলেন।

একণে নিরপেক্ষ পাঠকগণ বিবেচনা করিয়া দেখুন যে, হজরত মহম্মদ (সঃ) ও তাহার শিষ্যগণ শত্রুদিগের দ্বারা কিরূপ উৎপীড়িত,

অত্যাচারিত ও অবমানিত হইয়া জন্মভূমি হইতে বিতাড়িত ও আক্রান্ত হইয়াছিলেন, আবার সেই অবস্থায় তিনি সেই সকল কুসংস্কারাচ্ছন্ন ও নীতিজ্ঞানশূণ্য পৌত্তলিকদিগের নিকট তাহাদের ভ্রান্তমতের বিরুদ্ধে কিরূপ অবিরাম গাততে ইসলামের অল্লাহ ও পবিত্র মতের বক্তৃতা করিতেন ; এই দুই বিষয় বিশেষরূপে পর্যালোচনা করিলে স্পষ্ট : দেখা যায় যে, ইহাতে তাঁহার অপ্রতিহত ধৈর্য্যশীলতা ও একমাত্র সত্য স্বরূপ পবিত্র খোদাতালার আদেশ জনসাধারণের মধ্যে প্রচার করাই তাঁহার জীবনের প্রধান উদ্দেশ্য ছিল। এইরূপে খোদাতালার পবিত্র ধর্ম্ম অচিরকাল মধ্যে সমুদয় আরবে প্রচারিত হইয়া গেল। বিপক্ষ পৌত্তলিকদিগের কুসংস্কার ও ভ্রান্তবিশ্বাসরূপতামসী ইসলাম সূ্যোয় উদয়ে কোথায় পলায়ন করিল, তাহার আর সন্ধান রহিল না ; ক্রমে সমুদয় আরব দেশ এক নবজীবন লাভ করিল। এক সময়ে যাহারা হজরতকে দেশচ্যুত ও সঙ্কস্হান্ত করিয়া পথের ভিখারীর স্তায় করিয়াছিল : ক্রমে তাহারা হ এমন কি সমুদয় আরববাসী দলে দলে আসিয়া তাঁহার নিকট পবিত্র ধর্ম্ম গ্রহণ করিল। তিনি কোন কালেই পার্থিব ক্ষমতা পাইবার অভিলাষী ছিলেন না, ধর্ম্ম সম্বন্ধে স্বাধীন মত ও সত্যধর্ম্ম প্রচার দ্বারায় লোকদিগকে বশীভূত করিতে বিশেষ অভিলাষী ছিলেন। বল প্রয়োগে বা তরবারি গ্রহণে ধর্ম্ম প্রচারের জন্ত তিনি প্রেরিত হন নাই ; একমাত্র খোদাতালার অস্তিত্ব জনসাধারণে প্রচার করিবেন, লোকে বিবেকের সাহায্যে তাহা গ্রহণ করিবে, ইহাই তাঁহার উপদেশের প্রধান লক্ষ্য ছিল।

আত্মরক্ষার্থ যুদ্ধের বিবরণ ।

যাহারা বলে যে, হজরত মহম্মদ (দঃ) অগ্রআক্রমণকারী এবং প্রতিহিংসা উদ্বীপক যুদ্ধ সংঘটনকারী, অধিকন্তু বলপূর্ব্বক ইসলাম

প্রচারের জন্য যুদ্ধ ঘোষণা করিয়াছিলেন । আমরা এই প্রবন্ধে অতি সংক্ষেপে তাহাদের ঐ সকল ভ্রান্তবিশ্বাস দূর করিবার জন্য এবং কোরেশদিগের সহিত হজরত মহম্মদের (দঃ) যুদ্ধের পক্ষত কারণ প্রদর্শনার্থ প্রয়াস পাইব ।

আমরা কোরান শরিফের কতকগুলি আয়েতের অনুবাদ করিয়া দেখাইব যে, হজরত মহম্মদ (দঃ) আশুরক্ষার্থই কোরেশদিগের সহিত যুদ্ধ করিয়াছিলেন ।

“নিশ্চয়, খোদাতালা বিগ্নাসীগণ হঠাতে উপদ্রব (কাফেরদিগের) দূর করেন, দেখ খোদাতালা ক্ষতিকারক ধর্মদ্রোহীকে প্রেম করেন না ।” কোরান, ২২ সূরা, ৩৯ আয়েত ।

“যাহাদের সঙ্গে (কাফেরগণ) সংগ্রাম করিতে প্রবৃত্ত, তাহাদিগকে (ধর্মযুদ্ধে) অনুমতি দেওয়া হইয়াছে, যেহেতু তাহারা উৎপীড়িত, এবং নিশ্চয় খোদাতালা তাহাদিগকে সাহায্য দানে সক্ষম ।” কোরান, ২২ সূরা, ৪০ আয়েত ।

“যাহারা অশান্তরূপে আপন আলয় হঠাতে বহিষ্কৃত হইয়াছে, যেহেতু কেবল তাহারা বলিয়া থাকে যে, ‘আমাদের প্রতিপালক খোদাতালা ।’ এবং যদি মনুষ্য পরস্পর এক জন হঠাতে অন্য জন খোদাতালা কর্তৃক দূরীভূত না হইত, তবে অবশ্য মুসলমান সন্ন্যাসীদিগের তপস্বী কুঠির, জৈয়ীদিগের ভজনালয়, ইভদীদিগের পূজা গৃহ ও মসজিদ যথায় প্রচুররূপে খোদাতালা নাম উচ্চারিত হইয়া থাকে, নিশ্চয় ধ্বংস করা হইত, এবং যে ব্যক্তি তাহার (ধর্মের) সাহায্য করিয়া থাকে, অবশ্য খোদাতালা তাহাকে সাহায্য করবেন, নিশ্চয়ই খোদাতালা ক্ষমতাবান্ পারাক্রান্ত ।” কোরান, ২২ সূরা, ৪০ আয়েত ।

“যত্নপি আমরা এই পৃথিবীতে তাহাদিগকে ক্ষমতা দান করি, তাহা

হইলে তাহারাই নামাজকে প্রতিষ্ঠিত রাখিবে, জকাত দান করিবে, বৈধ বিষয়ে আদেশ ও অবৈধ বিষয়ে নিষেধ করিবে । এবং সকল কার্যেরই শেষ পরিণাম খোদাতালা ।” কোরাণ, ১২ সূরা, ৪২ আয়েত ।

“যাহারা তোমাদের সঙ্গে যুদ্ধ করিতে প্রবৃত্ত হয়, খোদাতালা পথে তাহাদের সঙ্গে তোমরা যুদ্ধ কর ; কিন্তু তাহাদিগকে অগ্রে আক্রমণ করিয়া সীমা লঙ্ঘন করিও না, নিশ্চয় খোদাতালা সীমালঙ্ঘনকারীদিগকে প্রেম করেন না ।” কোরাণ, ২ সূরা, ১৯০ আয়েত ।

“যেখানে তাহাদিগকে পাইবে, সংহার কর, এবং তাহারা তোমাদিগকে যেহান হইতে নির্বাসিত করিয়াছে, তোমরাও তাহাদিগকে নির্বাসিত কর, হত্যা অপেক্ষা ধর্মদ্রোহিতা গুরুতর পাপ । মসজিদল হারামের নিকটে তাহারা তোমাদিগকে আক্রমণ না করিলে, তোমরা (তথায়) তাহাদের সঙ্গে সংগ্রাম করিও না, কিন্তু যত্বপি তাহারা তোমাদিগকে (তথায়) আক্রমণ করে, তোমরাও তাহাদের সহিত সংগ্রাম করিও, কাফেরদিগের এই শাসন ।” কোরাণ, ২ সূরা, ১৯১ আয়েত ।

“কিন্তু যদি তাহারা নিরস্ত থাকে (অত্যাচার উৎপীড়ন করিতে, জন্মভূমিতে ও পবিত্র মসজিদে প্রবেশাধিকাবে,) তাহা হইলে নিশ্চয় খোদাতালা কমান্দোল ও দয়ালু ।” কোরাণ, ২ সূরা, ১৯২ আয়েত ।

“যে পর্য্যন্ত ধর্মদ্রোহিতা (ধর্ম জন্ত উৎপীড়ন, পবিত্র মসজিদ দর্শনে প্রতিবন্ধকতা আর নিরাপদে ধর্মপ্রচার ও ধর্মকর্মপদ্ধতি সম্পাদন) দূর হইয়া খোদাতালা ধর্ম প্রতিষ্ঠিত না হয়, সে পর্য্যন্ত তোমরা যুদ্ধ কর । কিন্তু যত্বপি তাহারা নিরস্ত না হয়, তাহা হইলে উৎপীড়নকারী ধর্মদ্রোহী ব্যতীত কাহার উপর হস্তক্ষেপ করিতে নাই ।” কোরাণ, ২ সূরা, ১৯৩ আয়েত) ।

“তাঁহারা পবিত্র মাসে যুদ্ধ করার সঙ্কে তোমাকে জিজ্ঞাসা করিবে, বলিও (হে মহম্মদ) সেই সময়ে যুদ্ধ করা ভয়ানক পাপ, কিন্তু খোদাতালার পথ রুদ্ধ করা এবং তাঁহাকে অবিশ্বাস করা এবং পবিত্র মস্জিদে প্রবেশ করিতে না দেওয়া ও তথা হইতে তথাকার অধিবাসীদিগকে নিকাশিত করা খোদাতালার নিকট অধিকতর পাপ ; কিন্তু যে পর্যাস্ত তাঁহারা সক্ষম হইবে, সে পর্যাস্ত তাঁহারা তোমাдиগকে তোমাদের ধর্ম হইতে বিচ্যুত করিবার জন্য অবিরাম যুদ্ধ করিবে । তোমাদের মধ্যে যাহারা স্বধর্ম বিমুখ হইয়া ধর্মদ্রোহিতার অবস্থায় প্রাণ ত্যাগ করিবে, তাহাদের ইহলোকে ও পরলোকে সমুদয় কাযা বিনষ্ট হইবে । তাঁহারা সেই সকল লোক, যাহারা নরকে বাস করিবে ও তথায় সর্বদা থাকিবে ।” কোরাণ, ২য় সূরা, ২১৭ আয়েত ।

“কিন্তু যে সকল লোক বিশ্বাস স্থাপন করিয়াছে, ও যে সকল লোক ধর্মোদ্দেশে স্বদেশ ত্যাগ কিংবা খোদাতালার ধর্ম স্থাপন জন্য প্রাণপণে চেষ্টা করিয়াছে, তাঁহারা খোদাতালার অনুগ্রহ লাভের আশা রাখে, খোদাতালা ক্ষমাশীল ও দয়ালু ।” কোরাণ, ২য় সূরা ২১৫ আয়েত ।

“এবং খোদাতালার পথে সংগ্রাম কর এবং জানিও, নিশ্চয় খোদাতালা শ্রোতা ও স্মৃতা ।” কোরাণ, ২য় সূরা, ২১৮ আয়েত ।

“মুসার মৃত্যুর পর এশ্রায়েল বংশীয় এক দল লোককে কি তুমি দেখ নাই । যখন তাঁহারা তাহাদের তস্ববাহককে বলিল, ‘আমাদের জন্য এক জন রাজা নিযুক্ত কর, আমরা খোদাতালার পথে যুদ্ধ করিব’ । তিনি বলিলেন, ‘সত্বরেই তোমাদের নির্মিত যুদ্ধের আদেশ হইবে, তাহাতে তোমরা যুদ্ধ করিবে না’ । তাঁহারা বলিল, ‘এবং কেন আমরা খোদাতালার পথে যুদ্ধ করিব না ? যখন আমরা আমাদের গৃহ হইতে তাড়িত ও সন্তানগণ হইতে বিচ্ছিন্ন হইয়াছি’ । কিন্তু যখন তাহাদের

প্রতি যুদ্ধের আদেশ হইয়াছিল, তাহাদের অল্প করেকজন ভিন্ন আর সকলে পশ্চাৎপদ হইল, কিন্তু খোদাতালা অপরাধীদিগকে জ্ঞাত আছেন ।” কোরান, ২য় সূরা, ২৪৬ আয়েত ।

“এবং খোদাতালার আজ্ঞায় তাহারা কাফেরদিগকে পরাস্ত করিল ; এবং দাউদ জালুতকে বধ করিল ; এবং খোদাতালা তাহাকে রাজ্য ও বিচক্ষণতা প্রদান করিলেন এবং তাহার অভিলষিত বিষয় তাহাকে শিক্ষা দিলেন ; যদি খোদাতালা মানবমণ্ডলীর একদল দ্বারায় অন্য দলকে দূর না করিতেন, তাহা হইলে নিশ্চয়ই পৃথিবী উৎসন্ন হইত, কিন্তু খোদাতালা জগদ্বাসীদের প্রতি সদয় ।” কোরান, ২য় সূরা, ২৫১ আয়েত ।

“যাহারা সাংসারিক জীবনকে পরলোকের জন্ত বিক্রয় করে, তাহাদের উচিত যে, খোদাতালার পথে সংগ্রাম করিতে থাকে এবং যে ব্যক্তি খোদাতালার পথে সংগ্রাম করিয়া হত হয়, পরে আমি শীঘ্র তাহাকে মহা পুরস্কার দান করি ।” কোরান, ৪র্থ সূরা, ৭৬ আয়েত ।

“তোমাদের কি হইয়াছে যে, দুর্বল স্ত্রীপুরুষদিগের নিমিত্ত ও বালকদিগের নিমিত্ত তোমরা যুদ্ধ করিবে না । যাহারা খোদাতালার পথে বলিয়া থাকে যে, ‘হে আমাদের প্রতিপালক ! যেখানকার অধিবাসা অত্যাচারী, সেইখান হইতে আমাদিগকে বাহির কর এবং তোমার নিকট হইতে আমাদের জন্ত কার্য্যসম্পাদক ও সাহায্যকারী নিযুক্ত কর’ ।” কোরান, ৪র্থ, সূরা ৭৭ আয়েত ।

“যাহারা বিশ্বাসী হইয়াছে, তাহারা খোদাতালার পথে সংগ্রাম করে এবং যাহারা কাফের হইয়াছে, তাহারা পুত্তলিকার পথে সংগ্রাম করে, অতএব তোমরা শরতানের প্রেমাস্পদদিগের সঙ্গে যুদ্ধ কর, নিশ্চয় শরতানের প্রতারণা দুর্বল ।” কোরান, ৪র্থ সূরা, ৭৮ আয়েত ।

“অতএব (হে মহম্মদ) খোদাতালার পথে সংগ্রাম কর, তুমি

জীবনে বাতীত প্রণীড়িত হইবে না এবং বিশ্বাসিগণকে উত্তেজিত কর, সত্বরই, খোদাতালা কাফেরদিগের যুদ্ধ বন্ধ করিবেন, খোদাতালা যুদ্ধ বিষয়ে সুদৃঢ় ও শান্তিদান বিষয়ে সুদৃঢ়।” কোরাণ ৪র্থ সূরা, ৮৬ আয়েত।

“যেমন তাহারা কাফের হইয়াছে, তোমরাও কাফের হইবে আশায় তাহারা বন্ধুতা করিয়া থাকে, অতঃপর তোমরা তুলা হইবে। অতএব খোদাতালার পথে দেশত্যাগ করা পর্য্যন্ত তাহাদিগকে তোমরা বন্ধুরূপে গ্রহণ করিও না, পরন্তু যদি তাহারা অগ্রাহ্য করে, তবে তোমরা তাহাদের কাহাকেও বন্ধু বলিয়া গ্রহণ এবং সাহায্যকারী করিও না।” কোরাণ, ৪র্থ সূরা, ৯১ আয়েত।

“যাহারা (এমন) কোন দলে মিলিত হয় যে, তোমাদের ও তাহাদের মধ্যে অঙ্গীকার রহিয়াছে, কিম্বা যাহারা তোমাদের নিকট আগমন করে যে, তোমাদের সঙ্গে যুদ্ধ করিতে তাহাদের হৃদয় সন্তুচিত, অথবা যাহারা আপন দলের সঙ্গে সংগ্রাম করে, তাহাদিগকে বাতীত; খোদাতালা ইচ্ছা করিলে তাহাদিগকে তোমাদিগের উপর প্রবল করিতেন, পরে নিশ্চয় তাহারা তোমাদের সঙ্গে যুদ্ধ করিত, যদি তাহারা তোমাদিগের হইতে চলিয়া যায়, এবং তোমাদিগের সঙ্গে যুদ্ধ না করে এবং তোমাদের সঙ্গে সন্ধি স্থাপন করে, তবে খোদাতালা তাহাদিগের প্রতি তোমাদের জন্য কোন পথ করেন নাই।” কোরাণ, ৪র্থ সূরা, ৯২ আয়েত।

“তোমরা অন্য এক দল প্রাপ্ত হইবে, যে ইচ্ছা করিতেছে তোমাদিগের হইতে নির্ভয় হয় এবং আপন দলের হইতে নির্ভয় হয়। যখন তাহারা অত্যাচারের দিকে প্রত্যানীত হয়, তাহাতেই ফিরিয়া থাকে। কিন্তু যত্নপি তাহারা তোমাদিগের হইতে অপসারিত না হয় ও তোমাদের

সহিত সন্ধি স্থাপন না করে, কিম্বা আপন হস্ত বন্ধ না করে, তাহা হইলে তাহাদিগকে ধর এবং যেখানে পাও হত্যা কর ; এবং এই সেই মূল যে আমি তাহাদের উপর তোমাদিগকে নিশ্চয়ই ক্ষমতা দিয়াছি ।” কোরাণ, ৪র্থ সূরা, ৯৩ আয়েত ।

“হে মক্কাবাসীগণ ! যত্বপি তোমরা বিজয়াকাঙ্ক্ষা কর, তাহা হইলে নিশ্চয়ই তোমাদের নিকট বিজয় উপস্থিত হইবে ; যত্বপি তোমরা (হে কাফেরগণ) যুদ্ধার্থে (মদিনা বা মুসলমানদিগকে আক্রমণ) ছাড়িয়া দেও, তাহা হইলে তোমাদের মঙ্গল ; যত্বপি তোমরা ফিরিয়া আইন, আমিও ফিরিব, যদিও তোমাদের সৈন্য সংখ্যা অধিক হয়, তাহা হইলে কখন তাহারা তোমাদিগকে লাভযুক্ত কারবে না, যেহেতু নিশ্চয় খোদাতালা বিশ্বাসীদিগের সঙ্গে আছেন ।” কোরাণ, সূরা ৮, আয়েত ১৯ ।

“কাফেরদিগকে বল—যদি তাহারা ফিরিয়া আসে (মুসলমানদিগের প্রতি অত্যাচার, উৎপীড়ন ও আক্রমণে), তাহা হইলে যাহা কিছু গত হইয়াছে, তাহাদের জন্য ক্ষমা করা যাইবে ; কিন্তু যদি তাহারা প্রত্যাবর্তন করে (পুনরায় অত্যাচার ও উৎপীড়ন আরম্ভ করে), তাহা হইলে নিশ্চয়ই পূর্বতনদিগের রীতি গত হইয়াছে ।” কোরাণ, সূরা ৮, আয়েত ৩৯ ।

“যে পর্য্যন্ত উপদ্রব ও অত্যাচার না থাকে এবং খোদাতালার জন্য সমগ্র ধর্ম হয়, সে পর্য্যন্ত তোমরা তাহাদের সঙ্গে যুদ্ধ কর ; এবং যদি তাহারা ফিরিয়া আইসে, তবে তাহারা যাহা করিবে, নিশ্চয় খোদাতালা তাহার দ্রষ্টা ।” কোরাণ, সূরা ৮, আয়েত ৪০ ।

“কিন্তু যদি তাহারা বিমুখ হয়, তাহা হইলে নিশ্চয় জানিও যে, খোদাতালা তোমাদের রক্ষাকারী, উত্তম রক্ষাকারী, উত্তম সাহায্যকারী ।” কোরাণ, সূরা ৮, আয়েত ৪১ ।

“..... এবং যাহারা বিশ্বাসী হইয়াছে, কিন্তু দেশান্তরিত হয় নাই, যে পর্য্যন্ত তাহারা দেশান্তরিত না হয়, তাহাদের বন্ধুতার কিছুই তোমাদের জন্য নহে ; তজ্জাচ যদি তাহারা তোমাদের নিকট ধর্ম্মবিষয়ে সাহায্য প্রার্থনা করে, তবে যাহাদের মধ্যে তোমাদের অঙ্গীকার আছে, সেই দলের উপর বাতীত সাহায্য দান তোমাদিগের প্রতি (বিধের) এবং যাহা তোমরা করিয়া থাক, খোদাতালা তাহার দর্শক ।” কোরাণ, সূরা ৮, আয়েত ৭৩ ।

“এবং যাহারা ধর্ম্মদ্রোহী হইয়াছে, তাহারা পরস্পর পরস্পরের বন্ধু, যদ্যপি তোমরা (হে মুসলমানগণ) ইহা না কর (উৎপীড়িতদিগকে সাহায্য এবং উৎপীড়ককে বিভাড়িত), তাহা হইলে পৃথিবীতে বিপত্তি হইবে ও মহা গোলযোগ ঘটবে ।” কোরাণ, সূরা ৮, আয়েত ৭৪ ।

যখন কোরেশ ও বনি বকর হোদায়বিয়ার সন্ধি ভঙ্গ করিয়া হজরত মহম্মদের (দঃ) পক্ষাবলম্বী বনি খোজাযাকে আক্রমণ করিয়াছিল । তখন বনি বকরকে সাহায্যকারী ও অগ্র আক্রমণকারী কোরেশদিগকে শাসন করা হজরতের একান্ত আবশ্যক হইয়াছিল । হোদায়বিয়ার সন্ধি ভঙ্গের বিরুদ্ধে কোরাণ শরিফের যে সকল আয়েত অবতীর্ণ হইয়াছিল, তাহাদের মধ্যে নিম্নে কতকগুলির অনুবাদ করিয়া দেওয়া গেল ।

“মক্কার পৌত্তলিকদিগের মধ্যে যাহাদের সম্বন্ধে তোমরা অঙ্গীকার বন্ধন করিয়াছ, খোদাতালা ও তাঁহার প্রেরিত-পুরুষের প্রতি তাহাদের বিরাগ ।” কোরাণ সূরা ৯, আয়েত ১ ।

‘তৎপরে তোমরা [মোসরেকগণ (অংশিবাদিগণ)] চারি মাস পৃথিবীতে ভ্রমণ কর কিন্তু জানিও যে, তোমরা খোদাতালায় পরাজয়-কারী নহ এবং খোদাতালা ধর্ম্মদ্রোহীদিগের নির্যাতনকারী ।’ কোরাণ, সূরা ৯, আয়েত ২ ।

“মহা হজের দিন খোদাতালা ও তাঁহার প্রেরিত-পুরুষের পক্ষ হইতে মানবমণ্ডলীর প্রতি আহ্বান, নিশ্চয় খোদাতালা ঐ সকল লোকের প্রতি অপ্রসন্ন, যাহারা খোদাতালাকে ত্যাগ করিয়া প্রতিমূর্তিগুলিকে পূজা ও আরাধনা করে। তবে যদি তোমরা (বিদ্রোহিতা হইতে) প্রতিনিবৃত্ত হও, তাহা হইলে জানিও যে, তোমরা খোদাতালার পরাভবকারী নহ; এবং যাহারা অগ্রাহ্য করে (বিশ্বাস করে না), তাহাদিগকে (হে মহম্মদ) দুঃখকর শাস্তি সম্বন্ধে সংবাদ দান কর।” কোরাণ, সূরা ৯, আয়েত ৩।

“অংশিবাদীদিগের যাহাদের সঙ্গে তোমরা অঙ্গীকার বন্ধন করিয়াছ, তৎপরে যাহারা কোন বিষয়ে তোমাদের সঙ্গে ক্রটি করে নাই, এবং তোমাদের বিপক্ষে কাহাকে সাহায্য দান করে নাই, তাহারা ব্যতীত; অতঃপর তোমরা তাহাদের প্রতি তাহাদিগের নির্দিষ্ট কাল পর্য্যন্ত পূর্ণ কর। নিশ্চয়, খোদাতালা ধর্ম্মভীরু লোকদিগকে প্রেম করেন।” কোরাণ, সূরা ৯, আয়েত ৪।

“যদি অংশিবাদীদিগের কোন ব্যক্তি তোমার আশ্রয় প্রার্থনা করে, তবে খোদাতালার বাক্য যে পর্য্যন্ত শ্রবণ করে, তাহাকে আশ্রয় দেও; তৎপরে আশ্রয় ভূমিতে তাহাকে উপস্থিত কর। ইহা এজ্ঞা যে, ইহারা এমন এক দল, যে জ্ঞান রাখে না।” কোরাণ, সূরা ৯, আয়েত ৬।

“যাহাদের সঙ্গে তোমরা মস্জেদল-হারামের নিকটে অঙ্গীকার বন্ধন করিয়াছ, তাহারা ব্যতীত অত্র অংশিবাদীদিগের নিমিত্ত অঙ্গীকার খোদাতালার ও তাঁহার প্রেরিতপুরুষের নিকটে কিরূপে হয়? অনন্তর যে পর্য্যন্ত তাহারা তোমাদের জন্ত (অঙ্গীকারে) স্থির থাকে, সে পর্য্যন্ত তোমরাও তাহাদের জন্ত স্থির থাক, নিশ্চয় খোদাতালা ধর্ম্মভীরু লোকদিগকে প্রেম করেন।” কোরাণ, সূরা ৯, আয়েত ৭।

“কেমন করিয়া হয়, যদি তোমাদের উপর তাহারা জরলাভ করে,

তোমাদের সম্বন্ধে স্বগণ্ড ও অঙ্গীকারের (স্বত্ব) তাহারা পালন করিবে, তাহাদের আপন মুখে তোমাদিগকে সন্তুষ্ট করিবে, কিন্তু তাহাদের অন্তর অঙ্গীকার করিবে, এবং তাহাদের অধিকাংশই দুর্বৃত্ত ।” কোরাণ, সূরা ৯, আয়েত ৮ ।

“তাহারা ঐশ্বরিক নিদর্শনের বিনিময়ে স্বল্প মূল্য গ্রহণ করিয়াছে, পরে তাহার পথ হইতে (লোকদিগকে) নিবৃত্ত রাখিয়াছে, নিশ্চয় তাহারা যাহা করিতেছিল, তাহা মন্দ ।” কোরাণ, সূরা ৯, আয়েত ৯ ।

“তাহারা কোন বিশ্বাসীর সম্বন্ধে স্বগণ্ড ও অঙ্গীকারের (স্বত্ব) পালন করিতেছে না, ইহা হইতে সেই লোক, যে সীমালঙ্ঘনকারী ।” কোরাণ, সূরা ৯, আয়েত ১০ ।

“পরন্তু যদি তাহারা পাপ হইতে নিবৃত্ত হয়, নামাজকে প্রতিষ্ঠিত রাখে ও জাকাত দান করে, তবে তাহারা ধর্ম্মেতে তোমাদের ভ্রাতা ; তাহারা জানী, সেই দলের স্তম্ভ আমি নিদর্শন সকল বিস্তারিত বর্ণনা করিতেছি ।” কোরাণ, সূরা ৯, আয়েত ১১ । (১)

“কিন্তু যদি তাহারা আপন অঙ্গীকারের পর আপন শপথ ভঙ্গ করে এবং তোমাদের ধর্ম্মের প্রতি বাঙ্গ করে, তবে ধর্ম্মদ্রোহিতায় সেই অগ্র-সামীদিগের সঙ্গে তোমরা যুদ্ধ কর—নিশ্চয় তাহাদের মধ্যে কোন রূপ বিশ্বাস নাই । ভরসা যে, তাহারা নিবৃত্ত হইবে ।” কোরাণ, সূরা ৯, আয়েত ১২ ।

“তাহারা আপন শপথ ভঙ্গ করিয়াছে এবং প্রেরিত-পুরুষকে নির্ধা-
ন করিতে সচেষ্ট হইয়াছে, এবং প্রথমে তোমাদিগকে আক্রমণ করি-

(১) এই আয়েতটী আর এই সূরার ৫ম আয়েত একই । ইহার অর্থ এই যে, যদি কাফেরগণ ইসলাম গ্রহণ করে, তাহা হইলে তাহারা তোমাদের নিকট ধর্ম্মভ্রাতারূপে ব্যবহৃত হইবে ।

যাচ্ছে, সেই দলের (মক্কাবাসীদের) সঙ্গে কি তোমরা সংগ্রাম করিবে না ? তোমরা কি তাহাদিগকে ভয় করিতেছ ? যত্বপি তোমরা বিশ্বাসী হও, তাহা হইলে খোদাতালাই উপযুক্ত যে, তাঁহাকে ভয় কর ।” কোরাণ, সূরা ৯, আয়েত ১৩ ।

“তাহাদের সঙ্গে যুদ্ধ কর ; খোদাতালা তোমাদের হস্তে তাহাদিগকে শাস্তি দিবেন, বিড়ম্বিত করিবেন ও তাহাদিগের উপর তোমাদিগকে বিজয়ী করিবেন এবং বিশ্বাসীদের অন্তরকে সুস্থ করিবেন ।” কোরাণ, সূরা ৯, আয়েত ১৪ ।

“.....এবং অংশিবাদিদিগের সকলের সঙ্গে সংগ্রাম কর, যেমন তাহারা তোমাদের সকলের সঙ্গে সংগ্রাম করে ।” কোরাণ, সূরা ৯, আয়েত ৩৬ ।

কোরাণ শরীফের উপরোক্ত আয়েত সমূহে হজরত মহম্মদের (দঃ) প্রতি যুদ্ধের আদেশের বিষয় যাহা উল্লেখিত হইয়াছে, তাহার আর পুনরালোচনা করিবার আবশ্যক নাই, কারণ উহাতে কেবল প্রকাশ পাইতেছে যে, কোরেশদিগের সহিত হজরত মহম্মদের (দঃ) যে সকল যুদ্ধ সংঘটন হইয়াছিল, তাহা সকলই আত্মরক্ষার্থ, আর ঐ সকল যুদ্ধে কোরেশগণই অগ্র আক্রমণকারী, এবং হজরতও তাহাদের বিরুদ্ধে যে অস্ত্র গ্রহণ করিয়াছিলেন, তাহা সম্পূর্ণরূপে জায়াযুমোদিত ।

মিঃ এডওয়ার্ড গিবন বলেন, “প্রকৃতির নিয়মানুসারে প্রত্যেক ব্যক্তির আপনাকে ও স্ব স্ব সম্পত্তি রক্ষা করিবার জন্য অস্ত্রগ্রহণ করিবার স্বত্ব আছে ; এবং শত্রুদিগের অত্যাচার ও পুনঃ পুনঃ আক্রমণ দূর করণার্থ চেষ্টা করিবারও স্বত্ব আছে ।” স্বাধীন আরব সমাজে প্রজা ও নগরবাসীদিগের কর্তব্যকার্য্য বড় দুর্বল ছিল, সুতরাং হজরত মহম্মদ (দঃ) তাহাদের মধ্যে শাস্তি ও উদারনীতি প্রচার

করিতে গিয়া তিনি স্বদেশীয়দিগের দ্বারা অজ্ঞায়রূপে জন্মভূমি হইতে নির্কাসিত হইয়াছিলেন।” (১)

ইহাও প্রদর্শিত হইয়াছে যে, মুসলমানেরা মক্কার শত্রুকণ্ঠক নানা-রূপ বিপদে পতিত হইয়াছিলেন। যদিও তাঁহারা সমাজের মধ্যে শান্তি-প্রিয় ছিলেন, তথাপিও শত্রুরা তাঁহাদিগকে ধর্ম সম্বন্ধে স্বাধীনতা ভোগ করিতে দেয় নাই। এতদ্ব্যতীত তাঁহারা অত্যাচারীর হস্তে স্ব স্ব সম্পত্তি ও পরিবারাদি সমর্পণ করিয়া গৃহ হইতে বিতাড়িত হন এবং মক্কার পুনঃ প্রত্যাবর্তনে ও পবিত্র মস্জিদে স্বাধীনভাবে উপাসনাকার্যাদি সম্পন্ন করিতে প্রতিবন্ধক প্রাপ্ত হন; এমন কি, মক্কাবাসিগণ সসৈন্তে মদিনার গিফা তাঁহাদিগকে আক্রমণ করে।

কোরেশগণ মুসলমানদের উপর যে সকল উৎপীড়ন ও অত্যাচার করিয়াছিল, ধর্মসম্বন্ধে বিভিন্নতাই তাহার মূল কারণ। তাহারা বিশ্বাসীদিগকে তাঁহাদের পূর্বপুরুষদিগের ধর্ম ত্যাগ করিয়া ইসলাম গ্রহণে প্রতিবন্ধক দিত। শেষে তাহাদের অত্যাচার এত বৃদ্ধি হইল যে, কতিপয় বিস্তৃত ইসলামধর্ম্মালম্বীকে ইসলাম ত্যাগ করিয়া পুনঃ পৌত্তলিকতা গ্রহণার্থ অশেষািবধ যন্ত্রণাভোগ করিতে হইয়াছিল। খৃষ্ট ধর্ম্মের এক জন প্রধান পুরোহিত বলেন, “আমাদের ভ্রাতৃগণ সৃষ্টিকর্তাকে যেরূপে ভজনা করিতে শিক্ষিত হইয়াছিলেন, সেইরূপে ভজনা করিতে গিয়া তাঁহারা কৃত-সর্বস্ব, স্বাধীনতা ও স্বত্বচ্যুত এবং নিহত হন; তাঁহারা সৃষ্টিকর্তার ভজনা করার তাহাতে মানবসমাজের কাহাকেও আঘাত দেওয়া হইত না। অতএব এইরূপ অত্যাচার স্পষ্টই ন্যায়পরতা ও দয়ালু ব্যবহারের সম্পূর্ণ বিপরীত; কারণ যাহারা আমাদের কোনরূপ অনিষ্ট না

(1) The History of the Decline and Fall of the Roman Empire, by Edward Gibbon, Vol. VI. P. 245.

করে, তাহাদিগকে উৎকর্ণে উৎপীড়ন করা সম্পূর্ণ অত্যাচার। যদিও কেহ ভুলক্রমে সত্যধর্ম ত্যাগ করে, তাহা হইলে তাহাদিগের উপর অত্যাচার না করিয়া দয়া করা উচিত (১)।” অতএব দেখা যাইতেছে যে, মক্কাবাসীদিগের উৎপীড়ন ও অত্যাচার বলপূর্ব্বক দূর করিয়া নগরবাসীদিগের স্বত্বানুসারে মুসলমানগণ স্বাধীনভাবে ধর্মকর্মপদ্ধতি ভোগ করিবার সম্পূর্ণ উপযুক্ত ছিলেন।

হজরত মহম্মদের (দঃ) ইউরোপীয় জীবন চরিত লেখকগণ বলেন, “হেজরতের পর হজরত মহম্মদ (দঃ) ও তাঁহার শিষ্যগণ কোরেশদিগকে অগ্রে আক্রমণ করেন। মক্কাবাসীদিগের কতিপয় স্থলবণিককে পশ্চিমমুখে মুসলমানেরা নিহত করেন এবং এইরূপে প্রথমেই মুসলমানদিগের দ্বারায় রক্ত প্রবাহিত হয়, সুতরাং মক্কাবাসীরা আত্মরক্ষার্থে অস্ত্র গ্রহণ করিতে বাধ্য হয়।” (২)

ইহা সম্পূর্ণ মিথ্যা। প্রথমে কোরেশগণই অগ্র আক্রমণকারী হইয়াছিল। পূর্বে বর্ণিত হইয়াছে যে, প্রেরিত-পুরুষ ও তাঁহার শিষ্যগণ যে স্থানে আশ্রয় গ্রহণ করিয়াছিলেন, কোরেশগণ তথায় তাহাদিগকে উৎপীড়ন ও অত্যাচার করিবার জন্য আক্রমণ করিয়াছিল। যদি ইহা সত্য বলিয়া গ্রহণ করা যায় যে, হেজরতের পরে, অগ্রে মুসলমানেরা কোরেশদিগকে আক্রমণ করিয়াছিলেন, তাহা হইলে হেজরাৎ বা স্বদেশ ত্যাগ করিয়া অন্য স্থানে গিয়া বাসে (মক্কায় পূর্ব্বকৃত অত্যাচার ও উৎপীড়ন ছাড়িয়া দিলে) মুসলমানদিগের প্রতি বিদ্রোহিতার সূত্রাপত্তের কি প্রচুর কারণ দেখা যাইতেছেন না? তাহার শত্রুদিগের অত্যাচার

(1) Archbishop Secker's Works, III. P. 271.

(2) Sir. W. Muir's Life of Mohamet Vol. II, P. 265.

হইতে স্বকীয় নীতি ও ধর্মসম্বন্ধীয় স্বাধীনতা এবং আত্মীয় স্বজনকে রক্ষা করিতে প্রাণপণে চেষ্টায় ছিলেন ।

সার উইলিয়ম মুর স্বীকার করিয়াছেন, “বাস্তবিক কোরেশদিগের অত্যাচারে বিশ্বাসিগণ মক্কা ত্যাগ করিতে বাধ্য হইয়াছিলেন (১)।” বেক্সর ভানস্ কেনেডী বলেন, “হেজরতের পর (হজরত) মহম্মদ (দঃ) যে সকল বুদ্ধ করিয়াছিলেন, সকলগুলিই অগ্র আক্রমণকারী বুদ্ধ আর তিনি মক্কাস্থ স্থলবণিকদিগকে হত্যা করিবার জন্ত চেষ্টা করিয়াছিলেন, ইহা কত দূর সঙ্গত বলিতে পারি না । কিন্তু ইহা নিশ্চয় যে, কোরেশগণ প্রথমে (হজরত) মহম্মদকে (দঃ) গুপ্তভাবে হত্যা করিবার জন্ত বড় বড় করিয়াছিল, তখন তিনি জীবনরক্ষার্থ মদিনার প্রস্থান করেন । এই-রূপে তিনি ও তাঁহার শিষ্যগণ স্ব স্ব সম্পত্তি হইতে বঞ্চিত হন এবং মদিনাবাসীদিগের দানশীলতার উপর নির্ভর করিয়া থাকেন ; ইহা স্মরণসত্তরূপে আশা করা যায় না যে, তাঁহারা স্থলবণিকদিগকে নিরাপদে মদিনার নিকট দিয়া গমনাগমন করিতে দিতেন ।” (২)

হেজরতের পরে হজরত মহম্মদের (দঃ) বিদ্রোহিতা ও স্থলবণিকদিগকে আক্রমণের কোন রূপ প্রমাণ পাওয়া যায় না । মদিনার পথে মুসলমানেরা স্থলবণিকদিগকে হত্যা করিয়াছিলেন, ইহা কোন প্রকার বিশ্বাস্য হাদিসে পাওয়া যায় না । ইহা যে সম্ভবপর নহে, তাহার যথেষ্ট প্রমাণ পাওয়া যায় । মদিনার অধিবাসিগণ প্রেরিত-পুরুষকে রক্ষা

(1) Life Mohamet, Vol. III. P. 79.

(2) Remarks on the character of Mohammed (Suggested by Voltaire's Tragedy of Mohamea) by Major Vans Kennedy. Vide Transactions of the Literary Society of Bombay for 1821, Vol. III. P. 453.

করিবেন বলিয়া তাঁহার সঙ্গে প্রতিজ্ঞাবদ্ধ হইয়াছিলেন, কিন্তু তাঁহারা তাঁহার সঙ্গে যোগ দিয়া কোরেশদিগকে অগ্রে আক্রমণ করিতে প্রতিজ্ঞা করেন নাই বা বলেন নাই (১)। তজ্জন্ত ইহা সম্পূর্ণ অসম্ভব বলিয়া বোধ হইতেছে যে, মদিনাবাসীগণ কোরেশদিগকে অগ্রে আক্রমণ করিতে হজরত মহম্মদ (দঃ) কে সাহায্য করিয়াছিলেন।

হজরত মহম্মদ (দঃ), হজরত হামজা ও ওবেদার অধীনে ৫০।৫০ জন লোক দিয়া ২।৩ শত অস্ত্রধারী দ্বারায় রক্ষিত স্থলবণিক্দিগকে লুণ্ঠনার্থ পাঠাইয়া দিয়াছিলেন, ইহা সম্পূর্ণ অসম্ভব।

হজরত মহম্মদ (দঃ) স্বয়ংই আবোয়া, বোয়াত ও ওশায়রায় স্থলবণিক্দিগকে আক্রমণ করিতে গিয়াছিলেন, ইহার সত্যতা সম্বন্ধে একে বারেই কোন প্রমাণ পাওয়া যায় না। যদি তিনি ঐ স্থানে গিয়া থাকেন এবং ইহার কোন প্রমাণ পাওয়া যায়, তাহা হইলে তাঁহার জীবন-চরিত লেখকদিগের মতানুসারে তিনি আবোয়া এবং ওশায়রায় বনি ধামরা ও বনি মুদলেজ্জাদিগের সহিত বন্ধুত্বসূত্রে আবদ্ধ হইবার জন্ত গিয়াছিলেন।

হজরত মহম্মদের (দঃ) জীবন চরিত লেখক কোন কোন ইউরোপীয় গ্রন্থকার বলেন যে, হজরত মহম্মদ (দঃ) নিজেই বদরে যুদ্ধ করিতে আসিয়াছিলেন। অসংখ্য কোরেশ সৈন্ত মক্কা হইতে দূরবর্তী বদরে আসিয়া মুসলমানদিগকে আক্রমণ করিয়াছিল, তৎকালে হজরত মহম্মদ (দঃ) আত্মরক্ষার্থে যুদ্ধ করিয়াছিলেন, উহার বিষয় উল্লেখ করিতে উক্ত গ্রন্থকারগণ ইতস্ততঃ করিয়া গিয়াছেন।* তাঁহারা বলেন যে, হজরত মহম্মদের (দঃ) প্রধান শত্রু আবু সোফিয়ান কর্তৃক পরিচালিত ও সুরিয়া হইতে প্রত্যাগত স্থলবণিক্দিগকে পথিমধ্যে আক্রমণ করিবার জন্ত,

(১) কেতাবল ওয়াক্বীদী।

তিনি ৮০ জন মহাজের (আশ্রয় অন্বেষী) ও ২২৫ জন আনুসার সম-
 ভিব্যাহারে যাত্রা করেন এবং স্থলবণিকদিগকে আক্রমণ করিবার জন্ত
 সাক্কা নামক স্থানে অবস্থিতি করিতে থাকেন । আবুসোফিয়ান হজরতের
 আক্রমণের বিষয় অংগত হইয়া সাহায্য প্রার্থনার্থ মক্কায় এক জন লোক
 প্রেরণ করে । ২৫০ জন কোরেশ, স্থলবণিকদিগকে বিপদ হইতে রক্ষা
 করিবার জন্ত মক্কা হইতে বহির্গত হয় । এই সময়ে স্থলবণিকগণ নিরা-
 পদে সেই স্থান পায় হইল, কিন্তু যুদ্ধ করিতে যাটবে কি গৃহে ফিরিয়া
 যাইবে ইহা স্থির করিবার জন্ত সৈন্তগণ এক সভা আহ্বান করিল ।
 জীবনচরিত লেখকেরা এক পক্ষ বলেন যে, যে কারণে সৈন্তগণ
 বদরে আসিয়াছিল, তাহা নিষিদ্ধবাদে সম্পন্ন হওয়ায় গৃহে প্রত্যাবর্তন
 করিয়াছিল । কেচ কেচ বলেন যে, সৈন্তগণ ক্রমাগত অগ্রসর হইতে-
 ছিল । এই দল মক্কায় প্রত্যাবর্তন করিল, অবশেষে অগ্রসর হইতে
 লাগিল ; কিন্তু হজরত মহম্মদ (দঃ) যে স্থলবণিকদিগকে আক্রমণার্থ যাত্রা
 করিয়াছিলেন, তাহার কোন সুন্দর প্রমাণ প্রাপ্ত হওয়া যায় না ।
 যতপি তাহার এইরূপ অভিলাষ থাকিত, তাহা হইলে যে সকল মদিনা-
 বাসী তাঁহাকে কেবল শত্রুদিগের আক্রমণ হইতে রক্ষা করিতে
 প্রতিজ্ঞাবদ্ধ হইয়াছিলেন, তাঁহারা কখনই তাঁহার সঙ্গে বদরে যুদ্ধার্থ
 যাইতেন না । মহাজের (আশ্রয়ান্বেষী) দিগের দ্বিগুণ সংখ্যক
 আনুসার (মদিনাবাসী মুসলমান) দিগের বিপুলমানতা স্বত্বেও যে হজ-
 রত মহম্মদ (দঃ) কোরেশদিগের সহিত যুদ্ধ করিতে গিয়াছিলেন ;
 ইহাতেই স্পষ্টই প্রতিপন্ন হইতেছে যে, তাঁহারা কেবল আশ্রয়ার্থ
 মদিনা হইতে বহির্গত হইয়াছিলেন, তাহাতে আর কোন সন্দেহ নাই ।

হজরত মহম্মদ (দঃ) অগ্রগামী কোরেশ সৈন্তের আগমনবার্তা
 শ্রবণ করিয়া তাহাদিগের অগ্র আক্রমণে প্রতিবন্ধক দিবার জন্ত মদিনা

হইতে বহির্গত হন এবং মদিনার তিন দিনের পথ দূরস্থিত বদর নামক স্থানে তাহাদের সহিত সাক্ষাৎ করেন । শক্রসৈন্য মক্কা হইতে ৯ দিনের পথ মদিনার দিকে অগ্রসর হইয়া আসিয়াছিল, উভয় সৈন্যদল বদর ক্ষেত্রে ১৭ই রমজানে (১৩ই জানুয়ারি ৬২৩) পরস্পর সম্মুখীন হয় । মক্কার সৈন্যগণ ৮ই রমজান (৪ঠা জানুয়ারি) মক্কা হইতে যাত্রা করে, আর হজরত মহম্মদ (দঃ) কেবল ১২ই রমজান (৮ই জানুয়ারি) অর্থাৎ শক্রসৈন্যগণ তাঁহাকে আক্রমণ করিতে বহির্গত হইবার ৪ দিন পর তিনি মদিনা হইতে বহির্গত হন । বোধ হয়, মদিনাবাসীদিগের দ্বারা আবু সোফিয়ানের আক্রান্ত হইবার ভয়ের কোনরূপ বিশেষ কারণ ছিল। তজ্জন্য মক্কাহু কোরেশদিগের নিকট সাহায্য চাহিয়া পাঠাইয়া ছিল ; কিন্তু মক্কাহু সৈন্যগণ যে জন্ত আসিয়াছিল, তাহা যখন সিদ্ধ হইল অর্থাৎ স্থলবণিক্গণ বিপদসঙ্কুল স্থান হইতে প্রস্থান করিল, তখন অবশ্যই কোরেশসৈন্যগণের মক্কায় প্রত্যাবর্তন করা উচিত ছিল । অসংখ্য কোরেশ সৈন্য মদিনা আক্রমণার্থ মক্কা হইতে বহির্গত হইবার চারিদিন পরে হজরত মহম্মদ (দঃ) যে নিজের ও শিষ্যগণের রক্ষার্থ মদিনা হইতে বহির্গত হইয়াছিলেন, ইহাই তাঁহার বদরের আত্ম-রক্ষার্থ যুদ্ধের প্রধান প্রমাণ বলিতে হইবে ।

হেজরতের পর যদি মুসলমানেরা প্রথমে কোরেশদিগকে আক্রমণ করিয়া থাকেন কিম্বা পণিমধ্যে কতিপয় স্থলবণিক্ যদি মুসলমানদিগের দ্বারা আক্রান্ত ও লুপ্তি হইয়া থাকে, ইহা সত্য বলিয়া গ্রহণ করা যায়, তাহা হইলে তজ্জন্য হজরত মহম্মদের (দঃ) উপর দোষারোপ করা অশাস্য । যত্বপি ঐরূপে তাঁহারা কোরেশদিগকে আক্রমণ করিয়া থাকেন, তাহা হইলে মক্কা ত্যাগের পূর্বে কোরেশগণ তাঁহাদের উপর যে সকল অত্যাচার ও উৎপীড়ন করিয়াছিল, এই আক্রমণ তাহার

প্রতিশোধার্থ বলিতে হইবে । রাজনীতি বিজ্ঞান-বিশারদ লেবার সাহেব বলেন, “কোন জাতি বা গবর্ণমেন্টের মধ্যে যদি বিদ্রোহ উপস্থিত হয়, তাহা হইলে তদ্বারা সেই জাতি বা গবর্ণমেন্টের সুখ শান্তি সমুদয় বিনষ্ট হয়, অতএব গবর্ণমেন্ট বা জাতীয় আইনানুসারে বিদ্রোহীদেরকে যুদ্ধের কষ্টভোগ করান উচিত (১) ।” অতি প্রাচীনকাল হইতে ইহা সাধারণ নিয়মের মধ্যে গণ্য হইয়া আসিতেছে যে, দেশদ্রোহীদেরকে স্বাধীনতা, আশ্রয় ও পারিবারিক বন্ধন হইতে বঞ্চিত করা উচিত । কিন্তু হজরত মহম্মদ (দঃ) দেশদ্রোহীদের মধ্যে নির্দোষ নগরবাসী কিম্বা ব্যক্তি বিশেষকে রক্ষা করিয়াছিলেন ।

ইহুদিদের বিশ্বাসঘাতকতা ।

হজরত মহম্মদ (দঃ) প্রথমে মদিনায় উপস্থিত হইয়া ইহুদিদের সহিত এইরূপে সন্ধিসূত্রে আবদ্ধ হইলেন যে, ইহুদিগণ স্বাধীনভাবে তাহাদের ধর্ম কর্মপদ্ধতি নির্বাহ করিতে পারিবে । আর যদি তাহারা কি মুসলমানেরা শত্রু কর্তৃক আক্রান্ত হয়, তাহা হইলে পরস্পর পরস্পরকে সাহায্য করিবে এবং এইরূপ সন্ধি-সূত্রে আবদ্ধ হইবার জন্য মদিনাবাসী অপরাপর সকল জাতিকে বলা হয় । কিন্তু ইহুদিগণ সন্ধি-স্থাপন করিয়াও অচিরকাল মধ্যে তাহা ভঙ্গ করিয়া বিদ্রোহী হইয়াছিল । যৎকালে শত্রুগণ মদিনা অবরোধ করে, তৎকালে তাহারা (ইহুদিগণ) শত্রুদের সহিত যোগ দিয়া বিশ্বাসঘাতকতা করিয়াছিল । ইহুদিদের

(1) Contributions to Political Science by Francis Lieber. L. L. D., Vol, II. of his miscellaneous writings, P. 251.

মধ্যে প্রথমে বনি কৈনুকা সন্ধি ভঙ্গ করিয়া হজরত মহম্মদের (দং) সহিত বদর ও ওহোদ ক্ষেত্রে যুদ্ধ করে (১) ।

ওহোদের যুদ্ধে হজরত মহম্মদ (দং) পরাজিত হইলে বনি নজির সন্ধি ভঙ্গ করে, আরও তাহারা হজরতকে হত্যা করিবার জন্ত ষড়যন্ত্র করিতে থাকে, তজ্জন্ত তাহারা নিপাসিত হইয়াছিল ; তখন তাহাদের মধ্যে কেহ কেহ খায়বারে গিয়া বাস করে । যৎকালে কোরেশ ও বেহুইন দলগুলি একত্রিত হইয়া মদিনা অবরুদ্ধ করিয়া পরিথার যুদ্ধ করে, তৎকালে কোরায়জা দল হজরতের সহিত সন্ধি ভঙ্গ করিয়া শত্রুদিগের সহিত যোগ দিয়াছিল । পরে তাহারা হজরত মহম্মদ (দং) কর্তৃক আক্রান্ত হয় । সাহাদের উপর তাহারা তাহাদের বিচারভার অর্পণ করে । খায়বারের ইহুদিগণ (তত্রস্থ বনি নজিরগণ সহ) এবং বনি ষাতাফান ইহুদিগণ, তাহারা পরিথার যুদ্ধে কোরেশগণের সহিত যোগ দিয়াছিল তাহারা মুসলমানদিগকে আক্রমণ কার্যে শত্রুদিগের সহায়তা করিয়াছিল । সেই সকল ইহুদী, বনি ফেজারা ও অন্যান্য বেহুইন সম্প্রদায়কে মুসলমানদিগর বিরুদ্ধে উত্তেজিত করিয়া বনি সায়াদ-বেন-বকরের সহিত মালত হইয়া মদিনা আক্রমণ করে । কিন্তু তাহারা খায়বারে পরাজিত হইয়া অধীনতা স্বীকার করে ও জিজিয়া দানে বাধ্য হয় ।

বনি কৈনুকা, বনি নজির, বনি কোরায়জা এবং খায়বারের ইহুদিদিগের বিখ্যাতঘাতকতার বিষয় কোরাণ শরিফে নিম্নলিখিত ভাবে উক্ত হইয়াছে ।

“তাহাদিগের সাহাদের সঙ্গে তোমরা অঙ্গীকার বন্ধন করিয়াছ, তৎপরে তাহারা তাহাদের অঙ্গীকার ভঙ্গ করিতেছে এবং খোদাতালাকে ভয় করিতেছে না ।” কোরাণ, সূরা ৮, আয়েত ৫৮ ।

“এবং যদি তুমি তাহাদিগকে বুদ্ধে প্রাপ্ত হও, তবে যাহারা তাহাদের পশ্চাতে আছে, তাহাদিগকে বিক্ষিপ্ত কর—হয়ত তাহারা উপদেশ গ্রহণ করিবে ।” কোরাণ, সূরা ৮, আয়েত ৫৯ ।

“কিছা, যদি কোন দলের বিশ্বাসঘাতকতাকে ভয় কর, (তাহাদের অস্বীকার) তাহাদের দিকে তুল্যভাবে ফিরাইয়া দেও ; নিশ্চয় খোদাতালা বিশ্বাসঘাতকদিগকে প্রেম করেন না ।” কোরাণ, সূরা ৮, আয়েত ৬০ ।

“এবং মনে করিও না যে, বিদ্রোহীরা আমাদের অপেক্ষা উত্তম ফল পাইবে । নিশ্চয়, তাহারা খোদাতালাকে দুর্বল দেখিতে পাইবে না ।” কোরাণ, সূরা ৮, আয়েত ৬১ ।

“তাহাদের জন্য (হে মুসলমানগণ) শক্তি অনুসারে যত সৈন্য পার আয়োজন কর, এবং অথ সংগ্রহপূর্বক খোদাতালার শত্রুকে এবং তত্তির অন্য লোককে ভয় প্রদর্শন করিতে পার, তোমরা তাহাদিগকে জান না, কিন্তু খোদাতালা তাহাদিগকে জানেন ; এবং খোদাতালার পথে তোমারা কোন বস্তুর দায়া কিছু ব্যয় কর, তাহা তোমাদের প্রতি পূর্ণ অর্পিত হইবে ও তোমরা অত্যাচারগ্রস্ত হইবে না ।” কোরাণ, সূরা ৮, আয়েত ৬২ ।

“কিন্তু যত্বপি তাহারা সন্ধির ইচ্ছুক হয়, তাহা হইলে তুমিও তাহার ইচ্ছা করিও এবং খোদাতালার প্রতি নির্ভর করিও, নিশ্চয় খোদাতালা শ্রোতা ও জ্ঞাতা ।” কোরাণ, সূরা ৮, আয়েত ৬৩ ।

“যত্বপি তাহারা (হে মহম্মদ) তোমাকে প্রতারণা করে, তাহা হইলে নিশ্চয় খোদাতালা তোমার উপকারক । তিনিই যিনি আপন আনুকূল্য দ্বারা ৭ বিশ্বাসীদের দ্বারা তোমার প্রতি বলবিধান করিয়াছেন এবং তাহাদের পরস্পরের অন্তঃকরণে প্রীতি স্থাপন করিয়াছেন । পৃথিবীতে যাহা কিছু আছে, যদি তুমি তৎসমগ্র ব্যয় করিতে, তাহাদের

পরস্পরের অন্তঃকরণে প্রীতি দান করিতে পারিতে না, কিন্তু খোদাতালা তাহাদের মধ্যে প্রীতি স্থাপন করিয়াছেন নিশ্চয় তিনি পরাক্রান্ত এবং জ্ঞানী ।” কোরাণ, সূরা ৮, আয়েত ৬৩ ।

“হে তত্ত্ববাহক ! খোদাতালা তোমার ও বিশ্বাসীদের যাহারা তোমার অনুসরণ করিয়াছে, তাহাদের খোদাতালাই যথেষ্ট ।” কোরাণ, সূরা ৮, আয়েত ৬৪

“হে সংবাদবাহক ! তুমি বিশ্বাসীদেরকে সমরে প্রবৃত্তি দান কর ।” কোরাণ, সূরা ৮, আয়েত ৬৫ ।

“এবং গ্রন্থধারীদের—যাহারা তাহাদিগকে সাহায্য দান করিয়াছিল, তিনি তাহাদিগকে তাহাদের দুর্গ সকল হইতে নামাইলেন ও তাহাদের অন্তরে ভয় নিক্ষেপ করিলেন, তোমরা তাহাদের এক দলকে হত্যা, এক দলকে বন্দী করিতেছিলে ।” কোরাণ সূরা :৩, আয়েত ২৬ ।

“যাহাদিগকে গ্রন্থ প্রদত্ত হইয়াছে, তাহাদের মধ্যে যাহারা খোদাতালা তাহার প্রতি ও অন্তিম দিবসের প্রতি বিশ্বাস স্থাপন করে না, খোদাতালা ও তাহার প্রেরিত-পুরুষ যাহা অবৈধ করিয়াছেন, তাহা যাহারা অবৈধ বলিয়া মনে করে না এবং যাহারা সত্য ধর্ম গ্রহণ করে না, যে পর্য্যন্ত তাহারা নিরুপ্ত হইয়া স্বহস্তে জিজিয়া প্রদান না করে, তাহাদের সঙ্গে তোমরা সংগ্রাম কর ।” কোরাণ, সূরা ৯, আয়েত ২৯ ।

“হে বিশ্বাসীগণ ! কাফেরদের যাহারা তোমাদের নিকটে উপস্থিত হয় ও তোমাদের মধ্যে সঙ্কট প্রাপ্ত হইতে চাহে, তোমরা তাহাদের সঙ্গে সংগ্রাম কর ; জানিও যে, খোদাতালা ধর্ম্মভীরুদের সঙ্গে আছেন ।” কোরাণ সূরা ৯, আয়েত ১২৪ ।

বনি কোরাইজা যুদ্ধে পরাজিত হইয়া আঃস দলস্থ মায়াজের পুত্র মায়াদের উপর তাহাদের বিচার ভার অর্পণ করে । হজরত মহম্মদও

(দং) তাহাতে স্বীকৃত হন । সায়াদ তাহাদের পুরুষদিগকে হত্যা করিতে অনুমতি দেন । হজরত মহম্মদ (দং) সায়াদের বিচার শ্রবণ করিয়া বলেন, “তুমি রাজার (মালেক) ন্যায় বিচার করিয়াছ” । সুবিধাত হাদিস সংগ্রাহক বোধারির কেতাব-অল-জেহাদে “মালেক” শব্দটির অর্থ “সম্রাট” বলিয়া উল্লেখিত হইয়াছে, কিন্তু অন্যান্য ইতিবৃত্ত লেখকেরা ঐ “মালেক” শব্দটির অর্থ কেহ “খোদাতালা” কেহ “স্বর্গীয় দূত (ফেরেষ্টা)” কেহ “রাজা” শব্দে অনুবাদ করিয়াছেন ।

খায়বারের ইহুদিদিগের বিরুদ্ধে হজরত মহম্মদ (দং) যে যুদ্ধ যাত্রা করিয়াছিলেন, তাহা সম্পূর্ণ রূপে আত্মরক্ষার্থ যুদ্ধ যাত্রা বলিতে হইবে । বনি নজির এবং বনি কোরায়জা ইহুদিগণ মুসলমানদের সহিত বিশ্বাস-ঘাতকতা করার মদিনা হইতে নির্বাসিত হইয়া খায়বারের ইহুদিদিগের সহিত যোগ দিয়াছিল । সেই সময়ে খায়বারের ইহুদিগণ চতুর্দিকস্থ বিভিন্ন দলসমূহকে হজরতের বিরুদ্ধে উত্তেজিত করে এবং মদিনা আক্রমণ করিবার জন্য বনি ষাতাকানের সঙ্গে বন্ধুত্ব স্থাপন করিয়াছিল । ষড়্‌যন্ত্র-কারীদের মধ্যে যাহারা পরিধার যুদ্ধ সময়ে প্রথমে মদিনা আক্রমণ করে, তাহাদের মধ্যে বিশেষতঃ বনি নজির দলপতি আবুল হাকিক, বনি কেজারা ও অন্যান্য বেহইন দলগুলিকে মদিনা আক্রমণে উত্তেজিত করিয়াছিল । তাহারা বনি সায়াদ-বেন-বকেরের সঙ্গে যোগ দিয়া মুসলমানদিগকে আক্রমণ করে । হাওয়ারজেন বংশের শাখা দল বনি সায়াদ ষড়্‌যন্ত্র-কারীদিগের মধ্যে থাকিয়া মদিনা অবরুদ্ধ করিয়াছিল । সম্প্রতি খায়বারের বনি নজির দলপতি ওসাবের-এবনে-জারিম তাহাদের পূর্ব দলপতির ন্যায় বনি ষাতাকানদিগের সহিত মিলিত হইয়া ষড়্‌যন্ত্রকারীদিগের সহিত যোগ দিয়া মদিনা আক্রমণ করে । বনি ষাতাকান তাহাদের শাখা দল বনি কেজারা ও বনি মুরাঃ এবং খায়বারের ইহুদিদিগের সহিত মিলিত হইয়া

খায়বারস্থ ফাদাকের নিকটবর্তী স্থানে মুসলমানদিগের উপর সর্বদা বিরুদ্ধা-
চরণ করিত । বনি ঘাতাফান অনেক দিন হইতে মদিনা আক্রমণ করিবে
বলিয়া মুসলমানদিগকে ভয় প্রদর্শন করিত । সপ্তম হিজরীতে হজরত
মহম্মদ (দঃ) খায়বারের ইছদী ও বনি ঘাতাফানদিগের মদিনা আক্রমণের
আয়োজনের সংবাদ পাইয়া তৎক্ষণাৎ আশ্বরক্ষার্থ খায়বারে যাত্রা করেন ;
এবং খায়বারের ইছদী ও বনি ঘাতাফানের বাসস্থানের মধ্যে রজি
নামক স্থানে শিবির স্থাপন করেন, কেননা তাহা হইলে তাহারা পরস্পর
পরস্পরকে সাহায্য করিতে পারিবে না । অতএব দেখা যাইতেছে যে,
ইহাকে অকস্মাৎ কিম্বা অজানিত রূপে আক্রমণ বলা যাইতে পারে না ।
সার উইলিয়ম মুর বলেন:—“(হজরত) মহম্মদ (দঃ) অনেক দিন হইতে
খায়বারের ইছাদদিগকে অগ্রে আক্রমণ করিবার অপেক্ষায় ছিলেন ;
কেননা ঐ স্থানটী বড় উর্বরা, যদি অধিকার করিতে পারেন, তাহা হইলে
তাঁহার শিষ্যগণের বিশেষ সুবিধা হইতে পারে, কিম্বা এইরূপ ভাণ
করিবেন যে, তাহারা (খায়বারের ইছদিগগণ) বনি ঘাতাফানদিগের সহায়তা
করিতেছে । কিন্তু যখন আক্রমণের কোনরূপ সুযোগ ঘটয়া উঠিল না,
তখন তিনি এই বৎসরের শরৎ কালে অকস্মাৎ তাহাদের প্রদেশসমূহ
আক্রমণ করিলেন (১) ।” আমরা উপরে যাহা বর্ণনা করিলাম, তাহাতে
দেখা যাইতেছে যে, হজরত মহম্মদ (দঃ) কেবল আশ্বরক্ষার্থ খায়বারে
যুদ্ধ করিয়াছিলেন ।

খৃষ্টান বা রোমক আক্রমণ ।

হজরত মহম্মদের শেষ যুদ্ধ যাত্রা তবুক, ইহাও আশ্বরক্ষার্থ যুদ্ধ যাত্রার
মধ্যে গণ্য । পর্যটক ও বণিকগণ সুরিয়া হইতে প্রত্যাবৃত্ত হইয়া মদিনায়

(1) Sir. W. Muir's Life of Mohamet, Vol. IV, P. 61.

আসিলে তাহাদের নিকট হজরত শুনিতে পাইলেন যে, রোমক সম্রাট এক বৎসরের বেতন অগ্রে দিয়া অসংখ্য সৈন্যকে মুসলমানদের বিরুদ্ধে যুদ্ধ করিবার জন্ত সুরিয়ার প্রান্ত দেশে প্রেরণ করিয়াছেন, এবং সুরিয়ার মরুভূমিস্থ বনি লাম, জুজাম, আমিলা এবং ঘাসান প্রভৃতি দলসমূহ রোমক সৈন্যের চতুর্দিকে আসিয়া মিলিত হইতেছে, আর তাহাদের অগ্রগামী সৈন্যদল বালকা পর্যন্ত আসিয়া উপস্থিত হইয়াছে। হজরত মহম্মদ (দঃ) তৎক্ষণাৎ এই বিপদের সম্মুখীন হইতে মনস্থ করিলেন। যখন তিনি সুরিয়ার প্রান্তস্থিত তবুক নামক স্থানে উপনীত হইলেন, তখন তাঁহাকে প্রতিদিক দিবার কোন সৈন্যদলও দেখিতে পাইলেন না কিম্বা বিপদের কোনরূপ চিহ্নও লক্ষিত হইল না; সুতরাং তিনি পুনঃ মদিনায় প্রত্যাবর্তন করিলেন। এই ঘটনা নবম হিজরীতে সংঘটিত হইয়াছিল।

উপসংহার ।

এই পর্যায়ে আমরা হজরত মহম্মদের (দঃ) সকল প্রকার যুদ্ধের বর্ণনা করিয়া আস্তে হইলাম। আমরা আশা করি, আমরা নিশ্চয়ই বিশ্বাসযোগ্য ইতিহাস সকল হইতে দেখাইয়াছি যে, হজরতের যুদ্ধগুলি অগ্র আক্রমণ বা অনিষ্টকারক নহে; কিন্তু অল্প পক্ষে ঐ সকল যুদ্ধ আত্মরক্ষার্থ সংঘটন হইয়াছিল। প্রাথমিক মুসলমানগণ হজরত মহম্মদের (দঃ) ধর্ম্যে বিশ্বাস স্থাপন করিয়াছিল বলিয়া উৎপীড়িত ও অত্যাচারিত হইয়াছিলেন; এমন কি, তাঁহারা রাজনৈতিক ও ধর্ম্যনৈতিক দৃষ্টি হইতে বঞ্চিত হইয়া স্ব স্ব বাসগৃহ ও সম্পত্তি প্রভৃতি হইতে বিতাড়িত হন; শেষে কোরেশ ও

তাহাদের বড়বন্ধকারী ইহুদী ও আরবীয় জাতির দ্বারা প্রথমে আক্রান্ত হন । তাঁহারা প্রতিহিংসার বশবর্তী হইয়া কিম্বা বল প্রয়োগে ইসলাম গ্রহণ করাইবার জন্য কিম্বা তাঁহাদের নগরের নিকটবর্তী স্থান দিয়া গমনাগমনকারী শত্রু স্থলবণিকগণকে লুণ্ঠনার্থ যুদ্ধ করেন নাই । ঐ রূপ অবস্থায় কেবল বিশ্বাসীদিগকে যুদ্ধ করিতে অনুমতি দেওয়া হইয়াছিল, যখন শত্রুগণ কর্তৃক তাঁহারা প্রথমে আক্রান্ত হন এবং যখন শত্রুরা ঞ্চার কারণ অভাবে তাঁহাদের প্রতি উৎপীড়ন ও অত্যাচার করিয়া তাঁহাদিগকে তাঁহাদের গৃহ হইতে বিতাড়িত করিতে প্রয়াস পায় । বাহারা তাঁহাদিগকে গৃহ হইতে বিতাড়িত করিয়া দিয়া আক্রমণ করিয়াছিল, তাহাদের অত্যাচার ও উৎপীড়নের বিকল্পে তাঁহারা অস্ত্র গ্রহণ করিতে বাধ্য হইয়াছিলেন । তাঁহাদিগের এই রূপ যুদ্ধ জাতীয়-আইন ও প্রাকৃতিক-আইনের সম্পূর্ণ অনুমোদিত । মদিনাবাসিগণ হজরত মহম্মদ (দঃ) কে কেবল শত্রু-হস্ত হইতে রক্ষা করিতে অঙ্গীকারাবদ্ধ হইয়াছিলেন । ইহাও সম্পূর্ণরূপে বিশ্বাসযোগ্য যে, মদিনাবাসিগণ হজরত মহম্মদ (দঃ) ও আনসারদিগকে মদিনার নিকটবর্তী স্থান দিয়া গমনাগমনকারী কোরেশ স্থলবণিকদিগকে লুণ্ঠনার্থ বাহিতে দেন নাই এবং দিতেন না ।

ধর্ম বিষয়ে স্বাধীনতা দান ।

বাহারা বলেন, “বাহারা ইসলাম গ্রহণ না করিবে, খোদাতালা তাহাদের উপর শাস্তি বিধান জন্য বিশ্বাসীদিগকে তাঁহার প্রতিনিধি নিযুক্ত করিয়াছেন । যত দিন পর্য্যন্ত বিশ্বাসিগণ জিজিয়া প্রদান না করিবে, ততদিন পর্য্যন্ত তাহাদিগকে হত্যা করিবার আদেশও ইসলামে বিধিবদ্ধ

রহিয়াছে (১)।” কোরেশ ও ইহুদিগণ ইসলামে বিশ্বাস স্থাপন করে নাই বলিয়া হজরত মহম্মদ (দঃ) তাহাদের বিরুদ্ধে যুদ্ধ ঘোষণা করেন নাই কিম্বা তাহাদিগকে অগ্রে কোন রূপ শাস্তি বিধান জ্ঞাত তিনি খোদাতালার আদেশও প্রাপ্ত হন নাই ; অন্য পক্ষে তিনি বলিতেন যে, “তিনি খোদাতালার ধর্ম বিঘোষণাকারী ভিন্ন আর কিছুই নয়।”

“এবং তুমি বলিও, তোমাদের প্রতিপালক হইতেই সত্য হয়, অনস্তুর বে ইচ্ছা করিবে বিশ্বাসী হইবে ও যে ব্যক্তি ইচ্ছা করিবে পরে কার্ফের হইবে।” কোরাণ, সূরা ৫, আয়েত ৩৩।

“(ঘোরতর যুদ্ধের সময়ে) যদি অংশিবাদিদিগের কোন ব্যক্তি তোমার আশ্রয় প্রার্থনা করে, তবে খোদাতালার বাক্য যে পর্য্যন্ত শ্রবণ করে, তাহাকে আশ্রয় দেও, অতঃপর আশ্রয়ভূমিতে তাহাকে উপস্থিত কর।” কোরাণ, সূরা ৯, আয়েত ৬।

অন্য পক্ষে, ইহা প্রমাণিত হইয়াছে যে, হজরত মহম্মদ (দঃ) কেবল আত্মরক্ষার্থে অস্ত্র গ্রহণ করিয়াছিলেন। মদিনার গিরা উপনিবেশ স্থাপনের পর যদি তিনি কোরেশ ও তাহাদের মিত্রদলের ক্রমিক আক্রমণে বাধা প্রদান না করিয়া আত্মরক্ষার্থে অবহেলা করিতেন, তাহা হইলে ইহা নিশ্চয় যে, তিনি ও তাঁহার শিষ্যবর্গ একেবারে ধ্বংস প্রাপ্ত হইতেন। মোট কথা এই যে, তাঁহারা কেবল তাঁহাদের জীবন ও ধর্মের স্বাধীনতা রক্ষার জন্ত যুদ্ধ করিয়াছিলেন।

উপরোক্ত কারণ বশতঃ ঐ সকল যুদ্ধকে ধর্ম-যুদ্ধ বা জেহাদ বলা যায়, যেহেতু ঐ সকল যুদ্ধের মূলভিত্তি ধর্মের উপরই স্থাপিত ছিল। কারণ মুসলমানেরা তাঁহাদের পূর্বপুরুষের ধর্ম অর্থাৎ পৌত্তলিকতা ত্যাগ করিয়া একমাত্র সত্যস্বরূপ খোদাতালার উপাসনা করিবার জন্ত ইসলাম গ্রহণ

করার কোরেশদিগের দ্বারা উৎপীড়িত ও জন্মভূমি হইতে বিতাড়িত হইয়াছিলেন । সার উইলিয়ম মুর ভ্রমে পতিত হইয়া বলিয়াছেন যে, ধর্ম বিস্তারের জন্ত যুদ্ধের আদেশ ইসলামে বিধিবদ্ধ হইয়াছিল । তিনি আরও বলেন, “বাস্তবিক উৎপীড়ন ও বিদ্রোহিতার বিখ্যাসিগণ মক্কাভাগ করিতে বাধ্য হইয়াছিল । কিন্তু ইসলামের জয়লাভেই তাহার প্রধান উদ্দেশ্য সকল প্রকাশিত হইয়া পড়িয়াছে । যত দিন পর্য্যন্ত সমগ্র ধর্ম খোদাতালার জন্ত না হইয়াছিল, ততদিন পর্য্যন্ত তাহারা যুদ্ধ করিয়াছিল (১) ।”

উপরোক্ত দোষারোপের খণ্ডনार्थ আমরা কোরাণ শরিফের কতকগুলি আয়েতের অনুবাদ করিয়া দিতেছি—

“যাহারা তোমাদের সঙ্গে যুদ্ধ করিতে প্রবৃত্ত হয়, খোদাতালার পথে তোমরা তাহাদের সঙ্গে যুদ্ধ কর, কিন্তু তাহাদিগকে প্রথমে আক্রমণ করিয়া সীমালঙ্ঘন করিও না, নিশ্চয় খোদাতালা সীমালঙ্ঘনকারীদিগকে প্রেম করেন না ।” কোরাণ, সূরা ২, আয়েত ১২০ ।

“এবং যেখানে তাহাদিগকে পাইবে সংহার কর, এবং তাহারা তোমাদিগকে যে স্থান হইতে নির্বাসিত করিয়াছে, তোমরাও তাহাদিগকে সেই স্থান হইতে নির্বাসিত কর, কারণ হত্যা অপেক্ষা উৎপীড়ন (কেৎনা) কিম্বা বিদ্রোহিতা ও ধর্মদ্রোহিতা গুরুতর ; কিন্তু মস্জিদল-হারামের নিকটে তাহারা সংগ্রাম না করিলে, তোমরা (তথায়) তাহাদের সঙ্গে সংগ্রাম করিও না, পরন্তু যদি তাহারা তোমাদের সঙ্গে (তথায়) সংগ্রাম করে, তোমরাও তাহাদের সঙ্গে সংগ্রাম করিও—কাকেরদিগের এই শাসন ।” কোরাণ, সূরা ২, আয়েত ১৯১ ।

“কিন্তু তাহারা নিবৃত্ত রহিলে নিশ্চয় খোদাতালা ক্ষমাশীল ও দয়ালু ।” কোরাণ, সূরা ২, আয়েত ১৯২ ।

(1) Life of Mohamet, Vol. III, p. 79.

“যে পর্য্যন্ত উৎপীড়ন, অত্যাচার ও ধর্মদ্রোহিতা (ফেৎনা) বিনষ্ট হইয়া শুধু খোদাতালার ধর্ম প্রতিষ্ঠিত না হয়, সে পর্য্যন্ত তোমরা যুদ্ধ কর। কিন্তু যত্বপি তাহারা নিবৃত্ত হয়, তবে অত্যাচারীর উপর ব্যতীত হস্তক্ষেপ করিতে নাই।” কোরাণ, সূরা ২, আয়েত ১৯৩।

উপরোক্ত আয়েতগুলিতে, বিশেষতঃ শেষ আয়েতটীতে সাধারণভাবে দেখা যাইতেছে যে, আত্মরক্ষা, শান্তিস্থাপন, ধর্ম সম্বন্ধে স্বাধীনতা এবং ফেৎনা অর্থাৎ উৎপীড়ন ও ধর্মদ্রোহিতার প্রতিবন্ধকতার জন্ত যুদ্ধের আদেশ বিধিবদ্ধ হইয়াছে।

উৎপীড়ন ও ধর্মদ্রোহিতার প্রতিবন্ধক দেওয়াতে ইসলামধর্ম পৌত্তলিকতা দূরীকরণ কার্য হইতে স্বাধীন হইয়াছিল অর্থাৎ এক কথায় বলিতে গেলে, খোদাতালার জন্ত সমগ্র ধর্ম হইয়াছিল অর্থাৎ যখন মুসলমানেরা স্বাধীন হইয়াছিলেন এবং তৎকালীন ধর্মের জন্ত উৎপীড়িত হন নাই এবং ইসলাম ত্যাগ করিয়া প্রতিমূর্তি পূজা করিতে বাধ্য হন নাই, তখন তাহাদের ধর্ম পবিত্র এবং স্বাধীন হইয়াছিল। তখন বাধ্য হইয়া খোদাতালার অংশী স্থাপন করিতে হইবে, এ ভয় আর ছিল না।

ঐ সকল আয়েত আবার কোরাণ শরিফের সূরার আনুফলে পুনরায় উক্ত হইয়াছে—

“যাহারা কাফের হইয়াছে, তাহাদিগকে বল, যত্বপি তাহারা কিরিয়্যা আসে, (১) তবে যাহা কিছু গত হইয়াছে, তাহাদের জন্ত ক্ষমা করা যাইবে, কিন্তু যদি তাহারা প্রত্যাবর্তন করে (২), তবে নিশ্চয়

(১) আক্রমণ উৎপীড়ন কার্য এবং তোমাদের গৃহে প্রবেশ এবং পবিত্র বলজের দর্শনে প্রতিবন্ধক দান হইতে।

(২) অর্থাৎ যদি তাহারা পুনরায় আক্রমণ করে এবং অগ্র আক্রমণে দোষী হয়।

পূর্বতনদিগের রীতি গত হইয়াছে (৩) ।” কোরাণ, সূরা ৮, আয়েত ৩৮ ।

“যে পর্য্যন্ত ফেৎনা অর্থাৎ উৎপীড়ন ও ধর্মদ্রোহিতা না থাকে এবং খোদাতালার জন্ত সমগ্র ধর্ম না হয়, সে পর্য্যন্ত তোমরা তাহাদের সঙ্গে যুদ্ধ কর, এবং যদি তাহারা ফিরিয়া আসে, তবে তাহারা যাহা করিবে, নিশ্চয় খোদাতালা তাহার দ্রষ্টা ।” কোরাণ, সূরা ৮, আয়েত ৩৯ ।

ইহাতে দেখা যাইতেছে যে, কোরেশগণ অত্যাচারে প্রতিনিবৃত্ত না হইলে এবং তাহাদের ফেৎনায় প্রতিবন্ধক দিবার জন্ত ইস্লামে যুদ্ধের আদেশ রহিয়াছে, এবং যখন তাহাদের উৎপীড়ন ও অত্যাচার দমন হইবে কিম্বা থাকিবে না, তখন ইস্লামধর্ম খোদাতালার জন্ত সমগ্র ধর্ম হইবে ও তাহারা খোদাতালার অংশী স্থাপন করিতে বাধ্য হইবে না ।

সার উইলিয়ম মুর হজরত মহম্মদের (দঃ) মদিনায় অবস্থানকালের ঘটনাগুলি উল্লেখ করিয়া বলেন, “যেখানে কাফেরদিগকে পাও, হত্যা কর,” ইহাই তখন তাহার ইস্লামের মূলমন্ত্র ছিল (৪) ।” তিনি এই রূপে হজরত মহম্মদের (দঃ) উপর নানা প্রকার দোষারোপ করিয়াছেন । আমরা তাহার সকলগুলির উল্লেখ করিলাম না ; কারণ তিনি এক সময়ে হজরতের পক্ষাবলম্বন করিয়া যে সকল কথা বলিয়াছেন, আবার আর এক সময়ে তাহারই বিপরীত কথা বলিয়াছেন, তজ্জন্ত তাহার সেই সকল দোষারোপের প্রত্যেকটির দোষ খণ্ডনে প্রবৃত্ত না হইয়া প্রধান প্রধান দুই একটা দোষারোপের খণ্ডন করিয়া ক্ষান্ত হইব । তিনি বলেন যে, হজরতের জীবনের শেষ অবস্থায় অর্থাৎ অষ্টম হিজরীতে মক্কা বিজয়ের পর হইতে কেবল তিনি বল প্রয়োগে ধর্ম প্রচার করিয়া গিয়াছেন । কিন্তু

(৩) ইহার অর্থ—যাহারা বদর ক্ষেত্রে পরাজিত হইয়াছে ।

(৪) The Life of Mohamet, Vol. IV, 319, p.

আর এক স্থানে তিনি নিজেই স্বীকার করিয়াছেন যে, “যখন বিনা প্রতি-
বন্ধকে মক্কা নগর হজরতের অধীনতা স্বীকার করিয়াছিল, তখন অধিবাসি-
গণ দলে দলে আসিয়া ইসলাম গ্রহণ করিতে লাগিল” । ইহার পর বৎসর
হইতে উৎপীড়ন ও অত্যাচার দূরীভূত হওয়াতে আরবের চতুর্দিক হইতে
দলে দলে লোক সকল আসিয়া কিম্বা দূত প্রেরণ দ্বারা ইসলাম গ্রহণ
করিয়াছিল । সেই সময়ে তা বল প্রয়োগে ধর্ম প্রচারের বিষয় কোন
ইতিহাসে দেখা যায় না ।

হজরত মহম্মদ (দঃ) মদিনায় অবস্থানকালে জনসাধারণের নিকট
কেবল ইসলামের পবিত্র আদেশ প্রচার কর্ণো নিযুক্ত ছিলেন । তৎকালে
তিনি স্পষ্টই বল প্রয়োগে ধর্ম প্রচারের প্রতিবাদ করিতেন ।

হজরত মহম্মদের (দঃ) মদিনায় অবস্থানকালে কোরাণ শরিকের যে
সকল আয়েত অবতীর্ণ হইয়াছিল, নিম্নে তাহার কতকগুলির অম্ববাদ
করিয়া দেওয়া যাইতেছে ; ইহাতেই সার উইলিয়ম মুরের অগ্রায় দোষা-
রোপের কতকটা ধণ্ডন হইবে ।

“নিশ্চয় যাহারা বিশ্বাসী (মুসলমান), বাহারা মুসারী ও যাহারা ঈসারী
এবং যাহারা অধাশ্বিক,—তাহাদের মধ্যে যে ব্যক্তি খোদাতালার উপর ও
শেষদিনের প্রতি বিশ্বাস স্থাপন করে, এবং সংকর্গ্য করে, খোদাতালার
নিকট তাহাদের পুরস্কার আছে ; তাহাদের ভয় নাই, তাহারা শোক
পাইবে না ।” কোরাণ, সূরা ২, আয়েত ৫২ ।

“বাহারা গ্রন্থ প্রাপ্ত ও বাহারা অশিক্ষিত, তাহাদিগকে বল, তোমরা
কি খোদাতালার উপর আত্মসমর্পণ করিতেছ ? যত্বপি তাহারা মুসলমান
হয়, তবে তাহারা নিশ্চয় পথ প্রাপ্ত হইবে, কিন্তু যত্বপি বিমুখ হয়, তবে
সুসমাচার প্রচার ভিন্ন তোমার প্রতি অস্ত কিছু নহে ; এবং খোদাতালা
দাসদিগের প্রতি দৃষ্টিকারী ।” কোরাণ, সূরা ৩, আয়েত ১২ ।

“প্রেরিত-পুরুষের প্রতি প্রচার কার্য বৈ নহে, তোমরা যাহা প্রকাশ্যে কর ও যাহা গুপ্ত রাখ, খোদাতালা তাহা জ্ঞাত হন।” কোরাণ, সূরা ৫, আয়েত ৯৯ ।

“বল (হে মহম্মদ) তোমরা খোদাতালার অনুগত থাক ও তাঁহার প্রেরিত-পুরুষের অনুগত থাক ; কিন্তু যদি তোমরা (হে লোকসকল) বিমুখ হও, তবে তাহার কর্তব্য ভার তাহার প্রতি অর্পিত ও তোমাদের কর্তব্য ভার তোমাদের প্রতি অর্পিত হইয়াছে, ইহা বৈ নহে । এবং যত্বপি তোমরা তাঁহার আজ্ঞাকারী হও, তবে পথ প্রাপ্ত হইবে, প্রেরিত-পুরুষের প্রতি স্পষ্ট প্রচার করা বই নহে।” কোরাণ, সূরা ২৪, আয়েত ৫৩ ।

“ধর্মের জন্ত বল প্রয়োগ নাই, নিশ্চয় পথভ্রান্তির পর পথ প্রকাশ পাইয়াছে; অতঃপর যে ব্যক্তি তাগুতের (১) প্রতি বিমুখ হইয়া খোদাতালার উপর বিশ্বাস স্থাপন করিবে, নিশ্চয় সে দৃঢ় অবলম্বনকে ধারণ করিবে, তাহা ছিদ্র হইবে না; এবং খোদাতালা শ্রোতা ও জ্ঞাতা।” কোরাণ, সূরা ২ আয়েত ২৫৭ ।

“যে ব্যক্তি প্রেরিত পুরুষের আজ্ঞা পালন করে, নিশ্চয় সে খোদাতালার আজ্ঞা পালন করিয়া থাকে, যাহারা তোমাকে অমাণ্ড করে, আমি তোমাকে তাহাদিগের প্রতি রক্ষক নিযুক্ত করি নাই।” কোরাণ, সূরা ৪, আয়েত ৮০ ।

“যেখানে কাফেরদিগকে পাও, হত্যা কর ” ইহা কখনই ইন্সলামের মূল মন্ত্র নহে । কেবল আত্মরক্ষার জন্ত এই আদেশটী আর যাহারা

(১) প্রতিমূর্তির নাম—বিশেষতঃ মক্কাবাসীদিগের পুরাতন প্রতিমা আল্লাহ এবং ওজ্জাকে বুঝায় ।

মুসলমানদিগের বিরুদ্ধে অস্ত্র গ্রহণ করিয়াছিল, তাহাদের বিরুদ্ধে বিধিবদ্ধ হইয়াছিল ।

কোরান শরিফের দ্বিতীয় সূরার ১৯১ আয়েত এবং অষ্টম সূরার ৩৯ আয়েত মুসলমানদিগকে অগ্রে-আক্রমণকারী মক্কাবাসীদিগের বিরুদ্ধে অবতীর্ণ হইয়াছিল । ঐ সকল আয়েতের উদ্দেশ্য এই যে, তাহা হইলে অত্যাচার ও উৎপীড়ন বন্ধ হইয়া যাইবে । কিন্তু সার উইলিয়ম মুর “ফেৎনা” শব্দটী ভুলক্রমে “প্রতিবন্ধক (Opposition)” শব্দে অনুবাদ করিয়াছেন; তিনি আবার নিজে ৮৫ সূরার দশম আয়েতস্থ “ফাতাহু” (২) শব্দটী “উৎপীড়ন” শব্দে অনুবাদ করিয়াছেন । উক্ত আয়েতটী তিনি যেরূপভাবে অনুবাদ করিয়াছেন তাহা এই; “Verily, they who persecute the believers, male and female, and repent themselves not. অর্থাৎ নিশ্চয়, যাহারা বিশ্বাসীদিগের পুরুষ ও স্ত্রীলোকের প্রতি উৎপীড়ন করে এবং অনুতাপ না করে (৩) ।” আমরা জানি না যে, কেন তিনি একটী শব্দের দুই স্থানে অর্থাৎ ২য় সূরার ১৯১ আয়েতে এবং ৮ম সূরার ৩৯ আয়েতে দুই প্রকার অর্থ করিলেন ।

—০—

স্থলবণিকদিগকে আক্রমণ ।

হজরত মহম্মদের (দঃ) ইউরোপীয় জীবনচরিত লেখকেরা বলেন যে, সুরিয়া হইতে গমনাগমনকারী কতিপয় কোরেশ স্থলবণিক হেজরতের পরেই মুসলমানদিগের দ্বারা আক্রান্ত ও লুণ্ঠিত হইয়াছিল । তাহারা নিম্নলিখিত কয়েকটী আক্রমণের উল্লেখ করিয়াছেন—

(১) “ফেৎনা” শব্দের তৃতীয় পুরুষ, বহুবচনে অতীতকালে ফাতাহু” ।

দ্রঃ(৩) Life of Mohamet, Vol, II, P. 147, foot-note.

(১) হজরত মহম্মদের মদিনায় আসিবার ৭মাস পরে আবুজহল কর্তৃক পরিচালিত একদল স্থলবণিক্ হামজা কর্তৃক আক্রান্ত হয় ।

(২) ইহার এক মাস পরে আবুসোফিয়ান কর্তৃক পরিচালিত এক দল স্থলবণিক্কে আক্রমণ করিবার জন্ত ওবেদা প্রেরিত হইয়াছিলেন ।

(৩) আবার এক মাস পরে কোরেশ স্থলবণিক্দিগকে লুণ্ঠন করিবার জন্ত সায়াদ একদল মুসলমান সহ তাহাদের গমনাগমনের পথ পার্শ্বস্থ ঝোপের মধ্যে লুক্কায়িত ছিলেন ।

(৪) হেজরতের প্রায় ১২ মাস পরে হজরত মহম্মদ (সঃ) স্বয়ংই আবেয়াতে কোরেশস্থলবণিক্দিগকে লুণ্ঠনার্থ গিয়াছিলেন ।

(৫) ইহার পর মাসে হজরত মহম্মদ (সঃ) স্বয়ং সুরিয়া হইতে প্রত্যাগত বহুমূলা পণ্যদ্রব্যসম্বলিত ওমিয়া-বেন-খালফ্ কর্তৃক পরিচালিত স্থলবণিক্দিগকে বিনষ্ট করিতে বোয়াতে গিয়াছিলেন ।

(৬) ইহার ২।৩ মাস পরে সুরিয়া হইতে প্রত্যাগত বহুপণ্যদ্রব্য-সম্বিত আবু সোফিয়ান কর্তৃক-পরিচালিত স্থলবণিক্দিগকে আক্রমণার্থ হজরত মহম্মদ (সঃ) ওশেয়ারায় গমন করেন ।

সার উইলিয়ম মুর বলেন যে, ঐ সকল আক্রমণে মুসলমানেরা সফল মনোরথ হইতে পারেন নাই (১) ।

(৭) দ্বিতীয় হিজরির রজব মাসে কয়েকজন মুসলমান, কোরেশ স্থলবণিক্দিগকে লুণ্ঠনার্থ নেখলার লুক্কায়িতভাবে ছিলেন এবং কোরেশ-দিগের একজন দূতকে হত্যা করেন আর দুই জনকে বন্দী করিয়া লুণ্ঠিত দ্রব্যাদি সহ মদিনায় ফিরিয়া আসেন । হজরত মহম্মদ (সঃ) তাহা দেখিয়া আবুজহলা-বেন-জারসকে বলেন “আমি তোমাকে পবিত্র মাসে কখন বুকু করিতে বলি নাই ।”

(৮) পুরুষবর্ণিত স্থলবণিক্গণ মুসলমানদিগের আক্রমণ হইতে রক্ষা পাওয়ার হজরত মহম্মদ (দঃ) পুনরায় তাহাদিগের আক্রমণের অপেক্ষার ছিলেন, ইহাতেই প্রসিদ্ধ বদরের যুদ্ধ সংঘটন হয় ।

(৯) ১ম ও ২য় হিজরিতে অর্থাৎ বদরের যুদ্ধের পূর্বে মক্কার স্থল-বণিক্গণ এইরূপে মুসলমানদিগের দ্বারায় আক্রান্ত হইয়াছিলেন । মুসলমানগণ কর্তৃক কোরেশ স্থলবণিক্গণ আর একবার আক্রান্ত হইয়াছিল, যাহা ষষ্ঠ হিজরিতে সংঘটন হয়, কিন্তু তাহাতে মুসলমানেরা সম্পূর্ণরূপে কৃতকার্য হইয়াছিলেন ।

আমরা উপরোক্ত দোষারোপের খণ্ডনের জন্য পূর্বে যথেষ্ট চেষ্টা করিয়াছি এবং বিশ্বাসযোগ্য ইতিহাস বা হাদিসে উহার কোনরূপ বিশ্বাস-যোগ্য প্রমাণ পাওয়া যায় না, তাহাও দেখাইয়াছি ।

হজরত মহম্মদ (দঃ) ও তাঁহার শিষ্যবর্গ যেকোন অবস্থায় পতিত হইয়া-ছিলেন, তাহাতে যে তাঁহারা বৈরসাধন বা লুণ্ঠনবাসনার বশবর্তী হইয়াছিলেন, ইহা সম্পূর্ণ অসম্ভব । প্রেরিত-পুরুষ যেস্থানের অধিবাসীদিগের নিকট আশ্রয় অন্বেষণ করিয়াছিলেন এবং যাহাদের সঙ্গে তিনি সেই স্থানে প্রবেশ করিয়াছিলেন, সেই মদিনাবাসীগণ তাঁহাকে রক্ষা করিবার জন্য এই রূপ পবিত্র অঙ্গীকারে আবদ্ধ হইয়াছিলেন যে, যত দিন পর্যন্ত তিনি অগ্র-আক্রমণকারী না হইবেন, তত দিন পর্যন্ত তাঁহারা তাঁহাকে স্বকীয় স্রীপুত্রের ন্যায় শত্রুহস্ত হইতে রক্ষা করিবেন (১) । হজরত মহম্মদও (দঃ) লুণ্ঠন কার্য বা আক্রমণ কাণ্ডে অগ্রদূর হইবেন না

(১) "মদিনাবাসীগণ প্রেরিত-পুরুষকে কেবল শত্রুহস্ত হইতে রক্ষা করিবেন, কিন্তু তাঁহার সহিত যোগ দিয়া কোরেশদিগকে অগ্রে আক্রমণ করিবেন না বলিয়া প্রতিজ্ঞাবদ্ধ হইয়াছিলেন ।" Muir's Life of Mohamet, Vol. III. p. 64.

বলিয়া তাঁহাদের সহিত পবিত্র অঙ্গীকারে আবদ্ধ হইয়াছিলেন (১) । এই সকল পর্যালোচনা করিলে দেখা যায় যে, কোরেশ স্থলবণিকদিগকে পুনঃ পুনঃ আক্রমণ করিতে মদিনাবাসিগণ কখনই হজরত মহম্মদকে (দঃ) পরামর্শ দেন নাই, কিম্বা তাঁহারা তাঁহার সঙ্গে যোগ দিয়া স্থলবণিকদিগকে আক্রমণ করিয়াছিলেন, ইহাও সম্পূর্ণ অসম্ভব ।

মুসলমানদিগের দ্বারায় মক্কার স্থলবণিকদিগের আক্রমণের বিষয় হজরত মহম্মদের (দঃ) জীবনচরিত লেখকেরা যেরূপ বর্ণনা করিয়াছেন, যদি সেইরূপ ঘটনাগুলি বাস্তবিকই সংঘটন হইয়াছিল বলিয়া গ্রহণ করা যায়, তাহা হইলে ইহা কি আরববাসীদিগের জাতীয় আইন কিম্বা পুরাকালীন যুদ্ধ সম্বন্ধীয় আইনের সম্পূর্ণ অনুমোদিত ? কিন্তু ইহা সর্ববাদিসম্মতরূপে প্রমাণিত হইয়াছে যে, মক্কাবাসিগণ প্রথমে মুসলমানদিগকে আক্রমণ করিয়াছিল, এবং তাঁহাদের উপর অসহনীয় উৎপীড়ন ও অত্যাচার করিয়া তাঁহাদের প্রিয় জন্মভূমি মক্কা নগর হইতে বিতাড়িত করিয়া দিয়াছিল । আরও তাহারা নূতন ধর্মাবলম্বীদিগকে অশেষ প্রকারে যজ্ঞা প্রদান করিয়াছিল ; ঐ সকল অত্যাচার ও উৎপীড়নের বিষয় এবং জাতীয় আইন ও প্রাকৃতিক আইনের বিষয় পর্যালোচনা করিলে দেখা যায় যে, মুসলমানেরা তাহাদের সম্পত্তি ও গৃহাদি পুনরুদ্ধারের জন্য উৎপীড়নকারীদিগের বিরুদ্ধে আইন ও ন্যায়ানুসারে যুদ্ধ ঘোষণা করিতে পারিতেন । যখন

(১) পরম্পরাগত বর্ণনানুসারে ওবাদা-বেন-সামাতের বর্ণিত বিষয় প্রসিদ্ধ হাদিস সংগ্রাহক ষোখারি এইরূপ ভাবে উল্লেখ করিয়াছেন যে, তাঁহারা প্রেরিতপুরুষের সহিত প্রতিজ্ঞাবদ্ধ হইয়াছিলেন, আমি তাঁহাদের মধ্যে একজন নকিব ছিলাম । আমরা এইরূপে প্রতিজ্ঞাবদ্ধ হইয়াছিলাম যে, আমরা খোদাতালায় অংশী স্থাপন করিব না এবং চুরি করিব না এবং ব্যক্তিচার করিব না এবং হত্যা করিব না এবং লুণ্ঠন করিব না ।" সাহি ষোখারি ।

মক্কাবাসিগণ আপনাই হইতেই মুসলমানদিগের বিরুদ্ধে প্রথমে যুদ্ধ ঘোষণা করিয়াছিল, তখন আশ্রয়ক্রম ও যুদ্ধ সহকারী আইনানুসারে মুসলমানেরা শত্রুদিগের সম্পত্তি ধ্বংস এবং বাণিজ্যের উন্নতিপথ রুদ্ধার্থে অস্ত্র গ্রহণ করিতে বাধ্য হইয়াছিলেন ; কারণ, “যখন কোন রাজ্য অন্য কোন রাজ্যের সহিত যুদ্ধ কার্যে লিপ্ত হয়, তখন ইহা সাধারণ নিয়ম যে, যে কোন প্রকারে শত্রুর সম্পত্তি যে কোন স্থানে পাওয়া যাইবে, তাহা বলপূর্বক গ্রহণ করা উচিত ; এইরূপে শত্রুদিগের যে সকল সম্পত্তি হস্তগত হয়, তাহা বিজেতাগণ নিজে কিম্বা লুণ্ঠনকারীগণ ব্যবহার করিতে পারে (১)।”

—*—

যুদ্ধের বন্দীদিগের প্রতি দয়ালু ব্যবহার ।

হজরত মহম্মদ (দঃ) সকল সময়ে যুদ্ধ-বন্দীদিগের প্রতি দয়ালু ব্যবহার করিতেন এবং পুরাতন রীত্যানুসারে বন্দীদিগকে চত্বা করাকে অস্ত্র বলিতেন, আর কোরাণ শরিফেও বন্দীদিগের প্রতি দয়ালু ব্যবহারের আদেশ বিধিবদ্ধ রহিয়াছে ।

“এবং যখন তোমরা ধর্মবিরোধীদিগের সঙ্গে (রণক্ষেত্রে) মিলিত হও, তখন সে পর্য্যন্ত তাহাদের কণ্ঠ ছেদন করিও, যে পর্য্যন্ত তাহা-দিগকে অধিক ধ্বংস কর এবং দৃঢ় বন্ধন কর।” কোরাণ, সূরা ৪৭, আয়েত ৪ ।

“তৎপরে হইল চিত সাধন কর, না হইল অর্থাৎ বিনিময় গ্রহণ কর, যে

(1) Wheaton's Elements of International Law P. 419;
Lieber's Miscellaneous Writings; Political Science. Vol II, P. 250

পর্যন্ত যুদ্ধকর্তা তাহার (যুদ্ধের) অস্ত্র সকল পরিত্যাগ না করে ।”
কোরান, সূরা ২৭, আয়েত ৫ ।

বদরের যুদ্ধবন্দীদের মধ্যে সার উইলিয়ম মুর বলেন, “(হজরত) মহম্মদের (দঃ) আদেশানুসারে মদিনাবাসীগণ ও মহাজেরগণ বন্দীদিগকে গ্রহণ করিলেন ও তাহাদের প্রতি দয়ালু ব্যবহার প্রদর্শন করিলেন” । শেষে ঐ বন্দীগণ বলিয়াছিলেন, “মদিনাবাসীদের উপর খোদাতালার আশীর্বাদ বর্ষণ হউক ! কারণ তাহারা পদব্রজে গমনাগমনের কষ্ট সহ করিয়া আমাদেরকে উর্ধ্বপৃষ্ঠে গমনাগমন করিতে দিতেন ; যখন কটির অভাব হইত, তখন তাহারা আমাদেরকে কুটি পাইতে দিয়া নিজেরা খেজুর খাইয়া সন্তুষ্ট থাকিতেন ।” ইহা আশ্চর্যের বিষয় নহে যে, বদরের যুদ্ধ সংঘটন হইবার কয়েক দিন পরে ঐ বন্দীগণের মধ্যে কোন কোন ব্যক্তির আত্মীয় স্বজন অর্থ বিনিময়ে কোন কোন বন্দীকে বন্দীমুক্ত করিবার জন্য আসিয়া দেখিতে পাইল যে, বন্দীগণ স্বইচ্ছায় ইসলাম গ্রহণ করিয়াছে । সেই সময়ে হজরত ও তাহাদিগকে বিনা অর্থে বন্দীমুক্ত করিয়া দিয়াছিলেন (১) ।

বনি মোস্তালিকের বন্দীগণ বিনা অর্থে মুক্ত লাভ করিয়াছিল (২) ।

অষ্টম হিজরিতে হোনেন যুদ্ধে বনি হাওয়াজেনেরা বন্দী হইয়াছিল, কিন্তু তাহারা বিনা অর্থে মুক্তিলাভ করিয়াছিল । হজরত মহম্মদ (দঃ) হোনেন যুদ্ধের বন্দীদের মধ্যে নিজের অংশস্থ বন্দীদেরকে বিনা অর্থে ছাড়িয়া দিলেন দেখিয়া মক্কা ও মদিনাবাসীগণ আনন্দ সহকারে স্ব স্ব

(1) Muir's Life of Mohamet, Vol. II, PP. 122 and 123.

(2) Muir's Life of Mohamet, Vol. P. 243.

অংশস্থ বন্দীদিগকে ছাড়িয়া দিলেন (১)। এইরূপে ৬০০ শত বন্দী বিনা অর্থে মুক্তিলাভ করিল (২)।

ষষ্ঠ হিজরীতে যখন হজরত মহম্মদ (দঃ) হোদায়বিয়ার শিবির স্থাপন করিয়াছিলেন, তখন কেহ বলেন, ৮০ জন (৩), কেহ বলেন, ৪০।৫০ জন (৪) কোরেশ হজরতের শিবিরের পার্শ্বস্থ মুসলমানদিগকে হত্যা করিবার জন্ত ঘুরিয়া বেড়াইতেছিল, এমন কি, তাহারা তীর ও প্রস্তর খণ্ড দ্বারা হজরতের শিবির আক্রমণ করিয়াছিল। সেই সময়ে তাহারা মুসলমানদিগের দ্বারা ধৃত হইয়া হজরতের নিকট নীত হইলেন, তিনি স্বকীয় ঔদার্য্যগুণে তাহাদিগকে ক্ষমা করিলেন ও বন্দীমুক্ত করিয়া দিলেন।

যখন একাদশ হিজরীতে খালেন-বেন-অলিদ, বনি জাজিমাকে ইসলাম গ্রহণার্থ প্রেরিত হইয়াছিলেন, তখন তিনি তাহাদের উপর জয়লাভ করিয়া তাহাদিগের মধ্যে কতকগুলি লোককে বন্দী ও কতকগুলি লোকের প্রাণদণ্ডের আদেশ দেন। ইহাতে কয়েক জন বিজ্ঞ মুসলমান কোরাণ শরিফের আদেশানুসারে বন্দীদিগকে অর্থ বিনিময়ে কিম্বা বিনা অর্থে বন্দীমুক্ত করিয়া না দিয়া তিনি অগ্র্য কাজ করিয়াছেন বলিয়া তাহাদের উপর দোষারোপ করেন। হজরত মহম্মদ (দঃ) এই সংবাদ শ্রবণ করিয়া বড় অসন্তুষ্ট ও দুঃখিত হইয়া দুইবার বলেন, “হে খোদাতালা! খালেন বাহা করিয়াছে, আমি তাহাতে নির্দোষী (৫)।”

(1) Muir's Life of Mohamet, Vol. IV, PP. 148 and 149.

(২) এবনে হেশাম পৃঃ ৮৭৭।

(৩) এবনে হেশাম পৃঃ ৭৪৫।

(৪) মোস্লেমের মতানুসারে।

(৫) এবনে হেশাম, পৃঃ ৮৩৩ ও ৮৩৫।

বনি কোরায়জা হত্যা ।

মক্কার নিকটস্থ বনি কোরায়জা নামক একটা ইহুদী সম্প্রদায় অগ্র আক্রমণকারী শত্রুদিগের আক্রমণ হইতে মদিনা রক্ষা করিবার জন্ত মুসলমানদিগের সহিত সন্ধিসূত্রে আবদ্ধ হয় । ষষ্ঠ হিজরীতে যখন ছয় সহস্র কোরেশ ও অন্যান্য অসংখ্য বেহুইন সম্প্রদায় দ্বারা মদিনা আক্রান্ত হইয়াছিল, তখন বনি কোরায়জা মুসলমানদিগের সহিত যোগ না দিয়া সন্ধি ভঙ্গপূর্বক মদিনা অবরুদ্ধকারী শত্রুদিগের সহিত যোগ দিয়াছিল । কিন্তু যুদ্ধের পর বনি কোরায়জা মুসলমানদিগের দ্বারা আক্রান্ত হয় ; তখন মুসলমানদিগের মধ্যে কয়েক জন মধ্যস্থ হইয়া তাহাদিগকে হত্যা করিতে অগ্রসর হন, তাহাদের মধ্যে কতিপয় বাক্তি যে যুদ্ধ-বন্দী বলিয়া নিহত হইয়াছিল, তাহা নহে, যুদ্ধে বিশ্বাসঘাতক ও দেশদ্রোহী বলিয়া জাতীয় আইনানুসারে তাহাদিগকে মৃত্যুমুখে পাতিত করা হইয়াছিল ; কেন না শত্রুগণকর্তৃক মদিনা অবরুদ্ধকালে তাহারা মদিনার বিরুদ্ধে ঘোরতর বিশ্বাসঘাতকতা করিয়াছিল । বনি কোরায়জার সহিত মুসলমানদিগের প্রকৃত পক্ষে কোনরূপ যুদ্ধ সংঘটন হয় নাই, তাহারা কেবল মুসলমানদিগের সহিত সন্ধি ভঙ্গ করিয়া শত্রুদিগের সাহায্য করিয়াছিল এবং দেশ মধ্যে অধিক পরিমাণে বিদ্রোহিতা বৃদ্ধি করিয়াছিল বলিয়া, তাহারা মুসলমানদিগের দ্বারা আক্রান্ত হইয়াছিল, কিন্তু তাহারা যুদ্ধ বন্দী নহে । এমন কি, এরূপ বন্দিগণকে বিশ্বাসঘাতকতার জন্ত যুদ্ধের কষ্ট ভোগ করান উচিত ছিল ।

“যুদ্ধের আইনানুসারে যুদ্ধক্ষেত্রে বিদ্রোহী সৈন্যগণের দলপতি কিম্বা সরদার বিশ্বাসঘাতকতার জন্ত গবর্ণমেন্ট কর্তৃক শাস্তি প্রাপ্ত হইবে (১) ।”

(1) Miscellaneous Writings of Francis Lieber, Vol. VII. Contributions to Political Science. P. 273.

বনি কোরায়জার সমুদয় লোক নিহত হয় নাই, কিম্বা সমুদয় পুরুষ বন্দীও নিহত হয় নাই (১) ।

অতি অল্প সংখ্যক মাত্র বনি কোরায়জা নিহত হইয়াছিল । তাহারা হজরত মহম্মদের (দঃ) আদেশানুসারে নিহত হয় নাই কিম্বা তৎসম্বন্ধে কোনরূপ স্বর্গীয় আদেশ অবতীর্ণ হয় নাই, কোরাণ শরিফের নিম্নলিখিত আয়েতে ইহার বিষয় স্পষ্ট প্রকাশ পাইতেছে —

“এবং গ্রন্থধারীদিগের (ইহুদীদিগের) যাহারা তাহাদিগকে (বড়যন্ত্রকারীদিগকে) সাহায্য দান করিয়াছিল, তিনি তাহাদিগকে তাহাদের দুর্গ সকল হইতে নামাইলেন ও তাহাদের অস্তুরে ভয় নিক্ষেপ করিলেন, তোমরা তাহাদের এক দলকে হত্যা, এক দলকে বন্দী করিতেছিলে ।” কোরাণ, সূরা ৩৩, আয়েত ২৬ ।

উপরোক্ত আয়েতে বনি কোরায়জাদিগকে হত্যা ও বন্দীর বিষয় এবং তাহারা যেরূপ কার্য্য করিয়াছিল, তাহার বিষয় উল্লেখিত হইয়াছে ।

অবশিষ্ট বনি কোরায়জা বিনা অর্থে কিম্বা অর্থ বিনিময়ে মুক্তি লাভ করিয়াছিল । আমরা এবনে-সৈয়দ-উল-নাসের “ইউনল-আসারে” অর্থ-বিনিময়ে মুক্তির বিবরণ পাঠ করিয়াছি । ওসমান-বেন-আফ্ফান এইরূপে অনেক অর্থ সংগ্রহ করিয়াছিলেন । কিন্তু সার উইলিয়ম মুর বলেন যে, “মুসলমানগণ বনি কোরায়জার অবশিষ্ট স্ত্রী ও পুত্রকণ্ঠাগণকে অর্থ ও অস্ত্রশস্ত্রের বিনিময়ে নজ্দের বেহুইন সম্প্রদায়ের নিকট বিক্রয় করিয়াছিলেন (২) । কিন্তু ইহার কোনরূপ বিশ্বাসযোগ্য প্রমাণ পাওয়া

(১) কতিপয় কোরায়জা বন্দী হইতে মুক্তি লাভ করিয়াছিল, তাহাদের মধ্যে জোহার-এবনে-বাতা এবং রাকেরও ছিলেন ; হজরত মহম্মদ (দঃ) তাহাদিগকে ক্ষমা করিয়াছিলেন ।

(২) Muir's Life of Mohamet, Vol. III, P. 279.

যায় না । আবুল মোতামার সোলেমান প্রণীত “হজরত মহম্মদের (দং) যুদ্ধযাত্রা” নামক পুস্তকে যেরূপ বর্ণিত হইয়াছে, তাহা অধিকতর সম্ভব বলিয়া বোধ হয়, পাঠকবর্গের অবগতির জ্ঞে নিম্নে তাহার অনুবাদ করিয়া দিলাম :—

“বনি কোরায়জার নিকট হইতে যে সকল দ্রব্য মুসল-মানেরা প্রাপ্ত হইয়াছিলেন, তাহার মধ্যে হজরত মহম্মদ (দং) ১৭টা অশ্ব লইয়া সকলের মধ্যে বিভাগ করিয়া দেন । অবশিষ্ট দ্রব্যাদি যাহা ছিল, তাহা দুইভাগে বিভাগ করিয়া অর্দ্ধেক সিরিয়ার সায়াদ-বেন-ওবাদকে পাঠাইয়া দেন, আর অর্দ্ধেক ঘাতাফানদিগের দেশে আনু-বেন-কোয়েজিকে পাঠাইয়া দেন ; অধিকন্তু তাঁহাদিগকে এইরূপ উপদেশ দেন যে, তাঁহারা তথায় ঘোড়ার বংশবৃদ্ধির চেষ্টা করিলে বিশেষ লাভবান হইবেন । তাঁহারাও হজরতের উপদেশানুসারে সেইরূপ করিয়া অশ্বদল বৃদ্ধি করিয়াছিলেন ।”

বনি কোরায়জার হত্যা সংখ্যা খৃষ্টান লেখকেরা অতিরঞ্জিতরূপে বর্ণনা করিয়াছেন । তাঁহাদের মতে ৭০০ হইতে ৮০০ জন বনি কোরায়জা মৃত্যুমুখে পাতিত হইয়াছিল, কিন্তু হাদিস পাঠে অবগত হওয়া যায় যে, বনি কোরায়জার যুদ্ধ অস্ত্রশস্ত্রের মধ্যে ৩০০ বর্ম ৫০০ ঢাল এবং ১৫০০ খড়্গ ছিল । বোধ হয়, যুদ্ধের সরঞ্জাম সংখ্যা বাড়াইবার জ্ঞে এই রূপ বর্ণিত হইয়াছে (১) । কিন্তু যোদ্ধাদিগের সঙ্গে অধিক সংখ্যক অস্ত্র শস্ত্র থাকা সম্ভব, ইহা সর্ববাদিসম্মত । আমাদের বিবেচনায় ২।৩ শত বীর পুরুষের অধিক এই যুদ্ধক্ষেত্রে উপস্থিত ছিল না । এমন কি, ২০০ যুদ্ধ বন্দী বলিলেও অত্যুক্তি হয় । বেস্ত-অল হারেসের যে গৃহে বন্দিগণ রাখিতে বন্দী-অবস্থায় ছিল, সেই

গৃহে ২০০ লোকের স্থান হওয়া অসম্ভব (১) । কেহ কেহ বলেন যে, পুরুষ বন্দীগুলি ওসমান-বেন-জয়দের গৃহে আর স্ত্রী ও শিশু সন্তানগুলি বেসু-অল-হারেসের গৃহে বন্দী অবস্থায় ছিল (২) ।

যুদ্ধ সম্বন্ধে শেষ কথা ।

তওবা সুরার ৫ম আয়েতে বাস্তবিকই অগ্র আক্রমণের আদেশ রহিয়াছে । মক্কাবাসিগণ হোদায়বিয়ার সন্ধি ভঙ্গ করিয়া হজরত মহম্মদের (দং) সহিত সন্ধি-সূত্রে আবদ্ধ বনি খোজামাকে আক্রমণ করার পর মদিনায় কোরাণ শরিফের যে সকল আয়েত অবতীর্ণ হইয়াছিল, ইহা সেই সকলের মধ্যে একটী । এই আয়েতের দ্বারা মক্কাবাসিদিগকে অধীনতা স্বীকার করিবার জন্য ৪ মাস সময় দেওয়া হইয়াছিল, যদি তাহারা ইহার মধ্যে অধীনতা স্বীকার না করে, তাহা হইলে হোদায়বিয়ার সন্ধি ভঙ্গ করিয়া বনি খোজামাকে আক্রমণ অপরাধে তাহারা আক্রান্ত হইবে । কিন্তু তাহারা পূর্বেই অধীনতা স্বীকার করিয়াছিল, সুতরাং বিনা প্রতিদ্বন্দ্বকে মক্কা নগর হজরতের অধীনতা স্বীকার করিল । তজ্জন্ত যুদ্ধ সংঘটন হয় নাই ।

বকর সুরার ১৯৩ আয়েতে যুদ্ধের আদেশ সম্পূর্ণরূপে বিধিবদ্ধ হয় নাই । উক্ত সুরার ১৯০, ১৯১, ১৯২, এবং ১৯৩ আয়েতগুলি একত্রে পাঠ করিলে দেখা যায় যে, কেবল আত্মরক্ষার্থ যুদ্ধের আদেশগুলি উহাতে বিধিবদ্ধ হইয়াছে । আয়েতগুলি এই :—

(১) এবনে হেশাম পৃষ্ঠা ৩৮৯ ।

(২) হালাবী প্রণীত ইনসামুল ওয়ুন দেখ ।

“তাহারা তোমাদের সঙ্গে যুদ্ধ করিতে প্রবৃত্ত হয়, খোদাতালার পথে তাহাদের সঙ্গে তোমরা যুদ্ধ কর, কিন্তু তাহাদিগকে অগ্র-আক্রমণ করিয়া সীমা লঙ্ঘন করিও না। নিশ্চয় খোদাতালা সীমা-লঙ্ঘনকারিদিগকে প্রেম করেন না।”

“যে স্থানে তাহাদিগকে পাইবে সংহার কর এবং তাহারা তোমাদিগকে যেস্থান হইতে নির্বাসিত করিয়াছে, তোমরাও তাহাদিগকে নির্বাসিত কর, (ফেৎনা) অত্যাচার, উৎপীড়ন ও ধর্মদ্রোহিতা হত্যা অপেক্ষা গুরুতর ; তত্রাচ মস্জেদল-হারামের নিকটে সংগ্রাম না করিলে তোমরা তাহাদিগের সহিত (তথায়) সংগ্রাম করিও না, কিন্তু যদি তাহারা তোমাদের সঙ্গে (তথায়) সংগ্রাম করে, তোমরাও তাহাদের সঙ্গে সংগ্রাম করিও, কাফেরদিগের এই শাসন ।”

“কিন্তু তাহারা নিবৃত্ত থাকিলে নিশ্চয় খোদাতালা ক্ষমাশীল ও দয়ালু ।”

“যে পর্য্যন্ত ধর্মদ্রোহিতা (ফেৎনা) বিনষ্ট হইয়া শুদ্ধ খোদাতালার ধর্ম প্রতিষ্ঠিত না হয়, সে পর্য্যন্ত তোমরা যুদ্ধ কর, কিন্তু যদি তাহারা নিবৃত্ত হয়, তবে অত্যাচারীর উপর বাতীত হস্তক্ষেপ করিতে নাই ।”
কোরান, সূরা ২, আয়েত ১৯০, ১৯১, ১৯২, ১৯৩ ।

২য় সূরার ১৯০ আয়েত ভিন্ন কোরান শরীফের সূরার আনুফলের ৪০ আয়েতে আত্মরক্ষার্থ যুদ্ধের আদেশ দেখা যায়। অত্যাচার, উৎপীড়ন, অগ্র-আক্রমণ এবং ধর্মদ্রোহিতা ঐ দুই আয়েতের এক “ফেৎনা” শব্দে প্রকাশ পাইতেছে। ইহাতে দেখা যাইতেছে যে, মুসলমানেরা ঐ সকল দুরীকরণ জন্ত যুদ্ধ করিয়াছিলেন, এবং উহাতে স্পষ্টই প্রকাশ পাইতেছে যে, তাহাদের অত্যাচার দুরীকরণ জন্ত আত্মরক্ষার্থ যুদ্ধের আদেশ বিধিবদ্ধ হইয়াছে।

উহাতে আরও দেখা যাইতেছে যে, যদি তাহারা মুসলমানদিগকে অগ্রে আক্রমণ বা উৎপীড়ন না করে, তাহা হইলে আর যুদ্ধ করিবার আবশ্যক হইবে না। ইহাতেই যথেষ্ট প্রমাণিত হইল যে, ঐ সকল আয়েতে হজরত মহম্মদের (দং) আত্মরক্ষার্থ যুদ্ধের আদেশ বিধিবদ্ধ হইয়াছে।

হজরত মহম্মদ (দং) অগ্র আক্রমণকারী নহেন ।

আমরা কোরাণ শরিফের কয়েক স্থান অনুবাদ করিয়া দেখাইয়াছি যে, হজরত মহম্মদ (দং) কখনই অগ্র আক্রমণকারী নহেন। তাঁহার প্রেরিতত্ব লাভের পর হইতে যত দিন পর্য্যন্ত তিনি জীবিত ছিলেন, তাবৎ কাল পর্য্যন্ত তিনি উৎপীড়িত, ঘৃণিত ও আত্মীয় স্বজন বিবর্জিত এবং অবশেষে মক্কার শত্রুদিগের দ্বারা জন্মভূমি হইতে বিতাড়িত হইয়া দূরবর্তী স্থানে আশ্রয় অন্বেষণে বাধ্য হন, শত্রুগণ তাঁহাকে ও তাঁহার শিষ্যবর্গকে নির্বাসিত, আক্রান্ত, অবরুদ্ধ ও পরাক্রান্ত করিয়া মক্কার প্রত্য-গমনে ও পবিত্র মসজিদে দর্শনে প্রতিবন্ধক দিত। অধিকন্তু মক্কাই ঐ সকল ঘোরতর শত্রুগণ আরবের চতুর্দিকস্থ বিভিন্ন সম্প্রদায়কে হজ-রতের বিরুদ্ধে উত্তেজিত করিয়াছিল, এমন কি, মদিনার মধ্যস্থিত ইহুদী-গণ মুসলমানদের বিরুদ্ধে ষড়যন্ত্র করিয়াছিল এবং তাহারা (মদিনাবাসী ইহুদীগণ) মক্কার ষড়যন্ত্রকারী কোরেশদিগের অপেক্ষা কোন ক্রমে অল্প অগ্রআক্রমণকারী ছিল না; এমন কি, তাহারা কোরেশদিগকে মুসল-মানদের বিরুদ্ধে যুদ্ধ করিবার জগু তলে তলে উত্তেজিত করিত এবং

মুসলমানদের বিরুদ্ধে অগণ্য শত্রুসৈন্য আনাইয়া মদিনা অবরুদ্ধ করাই-
 য়াছিল, তাহারা এই সকল কার্যে কোরেশদিগের অপেক্ষা অধিকতর
 পরিমাণে বিশ্বাসঘাতকতা করিয়াছিল, সুতরাং কোরেশগণ অপেক্ষা
 ইহারা মুসলমানদের ঘোরতর শত্রু ছিল। সুতরাং হজরত মহম্মদ (দঃ)
 এই সময়ে সর্বদা বিপদ ও উৎপীড়নের মধ্যে অবস্থিতি করিতেন,
 সুতরাং এই রূপ অবস্থায়, পতিত হইয়া শত্রুদিগকে অগ্রআক্রমণ ও
 তরবারিবলে ধর্ম গ্রহণ করাইবার চেষ্টা করা তাঁহার পক্ষে কতদূর অসম্ভব
 ছিল, তাহা সকলেই সহজে বিবেচনা করিতে পারেন। কিন্তু সত্যের
 জয় অবশ্যস্তাবী। হজরত মহম্মদ (দঃ) শত্রুদিগের অত্যাচার ও উৎপীড়নে
 প্রপীড়িত হইয়াও কখন খোদাতালার সত্য ধর্ম প্রচার করিতে বিরত
 হন নাই। অসাধারণ সহিষ্ণুতা সহকারে তিনি সমুদয় বাধা বিঘ্ন অতিক্রম
 করিয়া এক মাত্র সত্য স্বরূপ খোদাতালার উপাসনা দেশ মধ্যে প্রচলিত
 করেন। যখন ইসলামের পবিত্র জ্যোতিঃ ক্রমে ক্রমে জনসাধারণের
 নিকট বিকশিত হইতে লাগিল, তখন দলে দলে পৌত্তলিক ও ইহুদী প্রভৃতি
 আরবের বিভিন্ন সম্প্রদায়স্থ অধিবাসিগণ ইসলাম গ্রহণ করিতে লাগিল।
 সত্যের পথ রোধ করে কে ? সত্যস্বরূপ ইসলাম ঝটিকাঘাতে কুসংস্কার
 ও পৌত্তলিকতা রূপ ভস্মরাশি কোথায় উড়িয়া গেল, তাহার আর চিহ্ন
 মাত্র রহিল না ; তখন আরবের অধিবাসিগণ ধর্মবলে অনুদিন বলীয়ান
 হইতে লাগিলেন। অবশেষে ইসলামের পবিত্র জ্যোতিঃ আরব দেশ
 অতিক্রমপূর্বক শত সহস্র বাধা বিঘ্ন অতিক্রম করিয়া পৃথিবীর চতুর্দিক
 আলোকিত করিতে সক্ষম হইয়াছিল।

সপ্তদশ পরিচ্ছেদ ।

—*:*—

একাদশ হিজরির ঘটনাবলী ।

মোসায়লেমা-তল-কাজ্জাবের বিবরণ ।

হজরত মহম্মদ হাজ্জতল-ভেদা উদ্‌যাপন করিয়া মদিনায় প্রত্যাগমন করার অব্যবহিত পরেই ৩ জন লোক আপনাদিগকে ধর্মপ্রচারক বলিয়া প্রকাশ করে। তাহাদের মধ্যে মোসায়লেমা-বেন-সোমামা প্রধান। এই ব্যক্তি শেষে মোসায়লেমা-তল-কাজ্জাব অর্থাৎ প্রতারক নামে অভিহিত হইয়াছিল। মোসায়লেমা লোহিত সাগর ও পারস্যোপসাগরের মধ্যস্থ ইয়ামা প্রদেশের শাসনকর্তা ছিল। যে সময়ে হানিফা বংশোদ্ভবগণ মদিনায় হজরতের নিকট ইসলামধর্ম গ্রহণ করিতে আসিয়াছিল, সেই সময়ে মোসায়লেমাও তাহাদের সঙ্গে মদিনায় আগমন করিয়াছিল। হানিফা বংশোদ্ভবগণ মুসলমান হইলে, সে বলিল, “যত্বপি হজরত মহম্মদ তাঁহার মৃত্যুর পর আমাকে তাঁহার খলিফা করেন, তাহা হইলে আমি ইসলামধর্ম গ্রহণ করিতে পারি।” হজরত মহম্মদ মোসায়লেমার কথা শ্রবণ করিয়া একদিন একটা খজ্জুরবৃক্ষ-শাখা হস্তে লইয়া তাহার বাস গৃহে উপনীত হইলেন ও তাহাড়ে বলিলেন, “খোদাতালা মুসলমানদিগকে যাহা দিতে বলিয়াছেন, তাহাই মুসলমানদিগের সন্ত, তাহা ভিন্ন যদি তুমি আমার নিকট এই সামান্য খজ্জুর বৃক্ষের ডালটা চাও, তাহাও পাইবে না।” সে হজরতের কথা শুনিয়া স্বদেশে প্রত্যাগমন করিয়া আপনাকে

ধর্মপ্রচারক বলিয়া পরিচয় দিল এবং মণ্ড প্রভৃতি অবৈধ দ্রব্যকে হালাল (বৈধ) বলিয়া প্রচার করিয়া দিল । পরে সে সকলকে বলিতে লাগিল যে, নামাজ (উপাসনা) পড়িবার কোন আবশ্যক নাই । তাহার এই কল্পিত ধর্মের মত শ্রবণ করিয়া কুচারিত্র লোকেরা তাহা গ্রহণ করিল । ইহার কিছুদিন পরে সে হজরতকে নিম্নলিখিত রূপে একখান পত্র লিখিয়াছিল—

খোদাতায়ালার ধর্ম প্রচারক মোসায়লেমার নিকট হইতে—

খোদাতায়ালার ধর্ম প্রচারক মহম্মদের নিকট ।

“পৃথিবী দুই ভাগ, আমাদের এক ভাগ, আর কোরেশদিগের অপর ভাগ, কিন্তু কোরেশগণ অধিক গ্রহণ করিতেছে ।”

হজরত মহম্মদ এই পত্র পাইয়া নিম্নলিখিত রূপে তাহার উত্তর প্রদান করেন—

খোদাতায়ালার ধর্ম প্রচারক মহম্মদের নিকট হইতে—

“মিথ্যাবাদী, প্রতারণক মোসায়লেমার নিকট ।

“পৃথিবী আল্লাহতায়ালা, তিনি তাহার ভৃত্যদিগের মধ্যে যাহাকে ইচ্ছা, তাহাকে উহা প্রদান করেন । ধর্মভীরু মানবই পরকালে সুখী হয় ।”

মোসায়লেমা হজরতের পত্র প্রাপ্ত হইয়া অতীব রাগান্বিত হইয়া উঠিল এবং কোরাণ শরীফের কয়েকটী আয়েতের অনুরূপ কয়েক পংক্তি লিখিয়া সকলের নিকট পাঠ করিল; তাহা শুনিয়া লোকে হাস্য সম্বরণ করিতে পারিল না । সে ঐন্দ্রজালিক বিদ্যা শিক্ষা করিয়া লোকদিগকে চমৎকৃত করিত । কিন্তু সে যাহা সম্পন্ন করিতে ইচ্ছা করিত, আল্লাহতায়ালা তাহার বিপরীত করিতেন ।

হজরতের স্বর্গারোহণের পর মোসায়লেমা অসংখ্য সৈন্য সংগ্রহ করিয়া—

ছিল। হজরত আবুবকর খলিফা পদারূঢ় হইয়া আলিদের পুত্র খালেদের সঙ্গে ২০০০০ সৈন্য দিয়া তাহার বিরুদ্ধে পাঠাইয়া দেন, সেও ৪০০০০ সৈন্যসহ যুদ্ধক্ষেত্রে উপনীত হইয়াছিল। উভয় পক্ষে তুমুল যুদ্ধ ঘটে। এই যুদ্ধে বহুসংখ্যক বিজ্ঞ মুসলমান হত হইয়াছিলেন। শেষে মোসায়লেমা পরাজিত হইয়া পলায়ন করে, কিন্তু হজরত হামজাহস্তা ওয়াসি পশ্চিমধ্যে তাহাকে শমন সন্নে প্রেরণ করে।

— — —

জয়দের পুত্র ওসামার যুদ্ধ সজ্জার বিষয় ।

পূর্বে উল্লেখিত হইয়াছে যে, এক সময়ে সুরিয়ার খৃষ্টানগণ হজরত মহম্মদ প্রেরিত একজন দূতকে হত্যা করিয়াছিল। হজরত তাহাদিগকে সমুচিত প্রতিফল প্রদানার্থ ২৬শে সফর সোমবারে জয়দের পুত্র ওসামার অধীনে সৈন্য দিয়া ওবনা নামক স্থানে পাঠাইবার উত্তোগ করিতে লাগিলেন। তাহার আদেশানুসারে মুসলমান সৈন্য একত্রিত হইল। কিন্তু তিনি ২৮শে সফর বুধবারে পীড়িত হইলেন, তথাপি পরদিন প্রাতে ওসামাকে সৈন্যগণের নেতৃত্ব পদে অভিষিক্ত করিয়া তাহার হস্তে পবিত্র পতাকা দিলেন। ওসামা সেই পতাকা পশ্চিমধ্যে হোসায়েবের পুত্র বুরিদার হস্তে অর্পণ করেন। পরে তিনি মদিনার নিকটস্থ জোরফ নামক স্থানে সৈন্য সংগ্রহার্থ শিবির স্থাপন করেন। এদিকে হজরত মহম্মদ মহাজের ও আনসারদিগের মধ্য হইতে হজরত আবুবকর, হজরত ওমর, হজরত ওসমান, নায়াদ-বেন-আবিআকাস ও আবু-ওবেদা-বেন-জারাঃ প্রভৃতি প্রধান প্রধান লোকগুলিকে ওসামার সমভিব্যাহারে বাইতে

অনুমতি দিলেন, কিন্তু হজরত আলিকে যাইতে বলিলেন না । তিনি ওসামাকে আমিরত্ব (নেতৃত্ব) পদ প্রদান করার অনেকে অসন্তুষ্ট হইয়া পরস্পর বলিতে লাগিলেন যে, এক জন ক্রীতদাসের পুত্রকে আনসার ও মহাজেরদিগের উপর আমিরত্ব পদ প্রদান করা অমুচিত হইয়াছে । হজরত সেই কথা শ্রবণ করিয়া চুঃখিত হইলেন এবং জ্বর ও শিরঃপীড়া সম্বন্ধে মস্জিদে গিয়া মেঘরোপরি উপবেশনপূর্বক একটী বক্তৃতা করিয়া সকলকে বলিলেন, “প্রিয় মুসলমানগণ ! তোমরা ওসামার সম্বন্ধে কি বলিতেছ ? আমি জয়দকে মৃত্যুর যুদ্ধে আমির (নেতা) করিয়া পাঠাইয়াছিলাম, তৎসম্বন্ধেই বা কি বলিতেছ ? আমি শপথ করিয়া বলিতেছি, জয়দ ও ওসামা আমিরের যোগ্য, অধিকন্তু আমার স্নেহপাত্র । এক্ষণে আমার বক্তব্য যে, ‘তোমরা ওসামাকে তোমাদের আমির বলিয়া গ্রহণ কর ; সে তোমাদের মধ্যে একজন সৎলোক ।’ এই বালয়া তিনি গৃহে চলিয়া গেলেন, মুসলমানগণ দলে দলে আসিয়া ওসামার পতাকার চতুর্দিকে একত্রিত হইতে লাগিলেন । সেই রাত্রে হজরতের পীড়া পূর্বাশ্রয় রু ক্রি হইল । ১০ই রবিয়লআউয়ল তারিখে ওসামা হজরতের নিকট বিদায় লইবার জন্য মদিনায় আগমন করেন, কিন্তু হজরতের পীড়া বৃদ্ধি হওয়াতে সে দিন ওসামার সম্বন্ধে কথা বলিতে পারিলেন না, কেবল হস্তদ্বয় উত্তোলনপূর্বক ওসামার স্বন্ধোপরি নিষ্কম্প করিলেন । ওসামা মনে করিলেন যে, হজরত তাঁহাকে আশীর্বাদ করিতেছেন । সে দিন তিনি শিবিরে প্রত্যাবর্তন করিলেন ; আবার পরদিন প্রাতে তিনি হজরতের সহিত সাক্ষাৎ করিতে আসিলেন । সেই দিন হজরত একটু সুস্থ ছিলেন বলিয়াই ওসামার সহিত কথোপকথন পূর্বক তাঁহাকে বিদায় দিলেন ।

পরদিন ১২ই রবিয়লআউয়ল তারিখে ওসামা শিবির হইতে ওবনায়

যাত্রা করিবার উদ্যোগ করিতেছেন, এমন সময়ে তাঁহার জননী ওশ্মেআম্মন তাঁহাকে সংবাদ দিলেন যে, হজরত মহম্মদ মুম্বাবস্থাপন্ন হইয়াছেন । ওসামা এই মর্মবিদারক সংবাদ শ্রবণ করিয়া প্রধান প্রধান সৈন্যসহ মদিনায় প্রত্যাগমন করিলেন, বুরিদা পবিত্র পতাকাটী হজরতের গৃহদ্বারে স্থাপন করিলেন ।

অন্তিম কাল ।

হজরতের মহম্মদ প্রত্যেক বৎসর একবার সমুদয় কোরাণ শরিফ পাঠ করিয়া হজরত জেব্রিলকে শুনাইতেন, কিন্তু এই বৎসর তিনি তাঁহাকে দুইবার কোরাণ শরিফ শ্রবণ করাইয়াছিলেন ; ইহা তাঁহার আসন্ন স্বর্গারোহণের একটি চিহ্ন । তিনি প্রত্যেক বৎসর একবার এতেকাফ (১) করিতেন, কিন্তু এই বৎসর দুইবার এতেকাফ করেন ; ইহাও তাঁহার তিরোস্তাবের আর একটি কারণ ।

আবুসায়িদ খাদ্রি বানিয়াছেন, “একদিন হজরত মহম্মদ মস্জিদে মেঘরোপরি বাসিয়া সকলকে আহ্বান করিয়া বলেন, “মুসলমানগণ ! আল্লাতায়াল্লা তাঁহার ভৃত্যাদগের মধ্যে একজনকে এরূপ ক্ষমতা দিয়াছেন যে, জীবিত থাকিয়া পাখিব ও পারলৌকিক স্মৃথ-সম্ভোগকরণ, এই দুইটির

(১) যে মস্জিদে বহুসংখ্যক লোক একত্রিত হইয়া নামাজ পড়ে, সেই মস্জিদে কোন সংকল্প করিয়া রমজান মাসেরূপে দশ দিনের মধ্যে এক বা ততোধিক দিন বাস করাকে “এতেকাফ” কহে । হজরত মহম্মদ প্রত্যেক বৎসর রমজান মাসে ১০ দিন পর্যন্ত মস্জিদে এতেকাফ করিতেন, কিন্তু একাদশ হিজরিতে ২০ দিন পর্যন্ত এতেকাফ করিয়াছিলেন ।

মধ্যে সে একটা মনোনীত করিতে সক্ষম। কিন্তু সেই ভৃত্য পরকালের সুখ-সন্তোষ করিতে অভিলাষ করিয়াছে, পার্থিব সুখে প্রলোভিত হয় নাই।” হজরত আবুবকর হজরত মহম্মদের ঐ কথা শুনিয়া ক্রন্দন করিতে লাগিলেন; তাঁহাকে ক্রন্দন করিতে দেখিয়া অশ্রু সিকলে পরস্পর বলিতে লাগিলেন, ‘হজরত মহম্মদ কোন একজন লোকের কথা বলিয়াছেন, তজ্জন্ত হজরত আবুবকর কেনই বা ক্রন্দন করিতেছেন?’ কিন্তু অল্পবুদ্ধি মানবগণ সহজে বুঝিয়া উঠিতে পারেন নাই যে, হজরত মহম্মদ স্বীয় অবস্থার বিষয় বর্ণনা করিয়াছেন। হজরত আবুবকর সর্বাপেক্ষা জ্ঞানী ছিলেন বলিয়া হজরতের কথার ভাবার্থ সহজে হৃদয়ঙ্গম করিতে পারিয়াছিলেন। তৎপরে হজরত বলিলেন, ‘পৃথিবীর মধ্যে আবুবকরের নিকট আমি সর্বাপেক্ষা কৃতজ্ঞ। যদি খোদাতায়ালা ভিন্ন অন্য কাহারও সহিত বন্ধুত্ব স্থাপন করিতাম, তাহা হইলে আবুবকরের সঙ্গেই বন্ধুত্ব করিতাম।’ পরে তিনি বলিলেন, ‘মস্জেদের মধ্যে আবুবকরের জানালা ভিন্ন আর যেন কোন জানালা খোলা না থাকে।’ যদিও হজরত মহম্মদ স্পষ্টরূপে কাহাকেও আপনার প্রতিনিধি (খলিফা) নিযুক্ত করিয়া যান নাই, তথাপিও উপরোক্ত কথাগুলিতে (হাদিসে) স্পষ্টই প্রতীয়মান হইতেছে যে, তাঁহার মৃত্যুর পর হজরত আবুবকর খলিফা হন, এই তাঁহার ইচ্ছা ছিল। উপরোক্ত কথাগুলি হজরত মহম্মদ তাঁহার মৃত্যুর পাঁচ দিন পূর্বে বলিয়াছিলেন।”

পীড়িতাবস্থায় একদিন রাত্রে হজরত মহম্মদ বকি নামক সমাধিক্ষেত্রের পরলোকগত লোকগুলির আত্মার মুক্তির জন্ত প্রার্থনা করিতে আদিষ্ট হন এবং তৎক্ষণাৎ স্বীয় ভৃত্য মোয়াম্মহেবাকে সঙ্গে লইয়া তথায় উপনীত হইয়া সকলের আত্মার মুক্তির জন্ত প্রার্থনা করেন তৎপরে তিনি মোয়াম্মহেবাকে আহ্বান করিয়া বলেন, “মোয়াম্মহেবা!

পৃথিবীতে অধিককাল জীবিত থাকিয়া পার্থিব সুখসম্ভোগ করণ আর শীঘ্রই খোদাতায়ালার নিকট প্রত্যাগমন করণ, এই দুইটীর মধ্যে খোদাতায়ালার আমাকে একটি মনোনীত করিয়া লইতে বলিয়াছেন; আমি শেষটাই মনোনীত করিয়াছি।” ইহা শুনিয়া মোয়াজ্জেবা বলিলেন, “হে ধর্মপ্রচারক! আপনি আর কিছুদিন পৃথিবীতে থাকিতে ইচ্ছা করুন, তৎপরে স্বর্গে যাইবেন, তাহা হইলে আমরা আর কিছুদিন আপনার সহবাস সুখ লাভ করিয়া চরিতার্থ হইব।” তখন হজরত বলিলেন, “না, আমি তাঁহার নিকট যাওয়াই স্থির করিয়াছি।” তৎপরে তিনি গৃহে ফিরিয়া আসিলেন, তাঁহার পীড়া ক্রমে ক্রমে বৃদ্ধি হইতে লাগিল।

হজরতের পীড়া অতিশয় বৃদ্ধি পাইতেছে শুনিয়া বিবি ফাতেমা জোহরা একদিন তাঁহাকে দেখিতে আসিয়াছিলেন। বিবি আরেসা বলিয়াছেন, “ফাতেমা হজরতের নিকট আসিলে, তিনি তাহাকে সাদরে গ্রহণ করিয়া সীম পান্থদেশে বসাইলেন। পরে তিনি তাহার কাণে কাণে কয়েকটি কথা বলিলেন, ফাতেমা তাহা শুনিয়া অশ্রুপাত করিতে লাগিল। হজরত তাহার মানসিক কষ্ট দেখিয়া আবার তাহার কাণে কাণে কি বলিলেন, তাহা শুনিয়া ফাতেমার বদন প্রফুল্ল হইল। তখন আমি ফাতেমাকে জিজ্ঞাসা করিলাম, ‘ক্রন্দনের পরেই হাস্য ও হুঃখের পরেই সুখ যে এত নিকট, ইহা আমি ত কখন দেখি নাই। বল ইহার অর্থ কি?’ ফাতেমা উত্তর করিল, ‘আমি সে কথা এক্ষণে প্রকাশ করিতে পারিব না।’ ফলতঃ বিবি ফাতেমা হজরতের জীবিতাবস্থায় ইহা কাহারও নিকট প্রকাশ করেন নাই; কিন্তু তাঁহার স্বর্গারোহণের পর জিজ্ঞাসা করিলে, তিনি বলিয়াছিলেন, “হজরত আমাকে প্রথমে বলেন যে, প্রত্যেক বৎসর জেরিবল আমার সঙ্গে একবার কোরাণ শরীফ পাঠ করিতেন, কিন্তু এ বৎসর দুইবার কোরাণ শরীফ পাঠ

করিয়াছেন, ইহাতেই বোধ হইতেছে যে, আমার মৃত্যু নিকট ।” এই কথাই ক্রন্দনের কারণ । পরে তিনি আমাকে বলেন, “আমার আত্মীয়গণের মধ্যে তুমিই সর্ব প্রথমে আমার সহিত মিলিত হইবে, এই শুভ সংবাদ শ্রবণ করিয়া আমি হাসিয়াছিলাম ।” যাহা হউক, হজরতের সেই ভবিষ্যদ্বাণী সফল হইয়াছিল । হজরতের স্বর্গারোহণের ছয় মাস পবে ওবা রমজান তারিখে বিবি ফাতেমা মানবলীলা সম্বরণ করেন এবং স্বর্গধামে তদীয় শ্রদ্ধাস্পদ পিতার সহিত সম্মিলিত হন ।

এক দিন হজরত একটু সুস্থ হইলে মসজিদে গিয়া উপাসনাস্তর মেঘরোপরি উপবেশনপূর্বক সকলকে আহ্বান করিয়া বলিলেন, ‘ যদি তোমাদের মধ্যে কেহ স্বয়ং দোষ জানিতে পার, তাহা হইলে তাহা আমার নিকট বল, আমি তাহার ক্ষমার জন্য খোদাতালার নিকট প্রার্থনা করি ।’ ইহা শুনিয়া এক ব্যক্তি—যিনি এতদিন পর্য্যন্ত আপনাকে তক্ত ও ধর্মপরায়ণ মুসলমান বলিয়া পরিচয় দিয়া আসিতেছিলেন—দণ্ডায়মান হইয়া আপনাকে প্রত্যরক ও দুর্বল শিষ্য বলিয়া স্বীকার করিলেন । তখন হজরত ওমর চীৎকার করিয়া বলিলেন, “খোদাতালা যাহা গুপ্ত রাখেন, আপনি কেন তাহা প্রকাশ করিতেছেন ?” তখন হজরত মহম্মদ, হজরত ওমরকে তিরস্কার করিয়া বলিলেন, “হে ওমর ! পর জগতে কষ্ট সহ্য করা অপেক্ষা ইহা জগতে তাহা নিবারণের চেষ্টা করা শ্রেয়ঃ ।” ইহা বলিয়া তিনি উর্দ্ধে দৃষ্টি নিক্ষেপ করিয়া প্রার্থনাপূর্বক বলিলেন, “হে দয়াময় খোদাতালা ! তাহাকে অকপট ও ধর্মপরায়ণ কর এবং যাহাকে হিতাহিতজ্ঞান বলে, তাহা তাহার অন্তরে সমর্পণ কর, আর তাহার অন্তর হইতে মানসিক দুর্বলতা হরণ কর ।”

অনন্তর তিনি সকলকে বলিলেন, “এখানে এমন কি কেহ আছে ? আমি যাহার চরিত্রের উপর দোষারোপ করিয়াছি, এক্ষণে সে তাজ্জল

আমাকে তিরস্কার করুক । এখানে এমন কি কেহ আছে ? আমি যাহার নিকট হইতে উৎকোচ কিম্বা ঋণ গ্রহণ করিয়াছি, একপে সে আমার নিকট হইতে তাহা গ্রহণ করুক ।” তখন এক ব্যক্তি হজরতকে স্মরণ করাইয়া দিল, “আপনি এক সময়ে আমার নিকট হইতে তিন দেহহাম লইয়া এক জন দরিদ্রকে দান করিয়াছিলেন, তাহাই আমি আপনার নিকট পাইব ।” হজরত মহম্মদ তৎক্ষণাৎ তাহাকে সেই অর্থ দিয়া বলিলেন, “ইহ জগতে ইহা অতি সহজে সম্পন্ন হয় । কিন্তু পর জগতে চিরকাল ইহার ভার বহন করিতে হয় ।” পরে তিনি ওহোদ প্রভৃতি যুদ্ধে হত লোকদিগের আত্মার জন্ত প্রার্থনা করিলেন ।

অনন্তর তিনি মহাজের ও আনসারদিগকে নানা উপদেশ দিয়া বলিলেন, “সমুদয় আরব দেশে ইসলাম ধর্ম প্রচার করিও, নূতন ধর্মাক্রান্ত লোকদিগকে তোমাদের মধ্যে স্থান দান করিও এবং তোমরা সর্বদা ধর্মকর্মের রত থাকিও ।” তদনন্তর তিনি তথা হইতে বিবি আয়েসার গৃহে প্রত্যাগমন করিলেন । সেই দিন হইতে আবার পীড়া বৃদ্ধি হইল ।

হজরত মহম্মদ পীড়িতাবস্থাতেও শিষাগণ সমভিবাচ্যারে মস্জিদে নামাজ পড়িতেন । কিন্তু স্বর্গারোহণের তিন দিন পূর্ব হইতে তিনি আর মস্জিদে গিয়া নামাজ পড়িতে পারেন নাই । ঐ দিনত্রয় তাঁহার আদেশানুসারে হজরত আবুবকর মুসলমানগণকে সঙ্গে লইয়া নামাজ পড়িয়াছিলেন ।

৯ই রবিয়ল আউয়ল শুক্রবার—তাঁহার পীড়া অতিশয় বৃদ্ধি হইল । সেই দিন বেলাল আজান দিয়া হজরতকে নামাজ পড়িবার জন্ত ডাকিতে আসিলে, তিনি তাঁহাকে বলিলেন, “বেলাল ! তুমি আবুবকরকে এখানে (আচার্য্য) কার্য্য করিতে বল, আর তোমরা সকলে তাঁহার সহিত নামাজ পড় ।” তখন বেলাল মস্জিদে গিয়া হজরত আবুবকরকে বলেন,

“প্রেরিত মহাপুরুষ আপনাকে এমাম হইয়া সকলকে লইয়া নামাজ পড়িতে অনুমতি দিয়াছেন ।” ইহা শুনিয়া হজরত আবুবকর দুঃখিত হইলেন এবং অন্যান্য শিষ্যগণ ক্রন্দন করিতে লাগিলেন । হজরত সেই ক্রন্দন ধ্বনি শ্রবণ করিয়া বিবি ফাতেমাকে জিজ্ঞাসা করিলেন, “ফাতেমা ! কি জন্য লোকে ক্রন্দন করিতেছে ?” বিবি ফাতেমা বলিলেন, “আপনাকে মস্জেদে দেখিতে না পাইয়া ক্রন্দন করিতেছে ।” ইহা শ্রবণে তিনি হজরত আলি ও ফজলকে ডাকিলেন । তিনি তাঁহাদের স্বক্কাপরি ভর দিয়া মস্জেদে গেলেন এবং হজরত আবুবকরের পশ্চাতে বসিয়া নামাজ পড়িলেন । হজরত আবুবকর এমামের কার্য্য করিলেন । নামাজ পড়া শেষ হইলে, তিনি সমবেত মুসলমানমণ্ডলীকে আহ্বান করিয়া বলিলেন, “মুসলমানগণ ! তোমরা তোমাদের ধর্ম্মপ্রচারকের অস্তিমকাল উপস্থিত হইয়াছে দেখিয়া কেন ক্রন্দন করিতেছ ? আমার পূর্বে কি কোন ধর্ম্মপ্রচারক চিরকাল আঁবিত ছিলেন ? এবং তোমরা কি মনে কর যে, আমি কখন তোমাদিগকে ত্যাগ করিব না ? খোদাতালার ইচ্ছানুযায়ী সকল কার্য্যই সম্পন্ন হয় এবং নির্দিষ্ট সময়ে সকল জীবজন্তুই পঞ্চদশ প্রাপ্ত হয়, ফলতঃ বাহা কোন প্রকারেই পরিবর্তিত হয় না ; এমন কার্য্যের জন্য তোমরা দুঃখ প্রকাশ করিও না । আমি তোমাদের ক্রন্দনধ্বনি শ্রবণ করিয়া তোমাদের নিকট আসিয়াছি এবং আমার শেষ উপদেশ এই—“তোমরা একত্রিত হইয়া দলবদ্ধ থাকিও, পরস্পরকে ভাল বাসিও, সন্মান করিও এবং শত্রুহস্ত হইতে রক্ষা করিও । তোমরা ধর্ম্মপ্রচারের রত থাকিও এবং দৃঢ় বিশ্বস্ততান্বিত্রে আঁবদ্ধ থাকিয়া ধর্ম্মকার্য্যাদি সম্পন্ন করিও । নিশ্চয় জানিও যে, মানবগণ কেবল ইহার সাহায্যেই উন্নতি-শীল হইতে পারে, এতদ্বিন্ন ধ্বংস প্রাপ্ত হয় । আমি বিশ্ববিধাতার আদেশে তোমাদের পূর্বে চলিয়া যাইব এবং তোমরাও আমার পশ্চাদ-

গামী হইবে। জানিও যে, মৃত্যু আমাদের জন্য অপেক্ষা করিতেছে, তুচ্ছ প্রস্তুত থাকিও। আমার আর একটা অকুরোধ এই যে, যেকোন পূর্ব ধর্মপ্রচারকগণের লোকান্তর গমনের পর তত্তৎধর্মাবলম্বীগণ তাঁহাদের কবরকে স্ব স্ব উপাস্ত স্থান করিয়াছে, তোমরা আমার কবরকে সেরূপ উপাস্ত স্থান করিও না।" অবশেষে তিনি কোরাণ শরীফের নিম্নলিখিত আয়েতটী পাঠ করিয়া তাঁহার বক্তব্য শেষ করিলেন,—“এই পারলৌকিক আলয়, যাঁহারা পৃথিবীতে উচ্চতা ও উপদ্রব আকাঙ্ক্ষা করে না, আমি তাহাদের জন্য ইহা নির্মাণ করিতেছি, এবং ধর্মসৌক্য-দিগের জন্যই (শুভ) পরিণাম।” পরে তিনি হজরত আলি ও ফজলের স্বন্ধে ভর দিয়া বিবি আয়েসার গৃহে গমন করিলেন।

তাঁহার পীড়া ক্রমে ক্রমে বৃদ্ধি হইতে লাগিল। এই সময়ে বিবি ফাতেমা সর্বদা তাঁহার নিকট থাকিতেন। সেই সময়ে তিনি জামাতা হজরত আলিকে ডাকিয়া বলিলেন, “আলি! আমার অন্তিম সময় উপস্থিত, আমি অমুক ইহুদীর নিকট কিছু ঋণ গ্রহণ করিয়াছিলাম, তুমি তাহা পরিশোধ করিও। আমার মৃত্যুর পর পৃথিবীতে তোমার অনেক বিপদ উপস্থিত হইবে, কিন্তু তখন তুমি ধৈর্য্যাবলম্বন করিও।” হজরতের এই হৃদয়বিদারক বাক্য শ্রবণ করিয়া বীরবর হজরত আলি মন্থাহত হইয়া অনিমেষ লোচনে হজরতের দিকে চাহিয়া রহিলেন। তাঁহার হৃদয়ে সন্দেহ কি এক অশান্তি-ঝটিকা প্রবাহিত হইল। তাঁহার মুখে আর বাক্যক্ষুরণ হইল না। এই সময়ে হজরত আবার প্রিয়তম দৌহিত্র এমাম হাসান ও হোসায়েনকে নিকটে ডাকিলেন এবং স্নেহ গদগদভাবে আহ্বান করিয়া যন্তকে হস্তার্পণপূর্বক আশীর্বাদ করিলেন। তখন গৃহস্থিত নরনারী ও বালক-বালিকা সকলেই রোদন করিতে লাগিলেন। সকলেরই অন্তর হজরতের ভাবী বিরহে আকুল হইয়া উঠিল। হজরতের

মুখ-কান্তি কিন্তু প্রকুল কমল সদৃশ অম্লান ও চিন্তালেশ শূন্য ! তিনি তখন সর্বাঙ্গঃকরণের সহিত সর্বশক্তিমান সর্বত্র খোদাতালার ধ্যানে নিমগ্ন ! তাঁহার হৃদাকাশ তখন ঐশিক জ্যোতিঃর বিহারক্ষেত্র হইয়াছে । জ্যোতির্বিষয় জ্যোতিঃ-জলধিতে নিমিলীন হইবে বলিয়া আনন্দে উদ্বেলিত হইয়া উঠিয়াছে । সহসা সন্মিলন—সেই জ্যোতির্শ্রয় পবিত্র-মূর্তি সহসা স্থির ধীর প্রশান্তভাবে ধারণ করিল । বিশ্বকর্তা আল্লাহতায়ালার আদেশে প্রাণান্তকারী ফেরেস্টা আজরাইল হজরতের উপর তাঁহার কর্তব্য কার্য সম্পাদন করিলেন । হায় বলিতে হৃদয় বিদৌর্ণ হইতেছে, সর্বাঙ্গ শিহরিয়া উঠিতেছে, লেখনী অচল হইতেছে, একাদশ হিজরীর ১২ই রবিয়ল আউয়ল সোমবার (৬১২ খৃঃ, ৮ই জুন) দিবসে জগতের শান্তিদাতা, গায়-নিষ্ঠা সদাচ'রাদি গুণের সর্কৈব নিকেতন, প্রেরিত-পুরুষ-প্রভাকর হজরত মহম্মদ মওফা আশ্বায় বন্ধু বান্ধবদিগকে শোকমাগরে ভাসাইয়া তাঁহার ভক্তমণ্ডলীকে কাঁদাইয়া স্বর্গারোহণ করিলেন (১) । যে দিবস জন্ম, ৬৩ বৎসর ধরাধামে অবস্থানের পর ঠিক সেই দিনেই স্বর্গারোহণ ! কি আশ্চর্য ঘটনা ! তাঁহার পবিত্রাত্মার বহির্গমনের সঙ্গে সঙ্গেই গৃহ অপূর্ণ স্বর্গীয় সৌরভে সুরভিত হইল । লোক ভ্রাণবিমুগ্ধ হইয়া অবাক হইয়া রহিল । বিবি ওম্মে সালেমা বলিয়াছেন, “আমরা সেই গৃহে অনেক দিন পর্য্যন্ত সেই অপার্থিব সৌরভের ভ্রাণামুভব করিয়াছিলাম ।”

মুহূর্ত্ত মধ্যে হজরতের স্বর্গারোহণ সংবাদ আরবের সর্বত্র প্রচারিত হইল । যে শুনে সেই স্তম্ভিত—সেই বিনামেঘে বজ্রাঘাতের গ্ৰাণ অবাক অবশাদ ও কিংকর্তব্যবিমূঢ় ! সকলের হৃদয়ে যেন দিবমুগ্ধী শেল বিদ্ধ হইতে লাগিল । অন্ধরে বাহিরে হাহাকার—পথে প্রান্তরে হাহাকার,

(১) এবনে হেশাম ১০০২ পৃঃ । এবনে অল আশির ২য় খণ্ড ২৪৫, ২৪৬ পৃঃ । আবুল কেনা ৯১ পৃঃ ।

হাহাকার উচ্চনাদে অঃরবের গগনমণ্ডল শঙ্কায়মান হইয়া উঠিল । আবালবৃদ্ধবনিতার মুখমণ্ডল আজ মলিন,—অস্তর মুখশান্তিহীন । ভক্ত মুসলমানগণ হার কি হ'ল বলিয়া অশ্রুপ্রাপিত বদনে দলে দলে আসিয়া হজরতের শবের চতুর্দিক বেষ্টন করিয়া উচ্চ রোলে বিলাপ ও ক্রন্দন করিতে লাগিলেন, ক্রন্দন কোলাহলে যেন তথায় মহা প্রলয় উপস্থিত হইল । সকলেই শোকাক্ত সকলেই মুহ্যমান ; কে আর কাহারে প্রবোধ দিবে ? হজরতের প্রাণাধিক ছুহিতা বিবি ফাতেমার শোকের অবধি নাই । পিতার অন্তর্কানে তাঁহার মুখমণ্ডল মলিনভাব ধারণ করিল, সে মলিন ভাব তাঁহার জীবিতকালেও তিরোচিত হয় নাই—তাঁহার সে শ্রীমুখে আর কখন হাস্য বিকশিত হয় নাই । উঃ পিতৃবিয়োগজনিত শোক কি ভবিষ্যৎ ! আর সেট সর্বলোক বরণীয়া পুণ্যশীলা মহিলা বিবি আরেসা ? তাঁহার শোকসিদ্ধ আজ স্বর্গমর্ত্য পাতালেও ধরিতেছে না ! তিনি কাতরকণ্ঠে শোকাশ্রুপ্রাপিত হইয়া বলিতে লাগিলেন, ‘হার ! যিনি ঐশ্বর্য্য অপেক্ষা দরিদ্রতাকেই প্রিয় মনে করিতেন ; যিনি স্বীয় ধর্ম্মাবলম্বিদিগের পাপ ক্ষমার জন্য আহোরাত্র প্রার্থনা করিতেন ; যিনি শত্রুগণ কর্তৃক আক্রান্ত ও নানা বিপদগ্রস্ত হইয়াও কখন তাহাদিগকে শাপ প্রদান করেন নাই, বরং ধৈর্য্যাবলম্বন করিয়া থাকিতেন ; যিনি সর্বদা দীন-দরিদ্রদিগকে ভিক্ষা দান করিতেন ; শত্রুগণের প্রস্তরাঘাতে যাহার দন্ত ভগ্ন ও ললাটদেশ রক্তাক্ত হইয়াছিল, যিনি কখন প্রচুর পরিমাণে যবের কুটিও ভক্ষণ করিতে পাইতেন না ; সেই ধর্ম্ম প্রচারকের বিরোধে আমার হৃদয় বিদীর্ণ হইতেছে ।’

কলতঃ হজরতের শোকে মুসলমানগণ উন্মত্তের স্থায় হইয়া উঠিয়াছিলেন । হজরত ওমরের এতদূর চিত্তবৈকল্য ঘটয়াছিল যে, তিনি শোকাকুলিত হইয়া বলিয়াছিলেন,—“হজরতের মৃত্যু হয় নাই । যেমন

হজরত মুসা তুর পাহাড়োপরি খোদাতালার জ্যোতিঃ দর্শন করিয়া অচৈতন্য হইয়া পড়িয়াছিলেন, সেইরূপ ইনিও অচৈতন্য হইয়া আছেন ।” এই উন্মত্ততাবশতঃ তিনি একখানি তরবারি হস্তে লইয়া গৃহদ্বারে দণ্ডায়মান হইয়া বলিলেন, “যে কেহ হজরতের মৃত্যু হইয়াছে বলিবে, আমি এই তরবারির আঘাতে তাহাকে মৃত্যুমুখে পাতিত করিব ।” ইহা যে হজরত-প্রীতি ও তৎপ্রতি প্রগাঢ় ভক্তির অদ্বিতীয় নিদর্শন এবং ধর্মবিশ্বাসের চরম ফল, তাহা তদ্বিষয়ে সন্দেহ নাই । পরন্তু সেই ভীষণ চক্ষুনিঃস্থিত হজরত আবুবকর ধৈর্য্যাবলম্বনের পরাকাষ্ঠা প্রদর্শন করিয়াছিলেন, তিনি আত্মহারা হন নাই । তিনি হজরতকে মৃত্যুশয্যা শায়িত দেখিয়া শোক প্রকাশপূর্বক গৃহের বাহিরে আসিলেন এবং হজরত ওমরকে শাস্ত হইতে বলিলেন, কিন্তু হজরত ওমর তাঁহার কথায় কর্ণপাত করিলেন না । তখন তিনি তাঁহাকে আহ্বান করিয়া বলিলেন, “ওমর ! ধর্মপ্রচারকের মৃত্যু হইয়াছে ; তুমি কি শ্রবণ কর নাই যে, খোদাতালা তাঁহার পুস্তকে (কোরাণে) বলিয়াছেন, ‘তুমি (মহম্মদ) তাঁহার প্রেরিত ও মৃত্যুর অধীন, আর তাহারও মৃত্যুর অধীন ।’ তবে কেন ওমর, তুমি বলিতেছ যে, তাঁহার মৃত্যু হয় নাই ।”

পরে হজরত আবুবকর মস্জিদে গিয়া মেঘরোপরি উপবেশনপূর্বক শোকার্জ-জন-মণ্ডলীকে আহ্বান করিয়া একটা বক্তৃতা করিলেন, তাহাতে তিনি আল্লাহতালার ও তাঁহার ধর্মপ্রচারকের প্রশংসা করিয়া বলিলেন, “যাহারা হজরত মহম্মদের উপাসনা করিত, তাহারা অবগত হউক যে, তাঁহার মৃত্যু হইয়াছে ; আর যাহারা খোদাতালার উপাসনা করিত, তাহারা অবগত হউক যে, খোদাতালা জীবিত আছেন, কখন তাঁহার মৃত্যু হয় না ।” পরে তিনি কোরাণ শরীফের নিম্নলিখিত আয়েতটি পাঠ করিলেন, “মহম্মদ খোদাতালার

প্রেরিত বই আর কিছুই নয়, তাঁহার পূর্বধর্মপ্রচারকগণ সবই চলিয়া গিয়াছে । তবে যদি এই ধর্মপ্রচারকের মৃত্যু হয়, কিম্বা অন্য কর্তৃক নিহত হয়, তাহা হইলে তোমরা কি চলিয়া যাইবে (অর্থাৎ ধর্মত্যাগ করিবে) ।” প্রবীণ পুরুষ মহাত্মা হজরত আবুবকরের এই সকল সারগর্ভ কথা শ্রবণ করিয়া হজরত ওমর চৈতন্যলাভ করিলেন । অন্যান্য শিষ্যগণও তৎসহ শোক প্রকাশ করিতে লাগিলেন । তখন জ্ঞানবৃদ্ধ হজরত আবুবকর সকলকে প্রবোধ দিতে আরম্ভ করিলেন ।

হজরত আবুবকরের প্রবোধবাক্যে মুসলমানগণ ধৈর্য্যাবলম্বন করিলেন । তখন সেই পবিত্র পুরুষকে সমাধিস্থ করিবার ব্যবস্থা হইতে লাগিল । হজরত আবুবকর হজরতের আত্মীয়গণকে মৃত দেহ গোসল করাইতে বলিলেন । কেননা হজরত পীড়িতাবস্থায় একদিন বলিয়াছিলেন,—“আমার মৃত্যুর পর আমার আত্মীয়স্বজন ভিন্ন অন্য কেহ যেন আমাকে গোসল না করায় ।” সেই আজ্ঞামুসারে হজরত আলি ও আব্বাস প্রমুখ ব্যক্তিগণ তাঁহার মৃতদেহ গোসল করাইলেন । গোসল-কার্য শেষ হইলে শব সুগন্ধি দ্রব্যসিক্ত করা হইল । পরে তিনখানি বস্ত্র দ্বারা মৃতদেহ আচ্ছাদিত করা হইল । এই তিন খানি বস্ত্রের মধ্যে দুইখানি শ্বেতবর্ণ, অপর খানি ইমেন প্রদেশের চাদর । তৎপরে জানাজার নামাজ (১) পড়া হইল । জানাজার নামাজ পড়িবার সময়ে সকলে স্বতন্ত্র স্বতন্ত্র হইয়া নামাজ পড়িলেন । সর্বশেষে পুরুষগণ, পরে স্ত্রীলোকগণ ও অবশেষে ছোট ছোট বালক বালিকাগণ নামাজ পড়িলেন (২) ।

(১) শব সম্মুখে রাখিবার আন্তিম প্রার্থনা ।

(২) কেহ কেহ বলেন যে, প্রথমে হজরতের আত্মীয় হজরত আলী ও আব্বাস প্রভৃতি বনি হাশেম বংশীয়গণ, পরে মহাজের ও আনসারগণ এবং সর্বশেষে অন্যান্য মুসলমানগণ নামাজ পড়িয়াছিলেন ।

একপে কোন্ স্থানে কবর দেওয়া হইবে, তাহা নিয়ে নানা গোলযোগ উপস্থিত হইল। কেহ বলিলেন, যে গৃহে হজরত অন্তর্দান করিয়া ছেন, সেই গৃহে ; কেহ বলিলেন, মস্জিদে (মদিনার মস্জিদে) ; কেহ বলিলেন, বকি সমাধিক্ষেত্রে ; কেহ বলিলেন, মক্কায় ; কেহ বা বয়তল-মোকদসে (জেরুজলেমে)—হজরতের কবর দেওয়া উচিত, বলিয়া মত প্রকাশ করিলেন। বয়তল-মোকদসে কবর দেওয়ার কথা বলিবার কারণ এই যে, সেই স্থানে অনেক ধর্ম প্রচারকের কবর আছে। কিন্তু পরিশেষে হজরত আবুবকর বলিলেন, “আমি এক সময়ে হজরতের নিকট অনিরাছিলাম যে, ধর্ম প্রচারকগণের মধ্যে যিনি যে স্থানে অন্তর্দান করিয়াছেন, সেই স্থানেই তাঁহার কবর দেওয়া হইয়াছে।” হজরত আবুবকরের এই কথাতেই সমস্ত মীমাংসা হইয়া গেল। হজরত মহম্মদ আরেসা বিবির গৃহস্থিত যে খাটোপরি দেহ রক্ষা করিয়া স্বর্গারোহণ করিয়াছিলেন, সেই খাটের নিম্নদেশেই তাঁহার কবর দেওয়া হইল।

মস্জিদের নিকটেই বিবি আরেসার বাসগৃহ, এই বাসগৃহের প্রাচীর মৃত্তিকা নির্মিত ও খজুর পত্র দ্বারা আচ্ছাদিত। এই স্থানটী চতুর্ভুজের স্তম্ভাবলীতে পরিবৃত ; ইহার দৈর্ঘ্য ১৬৫ পদবিক্ষেপ স্থান আর প্রস্থ ১৩০ পদবিক্ষেপ স্থান। ইহার মধ্যে প্রবেশ করিবার চারিটা দ্বার আছে, ভিতরে নানাবিধ আকৃতিবিশিষ্ট অতি সুন্দর সুন্দর চিত্রিত কতকগুলি স্তম্ভ শোভা পাইতেছে।

মস্জিদের দক্ষিণপূর্ব কোণে একটা প্রশস্ত স্থান আছে, তাহা লৌহশলাকা দ্বারা বেষ্টিত। ঐ লৌহশলাকাগুলি সবুজবর্ণে রঞ্জিত, এই স্থানকে হোজরা বলে। এই স্থানে হজরত মহম্মদ, হজরত আবুবকর ও হজরত ওমরের কবর আছে। এই স্থানের মধ্যস্থলে একটা গুহা আছে, সেই গুহার চতুর্দিকে কতকগুলি স্তম্ভ আছে। তীর্থযাত্রীগণ দূর

হইতে ঐ সকল স্তম্ভ দর্শনপূর্বক ইসলাম ধর্মগুরু পবিত্রাত্মা হজরত মহম্মদের কবর বলিয়া মরুদ পাঠ করিতে থাকেন ।

উপসংহার ।

হজরত মহম্মদের সমকালবর্তী বিচক্ষণ ব্যক্তিবৃন্দ তাঁহার সম্বন্ধে লিখিয়া গিয়াছেন যে, হজরত যথাবিধ আকৃতি-বিশিষ্ট লোক ছিলেন । তাঁহার সর্ব শরীর মাংসল এবং হস্তপদদ্বয় সুদীর্ঘ, বকঃস্থল সুপ্রশস্ত, মস্তকদেশ বৃহৎ ও সুগঠিত, ললাট উচ্চ ও সুপ্রশস্ত ছিল । তাঁহার ললাট প্রদেশের ধমনীসমূহ চক্ষুর উপরিভাগ পর্য্যন্ত বিস্তৃত ছিল । তাঁহার গোলাকার বদনমণ্ডলে অদ্বিতীয় প্রতিভার চিহ্ন সুস্পষ্ট দৃষ্টিগোচর হইত । তাঁহার নাসিকা শুকপক্ষীর নাসিকার স্থায়, চক্ষুদ্বয় ঈষৎ রক্তবর্ণ, ক্রয়ুগল ধনুক সদৃশ, দশনপংক্তিদ্বয় তুষারের স্থায় শুভ্রবর্ণ ছিল এবং জলদ সদৃশ কেশগুচ্ছ বিনাষত্রেণ কক্ষোপরি তরঙ্গাকুলিত হইত এবং শ্মশ্রুশাশি সুদীর্ঘ ও অবিরল ছিল । তাঁহার স্বক্লেমে প্রেরিত প্রকাশক “মোহরনবুয়ত” অঙ্কিত ছিল ।

তিনি অতিশয় নম্র ছিলেন এবং গৃহের কার্যাদি প্রায় স্বহস্তে সম্পন্ন করিতেন, এমন কি, সময়ে সময়ে মেবরক্কের কার্যাদি করিতেন । যদিও তাঁহার বদনমণ্ডলে মনোমুগ্ধকর হাস্য চির বিরাজিত থাকিত, তথাপিও তাঁহাকে প্রায়ই গভীর ও ধীরপ্রকৃতিবিশিষ্ট বলিয়া বোধ হইত । তাঁহার স্বাভাবিক কথোপকথন অতিশয় গভীর ছিল । বক্তৃতা-

কালে তাঁহার বাক্যাবলী সঙ্গীতের গায় সুমধুর বলিয়া বোধ হইত । তিনি তাঁহার পরিবারস্থ লোকদিগকে অতিশয় স্নেহ করিতেন । তিনি ছোট ছোট বালকবালিকাদিগকে বড় ভাল বাসিতেন,—পথে ছোট ছোট বালকবালিকাদিগকে যাইতে দেখিলে আদর আপ্যায়ন না করিয়া ছাড়িয়া দিতেন না । তিনি জীবনকালে কখন কাহাকেও আঘাত করেন নাই এবং কদাচ কুবাক্য উচ্চারণ করেন নাই । যদি কেহ কখন তাঁহাকে অভিশাপ দিতে বলিত, তাহা হইলে তিনি বলিতেন, “আমি ত শাপ দিবার জন্ত জন্ম গ্রহণ করি নাই, লোকের প্রতি দয়ালু ব্যবহার প্রদর্শন করিবার জন্ত আমার জন্ম ।” তিনি সর্বদা পীড়িত লোকদিগের তত্বাবধান লইতেন । ক্রীত দাসদাসীদিগের গৃহে ভোজন করিতে কুষ্ঠা বোধ করিতেন না । নম্রতা, দয়ালুতা, ধৈর্য্য, আত্মতাগ ও মহানুভবতা প্রভৃতি সঙ্গুণে তাঁহার চরিত্র গঠিত ছিল । তিনি সকলকে সমভাবে স্নেহ ও সম্মান করিতেন । তিনি তাঁহার ভীষণ শত্রুদিগকেও দয়ালুব্যবহার দেখাইয়া গিয়াছেন । তাঁহার ভৃত্য আনাস বলিয়াছেন. “আমি হজরতের নিকট বালাকাল হইতে কার্য্য করিতে আরম্ভ করি এবং তাঁহার স্বর্গারোহণ কাল পর্য্যন্ত উক্ত কার্য্য সম্পন্ন করিয়া ছিলাম । আমি সময়ে সময়ে তাঁহার ক্ষতি করিতাম, কিন্তু তজ্জন্ত তিনি কখন আমাকে তিরস্কার করিতেন না ।”

তিনি পরিমিতাহারী ছিলেন । তিনি কখন আডম্বরযুক্ত বস্ত্রাদি পরিধান করিতেন না ; যে বস্ত্র পরিধান করিতেন, তাহাতে প্রায়ই তালি দেওয়া থাকিত । তিনি পাগড়ি পরিধান করিতেন এবং পাগড়ির কাপড়ের এক প্রান্ত স্বকোপরি লিখিত থাকিত । যে বস্ত্র সম্পূর্ণ রেসম-নির্মিত, তিনি পুরুষদিগকে তাহা পরিধান করিতে নিবেদন করিতেন, কিন্তু কার্পাসস্ত্রের সহিত মিশ্রিত রেসমী বস্ত্র পরিধান করিতে নিবেদন করেন

নাই। তিনি স্বর্ণ-নিষিদ্ধ অসুরী ব্যবহার করিতেন না; কিন্তু রৌপ্য অসুরী ব্যবহার করিতেন।

সেই শান্তিদাতা ধৈর্যশীল পুরুষ আল্লাতায়ালার উপাসনা প্রচারের জন্য শক্রগণ কর্তৃক নানা বিপদে পাতিত হইয়াও কখন অধীর হন নাই এবং বিপদ-সম্পদ সকল অবস্থাতেই সমভাবে জীবনান্ধিত করিয়া গিয়াছেন। যদি কেহ কখন তাঁহাকে কোন সুসজ্জিত গৃহে লইয়া বাইতেন, তাহা হইলে তিনি অসন্তুষ্ট হইতেন। তিনি পাখিব গৌরব ও সম্মানাদিকে অকিঞ্চিৎকর মনে করিতেন, তজ্জন্মই তাঁহার বংশকে তিনি সুবিখ্যাত করিতে কোনরূপ চেষ্টা করেন নাই।

তিনি লোকের নিকট হইতে যে সকল দ্রব্য উপঢৌকন স্বরূপ প্রাপ্ত হইতেন, কিম্বা জিজিয়া ও জাকাতের জন্ম যে সকল দ্রব্য তাঁহার নিকট আনীত হইত, তাহা তিনি কেবল ধর্মপ্রচার ও দরিদ্র-ব্যক্তিদিগের হৃৎখ মোচনার্থ ব্যয় করিতেন, তিনি এক কপর্দকও নিজে রাখিতেন না। সাবেতের পুত্র ওমর বলিয়াছেন, “হজরত মহম্মদ মৃত্যুকালে এক কপর্দকও রাখিয়া যান নাই, কিম্বা তাঁহার দাসদাসী ও অশ্রান্ত গৃহদ্রব্যাদি কিছুই ছিল না; কেবল বাসস্থানের ভূমিখণ্ডটুকু মাত্র ছিল।” একজন ইতিবৃত্তলেখক বলেন, “বিধাতা তাঁহার পৃথিবীরূপ ধনাগারের ঐশ্বর্যাদি লইবার জন্ম হজরত মহম্মদকে তাহার কুঞ্চিকা প্রদান করিয়াছিলেন, কিন্তু তিনি তাহা গ্রহণ করিতে স্বীকৃত হন নাই।” ফলতঃ তিনি সুখ সম্পত্তি অকিঞ্চিৎকর ও নগ্নর বলিয়া জানিতেন এবং সর্বোপেক্ষা বহুমূল্য পদার্থ যে উপাসনা (নামাজ), তাহাই আয়ত্ত করিয়া সন্তুষ্ট চিত্তে জীবনযাত্রা নিরূহ করিয়াছিলেন। “সুখে হৃৎখে সকল সময়েই খোদাতায়ালার উপর বিশ্বাস স্থাপন করাই” একমাত্র মুক্তির উপায়, ইহাই তাঁহার মূলমন্ত্র ছিল। তিনি বলিতেন, “বিশ্বস্রষ্টার কৃপার মানব-

গণ সমুদয় বিষয় স্বায়ত্ত করিতে পারে ।” এক সময়ে বিবি আয়েসা হজরতকে জিজ্ঞাসা করিয়াছিলেন, “হে ধর্মপ্রচারক ! খোদাতায়ালায় রূপা ব্যতীত কেহ কি স্বর্গে প্রবেশ করিতে পারে না ?” তিনি তৎক্ষণাৎ সজোরে উত্তর করিয়াছিলেন, “কেহই নয়, কেহই নয়, কেহই নয় ।” বিবি আয়েসা পুনঃ জিজ্ঞাসা করিয়াছিলেন, “আপনি কি আল্লাতায়ালায় রূপা ব্যতীত স্বর্গে প্রবেশ করিতে পারিবেন ?” ইহা শুনিয়া তিনি গম্ভীরস্বরে তিন বার বলিয়াছিলেন, “আল্লাতায়ালায় অনুগ্রহ ব্যতীত আমিও স্বর্গে প্রবেশ করিতে পারিব না ।”

যে দেশে প্রতিমূর্তি ও প্রস্তরখণ্ডাদির পূজা বহুমূল হইয়াছিল এবং সত্যস্বরূপ বিশ্বকর্তার উপাসনা যেস্থানের অধিবাসীদের অন্তরে স্বপ্নেও উদ্ভিত হইত না ; যে দেশে কুসংস্কার, ইজির-সুখভোগপ্রদ আচারব্যবহার ও পাপজনক কার্যাদি পুণ্যকার্য্য বলিয়া বিবেচিত হইত ; যে দেশে পবিত্রতা ও ধর্মজীবনের সুফলগুলি অজ্ঞাত ছিল ; যে দেশে গৃহবিবাদ ও বিভিন্ন সম্প্রদায়ের লোকসমূহ ঈর্ষান্বিত্তে আবদ্ধ ছিল ; সেই কুসংস্কারাপন্ন দেশে হজরত মহম্মদ জন্মগ্রহণ করিয়া তথাকার অধিবাসীদের অন্তর হইতে যাবতীয় পাপজনক কার্য্যের মূলোৎপাটনপূর্ব্বক তাহাদিগকে একতান্বিত্তে আবদ্ধ করেন এবং তাহাদের অন্তর মধ্যে সত্য ও ন্যায়পরায়ণতা প্রভৃতির বীজরোপণ করিয়া তাহাদিগকে সত্য ধর্মে দীক্ষিত ও প্রকৃত মনুষ্য পদের যোগ্য করেন ।

হজরত মহম্মদ ও তাহার শিষ্যগণ বিশ্বশ্রীগণ কর্তৃক নানা যন্ত্রণা ও অবমাননা সহ্য করিয়া এবং দেশতাড়িত, ও বারম্বার আক্রান্ত হইয়াও ঘোর কুসংস্কারাচ্ছন্ন পৌত্তলিক ও কুচরিত্র লোকদিগের মধ্যে যে একমাত্র নিরাকার বিশ্বশ্রীর উপাসনা প্রচার ও সুনীতির সঞ্চার করিয়াছিলেন ; তাহা পূর্ব্বক বর্ণিত হইয়াছে ।

তিনি অবিচলিত অধ্যবসায় প্রভাবে অচিরকাল মধ্যে আরববাসীদিগের প্রাচীন কলুষিত ধর্মনীতি, সমাজনীতি, রাজনীতি প্রভৃতি কার্যাদির বিলোপ সাধন করিয়া তৎপরিবর্তে বিগ্ৰহ কার্যাদির প্রবর্তন করেন, ইহার অধিকাংশ কাণ্ডই মক্কা ও মদিনাহু বিপক্ষগণ কর্তৃক আক্রান্ত অবস্থায় সম্পন্ন হইয়াছিল এবং সেই সময়েই তিনি ভূত, প্রেত ও খোদাতায়ালাহর পুত্রকত্তাবাদী ব্রাহ্মবিখাসিগণের মধ্যে সর্বশক্তিমান নিরাকার অদ্বিতীয় আল্লাহ-তালার উপাসনা বিধিবদ্ধ করেন এবং জ্বীলোকগণের অবস্থার উন্নতি সাধন, কত্তাবধ ও অন্ত্যস্ত অহিতকর কার্যাদি নিবারণ করেন ।

হিজরির ১৩ বৎসর পূর্বে মক্কা নগর কিরূপ জীবনশূন্য অবস্থায় পাপপঙ্কে নিমগ্ন ছিল, তাহা পূর্বে বর্ণিত হইয়াছে । অতএব পাঠকগণ ! আপনারা একবার সেই বিষয়, আর এই ১৩ বৎসরের মধ্যে যে পরিবর্তন সংসাধিত হইয়াছিল, তাহা চিন্তা করিয়া দেখুন । তাহা হইলে আপনারা দেখিতে পাইবেন যে, এই সময়ে বহু মানব সমস্ত অসদাচরণ পরিহারপূর্বক সর্বশক্তিমান খোদাতায়ালাহর উপাসনায় দীক্ষিত ও স্বর্গীয় আদেশানুযায়ী কার্য-করণে রত হইয়াছিল ।

এই ১৩ বৎসর পূর্বে যখন এক শত নরনারী মহামূল্য ধর্মের জন্ত বিপক্ষগণ কর্তৃক স্বদেশ হইতে বিতাড়িত হইয়া আবিসিনিয়ার আশ্রয় গ্রহণ করেন, তখন তাঁহাদের অন্তর মধ্যে ধর্মের ভাব যে কিরূপ প্রজ্বলিত হইয়াছিল, তাহা তাঁহারা নাজাসির নিকট যাহা প্রকাশ করিয়াছিলেন, পাঠকবর্গ তাহা শ্রবণ করিয়া দেখিলে বেশ বুঝিতে পারিবেন । অবশেষে হজরত মহম্মদ স্বয়ং সর্বাপেক্ষা পবিত্র ও প্রিয়তম জন্মভূমি ত্যাগ করিয়া এমন একস্থানে আশ্রয় গ্রহণ করেন, যেখানে বহু শতাব্দী পর্যন্ত ইহুদীধর্ম কোন রূপে স্বীয় কার্য সম্পন্ন করিতে সক্ষম হয় নাই, সেই স্থানে (মদিনায়)

তিনি ২১১ বৎসরের মধ্যেই সমুদয় লোককে ইসলামধর্মে দীক্ষিত করিয়া তাহাদের অন্তর মধ্যে ভ্রাতৃত্ব সংস্থাপন করেন ।

ইহুদী ও খৃষ্টীয় ধর্মের সামান্য ও অনিত্য উপদেশগুলি এই কুসংস্কারাপন্ন আরব দেশরূপ সরোবরের উপর ভাসমান হইতেছিল, কিন্তু সরোবরস্থিত জীবগুলি আলস্তে জীবন যাপন করিতেছিল । তাহারা কণ্ঠাবধ, ভ্রাস্তবিশ্বাস ও নির্দয়তা প্রভৃতি পাপপঙ্কে নিমগ্ন ছিল । হজরত মহম্মদের আবির্ভাব হইবার অচিরকাল পরে ইহার কতদূর পরিবর্তন হইয়াছিল, তাহা লেখনী দ্বারা ব্যক্ত করা যায় না । তখন আরবদেশ দেখিলে বোধ হইত, যেন স্বর্গীয় দূত এই দেশের উপর দিয়া গমন করিয়াছেন এবং ছুরাখা ও কুসংস্কারাচ্ছন্ন লোকদিগের অন্তরে স্নেহ ও ভ্রাতৃত্ব রোপণ করিয়া দিয়া গিয়াছেন । যে স্থানে এক সময়ে নীতিগর্ভ উপদেশ, একেশ্বরবাদ কাহাকে বলে, তাহা অজ্ঞাত ছিল, সেই স্থানে এক্ষণে একেশ্বরবাদ ও নীতিগর্ভ উপদেশ প্রভৃতির উদ্ভাসসমূহ পরিশোভিত হইতে লাগিল ।

সেই মহামহিম মহান পুরুষ মানবগণের মধ্যে একেশ্বরবাদের যে বিজয়পতাকা উড্ডীয়মান করিয়া গিয়াছেন ; সেই বিজয় পতাকা পূর্বে জাপান রাজ্য হইতে পাশ্চিমে আটলান্টিক মহাসাগরের পরপার পর্য্যন্ত তাবৎ ভূভাগস্থিত প্রত্যেক জনপদে উড্ডীয়মান হইতেছে ।

পরিশিষ্ট ।

—•*•—

কোরান শরিফ ।

ইসলাম ধর্ম্মানুসারে আল্লাহতালার চারি খানি ধর্ম্মপুস্তক চারি জন ধর্ম্মপ্রচারকের নিকট প্রেরণ করিয়াছেন। ১ম, তওরয়ত—ইহা হজরত মুসার নিকট অবতীর্ণ হইয়াছিল ; ইহার ভাষা হিব্রু। এই ধর্ম্মপুস্তকে নানাবিধ ঐশিক আদেশ বিধিবদ্ধ ও পুরাকালের ইতিবৃত্তাদি বর্ণিত আছে। ২য়, জবুর—ইহা হজরত দায়ুদের নিকট অবতীর্ণ হইয়াছিল ; ইহার ভাষাও হিব্রু। ইহাতে কেবল খোদাতালার প্রশংসা ও প্রার্থনাদির নিয়মসমূহ উল্লিখিত হইয়াছে, এতদ্ভিন্ন ধার্ম্মিকগণের সুখ্যাতি ও অধার্ম্মিকদিগের অপযশ বর্ণিত হইয়াছে। ৩য়, ইঞ্জিল—ইহা হজরত ইসার নিকট অবতীর্ণ হইয়াছিল, ইহাতে তাঁহার প্রচারিত ধর্ম্মের নূতন বিধান আছে। এক্ষণে মূল ইঞ্জিল গ্রীক ভাষায় লিখিত বলিয়া অভিহিত হইয়াছে। মূল ইঞ্জিলের যে যে অংশ কোরান শরিফের স্থানে স্থানে উল্লিখিত হইয়াছে, তাহা হিব্রু ভাষায় লিখিত • বলিয়া অনুমিত হয়, যেহেতু হজরত ইসা বনি ইস্রাইল বংশে জন্মগ্রহণ করেন আর তাঁহার মাতৃ-ভাষাও হিব্রু (এব্রাণি) ছিল। তখন তাঁহার সমস্ত শিক্ষা হিব্রুভাষা ভিন্ন অন্য কোন ভাষা হওয়া সম্ভবপর বলিয়া বোধ হয় না।

বর্তমান গ্রীকভাষায় লিখিত ইঞ্জিলকে আমরা মূল ইঞ্জিল বলিয়া বিশ্বাস করিতে পারি না। হজরত ইসা যাহা যাহা শিক্ষা দিয়া গিয়াছেন, তাহা গ্রীকভাষায় অনুবাদিত হইয়া লিখিত হইয়াছে, তদ্বিষয়ে আর কোন সন্দেহ নাই। ৪র্থ, কোরাণ—ইহা শেষ ধর্মপ্রচারক হজরত মহম্মদ মোস্তাফার নিকট অবতীর্ণ হইয়াছিল। ইহাতে একেশ্বরবাদ, আল্লাহতালার আদেশ, নিবেদন এবং ভূত ও ভবিষ্যতের বিষয় বিশদরূপে উল্লেখ আছে। ইহাতে স্বর্গ ও নরকের বিবরণ বিবৃত হইয়াছে এবং পুরাকালের লোকদিগের ইতিবৃত্ত, পার্থিব পাপের শাস্তি বিধান, রাজ্য-শাসন, সমাজশাসন, পরিবার-শাসন, ধর্মকর্মপদ্ধতি, নীতি উপদেশ ও অভ্যাচারের দোষ বর্ণনা প্রভৃতি বিশেষরূপে লিখিত আছে। ইহাতে মানবকে বলা হইয়াছে যে, তোমরা পার্থিব সকল বিষয়ে সমান অধিকারী, জায়গীরতার সহিত স্বীয় স্বীয় অংশ গ্রহণ কর, খোদাতালার দান হইতে বঞ্চিত হইও না। পার্থিব সমুদয় বিষয় ধর্মপরায়ণ লোকদিগের আয়ত্ত, ইহা বহুসংখ্যক আয়েত দ্বারা বিশদরূপে বুঝাইয়া দেওয়া হইয়াছে। ইহাতে মানবকে প্রকৃত মানব হইবার পথ দেখান হইয়াছে। এই পবিত্র পুস্তকের ভাষা আরবী। ইহার ভাষা একরূপ উৎকৃষ্ট ও সুমিষ্ট যে, অগ্ৰাবধি কেহ একরূপ সুমিষ্ট ভাষায় একটীও কথা লিখিতে পারেন নাই। এইরূপ লেখা মনুষ্যের সম্পূর্ণ সাধ্যাতীত। হজরত মহম্মদের সমকালে যে সকল ব্যক্তি আরবী সাহিত্যে বিশেষ ব্যুৎপন্ন ছিলেন, তাহারা ইহার ভাষায় লালিত্য ও মাধুর্য্য দর্শন করিয়া ইহাকে মনুষ্যের সাধ্যাতীত লেখা বলিয়া স্বীকার করত পবিত্র ইসলামধর্মে দীক্ষিত হইয়াছিলেন। তাহারা ইসলামধর্ম গ্রহণ করে নাই, তাহারাও ইহার রচনা মাধুর্য্যে মুগ্ধ হইয়া মনুষ্যের সাধ্যাতীত “বাচর” লেখা বলিয়া স্বীকার করিয়াছে।

কোরাণ শরিফ ধর্ম ও নীতি-শিক্ষা সম্বন্ধে যেমন অসভ্যজাতি হইতে মুসভ্য জাতিদিগের নিকট সমভাবে আদরনীয়, এমন আর কোন ধর্ম-পুস্তক নাই। যে সকল অসভ্যজাতি কোরাণ শরিফের সামাজিক, নৈতিক ও ধর্মসম্বন্ধীয় উপদেশাদির অনুগ্রহে মুসভ্য জাতিতে পরিণত হইয়াছেন, তাঁহারাও শেষে দেখিতে পান যে, ইহাতে এমন অনেক উপদেশ আছে যে, তাঁহারাও অত্যাধি তদনুযায়ী কার্য্য করিতে সক্ষম হন নাই। কোরাণ শরিফ মুসভ্য জাতিদিগকে প্রথমে নিম্নলিখিত কয়েকটী বিষয় শিক্ষা দিয়া থাকে—সত্যবাদিতা, ধৈর্য্যশীলতা, ঞ্চায়পরায়ণতা, দয়ালুতা ও নম্রতা।

কোরাণ শরিফ অপরিচিত লোক, পিতৃমাতৃহীন বালকবালিকা, ক্রীতদাসদাসী ও দরিদ্র লোকদিগের প্রতি দয়ালুব্যবহার প্রদর্শন করিতে মানবগণকে শিক্ষা দেয় ; এমন কি, জীবজন্তুর প্রতি দয়ালুব্যবহার করাও ধর্মকার্য্যের মধ্যে গণ্য বলিয়া উপদেশ দেয়। প্রকৃত পক্ষে ধরিতে গেলে, কোরাণ শরিফই দাতব্যচিকিৎসালয়, আতুরালয় ও বাতুলালয় প্রভৃতি সংস্থাপনের আদি কারণ। মদ্যপান, কণ্ঠাবধ, সুদগ্রহণ ও ভ্রান্তবিশ্বাস প্রভৃতি অবৈধ কার্য্যগুলি কোরাণশরিফে নিষিদ্ধ। যখন আরবদেশবাসিগণ ইসলামধর্ম গ্রহণ করিয়া উপরোক্ত অহিতজনক কার্য্যগুলি ত্যাগ করিয়াছিলেন, তখন তাঁহাদের অন্তর মধ্যে সুনীতির আবির্ভাব হইয়া জ্ঞানালোক প্রজ্বলিত হওয়াতে তাঁহারা বিদ্যা ও উন্নতিলাভ করিয়াছিলেন। ইসলামধর্ম ব্যতীত যাদক-সেবন-বিবর্জিত অন্য কোন ধর্ম পৃথিবীতে নাই।

এক জন বিজ্ঞ ইতিবৃত্ত লেখক কোরাণ শরিফ সম্বন্ধে নিম্নলিখিত রূপে বলিয়াছেন, “মুসলমানগণ ইউরোপ মহাদেশে গমন করিয়া কোরাণ-শরিফের সাহায্যে তথায় দয়ালুতার বিমল জ্যোতিঃ বিকীর্ণ করিবেন,

ইহারই সাহায্যে তাঁহার চতুর্দিক বিক্ষিপ্ত কুসংস্কার রূপ অন্ধকারের মধ্যে জ্ঞান ও সভ্যতার জ্যোতিঃ প্রজ্বলিত করেন এবং সুদূর পশ্চিম হইতে পূর্ব পর্যন্ত তাবৎ ভূভাগস্থ অধিবাসীদিগকে দর্শন, চিকিৎসা, জ্যোতিষ ও সঙ্গীতশাস্ত্র প্রভৃতি শিক্ষা দেন এবং ভাসমান বিজ্ঞানশাস্ত্রকে সুদৃঢ়রূপে সংস্থাপন করেন ।” ইহাতে নানাবিধ উপদেশপূর্ণ নীতিবাক্য, বিজ্ঞ ব্যক্তিগণের পরব্রহ্ম জ্ঞানলাভ, প্রকৃত দেশহিতৈষী ব্যক্তিগণের নিকট দেশস্থ লোকদিগের শোচনীয় অবস্থার বর্ণন—স্বর্গমর্ত্যের অধিগতি মানবগণের নিকট যে সত্য প্রচার করিয়াছেন, যাহার দ্বারা জগৎস্থ জীব-জন্তু নীতিরূপ শাসনে শাসিত হইতেছে, সেই সমুদয়ও লিখিত আছে । ইহার আয়েতসমূহ ভিন্ন ভিন্ন সময়ে অবতীর্ণ হওয়াতে, তাহা বিভিন্ন অবস্থাপন্ন লোকদিগকে সমভাবে সাহায্য করিয়া থাকে । অত্যাচার ও মনোভংগ—প্রোৎসাহিত বাক্য—কিছা জীবন যাপনোপযোগী উপদেশসমূহ ইহাতে বিশদরূপে বিবৃত হইয়াছে । গ্রীসদেশীর লোকেরা কোরাণ শরিক অপেক্ষা ভাল পুস্তক প্রণয়ন করিতে চেষ্টা করিয়াছিল, কিন্তু বাহা খোদাতালার বাক্য,—হজরত মহম্মদ উচ্চারণ করিয়াছেন, তাহা অপেক্ষা অত্যন্তম পুস্তক প্রণয়ন করা মানবশক্তির সাধ্যাতীত ।

কি রূপে হজরত-মহম্মদের নিকট কোরাণ শরিকের
আয়েতগুলি অবতীর্ণ হইত ?

হজরত মহম্মদের নিকট কোরাণ-শরিকের আয়েতগুলি যে রূপে অব-
তীর্ণ হইত, তাহার বিষয় বিবি আয়েসা নিম্নলিখিতরূপ বর্ণনা করিয়া-
ছেন, “নিশ্চয়ই হেশানের পুত্র হারেস হজরতকে জিজ্ঞাসা করিয়া-

ছিলেন, কিরূপে আপনার নিকট খোদাতালার উপদেশসমূহ অবতীর্ণ হইয়া থাকে।” ধর্মপ্রচারক উত্তর দিয়াছিলেন, “সময়ে সময়ে ষণ্টার শব্দের জায়—যাহা আমার নিকট অতিশয় কঠোর বলিয়া বোধ হয় এবং যখন শব্দটি থামিয়া যায়, তখন আমি উপদেশগুলি স্পষ্টরূপে হৃদয়ঙ্গম করিতে পারি।” ইহা বোখারি ও মোসূলেমের ইতিবৃত্তানুসারে লিখিত হইল।



কোরান-শরিফের আয়েতগুলি কি লিখিত হইত ?

ইসলামধর্ম আবির্ভাব হইবার পূর্বে এবং এমন কি, ধর্মপ্রচারকের জীবিত কালে আরবদেশে লেখাপড়া শিক্ষা সম্বন্ধে কোনরূপ সুবন্দোবস্ত ছিল না। তৎকালে তথায় কেবল বক্তৃতাশক্তি ও এলমল আনুসাব (বংশাবলীর নামস্মরণকারক) বিদ্যা ভিন্ন আর কোনরূপ বিদ্যা প্রচলিত ছিল না। কিন্তু ঐ বিদ্যাহয় শিক্ষাকালে নিয়মিত শিক্ষার আবশ্যক হইত না, উহা কেবল লোকমুখে গুনিয়াই শিক্ষা করা যাইত। ইহাতে উক্ত সময়ে আরবদেশ অসংখ্য নিরক্ষর লোকে পূর্ণ ছিল, কেবল কতিপয় লোক লেখাপড়া জানিত, তাহারা নিরক্ষর লোকদিগকে “ওম্মি” (মূর্থ) বলিত। হজরত মহম্মদও লেখাপড়া জানিতেন না বলিয়া, “ওম্মি” বিশেষণে বিশেষিত হইয়াছেন।

হজরত মহম্মদের নিকট দুই প্রকারের প্রত্যাদেশবাণী অবতীর্ণ হইত। ১ম প্রকার এই যে, খোদাতালার উপদেশবাণী, যাহা হজরত মহম্মদ অবিকল প্রচার করিতেন। ২য় প্রকার এই যে, যে সকল উপদেশবাণী তিনি নিজের ভাষায় প্রচার করিতেন। প্রথমটি “অহিমাৎলু-

অর্থাৎ কোরাণ কিম্বা খোদাতালার বাক্য ; আর দ্বিতীয়টি “অহিগায়ের মাংলু” অর্থাৎ হাদিস্ বলিয়া অভিহিত । যখন হজরতের নিকট কোরাণ শরিফের কোন আয়েত অবতীর্ণ হইত, তখন তিনি একজন লেখককে ডাকিতেন এবং তাহার নিকট ঐ আয়েতগুলি আবৃত্তি করিতেন, তখন লেখক তাহা লিখিতেন ; এইরূপে কোরাণ-শরিফের আয়েতগুলি লিখিত হইত । স্বর্গীয় আদেশ অবতীর্ণ হইবার প্রথম সময় হইতে ইহা যে লিখিত হইত, তাহা কোরাণ-শরিফের অনেক স্থানে উল্লিখিত হইয়াছে । কোরাণ-শরিফে উক্ত হইয়াছে, “কাহারও অপবিত্র অবস্থায় পবিত্র পুস্তক স্পর্শ করা উচিত নয় ।” এক্ষণে হজরত আক্বাসের হাদিস পাঠে অবগত হওয়া যায় যে, কোরাণ-শরিফ প্রথম হইতেই লিখিত হইত । হজরতের মদিনায় প্রস্থানের পূর্বে যে সময় ইস্লামের বাল্যাবস্থা, আর যখন অত্যন্ত সংখ্যক লোক ইস্লামধর্মাবলম্বী হইয়াছিলেন ; সেই সময়ে হজরত ওমরের ইস্লাম ধর্ম দীক্ষিত হইবার বিষয় পাঠে অবগত হওয়া যায় যে, তখন হজরত ওমরের ভগ্নীর নিকট কোরাণ-শরিফের কয়েকটি আয়েত লিখিত ছিল । আবু দায়ুদ বলেন যে, প্রত্যেক সূরা নিম্নলিখিত বাক্য দ্বারা আরম্ভ হইয়াছে, “বেসমেলা” ইত্যাদি অর্থাৎ পরম দয়ালু আল্লার নামে প্রবৃত্ত হইতেছি । ইহাতে বোধ হইতেছে যে, কোরাণ-শরিফের আয়েতগুলি প্রথম হইতেই লিখিত হইয়াছিল ।

কোরাণ-শরিফের কোন সূরা কি সমুদয় আয়েত এক সময়ে অবতীর্ণ হয় নাই, তাহা সময়ে সময়ে অবতীর্ণ হইত । তজ্জন্য আয়েতগুলি খণ্ড খণ্ড কাগজে, প্রস্তর বর্গে ও খজ্জুর পত্রে লিখিত হইত, পুস্তকাকারে লিখিত হয় নাই ।

কোরাণ-শরিফের আয়েতগুলি যে খণ্ড খণ্ড কাগজ ও খজ্জুরপত্র প্রভৃতিতে লিখিত হইত, নিম্নে তাহার ৪টি প্রমাণ প্রদর্শিত হইতেছে ।

১ম । সায়াদ-বেন-জোবায়েরের ইতিবৃত্তানুসারে বোখারি বর্ণনা করিয়াছেন যে, হজরত মহম্মদের জীবিতাবস্থায় কোরাণ-শরিফের সুরহৎ সুরাগুলি এখানে আব্বাসের নিকট লিখিত ছিল ।

২য় । কাতাদার ইতিবৃত্তানুসারে বোখারী বর্ণনা করিয়াছেন যে, কাতাদা আনাসকে জিজ্ঞাসা করিয়াছিলেন, “হজরত মহম্মদের জীবিতাবস্থায় কোন্ কোন্ ব্যক্তি কোরাণ শরিফ সংগ্রহ করিয়াছিলেন ?” আনাস বলিয়াছিলেন, “ওবাই-বেন-কারাব, মায়াজ-বেন-জবল, জয়দ-বেন-সাবেত এবং আবু জয়দ এই চারিজন আনুসার ।”

৩য় । সোমামা ও সাবেতের ইতিবৃত্তানুসারে বোখারী বর্ণনা করিয়াছেন যে, হজরতের মৃত্যুর পর আনাস চীৎকার করিয়া বলিয়াছিলেন, “ধর্মপ্রচারকের মৃত্যু হইয়াছে এবং কেবল যে চারিজন লোক কোরাণ শরিফ সংগ্রহ করিয়াছিলেন, তাঁহারা ই জীবিত আছেন, যথা আবু-দর্দা, মায়াজ-বেন-জবল, জয়দ-বেন-সাবেত এবং আবু জয়দ ।”

৪র্থ । হজরত আবুবকর খলিফা পদারূঢ় হইলে জয়দ-বেন-সাবেত কোরাণ শরিফের ভিন্ন ভিন্ন অংশগুলি একত্র সংগ্রহ করিয়া এক খণ্ড পুস্তকে পরিণত করেন । আমরা উহা হইতে আরও অবগত হইতে পারি যে, কোরাণ শরিফের আয়েতসমূহ যাহা সময়ে সময়ে অবতীর্ণ হইত এবং যাহা কোন নিয়মানুসারে লিখিত ছিল না, আর যাহা বিভিন্ন লোকের নিকট ছিল ; যখন জয়দ-বেন-সাবেত তাহা সংগ্রহ করিতে আরম্ভ করিলেন, তখন তিনি সমুদয় সংগ্রহ করিতে সক্ষম হইয়াছিলেন ।

কাহার দ্বারা কিরূপে কোরাণ-শরিফের সূরা ও আয়েতগুলি
নিয়মিত রূপে লিখিত হইয়াছিল ?

হজরত মহম্মদের জীবিতাবস্থায় এবং তাঁহার উপদেশে ও মতানুসারে কোরাণ-শরিফের সূরা ও আয়েতগুলি যে নিয়মিতরূপে সংস্থাপিত হইয়াছিল, আমরা তাহার অনেকগুলি প্রমাণ প্রাপ্ত হইয়াছি। তন্মধ্যে নিম্নে এখানে আক্বাসের লিখিত একটি বিবরণের (হাদিসের) অনুবাদ প্রদত্ত হইল। এখানে আক্বাস বলিয়াছেন, “আমি ওসমানকে জিজ্ঞাসা করিয়াছিলাম, আপনি কি কারণে সূরায় আনফল ও সূরায় বারাতকে দুইটি স্বতন্ত্র সূরায় বিভক্ত করিলেন ? এই স্বাতন্ত্র্য সম্বন্ধে কেন সূরায় বারাতের প্রারম্ভে “বেসমেল্লা” সংযোজিত করেন নাই ?” তিনি বলিলেন, “যখন হজরতের নিকট কোরাণ-শরিফের কোন সূরা কিম্বা আয়েত অবতীর্ণ হইত, তখন তিনি একজন লেখককে উহা লিখিবার জন্ত ডাকিতেন এবং তিনি যেরূপে সূরা ও আয়েতগুলি লিখিতে বলিতেন, লেখকও তদনুসারে লিখিয়া যাইতেন অর্থাৎ তিনি লেখককে বলিতেন যে, অমুক অমুক সূরায় অমুক অমুক আয়েতগুলি লেখ। সূরায় আনফাল মদিনায় অবতীর্ণ হইয়াছিল, ইহাতে বদরের যুদ্ধের বিষয় উল্লেখ হইয়াছে এবং সূরায় বারাত শেষ প্রত্যাদেশ, ইহার পর কোরাণ-শরিফের আর কোন সূরা কিম্বা আয়েত অবতীর্ণ হয় নাই। সূরায় আনফালের উদ্দেশ্য সূরায় বারাতের উদ্দেশ্যের সহিত ঠিক একই রূপ। সূরায় বারাতটি সূরায় আনফালের একটি অংশ, কি স্বতন্ত্র, তাহার বিষয় ধর্ম-প্রচারক কখন কিছুই বলিয়া যান নাই। তজ্জন্ত আমি উহাদিগকে পাশাপাশি স্থাপন করিয়াছি এবং উহাদের মধ্যে “বেসমেল্লা” ইত্যাদি কথাগুলি

সংযোজিত করি নাই, আর সেইজন্য উহা দুইটি স্বতন্ত্র সুরায় বিভক্ত করিয়াছি।”

বোখারির একটা ইতিবৃত্ত পাঠে অবগত হওয়া যায় যে, আবদুল্লা-বেন-মসুউদ ধর্ম প্রচারকের নিকট হইতে কোরাণ-শরিফের ৭০টা সুরা শিক্ষা করিয়াছিলেন।

যাঁহারা কোরাণ-শরিফ মুখস্থ করিয়াছিলেন, তাঁহাদের মধ্যে কয়েক জন প্রধান প্রধান লোকের নাম আমরা বোখারির অন্য আর একটা ইতিবৃত্ত পাঠে অবগত হইয়াছি। তাঁহাদের নাম যথা, আবদুল্লা-বেন-মসুউদ, সালাম, মাগাজ-বেন-জবল এবং ওবাই-বেন-কোয়াব। অন্য আর একটা ইতিবৃত্তে বর্ণিত আছে যে, হজরতের স্বর্গারোহণের অচিরকাল পরে ইমামার যুদ্ধে ৭০ জন প্রধান প্রধান মুসলমান হত হন, তাঁহারা সকলেই সমুদয় কোরাণ-শরিফ মুখস্থ করিয়া রাখিয়াছিলেন। উপরোক্ত ইতিবৃত্তে প্রতিপন্ন হইতেছে যে, ১ম, যদিও হজরতের জীবিতাবস্থায় কোরাণ-শরিফের আয়েতগুলি খণ্ড খণ্ড কাগজে ও প্রস্তর খণ্ডে লিখিত হইত, তথাপি তাহা ঐরূপ বিশৃঙ্খল অবস্থায় লেখা ছিল না যে, তাহা মুখস্থ করিবার কোনরূপ প্রতিবন্ধক ছিল ; এবং কোরাণ-শরিফের সুরা ও আয়েতগুলি ঐরূপ নিয়মে থাকার বিষয়ে হজরত সকলকে বলিয়া দিয়াছিলেন। ২য়, যাঁহারা হজরতের জীবিতাবস্থায় কোরাণ-শরিফ মুখস্থ করিয়াছিলেন, হজরত তাঁহাদিগকে উপরোক্ত রূপ নিয়মে মুখস্থ করিতে বলিয়াছিলেন।

ধর্মপ্রচারক কোরাণ শরিফ পাঠ করিতেন ও তাঁহার

শিষ্যদিগকে সর্বদা পাঠ করিতে বলিতেন ।

ইহার প্রমাণের জন্য কতকগুলি হাদিসের উল্লেখ করিলেই যথেষ্ট হইবে ।

(১) হজরত ওসমান বলেন যে, এক সময়ে হজরত মহম্মদ বলিয়াছিলেন, “যে ব্যক্তি কোরাণ-শরিফ শিক্ষা করে এবং অন্তকে শিক্ষা দেয়, সেই ব্যক্তিকে তোমাদের মধ্যে সর্বাপেক্ষা উত্তম লোক ।” (বোখারি) ।

(২) এবনে-ওমর বলেন যে, ধর্মপ্রচারক বলিয়াছেন, “কেবল দুই জন লোকের উপর ঈর্ষা হয়—প্রথম যাহার নিকট কোরাণ শরিফ আছে এবং সে প্রাতে উঠিয়া উহা পাঠ করিতে আরম্ভ করে ও অহোরাত্র উহাই পাঠ করে ; দ্বিতীয়, খোদাতালা যাহাকে অতুলনীয় দিয়াছেন, সে তাহা অহোরাত্র দরিদ্রদিগকে দান করে ও সংকর্ম সকল সম্পন্ন করে” । (বোখারি এবং মোস্লেম) ।

(৩) আবু মুসা বলেন যে, ধর্মপ্রচারক বলিয়াছেন, “যে সকল মুসলমান কোরাণ শরিফ পাঠ করে, তাহাদের অবস্থা নারাজী ফলের স্তায়, যাহার গন্ধ ও স্বাদ উভয়ই তৃপ্তিকর ; যে সকল মুসলমান কোরাণ শরিফ পাঠ করে না, তাহাদের অবস্থা গর্জুর ফলের তুল্য, যাহার গন্ধ নাই অথচ সুমিষ্ট ; যে সকল প্রচারক কোরাণ শরিফ পাঠ করে না, তাহাদের অবস্থা গন্ধহীন তিক্ত ফলের স্তায় ; যে সকল প্রচারক কোরাণ শরিফ পাঠ করে, তাহাদের অবস্থা সুগন্ধ অথচ তিক্ত ফলের স্তায়” । (বোখারি এবং মোস্লেম) ।

(৪) আবু হোরাইরা বলেন যে, ধর্মপ্রচারক বলিয়াছেন, “তোমরা কোরাণ শরিফ শিক্ষা কর ও পাঠ কর । যাহারা কোরাণ শরিফ

শিক্ষা করে ও অহোরাত্র পাঠ করে ; নিশ্চয়ই তাহাদের অবস্থা মৃগ-নাভিপূর্ণ পাত্রেয় গায়, যাহার মৃগকে চতুর্দিক আমোদিত হয় ; আর যাহারা কোরাণ শরিফ শিক্ষা করে ও পাঠ করে, কিন্তু রাত্রে তাহা পাঠ না করিয়া উদর মধ্যে রাখিয়া (স্বরণ রাখিয়া) নিদ্রা যায়, তাহাদের অবস্থা মুখবন্ধ মৃগনাভিপূর্ণ পাত্রেয় গায়” । (তিরমিজি, নেসাই এবং এবনে মায়াজা) ।

(৫) এবনে ওমর বলেন, ধর্মপ্রচারক বলিয়াছেন, “লৌহে জল লাগিলে যেমন মরিচা পড়ে, নিশ্চয়ই সেইরূপ মানব অন্তরে মরিচা পড়ে।” পরে তিনি জিজ্ঞাসিত হইয়াছিলেন, “হে প্রেরিত পুরুষ ! কিপে মনের মরিচা দূর হয় ?” তিনি উত্তর দিয়াছিলেন, “মৃত্যুকে স্বরণ রাখিলে এবং কোরাণ শরিফ পাঠ করিলে” । (বয়হাকি) ।

(৬) আবদল্লা-বেন-মসউদ বলিয়াছেন, “যখন একদা ধর্মপ্রচারক মসজিদে মেসুরোপরি (বেদির উপরে) বসিয়াছিলেন, তখন তিনি আমাকে আহ্বান করিয়া বলেন, ‘আমার নিকট কোরাণ-শরিফের কয়েকটা আয়েত পাঠ কর।’ আমি বলিলাম, ‘যখন আপনার নিকট কোরাণ-শরিফ অবতীর্ণ হইয়াছে (অর্থাৎ আপনি কোরাণ-শরিফ পাঠ করিবার উপযুক্ত লোক), তখন আমি কি আপনার নিকট কোরাণ-শরিফ পাঠ করিতে সক্ষম হইব ?’ তিনি বলেন, ‘আমি অন্তের নিকট হইতে কোরাণ-শরিফ শুনিতে ভালবাসি।’ তৎপরে আমি সুরায় নেসা পড়িতে আরম্ভ করিলাম এবং যখন আমি কাফেরদিগের দুর্দশার বিষয় বর্ণনাসূচক আয়েতটি পর্য্যন্ত পাঠ করিলাম, তখন তিনি আমাকে বলেন, ‘আর পড়িতে হইবে না, ইহাই যথেষ্ট হইয়াছে।’ তৎপরে আমি ধর্মপ্রচারকের দিকে চাহিয়া দেখিলাম যে, তিনি অশ্রুবর্ষণ করিতেছেন।’ (বোধারি এবং মোস্লেম্)

(৭) আবুসায়্যাদ্-অল-খুদ্রি বলিয়াছেন, “যখন আমি দরিত্র ও জরাতুর আনসারদিগের মধ্যে বসিয়াছিলাম, এবং তাহাদের মধ্যস্থ কতকগুলি উল্কাবস্থাপন্ন লোক অন্তান্ত সহচরের মধ্যে বসিয়াছিলেন, আর এক ব্যক্তি কোরাণ-শরিফ পাঠ করিয়া আমাদের শ্রবণ করাইতেছিলেন, সেই সময়ে হজরত মহম্মদ অকস্মাৎ আমাদের নিকট আসিয়া উপস্থিত হইলেন এবং সেই সময়ে পাঠকও কোরাণ-শরিফ পড়িতে ক্ষান্ত হইলেন । তখন ধর্মপ্রচারক আমাদের সালাম করিয়া বলিলেন, ‘তোমরা কি করিতেছ ?’ আমরা বলিলাম, ‘আমরা আল্লাহতালার পুস্তক শ্রবণ করিতেছি ।’ ধর্মপ্রচারক বলিলেন, “আল্লাহতালাকে ধন্যবাদ দেও, যিনি আমার ধর্মালম্বীদের সৃষ্টি করিয়াছেন, আর আমি বাহাদের মধ্যে বসিতে আদিষ্ট হইয়াছি ।’ তৎপরে তিনি আমাদের মধ্যে সমভাবে বসিয়া আমাদের গোলাকারে বসিতে বলিলেন, তখন তাঁহার সহিত আমাদের কোন পার্থক্য লক্ষিত হয় নাই । পরে আমরা সকলে ধর্মপ্রচারকের দিকে ফিরিয়া গোলাকারে বসিলাম । তখন ধর্মপ্রচারক সকলকে আহ্বান করিয়া বলিলেন, ‘হে দরিত্র আনসারগণ ! আনন্দ প্রকাশ কর, তোমরা কেয়ামতের দিনে (পুনর্জিচারের দিনে) সম্পূর্ণ আলোক প্রাপ্ত হইবে ; এবং ধনীলোকের অর্ধ দিন পূর্বে তোমরা স্বর্গে প্রবেশ করিবে, পৃথিবীতে সেই অর্ধ দিন ৫০০ বৎসর সময় ।’

(আবুদায়ুদ ।)

খলিফা হজরত আবুবকরের সময়ে কোরাণ-শরিফ

সংগৃহীত হইবার বিষয় ।

কোরাণ-শরিফ সংগ্রহ সম্বন্ধে আমরা নিম্নে কয়েকটা হাদিসের অনুবাদ করিয়া দিলাম । জয়দ-বেন-সাবেত বর্ণনা করিয়াছেন, “ইমামার যুদ্ধ সময়ে একদিন হজরত আবু বকর আমাকে ডাকাইয়া আনিলেন । আমি গিয়া দেখিলাম যে, হজরত ওমর তাঁহার নিকট বসিয়া আছেন । হজরত আবুবকর আমাকে বলিলেন, ‘ওমর আমাকে বলিয়াছেন, ‘অগ্ৰ ইমামার যুদ্ধে অনেক কোরাণ-শরিফ পাঠক (হাফেজ) হত হইয়াছেন আমি ইহাতে আমাদের মধ্য হইতে কোরাণ-শরিফ অন্তর্হিত হইবার আশঙ্কা অনুভব করিতেছি । এজন্য আমি কোরাণ-শরিফ সংগ্রহ করিয়া একত্র বন্ধন করা যুক্তিসঙ্গত মনে করিতেছি’ ইহা শুনিয়া আমি হজরত ওমরকে বলিলাম, ‘ধর্মপ্রচারক যাহা করিয়া যান নাই, তাহা আমি কিরূপে সম্পন্ন করিব ?’ তিনি বলিলেন, ‘আমি শপথ করিয়া বলিতেছি যে, কোরাণ-শরিফ সংগ্রহ করা অতি উত্তম কার্য ।’ পরে হজরত ওমর আমাকে বারম্বার বলিতে লাগিলেন, ‘কোরাণ শরীফ সংগ্রহ করা একান্ত আবশ্যিক ।’ অবশেষে খোদাতালা আমার অন্তরকে উহা সম্পন্ন করিতে প্রস্তুত করিলেন, আমি তখন হজরত ওমরের পরামর্শ যুক্তি-সঙ্গত বলিয়া বুঝিতে পারিলাম ।”

জয়দ-বেন-সাবেত আরও বলিয়াছেন, “হজরত আবুবকর আমাকে বলিয়াছিলেন, ‘তুমি যুবক ও জ্ঞানী, এবং আশা করি যে, তুমি কোরাণ-শরিফের কিছুই ভুলিয়া যাও নাই, এবং নিশ্চয়ই তুমি ধর্মপ্রচারকের নিকট যাহা যাহা অবতীর্ণ হইত, তাহা লিখিয়া রাখিয়াছ, অতএব এক্ষণে তুমি কোরাণ-শরিফের সমস্ত আয়েত সংগ্রহ করিতে ব্রতী হও ।’ আমি

হজরত আবু বকরকে বলিয়াছিলাম, 'আমি শপথ করিয়া বলিতেছি যে, যদি লোকে আমাকে পাহাড়কে একস্থান হইতে অন্য স্থানে বহন করিয়া লইয়া যাইতে বলে, আমি তাহা যত ভারবহ কার্য্য বলিয়া বিবেচনা না করি, এই কোরাণ-শরিফ সংগ্রহ করা তদপেক্ষা অধিক ভারবহ কার্য্য বলিয়া মনে করিতেছি।' পরে আমি খর্জুরপত্র, প্রস্তর খণ্ড ও খণ্ড খণ্ড কাগজে যে যে আয়েত ও সুরাগুলি লিখিত ছিল, তাহার অনুসন্ধান করিতে লাগিলাম, এবং যে যে ব্যক্তি কোরাণ-শরিফ মুখস্থ করিয়া রাখিয়াছিলেন, তাঁহাদিগকেও ডাকিয়া আনিলাম। আবুখোজায়মা আনসারীর নিকট তওবা সুরাটী প্রাপ্ত হইলাম। এইরূপে কোরাণ শরিফের সমুদয় সুরা ও আয়েত একত্রিত করিলাম। এই সংগৃহীত কোরাণ-শরিফ হজরত আবু বকরের মৃত্যুর সময় পর্য্যন্ত তাঁহার নিকট ছিল। তাঁহার মৃত্যুর পর উহা হজরত ওমরের নিকট এবং তাঁহার পরলোক গমনের পর তদীয় কন্যা বিবি হাফসার নিকট ছিল'। (বোধারি।)

উপরোক্ত হাদিসানুসারে তিনটি বিষয় সুস্পষ্ট প্রতীয়মান হইতেছে। ১ম—“যদি অধিক সংখ্যক মুসলমানের মৃত্যু হয়, তাহা হইলে কোরাণ-শরিফ ধ্বংস হইবার সম্ভব, ইহাতে স্পষ্ট প্রতীয়মান হইতেছে যে, এ পর্য্যন্ত ইহার কোনও অংশ নষ্ট হয় নাই, হজরতের নিকট বাহা যাহা অবতীর্ণ হইয়াছিল, তৎসমুদয়ই অক্ষুণ্ণভাবে বিদ্যমান আছে। ২ম—আমরা ইহাতে অবগত হইতে পারিতেছি যে, অধিকাংশ লোকে সমুদয় কোরাণ শরিফ মুখস্থ করিয়া রাখিয়াছিলেন। ৩য়—অনুসন্ধানের পর কোরাণ-শরিফের আর কোন আয়েত কাগজে কিম্বা খর্জুরপত্র প্রভৃতিতে লিখিত অবশিষ্ট দেখিতে পাওয়া যায় নাই।

তজ্জরত আমরা উপরোক্ত হাদিস অনুসারে স্থির সিদ্ধান্ত করিয়াছি যে,

জয়দ-বেন-সাবেত যে কোরাণ শরিফ সংগ্রহ করিয়াছিলেন, তাহাই মূল ও তাহাই সমগ্র মুসলমান জগতে বিদ্যমান রহিয়াছে ।

আবদুল আজিজের ইতিবৃত্তানুসারে বোথারি বর্ণনা করিয়াছেন যে, কোরাণ শরিফ সংগৃহীত হইবার পর আবদুল আজিজ ও শাদাদ, এখানে আব্বাসের নিকট গিয়াছিলেন । শাদাদ, এখানে আব্বাসকে জিজ্ঞাসা করেন, “জয়দ-বেন-সাবেত কোরাণ শরিফের যে সকল সূরা ও আয়েত সংগ্রহ করিয়াছেন, তাহা ভিন্ন আর কি কোন স্বর্গীয় আদেশ সংগ্রহ করিতে অবশিষ্ট আছে ?” এখানে আব্বাস বলেন, “যাহা একত্রিত করা হইয়াছে, তাহা ভিন্ন আর কোন স্বর্গীয় আদেশ নাই ।” আবদুল আজিজ বলিয়াছেন, “তৎপরে আমরা মহম্মদ-বেন-হানিফার নিকট গিয়া উপরোক্তরূপ জিজ্ঞাসা করিলে, তিনিও এখানে আব্বাসের গুণ উত্তর দিয়াছিলেন ।”

খলিফা হজরত ওসমানের সময়ে চতুর্দিকে কোরাণ

শরিফের বিস্তৃতি হওন ।

জয়দ-বেন-সাবেত যে কোরাণ শরিফ সংগ্রহ করিয়াছিলেন, খলিফা হজরত ওসমান তাহা হইতে কয়েকখণ্ড কোরাণ শরিফ লিখিয়া লইয়া চতুর্দিকস্থ মুসলমান রাজ্যে প্রেরণ করিয়াছিলেন । নিম্নলিখিত হাদিসে তাহার সম্যক বিবরণ প্রাপ্ত হওয়া যায় । আনাস-বেন-মালেক বর্ণনা করিয়াছেন, “আর্মেনিয়া ও আজরবিজান জয় করিবার সময়ে হোজারফা তথাকার মুসলমানদিগকে বিভিন্ন প্রকারে কোরাণ শরিফ পাঠ করিতে অনিয়া স্থাপিত হইয়াছিলেন এবং তিনি হজরত ওসমানের নিকট

আসিয়া বলিয়াছিলেন, 'ইহুদী ও খৃষ্টানগণ খোদাতালার বাক্যকে যেমন ভিন্ন ভিন্ন প্রকারে গ্রহণ করিয়াছে, আপনি মুসলমানদিগকে তাহা হইতে রক্ষা করিতে সাহায্য করুন।' তৎপরে হজরত ওসমান বিবি হাফজার নিকট হইতে কোরাণ শরিফ আনিবার জন্ত এক জন লোক প্রেরণ করেন, এবং বিবি হাফজাকে বলিয়া পাঠান যে, আমি উহা হইতে কয়েক খণ্ড কোরাণ শরিফ লিখিয়া লইয়া উহা পুনঃ প্রত্যর্পণ করিব। বিবি হাফজাও হজরত ওসমানের নিকট কোরাণ শরিফ পাঠাইয়া দিলেন, তিনি জয়দ-বেন-সাবেত আন্সারি, আবদল্লা-বেন-জোবায়ের, সায়াদ-বেন-আস এবং আবদররহমান-বেন-হারেসকে ডাকাইয়া আনিলেন। ইহাদের মধ্যে জয়দ-বেন-সাবেত ভিন্ন আর সকলই কোরেশ বংশোদ্ভব ছিলেন। হজরত ওসমান ঐ তিন জন কোরেশকে বলিলেন, 'যদি কোরাণ শরিফের কোন স্থানে তোমাদের সহিত জয়দ-বেন-সাবেতের ভাষায় মতভেদ হয়, তাহা হইলে তোমরা তাহা কোরেশ ভাষায় লিখিও, যেহেতু কোরাণ শরিফ কোরেশ ভাষা ভিন্ন অত্র কোন ভাষায় অবতীর্ণ হয় নাই।' যখন কোরেশগণ হজরত ওসমানের আদেশানুসারে কার্য সম্পন্ন করিলেন, তখন হজরত ওসমান তাহা হইতে কয়েক খণ্ড কোরাণ শরিফ লিখাইয়া লইয়া চতুর্দিকস্থ মুসলমান রাজ্যে প্রেরণ করিলেন। হজরত ওসমান কোরাণ শরিফ ত্রিশ ভাগে বিভক্ত করেন, সেই এক এক ভাগের নাম "সিপারা।"

কোরান শরিফের কতকগুলি নীতি উপদেশ ।

বর্তমান ও ভবিষ্যৎ জীবনের বিষয় কোরান শরিফে অতি সুন্দররূপে বর্ণিত হইয়াছে । “তিনিই যিনি তোমাদিগকে স্থলপথে ও জলপথে পরিচালিত করেন, যে কাল পর্য্যন্ত তোমরা নৌকাসমূহের মধ্যে অবস্থিত কর এবং অমুকুল বায়ুযোগে তাহাদের (নৌকার) সঙ্গে চলিতে থাক, তদ্বারা তাহারা আহ্লাদ প্রকাশ করে, কিন্তু যদ্যপি তাহাতে প্রতিকূল বায়ু প্রবাহিত হয় ও চতুর্দিক হইতে তরঙ্গ তাহাদের প্রতি উপস্থিত হয়, এবং যখন তাহারা জানিতে পারে যে, তাহাদিগকে (বিপদ) ঘিরিয়াছে ; তখন তাহারা খোদাতালাকে তাঁহার জগৎ ধর্ম-বিশোধিত করিয়া আহ্বান করে, (বালিতে থাকে) তুমি যদি আমাদিগকে ইহা হইতে উদ্ধার কর, অবশ্য আমরা ধন্যবাদকারী হইব । পরে যখন তিনি তাহাদিগকে উদ্ধার করেন, দেখ তাহারা পৃথিবীতে অধর্মচারণ করিতে থাকে ; হে লোক সকল ! তোমাদের অধর্মচারণ তোমাদের আত্মার উপর অপকার ভিন্ন আর কিছু নয়, কেবল পাণিব জীবনের সুখভোগ করতে থাক ; তোমরা শীঘ্রই আমার দিকে আগমন করিবে এবং তোমরা যাহা করিয়াছ, আমি তাহা তোমাদের নিকট প্রকাশ করিয়া দিব । নিশ্চয়, পার্থিব জীবন জলবৎ ভিন্ন আর কিছুই নহে, যাহা আমি আকাশ হইতে অবতারণ করি এবং যাহা দ্বারা তুমি উর্ধ্বা হইয়া বৃক্ষ লতা ও শস্যাদি উৎপন্ন হয়, যাহা মনুষ্য ও চতুষ্পদ জন্তুগণ ভক্ষণ করে, পৃথিবীর সেই সকল উদ্ভিদ তাহার (জলের) সঙ্গে মিশ্রিত হয়, যতক্ষণ পর্য্যন্ত ভূমি আপন সৌন্দর্য্য আনয়ন করে ও সজ্জিত হয় এবং তন্নিবাসীগণ মনে করে যে, তাহারা তাহার উপর কমতালী ; কিন্তু আমার আজ্ঞা তৎপ্রতি দিবারাত্র উপস্থিত হয়,

এবং আমি তাহাকে ছিন্নমূলক্ষেত্র করি, তাহা দেখিলে বোধ হয়, যেন ইহা পূর্ব দিবস (উর্বরা) ক্ষেত্র ছিল না। যাহারা আমার বিষয় চিন্তা করে, আমি তাহাদের জন্য এইরূপ নিদর্শন সকল বর্ণনা করিয়া থাকি ; এবং খোদাতালা শান্তিনিকেতনের দিকে আহ্বান করেন এবং যাহাকে ইচ্ছা হয়, ধর্মপথের দিকে আলোক দান করিয়া থাকেন। যাহারা সংকল্প করিয়াছে, তাহাদিগেরই কলাণ ও উন্নতি ; কালিমা ও দুর্গতি তাহাদের আননকে অধিকার করে না। ঐ সকলই স্বর্গের অধিবাসী ইহারা তথাকার নিত্যনিবাসী। কিন্তু যাহারা দুর্কর্ম করিয়াছে, তাহারা তাহার ফল প্রাপ্ত হইবে এবং দুঃখজনক বিষয় ও দুর্গতি তাহাদিগকে আচ্ছন্ন করিবে। আলাতাল্লা হইতে তাহাদিগকে আশ্রয় দানকারী কেহই নাই। যেন তাহাদের মুখ তিমিরাবৃত রজনীতে আচ্ছাদিত হইয়াছে ।”

নিম্নলিখিত আয়েতটীতে অতি মহত্তাব বিদ্যমান রহিয়াছে, “যাহারা খোদাতালার অঙ্গীকারকে পূর্ণ করে এবং তাহা ভঙ্গ করে না, এবং আলাহতালা আঞ্জা করিয়াছেন যে, আপন প্রতিপালকের প্রতি ষোগ স্থাপন কর, তাহা যাহারা করে, এবং প্রভুকে ভয় করে, এবং যাহারা খোদাতালাকে সম্বুষ্ট করিবার জন্য অহরহঃ বিচারের কাঠিন্ণকে ভয় করে এবং নামাজকে প্রতিষ্ঠিত রাখে এবং আমি তাহাদিগকে যে উপজীবিকা দিচ্ছি, তাহা যাহারা প্রকাশে ও গোপনে ভিক্ষার্থ ব্যয় করে এবং সাধুতা দ্বারা অসাধুতাকে দূর করে, তাহাদের কার্যের পারিতোষিকস্বরূপ সেই পারলৌকিক আলায়, তথায় তাহারা নিত্য স্বর্গোদ্যানসমূহে ঐ সকল লোকের সহিত প্রবেশ করিবে, যাহারা স্বীয় পিতৃগণের, ভাৰ্য্যাগণের ও সন্তানগণের প্রতি সদাচরণ করে ; এবং স্বর্গীয় দূতগণ প্রত্যেক দ্বার দিয়া তাহাদের নিকট উপস্থিত হয় ; (তাহারা

বলে) “তোমরা যে, ধৈর্য্য-ধারণ করিয়াছ, তজ্জন্ত তোমাদের প্রতি শান্তি ; অতএব তোমাদের পুরস্কারের জন্ত এই পারলৌকিক আলয় ।”

পবিত্রভাবে জীবনান্ধিত করিলে ভবিষ্যতে সুখী হওয়া যায়, তাহার বিষয় কোরাণ শরিফে নিম্নলিখিতরূপে বর্ণিত হইয়াছে, (মৃত্যুকালে ধর্ম্মপরায়ণ আত্মাকে বলা হইবে), “হে সুখী আত্মা ! তুমি প্রসন্নতা প্রাপ্ত, আপন প্রতিপালকের দিকে প্রসন্নভাবে ফিরিয়া যাও ।” কেয়ামতের দিনে বলা হইবে,—“অনন্তর আমার দাসবৃন্দের মধ্যে প্রবেশ কর এবং আমার সুখোদ্যানে প্রবেশ কর ।”

ইসলাম ।

যদি মানবজাতি সম্পূর্ণতা প্রাপ্ত হইতে ইচ্ছা করে, তাহা হইলে প্রথমে তাহাদের কয়েকটি বিষয় আয়ত্ত করা আবশ্যিক । বিবেক অর্থাৎ হিত-হিত বিবেচনাশক্তি, তাহাদের মধ্যে একটি প্রধান ; ইহা মানবকে কুসংস্কারাদি হইতে দূরে রাখিবার একটি যবনিকা স্বরূপ । যখন বিবেক-রূপ যবনিকা মানবগণের নিকট হইতে দূরে অবস্থান করে, তখন সেই সকল মানব কুসংস্কারজালে বিজড়িত হয় । তখন তাহাদের সমস্ত জীবন ভ্রান্তবিশ্বাস ও ভয় প্রভৃতিতে অতিবাহিত হয় । এমন কি, তাহারা কাক ও পেচক প্রভৃতি পক্ষীর ডাকে, শৃগাল ও সর্প প্রভৃতি জন্তুর গমনাগমনে, বায়ুর গতিতে কিম্বা কোন ব্যক্তি বা জন্তু বিশেষের নাম গ্রহণে অমঙ্গল উপস্থিত হইবে ভাবিয়া ভয়াকুল হয় । সেই সকল কুসংস্কারাচ্ছন্ন মানব দৃষ্ট ও স্বার্থান্বেষী লোকদিগের নিকট মস্তক নত করিয়া থাকে—তাহারা কোন দৈবজ্ঞের নিকট স্বীয় স্বীয় ভাবী অমঙ্গলের বিষয় শ্রবণ করিয়া তাহা নিরাময় করিবার জন্ত তাহাকে নানাপ্রকারে সন্তুষ্ট করিতে চেষ্টা

করে, কিম্বা পীড়িতাবস্থায় বা স্বীয় গৃহপালিত পশু পক্ষীর শুভ কামনায়, কি কোন ব্যবসায় লাভোদ্দেশ্যে সত্যস্বরূপ অদ্বিতীয় নিরাকার খোদাতালার নিকট কৃপা ভিক্ষা না করিয়া কোন মানবের কিম্বা কল্পিত দেব-দেবীগণের নিকট কৃপা ভিক্ষা করিয়া থাকে। প্রত্যেক মানবগণ স্বার্থ সাধন'র্থে তাহাদিগকে বলিয়া থাকে যে, অমুক দেবতাকে সন্তুষ্ট না করিলে তোমার পুত্রকলত্রাদি বাঁচবে না কিম্বা পীড়া হইতে আরোগ্য লাভ করিতে পারিবে না, আর তোমার শনির দশা দূর হইবে না, অতএব যদি উক্ত দেবতাকে সন্তুষ্ট করিয়া সুখসচ্ছন্দে বাস করিতে ইচ্ছা কর, তাহা হইলে আমার নিকট ভোগ (বিপদ হইতে মুক্ত হইবার জন্য দেবতার পূজার্থ দান) দেও, শীঘ্র সমুদয় বিপদ হইতে মুক্ত হইতে পারিবে। এইরূপে তাহাদের চিরজীবন কুসংস্কারাচ্ছন্ন ভয়ে অভিবাहित হয়, অথচ তাহারা স্বাধীনভাবে অদ্বিতীয় খোদাতালার প্রেমগাভে বঞ্চিত হয়। অতএব হে পাঠকবর্গ! একবার মনোনিবেশপূর্বক চিন্তা করিয়া দেখুন যে, ইহা অপেক্ষ কষ্টকর জীবন আর কি হইতে পারে ?

“জ্ঞানকে একেশ্বরবাদরূপ কামা দ্বারা পরিষ্কার কর'ই” ইসলাম ধর্মের মূলভিত্তি। একেশ্বরবাদ জ্ঞানকে কুসংস্কার প্রভৃতি ভ্রান্তবিশ্বাস হইতে পরিষ্কার করে এবং ইহা প্রথমে এই শিক্ষা দেয় যে, মানবগণের উচিত নয় যে, তাহারা অন্য কোন মানবকে কিম্বা পার্থিব কি নৈসর্গিক কোন অচেতন পদার্থকে সৃষ্টিকর্তা, সর্বক্ষমতাপালী, বিনাশকারী, দাতা, জগৎপাতা ও শাস্তিদাতা প্রভৃতি বলিয়া জ্ঞান করে; কিম্বা এরূপ বিশ্বাস না করে যে, খোদাতালা পৃথিবীতে শান্তি স্থাপন, কি কাহার বধ সাধনার্থ মনুষ্যরূপ ধারণ করিয়া আসিয়াছেন এবং কোন উদ্দেশ্য সাধনার্থ পৃথিবীতে আসিয়া নানা কষ্ট সহ করিয়া গিয়াছেন। এইরূপ শত শত কুসংস্কার পৃথিবীতে প্রচলিত আছে, যাহা জ্ঞানরূপ চক্ষুকে অন্ধ করিবার

শ্রেষ্ঠ উপায় । এখানে আমরা সেই সকল বিষয়ের অধিক উল্লেখ করি-
লাম না । এক্ষণে দেখা যাইতেছে যে, পৃথিবীতে যত প্রকার ধর্ম প্রচলিত
আছে, তাহাদের মধ্যে ইসলাম ধর্ম ব্যতীত প্রত্যেক ধর্মেই উক্তবিধ
কুসংস্কারের মধ্যে কোন না কোন একটা বিদ্যমান রহিয়াছে ।

যদি মানবগণ প্রথমে কোন রূপ প্রতিবন্ধক প্রাপ্ত না হয়, তাহা
হইলে তাহারা সম্পূর্ণ মানুষ অর্থাৎ সকল প্রকার সম্মান ও খোদাতালার
প্রেমলাভ করিতে সক্ষম হইতে পারে । কিন্তু যদি তাহারা সম্পূর্ণতা
প্রাপ্ত হইবার কোনরূপ প্রতিবন্ধক প্রাপ্ত হয়, তাহা হইলে তাহা পাইতে
পারে না এবং তজ্জন্তু চেষ্টাও করে না ।

যদি কোন সম্প্রদায় মনে করে যে, আমরা নীচ জাতি বা নীচ
বংশোদ্ভব ; তাহা হইলে নিশ্চয়ই তাহাদের উৎসাহ অনেক পরিমাণে হ্রাস
হয় এবং তাহারা সম্পূর্ণতা প্রাপ্ত হইতে চেষ্টা করে না । অতএব তাহারা
আল্লাহতায়ালার পবিত্র প্রেমের সুফল হইতে বঞ্চিত হইয়া স্বার্থাশ্রেষ্টী
লোকদিগের ইচ্ছাজালে পতিত হয় এবং কুসংস্কারের মধ্যে বিচরণ করিতে
থাকে । কিন্তু ইসলাম সমুদয় মানবজাতিকে সমভাবে আলিঙ্গন করে,
কাহাকেও সম্পূর্ণতা প্রাপ্ত হইতে বঞ্চিত করে না । ইহাতে মানবগণ প্রত্যেক
কার্যে খোদাতালার সম্পূর্ণতা প্রাপ্ত হইতে পারে । ইহাতে উচ্চ ও নীচ-
বংশ বলিয়া কিছুই প্রভেদ নাই । যাহারা বিবেকশক্তিসম্পন্ন ও ধর্মভীরু,
তাহারা এই সাধারণ মানব অপেক্ষা মান্যতাপন্ন ; ইহার বিষয় কোরাণ
শরীফের অনেক স্থানে উল্লেখিত হইয়াছে ।

এক্ষণে ইসলাম ধর্ম কি, তাহার বিষয় লিখিত হইতেছে । ইসলাম
ধর্মের নীতিসমূহ বিশেষরূপে বুঝিতে গেলে, আমরা প্রথমে ইসলাম এই
শব্দটির যথার্থ অর্থ বুঝিতে চেষ্টা করিব । ইহাতে ইসলাম ধর্মের প্রধান
নীতিই প্রকাশ পাইয়া থাকে । “সলম” এই ধাতু হইতে “ইসলাম” শব্দটি

সম্পন্ন হইয়াছে । “সলম” অর্থে শান্তি বুঝায় অর্থাৎ যে ব্যক্তি স্মীয় কর্তব্য কার্য সম্পন্ন করিয়া শান্তিলাভার্থে খোদাতালার নিকট আত্মসমর্পণ করি-
য়াছে । ইহা হইতে ইসলাম শব্দটির অর্থ শান্তি, নিস্তার ও নিরাপদ
বুঝায় ।

ইসলামধর্মের যে সকল নীতি কোরাণ শরিফে উক্ত হইয়াছে, তাহাদের মধ্যে একটা নীতি নিম্নে লিখিত হইল, “এই পুস্তকে কোন সন্দেহ নাই । ইহা ধর্মপরায়ণ লোকদিগের জন্ত পথপ্রদর্শক । যাহারা অদৃশ্য বিষয়ে বিশ্বাস স্থাপন করে, নামাজকে প্রতিষ্ঠিত রাখে এবং তাহাদিগকে আমি যে সকল উপজীবিকা দিয়াছি, তাহা (দানার্থ) ব্যয় করে এবং তোমার (মহম্মদের) প্রতি ও তোমার পূর্বে যাহা অবতারণ করিয়াছি, যাহারা সেই সকল বিশ্বাস করে ও যাহারা পরলোকে বিশ্বাস রাখে ; সেই সকল ব্যক্তি তাহাদের প্রতিপালক কর্তৃক সুপথে আছে, তাহারা পরিভ্রাণ প্রাপ্ত হইবার যোগ্য ।”

নিম্নলিখিত কয়েকটা প্রধান বিষয়ের উপর ইসলামধর্ম সংস্থাপিত ।

- (১) এক খোদাতালার উপর বিশ্বাস স্থাপন ; (২) স্বর্গীয় দূতগণের (ফেরেস্টাগণের) উপর বিশ্বাস স্থাপন ; (৩) ধর্মপুস্তকের উপর বিশ্বাস স্থাপন * ; (৪) ধর্মপ্রচারকগণের (পয়গম্বরগণের) উপর বিশ্বাস স্থাপন ; (৫) পরকালে মানবধর্মের বিচার হইবে, তাহার উপর বিশ্বাস স্থাপন , (৬) খোদাতালা যেমন মানবকে সৃষ্টি করিয়াছেন, সেইরূপ তাহাদের শরীরস্থ সং-
অসং পাপ পূণ্য প্রভৃতি ও আভ্যন্তরীণ গুণ বা দোষসমূহ এবং বাহ্য কার্য-
কলাপও তাঁহার সৃষ্ট ; তিনি ভিন্ন আর কেহ সৃষ্টিকর্তা নাই । তাঁহার অজ্ঞাতসারে কোন কার্য হয় না ; তিনি সংকার্যো সত্ত্বষ্ট ও অসং-
কার্যো অসত্ত্বষ্ট হন ; (৭) মৃত্যুর পর সকলেই পুনর্জীবিত হইবে ; (৮)

(*) কোরাণ শরিফের বিবরণে ধর্মপুস্তকের কথা উল্লেখিত হইয়াছে ।

মানবজাতির মধ্যে ভ্রাতৃত্বাবস্থাপন ; (৯) সমুদয় দাতব্য বিষয়ের দাতা খোদাতালার নিকট কৃতজ্ঞতা স্বীকার দ্বারা অন্তর পরিপূর্ণ করণ । কোরাণ শরিফে আল্লাহতায়ালার দয়া ও ক্ষমতার বিষয় বিশেষরূপে বর্ণিত হইয়াছে ।

কোরাণ শরিফের উপদেশগুলির মধ্যে নিম্নে আর একটি উপদেশ লিখিত হইল,—“তোমাদের আল্লাহ অদ্বিতীয়, তিনি বাতীত আর আল্লাহ নাই, তিনি পরম দয়ালু । স্বৰ্গমর্ত্য সৃষ্টি ও দিবারাত্রের পরিবর্তনে এবং মানবজাতির লাভোপযোগী দ্রব্যাদি চালিত সমুদ্রস্থ অর্ণবপোতে এবং বারিবর্ষণে, যাহা আল্লাহ আকাশ হইতে প্রেরণ করেন, যাহাতে পৃথিবী পুনর্জীবিত হয় ও ভূমি সকল উর্বরতা প্রাপ্ত হয় এবং সেই সকল ভূমি নানাবিধ জীবজন্তুগণে আচ্ছন্ন করেন ; বায়ুর পরিবর্তনে এবং আকাশ ও পৃথিবীর মধ্যস্থ সঞ্চিত মেঘে—বুদ্ধিমান লোকদিগের জন্মই আল্লাতালার নিদর্শন সকল রহিয়াছে ; তত্রাচ এমন কতকগুলি লোক আছে, যাহারা সে আল্লাতালাকে ভাগ করিয়া অন্যান্য কতকগুলি মূর্তিকে আল্লাতালার বলিয়া গ্রহণ করে এবং তাহাদিগকে আল্লাতালার স্থায় প্রীতি করে ।”

নিম্নলিখিত বাক্যগুলি ধম্মাজ্জ লোকদিগের পক্ষে কতদূর হৃৎ প্রকাশক, তাহা সকলে সহজেই হৃদয়ঙ্গম করিতে পারিবেন—“তিনিই যিনি তোমাদিগকে ভয় ও আশার জন্ম বিদ্যাৎ প্রদর্শন এবং মেঘসমূহ উত্তোলন করিয়া থাকেন । জলদ নির্দোষে (বজ্রধ্বনিতে) ঝাঁহার প্রশংসা প্রকাশ পায় এবং স্বর্গীয় দূতগণ (ফেরেস্তাগণ) ঝাঁহার প্রশংসা কীর্তন করে

* * * যাহারা তাঁহার সম্বন্ধে বিতণ্ডা করে (অনুরূপ বলে) তিনি ইচ্ছানুযায়ী বজ্র প্রেরণ করিয়া তাহাদিগের উপর উর্হা সঞ্চালিত করেন ।

* * * তাঁহার উদ্দেশ্যে উপাসনা করা সত্য এবং যাহারা তাঁহাকে ছাড়িয়া ঐ সকলকে (প্রতিমূর্তিদিগকে) উপাসনা করে, তাহারা তদ্রূপ ভিন্ন আর কিছুই প্রাপ্ত হয় না, যেমন কোন ব্যক্তি স্বীয় উত্তর করতল জলের

দিকে প্রসারণ করিয়া মনে করে, যেন তাহার অভিমুখে জল উপস্থিত হইতেছে কিন্তু তাহা উপস্থিত হইবার নয় (সেখানে)।” “তিনি সত্য প্রকাশার্থ স্বর্গ ও মর্ত্য সৃজন করিয়াছেন, তাহারা যাহাদিগকে (দেবতাগুলিকে) উপাস্ত বলিয়া নির্ধারণ করে, তাহা হইতে তিনি (খোদাতালা) অতিশয় উন্নত । তিনি মানুষকে সৃষ্টি করিয়াছেন * * * এবং দেখে সে স্পষ্ট বিরোধী হইল । তিনি তোমাদের জন্ত চতুর্দশ জন্তুগুলিকে সৃজন করিয়াছেন, তাহা হইতে তোমাদের অনেক লাভ হয়, তাহারা সন্ধ্যার সময় প্রান্তর হইতে দলে দলে তোমাদের বাড়ীতে আগমন করে এবং প্রাতঃকালে আবার ময়দানে তৃণলতাাদি ভক্ষণার্থ গমন করে * * * এবং তিনই তোমাদের জন্ত দিবা ও রজনী পর্যায়ক্রমে আনয়ন করিতেছেন এবং চন্দ্র সূর্য্য ও নক্ষত্রাদিকে স্ব স্ব নিয়মানুসারে কার্য্য করিতে বাধা করিয়াছেন * * * এবং তিনিই যিনি সমুদ্রকে তোমাদের আয়ত্ত করিয়া দিয়াছেন এবং তুমি (হে মহম্মদ) দেখিতেছ, যে সকল অর্ণবপোত সমুদ্রে চলিয়া থাকে * * * এবং তোমরা তাহার নিকট কৃতজ্ঞ হইবে। * * * যিনি সৃজন করেন, তিনি কি, যে সৃজন করে না তাহার তুল্য ? পরন্তু তোমরা কি উপদেশ গ্রহণ করিতেছ না ? যদি তোমরা খোদাতালার দান গণনা কর, তাহা হইলে গণনা করিয়া শেষ করিতে পারিবে না ; নিশ্চয়ই আল্লাহ কমতালী ও দয়ালু । তোমরা যাহা গোপন কর ও প্রকাশ কর, তিনি তাহা জানিতেছেন । যাহারা খোদাতালা ভিন্ন অন্য বস্তুকে (প্রতিমূর্তিগুলিকে) আহ্বান করে, যে সকল বস্তু কিছুই সৃষ্টি করে না ও তাহারা সৃষ্ট হইয়া থাকে, তাহারা মৃত, জীবিত নহে।”

ইহুদীদের অলীক দেবতাগণকে (যেমন হজরত ওজায়েরকে) আর খৃষ্টানদের হজরত ইসা ও তাঁহার জননী বিবি মরিয়মকে আরাধনার

বিষয় কোরাণ শরীফে অত্র বর্ণনা উক্ত হইয়াছে । নিম্নে তাহার কয়েকটি আয়েতের অনুবাদ প্রদত্ত হইতেছে— ‘যাহাদিগকে গ্রন্থের স্বক পদন্ত হইয়াছে (ইহুদী ও খৃষ্টান), তুমি (হে মহম্মদ) কি তাহাদিগকে দর্শন কর নাই ? তাহারা মিথ্যা দেবতা ও প্রতিমূর্তিসমূহকে বিশ্বাস করে । তাহারা কাফেরদিগকে বলিয়া থাকে, যাহারা সরল পথে বিশ্বাস স্থাপন করিয়াছে (মুসলমান হইয়াছে), তাহাদের অপেক্ষা তাহারা অধিক পথদর্শী অর্থাৎ ধার্মিক ।’ “ইহুদীগণ বলে, ওজায়ের খোদাতালার পুত্র এবং খৃষ্টানগণ বলে, ঈসা খোদাতালার পুত্র * * * খোদাতালা তাহাদিগকে বিপথগামী হইতে রক্ষা করুন, তাহারা কেমন করিয়া সত্যপথ হইতে কিরিয়া যাইতেছে. তাহারা খোদাতালাকে ছাড়িয়া আপনাদের পুরোহিত ও তপস্বীদিগকে খোদাতালা বলিয়া গ্রহণ করে * * * তাহারা আপন মুখে আল্লাহ জ্যোতিঃকে নির্বাণ করিতে ইচ্ছা করে ।”

‘ইহুদী ও খৃষ্টানগণ বলিয়া থাকে যে, আমরা খোদাতালার পুত্র ও প্রিয়পাত্র ।’ “যাহাদিগের নিকট গ্রন্থ প্রেরিত হইয়াছে (ইহুদী ও খৃষ্টান), তাহারা তোমাদের বিশ্বাস লাভের পর তোমাদিগকে অবিশ্বাসী করিতে ইচ্ছা করিয়াছে, * * * তোমরা নামাজকে প্রতিষ্ঠিত রাখ ও জাকাত দেও ; সংকার্যে দ্বারা যাহা তোমাদের আত্মার জন্য পূর্বে পাঠাইবে, তাহা খোদাতালার নিকট হইতে প্রাপ্ত হইবে ।” “তাহারা বলে যে, নিশ্চয়ই ইহুদী ও খৃষ্টানগণ ভিন্ন অন্য কেহ কখন স্বর্গে প্রবেশ করিতে পারিবে না * * * বল, (হে মহম্মদ) যদি তোমরা সত্যবাদী হও, তবে তোমাদের প্রমাণ উপস্থিত কর । নিশ্চয়, যে ব্যক্তি খোদাতালার দিকে আপন আনন স্থাপন করিয়াছে, সংকল্পশীল হইয়াছে, সে ব্যক্তি আল্লাহ নিকট হইতে তাহার পুরস্কার প্রাপ্ত হইবে ।” “হে গ্রন্থধারী লোক সকল ! তোমরা স্বীয় ধর্মের অতিরিক্ত কোন কার্য করিও না, খোদা-

তালার সম্বন্ধে সত্য ভিন্ন অন্য কিছু বলিও না। নিশ্চয়ই বিবি মরিয়মের পুত্র ঈসা খোদাতালার প্রেরিত এবং তাহার বাক্য। অতএব খোদাতালাকে ও তাহার প্রেরিত পুরুষকে বিশ্বাস কর, তিন জন খোদা বলিও না, কাস্ত হও, * * * খোদাতালার ভৃত্য হইতে ঈসা কখনই ঘৃণা করে না।”

নিম্নলিখিত আয়েতগুলি পাঠে ইসলাম ধর্মের নীতিগুলি স্পষ্টরূপে হৃদয়ঙ্গম করা যায়, “তাহারা (খৃষ্টানগণ বলে যে, খোদাতালা পুত্র গ্রহণ করিয়াছেন। এক্ষণে তোমরা কুৎসিত (দুঃখজনক) বিষয় উচ্চারণ করিয়াছ, এবং ইহা হইতে স্বর্গ ও পৃথিবী বিদূর্ণ হইবার ও পর্বতগুলি ষণ্ড ষণ্ড হইয়া পড়িবার উপক্রম হইয়াছে, কারণ তাহারা খোদাতালার সন্ত পুত্র সমর্থন করিয়াছে। যেহেতু খোদাতালার সম্বন্ধে ইহা উচিত নয় যে, তিনি কোন সন্তান গ্রহণ করেন। স্বর্গে ও মর্ত্যে এমন কেহই নাই যে, খোদাতালার নিকট দাস না হইয়া গমন করে। নিশ্চয়ই তিনি তাহাদিগকে আয়ত্ত করিয়াছেন।”

হজরত মহম্মদ, পাপী ও পুণ্যাত্মাদিগকে স্বতন্ত্র করিয়া লইতেন। তিনি সকল স্থলেই সত্য স্বীকার করিতেন। কোরাণ শরিফে উক্ত হইয়াছে “গ্রন্থধারীদিগের মধ্যে সকলে তুল্য নহে, এক দল দণ্ডায়মান অর্থাৎ খোদাতালার শাসনে, ইসলামধর্মে অবস্থিত, তাহারা রাত্ৰিকালে আল্লার নিদর্শন সকল পড়িয়া থাকে ও প্রণত হয়। তাহারা খোদাতালার উপর ও পরকালে বিশ্বাস করে এবং বৈধ কার্যে বিধি দান, অবৈধ কার্যে নিষেধ করে এবং শুভকার্য আন্তরিক ইচ্ছার সহিত সম্পন্ন করে, তাহারাই ধর্মভীরু লোক।” কোরাণ শরিফের নানা স্থানে খোদাতালার দয়ার বিষয় উল্লেখ আছে; বিস্তৃত ভায়ে এখানে তাহার উল্লেখ করিলাম না।

সত্যধর্মের আচারব্যবহার যাহা ইসলামধর্মে বিদ্যমান আছে, তাহা

অল্প কোন ধর্ম্মে দেখা যায় না । তন্মধ্যে নিম্নলিখিত কয়েকটি প্রধান ।
(১) নামাজ, (২) রোজা (উপবাস) ; (৩) জাকাত (দান) এবং
(৪) হজ্জ (তীর্থযাত্রা) ।

সর্বশক্তিমান আল্লাতায়ালার নিকট আমাদের দয়া ভিক্ষা ও পাপ
ক্ষমার জন্য সর্বদা উপাসনা করা আবশ্যিক । তিনি আগ্রত, তিনি
সর্বদা আমাদের কার্য-কলাপ দর্শন করিতেছেন ; তাঁহার নিকট আমা-
দের কৃতজ্ঞতা স্বীকার করা উচিত, তিনি বিপন্নের বিপদছারক ও দয়ার
আধার, তাঁহার নিকট কৃতজ্ঞতা প্রকাশের উপাসনাই একমাত্র উপায় ।
উপাসনা দ্বারা আমাদের অন্তর সর্বদা প্রফুল্ল থাকে এবং আমাদের মানসিক
শক্তির উন্নতি হয় । সকল ধর্ম্মেই উপাসনা প্রথাটি বিভিন্ন রূপে
বিদ্যমান রহিয়াছে ।

উপাসনা মানসিক উন্নতি ও পবিত্রতা লাভের একমাত্র উপায় ; ইহার
বিষয় কোরাণ শরিফে বিশদরূপে বর্ণিত হইয়াছে, “তোমার নিকট (হে
মহম্মদ) গ্রন্থের যাহা অবতারণ করা হইয়াছে তাহা পাঠ কর ও নামাজ
প্রতিষ্ঠিত রাখ , নিশ্চয়ই নামাজ হুকুম ও অবৈধ কার্য নিবারণ করে ;
এবং খোদাতালাকে স্মরণ করা মহান্ কার্য ; এবং তোমরা যাহা করিয়া
থাক, খোদাতালা তাহা জানেন ।” “তুমি আপন অন্তরে শঙ্কিত ও
কাতরভাবে, অনুচ্চ বাক্যে প্রাতে ও সন্ধ্যায় খোদাতালাকে স্মরণ কর
এবং উপেক্ষাকারী হইও না ।”

হজরত মহম্মদ নিজে বিনয়পূর্বক যে প্রার্থনা করিতেন, তাহা অতি
সুন্দর ও নীতিপূর্ণ,— ‘হে খোদাতালা ! আমি ধর্ম্মে বিশ্বাস স্থাপনপূর্বক
বিনীত ও সরলভাবে প্রার্থনা করিতেছি যে, তুমি আমাকে তোমার নিকট
কৃতজ্ঞতা স্বীকার করিতে সাহায্য কর এবং প্রত্যেক সহপারে তোমাকে
অর্চনা করিতে শিক্ষা দেও । আমি পবিত্র অন্তরে বিনীতভাবে তোমার

নিকট প্রার্থনা করিতেছি যে, আমার অন্তর যেন কুকার্যে রত না হয় ; আমি ভক্তির সহিত প্রার্থনা করিতেছি. সেই ধর্মের জন্ত, যাহা তুমি ভাল রূপে অবগত আছ। তুমি যে সকল কার্যকে পাপ কার্য বলিয়া জান, আমি প্রার্থনা করি যে, তুমি আমাকে তাহা হইতে (পাপ) ক্ষমা কর এবং তুমি যে সকল কার্যকে দোষ মনে কর, আমাকে তাহা হইতে ক্ষমা কর। হে ত্রাণকর্তা ! তোমাকে সর্বদা স্মরণ করিতে আমাকে সাহায্য কর এবং আমি যেন তোমার নিকট কৃতজ্ঞ হই এবং আমার সমুদয় ক্ষমতার সহিত তোমাকে আরাধনা করি। হে প্রভো ! আমি নিজের আত্মাকে দূষিত করিয়াছি, তুমি ভিন্ন তোমার ভৃত্যের অপরাধ কেহই মার্জনা করিতে পারে না ; তোমার দয়া গুণে আমাকে ক্ষমা কর এবং আমার প্রতি কৃপা প্রদর্শন কর ; নিশ্চয়ই তুমি তোমার দোষী ভৃত্যদিগের দোষাপহারক ও অনুগ্রহদাতা।”

হজরত মহম্মদের আর একটি প্রার্থনা এই—“হে প্রভো ! তোমার উপর ভালবাসা স্থাপন করিতে এবং তোমাকে যাহারা ভালবাসে, তাহা-দিগকে ভালবাসিতে আমাকে শক্তি দেও। যে সকল কার্যে তোমার ভালবাসা প্রাপ্ত হওয়া যায়, আমাকে সেই সকল কার্য করিতে ক্ষমতা দেও ; তোমার ভালবাসা যেন আমার নিকট আমার শরীর, পরিবার ও ঐশ্বর্যাদি এমন কি সুশীতল জল অপেক্ষা প্রিয় বলিয়া বোধ হয়।”

আন্তরিক বিশ্বাসের সহিত প্রার্থনা করিবার বিষয় কোরাণ শরীফের অনেক স্থানে উল্লিখিত হইয়াছে, “তোমরা প্রার্থনাকালে পূর্বাভিমুখীন হও বা পশ্চিমাভিমুখীন হও, তাহাতে পুণ্য নাই। কিন্তু যে ব্যক্তি খোদাতালার, কেয়ামতের দিনের, স্বর্গীয় দূতের (ফেরেস্টা) এবং ধর্মপ্রচারক-গণের প্রতি বিশ্বাস স্থাপন করিয়াছে এবং ধনানুরাগ স্বর্ষেও খোদাতালার উদ্দেশ্যে আত্মীয়, অনাথ, দরিদ্র, পথিক ও ভিক্ষুকদিগকে ধন দান

করিয়াছে এবং বন্দীদিগের দাসত্বমোচনে ব্যয় করিয়াছে এবং নামাজ প্রতিষ্ঠিত রাখিয়াছে, জাকাৎ দিয়াছে ও বাহারা অঙ্গীকার পালন করে এবং দৈন্ত ক্রেশে ও বিপদে ধৈর্য্যধারণ করে, তাহাদেরই পুণ্য, এই সকল লোক সত্যবাদী ও ধর্ম্মভীরু ।”

উপাসনা করিবার পূর্বে জল দ্বারা হস্তপদাদি নির্দিষ্ট নিয়মানুসারে ধৌত করিয়া পবিত্র হইতে হয়, ইহাকে অজু করা বলে (১) । আন্তরিক পবিত্রতা ভিন্ন ধর্ম্ম সাধন হয় না, বাহারা বাহ্য পবিত্রতা সম্পন্ন করিয়া সন্তুষ্ট থাকে অথচ বাহাদের অন্তর অহঙ্কার ও প্রতারণায় পরিপূর্ণ, তাহাদের সম্বন্ধে ইমাম গাজ্জালি সাহেব নিম্নলিখিতরূপঃ বর্ণনা করিয়াছেন, —“ধর্ম্ম প্রচারক বলিয়াছেন যে, বাস্তবিকই পবিত্রতা এই, যাহা মানব অন্তর হইতে সর্ব্বপ্রকার তম্প্রবৃত্তি ও মানসিক দুর্ব্বলতা দূর করে এবং পর-অপকার ও পরস্বাপহরণ প্রভৃতি কুচিন্তা মানব অন্তর হইতে দূরীভূত করে এবং যে সকল চিন্তা ও মানসিক ভাব খোদাতালার বিরুদ্ধে উখিত হয়, যাহা তাহা অন্তর হইতে দূরীভূত করে ।”

রোজা (উপবাস) ইসলামধর্ম্মের একটি স্তম্ভ স্বরূপ । ইহার উপকারিতার বিষয় কোরাণ শরিফের সুরায় বকরের ১৮৩ আয়েতে উক্ত হইয়াছে । রোজার সম্বন্ধে কোরাণ শরিফে নিম্নলিখিত রূপ উক্ত হইয়াছে, ‘হে বিশ্বাসীগণ ! তোমাদের জন্য উপবাসব্রত লিখিত হইয়াছে, তোমরা ধর্ম্মকার্য্য করিতে পারিবে ; কতিপয় দিবস (রোজার জন্য) নির্ধারিত হইয়াছে, তবে তোমাদের মধ্যে কেহ পীড়িত কিম্বা দেশ ভ্রমণে প্রবৃত্ত থাকিলে তাহার সম্বন্ধে অন্য কয়েক দিন নিরূপিত আছে এবং যে ব্যক্তি এই উপবাস ব্রত পালনে সক্ষম হইয়া শেষে ইহা পালন করিতে চাহে না, তাহার সম্বন্ধে একজন দরিদ্রকে অন্ন বিতরণ করা

কর্তব্য, এবং যে ব্যক্তি ইচ্ছানুযায়ী সংকল্প করে, সে তাহা হইতে কল্যাণ প্রাপ্ত হইবে । যদি জান, তবে রোজা পালন করাই তোমাদের শ্রেয়ঃ ; যাহা সহজ হয়, খোদাতালা তাহার আকাঙ্ক্ষা করেন ।”

পৃথিবীতে ইসলাম ধর্ম ভিন্ন এমন কোন ধর্ম নাই, যাহাতে দানের বিষয় বিশেষরূপে লিখিত আছে । বিধবা, পিতৃমাতৃহীন অসহায় বালকবালিকা ও নিঃসহায় দরিদ্রদিগের প্রতি দানের বিষয়টি ইসলাম ধর্মের অন্তর্ভুক্ত । দানের বিষয় কোরাণ শরিফের এক স্থানে এইরূপ উল্লেখিত হইয়াছে, “তাহারা তোমাকে আরও জিজ্ঞাসা করিবে যে, কত পরিমাণে দান করিব ? বলিও (হে মহম্মদ) তোমরা যাহা সহজে দিতে পার ।” ইসলাম ধর্ম্যানুযায়ী প্রত্যেক লোকের আপনাপন দরিদ্র প্রতিবেশীকে সাহায্য করা উচিত । প্রত্যেক জিনিস পত্র ও পশুদি কিম্বা ব্যবসায়ের লাভের উপর বাৎসরিক শতকরা চল্লিশ ভাগের এক ভাগ দান করাকে জাকাৎ বলে এবং দরিদ্রদিগকে সন্তুদ্দেশ্যে দান করাকে ‘সদকা বলে । জাকাৎ দিবার আবশ্যকতার বিষয় কোরাণ শরিফের নানাস্থানে উক্ত হইয়াছে ।

হজরত মহম্মদ ও তাঁহার শিষ্যগণ নিম্নলিখিত অবস্থাপন্ন লোকদিগকে দান করিতেন ; (১) দরিদ্র ও নিঃসহায় ; (২) যাহারা জাকাৎ সংগ্রহ করিয়া থাকেন ; (৩) ক্রীত দাস, যাহারা দাসত্ব হইতে মুক্তিলাভ করিতে অক্ষম ; (৪) পথিক ও অপরিচিত লোক ।

হজ্জ (তীর্থযাত্রা) দ্বারা লোকের মনে অধিক পরিমাণে লাভবান বর্দ্ধিত হইয়া থাকে, আর ঐ সময়ে মানবাত্মা খোদাতালার দিকে সম্পূর্ণরূপে স্থাপিত হয় । * ইসলামধর্মের বাবতীয় নিয়ম হজরত মহম্মদ স্বয়ং সম্পন্ন করিয়া সাধারণকে উহার দৃষ্টান্ত দেখাইয়া গিয়াছেন ।

* কিরূপে অবস্থাপন্ন লোকের ও কি কি নিয়মে হজরত উদ্যাপন করা বিধি, তাহা গ্রন্থকার প্রণীত “হজবিধি” গ্রন্থে দেখুন ।

‘ধর্মশাস্ত্র’ এই শব্দটির অর্থ জীবনের শাসন, ইহার প্রধান উদ্দেশ্য পবিত্র হওন, তজ্জন্ম মানবগণ সামাজিক আচারব্যবহার, ধর্মের রীতিনীতি ও কর্তব্যকর্ম প্রভৃতির উপর দৃষ্টি রাখিয়া সর্বশক্তিমান খোদাতালার নিকট ক্রমে ক্রমে গমন করিতে পারে । হজরত মহম্মদ সহস্র প্রকারে ভ্রাতৃত্ব স্থাপন প্রভৃতি সমুদয় হিতকর কাণ্ড শিষ্যগণকে শিক্ষা দিয়া গিয়াছেন । তিনি সকলকে নিম্নলিখিত রূপে উপদেশ দিতেন, “যখন তোমরা খোদাতালার নিকট প্রার্থনা করিবে, তখন কেমন করিয়া জানিতে পারিবে যে, খোদাতালা তোমাদের প্রার্থনা গ্রহণ করিয়াছেন । যদি তোমরা তোমাদের সম্মানগুলিকে, আত্মীয়-স্বজনগণকে, প্রতিবেশীকে এবং সমুদয় জীবজন্তুকে ভাল বাস ; তাহা হইলে জানিতে পারিবে যে, খোদাতালা তোমাদিগকে চিনিতে পারিয়াছেন । যদি তোমরা তোমাদের সৃষ্টিকর্তাকে ভাল বাসিতে চাও, তাহা হইলে প্রথমে তোমাদের চতুর্দিকস্থ জীবজন্তুদিগকে ভালবাসিও । তৎপরে জানিতে পারিবে যে, খোদাতালা তোমাদের প্রার্থনা গ্রহণ করিয়াছেন ।’

ধর্মের আর এক উদ্দেশ্য এই যে, ইহা মানবজাতিকে সমস্ত্রে আবদ্ধ করে ; এবং প্রত্যহ মানব জীবনের উপর আধিপত্য করিয়া থাকে । আমরা ধর্মের যথার্থ একটা ভাব সকলকে বিশদরূপে বুঝাইয়া দিব । ধর্ম কি মানবজীবনের উপর সম্পূর্ণরূপে আধিপত্য করে ? ইহা কি মানবকে উন্নতি সোপানোপরি লইয়া যায় ? ইহা কি মানবকে সংকার্য্য ও কর্তব্য কার্য্যপরায়ণ করে ? ষত্বে ইহা দক্ষিণমহাসাগরস্থ দ্বীপবাসীগণের—কিন্মা কাফ্রিদিগের নিকট প্রচার করা যায়, তাহা হইলে ইহার উন্নতি হয়, না পতন হয় ? ধর্ম সম্বন্ধে এই কয়েকটি প্রশ্ন আমাদের অন্তর মধ্যে স্বাভাবিকই উদয় হয়, ইহা বোধ হয়, কাহারও নিকট শিক্ষা

করিতে হয় না। ইহা মানবজাতির স্বভাবকে দূষিত করে না। ইহাকে ইসলামরাজ্যের বহির্ভূত যে কোন স্থানে লইয়া যাও, ইহা কোন স্থানেই বিপদে পড়িবে না; ইহার উদ্দেশ্যগুলি অন্যান্য ধর্মের উদ্দেশ্যের স্তায়, কিন্তু পবিত্র হইবার উপায় অতি মহৎ; ইহা সত্যস্বরূপ খোদাতালাকে পাইবার জন্ত বিশেষ চেষ্টা করে, আবার ইহা সত্যধারণ করিয়া মুক্তির চেষ্টা করে।

ইসলাম শরীর পতি সম্ভাবনার করিতে শিক্ষা দেয়। কোরাণ শরীফে উক্ত হইয়াছে, “যে ব্যক্তি খোদাতালাার দিকে (লোকদিগকে) আহ্বান করিয়াছে ও সংকল্প করিয়াছে * * * এবং অতীব শুভ ও অশুভ তুলা নয়, যাহা অতীব শুভ, তদ্বারা (তে মহম্মদ) অশুভকে দূর কর।”

স্বর্গের বর্ণনা কালে কোরাণ শরীফে উক্ত হইয়াছে, ‘যাহারা সম্পদ ও বিপদ কালে জাকাৎ দেয়, যাহারা তাহাদের বিপদসমূহকে স্বায়ত্তে রাখে এবং কমানীল হয়, তাহাঁরাই স্বর্গে যাইবার জন্য প্রস্তুত হয়, কারণ খোদাতালা উদারচেতা লোকদিগকে ভালবাসেন।’

কথিত আছে যে, হজরত মহম্মদের দৌহিত্র পবিত্রাত্মা এমাম হোসেন একদা ভোজনকালে আহারীয় দ্রব্যাদি উত্তমরূপে পাক করা হয় নাই বলিয়া রাগান্বিত হইয়া কেলিয়া দিয়াছিলেন। তৎকালে তাহার ভৃত্য তাহার নিকট কোরাণ শরীফের নিম্নলিখিত আয়েতটি পাঠ করেন,— “যাহারা ক্রোধকে স্বায়ত্ত রাখিতে পারে, স্বর্গই তাহাদের পুরস্কার।” ইহা শুনিয়া মহাত্মা এমাম হোসেন বলেন, “আমি ক্রোধ সমরণ করিলাম। পরে ভৃত্য আবার বলিল, “যাহারা মনুষ্যকে কমা করে, তাহাঁরাই স্বর্গে গমন করে।” পরে তিনি বলিলেন, “আমি তোমাকে কমা করিলাম।” অবশেষে ভৃত্য নিম্নলিখিত আয়েত পাঠ করিল, “খোদাতালা উদারচেতা

লোকদিগকে ভালবাসেন ।” তখন মহাত্মা এমাম হোদেন বলিলেন,
“আমি তোমাকে দাসত্ব হইতে মুক্ত করিয়া দিলাম ।”

নিম্নে কোরাণ শরিফের কয়েকটি আয়েত লিখিত হইতেছে,—
“তাহারাই খোদাতালার দাস, যাহারা ভূতলে ধীরে ধীরে গমন করে ;
এবং যখন মূর্খ লোকেরা তাহাদের সঙ্গে কথা কহে, তাহারা ‘সালাম’
বলিয়া থাকে (তাহাদের সঙ্গে মূর্খ ও পাষণ্ড লোকেরা কলহ ও বাক্
বিতণ্ডা করিলে তাহারা তদুত্তরে বিনম্রভাবে কথা বলিয়া থাকে ।)
যাহারা আপন প্রতিপালকের উদ্দেশে নামাজ পড়িবার জন্ত দণ্ডায়মান
হইয়া রজনী যাপন করে—এবং যাহারা বলে, “হে আমাদের প্রতি-
পালক ! আমাদের নরকদণ্ড হইতে রক্ষা কর ; নিশ্চয়ই তাহার
সমুচিত শাস্তি হইয়াছে, তাহা হইতে মুক্তি হয় নাই । নিশ্চয়ই ইহা
মন্দস্থান ও অবস্থান ভূমি । যাহারা দান করে, অপব্যয় করে না ও
ক্লপণতা করে না এবং এ উভয়ের মধ্যে সামঞ্জস্য প্রাপ্ত হয় ।—যাহারা
খোদাতালার সঙ্গে অস্ত্র খোদাকে আহ্বান করে না এবং খোদা যাহাকে
অবৈধ করিয়াছেন, এমন ব্যক্তিকে গ্রহণরোধ ব্যতীত হত্যা করে
না এবং ব্যতিচার করে না । যে ব্যক্তি পাপকার্য্য করে,—কেয়া-
মতের (পুনর্বিচারের) দিনে তাহার জন্ত শাস্তি দ্বিগুণ করা হইবে ;
এবং সে তথায় চিরকাল লাঞ্চিত অবস্থায় অবস্থান করিবে—কিন্তু যে
ব্যক্তি প্রতিনিবৃত্ত হইয়াছে (অনুতাপ করিয়াছে) ও বিশ্বাস স্থাপন
এবং সংকর্ষ করিয়াছে, তাহার উহা ভোগ করিতে হইবে না ।
অনন্তর খোদাতালা তাহার পাপ সকলকে পুণ্যতে পরিবর্তিত করিবেন,
নিশ্চয়ই আল্লাতলাই ক্ষমাশীল ও দয়ালু । যে ব্যক্তি অনুতাপ করে ও
সংকর্ষ করে, নিশ্চয়ই সে খোদাতালার দিকে অনুতাপিত হইয়া ফিরিয়া
আসে । যাহারা মিথ্যা সাক্ষ্য দেয় না এবং যখন নিরর্থক বিষয়ের

প্রতি উপস্থিত হয়, তখন মহত্ত্বাবে চলিয়া যায়,—যাহারা যখন আপন প্রতিপালকের নিদর্শনসমূহ সম্বন্ধে উপদেষ্ট হইয়া, তখন তৎপ্রতি বধির ও অন্ধরূপে পতিত (উপস্থিত) হইয়া না ; যাহারা বলে, “হে আমাদের প্রতিপালক ! তুমি আমাদেরকে ভাগ্যা ও সম্মানবৃন্দ দান কর, যাহারা আমাদের সুখোৎপাদন করিবে এবং আমাদেরকে ধর্মভীরুদিগের প্রধান কর।” ইহাদিগকে উচ্চ অট্টালিকা (স্বর্গে) পুরস্কার দেওয়া যাইবে, ইহারা তথায় বাস করিবে এবং তথায় মঙ্গল ও শান্তির আশীর্বাদ প্রাপ্ত হইবে ;—এবং তথায় ইহারা চিরস্থায়ী হইবে, উত্তমদাস ও বিশ্রামভূমি ।”

ইসলাম মানবজাতির কল্যাণ কি অকল্যাণসাধন
করিয়াছে ? এবং ইহা সৈয়দী ও মুসায়ী ধর্মের
উপকার না অপকার করিয়াছে ?

ইসলামধর্ম যে মানব সমাজের সমূহ উপকার সাধন করিয়াছে, তাহা পূর্বে উল্লিখিত হইয়াছে । এক্ষণে আমরা তৎসম্বন্ধে কতিপয় ইউরোপীয় পণ্ডিতের মতামত নিয়ে অনুবাদ করিয়া দিতেছি । বিজ্ঞবর জন ডেভনপোর্ট বলেন, “ইসলাম যে তরবারি দ্বারা প্রচারিত হইয়াছে, ইহা বলা অশ্রায় । বিজ্ঞ পাঠকগণ দেখিতে পাইবেন যে, ইহার উপাসনা ও দান প্রভৃতি ধর্মকর্মপদ্ধতি মানবজাতিকে বন্ধুত্বস্বত্রে আবদ্ধ করিতেছে এবং ইহার মহানুভাবকতার সভ্যতার শ্রীবৃদ্ধি সাধন হইয়াছে । একটু মনোনিবেশপূর্বক চিন্তা করিয়া দেখিলে, সকলে বুঝিতে পারি-
বেন যে, ইসলাম সৈয়দী ধর্ম অপেক্ষা মানবজাতির অশেষ কল্যাণ

সাধন করিয়াছে। দর্শন ও বিজ্ঞান প্রভৃতি শাস্ত্র এমিয়া মহাদেশের মুসলমান ও স্পেনদেশীয় মুসলমান কর্তৃক ইউরোপ মহাদেশে আনীত হইয়াছিল। ইউরোপে প্রথমে পূর্বদেশ হইতে অক্ষর আনীত হয়, পরে ইসলাম উহার সমধিক উন্নতি সাধন করিয়াছে। ইসলাম ৬০০ বৎসর পর্য্যন্ত ইউরোপে বিজ্ঞানশাস্ত্রের সমধিক আলোচনা করিয়াছিল। আমাদের সময়ে দেশ মধ্যে কেবল অজ্ঞান ও মূর্খতারই বিশেষ প্রাচুর্য্য ছিল এবং সাহিত্যাদি বিলুপ্তপ্রায় হইতেছিল। ইহা অবশ্য স্বীকার করিতে হইবে যে, দশম শতাব্দীতে ইউরোপে দর্শন, জ্যোতিষ ও অক্ষর প্রভৃতি শাস্ত্রের যে উন্নতি হইয়াছিল, মুসলমানগণই তাহার মূল কারণ। স্পেনদেশীয় মুসলমানগণ ইউরোপের দর্শন শাস্ত্রের জন্মদাতা। মুসলমানদিগের সময়ে ক্রুসেদের যুদ্ধকালে ইউরোপে রাজকীয় স্বাধীনতার সূত্রপাত হয়; এক্ষণে ইউরোপবাসিগণ উক্ত রাজকীয় স্বাধীনতার সুফল ভোগ করিয়া অহঙ্কার করিতেছেন। এই রাজকীয় স্বাধীনতার জন্ম ইউরোপবাসিগণের চিরকাল মুসলমানগণের নিকট ধনী হওয়া উচিত। প্রাচীন গ্রীক দর্শনশাস্ত্রবিদদিগের বিজ্ঞান, দর্শন ও চিকিৎসা প্রভৃতি শাস্ত্রের উন্নতি মুসলমানদিগের দ্বারা সম্পাদিত হইয়াছিল, কেননা ইসলাম আবির্ভূত হইবার পূর্বে ইউরোপবাসিগণ অজ্ঞানানুকারে নিদ্রা যাইতেছিল; এবং উক্ত হিতকর শাস্ত্রগুলি বিলুপ্তপ্রায় হইয়াছিল।”

চেম্বার্ন সাহেব বলেন, “ইসলামের আবির্ভাবে অন্ধার বিচার, অহঙ্কার, প্রতিহিংসা, ঈর্ষা, পরিহাস, অর্থলোলুপতা, ইচ্ছিন্নপরায়ণতা ও অবিশ্বাস প্রভৃতি দেশ মধ্য হইতে দূরীভূত হইয়াছে। ধৈর্য্যশীলতা, মহামুভাবতা, দানশীলতা, বিনয়, সহিষ্ণুতা, মিতব্যয়িতা ও শান্তিপ্ৰিয়তা প্রভৃতি সদগুণরাশি মানব অন্তরে অধিকার লাভ করিয়াছে। ইসলাম, বিজ্ঞান প্রভৃতি হিতকর শাস্ত্র ইউরোপে প্রচলিত করিয়াছিল। মুসল-

মানবগণ অহঙ্কারের সহিত বলিতে পারেন যে, তাঁহারা অজ্ঞানাক্ষর ইউরোপকে ৯ম হইতে ১৩শ শতাব্দী পর্য্যন্ত জ্ঞানরূপ আলোক দ্বারা আলোকিত করিয়াছিলেন। মুসলমানদিগের সময়ে গ্রীক ও রোমীয় দর্শন, বিজ্ঞান ও সাহিত্যশাস্ত্রের উন্নতি সাধিত হইয়াছিল। দর্শন, চিকিৎসা, ভূগোল, ইতিহাস, ব্যাকরণ, সাহিত্য ও প্রাণীবিদ্যা প্রভৃতি শাস্ত্র মুসলমানগণের হস্তে নানা ফলপুষ্পে সুশোভিত হইয়াছিল। এক্ষণে মানবগণ ঐ সকল শাস্ত্রের সুফলাদি সুখে ভোগ করিতেছে।” একজন বিজ্ঞ লেখক বলেন, ‘ইসলাম দেশব্যাপী শিশুহত্যা নিবারণ করিয়াছে আর সুদ গ্রহণের নিষিদ্ধতা প্রচার করিতে অনেক লোক সর্কস্বাপ্ত হইতে রক্ষা পাইয়াছে।’

প্রসিদ্ধ দার্শনিক কারলাইল বলিয়াছেন, “ইসলাম অন্ধকারে জন্মগ্রহণ করিয়া আলোক দ্বারা চতুর্দিক সুশোভিত করিয়াছিল, আরব-দেশ ইহার প্রভাবে জীবন প্রাপ্ত হইয়াছে। অজ্ঞানাক্ষরাক্ষর আরব-দেশে ইসলাম জন্মগ্রহণ করিয়া এক শতাব্দীর মধ্যে পশ্চিমে গ্রাণাডা হইতে পূর্বে দিল্লীর রাজসিংহাসন পর্য্যন্ত সমুদয় স্থানে সত্যের আলোক প্রজ্জ্বলিত করিয়াছিল।”

স্বাধীনভাবে ধর্ম বিষয়ে বিচার করিবার ক্ষমতা ।

ইহুদীগণ তওরস্বতের প্রত্যেক বাক্যই খোদাতালার বাক্য বলিয়া বিশ্বাস করে এবং প্রত্যেকেই তাহাতে কোনরূপ মতামত প্রকাশ না করিয়া আস্থা স্থাপন করিয়া থাকে।

খৃষ্টানদিগের মধ্যে খোদাতালার বাক্য সম্বন্ধে মতভেদ আছে, তাহাদের মধ্যে কেহ কেহ সমুদয় বাইবেলকে (ইঞ্জিলকে) খোদা-

ভাগ্য বা ক্য বলিয়া গ্রহণ করে, কেহ কেহ বাইবেলের ঐতিহাসিক বিবরণ ভিন্ন কেবল শিক্ষা ও উপদেশগুলিকে খোদাতালার বা ক্য বলিয়া বিশ্বাস করে। খৃষ্টানগণের উপরোক্ত স্বাধীন মত ভিন্ন আর দুইটি প্রধান বিষয়ের উপর বিশ্বাস স্থাপন করিতে হয়। সেই দুইটি বিষয় স্বাধীনভাবে ধর্মসম্বন্ধে বিচারের মূলে কুঠারাঘাত করে। তাহার মধ্যে প্রথমটি এই, “তিনে এক, একে তিন,” এইটি অতি অদ্ভুত বিশ্বাস। “তিন খোদা” শব্দটি হজরত ঈসার মৃত্যুর ২০০ বৎসর পর্য্যন্ত কেহই অবগত ছিল না। কিন্তু খৃষ্টীয় ২য় শতাব্দীতে আন্টিওকের (আন্তা-কিয়া) বিশপ মিকিলাস ঐ তিন খোদাবাদ মতটি প্রথম আবিষ্কার করেন। পরে খৃঃ ৩২৫ অব্দে নাইসিয়া একটা সভা আহ্বান করিয়া আরতসের একেশ্বরবাদ মতটি খণ্ডনপূর্ব্বক উক্ত মতটি প্রচলন করেন। আবার পোরসেন প্রভৃতি বিজ্ঞ গ্রীকগণ প্রমাণ করেন যে, পূর্বে বাইবেলে তিন খোদাবাদ মতটি উল্লিখিত ছিল, কিন্তু তাহা বাইবেল হইতে বিলুপ্ত করা হইয়াছে। যদি কেহ খৃষ্টীয়ধর্মের উপকারিতা প্রাপ্ত হইতে ইচ্ছা করে, তাহা হইলে তাহার উক্ত মতটিতে বিশ্বাস স্থাপন করিতে হইবে। খৃষ্টানগণ উক্ত মত প্রচলন করিবার জগৎ প্রাণপণে যত্ন করিয়া থাকেন। ২য়—হজরত ঈসা মানবগণের বর্ত্তমান, অতীত ও ভবিষ্যৎ পাপ ক্ষমার জগৎ জীবনোৎসর্গ করিয়াছিলেন। এই মতটি প্রকৃতি ও বিবেকের মূলাৎপাটনপূর্ব্বক ধর্ম সম্বন্ধে স্বাধীন বিচারের মূলে কুঠারাঘাত করিতেছে। ইহাতে অতি পাপী লোকও পবিত্র লোকে পরিণত হয় এবং বোধ হয়, ইহাতে নরক শূন্য থাকিবে, কেননা পাপী লোকের উদ্ধারের জগৎ হজরত ঈসা জীবনোৎসর্গ করিয়াছেন। উক্ত মতটি প্রচারিত হওয়াতে জগতে নানা পাপস্রোত প্রবাহিত হইতেছে। যে ধর্ম যত অধিক গোলযোগ, সেই ধর্ম যদি তত অধিক-

তর বিশ্বাস স্থাপন করা সম্ভবপর হয়, তাহা হইলে খৃষ্টানদিগের বিশ্বাসকে দৃঢ়তর বলিতে পারি ।

কিন্তু ইসলাম ধর্মে “ধর্ম সম্বন্ধে স্বাধীন বিচার” বিষয়ে কোন প্রতিবন্ধক নাই । ইহাতে ঐরূপ প্রতিবন্ধক নাই বলিয়া, বিজ্ঞ খৃষ্টানগণ ইহার বিশেষ প্রশংসা করিয়াছেন । আমরা তওরয়ত ও ইঞ্জিলের কোন স্থানে ধর্ম সম্বন্ধে এরূপ স্বাধীনভাব দেখিতে পাই না । ইসলামের মূল ভিত্তি “একেশ্বরবাদ,” ইহা সকলকেই স্বীকার করিতে হইবে । কোরাণ শরিফে কাহাকেও অন্ধরূপে ধর্ম গ্রহণ করিতে শিক্ষা দেয় না, কেবল প্রকৃতিস্থ পদার্থাদি প্রমাণ স্বরূপ করিয়া ধর্ম শিক্ষা দিয়া থাকে । ইহা প্রথমে খোদাতালাার একত্ববাদ প্রকৃতিস্থ পদার্থ দ্বারা প্রমাণিত করে ; তৎপরে ধর্ম গ্রহণ করিতে লোকদিগকে আহ্বান করে । কোরাণ শরিফে উক্ত হইয়াছে, “পৃথিবীর চতুর্দিকে নেত্রপাত কর, ইহা কি খোদাতালাার আলৌকিক কার্য্য নহে ? বহুপি তোমাদের ধর্মচক্ষু প্রস্ফুটিত হয়, তাহা হইলে সকল পদার্থে তাঁহার নিদর্শন দেখিতে পাইবে । এই পৃথিবী—খোদাতালা তোমাদের জগৎ সৃষ্টি করিয়াছেন এবং ইহাতে তোমাদের পথ প্রদর্শন আছে । তোমরা ইহাতে বাস কর ও ইহার চতুর্দিকে ভ্রমণ কর । অনন্ত আকাশে মেঘ ধুও ঝুলিতে থাকে, তাহারা কোথা হইতে আসে ? তাহারা সমুদ্র গর্ভ হইতে উৎপন্ন হয় । ঐ মেঘ হইতে বারি বর্ষণ হয়, যাহাতে নির্জীব জগৎ সজীব হয়, তৃণলতাদি উৎপন্ন হয় এবং খর্জুর বৃক্ষসমূহ ফলবান হয় । ইহা কি খোদাতালাার নিদর্শন নয় ? তোমাদের গৃহপালিত, পশুও খোদাতালা সৃষ্টি করিয়াছেন, তাহারা তোমাদের জগৎ ; তাহারা তৃণলতাদিকে দুগ্ধে পরিণত করে, তোমরা তাহাদের হইতে পরিধের বস্ত্রাদি প্রাপ্ত হও । ঐ সকল পশু সন্ধ্যার সময় গৃহে আসে, * * * ইহাতে তোমাদের লাভ হয় ।

প্রকাণ্ড পৰ্ব্বতসদৃশ অৰ্ণবপোতসমূহ বস্তুৰূপ পক্ষ বিস্তার করিয়া সমুদ্রে চালিত হয়—বায়ু তাহাদিগকে চালিত করে—নচেৎ তাহারা অচলভাবে অবস্থান করিত—খোদাতালা বায়ু চালিত করেন—তাহারা গমনাগমন করিতে পারিত না ; ইহা কি খোদাতালাৰ অলৌকিক কাৰ্য্য নয় ? খোদাতালা তোমাদিগকে অল্পপরিমাণ কৰ্দম হইতে সৃষ্টি করিয়াছেন । তোমরা একদা অতি ক্ষুদ্র ছিলে, ইহাৰ কিছুদিন পূৰ্বে তোমরা কিছুই ছিলে না । তোমাদের সৌন্দৰ্য্য, বল ও চিন্তাশক্তি আছে, আর পরস্পরের উপর দয়াজ্ঞ হও । তোমাদের উপর বন্ধকাল আসে এবং তোমাদের কেশরাশি শুভ্রবর্ণ হয়, তোমাদের বল হ্রাস হয় ও তোমরা মৃত্যুমুখে পতিত হও * * * তোমরা পরস্পরকে ভালবাস, * * * খোদাতালা কি তোমাদিগকে দয়াজ্ঞচিত্ত করিয়া সৃজন করেন নাই ? তবে ইহা কিরূপে হইল ?” কোরাণ শরিফে এইরূপ অনেক আয়েত আছে, যাহাতে প্রকৃতিস্থ পদার্থসমূহ দৰ্শন করিয়া এক খোদাতালাৰ উপাসনাৰ নিযুক্ত হওয়া যায় ।

ইসলাম কি তরবারি বলে প্রচারিত হইয়াছিল ?

ইসলামধৰ্ম্মের নীতিসমূহের প্রতি মানবগণের স্বাভাবিকই ভক্তির উদয় হইয়া থাকে । যে ধৰ্ম্মের নীতিসমূহ মানব অন্তরে স্বাভাবিকই উদয় হয়, তাহা গ্রহণ করিবার জন্ত কাহারও উপর বল প্রয়োগ করিতে হয় না । বিস্তৃত পাঠকবর্গ কোরাণ-শরিফের উপরোক্ত আয়েতগুলি পাঠে স্পষ্টই ইসলামধৰ্ম্মের শিক্ষার বিষয় বুঝিতে পারিবেন । কোরাণ-শরিফে উক্ত হইয়াছে, “ধৰ্ম্ম গ্রহণে কাহাকেও বল প্রদৰ্শন করিও না, অসত্য

হইতে সত্য প্রকাশিত হইয়া পড়ে ।” “যদি খোদাতালা ইচ্ছা করিতেন, তাহা হইলে যাহারা পৃথিবীতে আছে, তাহারা সকলে অবশ্য একযোগে বিশ্বাসী হইত ; এবং তুমি কি লোকদিগকে বিশ্বাসী হইতে বল প্রয়োগ করিবে ? খোদাতালার আদেশ ভিন্ন কেহই বিশ্বাসী হইতে পারে না এবং যাহারা জ্ঞান রাখে না, তাহাদের প্রতি দুর্গতি প্রেরণ করেন ।”

হজরত মুসার আদেশ এই ছিল, “পৌত্তলিক ও কাফেরদিগকে ধ্বংস কর, কাহাকেও রক্ষা করিও না ।” কিন্তু ইসলামে তাহার নাম মাত্র নাই । ইসলাম, কাফের ও জড়োপাসকদিগকে ধ্বংস কিম্বা মানবজাতিকে ইসলামধর্ম গ্রহণ করিবার জন্য তরবারি গ্রহণ করে নাই । কিন্তু চির সত্য ও অদ্বিতীয় নিরাকার আলার উপাসনা সমুদয় লোকের মধ্যে প্রচার করিবার জন্য ইসলাম প্রাণপণে চেষ্টা করিয়াছিল ।

“একমাত্র আলার অস্তিত্ব মানবজাতিকে শিক্ষা দেওয়া” ইসলাম ধর্ম্মানুযায়ী অতি সুখ্যাতির কার্য্য । যে সকল মুসলমান কাফেরের দেশে একেশ্বরবাদ প্রচার ও তদনুযায়ী কার্য্যকরণে ব্রতী হইয়াছিলেন, তাঁহাদিগকে আত্মরক্ষার জন্য তরবারি ধারণ করিতে অনুমতি দেওয়া হইয়াছিল, যেন তাঁহারা তথায় শান্তিস্থাপন করিয়া লোকদিগকে পবিত্র ধর্ম্মের আচারব্যবহার ও রীতিনীতি অনুসারে কার্য্যকরণে সক্ষম করিতে পারেন এবং নির্ঝিল্লি তাহাদিগকে নানাবিধ উপদেশ শিক্ষা দিতে পারেন । যখন দেশ মধ্যে শান্তি স্থাপিত হইয়াছিল, তখনসকলেই অস্ত্রত্যাগ করিয়াছিলেন অর্থাৎ যখন মুসলমানগণ আরবদেশে নিরাপদে বাস করিতে পারিয়াছিলেন, তখন তাঁহারা অস্ত্রত্যাগ করিয়াছিলেন ; ইহার বিষয় পূর্বে বর্ণিত হইয়াছে ।

মুসলমানগণ ও হজরত মহম্মদ কাফেরদিগের অত্যাচারে কিরূপ উৎপীড়িত হইয়াছিলেন, তাহা এই পুস্তকে বিশেষরূপে বর্ণিত হইয়াছে । যদি সেই সময়ে হজরত মহম্মদ মুসলমানদিগকে আত্মরক্ষার্থ তরবারি ধারণ

করিতে না বলিতেন, তাহা হইলে সেই সময়েই মুসলমানগণ সমূলে বিনষ্ট হইতেন এবং সত্য ধর্মের উপাসনা করিবার জন্ত জগতে আর কেহই থাকিত না।

ধর্ম-সম্বন্ধে মানবকে স্বাধীনতা দান ।

কোন কোন ইউরোপীয় ইতিবৃত্ত লেখক বলেন যে, ইসলাম, ধর্মসম্বন্ধে কাহাকেও স্বাধীনতা দান করে না, কিন্তু এই বিষয়টী তাঁহাদের বুদ্ধিবার সম্পূর্ণ ভুল। যদিও কোন কোন মুসলমান শাসনকর্তা ধর্ম-সম্বন্ধে লোকের উপর অত্যাচার করিয়াছেন, কিন্তু তাহা ধর্মবিগহিত কার্য, কলতঃ তাহা দেখিয়া ইসলামের উপর উক্তরূপ দোষারোপ করা উচিত নহে। তাঁহারা ধর্মানুসারে লোকের প্রতি অত্যাচার করিয়াছেন কি না, তাহার অনুসন্ধান করিলে আমরা দেখিতে পাইব যে, তাঁহাদের কার্যসমূহ ধর্মের সম্পূর্ণ বিপরীত। মুসলমান শাসনকর্তাগণ ধর্মানুসারে জাতি ও বর্ণভেদ না করিয়া প্রকৃতিপুঞ্জকে শাসন করিতে একান্ত উৎসুক ছিলেন এবং সকলকে ধর্মসম্বন্ধে স্বাধীনতা দান করাই তাঁহাদের প্রধান উদ্দেশ্য ছিল। ইতিহাস হইতে এমন শত সহস্র উদাহরণ দেখান যাইতে পারে যে, ইসলাম কখন কাহাকেও ধর্ম সম্বন্ধে কোনরূপ অত্যাচার করে নাই, সকলকেই ধর্মবিষয়ে স্বাধীনতা দিয়াছে। আমরা নিয়ে কতকগুলি প্রধান প্রধান খৃষ্টানলেখকের মত উদ্ধৃত করিয়া এতদ্বিষয়ে ক্ষান্ত থাকিব। তাহাতে সকলে স্পষ্টই দেখিতে পাইবেন যে, মুসলমানগণ ধর্ম সম্বন্ধে মানবগণকে কিরূপ স্বাধীনতা দান করিয়াছিলেন।

চেম্বার্স সাহেবের স্পেনদেশের ইতিহাস সম্বন্ধীয় প্রবন্ধে লিখিত আছে,

“মুসলমান শাসনকর্তৃগণ যেরূপ সূনিয়মে রাজ্যশাসন করিয়াছিলেন, তাঁহাদের পরে কোন খৃষ্টীয় শাসনকর্ত্তা এমন কি ঊনবিংশ শতাব্দীর কোন শাসনকর্ত্তা সেইরূপ সু পণালীতে রাজ্যশাসন করিতে পারেন নাই ।”

গড়ফ্রেহিজিন্ লিখিয়াছেন, “ধর্মবিষয়ে লোকের স্বাধীনতা দান সম্বন্ধে খৃষ্টীয় ধর্মযাজকেরা মুসলমানগণের প্রতি নানা দোষারোপ করিয়া থাকেন, এইটী তাঁহাদের অতি আশ্চর্যজনক পরিন্দা । কাহারা মরিস্কোদিগকে স্পেনদেশ হইতে দূরীভূত করিয়াছিল ? যেহেতু তাহারা খৃষ্টধর্মাবলম্বন করে নাই । কাহারা মেক্সিকো ও পেরুর কোটী কোটী লোকদিগকে হত্যা ও দাসত্বে পরিণত করিয়াছিল ? যেহেতু তাহারা খৃষ্টধর্মাবলম্বী ছিল না । মুসলমানগণ গ্রীকজাতির উপর কিরূপ ব্যবহার করিয়াছিলেন ? তাহারা বহু শতাব্দী পর্যন্ত মুসলমানগণের শাসনে স্বীয় সম্পত্তি, ধর্ম, পুরোহিত, বিশপ ও গির্জা প্রভৃতি লইয়া সুখে বাস করিয়াছিল । পরে গ্রীকদিগের সহিত মুসলমানদিগের যে বিবাদ উপস্থিত হইয়াছিল, তাহার সঙ্গে ধর্মের কোন সম্বন্ধ ছিল না । দেয়ারারার নেগ্রোদিগের সহিত ইংরাজদিগের যে যুদ্ধ হইয়াছিল, তাহার কারণ এই যে, নেগ্রোগণ খৃষ্টধর্মাবলম্বন করিয়াও ইংরাজদিগের ঞ্চায় রাজনীতি ও সমাজনীতি প্রভৃতির সমান অধিকার লাভ করিতে পারে নাই । কিন্তু মুসলমান শাসনকর্ত্তাদিগের সময়ে কাহারা ইসলামধর্ম গ্রহণ করিত, তাহারা সকলে রাজনীতি ও সমাজনীতি প্রভৃতির সুখ সমভাবে ভোগ করিতে পারিত । এমন কি, অনেক বিজ্ঞ বিদ্বান্ ও মুসলমান রাজ্যে উচ্চ রাজকর্ম প্রাপ্ত হইতেন । একজন বিজ্ঞ খৃষ্টান বলিয়াছেন, “মুসলমানেরা কাহাকেও অত্যাচার করিত ন’, তাঁহাদের রাজ্যে ইহুদী ও খৃষ্টানগণ সুখে বসবাস করিত ।”

“যদিও মরিকোগণ খৃষ্টধর্ম গ্রহণ করে নাই বলিয়া দেশচ্যুত হইয়াছিল, তথাপিও আমাদের বিশ্বাস এই যে, খৃষ্টধর্মযাজকগণ অনেক দিন পর্যন্ত তাহাদিগকে ধর্মোপদেশ দিয়াও শেষে যখন দেখিলেন যে, তাহারা ধর্ম গ্রহণ করিল না, তখন ধর্মযাজকগণ তাহাদিগকে দেশ হইতে বহির্গত করিয়া দিবার জন্য শাসনকর্তাকে পরামর্শ দিয়াছিলেন ; তজ্জগুই শাসনকর্তা নিরীহ লোকগুলিকে দেশচ্যুত করিয়াছিলেন । মুসলমান শাসনকর্তৃগণ গ্রীক, পারসিক, খৃষ্টান ও হিন্দু প্রভৃতি জাতির রাজ্য আক্রমণ কালে, তাহাদের উপর যে অত্যাচার করিয়াছিলেন, তাহা ভিন্ন রাজ্যে শান্তি স্থাপিত হইলে আর কোনরূপ অত্যাচার করেন নাই, তাহাদের রাজ্যে অন্যান্য ধর্মাবলম্বীগণ জিজিষা দিয়া সুখে জীবনযাত্রা নির্বাহ করিতেন । কোন মুসলমান শাসনকর্তার রাজত্বকালে একপুণা যায় নাই যে, রাজ্যে শান্তি স্থাপিত হইলে প্রজাবর্গ ইসলামধর্ম গ্রহণ করে নাই বলিয়া নিহত হইয়াছে । যদিও শেষকালে কোন কোন মুসলমান শাসনকর্তা প্রজাদিগের উপর বৎসামান্য অত্যাচার করিয়াছিলেন, তথাপিও তাহারা খৃষ্টান শাসনকর্তৃগণ অপেক্ষা শতগুণে উত্তম । আমাদের বিশ্বাস যে, জেনিভা নগরস্থ মিষ্টার ড্রুমগু আমাদের ধর্মের বিরুদ্ধে মত প্রকাশ করিতে, আমাদের ধর্মযাজকগণ যেরূপ তাহাকে হত্যা করিতে উত্তত হইয়াছিলেন ; সেইরূপ যদি এই সুসভ্য সময়ে কোন মুসলমান ধর্মোপদেশক লণ্ডন নগরের মধ্যস্থলে একটা মসজিদ নির্মাণ করিয়া ইংরাজদিগকে কোরান-শরিফ শিক্ষা দেয়, তাহা হইলে বোধ হয়, আমাদের ধর্মযাজকগণের পরামর্শ মহাসভার সভ্যগণ আমাদের জলবুদ্ধের সৈন্যধ্যক্ষকে কনষ্টান্টিনোপল আক্রমণ করিতে আদেশ দেন ।”

জন ডেভনপোর্ট লিখিয়াছেন, “২০০ বৎসর কাল স্থায়ী ক্রুসেদের যুদ্ধে কোটা কোটা নির্দোষ তুর্কি, খৃষ্টানগণের হস্তে নিহত হইয়াছিল ।

রাইন নদীর দক্ষিণ পাশে হইতে ইউরোপের উত্তর প্রান্ত পর্যন্ত তাৎ
ভূভাগে লুথারধর্মাক্রান্ত অসংখ্য লোক রোমান ক্যাথলিক খৃষ্টানগণ
দ্বারা নিহত হইয়াছিল। ইংলণ্ডের রাজা অষ্টম হেনরি ও তদীয় কন্যা
মেরি এবং ফ্রান্সের সেন্টবারথলোমো বিধর্মীদিগকে হত্যা করিতে
আদেশ দিয়াছিলেন। প্রথম ফ্রান্সিসের রাজত্ব কালে ৪০ বৎসর কাল
পর্যন্ত কেবল বিধর্মী হত্যার আজ্ঞা প্রচলিত ছিল। আর ২০ বৎসর
পর্যন্ত পোপের সহিত পোপের, বিশপের সহিত বিশপের বিবাদ চলিয়া-
ছিল, এই বিবাদে কতদূর অশ্রদ্ধা, অত্যাচার ও পাপকার্যাদি অনুষ্ঠিত
হইয়াছিল, তাহা লেখনি দ্বারা প্রকাশ করা যায় না; এমন কি, পোপ
প্রভৃতি ধর্মযাজকগণ নিরো কিস্বা কালিগুলা অপেক্ষাও পাপজনক
নিষ্ঠুর কার্যাদি সম্পন্ন করিয়াছিল এবং ১২ জন পোপ বিধ প্রয়োগে
মৃত্যুগ্রাস্তে পাতিত হইয়াছিল। আমেরিকার আদিমবাসিগণ খৃষ্টধর্ম
গ্রহণ না করাতে খৃষ্টান শাসনকর্তৃগণ তাহাদের ১২ কোটি লোককে
হত্যা করিয়াছিলেন, এই হত্যাকাণ্ডটি মুসল্লী সময়েই সম্পন্ন হইয়া
গিয়াছে।”

অন্য আর এক জন খৃষ্টান লেখকের ইতিবৃত্তের শেষাংশটা নিম্নে
উদ্ধৃত করিয়া দেওয়া গেল। “ইসলাম যে যে দেশে বিস্তার হইয়াছে,
সেই সেই দেশের ইতিহাস পাঠে অবগত হওয়া যায় যে, ইহা সকল
স্থানেই লোকদিগকে ধর্ম বিষয়ে স্বাধীনতা প্রদান করিয়াছিল। ১২০০
বৎসর পূর্বে পালেস্টাইনের এক জন খৃষ্টান কবি (লামারটাইন)
বলিয়াছিলেন, ‘পৃথিবীর মধ্যে কেবল মুসলমানেরাই ধর্ম সম্বন্ধে
লোকদিগকে স্বাধীনতা দান করিয়া থাকে। মুসলমানগণ ধর্মসম্বন্ধে
লোকদিগকে অশেষ স্বাধীনতা দান করেন বলিয়া একজন ইংরেজ
ভ্রমণকারী (গ্লেড) তাঁহাদিগকে তিরস্কার করিয়াছিলেন।’”

ঈসায়ী ও মুসায়ীগণ ইসলাম হইতে কি কি উপকার

লাভ করিয়াছেন ?

এখানে মুসায়ী ও ঈসায়ীগণের বিষয় একত্রে লিখিত হইল, কেননা হজরত ঈসা, হজরত মুসার নিয়মাদি কিছুই পরিবর্তন করেন নাই। হজরত ঈসা স্বয়ংই বলিয়া গিয়াছেন, “আমি ব্যবস্থা কি ভাববাদীদের গ্রন্থ লোপ করিতে আসিয়াছি, এমন বোধ করিও না। আমি লোপ করিতে আসি নাই, কিন্তু পূর্ণ করিতে আসিয়াছি (মথি ৫ম অধ্যায় ১৭ কবিতা)।” সেই কারণে ঈসায়ীগণ ইসলাম হইতে যেরূপ উপকারিতা লাভ করিয়াছে, মুসায়ীগণও ইসলাম হইতে সেইরূপ উপকারিতা লাভ করিয়াছে, তাহাতে আর কোন সন্দেহ নাই। নিঃসন্দেহ, মুসায়ীধর্ম খোদাতালার প্রেরিত এবং ইহাতে তৎকালীন লোকদিগের মুক্তির জন্ত যে পরিমাণে অদ্বিতীয় নিরাকার খোদাতালার উপাসনা আবশ্যক হইত, তাহাই বর্ণিত আছে। ইসলাম অদ্বিতীয় নিরাকার খোদাতালার বিষয় বিশদরূপে শিক্ষা দেওয়াতে মুসায়ীধর্ম খোদাতালার একত্ববাদ সম্বন্ধে বল প্রাপ্ত হইয়াছে।

অদ্বিতীয় নিরাকার খোদাতালার উপাসনা তিনটি বিষয়ের দ্বারা সম্পূর্ণতা প্রাপ্ত হয় ; ১ম আল্লাহর একত্ববাদ স্বীকার করা ; ২য়, খোদা বোধে অন্য কাহাকে উপাসনা করা অন্যায ; ৩য়, খোদাকে আন্তরিক ভক্তির সহিত উপাসনা করা উচিত। প্রথম দুইটি মুসায়ীধর্মে অসম্পূর্ণরূপে প্রচলিত ছিল এবং তৃতীয়টি মুসায়ীগণ সম্পন্ন করিবার জন্ত একেবারে স্পর্শও করে নাই। ইসলাম প্রথম দুইটিকে সম্পূর্ণতায় পরিণত করিয়াছে এবং তৃতীয়টিকে উপাসনা (নামাজ) দ্বারা সম্পন্ন করিতেছে। এইরূপে ইসলাম অদ্বিতীয় নিরাকার খোদাতালার উপাসনা সম্পূর্ণতায় পরিণত করিয়াছে। কোরাণ শরীফে উক্ত হইয়াছে ; “অদ্য আমি তোমার জন্ত

তোমার ধর্মকে পূর্ণ করিলাম, আমার অনুগ্রহ তোমার উপর শেষ করিলাম এবং আমি তোমার জন্তু ইসলামধর্ম মনোনীত করিরাছি।”

পুনর্বিচারের দিন ও মৃত্যুর পর মানবাত্মার বিষয় তওরয়তে কিছুই বর্ণিত নাই, কিম্বা পুণোর পুরস্কার ও পাপের দণ্ডের বিষয় কিছুই উল্লিখিত নাই। হজরত মুসার পর হইতে হজরত ঈসা পর্য্যন্ত যে সকল ধর্ম-প্রবর্তক অনুগ্রহণ করিরাছিলেন, তাঁহারা কেহ কেহ পুনর্বিচার ও মৃত্যুর পর মানবাত্মার অবস্থা কিছু কিছু বর্ণনা করিরা গিরাছেন। কিন্তু ইসলাম ঐ সকলের বিষয় যেরূপ সুন্দর রূপে বর্ণনা করিরাছে, এরূপ আর কোন ধর্মপ্রবর্তক কখন প্রচার করিরা যান নাই। ইহাতে বোধ হইতেছে যে, উক্ত কার্য ইসলাম দ্বারাট সম্পন্ন করা খোদাতালাার অভিপ্রেত ছিল। ইসলাম পাপপুণ্য ও স্বর্গনরকের বিষয় অতি সুন্দর রূপে বর্ণনা করিরাছে।

ইসলাম হইতে মানবজাতির কি কি উপকার

সংসাধিত হইয়াছে ?

পৃথিবীতে এমন কোন ধর্ম নাই, যাহা ঈসায়ী ধর্মের সহিত বিশেষ সহানুভূতি প্রকাশ করিরাছে এবং তাহার উপকার করিরাছে। ইসলাম ঈসায়ীধর্মের পক্ষাবলম্বনপূর্ব্বক মুসায়ীধর্মের সহিত বিশেষ তর্কবিতর্ক করিরাছে এবং স্পষ্টই স্বীকার করিরাছে যে, নিঃসন্দেহ হজরত ঈসা খোদাতালাার বাক্য (কলেমাতল্লা)। অতএব ইসলাম ভিন্ন আর কোন ধর্ম ঈসায়ীধর্মের এরূপ পক্ষাবলম্বন করে নাই। হজরত ঈসার শিষ্যগণের (হাওয়ারি) মৃত্যুর পর ঈসায়ীধর্মে যে সকল দোষ প্রবেশ করিরাছিল, তাহার মধ্যে “তিন খোদাবাদ” মতটি প্রধান, ঐ মতটি চির সত্য ও হজরত ঈসার

মতের সম্পূর্ণ বিপরীত । ইসলামের প্রশংসা এই যে, ইহা একেশ্বরো-
পাসনা পুনঃ স্থাপন করিয়াছে এবং হজরত ঈসার প্রচারিত পবিত্র ধর্মকে
পুনর্জীবিত করিয়াছে । ইহা তৎকালীন ঈসায়ীদিগকে তাহাদের দোষ
দেখাইয়া দিত এবং তাহাদিগকে সত্য ধর্মাবলম্বন করিতে আহ্বান করিত ।
বিভিন্ন ঈসায়ীগণ ইসলামের পবিত্র উপদেশ শ্রবণে আপনাদের ছরবছার
বিষয় জানিতে পারিয়া পূর্নাবস্থা প্রাপ্ত হইতে চেষ্টা করিয়াছিলেন ।
এক্কে সেই সকল বিস্তৃত ঈসায়ী আপনাদিগকে ইউনেটোরয়ান * খৃষ্টান
বালিয়া অঙ্কার করিয়া থাকেন ।

ঈসায়ীগণের উপর পোপের অসাধারণ ক্ষমতা ছিল—ঈসায়ীগণ
পোপকে হজরত ঈসার প্রতিনিধি বলিয়া সম্মান করিত আর পোপ স্বর্গ
ও নরকের দ্বার উন্মুক্ত করিতে পারিতেন, তিনি যাহাকে ইচ্ছা তাহাকে
পাপপঙ্কে নিমগ্ন ও তাহা হইতে উদ্ধার করিতে পারিতেন, এইরূপ তাহা-
দের বিশ্বাস ছিল । তিনি বৈধ ও অবৈধ কার্য সকলের উপর একাধিপত্য
করিতেন, এমন কি, তিনি হজরত ঈসার স্মরণ মানবগণের উপর ক্ষমতা
প্রকাশ করিতেন । পোপের এই সকল অত্যাচারের হস্ত হইতে ইসলাম
ঈসায়ীদিগকে রক্ষা করিয়াছিল । পোপের ঐ সকল ক্ষমতার দোষারোপ
এবং ঈসায়ীগণকে ঐ সকল কুসংস্কারাপন্ন কার্য ত্যাগ করিবার জন্ত
কোরাণ শরীফে অনেকগুলি আয়েত অবতীর্ণ হইয়াছে । কোরাণ শরীফে
উক্ত হইয়াছে, “বল (হে মহম্মদ) হে গ্রন্থধারী লোক সকল ! তোমরা
আমাদিগের ও তোমাদিগের মধ্যে এক সরল উক্তির দিকে এস যে,
খোদাতালা ব্যতীত অন্যের উপাসনা করিব না, তাহার সঙ্গে অন্য বস্তুকে

* ইহারা ঈসাকে খোদাতালা বলিয়া স্বীকার করেন না, ধর্মপ্রচারক বলিয়া স্বীকার
করেন ।

অংশীরূপে স্থাপন করিব না এবং খোদাতালাকে ছাড়িয়া আমাদের কেহ আমাদের কাহাকে (প্রধান পুরোহিত ও পোপকে) খোদাতালা বলিয়া গণ্য করিব না ।” কোরাণ শরিফের উপরোক্ত আয়েতটী প্রচারিত হইলে হাতেমের পুত্র আদী—যিনি ঈসায়ীধর্ম ত্যাগ করিয়া ইসলামধর্ম গ্রহণ করিয়াছিলেন, তিনি এক সময়ে হজরত মহম্মদকে জিজ্ঞাসা করেন, “হে প্রেরিত পুরুষ ! আমরা পোপকে খোদাতালায় গায় উপাসনা করিতাম না ।” ইহাতে হজরত বলেন, “যাহা ধর্ম্যানুসারে অবৈধ, তাহা কি তাঁহার বৈধ বলিবার ক্ষমতা ছিল না ? তুমি খোদাতালায় বাকো যেকণ বিশ্বাস স্থাপন কর, সেইরূপ কি তাঁহার বাকো বিশ্বাস কর নাই ?” তিনি বলিয়াছিলেন, “হে প্রেরিতপুরুষ ! নিশ্চয়ই আমরা তাঙ্গ করিতাম ।” তখন ধর্ম-প্রচারক বলিতে লাগিলেন, “ ইহাতেই স্পষ্ট প্রতীক্ষমান হইতেছে যে, খোদাতালাকে ছাড়িয়া অন্টকে পোপকে) খোদারূপে গ্রহণ করা হইয়াছে ।” কোরাণ শরিফের এই পবিত্র উপদেশটী কিছু কাল পর্যান্ত ঈসায়ীগণ দূণার চক্ষু দেখিত ; কিন্তু সত্যের পথ কেহ কখন রোধ করিতে পারে না ; কিছুদিন পরে ইহা মানব অন্তরে আধিপত্য করিতে লাগিল । পরে ক্রমে ক্রমে ইগা মার্টিন্ লুথারের অন্তরে অঙ্কিত হইল । যখন তিনি কোরাণ-শরিফের উক্ত আয়েতটীতে স্বীয় ধর্মাবলম্বীদিগের দুরবস্থার বিষয় অবগত হইতে পারিলেন, তখন প্রকাশ্যে ঐ সকল কুসংস্কারের উচ্ছেদ সাধনে চেষ্টা করিতে লাগিলেন । যদিও তাঁহার বিপক্ষগণ তখন তাঁহাকে আন্তরিক মুসলমান বলিয়া প্রচার করিয়াছিল *; তথাপি তিনি তাহাতে

* যখন মার্টিন্ লুথার ধর্ম সংস্কার কার্যে ব্রতী হইয়াছিলেন, তখন জেনি ব্রাড পোপের পক্ষাবলম্বন করিয়া জর্মনীর ধর্ম সংস্কারকগণকে বিশেষতঃ লুথারকে বলিত যে, ঐ ব্যক্তি খ্রীষ্টরাজ্যে ইসলামধর্ম প্রচার করিতেছে এবং সমুদায় বিজ্ঞ খৃষ্টধর্মাবলম্বীকে উহাতে দীক্ষিত করিতেছে । মার্টিন্ বলিতেন যে, লুথারের ধর্ম আর ইসলামধর্ম

কিছুমাত্র শক্তি বা বিরত না হইয়া সত্য প্রকাশে বন্ধপরিকর হইলেন, এবং অবশেষে তাহাতে কৃতকার্যতা লাভ করিয়াছিলেন। তাঁহার সেই উপদেশাবলম্বী লোকেরা শেষে “প্রোটেষ্ট্যান্ট” খৃষ্টান বলিয়া বিখ্যাত হইয়াছেন এবং তাঁহারা মানবজাতিকে কুসংস্কারাপন্ন দাসত্ব ও পুরোহিতের হস্ত হইতে খোদাতালায় উপাসনার স্বাধীন করিয়া দিয়াছেন। তজ্জন্ত ইসলামের নিকট ঈসায়ীগণের যে চিরকাল কৃতজ্ঞ হওয়া উচিত, তাঁহাষয়ে সন্দেহ নাই।

সমাজ সংস্কার ।



ইসলামে স্ত্রীলোকদিগের অবস্থা ।

হজরত মহম্মদ (দং) কর্তৃক স্ত্রীলোকদিগের অবস্থার যতদূর উন্নতি সাধিত হইয়াছিল, অন্য কোন সংস্কারক বা তত্ত্ববাহকদিগের দ্বারা ততদূর উন্নতি সাধিত হয় নাই। হজরত মহম্মদের (দং) আবির্ভাব হইবার পূর্বে আরবে বহুবিবাহ ও স্ত্রীবর্জন (তালাক) প্রথার বড় প্রাচুর্য ছিল। কাহারও স্বস্তুর হইতে হইবে এই অপমানের হস্ত হইতে মুক্তি পাইবার জন্ত আরবের কোন কোন সম্প্রদায় ছুৎপোষ্য

প্রায়ই একরূপ, প্রতিমাপূজার বিলোপ সাধন করাই উত্তর খর্শের মূল উদ্দেশ্য। জাইভালডাস্ বলেন, “১৩টি বিষয় ছুই ধর্মে একরূপ। হজরত মহম্মদ কোরাণ শরীফ শিক্ষা দিতেন, ঐ ধর্মত্রষ্টগণও তাহাই শিক্ষা দেয়। হজরত মহম্মদ কাহাকেও বাপ্টাইজ করেন নাই, কলভিন্গণ তাহাও ভাল বলিয়া বিবেচনা করে না, ইত্যাদি।” (কোরাটালী রিভিউ, ২৫৪ সংখ্যা) ।

কল্পা বধ করিত। কিন্তু যে সকল কল্পা এই ভয়ানক হত্যাকাণ্ড হইতে রক্ষা পাইত, তাহারা তাহাদের পিতামাতার মৃত্যুর পর পৈতৃক ধনের অধিকারী হইতে পারিত না। আর কোন কোন সম্প্রদায় পিতার বিধবা স্ত্রীকে (বিমাতাকে) ও দুইটি সহোদরা স্ত্রীকে একেবারে এক সময়ে বিবাহ করিত। পিতার মৃত্যুর পর তাহারা মাতাকে গৃহ পালিত জীবজন্তুর স্থায় মনে করিত। আর তাঁহাদের যে কোন শত্রু বা জীবন আছে, তাহা তাহারা একেবারে বিবেচনা করিত না। অধিকন্তু স্ত্রীলোকের প্রতি কোন রূপ সম্মান প্রদর্শন করিত না, কিম্বা আহ্বান করিবার সময়ে কোন প্রকার সম্মানসূচক শব্দও ব্যবহার করিত না; সেই সকল অসভ্য আরববাসীর মধ্যে তাহারা ঘোরতর অসভ্য ছিল, তাহারা ধর্মপরায়ণা স্ত্রীলোকদিগকে নানা কুৎসিত ভাষায় গালাগালি দিত। তৎকালে স্ত্রীলোকদিগের পোষাক ও অবস্থার উন্নতির বিশেষ আবশ্যক হইয়া উঠিয়াছিল। পিতামাতাহীন অপ্রাপ্ত বয়স্ক বালিকাগণ তাহাদের অভিভাবকদিগের দ্বারায় বিশেষ অত্যাচারিত হইত; আর তাহা-দিগের সম্পত্তি পাইবার আশায় অনেকে এইরূপ বহুসংখ্যক বালিকার পাণিগ্রহণ করিত, তৎপরে তাহাদের সম্পত্তি আদি হস্তগত করিয়া তাহাদিগকে দারিদ্রতার ক্রোড়ে নিক্ষেপ করিয়া ত্যাগ করিত, তখন তাহারা নিঃসহায় অবস্থায় ঘরে ঘরে ভিক্ষা করিয়া বেড়াইত। কোরাণ শরীফের দ্বারায় ক্রমান্বয়ে স্ত্রীলোকদিগের অধঃপতন অবস্থার বিশেষ উন্নতি হইয়াছিল, আর অসংখ্য স্ত্রীর পাণিগ্রহণের পরিবর্তে চারিটি পর্য্যন্ত স্ত্রীর পাণিগ্রহণ করিবার বিধি বিধিবদ্ধ হইয়াছিল; এমন কি, এই চারিটি স্ত্রীর পাণিগ্রহণ করা আবার কতকগুলি বিশেষ বিশেষ নিয়মের উপর নির্ভর করে,—সকল স্ত্রীর সহিত সমান ব্যবহার করা বিধি, সক-
লের সহিত সমান ব্যবহার করিতে না পারিলে একের অধিক স্ত্রীর

পাণিগ্রহণ নিষিদ্ধ । অতএব ইহাতে দেখা যাইতেছে যে, কোরাণ শরিকের এইরূপ আদেশের দ্বারা বহুবিবাহ একরূপ নিষিদ্ধ হইয়াছে, বলিতে হইবে ।

স্ত্রীবর্জন (তালাক) সম্বন্ধেও কতকগুলি বিশেষ বিশেষ নিয়মও বিধিবদ্ধ হইয়াছিল ।

স্ত্রীদিগের প্রতি স্বামী যাহাতে অশ্রদ্ধা বাবহার করিতে না পারে, তজ্জন্ত কোরাণ শরিকে কয়েকটি আদেশ আছে । আর দুগ্ধপোষ্য কন্যাদিগকে বধ করা মহাপাপের কার্য্য এবং ইহাতে পরলোকে কঠিন শাস্তি পাইতে হইবে, তাহার বিষয় কোরাণ শরিকের ৪র্থ সুরার ১৫২ আয়েতে, ১৭শ সুরার ৩৩ আয়েতে ও ৮১ সুরার ৮ম ও ২ম আয়েতে উক্ত হইয়াছে । এইরূপে সমুদয় আরবে এমন কি, সমগ্র মুসলমান জগৎ হইতে দুগ্ধপোষ্য কন্যা বধ একেবারে চিরদিনের জন্ত উঠিয়া গিয়াছে । ইস্লামের দ্বারা স্ত্রীলোকদিগের উত্তরাধিকারিত্বের স্বত্ত্ব প্রথমে আরবে প্রচলিত হয় ; ইহার বিষয় কোরাণ শরিকের ৪র্থ সুরার ৮ম আয়েতে উক্ত হইয়াছে । পিতার বিধবা স্ত্রীকে অর্থাৎ বিমাতাকে বিবাহ করা আর দুই সহোদরা ভগ্নীকে এক সময়ে একেবারে বিবাহ করা যে গুরুতর পাপ, তদ্বিষয় কোরাণ শরিকের ৪র্থ সুরার ২৬ আয়েতে উক্ত হইয়াছে । বিধবা নারীগণ যাহাতে তাহাদের স্বামীর সম্পত্তি হইতে বঞ্চিত না হয়, তাহার বিষয় কোরাণ শরিকের ৪র্থ সুরার ২৩ আয়েতে উক্ত হইয়াছে ।

সকলের সহিত সমান ব্যবহার করা এবং কথোপকথন কালে সকলের সহিত সম্মানসূচক শব্দ ব্যবহার করা উচিত, ইহার বিষয় কোরাণ শরিকের ৪র্থ সুরার ১৭ আয়েতে উক্ত হইয়াছে । ধর্মপরায়াণা স্ত্রীলোকদিগের কুৎসা রচনা করা যাহাতে দমন হয় তৎপ্রতি হজরত মহম্মদ

(মঃ) মনোযোগী হইয়াছিলেন, তাহার বিষয় কোরাণ শরীফের ২৪ সূরার ৭, ৬, ২৩ আয়েতে উক্ত হইয়াছে। স্ত্রীলোকদিগের পরিচ্ছদ ও অলঙ্কারাদির উন্নতির সম্বন্ধে কোরাণ শরীফের ৩৩ সূরার ৫৯ আয়েতে ও ২৪ সূরার ৩১ আয়েতে উক্ত হইয়াছে। অনাথা নারীদিগের প্রতি সহ্যবহারের বিষয় কোরাণ শরীফের ৪র্থ সূরার ৩ ও ১২৬ আয়েতে উক্ত হইয়াছে।

স্ত্রীলোকদিগের উক্তবিধ শোচনীয় অবস্থার উন্নতিকল্পে ঐ সকল সামাজিক উপকারজনক উপায় অবলম্বিত হওয়াতে, তাহারা এতাবৎকাল পর্য্যন্ত পুরুষদিগের নিকট যেরূপে উৎপীড়িত হইতেছিল, তাহা হইতে মুক্তিলাভ করিল। উপরোক্ত বিষয় সম্বন্ধে কোরাণ শরীফের কতকগুলি আয়েতের অনুবাদ নিম্নে প্রদত্ত হইতেছে।

“হে লোক সকল! যিনি এক বান্ধি হইতে তোমাদিগকে সৃজন করিয়াছেন ও তাহা হইতে তাহার স্ত্রী সৃজন করিয়াছেন এবং এই উভয় হইতে বহু পুরুষ ও নারী বিস্তার করিয়াছেন, তোমরা তোমাদের সেই খোদাতালাকে ভয় কর; এবং যাহার নামে পরস্পর পরস্পরের অনুগ্রহ যাচঞা করিয়া থাক—এবং নারীজাতিকে সম্মান করিও, সেই খোদাতালাকে ভয় কর, নিশ্চয় খোদাতালা তোমাদিগের পরিদর্শক।” (আয়েত ১)।

“এবং যদি তোমরা আশঙ্কা কর যে, অনাথাদিগের প্রতি স্ত্রীর ব্যবহার করিতে পারিবে না, তবে অন্য সে সকল স্ত্রীলোককে তোমাদের অভিরুচি হয়, তদনুসারে দুই, তিন ও চারি নারীর পাণিগ্রহণ করিতে পার, পরন্তু যদি আশঙ্কা কর, তাহাদের সকলের সহিত সমান স্ত্রীর ব্যবহার করিতে পারিবে না, তবে কেবলমাত্র এক নারীকে (বিবাহ করিবে); কিম্বা তোমাদের দক্ষিণ হস্ত যাহার উপর অধিকার লাভ

করিয়াছে, তাহাকে (পত্নীস্থলে গ্রহণ করিবে), ইহাতে গ্ৰাহ্যপরতা করা তোমাদের পক্ষে সহজ সাধ্য হইবে (অর্থাৎ ইহা অগ্ৰাহ্য না করার নিকটবর্তী) । তোমরা নারীদিগকে সহর্ষে তাহাদের যৌতুক দান করিবে, পরন্তু যদি তাহারা আপনা হইতে সন্তোষপূর্বক তাহার কোন দ্রব্য তোমাдиগকে প্রদান করে, তবে সেই উপযুক্ত ও লাভজনক দ্রব্য তোমরা ভোগ কর ।” (আয়েত ৩ ও ৪)

“যাহা পিতামাতা ও স্বগণ পরিত্যাগ করে, তাহা হইতে পুরুষের অংশ এবং যাহা পিতামাতা ও স্বগণ পরিত্যাগ করে, তাহা অল্প বা অধিক হউক, তাহা হইতে নারীর অংশ নির্দ্ধারিত ।” (আয়েত ৭)

“হে বিশ্বাসিগণ, বলপূর্বক স্ত্রীগণের স্বত্ব গ্রহণ করা তোমাদের জন্য অবৈধ, স্পষ্ট হুকুমিয়া তাহাদের যোগ দেওয়া ব্যতীত তোমরা তাহাদিগকে যে কোন দ্রব্য দান করিয়াছ, তাহা গ্রহণ পূর্বক পুনর্বিবাহে তাহাদিগকে নিষেধ করিও না, এবং বৈধরূপে তাহাদের সঙ্গ করিবে, পরন্তু যদি তোমরা তাহাদিগকে অবজ্ঞা কর, তবে হয় তো এমন এক বস্তুকে অবজ্ঞা করিলে যে, যাহাতে খোদাতালা প্রচুর কল্যাণ করিয়া থাকেন ।” (আয়েত ১৯)

যদি তোমরা এক স্ত্রীর স্থলে অন্য স্ত্রীর পরিবর্তন ইচ্ছা কর, এবং তাহাদের একজনকে কেন্দ্র (বহুধন) দান করিয়া থাক, তবে তাহা হইতে কিছুই গ্রহণ করিবে না, তোমরা স্পষ্টই অপলাপ ও অপরাধ করিয়া কি তাহা গ্রহণ করিবে ?” (আয়েত ২০)

“এবং কি প্রকারে তোমরা তাহা গ্রহণ করিবে ? বস্তুতঃ পরস্পর তোমাদের একজন হইতে অন্য জনের প্রতি স্বত্ব হইয়াছে ও তাহারা তোমাদিগের হইতে দৃঢ় অঙ্গীকার গ্রহণ করিতেছে ।” (আয়েত ২১)

“যাহা নিশ্চয় হইয়া গিয়াছে, ওদ্ব্যতীত তোমাদের পিতৃগণ যে সকল

নারীকে বিবাহ করিয়াছে, তোমরা তাহাদিগকে বিবাহ করিও না, নিশ্চয় ইহা দুষ্কর্ম, আক্রোশবিশিষ্ট ও কুপথ ” (আয়েত ২৬)

“যদি তোমাদের মধ্যে কোন ব্যক্তি এই ক্ষমতা প্রাপ্ত না হয় (অর্থা-
ভাব প্রযুক্ত) যে স্বাধীন বিশ্বাসিনী কন্যাকে বিবাহ করে, তাহা
হইলে তোমাদের বিশ্বাসিনী দাসাদিগের যাহাকে তোমাদিগের দক্ষিণ
হস্ত অধিকার লাভ করিয়াছে (বিবাহ করিবে), খোদাতালা তোমা-
দের উত্তমরূপে জ্ঞাত । তোমরা পরস্পরের (তোমরা এক জন আর
এক জন হইতে উৎপন্ন) । অতএব তাহাদের প্রভুর আজ্ঞানুসারে
তাহাদিগকে বিবাহ কর এবং তাহাদিগকে ঔদাহিক দান প্রদান কর,
কিন্তু বাহাতে তাহারা অব্যভিচারিণী বিশুদ্ধা থাকে ও গুপ্ত বস্তু গ্রহণ
না করে, বিধিযতে তাহার চেষ্টা কর ।” (আয়েত ২৯)

“পুরুষ স্ত্রীলোকের উপর কর্তৃত্ব রাখে, খোদাতালা তাহাদের এক
জনকে অন্য জনের উপর শ্রেষ্ঠতা দান করিয়াছেন, তাহারা (পুরুষেরা)
তাহাদের প্রতিপালনের জন্য নিজের ধন ব্যয় করে বলিয়া ; পরন্তু
সাধবা নারীগণ বাধ্য হয়, খোদাতালা সংরক্ষণ করিয়াছেন বলিয়া
তাহারা গোপনায়ের (দাম্পত্য ধর্মের) সংরক্ষিকা । তোমরা যে সকল
নারীর অবাধ্যতা আশঙ্কা করিয়া থাক, তাহাদিগকে উপদেশ দান
কর, ও শয়নাগারে তাহাদিগকে ঘাইতে বারণ কর, এবং তাহাদিগকে-
প্রহার কর ; কিন্তু যত্বপি তাহারা তোমাদের অনুগত হয়, তবে তাহা
দের প্রতি কোন পথ অন্বেষণ করিও না ; নিশ্চয় খোদাতালা শ্রেষ্ঠ ও
মহান্ ।” (আয়েত ৩৪ ।)

“যদি তোমরা উভয়ের মধ্যে বিরুদ্ধ ভাব আশঙ্কা কর, তবে পুরুষের
স্বগণ হইতে একজন মীমাংসাকারী ও স্ত্রীর স্বগণ হইতে একজন মীমাংসা-
কারী নিযুক্ত করিবে, যদি তাহারা মীমাংসা করিয়া দিতে ইচ্ছা করে, তবে

খোদাতালা উভয়ের মধ্যে পুনর্মিলনে অক্ষুণ্ণ হইবেন ; নিশ্চয় খোদাতালা জানী ও জ্ঞাতা ।” (আয়েত ৩৫ ।)

“আরও তাহারা নারীগণ সম্বন্ধে (হে মহম্মদ) তোমার নিকট ব্যবস্থা জিজ্ঞাসা করিতেছে ; বল, তাহাদের সম্বন্ধে খোদাতালাই তোমাদিগকে ব্যবস্থা দিয়া থাকেন এবং নিরাশ্রয় নারীদিগের বিষয়ে গ্রহে তোমাদের প্রতি যাহা পঠিত হইয়া থাকে,—যাহাদিগকে তাহাদের অন্য যাহা লিখিত হইয়াছে, তাহা তোমরা প্রদান কর না, আর যাহাদিগকে তোমরা বিবাহ করিতে আকাঙ্ক্ষা কর (তাহাদিগের বিষয়ে) এবং নিরাশ্রয় বালকদিগের বিষয়ে (ব্যবস্থা দিয়া থাকেন) ; তোমরা যে কিছু সংকল্প করিয়া থাক, নিশ্চয় খোদাতালা তাহার জ্ঞাতা ।” (আয়েত ১২৭)

“যদি কোন স্ত্রী আপন স্বামী হইতে অবাধতা ও অবজ্ঞার আশঙ্কা করে, তবে উভয়ের পক্ষে দোষ নয়, যদি তাহারা আপনাদের মধ্যে পরস্পর সন্মিলন স্থাপন করিতে পারে, কারণ সন্মিলন কল্যাণকর । মানব অস্তঃকরণ লোভের দিকে স্থাপিত, কিন্তু যদি তোমরা সংকর্ষ্য কর ও ধর্মভীরু হও, তবে নিশ্চয় যাহা কর, খোদাতালা তাহার জ্ঞাতা ।” (আয়েত ১২৮)

“যদিচ তোমরা ইচ্ছা কর, তথাপি স্ত্রীগণের সম্বন্ধে ন্যায়চরণ করিতে সক্ষম হইবে না, অনন্তর সম্পূর্ণ অহুরাগে (প্রিয়তমার প্রতি) অহুরাগ প্রকাশ করিও না ; অবশেষে তাহাদিগকে শূণ্ণে লিখিত স্ত্রীবৎ ছাড়িয়া দেও, এবং যদি সন্মিলন স্থাপন কর ও ধর্মভীরু হও, তবে নিশ্চয় খোদাতালা ধরালু ও কমানীল ।” (আয়েত ১২৯) ।

“কিন্তু তাহারা (স্বামী ও স্ত্রী) বিচ্ছিন্ন হইলে খোদাতালা নিজ উদারতা গুণে প্রত্যেককে নিশ্চিন্ত করিবেন, খোদাতালা উদার ও জানী ।” (আয়েত ১৩০) ।

‘বল, তোমরা এস, তোমাদের প্রতিপালক তোমাদের প্রতি যাহা অবৈধ করিয়াছেন পাঠ কর (বলিয়াছেন যে) তাহার সঙ্গে কোন বস্তুকে অংশী নির্ধারণ করিও না, ও পিতামাতার প্রতি সদাচার করিও এবং দারিদ্রতা প্রযুক্ত আপন সম্মানদিগকে বধ করিও না, ও আমি তোমাদিগকে ও তাহাদিগকে জীবিক দান করিতেছি ; যাহা প্রকাশ্য কুক্রিয়া ও যাহা গুপ্ত তাহার নিকটবর্তী হইও না, খোদাতালা তাহা অবৈধ করিয়াছেন ; ন্যায়ের অনুরোধ ব্যতীত কোন ব্যক্তিকে হত্যা করিও না ; ইহাই এতদ্বারা তিনি তোমাদিগকে উপদেশ দিয়াছেন ; ভরসা যে, তোমরা হৃদয়ঙ্গম করিবে ।’ (৪র্থ সূরা ১৫২ আয়েত) ।

“এবং তোমরা! আপন সম্মানদিগকে দারিদ্রতার ভয়ে বধ করিও না, আমি তাহাদিগকে ও তোমাদিগকে জীবিকা দান করিয়া থাকি, নিশ্চয় তাহাদিগকে বধ করা গুরুতর পাপ ।” (১৭শ সূরা ৩৩ আয়েত) ।

“যাহারা সাধবা নারীর প্রতি অপবাদ দান করে, তৎপর চারি জন সাক্ষী আনয়ন করে না, অনন্তর তাহাদিগকে তোমরা অশীতি কশাঘাত করিও, এবং কখন (কোন বিষয়ে) তাহাদিগের সাক্ষ্য গ্রহণ করিও না, ইহারাই তাহারা যে দুষ্ক্রিয়শীল ।”

“নিশ্চয়, যাহারা (দুষ্কর্ম) অবিজ্ঞতা বিশ্বাসিনী সাধবী নারীদিগের প্রতি অপবাদ দেয়, যদিও তাহারা বিশ্বাসী হয়—ইহ পরলোকে তাহারা অভিশপ্ত হয়, এবং তাহাদের জন্য মহাশাস্তি আছে ।” (সূরা ২৪, আয়েত, ২৩) ।

“এবং বিশ্বাসিনী নারীদিগকে বধ, যেন তাহারা স্ব স্ব দৃষ্টি সকলকে বন্ধ করে, ও জীতেল্লিয়তা করিতে চেষ্টা করে ; ও স্ব স্ব ভূষণ যাহা তাহা হইতে ব্যক্ত হয়, তদ্ব্যতীত প্রকাশ না করে, এবং যেন তাহারা আপন কণ্ঠদেশে আপন বহুকণ্ঠ বুলাইয়া রাখে, আপন স্বামী বা আপন পিতা

বা আপন স্বস্তুর বা আপন পুত্র (এবং পৌত্র) বা আপন স্বামীর পুত্র (সপত্নীজাত পুত্র) বা আপন ভ্রাতা, বা আপন ভ্রাতৃপুত্র বা আপন ভাগিনেয় বা আপন (স্বধর্ম্মাবলম্বিনী) নারীগণ বা তাহাদের দক্ষিণ হস্ত বাহাদেব উপরে স্বস্ত লাভ কারিয়াছে, সেই (দাসীগণ) বা অকাম অনুগামী পুরুষগণ, এই সকলে ও যাহারা নারীগণের লজ্জাজনক ইন্দ্রিয় সম্বন্ধে জ্ঞান রাখে না, সেই শিশুদিগের নিমিত্ত ভিন্ন তাহারা আপন আপন আভরণ যেন প্রকাশ না করে, এবং তাহারা যেন আপন শকায়মান (ভূষণযুক্ত) চরণ বিক্ষিপ না করে, তাহাতে তাহারা আপন ভূষণ যাহা গোপন করিয়া থাকে (লোকে তাহা জানিতে পাইবে) এবং হে বিশ্বাসী-গণ, তোমরা একযোগে খোদাতালার দিকে ফিরিয়া আইস, সম্ভবতঃ তোমরা মুক্ত হইবে ।" (সূরা ২৪, আয়েত ৩১) ।

“হে সংবাদবাহক ! তুমি ভাণ্ডারিগকে ও স্বীয় কন্যাদিগকে এবং বিশ্বাসীদিগের স্ত্রীগণকে বল, যেন তাহারা আপনাদের উপর চাদর সকল সংলগ্ন করে, তাহারা পরিচিত হওয়ার ইহা (এই উপায়) প্রবলতম, পরে তাহারা উৎপীড়িত হইবে না, এবং খোদাতালা ক্ষমাশীল ও দয়ালু ।” (সূরা ৩৩, আয়েত ৫৯) ।

“এবং যখন জীবিত অবস্থায় মৃত্তিকায় প্রোথিত (কব্জাদিগকে) ক্রিয়াক্রমা করা হইবে, কোন্ অপরাধে হত হইয়াছে ।” (সূরা ৮২, আয়েত ৮ ও ৯) ।

সামাজিক, ধর্ম্মনৈতিক ও আইনানুযায়ী স্বস্ত, পুরুষ ও স্ত্রী এই উভয় জাতির মধ্যে সমভাবে স্থাপন করা ঠিকারণ শরিকের সাধারণ মত ; কেবল দৈহিক বল ও অর্থে উভয়ের স্বস্ত বিভিন্নরূপ হইয়া থাকে ।

* পুরুষদিগের যেরূপ সেই স্ত্রীগণের উপর বৈধাচারে (স্বস্ত),

স্ত্রীগণেরও তক্রপ, কিন্তু স্ত্রীলোকের উপর পুরুষের শ্রেষ্ঠতা, খোদাতাল । পরাক্রান্ত ও বিজ্ঞতা।” কোরাণ, সূরা ২, আয়েত ২২৮ ।

“ * পুরুষদিগের জন্য যাহা তাহারা উপার্জন করিয়াছে, তাহাতে স্বত্ব, নারীদিগের জন্য তাহারা যাহা লাভ করিয়াছে তাহাতে স্বত্ব, খোদাতালার নিকটে তাহারা করুণা প্রার্থনা কর, নিশ্চয় খোদাতালা সর্বশক্তি।” কোরাণ সূরা ৪, আয়েত ২২ ।

“পুরুষ স্ত্রীলোকের উপর কড়কড় রাখে, খোদাতালা তাহাদের এক জনকে অন্য জনের উপর শ্রেষ্ঠতা দান করিয়াছেন বলিয়া, তাহারা (পুরুষেরা) নিজের ধন (তাহাদের ভরণ পোষণের জন্য) ব্যয় করিবে বলিয়া * * * ।” কোরাণ সূরা ৪, আয়েত ৩৪ ।

“নিশ্চয় খোদাতালার উপর আত্মসমর্পণকারী পুরুষ ও আত্মসমর্পণকারিণী নারীগণ, এবং বিশ্বাসী পুরুষ ও বিশ্বাসিনী নারীগণ এবং অশুভ পুরুষ ও অশুভতা নারীগণ এবং সত্যবাদী ও সত্যবাদিনীগণ, ধৈর্যশীল ও ধৈর্যশীলাগণ এবং বিনয় ও বিনয়গণ, এবং ধর্মার্থ দাতা ও দাত্রীগণ এবং উপবাস ব্রতধারী ও উপবাস ব্রতধারিণীগণ এবং স্বীয় ইন্দ্রিয়সংযমনকারী ও সংযমনকারিণীগণ এবং খোদাতালাকে প্রচুর স্মরণকারী ও স্মরণকারিণীগণ, তাহাদের জন্য খোদাতালা কমা ও মহা পুরস্কার সঞ্চিত রাখিয়াছেন।” কোরাণ সূরা ৩৩, আয়েত ৩৫ ।

হজরত মহম্মদ (দঃ) স্ত্রীলোকদিগের হীনাবস্থার উন্নতি সাধন করিয়াও কাস্ত ছিলেন না, তিনি আরও বহুবিবাহের বিরুদ্ধে কঠোর নিয়ম সকলের পরিচালন করিয়াছিলেন, এবং অনিষ্টকারক স্ত্রীবর্জন প্রথার হ্রাস করিতে প্রাণপণে চেষ্টা করেন, আর তাহারা শিষ্যবর্গের অন্তর মধ্যে নারীজাতির প্রতি মেহ ও ভালবাসার বীজ বপন করিয়াছিলেন, নারীজাতির প্রতি সম্মান প্রদর্শন করা কর্তব্য আর স্বামী স্ত্রীর মধ্যে

পবিত্র প্রণয় স্থাপন করিয়া উভয়ে সুখসম্বন্ধে দিনাতিবাহিত করা কর্তব্য, এইরূপ উপদেশসমূহ কোরাণ শরিফে উল্লেখিত হইয়াছে । তন্মধ্যে নিম্নে একটী আয়েতের মনুবাদ করিয়া দিতেছি—

“এবং তাহার নিদর্শন সকলের মধ্যে ইহা হয় যে, তিনি তোমাদের জন্য তোমাদের জাতি হইতে ভার্য্যা সকল সৃষ্টি করিয়াছেন যেন তোমরা তাহাদের সহিত সুখে বাস কর এবং তোমাদিগের মধ্যে যেরূপ ও প্রণয় সৃজন করিয়াছেন, নিশ্চয় ইহার মধ্যে চিন্তাশীল লোকদিগের নিমিত্ত নিদর্শন সকল আছে ।” কোরাণ, সূরা ৩০, আয়েত ২০ ।

জড়োপাসক ধর্ম, মুসায়া ধর্ম, এমন কি খ্রিস্টীয় ধর্ম অপেক্ষা ইসলাম স্ত্রীলোকদিগকে অধিকতর পরিমাণে সভ্যতার আলোক ও স্বাধীনতা দান করিয়াছে । মুসায়া-ধর্ম ইহুদী স্ত্রীলোকদিগের নৈতিক ও সামাজিক জীবনের উন্নতি সাধনার্থ কোনরূপ চেষ্টা করে নাই এবং ইঞ্জিলও স্ত্রীলোকদিগের অবস্থার উন্নতির বিশেষ কোনরূপ চেষ্টাও করে নাই ।

নারাগণের অবাধ্যতার জন্য যেরূপ শারীরিক শাস্তি বিধিবদ্ধ হইয়াছিল, তাহার বিষয় কোরাণ শরিফের ৪র্থ সূরার ৩০ আয়েতে উক্ত হইয়াছে, তাহার সম্বন্ধে বক্তব্য এই যে, তৎকালে মদিনার রাজ্য শাসন সম্বন্ধে কোনরূপ সুবন্দোবস্ত ছিল না, তজ্জগৎ তথায় কোনরূপ বিচারপতিও নিযুক্ত ছিল না, তখন পিতাই পরিবারের মধ্যে কর্তা ছিলেন । কিন্তু পূর্ব নিয়ম পরিবর্তন ও সুনিয়মে রাজ্য শাসন কাব্য আরম্ভ হইতে না হইতেই স্বামীর উপর যেরূপ ক্ষমতা প্রদত্ত হইয়াছিল, তাহা উঠাইয়া দেওয়া হয় ; তখন স্বামী স্ত্রী পরস্পর বিচারপাতর নিকট গিয়া বিচারার্থ আবেদন করিতে সক্ষম হইত, এবং স্ত্রীকে শাস্তি বিধানের ক্ষমতা স্বামীর হস্ত হইতে একেবারে লোপ হইয়া গেল । পরবর্তী আয়েতে অর্থাৎ উক্ত

সূরার ৩৫ আয়েতে স্ত্রীকে বেজাযাতে শান্তি দিবার ক্ষমতা স্বামীর হস্ত হইতে উঠিয়া গেল । সেই আয়েতটা এই—

“যদি তোমরা উভয়ের মধ্যে বিরুদ্ধ ভাব আশঙ্কা কর, তবে পুরুষের স্বগণ হইতে এক জন মীমাংসাকারী এবং স্ত্রীর স্বগণ হইতে একজন মীমাংসাকারী নিযুক্ত করিবে, যদি তাহারা মীমাংসা করিয়া দিতে ইচ্ছা করে, তবে খোদাতালা উভয়ের প্রতি মিলনে অমুকুল হইবেন, নিশ্চয় খোদাতালা জানী ও জ্ঞাতা ।” কোরাণ, সূরা ৪, আয়েত ৩৯ ।

স্ত্রীলোকদিগকে নির্জনে বাস করিতে হইবে, প্রথমে একরূপ কোন নিয়ম বিধিবদ্ধ হয় নাই । হজরত মহম্মদ (দঃ) স্ত্রীলোকদিগের সাধারণ পরিচ্ছদের উন্নতি করিয়াছিলেন এবং তাহাদিগকে অধিক পরিমাণে সম্মান করিতে শিক্ষা দিয়াছিলেন । স্ত্রীলোকগণ রাজপথে বাহির হইলে, অসভ্য সাধারণ লোকগণ তাহাদিগকে বাঙ্গ বিক্রম ও অবমাননা করিত, তাহা হইতে তাহাদিগকে রক্ষা করিবার জন্য কয়েকটি নিয়ম বিধিবদ্ধ হইয়াছিল । তৎসম্বন্ধে কোরাণ শরীফে উক্ত হইয়াছে—

“হে সংবাদবাহক ! তুমি স্বীয় ভার্যাদিগকে ও স্বীয় কন্যাদিগকে এবং বিশ্বাসীদিগের স্ত্রীদিগকে বল, যেন তাহারা আপনাদের উপর আপনাদের চাদর সকল সংলগ্ন করে, তাহারা পরিচিত হওয়ার ইহা (এই উপায়) প্রবলতম, পরে তাহারা উৎপীড়িত হইবে না এবং খোদাতালা ক্ষমাশীল ও দয়ালু ।” কোরাণ, সূরা ৩৩, আয়েত ৫৯ ।

“এবং বিশ্বাসিনী নারীদিগকে বল, যেন তাহারা স্ব স্ব দৃষ্টি সকলকে বন্ধ করে এবং জিতেন্দ্রিয়তার দিকে দৃষ্টি রাখে, এবং স্ব স্ব ভূষণ যাহা তাহা হইতে ব্যক্ত হয়, তদ্ব্যতীত প্রকাশ না করে, এবং যেন তাহারা আপন বস্ত্রাঞ্চল আপনার বক্ষঃস্থলে বুলাইয়া রাখে * * ।”

কোরাণ, সূরা ২৪, আয়েত ৩১ ।

ভদ্র স্ত্রীলোকদিগের বদন ও হস্ত অনাচ্ছাদিত রাখার সম্বন্ধে হেদায়াতে বিশেষ বিশেষ নিয়ম সকল লিপিবদ্ধ হইয়াছে ; কারণ স্ত্রীলোকদিগের দেহের ঐ সকল অংশকে “আওরত” (আচ্ছাদনের যোগা) বলে না । কিন্তু স্ত্রীলোকের হস্ত ও বদন ভিন্ন শরীরের অন্যান্য অংশকে “আওরত” বলে, এবং কেহ কেহ স্ত্রীলোকদিগের পদদ্বয়কেও “আওরত” বলেন না । তজ্জন্ত স্ত্রীলোকদিগের হস্ত পদ ও বদন ব্যতীত শরীরের অন্যান্য অংশগুলিকে সুন্দর রূপে আচ্ছাদিত করিয়া রাখা কর্তব্য ।

হজরত মহম্মদ (দং) নিজের সম্বন্ধে বহুবিবাহের সীমা লঙ্ঘন করিয়াছিলেন বলিয়া অনেক ইউরোপীয় গ্রন্থকার ভ্রমে পতিত হইয়াছেন । কোরাণ শরীফে বহুবিবাহের সীমা নির্ধারণ হইবার পর (সূরা ৪র্থ, আয়েত ৩) হজরত মহম্মদ (দং) নিজেকে অথবা কোন স্ত্রীর পাণিগ্রহণ করেন নাই । বহুবিবাহের সীমা নির্ধারণের নিয়ম প্রচারিত হইবার পূর্বে হজরত যে সকল স্ত্রীর পাণিগ্রহণ করিয়াছিলেন, তাঁহাদিগকে স্বীয় ভার্য্যারূপে রাখিবার জন্ত তিনি অনুমতি প্রাপ্ত হইয়াছিলেন । আর অন্যান্য যে সকল মুসলমানের ৪টীর অধিক স্ত্রী ছিল, তাঁহারা নির্ধারিত সংখ্যার অতিরিক্ত স্ত্রীদিগকে বর্জন করিতে আদিষ্ট হইয়াছিলেন । বহুবিবাহের সীমা নির্ধারিত আদেশ প্রচারিত হইবার পরে তাঁহার স্ত্রীগণকে ভার্য্যারূপে রাখিবার অনুমতি প্রাপ্ত হইবার কারণ এই যে, পেরিতপুরুষের স্ত্রী সাধারণ মুসলমানের মাতৃ তুলা (ওম্মল মোমেনিন), অপর কাহারও পক্ষে তাঁহাদিগকে ভার্য্যারূপে গ্রহণ করা অবৈধ ; এজন্য তিনি ৪টীর অতিরিক্ত স্ত্রীগণকে ভার্য্যারূপে রাখিতে অনুমতি প্রাপ্ত হইয়াছিলেন । কিন্তু অল্প পক্ষে সেই সকল স্ত্রীর পরিবর্তে অল্প স্ত্রীকে বিবাহ করা, বা তাঁহাদের মধ্যে কাহারও মৃত্যুর পর পুনঃ

স্ত্রী গ্রহণ অথবা কাহারও সৌন্দর্য্যে মোহিত হইয়া তাঁহাকে বিবাহ করা তাঁহার পক্ষে নিষিদ্ধ হইয়াছিল, ইহার বিষয় কোরাণ শরিফের ৩৩ সূরার ৫২ আয়েতে উক্ত হইয়াছে। হজরত মহম্মদ (দঃ) যে পূর্ব স্ত্রীগণকে রাখিতে অনুমতি প্রাপ্ত হইয়াছিলেন, ইহাতে তাঁহার পক্ষ সমর্থনার্থ বহুবিবাহের সীমা নির্ধারণ আদেশের কিছু মাত্র লঙ্ঘন করা হয় নাই। কেবল তাঁহার পতি উক্ত আদেশের এইটুকু সুবিধা দেওয়া হইয়াছিল যে, তিনি তাঁহার স্ত্রীগণকে রাখিতে পারিবেন, আর অন্যান্য যে সকল মুসলমানের ৪টির অধিক স্ত্রী আছে, তাঁহাদিগকে তাগ করিতে হইবে। কিন্তু তিনি তাঁহার বর্তমান স্ত্রী জীবিত থাকা স্বত্বে বা তাঁহাদের মৃত্যুর পর অন্য স্ত্রী গ্রহণ করিতে পারিবেন না, আর তাঁহার শিষ্যবর্গ স্বীয় স্ত্রীর মৃত্যুর পর বা নিয়মানুসারে স্ত্রীবর্জন করিয়া অন্য স্ত্রী গ্রহণ করিতে সক্ষম হইবেন, এই রূপ আদেশ হইয়াছিল। অতএব আমরা আশা করি, কেহ আর এতৎ সম্বন্ধে হজরতের উপর বৃথা দোষারোপ করিবেন না। কোরাণ শরিফের ৩৩ সূরার ৫২ আয়েতে এইরূপ উক্ত হইয়াছে—

“ইহার পর নারীগণ তোমার স্ত্রী বৈধ নহে, তোমার বর্তমান স্ত্রীগণ ব্যতীত (অন্য) স্ত্রীগণকে তোমাদের সৌন্দর্য্য তোমাকে মুগ্ধ করিলেও পরিবর্তন করিবে না, এবং খোদাতালা সর্ব বিষয়ে দৃষ্টিকারী।” কোরাণ, সূরা ৩৩ আয়েত ৫২।

ইসলামে বহুবিবাহ ।

যাহারা ইসলামের উপর দোষারোপ করেন, তাঁহারা বহুবিবাহ ও স্ত্রী বর্জন এই দুইটা প্রথাকে লক্ষ্য করিয়া এবং এই প্রথা ইসলামে কিরূপ

অবস্থার অবস্থিতি করিতেছে, তাহার কোনরূপ বিচার না করিয়া ইসলামের উপর নানা রূপ কুৎসা ও ব্যঙ্গ বিক্রম করিয়া থাকেন । আমরা এই দুইটা প্রথাকে প্রাকৃতিক, সামাজিক ও ধর্ম সম্বন্ধে বিচার করিয়া দেখাইব যে, ইহারা ইসলামে যেরূপ অবস্থার অবস্থিতি করিতেছে ; তাহা অতি সুন্দর নিয়ম ও সুদৃঢ় ভিত্তির উপর সংস্থাপিত এবং ইহাতে মানব সমাজের অশেষ কল্যাণ সংসাধিত হইতেছে ।

ইসলাম ধর্মাবলম্বীদিগকে একাধিক স্ত্রীর পাণিগ্রহণ করিতে হইবে এরূপ বিবেচনা করা আতশয় ভ্রান্তবিশ্বাস । কতিপয় বিশেষ বিশেষ অবস্থায় মানবের একের অধিক স্ত্রীর পাণিগ্রহণ করা একান্ত আবশ্যিক হইয়া উঠে । সেইরূপ অবস্থায় ইসলাম তাহাদিগকে চারিটা পর্য্যন্ত স্ত্রীর পাণিগ্রহণের অনুমতি দেয় ; কিন্তু যদি একের অধিক স্ত্রীকে বিবাহ করিয়া মানব তাহাদের সকলের প্রতি সমান গ্ৰাম্যপরতা প্রদর্শন করিতে না পারে, তাহা হইলে একাধিক স্ত্রীর পাণিগ্রহণ ইসলামানুমোদিত নহে ।

এক জাতির আচার ব্যবহার ও চিন্তাশক্তির সহিত অপর জাতির আচার ব্যবহার ও চিন্তাশক্তির বিরুদ্ধভাষি বিঘ্নমানতা স্বর্ষেও উভয়ের মধ্য হইতে প্রকৃত সত্য অনুসন্ধান করিয়া বাহির করিতে বুদ্ধিমান লোকের নিকট কোন রূপ প্রতিবন্ধক উপস্থিত হয় না । বহুবিবাহ কথাটা খৃষ্টানদিগের নিকট এরূপ দোষযুক্ত ও অনিষ্টকারক বলিয়া বোধ হয় যে, তাহারা ইহার কোন রূপ বিচার না করিয়াই এইরূপ সিদ্ধান্তে উপনীত হন যে, বহুবিবাহে সমাজ কেবল অবিরাম ধারায় অনিষ্ট স্রোত প্রবাহিত হইতেছে । তাহারা ইহাকে স্থান বিশেষের জলবায়ুর পক্ষে কতদূর উপকারিতা বা অসুপকারিতা এবং স্ত্রী ও পুরুষ জাতির সংখ্যা তুলনা না করিয়া এবং অন্যান্য নানাবিধ দৈহিক ও সামাজিক অবস্থার প্রতি লক্ষ্য না করিয়া ইহাকে নানাবিধ অনিষ্টোৎপাদক মনে করিয়া থাকেন ।

যদি সম্ভব হয়, তাহা হইলে ইহা নির্ধারণ করিয়া লইতে হইবে যে, বিবাহ সম্বন্ধে সমস্ত জীবজন্তুর সৃষ্টিকর্তার অভিপ্রায় কি ? অর্থাৎ মানবকে একাধিক ভাৰ্যা গ্রহণকারী, কি একমাত্র ভাৰ্যা গ্রহণকারী করা তাঁহার অভিপ্রেত ? এক্ষণে আমরা তাঁহার সেই অভিপ্রায় প্রকৃতির কার্যকলাপে পরিষ্কাররূপে বুঝিয়া লইতে পারি। কারণ ইহা সম্পূর্ণ অসম্ভব যে, প্রকৃতির কার্যকলাপসম্বন্ধে সৃষ্টিকর্তার অভিপ্রায় বিভিন্ন প্রকার অর্থাৎ প্রকৃতির বিভিন্ন প্রকার উৎপন্নজাত পদার্থে ও জীবজন্তুতে সৃষ্টিকর্তার অভিপ্রায় বিভিন্ন প্রকার হয়। প্রকৃতির অনাস্ত্র কার্যকলাপে আমরা শিক্ষা করিতে পারি যে, সৃষ্টিকর্তার অভিপ্রেত এক ভাৰ্যা-গ্রহণকারী-জীবসকল এক সময়ে এক জোড়া শাবক প্রসব করিবে, তাহার মধ্যে একটি স্ত্রী ও একটি পুরুষ। অন্য পক্ষে সৃষ্টিকর্তার অভিপ্রেত বহুবিবাহকারী জীবসকল এক সময়ে একটি বা ততোধিক সন্তান একেবারে প্রসব করিবে, তাহাদের মধ্যে স্ত্রী পুরুষের কোন রূপ পার্থক্যতার দিকে লক্ষ্য থাকিবে না। এই নিয়মানুসারে মানব দ্বিতীয় শ্রেণীর অন্তর্ভূত। কিন্তু মানব স্বীয় পদমর্যাদা, অবস্থা ও বিবেকশক্তিতে অন্যান্য জীব অপেক্ষা অনেক উচ্চে অবস্থিত। এই কারণ বশতঃ সৃষ্টিকর্তা প্রদত্ত ক্ষমতা, স্বত্ব ও সুযোগ যাহা অন্যান্য সাধারণ জীবের ন্যায় মানব প্রাপ্ত হইয়াছে, তাহা তাহার অন্যান্য জীবের ন্যায় ভোগ করিতে অধিকারী ; কিন্তু মানব যাহাতে সেই সকল স্বত্ব, সুযোগ ও ক্ষমতা প্রভৃতি দৈহিক, সামাজিক ও রাজনৈতিক ক্ষমতার সহিত সমতা রাখিয়া এবং যে স্থানে বাস করে, তথাকার জলবায়ুর প্রতি লক্ষ্য রাখিয়া স্বাস্থ্যরক্ষার নিয়মানুসারে সাবধান পূর্বক কার্যে পরিণত করে, তাহাই সৃষ্টিকর্তার অভিপ্রেত।

দ্বিতীয়তঃ—মানব স্বাভাবিকই সামাজিক জীব, তজ্জনা সৃষ্টিকর্তা

যখন দেখিলেন, “মানব একাকী থাকা, তাহার পক্ষে হিতকর নহে।” তখন তিনি “তাহার জন্য সাহায্যকারী (স্ত্রীলোক)” সৃষ্টি করিলেন— যে স্ত্রীলোক পুরুষের জীবনের সুখ দুঃখ, চিন্তা ও বিপদের অংশভাগী এবং যে স্ত্রীলোকের সহানুভূতিতে পুরুষের সুখের বৃদ্ধি ও দুঃখের হ্রাস হইয়া থাকে। অবশেষে স্ত্রী পুরুষের সহবাসের প্রধান ও অবশ্যকরণীয় সৃষ্টিকর্তার আদেশ “প্রজার সংখ্যা বৃদ্ধি করিয়া পৃথিবী পূর্ণ করা” সম্পন্ন করিতে মানব সক্ষম হয়। যাহা হউক, যদি কোন কারণবশতঃ স্ত্রীলোক প্রকৃতির নিয়মানুসারে কার্য্য করণে অক্ষম হয়, তাহা হইলে অবশ্যই সর্ব্বশ্রেষ্ঠ সৃষ্টিকর্তা নিশ্চয়ই সেই অভাব দূরীকরণের কোনরূপ উপায় নিদ্ধারণ করিয়া রাখিয়াছেন—সেই উপায়ই বহুবিবাহ—অর্থাৎ মানব এক সময়ে একেবারে একটী বা ততোধিক স্ত্রীর পাণিগ্রহণ করিবে, না হইলে পূর্ব্ব স্ত্রীটিকে ত্যাগ করিয়া পুনরায় আর একটী স্ত্রীকে বিবাহ করিবে। আবার যদি স্বামী সন্তানোৎপাদিকা শক্তি হইতে বঞ্চিত হয়, তাহা হইলে বিচারকের বিধি (১) অবলম্বনপূর্ব্বক স্ত্রীলোক ও শেষ স্ত্রীসংগে লাভ করিতে সক্ষম অর্থাৎ পুরুষ যখন ইচ্ছানুসারে সন্তানোৎপাদনের জন্য অন্য স্ত্রীকে বিবাহ করিতে পারে, তখন স্ত্রীলোক ও স্বামীর সন্তানোৎপাদিকা শক্তির অভাবে বিচারকের আদেশ বিধি প্রাপ্ত হইয়া পত্যা-স্তর গ্রহণ করিতে পারে।

যে উপায়ের আবশ্যকতার বিষয় আমরা প্রাকৃতিক ও সামাজিক নিয়মানুসারে আবশ্যকীয় বলিয়া প্রমাণ করিলাম, মানব যদি তাহা যুক্তি-যুক্ত বলিয়া স্বীকার না করে, তাহা হইলে তাহার দ্বারায় সমাজ বিশেষ রূপে অনিষ্ট ভোগ করিতে থাকিবে, শেষে তাহার ফল এই হইবে যে, মানব পাপ ও দোষজনক কার্য্যে অতিশয় নিমগ্ন হইয়া পড়িবে।

পুনরায় মানবকে সংসর্গের আতিশর্যাতা হইতে নিবারণ জন্ত—যাহা সকল সময়ে মন্দ এবং সময়ে সময়ে অনিষ্টোৎপাদক—এবং যে পরিমাণে স্ত্রী সংসর্গে সৃষ্টিকর্তার উদ্দেশ্য সংসাধিত হইতে পারে, সেই পরিমাণে স্ত্রী সংসর্গ করা সৃষ্টিকর্তার অভিপ্রেত আর প্রকৃত আবশ্যিকতা ব্যতীত একাধিক স্ত্রীগ্রহণে বিরত থাকা সম্বন্ধে নানাপ্রকার দৃঢ় বন্ধন ও সামাজিক নিয়মসমূহ স্থাপিত হইয়াছে—যেমন স্তম্ভ, সুযোগ, ভালবাসা ও প্রণয় সকল স্ত্রীর মধ্যে সমভাবে বিদ্যমান থাকা বিশেষ আবশ্যিক, নচেৎ অধম্ম(১)। বহু বিবাহের এই সকল কঠোর নিয়ম প্রকৃত ধর্মপরায়েণ লোকদিগকে বহুবিবাহ হইতে দূরে রাখে, কেননা তাঁহারা যখন বহুবিবাহের ফল উপভোগ করিতে অভিলାষী হন, তখনই আবার উহার কঠোর নিয়মাবলী সুন্দররূপে কার্যে পরিণত করা বড় কঠিন মনে করিয়া তাহা হইতে নিবৃত্ত হন। বাস্তবিকই বহুবিবাহ প্রথা লম্পটদিগের বিশেষ স্তম্ভোৎপাদনকারী আর পান্ডুর্য চরিতার্থ করাই যাহাদের জীবনের মুখ্য উদ্দেশ্য, তাহাদের নিকট বহুবিবাহ পরম হিতকরী বলিয়া বিবেচিত হয়। কিন্তু সেই পরম উপকারী বহুবিবাহ প্রথার যাহারা অসদ্যবহার করে, তাহাদিগকে অবশ্যই মানব অস্তরের প্রধান অন্বেষণকারী সেই সর্বজন সৃষ্টিকর্তার নিকট দায়ী হইতে হইবে।

তৃতীয়তঃ—যখন আমরা এই বিষয়টী ধর্মসম্বন্ধে বিচার করিতে যাই, তখন দেখিতে পাই যে, মুসায়ী ও ইসায়ী ধর্মে ইহার কোনরূপ নিষেধবাণী নাই। ইসলামধর্ম ব্যতীত এই পৃথিবীতে বর্তমান সময়ে কেবলমাত্র এই দুইটী ধর্মই খোদাতালার প্রেরিতধর্ম বলিয়া অভিহিত। বহুবিবাহের

(১) কোরাণ শরীফে উক্ত হইয়াছে—“যদি আশঙ্কা কর যে, অনাথাদিগের প্রতি স্ফায় ব্যবহার করিতে পারিবে না, তবে তোমাদের যেরূপ অতিক্রমিত তদনুসারে হই তিন ও চারি নারীর পাণিগ্রহণ করিতে পার, পরন্তু যদি আশঙ্কা কর, সকলের প্রতি স্ফায় ব্যবহার করিতে পারিবে না, তবে এক নারীকে বিবাহ করিবে।”

যুক্তিসিদ্ধতা সম্বন্ধে আমরা পাঠকবর্গের কৌতূহল নিবারণার্থ তত্ত্ব-
তের যে যে স্থানে বহুবিবাহের পোষকতাসূচক আয়েত আছে, নিয়ে
সেইগুলির উল্লেখ করিয়া দিতেছি ; পাঠকবর্গ তত্ত্বত (Old
Testament) দেখিয়া তাহা ঠিক করিয়া লইবেন—

আদিপুস্তক ৪০ অধ্যায় ২২ আয়েত (Geni XXXX 22) ; যাত্রা
পুস্তক ২১ অধ্যায় ১১ আয়েত (Exodus XXI. II) ; দ্বিতীয় বিবরণ
পুস্তকের ১৭ অধ্যায় ১৭ আয়েত (Duet XVII. 17) ; ১ম সমুয়েল
৪র্থ অধ্যায় ১, ২, ১১, ২০ আয়েত (I Sam- IV. 1,2,11, 20) ; ১ম
সমুয়েল ২৫ অধ্যায় ৪২, ৪৩ আয়েত (I Sum XXV 42,43) ; দ্বিতীয়
সমুয়েল ১২: অধ্যায় ৮ আয়েত (2 Sam, XII, 8) ; দ্বিতীয় সমুয়েল
৫ অধ্যায় ১২ আয়েত (2 Sam. V, 12) ; বিচারকর্তৃ পুস্তক ৮ অধ্যায় ৩০
আয়েত (Judges VIII, 30) ; বিচারকর্তৃ পুস্তক ১০ অধ্যায় ৪ আয়েত
(Judges X, 4) ; বিচারকর্তৃ পুস্তক ১২ অধ্যায় ৯, ১৪ আয়েত (Judges
XII, 9, 14)।

ইসলামের আবির্ভাব হইবার পূর্বে ৫ পরে আরবে বহু বিবাহ প্রথা
বহুল পরিমাণে প্রচলিত ছিল। কিন্তু ইসলাম তাহার সীমা নির্ধারণ
করিয়া দিয়াছিল।

হজরতের মদিনায় অবস্থিতিকালে অর্থাৎ তাঁহার পরলোক গমনের
৭৮ বৎসর পূর্বে তিনি কতিপয় নারীর পাণিগ্রহণ করিয়াছিলেন সত্য
বটে, কিন্তু তিনি একমাত্র ভাৰ্য্যার সহবাসে জীবনের অধিকাংশ সময়
অর্থাৎ ৫৩ বৎসর বয়ঃক্রম কাল পর্যন্ত অতিবাহিত করেন। ইহাতে
দেখা যাইতেছে যে, অবশ্যই কোন বিশেষ কারণ বশতঃ তিনি বৃদ্ধকালে
অল্প সময়ের মধ্যে কয়েকটা নারীর পাণিগ্রহণ করিয়াছিলেন। তজ্জন্য
তাঁহার উপর দোষারোপ করা অগ্রা। যেহেতু নারীদের সম্বন্ধে যে

সকল ধর্ম কর্মপদ্ধতি (মসাল্লা) আছে, যাহা স্বামী তিন্ন স্ত্রীদিগকে অন্য কাহারও বুঝাইয়া দিবার সুযোগ নাই, আবার ঐ সকল মসাল্লা নারী-জাতির মধ্যে নারীজাতি বহুল পরিমাণে প্রচলনে সক্ষম, তজ্জন্ত তাঁহার এতাদিক বিবাহের একটি প্রধান উদ্দেশ্য । তাঁহার বহুভার্য্যা গ্রহণ সম্বন্ধে একজন খৃষ্টান লেখক যাহা লিখিয়া গিয়াছেন, পাঠকবর্গের অবগতির জন্য নিম্নে তাহার অনুবাদ প্রদত্ত হইল—

“(হজরত) মহম্মদ (দঃ) যে সকল নারীর পাণিগ্রহণ করিয়াছিলেন, তাঁহাদের মধ্যে একটি ব্যতীত অপর নারীগুলিকে তিনি ৫৪ বৎসর বয়ঃক্রমের পর বিবাহ করেন । তাঁহাদের মধ্যে পায় সকলেই আশ্রয়বিহীনা বিধবা ছিলেন । তাঁহাদের মধ্যে তিন জন তাঁহার শিষ্যের বিধবা স্ত্রী, যাহারা মক্কাবাসীদিগের উৎপীড়ন ও অত্যাচারে জন্মভূমি ত্যাগ করিয়া স্ব স্ব স্ত্রী পুত্র সহ আবিসিনিয়ায় গিয়া আশ্রয় গ্রহণ করিয়াছিলেন, আর অপর তই জনের স্বামী ইসলাম রক্ষার্থ মদিনায় শত্রুর সহিত যুদ্ধে পঞ্চত্ব প্রাপ্ত হন । যাহারা কাহারও জন্ত জীবন বিসর্জন করে, তাহাদের নিঃসহায়া ও গৃহাদি শূন্য স্ত্রীদিগকে বিবাহ করিয়া আশ্রয় দান ও রক্ষা করা আইনানুমোদিত এবং এই কার্য্যকে আরববাসিগণ উদারনৈতিক ও দয়ালুতার কার্য্য বলিয়া বিবেচনা করেন ।” Letter from Egypt P. P. 139—140

হজরত মহম্মদের (দঃ) প্রেরিত লাভের সময়ে আরবে বহুল পরিমাণে বহু নারী গ্রহণের প্রথা প্রচলিত ছিল । ইসলাম বেক্রপ মানব সমাজের আধ্যাত্মিক ও নৈতিক সংস্কার করিয়াছিল, তজ্জন এই অনিষ্টকারক প্রথাকেও ত্যাগ করে নাই ; ইসলাম ইহার সীমা নির্ধারণ করিয়া দিয়াছিল । বহুনারীর পাণিগ্রহণ ত্যাগ করিয়া কোরাণ শরিফের আদেশানুযায়ী ৪টি পর্য্যন্ত নারীর পাণিগ্রহণ আরববাসীদের পক্ষে বড় কঠিন বলিয়া

বোধ হইল । একরূপ অবস্থায় ইসলাম বহুবিবাহ প্রথার এক প্রকার বিলোপ-কারী বলিতে হইবে । যদি কেহ একরূপ বলে যে, ইসলাম যখন বহুবিবাহ প্রথা উঠাইয়া দিতে মনস্ত করিয়াছিল, তখন কেন চারিটা পর্য্যন্ত নারীকে বিবাহ করিবার সুযোগ দিয়াছিল ? ইহার উত্তরে বলিতে পারা যায় যে, সাধারণতঃ বহুনারীর পাণিগ্রহণ মানব সমাজে যেকরূপ অশেষ অনিষ্টকারী, তদ্রূপ সাধারণতঃ একটীমাত্র স্ত্রীর পাণিগ্রহণের আদেশ বিধিবদ্ধ হইলে কোন কোন স্থানে অবস্থানুসারে উহা ততোধিক অনিষ্টকারক হইতেও পারে । ইসলাম সেই অনিষ্টপাত হইতে সমাজকে রক্ষা করিবার জন্য কঠোর নিয়মাদি সহ ৪টা পর্য্যন্ত নারীর পাণিগ্রহণে অনুমতি দিয়াছে । অতএব ইসলামে বহুবিবাহ প্রথা কিরূপ ভাবে অবস্থিতি করিতেছে, তাহা যাহারা বিশেষরূপে হৃদয়ঙ্গম না করিয়া ইসলামের উপর ব্যঙ্গ বিক্রম করে, যদি তাহারা ইসলামের বহুবিবাহ প্রথার নিয়মাবলী মনোনিবেশ-পূর্ব্বক পাঠ করিয়া দেখে, তাহা হইলে ইহার প্রশংসা না করিয়া থাকিতে পারিবে না ।

ইসলামে স্ত্রীবর্জন (তালাক) ।

বহুবিবাহের বিষয় প্রকৃতি, সমাজ ও ধর্ম্ম সম্বন্ধে বিচার করিয়া প্রদর্শিত হইল । কিন্তু স্ত্রীবর্জন (তালাক) সম্বন্ধে প্রথমটীতে আলোচনা করিবার কোনরূপ আবশ্যক নাই, কিন্তু শেষ দুইটির দ্বারায় আলোচনা করিয়া দেখা যাউক ।

বিবাহ প্রথা মানব সমাজের কল্যাণকর, এই কল্যাণকর বন্ধন ছিন্ন হইলে সমাজের অশেষ অমঙ্গল সাধিত হয় । স্ত্রীবর্জনে বিবাহের গুরুত্ব থাকে না, পুরুষের বিশ্বাস স্ত্রীর উপর থাকে না । ইহা স্বত্বেও স্ত্রীবর্জনের

উপকারিতা যে মানব সমাজে নাই, তাহা অস্বীকার করা যায় না কারণ স্বামী স্ত্রীর মধ্যে বিরুদ্ধভাব ঘটিলে অর্থাৎ একজন অন্য জনের জীবননাশের চেষ্টা করিলে, কিম্বা পতি বা পত্নী চির রোগী বা অপ্রতিহার্য বাতুলতায় আক্রান্ত হইলে পরস্পর পরস্পরকে ত্যাগ করা কর্তব্য। যদি এরূপ অবস্থায় ত্যাগ না করা যায়, তাহা হইলে উভয়ের জীবন বড় কষ্টকর হইয়া উঠে; কিন্তু যখন ইহা দ্বারা মানবের এইরূপ উপকার হয়, তখন ইহা সমাজের অনিষ্টকর নহে, যেহেতু ইহা নীতিবিরুদ্ধ সাধারণ দৃশ্য হইতে মানবকে রক্ষা করে। স্বামী স্ত্রী বিভিন্নতায় সম্মানগুলির অশেষ ক্রেশ হয়; যেহেতু পুরুষ কিছুদিন কোন স্ত্রী সম্বোগ করিয়া তাহার উপর ঘৃণা জন্মিল, অমনি তাহাকে পরিত্যাগ করিল; স্ত্রী গর্ভবতী হইল, তখন স্বামী ইচ্ছির চরিতার্থ করিবার জন্য গর্ভবতী স্ত্রীকে ত্যাগ করিয়া অন্য স্ত্রী গ্রহণ করিল। এদিকে স্ত্রী গর্ভের নিদারুণ যন্ত্রণা সহ করিয়া সম্মান প্রসব করিল, তখন সে নিজের অন্নবস্ত্রের জন্য লালায়িত, আবার তাহার উপর প্রাণাধিক সম্মানের আহার কোথা হইতে যোগাইবে, সেই চিন্তায় আকুল; এই রূপ অবস্থায় মাতা ও সম্মান পথের ভিখারী হইয়া পড়ে; এ দৃশ্য দেখিলে কাহার না হৃদয় দ্রবীভূত হইয়া যায়? তথাপিও যখন স্বামী স্ত্রী পরস্পরের বিরুদ্ধভাব পরস্পরের অসহ্য হইয়া উঠে,—যাহা কোন প্রকারে উপশম হইবার উপায় থাকে না, তখন স্ত্রীবর্জন অবশ্য কর্তব্য।

আমাদের ধর্ম প্রচারক হজরত মহম্মদ (দঃ) কখনই স্ত্রীবর্জন প্রথাকে উপযুক্ত বা অধিক মূল্যবান মনে করিতেন না। তিনি সর্বদা তাহার শিষ্যবর্গকে স্ত্রীবর্জনের অপকারিতার বিষয় প্রদর্শন করিতেন; আর ইহার দ্বারা সমাজে যে অনিষ্টপাতের স্রোত প্রবাহিত হইতেছে, তাহার ব্যাখ্যা করাইয়া শুনাইতেন এবং শিষ্যবর্গকে সর্বদা এইরূপ উপদেশ দিতেন যে, স্ত্রীলোকের প্রতি সম্মান ও দয়ালু ব্যবহার করিও, ধৈর্যাবলম্বন

পূর্বক তাহাদের অভ্যাচার ও জালা যন্ত্রণা সস্থ করিবে । আর বাঁহারা অতি কষ্ট ভোগ করিয়াও জীবর্জন করেন নাই, তাহাদের ধৈর্য্যশীলতার বিষয় তাহাদিগকে বলিতেন : যাহা হটক, হজরত মহম্মদের (দঃ) জীবর্জন প্রথার উপর ঘৃণা স্বত্বেও তিনি ইহার আবশ্যকতার বিষয়ও গায়ানুমোদিত রূপে প্রদর্শন করিতেন । যখন তিনি দেখিতেন যে, স্ত্রী বর্জন ব্যতীত আর কোন উপায় নাই, কোনরূপে স্বামী স্ত্রীর মনোবাদের হ্রাস হইতেছে না, আর এরূপ অবস্থায় উভয়ের জীবনে কষ্ট, যন্ত্রণা প্রভৃতির বিষময় ফল ফলিতেছে এবং স্ত্রী বর্জন ব্যতীত সমাজে অধিকতর পরিমাণে অনিষ্টোৎপাদন হইতেছে ; তখন স্ত্রী বর্জন একান্ত আবশ্যক ও সমাজের উন্নতির মূল বিবেচনায় স্ত্রী বর্জন করিতে আদেশ দিতেন । হজরত মহম্মদ (দঃ) স্ত্রী বর্জন সম্বন্ধে কেবল কয়েকটি কারণ নির্দ্ধারণ করিয়া ক্ষান্ত ছিলেন না । তিনি আরও স্বামী স্ত্রী বিভিন্ন হইবার জন্য তাহাদিগকে তিনটি সময় নির্দ্ধারণ করিয়া দিয়াছিলেন, ইহার কারণ এই যে, যদি এই সময়ের মধ্যে উভয়ে চেষ্টা করিয়া পরস্পর পরস্পরের মনো-মালিন্য দূর করিতে পারে ; এবং পরস্পর মিলিত হইয়া দাম্পত্য প্রেমে-আবদ্ধ হইতে পারে । যদি ঐ সময়ের মধ্যে তাহাদের মিলন না হয়, তাহা হইলে তৃতীয় অর্থাৎ শেষবারে স্ত্রীকে একেবারে বর্জন করা যাইতে পারিবে ।

ওয়ালিদের পুত্র মাহমুদ একটা হাদিসের বিষয় উল্লেখ করিয়াছেন যে, এক সময়ে প্রেরিত-পুরুষ এক ব্যক্তির বিষয় এইরূপ অবগত হন যে, সে তাহার স্ত্রীকে বর্জন করিবার জন্য এক সময়ে একেবারে তিনবার বর্জনের বিষয় জ্ঞাপন করিয়াছে, ইহাতে তিনি অতিশয় রাগান্বিত হইয়া বলেন, “এমন কি, আমার সম্মুখে তুই খোদাতালার আদেশ অমান্ত করিতে সাহসী হইয়াছিস ?” ধর্ম্ম প্রচারককে এইরূপ উত্তেজিত ও রাগান্বিত

দেখিয়া এক ব্যক্তি তাঁহার দিকে অগ্রসর হইয়া আসিয়া বলিল, “আমি কি অপরাধীকে হত্যা করিব ?” কারণ সে ব্যক্তি ধর্মপ্রচারকের রাগ দেখিয়া ভুল ক্রমে মনে করিয়াছিল যে, ঐ ব্যক্তি একরূপ গুরুতর অপরাধ করিয়াছে যে, কঠিন শাস্তি পাইবার উপযুক্ত ।

হজরত মহম্মদ (দঃ) বলিতেন, “যে সকল জীলোক জ্ঞানানুগত ও অনিবার্য কারণ বাতীত বজ্জ'নের আদেশ চাহে, তাহারা স্বর্গে অপরিচিত পুন্শের স্থায় অবস্থিতি করিবে ।”

পাঠকগণ মেসাত শরিকের জীবজ্জ'ন অধ্যায় পাঠ করিলে ঐ রূপ হাদিস প্রচুর পরিমাণে জ্ঞাত হইতে পারিবেন ।

এক্ষণে ইহা প্রত্যেক চিন্তাশীল পাঠকের নিকট স্পষ্টই প্রতীতি হইবে যে, ইন্লামে জ্বী বজ্জ'নের ধেরূপ আদেশ আছে, আর যে সকল কারণে জ্বী বজ্জ'ন একান্ত আবশ্যিক হইয়া পড়ে, তাহার বিষয় উপরে উল্লিখিত হইল, তাহাতে সমাজের কিছুমাত্র অনিষ্ট হয় না এবং উহা দ্বারা সমাজের উন্নতি ও পরিপুষ্টি সম্যক্রূপে সাধিত হয় ।

এই বিষয়টী ধর্ম সম্বন্ধে চিন্তা করিয়া দেখিতে গেলে আমরা দেখিতে পাই যে, মুসারী ধর্মে সকল অবস্থাতেই ও সকল ঘটনাতেই জ্বী বজ্জ'ন প্রচলিত আছে । এমন কি, খৃষ্টানেরাও ব্যভিচার দোষে জ্বী বজ্জ'ন আইন মঙ্গল বলিয়া স্বীকার করেন । ইন্লামে মুসারী ধর্মের জ্ঞায় সকল ঘটনায় জ্বী বজ্জ'নের কমতা পুরুষের হস্তে রহিয়াছে, কিন্তু বিনা কারণে জ্বী বজ্জ'ন করাকে হজরত মোহাবহ কার্য বলিয়া প্রচার করিয়া গিয়াছেন ।



হজরত মহম্মদের আবির্ভাব সম্বন্ধে তওরয়ত

ও ইঞ্জিলের উক্তি ।

কোরাণ শরিফের উপদেশানুসারে আমাদের ধর্মপ্রচারক হজরত মহম্মদের আবির্ভাব হইবার সম্বন্ধে যে সকল ভবিষ্যদ্বাণী তওরয়ত ও ইঞ্জিলে উক্ত হইয়াছে, তাহা আমরা 'বিশ্বাস' করিয়া থাকি ।

হজরত মুসার প্রার্থনা কোরাণ শরিফে নিম্নলিখিতরূপে উক্ত হইয়াছে, “তুমি আমাদের জন্য ঈহলোকে কল্যাণ লিপি লেখ, নিশ্চয় আমরা তোমার দিকে ফিরিয়া আসি ।” আল্লাতাল্লা বলিলেন, “আমি যাহাকে ইচ্ছা শাস্তি দিব, এবং আমার দয়া সমুদয় বস্তুকে ঘিরিয়া থাকে, এবং যাহারা ধর্মভীরু, জাকাৎ দেয় ও যাহারা আমার নিদর্শন সকলের প্রতি বিশ্বাস স্থাপন করে, আমি তাহাদের জন্য অবশ্য তাহা (দয়া) লিখিব ; যাহারা অশিক্ষিত প্রেরিত পুরুষের অনুসরণ করিবে, তাহাদের নিকটে তওরয়ত ও ইঞ্জিলে তাহাকে তাহার বর্ণনা লিপিবদ্ধ প্রাপ্ত হইবে ; সে তাহাদিগকে বৈধ বিষয়ে আদেশ করিবে এবং অবৈধ বিষয় হইতে নিবৃত্ত করিবে । তাহাদের জন্য শুদ্ধ বস্তু বৈধ এবং অশুদ্ধ বস্তু অবৈধ করিবে, অপিচ তাহাদের ভার ও গলবন্ধন যাহা তাহাদের উপর আছে, সে তাহাদিগের হইতে দূর করিবে । এবং যাহারা তাহার প্রতি বিশ্বাস স্থাপন করিবে, সম্মান করিবে এবং সাহায্য করিবে এবং সেই জ্যোতিঃ অনুসরণ করিবে, যাহা তাহার সহিত প্রেরিত হইয়াছে, তাহারাই সুখী হইবে ।” কোরাণ শরিফের আর এক স্থানে উক্ত হইয়াছে, “যখন মরিয়মের পুত্র ইসা বলিল, ‘হে বনি ইস্রাইল ! নিশ্চয় আমি তোমাদের নিকট খোদাতালার প্রেরিত’, আমার পূর্বে যে তওরয়ত গ্রন্থ অবতীর্ণ হইয়াছিল, আমি তাহার প্রমাণকারক এবং আমার

পরে যে প্রেরিতপুরুষ আসিবেন, যাঁহার নাম “আহমদ” হইবে, তাঁহার সূসংবাদদাতা’ এবং যখন সে তাহাদের নিকটে বহু অলৌকিকতা সহ আগমন করিল, তখন তাহারা বলিল, ইহা স্পষ্টই ইল্লাজাল ।”

মুসলমানগণ তওররত ও ইঞ্জিলে হজরত মহম্মদের আবির্ভাব সম্বন্ধে ভবিষ্যাবাগীসমূহ অসূক্ষ্মান করিতে গিয়া তৎকালীন উক্ত গ্রন্থ-দ্বয়ের ছরবছার বিষয় অবলোকন করিয়া অতিশয় আশ্চর্য্যান্বিত হইয়াছিলেন, কারণ তখন মূল তওররত ও ইঞ্জিল কোন স্থানে বিদ্যমান ছিল না। কিন্তু যে সকল অনুবাদিত তওররত ও ইঞ্জিল বিদ্যমান ছিল, তাহাদের আবার একখানির সহিত অপর খানির মিল ছিল না; ফলতঃ তৎসমুদয় মূল গ্রন্থের অনুবাদ ঠিক ছিল না। সেই সকল গ্রন্থ যে মূল গ্রন্থ হইতে পৃথক, তাহা পাঠ করিয়াই বোধ হইত। তওররত ও ইঞ্জিলের যে যে স্থানে কোন পবিত্র ব্যক্তির আবির্ভাবের কথা উল্লিখিত ছিল, মুসলমানগণ যখন সেই সেই স্থানে নানা পরিবর্তন দেখিতে পাইলেন, তখন তাঁহারা অতিশয় আশ্চর্য্যান্বিত হইয়াছিলেন। আবার যখন তাঁহারা কোরাণ শরীফের এই আয়েতগী পাঠ করিলেন, “মুসায়ীদিগের মধ্যে কেহ কেহ এমন লোক আছে, যাঁহারা শব্দগুলিকে তাহাদের স্থান হইতে পরিবর্তন করে।” তখন তাঁহারা নিঃসন্দেহে প্রকাশ করিয়া দিয়াছিলেন যে, হজরত মহম্মদের আবির্ভাব সম্বন্ধে তওররত ও ইঞ্জিলে যাহা যাহা উক্ত হইয়াছিল, মুসায়ী ও সৈমায়ীগণ তাহার অধিকাংশই পরিবর্তন করিয়াছে।

যাহা হউক, এক্ষণে তওররত ও ইঞ্জিলের মধ্যে আনাদের ধর্ম-প্রচারকের আবির্ভাব সম্বন্ধে যে সকল ভবিষ্যাবাগী প্রাপ্ত হওয়া যায়; তাহাদের মধ্য হইতে নিম্নে কয়েকগী উদ্ধৃত করিয়া দিতেছি। মূল তওররত হিব্রু ভাষায় লিখিত, আমরাও সেই হিব্রুই উদ্ধৃত করিলাম। তবে তাহা হিব্রু অক্ষরের অভাবে বাঙ্গালা অক্ষরে লিখিত হইল।

খোদাতালা আদি পুস্তকে ইস্মাইলের বংশবৃদ্ধি ও তাঁহাকে আশীর্বাদ করিবেন বলিয়া যে প্রতিশ্রুত হইয়াছিলেন, তাহা এই—

প্রথম ।

“ওল ইস্মাইল শমাংত খাঁ হেন্নে বেরাখ্‌তি ওখো বে হেফরেতি ওখো বে হের্‌বিখি ওখো এমুদ মেউদ শেনিম আসাড় নেসেইম্ উইলিদ ওন সাৎতিও লেগুই গাঢ়ুল ।” (Gen xvii' 20.)

অর্থ “এবং ইস্মায়েল বিষয়ক তোমার প্রার্থনাও শুনিলাম ; দেখ, আমি তাহাকে আশীর্বাদ করিয়াছি এবং তাহাকে বহুপ্রজ্ঞ করিয়া তাহার অতিশয় বংশ বৃদ্ধি করিব ; তাহা হইতে দ্বাদশ রাজা উৎপন্ন হইবে এবং আমি তাহাকে বড় জাতি করিব ।” (আদি পুস্তক ১৭ অধ্যায় ২০ শ্লোক) ।

খোদাতালা ইস্মাইলকে আশীর্বাদ করিবেন বলিয়া যে প্রতিশ্রুত হইয়াছিলেন, তিনি ইস্মাইল বংশে সমুদয় পৃথিবীর ধর্মপ্রচারক হজরত মহম্মদকে প্রেরণ করিয়া সেই প্রতিশ্রুতি পূর্ণ করেন । খৃষ্টান ও ইহুদিগণ বলিয়া থাকেন যে, ইস্মাইলের আধ্যাত্মিক মঙ্গলসাধন করা খোদাতালার অভিপ্রায় ছিল না, কিন্তু তদংশে ১২ জন রাজা উদ্ভব হইবে বলায় কেবল তাঁহার পার্থিব সুখ বর্ধনে প্রতিশ্রুত হইয়াছিলেন ।

বিজ্ঞ পাঠকগণ, উপরোক্ত শ্লোকটীতে তিনটী স্বতন্ত্র স্বতন্ত্র কথার উল্লেখ আছে. দেখিতে পাইবেন—১ম, “আমি তাহাকে আশীর্বাদ করিয়াছি” ; ২য়, “আমি তাহাকে বহুপ্রজ্ঞ করিয়া তাহার অতিশয় বংশ

বৃদ্ধি করিব” ; ওয়, “আমি তাহাকে বড় জাতি করিব ।” এক্ষণে আমরা জিজ্ঞাসা করি, উপরোক্ত তিনটি স্বতন্ত্র স্বতন্ত্র কথায় কি কেবল “বংশ বৃদ্ধি” এই অর্থটি বুঝাইতেছে ?

আল্লাহতালার ইম্হাকের নিকট নিম্নলিখিতরূপে প্রতিশ্রুত হইয়াছিলেন “সেই রাত্রিতে সদাপ্রভু তাহাকে দর্শন দিয়া কহিলেন, আমি তোমার পিতা এব্রাহিমের আল্লাহ, ভয় করিও না ; কেননা আমি আপন দাস এব্রাহিমের অনুরোধে তোমার সঙ্গে থাকিব ও তোমাকে আশীর্বাদ করিয়া তোমার বংশবৃদ্ধি করিব” (আদি পুস্তক ২৬ অ, ২৪) ।

ইহা কি আশ্চর্যের বিষয় নহে যে, ইম্হাক সম্বন্ধে খোদাতালার প্রতিশ্রুতিটি আধ্যাত্মিক আর ইস্রাইল সম্বন্ধে প্রতিশ্রুতিটি পার্থিব ? আদি পুস্তকে এইরূপ অনেক শ্লোক আছে, বিস্তৃত ভয়ে আমরা তাহা আর উদ্ধৃত করিলাম না ।

দ্বিতীয় ।

“নবি মেকার বেখামেয়া হিখা কামনি এয়াকায়েম্ লিখা এয়োছেওয়াহ এলোহেখা এলাও তাসুমা উন নবি ওকএম্ লাহিম মেকেরেবা আহেহিম্ ক মুখা বেনাসাতি দিবা রায় নেফিউ বে দেবেবর্ এলেয়াহিম্ এস কোল আসরে সাওবেনো ।” (Deut xviii. 15. 18,)

অর্থ “তোমার আল্লাহ সদাপ্রভু তোমার মধ্য হইতে অর্থাৎ তোমার ভ্রাতৃগণের মধ্য হইতে আমার সদৃশ ভাববাদী উৎপন্ন করিবেন, তাহারই বাক্য তোমরা অবধান করিবে ।” “আমি উহাদের কারণ উহাদের ভ্রাতৃগণের মধ্য হইতে তোমার সদৃশ এক ভাববাদীকে উৎপন্ন করিব ও তাহার

মুখে আমার বাক্য দিব, তাহাতে আমি তাঁহাকে যে যে আজ্ঞা করিব, তাহা তিনি উহাদিগকে কহিবেন ।” (দ্বিতীয় পুস্তক ১৮ অধ্যায় ১৫, ১৮) ।

উপরোক্ত শ্লোকদ্বয়ে আমাদের ধর্মপ্রচারকের আবির্ভাবের কথা স্পষ্ট উল্লিখিত হইয়াছে ; কারণ খোদাতালা সমুদয় ইস্রাইলবংশীয়ের নিকট প্রকাশ করিতেছেন যে, আমি তোমাদের ভ্রাতাগণের মধ্য হইতে এক জন ধর্মপ্রচারক উৎপন্ন করিব । ইস্রাইলবংশীয়দের ভ্রাতাগণের মধ্য হইতে ধর্মপ্রচারক উৎপন্ন করিব বলিলে ইস্রাইলবংশে ধর্মপ্রচারক উৎপন্ন হইবে বুঝায়, কেননা ইস্রাইলের ভ্রাতা ইস্রাইল আর ইষৌ ; আবার ইষৌবংশে কোন ধর্মপ্রচারক উৎপন্ন হইবে না, তাহার বিষয় ইঞ্জিলে বর্ণিত আছে । অতএব ইস্রাইল বংশে ধর্মপ্রচারক উৎপন্ন হইবারই সম্ভব । ইস্রাইলের ভ্রাতা বলিলে, সেই বংশীয়দিগকে না বুঝাইয়া ইস্রাইল ও ইষৌবংশীয়দিগকে বুঝায় ; এক্ষণে আমরা তাহা দেখাইতে চেষ্টা করিব । ইস্রাইলবংশীয়গণ ইস্রাইলবংশীয়গণের সম্মুখে বাস করিবে, তাহার বিষয় আদি পুস্তকের ১৬ অধ্যায়ে ১২ শ্লোকে এইরূপে উক্ত হইয়াছে, “আর বন গর্দভ স্বরূপ হইবে, তাহার হস্ত সকলের প্রতিকূল ও সকলের হস্ত তাহার প্রতিকূল হইবে, সে নিজ সকল ভ্রাতার সম্মুখে বাস করিবে ।” এখানে নিজ ভ্রাতা বলায় ইস্রাইল ও ইষৌবংশীয়দিগকে বুঝাইতেছে । এ সম্বন্ধে আদি পুস্তকের ২৫ অধ্যায়ে ১৮ শ্লোকেও এইরূপ উক্ত হইয়াছে, “অপর তাহার সম্মানগণ হবিলা ও মিসরের পূর্ব-স্থিত সুর অবধি অমুরিয়ার দিকে বসতি করিল, এইরূপ তাবৎ ভ্রাতাগণের সম্মুখস্থ বসতি স্থান পাইল ।”

গণনা পুস্তকের ২০ অধ্যায়ের ১৪ শ্লোকে ইস্রাইলের ভ্রাতা অর্থে ইষৌবংশীয়দিগকে বুঝাইতেছে, “পরে মুশা কাদেশ হইতে ইদোমীয় রাজার

নিকটে দূত দ্বারা বলিয়া পাঠাইল, তোমার ভ্রাতা ইস্রায়েল এই কথা কহে, আমাদের প্রতি যে সমস্ত আয়াস ঘটিয়াছে, তুমি তাহা জ্ঞাত আছ ।” দ্বিতীয় পুস্তকে উক্ত হইয়াছে, “সেই বংশ আপন ভ্রাতাদের মধ্যে কোন অধিকার পাইবে না, তাহার প্রতি কথিত আপন বাক্যানুসারে সদাপ্রভুই তাহার অধিকার ।” এখানে ভ্রাতা অর্থে ইস্রায়েলের ভ্রাতা বনি ইস্রাইলকে বুঝাইতেছে । অতএব ইস্রাইলের ভ্রাতাগণ বলায় যে ইস্রাইলের সম্মান-গণকে বুঝাইতেছে, তাহাতে সন্দেহ নাই ; আবার সেই ইস্রাইলবংশের ধর্ম প্রচারক, হজরত মহম্মদ ভিন্ন আর কেহই নহেন ।

মুসারী ও ঈসারীগণ স্বীকার করেন যে, ইস্রাইল বংশীয় ধর্ম প্রচারক-গণ খোদাতালার বাক্যাগুলির মূল মর্ম নিজের ভাষায় লোকের নিকট প্রচার করিতেন ও তাহাই ধর্মপুস্তকে লিখিত হইয়াছে । কিন্তু আমাদের ধর্ম-প্রচারক হজরত মহম্মদের নিকট খোদাতালার যে সকল বাক্য অবতীর্ণ হইয়াছিল, তাহা তিনি অবিকল লোকের নিকট প্রচার করিতেন ও সেই সকল বাক্যই কোরাণ শরীফে অবিকল লিখিত আছে । ইহাতে “এবং আমি তাহার মুখে আমার বাক্য দিব” এই শ্লোকটির অতিপ্রায় সম্পূর্ণ হইয়াছে, আর ঐ শ্লোকটিতে হজরত মহম্মদ ভিন্ন আর কাহাকেও বুঝাইতেছে না ।

উপরোক্ত শ্লোকদ্বয়ে আমরা আরও দেখিতে পাই যে, একজন ধর্ম-প্রচারকের আবির্ভাবের বিষয় খোদাতালা হজরত মুসার নিকট প্রকাশ করিয়াছেন,—“আমি তোমার ভ্রাতৃগণের মধ্য হইতে তোমার সদৃশ এক জন ভাববাদীকে উৎপন্ন করিব ।” কিন্তু আমরা দ্বিতীয় পুস্তকের ৩৪ অধ্যায়ের ১০ শ্লোকে দেখিতে পাই যে, “বেলো কাম নবি ওদ বে এসরাইল কোনুসেহ আসেরেমদ আয়ু ইহা ওয়; বানিমে অল বানিম” অর্থাৎ, কিন্তু মুসার তুল্য কোন ভাববাদী ইস্রাইলের মধ্যে আর উৎপন্ন হইল না ।” ইহাতে

আর কিছুমাত্র সন্দেহ নাই যে, ভাবী ধর্ম প্রচারক অবশুই ইস্রাইলের ভ্রাতা ইস্রাইল বংশে উৎপন্ন হইবে । এক্ষণে আমরা দেখাইব যে, হজরত মহম্মদ, হজরত মুসার গায় ছিলেন কি না । এই বিষয়ের আলোচনা করিলে, আমরা দেখিতে পাই যে, তিনি হজরত মুসার গায় ছিলেন । হজরত মুসার নিজের ইতিবৃত্তে দেখিতে পাওয়া যায় যে, তিনি যেরূপ বিপক্ষগণ কর্তৃক স্বদেশ হইতে তাড়িত হইয়াছিলেন, হজরত মহম্মদও তদ্রূপ বিপক্ষগণ কর্তৃক স্বীয় জন্মভূমি মক্কা নগরী হইতে বিতাড়িত হইয়াছিলেন এবং ঐ দুই জন ধর্ম প্রচারক একই স্থানে অর্থাৎ মদিনা নগরে আসিয়া আশ্রয় গ্রহণ করিয়াছিলেন । মদিনার আদিম নাম ইয়াথেব, ইহা ইয়াথুন নামক এক ব্যক্তি কর্তৃক স্থাপিত হইয়াছিল, এই ইয়াথুনের গৃহে হজরত মুসা আশ্রয় গ্রহণ করিয়াছিলেন । হজরত মুসা যেরূপ কাফেরদিগের বিপক্ষে যুদ্ধ ঘোষণা করিয়াছিলেন, হজরত মহম্মদও আত্মরক্ষার্থ কাফেরদিগের বিপক্ষে সেইরূপ যুদ্ধ ঘোষণা করিয়াছিলেন । হজরত মুসা যেমন তাঁহার প্রেীড়িত সম্প্রদায় সঙ্গে লইয়া মিসর দেশ হইতে পলায়ন করিয়া একমাত্র খোদাতালার উপাসনায় দলবদ্ধ হইয়াছিলেন, হজরত মহম্মদও সেইরূপ মক্কা হইতে প্রেীড়িত শিষ্যগণসহ মদিনায় গমন করিয়া জড়োপাসক ও বিভিন্ন সম্প্রদায়ভুক্ত লোকদিগকে এক মাত্র সত্যস্বরূপ নিরাকার আল্লাহতালার উপাসনায় নিযুক্ত করিয়াছিলেন । হজরত মুসা যেরূপ ধর্মরাজ্য সংস্থাপন করিয়াছিলেন, হজরত মহম্মদও সেইরূপ ধর্মরাজ্য স্থাপন করিয়াছিলেন । হজরত মুসার নিকট যে সকল বিধান অবতীর্ণ হইয়াছিল, তদনুসারে বনি ইস্রাইলগণ কার্য্য করিতেন ; হজরত মুসার পর হজরত মহম্মদ ভিন্ন আর কাহারও নিকট ঐরূপ বিধান অবতীর্ণ হয় নাই । হজরত মহম্মদের নিকট যে সকল বিধান অবতীর্ণ হইয়াছিল, তাহার উপর ইসলামের মূলভিত্তি স্থাপিত । অতএব

উপরোক্ত শ্লোকে যে ধর্মপ্রচারকের আবির্ভাবের কথা উল্লিখিত হইয়াছে, সেই ধর্মপ্রচারক নিশ্চয়ই হজরত মহম্মদ ভিন্ন আর কেহই নহেন ।

তৃতীয় ।

ওয়াই ইউমেরই হাওয়া মেস্‌সিনাই বা ভেজারাঃ মেস্‌মে এর লামো হোভিয়া মেহরে পারাণ বে আসামের বাবোসে কোদেশ মেমিনো এশ্‌দাসেলামো ।” (Deut. xxxiii. 2.)

অর্থ “এবং সে কছিল, সদা প্রভু সীনয় হইতে আসিলেন ও সেয়ীর হইতে তাহাদের প্রতি উদ্ভিত হইলেন ; তিনি পারাণ পর্কত হইতে আপন তেজ প্রকাশ করিলেন ও অমৃত অমৃত পূণ্যবানের সভা হইতে আসিলেন ; তাহাদের জন্ত তাঁহার দক্ষিণ হস্ত হইতে ব্যবস্থারূপ অগ্নি উৎপন্ন হইল ।” (দ্বিতীয় পুস্তক ৩৩ অধ্যায় ২ শ্লোক) ।

“বলোওহা মেংতিমান ইয়াবু বে কাদুশ মেহার পারাণ সেলাহ কেচ্ছাহ শেমাইন হুদো ওসহেল্লাহ সো মালেয়া হা আরেস্ ।” (Hab. iii. 13)

অর্থ—খোদাতালা তৈমন্ হইতে এবং পবিত্রতম পারাণ পর্কত হইতে আগমন করিয়াছেন । সেলা । গগনমণ্ডল তাঁহার প্রভাতে ব্যাপ্ত ; ও পৃথিবী তাঁহার প্রশংসাতে পরিপূর্ণা ।” (হব ৩ অধ্যায় ২ শ্লোক) ।

পারাণ পর্কত মকার্ অবস্থিত । আমরা এই পুস্তকের প্রথমেই প্রমাণ করিয়াছি যে, পারাণ মকার্ পর্কত ভিন্ন আর কোন স্থানের পর্কত নহে । “তিনি পারাণ পর্কত হইতে আপন তেজ প্রকাশ করিলেন,” এই তেজঃ কি ? পবিত্র কোরাণ শরিফ ও হজরত মহম্মদের বিধান মসুহ, তদ্বিষয়ে কোন সন্দেহ নাই ।

১৮৬৯ খৃঃ অব্দের অক্টোবর মাসের ইংলণ্ডের কোয়ার্টার্লি রিভিউ নামক সংবাদ পত্রের ২৯৯ পৃষ্ঠায় “ইসলাম” নামক প্রবন্ধে যাহা লিখিত হইয়াছিল, তাহার কিয়দংশ নিম্নে অনুবাদিত হইল—“সদাপ্রভু সীনয় হইতে আসিলেন,” ইহার অর্থ হিব্রুভাষার বিধান (তওরয়ত) ; ‘এবং সেয়ীর হইতে তাহাদের প্রতি উদ্ভিত হইলেন,’ ইহার অর্থ গ্রীক ভাষার বিধান (ইঞ্জিল) ; ‘এবং তিনি পারাগ পর্বত হইতে আপন তেজঃ প্রকাশ করিলেন,’ ইহার অর্থ আরবী ভাষার বিধান (কোরাণ শরীফ) । * * ইহাও সত্য যে, সীনয় ও সেয়ীর পর্বতদ্বয় ইস্রাইল ও ইযৌ প্রভৃতি বংশীয়-গণের প্রতি ব্যবহৃত হইয়াছে, আর পারাগ পর্বতটি স্পষ্টরূপে আরবীয়-দিগের সম্বন্ধে বুঝাইতেছে ।”

চতুর্থ ।

হজরত সোলেমান তাঁহার প্রিয়পাত্রের আকৃতির বিষয় নিম্নলিখিত রূপে বর্ণনা করিয়াছেন ;—

“হুদি সাঃ ভে আহ্ম দাগুল মের্বাবাহ রোশো কসেমে পাজ কেসেওসাই তালতাল্লিমে শেছরোস বা আওরেবু এনাও বে আনিম্ আল আফিকি মাইন্ রওহাসোধ্ বেহালাব ইয়োশ বুথ আল্‌মেলেৎ লেহায়াও বারো গাথ হাব্বুশিমাগ্ দেলোৎ মেরকাহিম্ সাফতুতাও সাওসানিম্ নোৎকোৎ মোর অবের্ এদাও গেলিলে জাহাব্ মেমোলাইন্ বাৎতার্শিশ্ মে আদ্ ইশেথ শায়েন মে ওলে ফিথ সুপ্পেরিম্ শওকাও আমুদে শেষ ইয়াও মোথ খাদিম্ আল্ আদনে কারাজ পার্‌মডি হোবল লেবানুন্ বাছর বারাজিম্ হাব্বু মাম্ তাকিন্ ভে বেমো

মহান্মদিম্ যে দুদি ভে যে রেই বেমুৎ একশায়লিম্ ।”
(Solomon's Song. Ch. 5. ver 10-16).

অর্থ, “আমার প্রিয়তম খেত ও রক্তবর্ণ ; তিনি দশ সহস্রের মধ্যে অগ্রগণ্য । তাঁহার মস্তক নির্মল সুবর্ণের গায়, তাঁহার কেশগুচ্ছ ঝাড়ালা ও দাঁড়কাকের গায় কৃষ্ণবর্ণ । তাঁহার নেত্রযুগল জলপ্রণালীর ধারে স্থিত ও ছুখে স্নাত ও পরঃপূর্ণ স্থানে উপবিষ্ট কপোতদ্বয়ের গায় । তাঁহার গও-দেশ সুগন্ধি ঔষধির চৌকা ও আমোদকারী লতার স্তম্ভস্বরূপ । তাঁহার ওষ্ঠাধর দ্রব গন্ধরস ক্ষরণকারী শোশন পুষ্পের গায় । তাঁহার হস্ত বৈহুঁয়া মণিতে খচিত সুবর্ণের অক্ষুরীয় স্বরূপ । তাঁহার দন্ত নীলকান্ত মণিতে খচিত হস্তিদন্তময় শিল্প কর্মের গায় । তাঁহার উরুদ্বয় সুবর্ণ চূড়িতে বসান খেত প্রস্তুতময় স্তম্ভদ্বয়ের গায় । তাঁহার আভা লিবানোনের সূদৃশ ও এরস বৃক্ষের গায় উৎকৃষ্ট । তাঁহার তালু নিস্তান্ত মধুর ; তিনি সর্বতোভাবে মহান্মদিম্—মনোহর (মহম্মদ—প্রশংসিত) । হে জেরুশালেমের কন্যাগণ ! এই আমার প্রিয়, এই আমার সখা ।” (পরমগীত ৫ অধ্যায় ১০—১৬ শ্লোক) ।

যদিও হজরত সোলেমান উপরোক্ত শ্লোকটিতে কবিকল্পনা রূপ বর্ণনা করিয়াছেন, কিন্তু উহা আমাদের ধর্মপ্রচারকের আকৃতি ও রূপের সহিত ঠিক মিলিতেছে । শ্লোকের শেষভাগে হজরত সোলেমান তাঁহার প্রিয়পাত্রের নাম “মহম্মদ” ইহাও উল্লেখ করিয়াছেন । ইংরাজি বাইবেলে হিব্রু “মহান্মদিম্” শব্দটি ইংরাজিতে “Lovely” “অর্থাৎ মনোহর” শব্দ দ্বারা অনুবাদিত হইয়াছে; ইহা সম্পূর্ণ ভুল । কিন্তু “মহান্মদিম্” শব্দটির প্রকৃত ইংরাজী অনুবাদ “Illustrious (সুবিখ্যাত) কিংবা “the praised (প্রশংসিত) হইবে ।

হিব্রু “মহান্মদিম্” শব্দটি “মহান্মদ” শব্দের বহুবচনে ব্যবহৃত হইয়া থাকে । হিব্রু ভাষার ব্যাকরণের নিয়মানুসারে কোন সংজ্ঞাবাচক সুবিখ্যাত লোকের কিম্বা যখন কোন বিশেষ্যপদকে মহৎ ও প্রধান বলিয়া উল্লেখ করা যায়, তখন বহুবচনে প্রয়োগ হয় । যেমন “এলোভা” শব্দটির অর্থে দেবতা বুঝায়, আবার “এলোভা” শব্দটি আহাহতায়ালার সম্বন্ধে প্রয়োগ করিতে গেলে, উহার বহুবচন “এলোভিম্” করিতে হয় ; এবং “বায়াল” অর্থে দেবমূর্ত্তি বুঝায়, কিন্তু কোন প্রধান দেবমূর্ত্তি অর্থে প্রয়োগ কালে “বায়ালিম্” করিতে হয় । এইরূপ আরও অনেক উদাহরণ আছে।

পঞ্চম ।

“অহির আশ্‌তি এয়েদ কোল হেগ্‌গো ইম্ আবাডু হাম্দাঃ কোল্ হেগ্‌গোইম্ ওমেলতি হাবা বাইথ হাজ্‌জ কাবুথ আমর আদুনাই সে বাউথ ।” Hag ii. 70.

অর্থ “এবং আমি সর্বজাতিকে কল্পবান্ করিব, এবং সর্বজাতির মনোরঞ্জক পাত্র আসিবে ; এবং আমি এই গৃহ প্রতাপে পরিপূর্ণ করিব, ইহা বাহিনীগণের সঙ্গপ্রভু কহেন ।” (হগয় ২ অধ্যায় ৭ শ্লোক) ।

উপরোক্ত শ্লোকটিতে আমাদের ধর্মপ্রচারক সম্বন্ধে অত্র একটি প্রকাশ্য ভবিষ্যদ্বাণী নিহিত রহিয়াছে, কিন্তু দুঃখের বিষয় এই যে, খৃষ্টানগণ চাতুরী করিয়া উহা হজরত ইসার সম্বন্ধে ভবিষ্যদ্বাণী বলিয়া গ্রহণ করেন । পরন্তু যদি ইহা তাহাই হইত, তবে সেন্ট মথি,—যিনি হজরত ইসার সম্বন্ধে তৎসময়ে যতগুলি ভবিষ্যদ্বাণী ছিল, সমুদয়ই পুঙ্খানুপুঙ্খরূপে অনুসন্ধান করিয়া লিখিয়া গিয়াছেন,—তিনি কখনই ঐ শ্লোকটি উক্ত না করিয়া থাকিতে পারিতেন না । বিজ্ঞ গড়ফ্রেহিজিন্ এইটী বিষয় একজন

মুসলমান ও একজন খৃষ্টানের পরস্পর কথোপকথনচ্ছলে অতি সুন্দর-রূপে বিবৃত করিয়াছেন । আমরা সাধারণের অবগতির জন্ত নিম্নে তাহার অনুবাদ করিয়া দিলাম ।—

“হজরত মহম্মদের ধর্মাবলম্বিগণ বলিয়া থাকেন যে, তাঁহাদের ধর্ম-প্রচারকের নাম তাঁহার আবির্ভাবের পূর্বেই তৎসময়ে উল্লিখিত হইয়াছিল । বিজ্ঞ পার্কহাষ্ট বলেন, “হ,ম,দ” এই ধাতু হইতে “মহম্মদ” শব্দটি উৎপন্ন হইয়াছে । সত্য এবং মিথ্যা ধর্মাবলম্বীরা তাহাদের বিশেষ যত্নে ও আদরে অনুষ্ঠিত সকল পবিত্র কার্যে এই শব্দটির প্রয়োগ করিয়া থাকেন । “যেথা হাম্দাঃ কোল্‌হাগ্ গোইম্” অর্থাৎ সর্বজাতির মনোরঞ্জক পাত্র আসিবে ।” অতএব ‘হ, ম, দ,’ ধাতু হইতে যে ধর্মপ্রচারক (হজরত) মহম্মদের নামোল্লিখিত হইয়াছে, তাহা দ্বিষয়ে কোন সন্দেহ নাই ।

“বিজ্ঞ পার্কহাষ্টের উপরোক্ত কথাগুলি শ্রবণ করিয়া একজন মুসলমান বলিতে পারেন,—‘এখানে তোমরা দেখিতে পাইতেছ যে, আমাদের ধর্ম-প্রচারকের নাম তৎসময়ে ও ইজিপ্তে পরিষ্কাররূপে উল্লিখিত হইয়াছে । এই ভবিষ্যদ্বাণী হজরত ঈসা সহস্কে যাহারা গ্রহণ করে, তাহাদের সম্পূর্ণ ভুল । লুকের ২৪ অধ্যায়ের ৪৯ শ্লোকে হজরত ঈসা স্বয়ং বলিয়াছেন, ‘আর দেখ, আমার পিতা যাহা প্রতিজ্ঞা করিয়াছেন, তাহা আমি তোমাদের নিকটে পাঠাইয়া দিব, অতএব তোমরা যাবৎ উর্ক হইতে প্রস্তাবরূপ সজ্জা পরিহিত না হও, তাবৎ যেরূশালেম নগরে বসিয়া থাক’ । ইহাতে আমা-দের ধর্মপ্রচারক হজরত মহম্মদ, হজরত ঈসার বিধানগুলিকে সম্পূর্ণরূপে পরিণত করিতে আসিবেন, ইহাই হজরত ঈসা বলিয়াছিলেন । কিন্তু পবিত্রাত্মা প্রভৃতি আসিবেন, তিনি এরূপ মনে করিয়া বলেন নাই । তাঁহার উক্তিতে হজরত মহম্মদের আবির্ভাব স্পষ্টরূপে পরিব্যক্ত হইয়াছে ।”

যষ্ঠ ।

“ভে রায়াঃ রেবেব্ সেদিম্ পারাশিম্ রেথিব হামূর রেথিব
গামাল বেহেক্শিব কেশিব্ রায়াব কাশিব ।”

(Isaiah XXI. 7.)

অর্থ,—“তিনি দুই জন আরোহী দেখিয়াছিলেন, একজন গর্দভারোহী,
আর একজন উষ্ট্রারোহী ; এবং তিনি যথাসাধ্য অবধান করতঃ কর্ণপাত
করিয়াছিলেন ।” (যিশায়াহ ২১ অধ্যায় ৭ শ্লোক) ।

আমাদের মতে উপরোক্ত অনুবাদটি হিব্রুভাষার ঠিক অনুবাদ হই-
য়াছে । কিন্তু ইংরাজি বাইবেলে উহা নিম্নলিখিতরূপে অনুবাদিত হইয়াছে,
—“এবং তিনি দুইজন অশ্বারোহীযুক্ত রথ, একটি অশ্বের রথ এবং একটি
উষ্ট্রের রথ দেখিয়াছিলেন, এবং তিনি যথাসাধ্য অবধানকরত কর্ণপাত
করিয়াছিলেন ।” অগ্ন এক ব্যক্তি উক্ত শ্লোকটি নিম্নলিখিতরূপে অনুবাদ
করিয়াছেন, “তিনি দুইজন অশ্বারোহীযুক্ত একখানি রথ দেখিয়াছিলেন,
একজন গর্দভারোহী, একজন উষ্ট্রারোহী এবং তিনি যথাসাধ্য অবধান-
করত কর্ণপাত করিয়াছিলেন” । ফলতঃ উক্ত অনুবাদগুলিতে আমাদের
ধর্ম পচারকের আবির্ভাবের বিষয় সম্পূর্ণ প্রতীক্ষমান হইতেছে । অপরন্তু
ইহাতে আর কোনও সন্দেহ নাই যে, হজরত যিশায়াহ যে দুই জন আরোহীর
কথা বলিয়া গিয়াছেন ; তাঁহারা দুইজনই অধিতীয় নিরাকার খোদাতালার
উপাসনার পুনরুদ্ধারকারী । যিনি গর্দভারোহী, তিনি হজরত ইসা, কারণ
হজরত ইসা গর্দভপৃষ্ঠে আরোহণ করিয়া যেরূশালেমে প্রবেশ করিয়া-
ছিলেন ; এবং যিনি উষ্ট্রারোহী, তিনি হজরত মহম্মদ, কারণ হজরত মহম্মদ
উষ্ট্রোপরি আরোহণ করিয়া মদিনায় প্রবেশ করিয়াছিলেন, এবং উষ্ট্রই
আরববাসিগণের একমাত্র বাহন ।

সপ্তম ।

These things have I spoken unto you, being yet present with you. But the Comforter (parakletos), which is the Holy Ghost, whom the Father will send in my name, he shall teach you all things and bring all things to your remembrance, whatsoever I have said unto you. (John xiv. 25. 26.)

“তোমাদের নিকটে থাকিবার সময়ে আমি এই সকল কথা কহিলাম । কিন্তু ঐ শান্তিকর্তা (comforter) নামে পিতা যে পবিত্র আত্মাকে প্রেরণ করিবেন, তিনি বাবতীয় বিষয় তোমাদিগকে শিক্ষা দিবেন, এবং আমি তোমাদিগকে যাঁহা যাঁহা বলিয়াছি, সে সকল স্মরণ করাইবেন ।” (যোহন ১৪ অধ্যায় ২৫, ২৬ শ্লোক) ।

‘Nevertheless I tell you the truth ; It is expedient for you that I go away : for if I go not away, the Comforter will not come unto you : but if I depart, I will send him unto you’ (John xvi. 7).

“তথাপি আমি সত্য কহিতেছি, আমার গমনে তোমাদের উপকার হয়, যেহেতু আমি না গেলে শান্তিকর্তা তোমাদের নিকটে আসিবেন না ; কিন্তু যদি ঘাই, তবে তোমাদের নিকটে তাঁহাকে পাঠাইয়া দিব ।” (যোহন ১৬ অধ্যায় ৭ শ্লোক) ।

গ্রীক বাইবেলের “পারাক্লেতস” শব্দটি ইংরাজী বাইবেলে “comforter (শান্তিকর্তা) শব্দ দ্বারা অনুবাদিত হইয়াছে । কিন্তু হজরত ইসা যে শব্দটি উচ্চারণ করিয়াছিলেন, তাহার অনুবাদ গ্রীক ভাষার

“পেরিক্লিতস” শব্দ দ্বারা অনুবাদিত হইলে ঠিক হইত। “পেরিক্লিতস” শব্দটির অর্থ ইংরাজিতে Illustrious—সুবিখ্যাত কিংবা renowned—প্রশংসিত, আর আরবীভাষায় সর্বতোভাবে “আহমদ” হয়। এই শব্দটি সম্বন্ধে বিজ্ঞ লোকেরা নানা তর্ক বিতর্ক করিয়া থাকেন। ইহার সম্বন্ধে সার উইলিয়ম মুর বাহা বলিয়াছেন, তাহা নিয়ে অনুবাদ করিয়া দেওয়া হইল।

“প্রাচীন আরবীভাষায় অনুবাদিত বাইবেলে সেন্ট যোহনের উপদেশ গুলির মধ্যে ‘পারাক্লেতস’ শব্দটির অনুবাদ না হইয়া ‘পেরিক্লিতস’ শব্দটির অনুবাদ করা হইয়াছে; বাহার অর্থ আরবী ভাষায় “আহমদ”। বোধ হয়, হজরত মহম্মদের সমকালে কোন মূর্খ বা স্বার্থান্বেষী খৃষ্টীয় ধর্মযাজক বাইবেলে ‘পারাক্লেতস’ শব্দটির পরিবর্তে “পেরিক্লিতস” শব্দটি লিখিয়া রাখিয়াছিল। তজ্জন্য ঐ শব্দটির দ্বারা (হজরত) মহম্মদের আবির্ভাব হইবার বিষয় স্পষ্ট প্রতিপন্ন হইতেছে।’ সার উইলিয়ম মুর বলিয়াছেন, “কোন মূর্খ ও স্বার্থান্বেষী খৃষ্টীয় ধর্মযাজক বাইবেলে ‘পারাক্লেতস’ শব্দটির পরিবর্তে ‘পেরিক্লিতস’ শব্দটি প্রয়োগ করিয়া বাইবেলের পরিবর্তন করিয়াছে। যদি আমরা ইহা বিশ্বাস করি, তাহা হইলে ইহাতে স্পষ্টই প্রতীয়মান হইতেছে যে, বাইবেল পরিবর্তিত হইয়াছে; এবং মূল বাইবেল কুত্রাপি নাই। এতদ্বিষয় সম্বন্ধে বিজ্ঞ গড়ফে হিজিনের মত নিয়ে অনুবাদ কারয়া দেওয়া হইল।

“ইহা সকলেই স্বীকার করিবেন যে, হজরত ঈসার স্বর্গারোহণের পূর্বে তিনি তাঁহার শিষ্যগণকে বলিয়া গিয়াছিলেন যে, তিনি কোন ক্ষমতাবিশিষ্ট এক জনকে পাঠাইয়া দিবেন অর্থাৎ তাঁহার পর একজন আসিবেন। ইহা আমাদের গ্রীক বাইবেলে ‘পারাক্লেতস’ শব্দ দ্বারা অনুবাদিত হইয়াছে, বাহার অর্থ comforter (শান্তিকর্তা)।

“মুসলমানেরা বলেন যে, হজরত ঈসা যাহার আসিবার বিষয় বলিয়া গিয়াছিলেন, তিনিই (হজরত) মহম্মদ । এইরূপ যিশায়াহ, সাইরাসের আসিবার বিষয় বলিয়া গিয়াছেন । হজরত ঈসা যাহা বলিয়া গিয়াছিলেন, তাহা গ্রীক ভাষায় ‘পেরিক্লিতস’ শব্দে অনুবাদিত না হইয়া ‘পারাক্লেতস’ শব্দে অনুবাদিত হইয়াছে । যে ‘পেরিক্লিতস’ শব্দটি আরবী ভাষায় ‘মহম্মদ’ শব্দে অনুবাদিত হইয়া থাকে, খৃষ্টানেরা সত্য গোপন করিবার জন্য সেই ‘পেরিক্লিতস’ শব্দটির পরিবর্তে বাইবেলে ‘পারাক্লেতস’ লিখিয়াছে । খৃষ্টানগণ ইহাও অস্বীকার করেন না যে, বাইবেলের অনেক স্থান পরিবর্তিত হইয়াছে । মুসলমানগণ বলেন, ‘তাঁহারা (খৃষ্টানগণ) সত্য গোপন করিবার জন্য মূলগ্রন্থ ধ্বংস করিয়াছেন । মূলগ্রন্থ ধ্বংস হইয়াছে বলিয়া খৃষ্টানগণ মুসলমানগণের কথার কোন সন্তোষজনক উত্তর দিতে পারেন না । আবার ৬০০ শতাব্দীতে মূল বাইবেল কৃত্রাপি বিদ্যমান ছিল না ।

ইহার উত্তরে এই বলা যায় যে, তারতুলিয়ান প্রভৃতি প্রাচীন বিজ্ঞ ব্যক্তিগণের লিখিত বাইবেল (হজরত) মহম্মদের পূর্বে হইতে বিদ্যমান রহিয়াছে । কিন্তু যখন মূলগ্রন্থ ধ্বংস করা হইয়াছে, তখন অবশ্যই কোন স্বার্থসিদ্ধার্থ সে কার্য সম্পন্ন করা হইয়াছিল । সেন্ট যোহন হিব্রুভাষাঙ্গ ছিলেন, তিনি যাহা গ্রীকভাষায় অনুবাদ করিয়া গিয়াছেন, সেই অনুবাদিত বাইবেলের ‘ক্লিতস’ শব্দটি কেহ “ক্লেতস” কেহ ‘ক্লিতস’ শব্দ দ্বারা লিখিয়াছেন । যাহা হউক, সেন্ট যোহনের লিখিত বাইবেল যে পরিবর্তিত হইয়াছে, তাহাতে কোন সন্দেহ নাই ।

“মুসলমানেরা বলেন, “যদি খৃষ্টানগণ বাইবেলকে আদি অবস্থায় রাখা শ্রেয়ঃ মনে করিতেন, তাহা হইলে তাঁহারা যেরূপে যন-দি-ব্যান্টিষ্ট, বিবি মরিয়ম, পেটার ও পল প্রভৃতি মহাত্মাগণের অস্তিত্ব ইত্যাদিতে রক্ষা করিতেছেন, মূল বাইবেলও সেইরূপ ভাবে রক্ষা করিতে পারিতেন ।”

“মুসলমানেরা খৃষ্টানদিগকে বলেন যে, খৃষ্টানেরা ঐ মিথ্যা অনুবাদের জন্য মূল বাইবেল ধ্বংস করিয়াছেন। যদি তাঁহারা ঐ কারণে মূল বাইবেল ধ্বংস করিয়া না থাকেন, তবে কি কারণে ধ্বংস করিলেন? ইহাতে খৃষ্টানগণ কোন সন্তোষজনক উত্তর দিতে পারেন না। কেন না, মূল বাইবেল যে এখন বর্তমান নাই, তাহা কেহই অস্বীকার করিতে পারেন না। হজরত ঈসা comforter (শান্তিকর্তা) আসিবে বলার যে তাঁহার শিষ্যগণের নিকট পবিত্র আত্মা আসিবে, তাহা নয়। সেই comforter (শান্তিকর্তা), হজরত মহম্মদ ভিন্ন আর কেহই নহেন, কারণ হজরত মহম্মদ ভিন্ন আর কেহই comforter এর (শান্তিকর্তা) গ্রাহ্য কার্য্য করেন নাই।

“পেন্টে কস্টের ভোজে ১২ জন শিষ্যের নিকট যে comforter কিম্বা “প্যারাক্লেতস” আসায় তাঁহারা বিভিন্ন ভাষায় কথা বলিয়াছিলেন, সেই কথা পবিত্র আত্মার যোগে সম্পন্ন হইয়াছিল। হজরত ঈসার স্বর্গারোহণের অচিরকাল পূর্বে একবার তাঁহারা পবিত্রাত্মার পরিপূর্ণ হইয়াছিলেন। যখন একবার তাঁহাদের নিকট পবিত্রাত্মা আসিয়া অভিলষিত কার্য্য করিয়া গিয়াছিলেন, তখন আবার কেনই বা তিনি বলিবেন যে, তোমাদের নিকট পবিত্রাত্মা আসিবেন? যদি তিনি পবিত্রাত্মাই আসিবেন মনে করিয়া বলিতেন, তাহা হইলে শিষ্যগণকে নিশ্চিতই এইরূপ বলিতেন,—‘আবার তোমাদের নিকট পবিত্রাত্মা আসিবেন।’ কিন্তু পবিত্রাত্মার আগমনের কথাই তিনি বলেন নাই। সেল সাহেব তদীর অনুবাদিত কোরাণ-শরিকের বিজ্ঞাপনে বার্নাসের বাইবেল সম্বন্ধে নিম্নলিখিত রূপ লিখিয়াছেন,—‘মুসলমানগণ দ্বারা প্রথমে এই পুস্তকের কোন পরিবর্তন হয় নাই, যখন তাহাদের অভিলাষ সাধনের আবশ্যক হইয়াছিল, তখন তাহারা অনেক স্থান পরিবর্তন করিয়াছিল।

বিশেষতঃ ‘পারাক্লেতস’ শব্দটির পরিবর্তে ‘পেরিক্লিতস’ শব্দটি লিখাইয়া লইয়াছিল । কেন না, ‘পারাক্লেতস’ শব্দে শান্তিকর্তা (comforter), এবং ‘পেরিক্লিতস’ শব্দে আরবী ভাষায় “মহম্মদ” বুঝায়।” * * *
 সৈলের লিখিত এই কথায় প্রতিপন্ন হইতেছে যে, হজরত ঈসা (হজরত) মহম্মদের আবির্ভাবের বিষয় স্পষ্টরূপে বলিয়া গিয়াছিলেন । আমাদের মতে “পারাক্লেতস’ শব্দটি খৃষ্টানগণের বলিবার বেকরূপ অধিকার, মুসলমানগণের “পেরিক্লিতস শব্দটিও” বলিবার সেইরূপ অধিকার আছে, বরং খৃষ্টানগণ অপেক্ষা মুসলমানগণের যুক্তি অধিক পরিমাণে সঙ্গত বলিয়া বোধ হয় । ইত্যাদি ।

“মুসলমানেরা বলিয়া থাকেন যে, নিম্নলিখিত শ্লোকটি খৃষ্টানগণ ধ্বংস করিয়াছে এবং যখন মরিয়মের পুত্র ঈসা বলিত, ‘হে বনি ইস্রাইল! নিশ্চয়, আমি তোমাদের নিকট খোদাতালার প্রেরিত, আর আমার পূর্বে যে তওরয়ত গ্রন্থ অবতীর্ণ হইয়াছিল, আমি তাহার প্রমাণকারক এবং আমার পরে যে প্রেরিত পুরুষ আসিবেন, তাহার নাম ‘আহমদ’ হইবে, তাহার ‘মুসংবাদদাতা’ ।”

আমরা বিস্মৃত ভয়ে গড়ফে হিজ্রিনের যুক্তিসঙ্গত সমস্ত মত অনুবাদ করিতে পারিলাম না । ফলতঃ বাহা লিখিত হইল, তাহাতে সকলেই বিশ্বাস্ত পারিতেছেন যে, হজরত ঈসা আমাদের ধর্মপ্রচারকের আবির্ভাবের কথাই বলিয়া গিয়াছেন ।

অষ্টম ।

“And behold., I send the promise of my Father upon you ; but tarry ye in the city of Jerusalem until ye be endued with power from on high” (Luke xxiv. 49).

অর্থ—‘এবং দেখ, আমার পিতা যাহা প্রতিজ্ঞা করিয়াছেন, তাহা আমি তোমাদের নিকট পাঠাইয়া দিব, অতএব তোমরা যাবৎ উর্ক হইতে প্রত্যাবরণে সজ্জা পরিহিত না হও. তাবৎ জেরুশালেম নগরে বসিয়া থাক’ । (লুক ২৪ অধ্যায় ৪৯ শ্লোক)

হজরত ঈসা তাঁহার শিষ্যগণের নিকটে পবিত্রাত্মা পাঠাইয়া দিবেন বলিয়া প্রতিশ্রুত হইয়াছিলেন, উপরোক্ত শ্লোকটির এই অর্থ বুঝিলে সম্পূর্ণ ভুল হয় । যেহেতু শিষ্যগণের জেরুশালেমে বাসের উপর পবিত্রাত্মা আসিবার কোন সম্বন্ধ নির্ভর করে না, অধিকন্তু পরস্পরের উপর পরস্পরের কোন সম্বন্ধই নাই । যদি শিষ্যগণ জেরুশালেম হইতে অন্তত্ৰ গমন করিতেন, তাহা হইলে পবিত্রাত্মা তাঁহার নিকট সেইরূপই স্বাধীনভাবে অবতীর্ণ হইতেন, যেরূপ জেরুশালেমে অবস্থানকালে আসিতে পারিতেন । “তোমরা জেরুশালেমে অপেক্ষা কর,” ইহার অর্থ ইহা নয় যে, জেরুশালেম নগরের সীমার বাহিরে যাইও না কিম্বা তোমরা ক্রমাগত জেরুশালেমে বাস কর । যেহেতু তাঁহাদের জেরুশালেমের মধ্যে ও বাহিরে বাস করা সম্বন্ধে পবিত্রাত্মার আগমনের কোন সম্বন্ধ নাই ।

উপরোক্ত শ্লোকটিতে হজরত ঈসার মনের ভাব এই ছিল যে, তাঁহারা যেন পূর্বের আশ্রয় জেরুশালেমকে সম্মান করেন এবং তদভিমুখে নামাজ পড়েন, যত দিন পর্য্যন্ত “আমার পিতা যাহা প্রতিজ্ঞা করিয়াছেন, তাহা আমি তোমাদের নিকট পাঠাইয়া দিব, এবং যাবৎ তোমরা উর্ক হইতে প্রত্যাবরণে সজ্জা পরিহিত না হও” ।

উপরোক্ত ভবিষ্যদ্বাণী আমাদের ধর্মপ্রচারক হজরত মহম্মদের দ্বারা পূর্ণ হইয়াছে । কারণ তাঁহার আগমনে জেরুশালেমের সম্মান কাবার অর্পিত হইয়াছে ।

নবম ।

“And he confessed, and denied not ; but confessed. I am not the Christ. And they asked him, What then ? Art thou Elias ? And he saith, I am not. Art thou that prophet ? And he answered, No. Then said they unto him, Who art thou ? that we may give an answer to them that sent us. What sayest thou of thyself ? He said, I am the voice of one crying in the wilderness, make straight the way of the Lord, as said the prophet. Esaias. And they which were sent were of the Pharisees. And they asked him, and said unto him, why baptizest thou then, if thou be not that Christ nor Elias, neither that prophet ?” (John. i 20-25.)


অর্থ—“এবং সে তৎকালে অস্বীকার না করিয়া স্বীকার করিল, কিন্তু স্বীকার করিল, আমি ঈসা নহি । এবং তখন তাহারা জিজ্ঞাসা করিল, তবে আপনি কে ? কি এলিয়াস ? সে কহিল, না । তবে আপনি কি সেই ভাববাদী ? সে উত্তর করিল, না । তখন তাহারা কহিল, তবে আপনি কে ? যাহারা আমাদের পাঠাইয়াছে, তাহাদিগকে কি উত্তর দিব ? আপনার বিষয় আপনি কি বলেন ? সে কহিল, বিশায়াহ ভাববাদী যেমন কহিয়াছিলেন, তদ্রূপ আমি ‘প্রান্তরে এই বাক্য প্রচারক এক জনের বাক্য, তোমরা প্রকুর পথ সোজা কর ।’ যাহারা প্রেরিত, তাহারা ফরীশ লোক । তখন তাহারা তাহাকে জিজ্ঞাসা করিল, আপনি যদি ঈসা নন, এবং এলিয়াস নন, ‘এবং সেই ভাববাদীও নন, তবে ব্যাপ্টাইজ করিতেছেন কেন ?’ (যোহন ১ অধ্যায় ২০-২৫) ।

উপরোক্ত শ্লোকগুলিতে তিন জন ধর্মপ্রচারকের বিষয় উল্লিখিত হইয়াছে, যথা এলিয়াস, ঈসা ও “সেই ভাববাদী” । মুসারীগণের বিশ্বাস

যে, হজরত এলিয়াসের মৃত্যু হয় নাই, তিনি কেবল মানবদৃষ্টির বহির্ভূত
 রহিয়াছেন ; এবং হজরত ইসার সম্বন্ধে তাহাদের বিশ্বাস ছিল যে, তিনি
 আসিবেন । তাহা হইলে উপরোক্ত শ্লোকগুলিতে প্রতিপন্ন হইতেছে যে,
 তাহারা হজরত ইসা ভিন্ন আর একজন ধর্ম প্রচারকের অপেক্ষা করিত,
 সেই ধর্ম প্রচারক এত বিখ্যাত ছিলেন যে, কেবল “সেই ভাববাদী”
 বলিলেই যথেষ্ট হইত, তাহার আর নামোল্লেখের আবশ্যক হইত না । যে
 সুবিখ্যাত ধর্ম প্রচারকের আগমনের সম্বন্ধে খোদাতালা হজরত মুসাকে
 বলিয়াছিলেন, “আমি উহাদের কারণ উহাদের ভ্রাতৃগণের মধ্য হইতে
 তোমার সদৃশ এক ভাববাদীকে উৎপন্ন করিব”; তাহার সম্বন্ধে হজরত
 সোলেমান বলিয়াছিলেন, “আমার প্রিয়তম শ্বেত ও রক্তবর্ণ, * * তিনি
 সর্বতোভাবে মনোহর (the praised—মহম্মদ) ; এই আমার
 প্রিয়, এই আমার সখা * ; তাহার সম্বন্ধে হজরত হুগর বলিয়াছেন,
 “সর্বজাতের মনোরঞ্জকপাত্র (the praise—আমদ) আদিবে ।” অত-
 এব এক্ষণে নিঃসংশয়িতরূপে প্রতিপন্ন হইল যে, সেই সুবিখ্যাত ও সর্বা-
 পেক্ষা প্রধান ও মগীমান্ এবং শেষ ধর্ম প্রচারকই আমাদের প্রভু হজরত
 মহম্মদ মোস্তফা সল্লাল্লাহু আলায়হে ওসাল্লাম । আমিন্ ।

সমাপ্ত ।





অশুদ্ধি সংশোধন ।

পৃষ্ঠা	পংক্তি	অশুদ্ধ	শুদ্ধ
৩১৪	২	ইহা শুনিয়া আসেম বলিলেন, “হজরতও এই সংবাদ জেরিবিলের নিকট অবগত হইয়া- ছেন।”	ইহা শুনিয়া আসেম এই বলিয়া খোদাতালার নিকট প্রার্থনা করি- লেন, “হে দয়াময় ! আমাদের এই দুর্বস্থার বিষয় হজরতকে অবগত করান।”
৫৮২	৯	একগে হজরত	এবনে

বিশেষ দ্রষ্টব্য।

আমাদের পয়গম্বর সাহেবের নাম উচ্চারণ করার পরই দরুদ শরিফ পাঠ করা প্রত্যেক মুসলমান ভ্রাতার অবশ্য কর্তব্য। তাই অনুরোধ যে, এই গ্রন্থের যে যে স্থানে তাঁহার নাম লিখিত হইয়াছে, সেই সেই স্থান পাঠ কালে তাঁহার নাম উচ্চারণ করার পরই প্রত্যেক মুসলমান ভ্রাতা দরুদ শরিফ পাঠ করিবেন।

গ্রন্থকার।

অয়কিয়া—ওজন বিশেষ।

মেস্কাল—ওজন বিশেষ।

দেহহাম—আমাদের দেশের প্রায় আট আনার সমান।

